







D E  
MOTV ANIMALIVM  
IO. ALPHONSI BORELLI  
NEAPOLITANI

MATHESEOS PROFESSORIS

*Opus Posthumum.*

P A R S P R I M A.




R O M A E,  
Ex Typographia Angeli Bernabò. M. DC. LXXX.  
SUPERIORVM PERMISSV.

*Congregazione S. Caroli*

*Imprimatur,*

**Si videbitur Reuerendissimo Patri Magistro Sacri Palatij  
Apostolici.**

*I. de Ang. Archiep. Vrbini. Vicesg.*



*Imprimatur,*

**Fr. Raymundus Capisuccus Sac. Palatij Apost. Magister  
Ordinis Prædicatorum.**

# CHRISTINAE REGINAE AVGVSTAE

IO: ALPHONSVS BORELLVS

ACADEMICVS REGINAE S. & F.



OTVM, perspectūque est, DOMINA, homines insatiabile sciendi desiderium habere, & ideò in admirationem operum, & machinarum summo artificio elaboratarum Naturæ instinctu facilè trahi, & impelli videmus. Præterea eorundem admirabilium operum Authores adeò grata Indoles hominum semper venerata est, laudibus extulit, & summo perè dilexit, vt diuinos honores eis tribuerit.

Hisce stimulis, seu seminibus, vel potius scintillis inaccessibilis illius ætherei splendoris, in animis hominum insitis, dignata est summa Bonitas se ipsam nobis ostendere, ad se vocare, & allicere. Hoc autem præstitit, exponendo in propatulo thesauros suæ infinitæ Sapientiæ in hoc Codice aperto Cæli, & Terræ, omniumque creaturarum visibilium, & præci-



puè in compendiariorum codice fabricæ Animalium, & Hominum, quibus veluti gradibus per ea, quæ facta sunt, inuisibilia Dei intellecta conspiciuntur, & quæ insuper perpetuo hymno enarrant gloriam Dei, & annunciant summam præstantiam, & inenarrabilem excellentiam, & bonitatem Creatoris. Et hæc miracula præcipuè in paruo libro fabricæ Animalium elucent, quorum contemplationem aggredimur.

Verum, quia ad inspectionem, & lectionem huius diuini Libri, licet omnes homines sint vocati, & nemo ab eius contemplatione excludatur, attamen non omnibus datum est introire in eius Sacrarium, scilicet non cuique licet legere, & percipere arcanas sententias, quæ in viuis characteribus illius Codicis exaratae sunt, quandoquidem indefessum studium doctissimorum Virorum, qui usque ad nostra tempora floruerunt, tantummodò adinuenit, & ostendit partes Animalium componentes, & quàmplurimos earum usus. At, quod magis arcanum, & diuinum in eis existit, adhuc adnotatum, & perspectum non fuisse constat. Quod contingit, quia simplices Anatomici, & vulgares Philosophi non sunt valdè solliciti, nec curant, ut



idioma illud percipiant, quo suos conceptus Author Naturę scribere in hoc Codice sensibili Solet. Tale, inquam, idioma, & characteres, quibus Creator Rerum loquitur in suis operibus, sunt Geometricę Configurationes, & Demonstrationes: quod præclarè diuinus Plato expressit: qui quærenti, quid ageret DEVS, respondit Γεωμετρεῖν τ' Θέω, nempe exercere Geometriam Deum; quæ præclarissima sententia egregiè à Viris doctis interpretata, videtur accommodari posse nostro instituto.

Cùm enim Animalia corpora sint, & eorum vitales operationes, aut sint motus, aut non sine motu peragi queant, sintque corpora, & motus, subiectum Mathematicę, erit talis scientifica contemplatio prorsus Geometrica. Pariterq; animalium operationes fiunt à causis, & instrumentis, & rationibus mechanicis, nempe librâ, vecte, trochlea, tympano, cuneo, coclea, &c. Cùmque scientifica cognitio harum sit prorsus Geometrica, verum erit, quòd Deus in constructione organorum Animalium Geometriam exercet, & nos in earum perceptione Geometria indigemus, quę est vnica, & adaptata scientia, vt legi possit, & percipi Codex diuinus in Animalibus conscriptus,

Tu verò, DOMINA, postquam ingenij  
acumine, & assiduo studio mentem scientia-  
rum thesauris ditasti, etiam tenes

*Edita doctrina sapientum templa serena,*

*Despicere unde queas alios, passimque videre*

*Errare.*

*Lucr. l. 2.*

Voluisti, me ( licèt indigno ) facem præferen-  
te, & indicante, Sacrarium diuini voluminis  
oculis nostris expositi introspicere ; nempè  
voluisti Γεωμετρίαν τήν Χριστιανήν, & Geometriam  
speculari, quam Diuina manus delineauit in  
Mundo sensibili, & animali, quæ declarat Di-  
uini authoris existentiam, præstantiam, & bo-  
nitatem, Si postea mihi licuit percipere mini-  
mam aliquam partem illarum rationum Geo-  
metricarum, quæ expressæ sunt à Diuina Sa-  
pientia in structura, & operationibus Anima-  
lium, agnoscere debet literaria Respublica  
à benefica, & Heroica manu TVA, Cuius ego  
cum meis lucubrationibus sum obsequentis-  
simus cliens, & seruus. Vale. Romæ ex Ædibus  
Scholarum Piarum S. Pantaleonis Kal. Decem-  
bris 1679.

# CAROLVS IO. A IESV CLERICORVM REGVLARIVM

Pauperum Matris Dei Scholarum Piarum  
Præpositus Generalis .

*Beneuolo Lectori Salutem .*



**P**RODIT tandem in publicam Literarię  
Reipublicę lucem tot annis expectatus  
IOANNIS ALPHONSI BORELLI  
DE MOTV ANIMALIVM Liber ,  
id vnum infelix , quòd neque Geni-  
toris oculos potuit exhilarare , ne-  
que ab eiusdem manibus supremam  
vicissim limam excipere , quæ quan-  
tum perfectionis , & cultus operi conferat , vix est , quem  
ignorare credam : Habet verò , & quod lætetur , & quod  
ad inuidiam vsque suppletum Virtuti debeat ; Posthu-  
musenim fatus Faustissima REGINAE CHRISTINAE,  
Tutelarıs Literatorum Numinis , sortitus est Auspicia ,  
Quæ sicuti tanta complexa est Authorem benignita-  
te , vt largis stipendijs , & prouentibus egenam eius  
fortunam voluerit subleuare , ita & in eiusdem opus ,  
veluti ingenij hæredem Regia Munificentia se transfu-  
dit . Cùm verò nostri Matheſis studiosi , quibus erudien-  
dis biennio Author elaborauit , partim rescribendo , par-  
tim differendo , partim lateres , & arenam , vt aiunt , operi  
afferendo , Præceptoris mentem plenè perceperint , ne ,  
quæ vel adhuc non expolita , vel in Figurarum tabulis  
non expressa , vel in schedulis hac , illac dispersis , addita ,  
mutatave , nouellos aliorum fallerent oculos , nostræ fidei  
( quam & ille hæreditario iure obſtrinxerat ) concedere  
non est dedignata .



Tribus itaque Personarum generibus satis nos facere intendimus, Authori, tanti laboris fructū, quem immortale prorsus nomen subsequetur, comparando; REGINAE CLEMENTISSIMAE, Eius in Authorem Munificentiae, & Amoris in Virtutem testimonium exhibendo; & Literariae tandem Reipublicae, tam luculentum doctrinae Thesaurum, in quo Mechanicū Naturae in Animalium corporibus efformandis, tuendisque opificium, vsque adhuc reconditum deprehenditur, offerendo, vt vel discendi, vel noua alia speculandi latissimus campus aperiatur. Boni igitur consule, bone lector, & Nobis, quam gloriam plures ex remotioribus Orbis partibus Academiae afflictim cupiere, concessam gratulare. Plures inquam, & Hollandiae, & Galliae, & Italiae Vniuersitates vehementissimè ab Authore opus postularunt, proprijs impensis se se edituras pollicitae, quas tamen omnes Augustissimo CHRISTINAE Nomini prudens posthabuit Borellus, & à Cuius Humanissima MAIESTATE tantum sibi honoris conferri sentiebat, Gratum EI veluti sui Animi Monumentum, id Opus, Aere quidem perennius, stare iussit.

De Authore hic, & de eius in hoc opere mente forent quaedam fortassè praemittenda; At cum mentem, & Institutum in Proaemio ipse satis expresserit, parcendum autumo. De Authore verò quid dicam, cum praclarissima eum Virtus toto Orbe fecerit clarum? Neapolis florentissima Italiae Vrbs, & recentium semper Heroum Armis, literis, omniq. Virtutum genere coruscantiū fecundissima Parens Io: Alphonsus eorum albo addidisse gestit die 28. Ianuarij 1608. Michael Alonso, & Laura Genitoribus, in Arcis munitissimae, quam Castrum Nouū appellant, praesidio, Inuictissimo Hispaniarū Regi PHILIPPO III. merentibus. Vitā Philosophiae, & Mathematicae studijs ad primas vbique Cathedras vocatus, Florentinam praefertim, & Pisanam, vbi à Serenissimis illis Principibus perhumanissimè semper habitus, consumpsit, varia ijs de rebus edidit, vt de causis febrium malignarum etrusco sermone anno 1649.

Eucli-



Euclidem restitutum anno 1658. qui tertiam huc usque  
litteram vidit, & semper politiore, & nouissimam præfer-  
tim, quam Alexander Falconerius elegantissimæ In-  
dolis Adolefcens, & qui vnâ cum tota sua nobili fa-  
milia in Borellium Præceptorem singulari ferebatur be-  
neuolentia, superiori anno suis impensis comparauit.  
Apollonij Pergæi Conicorum v. vi. & vii. libros anno  
1661. Theoricæ Mediceorum planetarum 1666. De vi  
percussionis 1667. Historiam, & Meteoro-logiam Incendij  
Aetnæi anni 1669. subsequenti 1670. Quando etiam Tra-  
ctatum de motionibus naturalibus à gravitate pendentibus.  
In singulis & sapientia, & perspicuitate se sibi æqua-  
lem præferens. Extremis deindè annis Romæ in benefi-  
cam suam à REGINA CHRISTINA cooptatus clientele  
in nostras Scholarum Piarum Sancti Pantaleonis pro-  
pè Agonalem plateam ad nostros Religiosos Alumnos  
Mathematicis imbuendos Aedes receptus (quo tempore  
Conica iisdem elucubratus Apollonij elementa, & Archi-  
medis opera 1679. cæteris addidit) biennio ferè ibi-  
dem genialiter vixit, veteris memor vicissitudinis, qua  
nostra cum Religione Florentiæ vsus, præsertim cum P.  
Francisco à S. Iosepho in Pisana Cathedra Mathesis Le-  
ctore, qui ad seculum reuersus Famianus Michelinus di-  
ctus est, opusque de Fluminū directione publicauit; & cum  
P. Angelo à S. Dominico, qui ibidem Galilei clarissimi  
viri Auditor fuit, & adhuc inter viuos Religiosa probita-  
te Sapientes canos honestat, cumque alijs pluribus; Tam-  
que raro modestiæ, sobrietatis, & æquanimittatis exem-  
plo inter nos agebat, vt Socratem, Platonem, vel  
quempiam alium ex priscis illis sectarum Institutoribus  
spirare videretur, nisi quòd Catholicæ fidei adderet de-  
cus, in qua purissimum se semper exhibuit, adeo vt, cum  
in Astronomia edocenda, de sistematibus oriretur sermo,  
quicquid alij dixerint, inquit, omittendum: Ita Sancta  
docet Ecclesia, ita credendum, idque certum in illius ob-  
sequi-

sequium habendum. Eius quoque pietas in pluribus elucebat; quotidie enim Sacris intererat, Sanctissima Pœnitentiæ, & Eucharistiæ Sacramenta frequenter suscipiebat, P. Magistro Iacobo Riccio à Dominicana familia, Sacræque Indicis Congregationis Secretario à Confessionibus adhibito, quem vnâ cum eius Germano fratre Michaelæ Angelo Sacræ Indulgentiarum, & Reliquiarum Congregationis pariter Secretario, vt bina huius seculi, nedum Urbis luminaria vnice, & quoad scientias, & quoad mores suspiciebat. Antequam cubitum iret, sæpè à nostris visus, genibus ante lectum flexis, orationi, & precibus vacare. Paruulam B. Virginis imaginem à lecto nunquam amoueri passus, in ea plurimum venerationis, & fidei sese habere testatus; quæ pauca in hoc genere insinuare duxi; vt quàm felici nexu scientias catholica cum pietate coniungeret innotescat: quibus permotus argumentis dicere sæpe eius Auditoribus solebam, eum Præceptorem esse sortitos, qui non minùs exemplo Religiosus moribus esse posset, quam verbo doctrinæ.

Pleuritide tandem accensus, mortem sibi iam imminere cognoscens, Sacramentis omnibus piè, humiliterque petitis, munitus, alijsque catholicæ pietatis editis indicijs, decimo octauo morbi die, inter postremam occidentis anni 1679. & primam renascentis horam, nostris Religiosis de more astantibus, supremasque preces legentibus, quod maximo sibi solatio esse assererat, vitam absoluit, cuius corpus in nostra pariter Ecclesia, in qua sepulcrum delegit, & quod omni hereditate (quam etsi tenuissimam, vt eius amoris argumentum, maximam ducimus) pretiosius nobis est, conditum fuit.

Hæc habui Lector, quæ breuiter de Authore libarem, plura fortassè, vel nobis, vel alijs in altera huius libri parte dicturis, quæ dum prælo maturescit, priorem hanc degusta, & Vale. Romæ Idibus Augusti 1680.

# DE MOTV ANIMALIVM

IO: ALPHON. BORELLII.

## *Proæmium.*



*Aggredior arduam Physiologiam de motibus Animalium, quæ licet à plurimis antiquorum, & recentiorum tentata sit, nemo tamen, quòd sciam; tetigit, aut subodoratus est innumera problemata, præclara, & scitu iucunda, quæ in ea proponi, & disputari possunt, nec demonstrationibus mechanicis ea confirmare valuit, aut curavit.*

*Hanc igitur mihi operam suscepi, ut hac. Physices pars demonstrationibus Mathematicis ornata, & locupletata, non minùs, quàm Astronomia, inter Physico-Mathematicas partes recenseri posset; Quòd si mei conatus irriti omnino non extiterunt, saltem alij sagaciores, & doctiores, me stimulante, poterunt firmioribus ratiocinijs, & meliori methodo Scientiam hanc perficere, & locupletare.*

*Iam ut de opere, partitioneque eius, aliquid innuamus, post libros de vi percussionis, & de motibus Naturalibus à gravitate pendentibus, iam editos, qui præmitti debuerant, subsequitur opus principale de motibus Animalium, adducendo causas, & modos, quibus prædictæ motiones fieri possunt, ostendendo gradus, & proportionem facultatum mouentium, organa mechanica, quibus illi motus perficiuntur, & artificia, & rationes, propter quas ordinata à sapientissima natura fuerunt.*

*Diuidetur postea tractatus in duas partes; In prima copio-*



sè disceptabimus de motionibus conspicuis Animalium, nempe de externarum partium, & artuum flexionibus, extensionibus, & tandem de gressu, volatu, natatu, & eius annexis.

In secunda de causis motus musculorum, & motionibus internis, nempe humorum, qui per vasa, & viscera Animalium fiunt; Et quoad primum, procedemus non iuxta ordinem rerum, sed secundum doctrina clarioris exigentiam, inquirendo musculorum fabricam, & demonstrando, quanta vi motiua partes Animalis, & quibus organis mechanicis agitantur; Postea exponemus muscoli modum operandi; Deinceps, de vi motiua per nervos diffusa, à qua muscoli agitantur. Deinde agemus de motionibus internis, qui ab imperio voluntatis non dependent, de pulsatione cordis, & sanguinis circuitu, de respirationis usu, eius modis, & organis, quibus exercetur; De spiritibus, seu succis nerveis, motum, & sensationem ministrantibus, & nutritioni inseruiantibus; de eorum motione, & actione loco motiua, de necessitate comestionis, & causis coctionis, digestionis ciborum; de chilo depuratione, & modo, quo nutritio efficitur, & excrementa per poros, glandulas, renes, rejciuntur; de circulatione bilis in abdomine; de seminis genitalis aliquali circuitu; de somno, & vigilia; & tandem de aliquibus motionibus internis, perturbatis, & morbofis, nempe de conuulsione, lassitudine, & de motionibus febrilibus.

Interim, erudite lector, scias velim, me persæpe usurpasse voces voluntatis, imperij, & similium lato modo, quatenus brutis analogia, & similitudine quadam ab usu loquendi tribuuntur.



# PARS PRIMA.

## DE EXTERNIS ANIMALIVM MOTIONIBVS

Earumque Viribus.

*Quæ in Tractatu de Animalium motu  
supponi debent, enumerantur.*

### C A P V T I.



E motu locali animalium, vt methodicè differamus, recensendæ sunt omnes motionum species, quæ animalibus competunt, & primo notum est animal ab vno ad alium locum migrare transferendo vniuersam suâ molem ab vno ad aliû situm; & siquidem huiusmodi transitus fiat supra terram dicitur gressus, vel si eius transportatio efficiatur in aqua dicitur natatus; At si eiusdem translatio per aeream liquidam regionem fiat dicitur volatus; considerandæ quoque veniunt partium animalis variæ motiones, & transpositiones, quæ aut sunt externæ, vt manus, crurum, capitis &c. aut internæ viscerum, cordis, arteriarum, venarum, aut muscutorum, ossium, & aliarum partium huius generis. Vel tandem sunt fluxus, & motiones liquorum per cavitates, & per vasa animalis, vt sanguinis, & aliorum humorum; Vt igitur inquiramus facultates, instrumenta, & artificia, quibus natura primas illas motiones externas exequi-

A

tur,

tur, nonnulla supponendâ sunt, quæ sensus euidentiâ ostendit; Quod nempè principium, & causa effectiua motus animalium sit anima, nemo profectò ignorat, cum animantia per animam viuant, & durante vita motus in eis perseueret; Extincto verò animali, idest non ampliùs anima operante, machina animalis omninò iners, & immobilis relinquitur.

Quod multiplices, & plurimæ animalis motiones fiant electione, scèlè naturali appetitu quodam animalis; hoc quoque vt euidentiissimum ab omnibus admititur.

Manifestum quoque est cognitionem, & appetitum per se tantùm animalis partes non mouere, & impellere, sed opus habere instrumentis necessarijs, sine quibus motus effici nequeunt.

Distinguunt vulgò instrumenta motus, aliud enim actiuum esse volunt, aliud organicum, & merè passiuum. Instrumentum animæ actiuum vocari solet virtus, vel facultas loco motiua, hæc autem vulgò in spiritibus animalibus residere censetur.

Organum postea immediatum, quo animæ facultas motiua partes animalis mouet ex Aristotele spiritus tantummodò sunt, qui à corde per arterias in extremitates nerueas desinentes, & degenerantes effunduntur vsque ad flexuras eorundem articulorum, ossa mouent retrahendo ad se quoties articulus flectitur, vel impellendo ad extra quoties articulus extenditur; At hæc doctrina reiicitur à Galeno, & ab omnibus alijs, & ab ipsa sensus euidentiâ, qua constat musculos esse organa, & machinas, quibus facultas animæ motiua articulos, & partes animalis mouet.

Iam diù hoc confirmatum est, quia sectis per transversum

uersum musculis cessat omninò retractio illius articuli ; ad cuius confinium musculus alligatus fuerat, remanente interim illèsa actione eiusdem articuli , quæ ab alijs musculis ibidem desinentibus pendet .

Paritèr notum est musculum machinam esse per se inertem , & demortuam nisi adueniat forinsecus facultas motiua , quæ imperium afferat, eumque à sopore, & torpore excitet, atque ad motum impellat ; quia nimirum in somno , & quiete musculus v. g. cubiti licèt integer sit , & illèsus brachium non mouet , nisi ab appetitu impellatur ad actionem exercendam .

Sed quæsitum hætenus fuit , qua via , & quibus ductibus imperium animæ , & facultas motiua ad musculum deferatur ; hoc autem facilè sensus , & experientia patefecit ; cum enim forinsecus ad musculum ducantur arteriæ, venæ, & nerui, neque venis, neque arterijs hoc munus deberi , hac ratione maiores nostri euicerunt , ligata , vel resecta vena , aut arteria debuerat facultas motiua non deferri ad musculum , occluso vel ablato transitu , & via , & tamen obseruatum est musculum non minus suas motiones exercere, ac hætenus, quando prædicta vasa integra erant ; Vndè colligitur non transferri per venas, aut arterias motiuam facultatem ad musculum agitandum ; E' contra resecto , vel strictè ligato neruo , qui ad musculum aliquem terminatur , & inseritur, cessat omninò motus , & agitatio illius musculi , remanetque omninò iners , & vt cadauer immobilis ; Quare neruus est ductus , per quem facultas motiua , communicatur ad excitandum , mouendum , vel deferendum , vt sic dicam imperium appetitus musculo , vt moueri , & agitari queat ; Quid nam, verò per nervos ad musculum deferatur, an sit facultas

Cap. 2.  
musculi  
descriptio  
& usus :

incorporea , an aura , an flatus , an succus aliquis , an motio quædam , vel impulsus , vel quidpiam aliud , & qua ratione resistantiam ponderum ingentium superare valeat, videbimus suo loco : Modo sufficiat ex sensus euidentia hoc tantummodò colligere, quod per neruos deferitur imperium facultatis motiuæ animæ , sine quo motus voluntarius effici non potest .

*De musculi descriptione, & Usu.*

## C A P V T II.

**S**icuti in alijs scientijs Physico-mathematicis fieri solet, sic ex phænomenis veluti fundamentis hanc scientiam motus animalium exponere tentabimus ; & quia musculi sunt præcipua organa motus animalium , primò eorum structuram , partes , & euidentes operationes inspiciemus .

### P R O P O S . I.

*Musculi structura exponitur -*

Ponitur vulgò musculus pars organica , quæ constat ex tendine,membrana, carne, venis, arterijs, & neruis ; Tendo vt plurimum in principio , & fine musculi reperitur, qui nerueam consistentiam habere videtur, atque ossis ligamenti naturam participare ; vocaturque principium tendinosum caput musculi , finis verò cauda, & pars intermedia venter eius vocatur, qui carne muscu-  
losa repletur , hanc non constituere propriè musculum putant, sed commodam eius consistentiam efficere, replendo interstitia fibrarum , & quodammodò incru-  
stando,



stando, ne in commotione fibræ ipsæ lædantur, aut lacerentur; quod falsum esse puto. Verè enim intra membranam nerueam, aut tendinosam continentur plures fasciculi, qui formam prismaticam habent hexagonam, quadratam, aut triangularem: singuli verò fasciculi prismatici constantur ex pluribus filamentis, seù fibris tendinosis, quæ fibræ in vno quoque prismate sunt inter se parallelæ, & alligantur tenacissimo glutine, si non continuantur extremis tendonibus, aut membranis, & aliquando immediatè connectuntur ossibus, aut fibris carnosis.

Cap. 2.  
musculi  
descriptio  
& vsus.

Præterea iidem fasciculi alicubi inuestiuntur, & colligantur ab innumeris fibris transversalibus, vt in musculo elixato, & mox exiccato patet, quæ fibræ neruosæ membranas quasdam reticulares componere videntur vna cum vasis capillaribus sanguinem deferentibus, & asportantibus; Quodque fibræ illæ sint neruæ conijcitur ex earum consistentia tenaci, & duræ, quæ distractioni, & rupturæ resistit, dum apice acus discindere eas tentamus.

Insuper licèt fibræ musculosæ appareant rubicundæ, & sanguinæ, tamen omnes sunt albæ, & tinctura illa rubicunda ab affluxu cruoris pendet, à quo veluti spongiæ replentur, & perpetuò madefiunt. Hoc euincitur ex eo, quod si rubedo illa sanguinea aqua continenter effusa abluatur, remanent carneæ illæ fibræ candidissimæ similes omninò fibris tendinosis, quibus nedum colore albo assimilantur, sed præterea fortem, tenacemque consistentiam, non secus ac tendines, & nerui habent; resistunt enim validæ tractioni, vt videre est in musculo interno Gracili nuncupato, qui plusquam 80. libras sustinet absque fibrarum ruptura; Immo  
licet

Cap. 2.  
musculi  
descriptio  
& usus.

licet molles sint ipsæ fibræ, non tamen distrahuntur, sed spontè decurtantur.

Singulæ fibræ post elixationem inflantur, & microscopio inspectæ videntur esse cylindruli similes virgulis arborum, qui non videntur esse tubuli caui, vt sunt fistulæ arundineæ, sed conspiciuntur pleni substantia, seù medulla quadam, quæ debet esse spongiosa ad instar sambuci. Primò, quia quælibet virga mollis, quæ ab humore affuso inflatur, turget, & dirigitur, necessariò porosa erit, cum à granulis aqueis tamquam à cuneis repleatur, vt in fune madefacto patet.

Præterea id ipsum conijcitur ex eo, quod in musculis sanguine saturatis, & exiccatis, vt in perna conspiciuntur adiumento microscopij, in eius fibris guttulæ quædam sanguineæ, vel filamenta directæ, & transuersa inter se discreta ad instar lapidis prothiritis; hoc autem nequaquam fieri posse videtur, si interna fibrarum substantia spongiosa non esset.

Cæterum vasa, & nerui capillares fasciculos prismaticos colligantes subtiliores sunt, quam columnæ, seù fibrillæ musculosæ, quæ tamen crassitiem capilli muliebris non superant.

Tandem non videntur fieri ligaturæ transuersales in prismatis, seù fasciculis muscularibus, nisi laxæ; cum tendones, nerui, & membranæ nullam contractionem patiantur, quando musculosæ fibræ decurtantur, & agunt. Et hoc patet in viuorum anatome, & præcipuè in membrana diaphragmatis, quæ corrugatur, dum inclusæ fibræ musculosæ contrahuntur.

## PROPOS. II.

Musculum à carne non differre .

Cap. 2.  
musculi  
descriptio  
& vsus .

Reijci modo debet antiquorum error ; Distingunt enim musculum à carne , & putant musculum esse aggregatum ex fibris tendinosis ; at carnem esse , quid superadditum , & diuersum à fibris , scilicet esse tomentum villosum à sanguine incrustatum circumueftiens fibras illas tendinosas . Hoc probant tali argumento ; Quia in animalibus valdè extenuatis , aut fame enectis ipsi musculi fibrosi redduntur gracilissimi , & excarnes , & animalium sanorum musculi crassi , si bacillis conterantur , exprimantur , & abradantur , pariter in eis restant fibræ graciles non secùs , ac in extenuatis , & fame necatis .

At ni fallor hoc non euincit , carnem esse quid diuersum à fibris musculosis , quia siue extenuatæ sint fibræ , siue non , si pluries aqua diluantur , semper auxilio microscopij apparent albæ , & consimilis consistentiæ tendinosæ , nec tomentum vllum in eis apparet ; immo in ipsismet musculis carnosus , qui putant tomento illo carnosio incrustari , apparent ipsæ fibræ eiusdem consistentiæ , & eadem figura columnari efformatæ , eodem modo ac in musculis aqua dilutis ; vt videre est in musculis elixatis , aut sale conditis .

Verum tamen est , quod gracilitas , & subtilitas illa fibrarum in extenuatis aut compressis pendere potest ex defectu succi nutriti , qui porositates fibrarum replebat , vt in spongijs arefactis , & in folijs arborum exiccatis contingit , in quibus non deficit tomentum , sed solummodò succus , qui priùs cauitates spongiosas replebat ;

Cap. 2.  
musculi  
descriptio  
& usus.

plebat ; Vndè colligitur , quod fibræ musculorum , & caro idem sunt .

Aduertendum tamen est , quod fibræ musculosæ differunt à fibris tendinum , & membranarum ; quatenus illæ spongiosæ sunt , & semper humectantur à sanguine , à succo nerueo , & lymphatico secus , quam istæ ; Differunt quoque structura , & diuersissimo operandi modo , & energia , vt suo loco exponemus .

### P R O P O S . III.

Species musculorum recensentur .

Vltimo loco recenseri debent species diuersæ musculorum , & quæ nam partes agunt , & quomodo , & per quas directiones ; & primo aduerto , quod duæ species musculorum dantur , aliqui componuntur ex fasciculis filorum carneorum , qui constituunt prisma rectangulum , vt <sup>a</sup> in prima figura tabulæ primæ , & hi vocari possunt prismatici directi .

tab. 1.

a Fig. 1.

Alij constituunt prisma obliquangulum , vt <sup>b</sup> in secunda figura , & hi vocari possunt rhomboidales .

tab. 1.

b Fig. 2.

Alij habent fibras decussatas compositas ex duobus rhomboidalibus , vt <sup>c</sup> in tertia figura , & vocari possunt decussati .

tab. 1.

c Fig. 3.

Alij constant ex duobus fasciculis rhomboidalibus non decussatis , vt <sup>d</sup> in quarta figura , & vocantur peniniformes .

tab. 1.

d Fig. 4.

Alij constant ex fibris orbiculariter sparsis , & vocantur radiofi .

Alij sunt rotundi similes annulis , & vocantur sphincteres circulares .

Alij



Alij constant ex fibris circumuolutis ad instar glomifili, & vocantur spirales orbiculares.

Cap. 2.  
musculi  
descriptio  
& vsus.

Vidi quoque in cauda gammari musculos contextos non ad instar telæ, sed compositos ex fasciculis fibrarum complicatarum, vt crines mulierum aptari solent.

#### PROPOS. IV.

Actio musculi est contractio.

In musculo videmus, quod solummodo filamenta carnosæ AB, CD, EF, & C earundem figurarum<sup>a</sup> decurtantur, quando musculus agit; tendines verò extremi BH, quibus fibræ carnosæ alligantur, non contrahuntur, sed retinent eandem longitudinem, quam priùs habebant; Hoc sensu patet in anatome viuorum.

a Tab. 1.  
Fig. 1. 2.  
3. 4.

Hinc sequitur, quod solæ fibræ carnosæ AB, CD, EF, GN, & C vim faciunt suspendendo ingentia pondera ab energia, qua contrahuntur. Tendines verò BH vim patiuntur, quatenus simplici motu locali trahuntur à filis carneis contractis, & illi inseruiunt, vt manubria, quibus fibræ alligantur.

#### PROPOS. V.

Censura structuræ musculi nuper euulgatæ, eiusque operandi modi.

Prodiit hisce postremis annis nouum cogitatum de musculi vera forma, & de eius mechanico operandi modo, circa quod amore veritatis nostram sententiam exponemus. Tab. 1. Fig. 5. 6. 7. & 8.

B

Suppo.

Cap. 2.  
musculi  
descriptio  
& usus.  
a Tab. 1.  
Fig. 5.

Supponunt, quod reperiantur in Animalibus musculi simplices rhomboidales, vt ABCD<sup>a</sup> cuius tendo AC alligatus sit ossi firmo EAC, vel affixus sit termino E; oppositus verò tendo BD æquidistet ipsi AC, & ab inuicem separati sint; postea adsint duæ potentia contrariæ, quarum vna sit pondus R trahens deorsum tendinem BD à B versus F, altera sit fibrarum vis contractiua, quæ agat trahendo obliquè sursum pondus R à B versus A, & à D versus C. Supponunt quoque, quod talis actio fiat tensione fibrarum absque additamento noui corporis, eo quod non obseruatur in eis inflatio, aut molis augmentum, nec diminutio. Tandem aiunt, quod quotiescumque in Prismate obliquangulo ABDC, cuius duo plana opposita AC, BD retineant eandem mensuram, & moles prædicti solidi non augeatur, nec minuat, sed solummodò fibræ obliquæ AB, CD decurtentur, necessariò prismatis ABDC obliquitas minuetur, & ad reëctitudinem AGHC magis accedet; proindèque angulus acutus BAC augebitur, vt est GAC; & ideò trahetur sursum pondus R.

Et hæc tota speculatio nititur tritæ illi propositioni Euclidis, quod duo prismata ABDC, & AGHC super eadem basi AC inter duo plana parallèla constituta sint inter se æqualia, & è conuerso. Ex qua sequitur, prædicta prismata æqualia non esse æquè longa, nec æquè crassa, vt nimirum illud quod magis obliquum est ABDC sit longius, & restrictius, quàm sit minùs obliquum AGHC; ideoque quò magis latera AB, CD decurtantur, eo magis crassities prismatis augetur. Videamus modo an ratiocinium Clar. Virorum cohæreat cum principijs assumptis, & cum experimentis. Quando fibræ prismaticæ AB, CD decurtantur, & coincidunt  
cum

cum AG, CH, tunc necessariò prismata fibrosa incrassantur, aliter spatium non implerent. Igitur fibræ musculorum contractæ crassiores fiunt, quod est contra eorum hypothesim.

Cap. 2.  
musculi  
descriptio  
& vsus.

Secundò omnes fibræ in musculo recto inter se parallele decurtantur. Ergo ne detur penetratio corporum inflari, & incrassari debent. Et sic crassities totius musculi augeri debet, quod pariter negabant.

Tertiò in musculo obliquo inter costali approximantur ad inuicem costæ, & simul omnes fibræ decurtantur, nec possunt earum interstitia ampliari cum potius obliquitas fibrarum augeatur. Ergo, moles integra musculi diminuetur, quod etiam negabant.

Tandem quod potissimum est in hoc negotio est ratio mechanica, per quam mediante organo vis musculi resistentiam mouet. Porro constitutio, & dispositio musculi, seu organi rhomboidalis videtur ineptissima ad eleuandum pondus R. Hoc planè demonstratiuè euinci facilè posset per ea, quæ deinceps exponenda sunt; sed nè perturbetur ordo doctrinalis, sufficiet sensatis experimentis negotium conficere.

Sumantur duæ regulæ lignæ AC, BD æquales, <sup>b</sup> & colligentur pluribus filis æqualibus AB, CD &c. & terminus virgæ A alligetur clauo fixo in E, & termino D applicetur pondus R. Videbis primò, quod destructa figura rhomboidali ABDC, virga BD vnitur, & ducitur ad contactum regulæ AC, vt ex eis conficiatur vnica recta linea AC, DR perpendicularis ad horizontem.

b Tab. 1.  
Fig. 6.

Et si funiculorum interceptorum frequentia, & crassities impedierit contactū virgarum, consurget <sup>c</sup> rhomboides constrictus, & prolongatus, cuius diameter ADF

c Tab. 1.  
Fig. 7.



Cap. 2.  
musculi  
descriptio  
& usus.

d Tab. 1.  
Fig. 5.

obliquo motu excurreret ad situm perpendicularem ad horizontem. Idemque continget si fibræ AB, CD fuerint consistentes, flexibilesque, vt sunt virgulæ arborum; sed in hoc casu rhomboides maiorem amplitudinem retinebit. Videamus modo, an decurtando funiculos AB, CD, siue trahendo fursum, vel eos madefaciendo, subsequatur eleuatio funium vna cum pondere R appenso. Et obseruamus, <sup>d</sup> quod ad hoc vt impediatur adhæsiō, & vnio virgarum BD, & AC, & inclinatio totius rhomboidis oportet, vt à vinculis transuersis, vel à potentijs X, Z transuersæ trahentibus virga BD retineatur; & tunc contractis funiculis accedet BD versùs AC motu æquidistanti sibi ipsis; nec vnquam eleuabuntur funes circa centrum A versus AG, quamdiù virga BD trahitur deorsum à pondere R. Quare, mediante musculo rhomboidali simplici, vis motiua fibrarum subleuare non poterit resistentiam R.

e Tab. 1.  
Fig. 8.

Verum tamen est, quod in aliquo casu propositio verificari potest, <sup>e</sup> vt si fibræ alligatæ essent ossi firmo EAC, & latus rhomboidis BD retineretur in canali LF leuigato, & lubrico in columna excauato, tunc quidem à contractione fibrarum AB, GH, CD posset quidem trahi obliquè fursum tendo BD cum appenso pondere R. At hæc hypothesis locum non habet in animalibus, in quibus non reperiuntur tales muscoli simplices rhomboidalem formam habentes, quorum tendo, seu latus mobile BD excurrat intra canalem leuigatum: quare concludendum est, tales musculos simplices, nec reperiri in natura, nec agere eo modo, quo putant præclari illi Authores. Sed talis actio locum habere potest solummodò in aliquibus musculis compositis ex pluribus rhomboidalibus, vt suo loco expo-



exponemus; non verò in simplicibus illis musculis, qui vnicum rhombum constituunt, de quibus prædicti Authores expressis verbis loquuntur, & figuris exemplificant.

Cap. 2.  
musculi  
descriptio  
& vsus.

## PROPOS. VI.

Musculorum vera figura indicatur.

Tab. I. Fig. 9. 10. 11.

Quod dentur in animalibus muscoli columnares ex fibris inter se parallelis compositi, vt est ABDC, qui trahunt resistantiam R per eandem fibrarum directionem AB autopfia patet, præcipuè in lingua Pici, & in caudis Gammarorum, & in alijs pluribus.

Præterea quoque dantur muscoli rhomboidales simplices AB, DC, <sup>a</sup> quorum fibræ obliquæ AD, & CD annexæ offi TV trahunt ad se aliud os, vel tendinem RS, vt sunt muscoli abdominis, & intercostales, & alij, in quibus os RS resistens tractioni mouetur transversali, & sibi parallelo motu, accedendo versus os firmum TV; vbi notandum est, quod angulus VCD non efficitur minùs obtusus, sed è contra obtusa inclinatio augetur.

a Tab. I.  
Fig. 10.

Vltimo loco <sup>b</sup> dantur muscoli penniformes primò à Casserio Placentino, obseruati, & delineati. Hi quidem artificiosissimè formati sunt ob fines inferius exponendos; agunt verò fibræ obliquæ se contrahendo, & à tali obliqua tractione suspenditur pondus R appensum eodem modo, ac à binis, vel pluribus funiculis obliquè tractis pondus suspenditur, cuius vim, & modum operandi suo loco declarabimus.

b Tab. I.  
Fig. 11.

Cap. 2.  
musculi  
descriptio  
& vsus.

# PROPOS. VII.

Musculi duplicem vim exerceant propriam ;  
& instrumentalem .

Musculi postea duplicem vim exercere experientia constat , vna est propria fibrarum eius ab ipsa naturali structura fibrarum dependens , altera verò à causa extrinsecus adueniente , quæ vtitur musculis , & organis ad subleuanda ingentia pondera ; Videmus enim fibras , non esse omninò inertes , sed vim contractiuam aliquam habere ; Nam in cadaueribus paulò post mortem musculi truncati æquè se ipsos contrahunt , ac in viuentibus , in quibus aliundè absque vlllo laborioso conatu talis contractio exercetur , estque similis contractioni , quæ efficitur à fidibus citharæ tractis , & proindè pendet à structura machinularum , ex quibus fibræ componuntur .

Quod postea gradus talis virtutis motiuæ illarum machinularum sit exigua , patet ex breui contractione musculi post discissionem vnus oppositorum ligamentorum , vel post scissuram , vel amotionem Antagonistæ , quæ vis , si non superueniat vehementia conuulsiva , superari potest à pondere paucarum librarum .

Flexo articulo , quam maximè fieri potest musculus in caua illius parte positus latus remanet , & ideò nullam vim contractiuam exercere potest , & tunc musculus in situ connexo positus absque oppositione Antagonistæ suam vim integram exercere posset , & tamen videmus tam debilem esse , vt superare non valeat pondus , aut impedimentum ipsius articuli , quandoquidem eum spontè dirigere non valet ; hoc euincitur  
ex eo ,

ex eo, quod flexis totaliter cubitis, fibrijs, & reliquis articulis, perpendiculariter erectis supra horizontem, quando scilicet grauitas ossis, & articuli erecti non resistit flexioni, & tractioni, tunc vis contractiua propria musculorum, qui extensionibus articularum destinati sunt, dum carent impedimento Antagonistarum, deberet spontè agere, & exercere gradum suæ naturalis energiæ, articulum flectendo, siue non aduertentibus, siue nobis nolentibus; quod tamèn adeò falsum est, vt nullo sensu lassitudinis resistere valeamus actioni naturali, quæ machinæ fibrarum musculorum conantur se contrahere, nec præterea vllam lassitudinem percipimus ex continuata musculorum actione contra suos Antagonistas, vt nimirum tonica actione articulos in naturali dispositione retineant.

Præter exiguam debilemque contractionem fibrarum musculi, quam exercent contra suos Antagonistas, aliam validissimam contractionem voluntariam exercent, qua ingentia pondera suspendunt.

Hanc actionem nonnulli cum priore confundere videntur, cum sint prorsus diuersæ, ideò distinctionis gratia vocabo priorem actionem propriam fibræ, posteriore imperio voluntatis, seu appetitu factam vocabo vitalem actionem musculi.

*De gradu virtutis motiuæ vitalis musculorum  
secundum antiquos.*

### C A P V T III.

**C**Vm in hac prima parte operis quæratur, quanta sit vis motiua vitalis musculorum respectu resistentiæ;

Cap. 2.  
musculi  
descriptio  
& vsus:



Cap. 3.  
De Gradu  
virtutis  
motus vi-  
talis mu-  
sculorum  
secundum  
antiquos .

stentia; Videndum est, primo loco, quid nam prædecessores nostri circa tale subiectum tradiderunt.

### PROPOS. VIII.

Naturam ope machinæ musculi debili vi motiua ingentia pondera subleuare vulgò censetur.

Querenda iam est mensura, & quantitas illius virtutis, seu roboris musculorum vitalis, quo nedum brachium, aut crus, sed tota animalis machina, quantæ est, sustinetur, subleuatur, & impellitur ad tripudium usque, & insuper præter animalis molem satis per se grauem ingentia pondera baiulat, trahit, & impellit.

Hoc maximè negotium faceffit Aristoteli, qui musculos non agnouit, sed spiritus tantum confingit, qui articulos trahant, & impellant, & sanè vt ille perspicax animaduenterat, quam difficilè esset vastam molem Elephantis à tenui spiritu, sed flatu commoueri, agitari, & impelli posse. Occurrit difficultati dicendo, quod Natura non æquali vi, sed minimo, & exiguo robore articulos, & partes animalis commouet, hoc quidem consequi ait ope machinæ, qua factæ initio parvæ motiones, euadunt deinceps magnæ, & multiplices; sicuti ex parua, & facili remonis, & gubernaculi motione, magna proræ, & nauiis transportatio efficitur; Postea in quæstionibus mechanicis remonis naturam considerat, & ait ope vectis operationem suam exercere, in qua quidem mirum non est parua virtute immensa pondera moueri, & impelli posse; eodem exemplo vtitur Lucretius.

Et.



*Et manus una régít, quanto vis impete euntem  
Atque gubernaculum contorquet quòlibet unum  
& deinceps alia instrumenta adhibens ait  
Multaque per trocleas, & tympana pondere  
magno*

*Commouet, atque leui subſtollit machina niſu .*

Gaffendus quoque fatetur ope machinæ facultatem animalem magna pondera puſillis viribus mouere, ſed ambigit in animali veſtes, trocleas, & tympana reperiri poſſe, cum conſpiciantur tantummodò muſculi, qui potiùs funibus trochlearum aſſimilantur. Fingit tamen in muſculo inſtrumentum mechanicum compoſitum ex trochleis, & funibus, & vicem trochlearum ſupplere totidem corrugationes, & inuolucra, quibus fibræ muſculorum contorquentur, quando longitudo muſculi abbreviatur, & contrahitur, atque ex ijs fit quædam trochlearum ſeries, vt in poliſpaſtore, cuius propemodum vis eſt immenſa.

Galenus quoque tendinem eſſe quaſi veſtem ait, vnde parua virtute facultatis animalis magna pondera trahi, ac moueri poſſe cenſet.

Alij quoque idem aſſerunt, ſed alia ratione, quod muſculi ope machinæ, parua virtute ſpirituum magna pondera eleuent.

Hæc communis ſententia tantam veriſimilitudinem, & probabilitatem in ſe habere videtur, vt mirum non ſit à nemine, quod ſciam in dubium fuiſſe reuocatam. Quis enim tam ſtultus erit, vt machinam vnquam quaerat, vt magna vi puſillum pondus moueat, ſcilicet machinam, & artificium adhibeat, non vt compendium; ſed vt diſpendium virium patiatur; non ſecùs ac ſi quis pondus vnus libræ, quod immediatè abſque

Cap. 3.  
De Gradu  
virtutis  
motiue vi-  
talis mu-  
ſculorum  
ſecundum  
antiquos.

Cap. 3.  
De gradu  
virtutis  
motiue vi-  
talis mu-  
sculorum  
secundum  
antiquos.

vlla machina mouere, atque subleuare posset vi, & robore æquali vni libræ neglecto compendio quæreret vectes, trochleas, & alia organa, vt libram vnā subleuaret viribus decies, & centies maioribus. Et si hoc absurdum iure censetur, qui fieri poterit, vt Natura sapientissima, quæ vbique compendia, simplicitatem, & facilitatem quærit, tanta industria machinas in organis animalis elaborauerit, non vt parua virtute magna pondera, sed è contra immenso propemodum robore parua pondera moueat. Hoc quidem licet videatur monstrum, & contra communem sententiam, non diffiteor, me posse euidentissimè demonstrare, & petita prius venia, ostendere contrariæ sententiæ assertores allucinatos fuisse. Demonstrabo enim verè machinas in motionibus animalis adhiberi, & illas multiplices, & varias esse; Attamen non parua virtute magna pondera subleuari, sed è contra magna virtute, & robore facultatis animalis parua pondera substineri; ita vt multoties virtus motiua centies, & millies superet pondus ossium, & articulorum subleuatorum, & nunquam minor sit illis, & hoc erit præcipuum huius primæ partis subiectum, & materia.

*Theoremata utilia ad ostendendam immensitatem virtutis motiue musculorum.*

#### C A P V T IV.

#### PROPOS. IX.

Motus articulorum flexiuius sphericus est, vel circularis, aut in superficie conica circa centrum imaginarium factus. Tab. 2. Fig. 1. & 2.

In

**I**N omnibus inflexionibus articularum videndum prius, quomodo ossa moueantur, & quam figuram in motionibus constituent.

Cap. 4.  
Motus articu-  
lorum  
circularis  
&c.

Et primo dubitandum non est, quod ferè omnes motus partium animalis circulares sint, aut ex circularibus compositi; hoc autem satis patet ex eo, quod motus cuiuslibet ossis articulum constituentis fiat circa terminum alterius ossis, cum quo arculationem constituit, efficiturque terminus ille fulcimentum, super quod aliud os mouetur; & siquidem terminus illius ossis fuerit omninò quiescens, tunc motus alterius colligati ossis in eodem plano circumducti erit fermè circularis, si verò prædictum fulcimentum non sit fixum, sed vacillet<sup>a</sup> moueaturque, subsequitur motus articuli ossis reuoluti, non circularis, sed rectus, aut diuersimodè curuus; Circa primum patet, quod quiescente humero AE vlna, seu cubitas AB mouetur super commissuram, & fulcimentum A, ac proindè confurgit motus rotundus.

<sup>a</sup> Tab. 2.  
Fig. 1.

Sed licet articularum motus sint circulares, & rotundi, tamen conspicuum non est, vbinam centrum reuolutionis articularum, & ossium consistat, quare ratione assignari, & reperiri debet, si enim ossa articulos constituentia essent lineæ merè indiuisibiles, tunc quidem earum contactus esset punctum indiuisibile, quod quidem centri, & fulcimenti rationem haberet, sed cum ossa sint corpora dimensionem habentia, non æquè facillè possunt eorum extremitates in vno puncto coniungi, & articulari, vt nimirum reuoluantur circa prædictum punctum coniunctionis: posset quidem hoc effici, si terminus vnius ossis esset acuminatus ad instar coni, vel pyramidis, atque eius punctum verticis inhe-



Cap. 4.  
Motus articu-  
lorum  
circularis  
&c.

reret, & alligaretur in cauitate alterius ossis immobilis, & tunc punctum contactus foret fulcimentum, & centrum reuolutionis; at hoc esset valdè incommodum, & fragile; si enim extremitas cubiti in conicum apicem defineret, & hic in sinuosam conicam cauitatem amplio-rem in extremo humeri excauatam applicaretur, tunc quidem facilè contunderetur, & diffringeretur acuties illa eminens, nec posset articulatio tam firmiter colligari, quin hinc indè à puncto contactus vacillaret, & deuiaret; Igitur vt has incommoditates prouida, & sapientissima Natura euitaret, alia ratione articulationem machinata est facilem, tutam, stabilem, resistentem, & luxationibus minimè obnoxiam, quæ est huiusmodi; Efformauit vltimas extremitates ossium rotundas, quarum vnâ conuexam, alteram verò sinuosam, & concauam fecit, vt nimirum contactus non in puncto fieret, sed in superficie ampla, & sic contusio, & fractio vitatur, insuper facilius, & firmitus huiusmodi extremitates ossium possunt colligari absque luxationis periculo in motu vario, & multiplici; sed hic non apparet centrum reuolutionis, seu fulcimentum semidiametri circa quod circumducatur; Nam quodlibet punctum, in quo os mobile tangit, & fulcitur ab ossè immobili, non est punctum quiescens, & stabile, & idèò centrum reuolutionis esse non potest. Vt in articulatione ossis AB <sup>b</sup> sit sphaerula, vel cylindrica eminentia ADEF, è contra ossis GD extremitas EDC sit sinuosa, & excauata, quæ præcisè intra se recipiat, & amplectatur tuberculum extremum alterius ossis BA, tunc quidem in osse DG nullum punctum assignari potest quiescens, & stabile, sed quodlibet eorum in motu eiusdem ossis describit circuli periphæriam, suntque

b Tab. 2.  
Fig. 2.

hi



hi circuli inæquales, & proportionaliter crescentes, quo magis ad extremum ossis G accedunt, & fiunt omnes prædictæ reuolutiones necessario circa centrum, cum fiant circa terminum quiescens, qui sanè non in osse DG existit, sed in I medio sphæraulæ, aut cylindri ADF, ita vt si intelligatur recta linea eduçta ab extremo G penetrans intermedium tuberculum ADF, & transiens per centrum I dicti tuberculi, hæc quidem linea tota mouebitur, excepto vnico tantum eius puncto; hic ergo erit centrum, & fulcimentum, circa quod reuolutio semidiametri, & ossis efficitur, quare centrum & fulcimentum huius articulationis erit extra os mobile DG, nimirum in centro I tuberculi alterius ossis immobilis.

Cap. 4.  
Motus articulorum  
circularis.  
&c.

E' contra si os DG quiescat, & os BA circumduci debeat, eius centrum, & fulcimentum non existet in extremo contactu DC, sed in centro, seu puncto intermedio I ipsiusmet tuberculi; hinc deducitur, quod centrum, seu fulcimentum ossis humeri, vel fæmoris existit præcisè in medio illius tuberculi, qui in sinuosa cauitate scapulæ, vel coxæ immobilis infigitur, & colligatur, & hisce duobus articulis extremitas semidiametri mobilis, eiusque centrum est proeminens, & exprorectum; E' contra centrum semidiametri circumductionis cubiti existit extra cubitum in medio, nimirum tuberculi humeri quiescentis, cui ille alligatur, & circumuoluitur, & idem dicendum est de reliquis similibus articulationibus.

Notandum pariter est, quod motus articulorum aliquando sphærici sunt, aliquando in vno plano alicuius circuli, multoties in superficie conica existunt. Regula generalis esto, quotiescunque motus vnus ossis

vndè,

Cap. 4.  
Motus ar-  
ticulorum  
circularis  
&c.

vndèquaque fieri potest circa vnicum punctum fixum, tunc quidem motus sphæricus erit, scilicet ad dexteram, ad sinistram, sursum, deorsum, ante, & retro; quoties verò motus fieri debet circa duos polos; vel circa axem necessariò motus, & circumductio, aut in superficie plana circulari, aut in superficie conica efficietur. Primi exemplum erit motus humeri, cuius extremitas scapulæ alligata sphærica est; & globosa, in qua quidem propter sphæricitatem ipsius tuberculi quaquaversum flecti, & circumduci potest humerus, quia quaquaversum lineæ rectæ à centro tuberculi illius ad eius superficiem sunt æquales, & propterea æquè benè contactus vndèquaque fieri possunt à supercie sphæricæ ipsius tuberculi, & summa facilitate circumduci potest omni ex parte sphærule illa intra concentricam cavitationem scapulæ; non sic accidit in motu cubiti circa humerum, & in motu tibiæ circa genu, quia nimirum medium reuolutionis non est punctum, sed axis extensus inter duos polos cylindri; est enim infima extremitas humeri & fæmoris non sphærica, sed cylindrica aliquibus stirijs excavata, quæ sunt veluti totidem trochlex, quæ ad firmitatem faciunt, ne scilicet in motionibus luxationes contingant; In his verò cylindrulis necessariò motus fieri debent æquidistantes circulis eiusdem cylindri, non autem ad dexteram, vel ad sinistram versus polos eius, quod quidem pendet ex natura figuræ cylindricæ, in qua non datur punctum intermedium, quod æqualiter distet ab omnibus punctis superficie ipsius, nisi puncta sumantur in periphæria aliquius circuli æquidistantis basibus eiusdem cylindri; qui quidem circuli cum sint omnes inter se, & basibus paralleli, necessariò admittunt reuolutiones ossis, ulnæ, & tibiæ

tibiæ factas per circulos æquidistantes basibus dicti cylindri. Et siquidem directio ossis mobilis perpendicularis fuerit ad axem cylindri extremi humeri, vel fæmoris, tunc quidem circumductio vlnæ, & tibiæ fiet in plano illius circuli, qui perpendicularis est ad axem prædictum; si verò directio tibiæ angulos obliquos fecerit, cum prædicto axe cylindrico efficiet necessariò in reuolutione superficiem conicam, ad eas partes vergentem, ad quas angulus acutus efficitur.

Sed æquè iucunda est cognitio linearum, quæ ab extremitatibus articulorum describi possunt, quando fulcimenta non sunt fixa, sed variè agitantur; tunc enim lineæ rectæ, aut curvæ conicæ, vel irregulares describi possunt, de quibus eruditè, & eleganter alij scripserunt, à quibus petantur.

Cap. 4.  
Motus articulorum  
circularis  
&c.

*Musculus licet à determinato gradu virtutis moti-  
uæ maximo conatu contrahatur, tamen  
debiliorem, aut nullam vim effi-  
cere aliquando potest.*

## CAPVT V.

**N**Edum situs, & colligationes musculorum considerandæ sunt: sed & vires motiuæ eorundem, quæ licet ex sui natura vnus, & eiusdem gradus, & mensuræ censeantur, nihilominus fieri potest, vt minorem, aut nullam vim exercere valeant; non loquor de eius momento, quod ab alijs circumstantijs pendet, vt postea dicetur; sed de ipsamet virtute motiua, quæ dum verè, & realiter maximo conatu suas vires exercet; fieri potest nihilominus, vt nullam vim inferat, perindè



Cap. 5.  
Musculi  
adherentes  
cauitatibus  
articulorū  
inflexorum  
laxi redduntur.

perindè ac si virtute motiua omnino careret, quæ affertio licet absurda videatur, ostendetur tamen facili negotio.

# PROPOS. X.

Musculi adhærentes cauitatibus articulorum inflexorum laxi redduntur.

Tab.2. Fig.3. & 4.

Autopsia constat musculos rarò vnum articulum, sæpè duos intercipere, aliquando tres, quatuor, aut plures articulos comprehendere; supponantur iam duo articuli conflati ex tribus ossibus AB, BC, & CD, sintque duo extrema ossa flexibilia circa internodia B, C, ad easdem partes, & positis ossibus in directum vnus musculus AED alligatus sit in A, & D, arcuèque adhæreat internodijs mediantibus ligamentis, & fascijs membranosis; supponamus extrema ossa AB, & CD inflexa fuisse ad easdem partes non à vi motiua musculi AED, sed ab alia causâ externa, vt nimirum musculus nullam vim exerceat, scilicet non contrahatur, & a Tab. 2. acquirat situationem cauam FHEIG, a quia articuli Fig. 4. componuntur ex tribus regulis flexibilibus ad easdem partes circa internodia B, & C, & musculus FEG est veluti funis alligatus extremis terminis A, D, & post inflexionem licet musculus contiguus sit, & adhæreat internodijs B, C articulorum in parte caua, tamen linea per medium musculi extensa, quæ axis eius est, distat ab angulis B, & C duplici nomine, tum ob crassitiem prædicti musculi tum ob profunditatem centrorum B, C, intra corpulentiam ossium articulorum existentium. Cumque ab ijsdem terminis duæ lineæ ad eandem



eadem partes caux ABCD, & FHIG habeant eisdem terminos F, & G; ergo comprehensa FHIG minor est comprehendente ABCD, & erat musculi FEG naturalis longitudo æqualis lineis ABCD, ergo inflexis articulis musculus FHIG longior est interuallis FHIG, & idèò musculus laxus reddetur, scilicet minus tensus, quam in statu directo AED fuerat.

Cap. 5.  
Musculi  
adherentes  
cavitatibus  
articulorū  
inflexorum  
laxi red-  
duntur.

### PROPOS. XI.

Flexis articulis, musculi internis, cavitatibus eorum adhærentes debiliorem, aut nullam vim exercent.

Quia actio vitalis virtutis motiux musculorum tantummodo contractio est, & valdè exigua duorum digitorum, & rarò trium, vel quatuor, vt ex viuorum anatome constat. E' contra relaxatio musculorum ob nimiam articulorum flexionem est insignis, aliquando enim superat tres, vel quatuor digitos; Ergò valdè relaxatis musculis, scilicet retinentibus eandem mensuram longitudinis ossium, quibus adhærent ex parte caua articulorum, tunc contractio illa maxima, à vi motiua imperio voluntatis facta, non erit maior relaxatio eiusdem musculi ab articulorum flexione pendente: at tunc os, & pondus appensum minimè trahi poterit; Igitur vis illa, quæ imperio voluntatis musculum vehementissimè contrahere valet, nullam vim inferet ossi appenso, perindè ac si non traheretur, eo quod funis laxus ineptus est ad trahendum pondus ei alligatum; Ergo nullam operationem tractionis producet, perindè ac si nullam vim motiuam haberet.

Quod recta ratio suadet, id ipsum euidenti experientia

Cap. 5.  
Musculi  
adherentes  
cavitati-  
bus articu-  
lorum in-  
flexorum,  
laxi. red-  
duntur.

rientia comprobatur; constat ex anatome, musculos flexores digitorum alligatos esse in extremo tuberculo infimo humeri, & ab hoc principio extenduntur vsque ad extremos internos articulos digitorum, & median-  
tibus fascijs, & ligamentis adhærent omnibus internis articulis cubiti, carpi, primi, secundi, & tertij internodij digitorum: si inquam omnes prædicti articuli flexantur violenter, tunc ex proximè demonstratis, musculi prædicti non valdè decurtantur, & proindè laxi redduntur, & experientia constat digitos extremos exiguum, & debilem compressionem efficere super manus palmam, licet vehementi, & valida vi quis conetur palmam manus comprimere; id ipsum observatur in plurimis alijs musculis, vt suis locis adnotabimus, quare dubitandum non est de certitudine superioris propositionis.

*Præmittuntur lemmata mechanica utilia ad robur, seu momentum musculorum demonstrandum.*

## C A P V T VI.

**N**Edum ob musculi laxitatem vis eius motiua debilitatur, sed etiam alio potiori nomine alterationem patitur, ita vt eius momentum augeri, & diminui valdè possit; vtque perspicuè, & scientificè in hoc negotio procedamus, præmittenda sunt nonnulla lemmata.

PRO-

## P R O P O S. XII.

Cap. 6.  
Lemmata  
ad osten-  
dendam  
viam nu-  
sculorum.

In vecte nulla potentia quantumvis vasta, trahens per directionem extensam per centrum, seu fulcimentum sustinere poterit, quamcumque exiguam resistantiam in extremo vectis appensam. Tab. 2. Fig. 5.

Sit vectis AB, cuius centrum, seu fulcimentum C, suspendaturque quælibet exigua resistantia R ex termino vectis B, sitque postea quælibet immensa potentia D, quæ trahat vectem ex puncto C, scilicet linea recta tractionis EC transeat per dictum fulcimentum. Dico, quod momentum resistantiæ R maior erit momento trahentis potentiæ D, & ideò hæc resistantiam R non superabit, nec sustinebit; quoniam (ex elementis mæchanicis) proportio momenti resistantiæ R ad momentum potentiæ D, componitur ex ratione potentiæ absolutæ R ad potentiam absolutam D, & ex ratione longitudinis vectis BC ad indiuisibilem distantiam ipsius directionis EC à fulcimento, (quæ eadem est, quam ratio potentiæ D ad nihilum) quare momentum potentiæ R ad momentum potentiæ D eandem proportionem habebit, quam potentia absoluta R ad nihilum: Proindèque momentum resistantiæ R semper maius erit momento potentiæ trahentis D; & ideò resistantia R quamvis diminuta, & pusilla nunquam superabitur, nec suspendetur à quacumque grandi potentia D, quod demonstrandum fuerat.

## P R O P O S. XIII.

Si duæ potentiæ oppositæ eidem termino vectis applicentur, vna directè, altera verò obliquè trahens, &

D 2

habue.



Cap. 6.  
Lemmata  
ad osten-  
dendam  
vim mu-  
sculorum.

habuerint momenta æqualia : potentia absoluta obliquè trahens ad potentiam directè impellentem eandem proportionem habebit, quam radius, seu vectis longitudo ad distantiam directionis obliquæ à centro. Tab. 2. Fig. 6.

Sit vectis AB, cuius fulcimentum A, & termino eius B duæ potentia oppositæ C, & E applicentur æqualium momentorum, scilicet vna alteri non cedat, quarum C directè trahat, nempe directionis linea CB perpendicularis sit ad radium BA, potentia verò E obliquè trahat, idest eius linea directionis HB efficiat angulum acutum, vel obtusum ABH, cuius distantia à centro, scilicet perpendicularis ad lineam directionis sit AH. Dico quod absoluta potentia E ad absolutam potentiam C eandem proportionem habet, quam BA ad AH. Producatur recta AH, vt fiat GA æqualis BA, & in G applicetur potentia I æqualis ipsi C, cuius linea directionis GD perpendicularis sit ad radium GA; & quia potentia æquales C, & I in extremitatibus æqualium radiorum AB, & AG connexorum agunt per lineas directionum perpendiculares ad radios, erunt eorum momenta æqualia; & erat prius momentum E æquale momento ipsius C; Igitur momenta potentiarum I, & E æqualia inter se sunt; cumque in libra GAB inflexa radiorum æqualium, cuius centrum A, applicentur duæ potentia E, & I æqualium momentorum, quarum I directè trahit, E verò obliquè per directionem HB parallelam ipsi GD (amota scilicet, vel coercita potentia C) ergo, vt ostendimus in libro de vi percussionis <sup>a</sup> potentia absoluta E ad potentiam absolutam I, seu ad ei æqualem potentiam C eandem propor-

<sup>a</sup> Prop. 39.



proportionem habebit, quam AG, seu AB ad AH, quod erat ostendendum.

Cap. 6.  
Lemmatæ  
ad ostendendam  
vim musculorum,

## PROPOS. XIV.

Si duæ potentiaë oppositaë eidem termino libræ, seu vectis obliquè applicentur, & habuerint momenta æqualia, potentiaë absolutæ erunt reciprocaë, vt distantiaë directionum à centro. Tab. 2. Fig. 7.

Sit vectis AB, cuius fulcimentum, seu centrum revolutionis A, & termino B applicentur duæ potentiaë E, & D obliquè vectem trahentes per lineas directionum HB, & GB, sintque earundem potentiarum momenta æqualia inter se, nimirum vectis à contrarijs virtutibus tractus immobilis persistat, seu fiat potentiarum æquilibrium; & ducantur à centro A ad lineas directionum perpendiculares AH, & AG. Dico potentiam absolutam ipsius E ad potentiam absolutam D eandem proportionem habere, quam GA, ad AH. Producatur vectis BA, vt fiat AF æqualis AB, & à terminis BF pendeant duæ potentiaë C, K directæ seu perpendiculariter libram trahentes, quarum momenta æqualia sint momentis cuiuslibet potentiarum E, vel D; & quoniam termino B vectis AB applicantur duæ potentiaë æqualium momentorum E, & C (amotis vel coercitis interim potentijs D, & K) hæc directè illa obliquè trahens; <sup>a</sup> Ergo potentia absoluta E ad absolutam potentiam C, seu ad potentiam absolutam K erit vt AB ad AH. Rursum, quia in libra radiorum æqualium BAF applicantur duæ potentiaë æqualium momentorum K, & D, illa directè hæc obliquè trahens; <sup>b</sup> Ergo potentia absoluta K ad potentiam absolutam D eandem

a per antec. Prop.

b per eandem.

Cap. 6.  
Lemmata  
ad ostē-  
dendam  
vim mu-  
sculorum.

c Prop. 20.  
lib. 3. Eucl.  
rest. Auct.

eandem rationem habet, quam distantia directionis GA ad libræ radium AB, quapropter ex æqualitate perturbata<sup>c</sup> potentia absoluta E ad absolutam potentiam D eandem proportionem habebit, quam distantia GA ad AH, quod demonstrandum fuerat.

### PROPOS. XV.

Si duæ potentiaë oppositæ duobus punctis eiusdem vectis applicatæ habuerint æqualia momenta; earum absolutæ potentiaë eandem proportionem habebunt reciproce, quam distantiaë directionum à fulcimento. Tab. 2. Fig. 8.

Sit vectis AB, cuius fulcimentum B, & punctis A, & C sint applicatæ duæ contrariæ potentiaë H, & E, à quibus vectis in eodem situ retineatur, seu momenta earum sint æqualia; sintque lineæ directionum AH, & CF, atque à centro B ad directionum lineas ducantur penperdiculares, seu distantiaë BI, & BF. Dico potentiam absolutam E ad potentiam absolutam H reciproce eandem proportionem habere, quam perpendicularis BI ad perpendicularem BF. Applicentur punctis C, & A potentiaë D, & N contrariæ, quarum lineæ directionum AN, & CG perpendiculares sint ad vectem BCA, sitque tam momentum D, quam N æquale momento ipsius H, vel alterius E; patet, ex elementis mechanicis, potentiam absolutam D ad potentiam absolutam ipsius N eandem proportionem habere, quam AB ad BC; & termino C eiusdem vectis BC cuius centrum B, applicantur duæ potentiaë æqualium momentorum, D quidem directe, E verò oblique; Ergo a potentia absoluta E ad potentiam absolutam D

a Prop. 13.  
huius.

eandem

eandem proportionem habebit, quam BC ad BF; quare ex æquali perturbata potentia absoluta E ad potentiam absolutam N, eandem proportionem habebit, quam BA ad BF. Similiter potentia absoluta N directè trahens ad potentiam absolutam H, obliquè, siue directè trahentem radium AB, eandem rationem habet, quam distantia IB ad AB; Igitur ex æquali perturbata <sup>b</sup> potētia absoluta E ad potentiam absolutam N eandem proportionem habebit, quam distantia IB ad distantiam BF, quod erat ostendendum.

Cap. 6.  
Lemmata  
ad ostendendam,  
vim musculorum.

b Prop. 20.  
lib. 3. Eucl.  
rest. Auct.

### PROPOS. XVI.

Si duæ potentiæ oppositæ applicatæ duobus punctis extremis libræ inflexæ, cuius centrum in angulo inflexionis existat, habuerint æqualia momenta; earum absolutæ potentiæ eandem proportionem habebunt reciprocè, quam distantia directionum. Et è conuersò. Si iisdem manentibus, potentiæ sint reciprocae, vt distantia directionum, earum momenta erunt æqualia. Tab. 2. Fig. 9. & 10.

Sit libra, vel vectis quomodolibet inflexus ABC, cuius centrum B, & duæ potentiæ oppositæ H, & E per directionum lineas IA, & CD à punctis A, & C libram trahentes efficiant æquilibrium, seu habeant æqualia momenta; sintque perpendiculares ex centro B ad lineas directionum, ipsæ BI, & BF. Dico potentiam absolutam H ad potentiam absolutam E eandem proportionem habere reciprocè, quam BF ad BI. Producat CB in directum, vt fiat BN æqualis distantia BI, & in angulo recto BNL applicata potentia O æqualis sit ipsi H. Et quia duæ potentiæ æquales H, & O perpen-



perpendiculariter trahunt radios æquales  $BI$ , &  $BN$ , erit momentum potentiaë  $O$  æquale momento potentiaë  $H$ , sed ex hypothefi momentum potentiaë  $E$  æquale erat momento eiusdem potentiaë  $H$ . Ergo duæ potentiaë  $O$ , &  $E$  habent momenta æqualia, & ( amota, vel coercita potentia  $H$  ) applicantur terminis eiusdem libræ  $NC$ , cuius centrum  $B$ , suntque  $BF$ ,  $BN$  distantiaë directionum; Igitur potentia absoluta  $E$  ad potentiam absolutam  $O$ , seu ad ei æqualem potentiam absolutam  $H$  eandem proportionem habet reciprocè, quam  $BN$ , seu  $BI$  ad  $BF$ .

<sup>a</sup> Tab. 2.  
Fig. 10.

Secundò ijsdem positis <sup>a</sup> potentia absoluta  $E$  ad potentiam  $H$  eandem proportionem habeat, quam distantia  $BI$  ad  $BF$ . Dico momenta potentiarum  $E$ , &  $H$  æqualia esse inter se, facta eadem constructione, quia in libra imaginaria  $NBC$  potentia absoluta  $E$  ad potentiam  $O$ , seu ad ei æqualem potentiam absolutam  $H$ , eandem proportionem habet, quam  $NB$ , seu ei æqualis  $IB$  ad  $BF$ , ( quæ sunt distantiaë directionum ); Ergo momenta  $E$ , &  $O$  æqualia sunt inter se, sed momentum ipsius  $H$  æquale est momento potentiaë  $O$  ( cum potentiaë æquales perpendiculariter trahant radios æquales ); Ergo duo momenta potentiarum  $E$ , &  $H$  æqualia sunt inter se, quod erat &c.

*Tendines musculorum non in capitibus, & tuberculis ossium conuertibilium alligari debuerant, sed in eorundem ossium productionibus propè articulum, & directione obliqua ad eiusdem ossis longitudinem.*

## C A P V T VII.

His



**H**Is præmissis animaduerto, quod cum natura in omnibus suis operationibus admirabili sapiëntia & solertia, nunquam verò frustra operetur; nemo iure persuaderi poterit tendinosa ligamenta musculorū melius disponi potuisse, quam in ipsis animalibus alligata cernuntur; & quia videmus ligamenta musculorum nunquam in verticibus, seu terminis ossium articulorum alligari, sed aliquando in lateribus tuberculorum, & frequentius prope articulum affigi, erit operæ pretium naturæ necessitatem perscrutari, quare coacta fuerit tali musculorum dispositione uti, & quænam insignis utilitas ex tuberculis amplis in capitibus ossium constitutis subsequatur & primo.

Cap. 7.  
Colligationes  
tendinum in  
articulis  
confide-  
rantur.

#### PROPOS. XVII.

Si linea directionis, quæ musculus ossis articulum trahit per centrum tuberculi, seu per centrum reuolutionis articuli directè producat, non poterit musculus articulum resistentiam habentem flectere, neque in directum ipsum fixè retinere, si verò resistens non fuerit, nec pariter flectetur. Tab. 2. Fig. 11.

Sit os AB habens tuberculum rotundum AE, cuius centrum, seu fulcimentum C in medio tuberculi mobilis existat; sitque tuberculum intra alterius ossis GF cauitatem EFA insinuatam; Et musculus DE, cuius caput D affixum termino ossis G, eiusque finis tendinosus E alligatus sit termino E tuberculi AE, sitque talis tendo directè extensus versus centrum tuberculi C, ut DEC sit vna recta linea; sitque AB æquidistans horizonti; Dico quod potentia musculi licet vasta sit, numquā poterit flectere neque sustinere resistens pondus

E

dus

Cap. 7.  
Colliga-  
tiones Tē-  
dinum in  
articulis  
confide-  
rantur.

a Prop. 12  
huius.

musculus AB. quia musculi actio nil aliud est; quam mera contractio, & decurtatio sui ipsius; Ergo perinde aget musculus, ac si potentia ei æqualis, mediante fune DE, traheret os AB per directionem CED, à C versus D, & tunc, quia in horizontali vecte AB, cuius fulcrimentum C applicatur, resistentia, seu pondus articuli AB in centro gravitatis eius H impellens vectem deorsum perpendiculari directione HI, & potentia D applicatur in ipso met centro, seu fulcramento vectis, eumque trahit per directionem CED. Ergo <sup>a</sup> potentia musculi D licet immensa numquam superabit resistentiam ossis AB in H directè prementis, & proinde nondum articulum AB non flectet, sed insuper impedire non poterit descensum eius; unde sequitur eum directè, & fixè retinere non posse. Dirigantur postea ossa GFAB perpendiculariter ad horizontem, tunc directio propensionis ossis AB appensi à ligamentis, vel suffulti à cavitatè ossis FA non distat, sed incedit per centrum C, quare os AB non flectetur sponte in vecte nullius distantia, & aliundè musculus eidem centro applicatus nullum momentum exercet contra resistentiam ossis ab eo non sustentati; Ergo os AB non flectetur.

### PROPOS. XVIII.

Si musculi tendo affigatur ad superficiem lateralem capitis ossis, eiusque directio per eius centrum non transeat, articulus flecti poterit à potentia, quæ ad resistentiam maiorem proportionem habeat, quam distantia directionis resistentia ad distantiam directionis tendinis musculosi à centro eiusdem tuberculi ossis. Tab. 2. Fig. 12.

Mu-

Musculi tendo E sic affigatur ad latus tuberculi E, vt musculi directæ productio DEK non transeat per tuberculi centrum C, & à centro C ad musculi productionem DEK ducatur perpendicularis CK, & hæc erit distantia directionis musculi, seu potentiae trahentis à centro, sicuti CH erit distantia directionis propensionis resistentiae, scilicet ponderis articuli ab eodem centro. Dico iam, quod articulus AB flecti poterit à potentia musculum trahente, quæ ad resistentiam articuli maiorem proportionem habeat, quam distantia HC ad distantiam CK; Quia os solidum CAB flecti, & circumuolui potest circa centrum C à potentijs applicatis in E & H; Ergo efficitur vectis inflexus ECH, cuius fulcimentum C, proindeque vt superetur æquilibrium à potentia musculi trahente per directionem KED, scilicet vt vectis flecti possit, oportet vt potentia musculum trahens ad resistentiam articuli maiorem rationem habeat, quam huius distantia CH ad illius distantiam à centro CK; & hoc erat propositum.

Hic animaduertendum est, quod articulus AB, eo vsque flecti sursum, ac reuolui potest, quo vsque musculi directio DE per centrum C pertranseat, scilicet quousque angulus DEC extingatur, & duæ rectæ DE, & CE vnā rectā lineam constituent, & hoc constat ex duabus præcedentibus propositionibus.

## P R O P O S. XIX.

Si musculi tendinosi finis, aut vltra tuberculum in ossis productione in confinio tuberculi affigatur articuli reuolutio maior esse potest semicirculo Tab. 2.

Fig. 13.

E 2

Iisdem

Cap. 7.  
Colligationes tendinum in articulis considerantur.



Cap. 7.  
Colliga-  
tiones Tē-  
dinum in  
articulis  
confide-  
rantur.

Iisdem positis duo ossa BA, & GF, in ternè flectantur, vt ferè eorum longitudines sese mutuo tangerant, & tunc in confinio tuberculi, vel paulo ultra versus B affigatur tendo musculi DEK, vt in O, & circumducatur tendo OKE circa tuberculum ad instar funis circa trochleam, patet, quod prædictus funis tendinosus directus DE contingit rotunditatem tuberculi in vnico tantum puncto E, & sic radius CE erit distantia directionis musculi à centro. Deinceps perseverante tractione musculi, semper magis ac magis funis tendinosus dissoluitur, separaturque à tuberculo, ita vt contactus ab E progrediatur versus K, & à K versus O, semperque contactus tendinosi funiculi alicubi efficietur per integram periphæriam EKO, atque perpetuò distantia directionis musculi à centro C erit Semidiameter eiusdem tuberculi, & post contactum tendinis in puncto O prædicta distantia directionis minuitur: pro vt duæ rectæ DE, & CO angulum obtusorem constituent, quo vsque angularis illa inclinatio obsumatur. Quia verò funiculus tendinosus EKO ambire potest spatium tuberculi maius semicirculo; hinc fit vt articuli AB circumductio per spatium semicirculo maius effici queat, quandoquidem dum distantia directionis musculi à centro conseruatur eiusdem mensuræ, vel non omnino annihilatur, semper flexio, & articuli circumductio effici potest.

Si postea funis tendinosus musculi affigatur ultra confinium tuberculi O versus B, vt in M, tunc similiter funiculus tendinosus reuolutus circa tuberculum, veluti circa trochleam poterit reuoluere articulum ultra semicirculum, quando quidem non secus ac funiculus circa trochleam efficit contactum successiuum perse-

ueran-



uerante eadem distantia directionis eius à centro, quæ est semidiameter tuberculi; Sed in hoc differt hæc constitutio à præcedenti, quod tendinis distantia à centro augetur, quando duæ rectæ DE, & CM rectum angulum constituunt, scilicet quando funiculus tendinosus separatur à contactu tuberculi, & deinceps continuata reuolutione articuli, prædicta distantia denuo minuitur, quousque omnino extinguatur.

Cap. 7.  
Colligationes Tendinum in articulis considerantur.

Et hinc patet pulcherrimus vsus tuberculi ossis, præter enim firmitatem, & tutelam ne ossa diffringantur, luxenturque, vt supra insinuatum est, efficitur in tota articuli reuolutione contactus tendinis musculi cum superficie tuberculi, vnde semper tendo distat à centro tuberculi eodem interuallo semidiametri eius; vt videre est in musculo Deltoide, cuius tendinosa membrana, quæ finis eius est, alligatur ad confinium tuberculi supremi ossis humeri; Vnde fit, vt brachium subleuari, & circumduci possit vltra semicirculum permanente semper eadem distantia directionis musculi à centro tuberculi humeri. Non secus contingit in musculis gluteis fæmur reuoluentibus, & in alijs articulationibus animalis; Hinc fit, vt ratione vectis in hoc casu semper musculi vis trahens sit eiusdem roboris, & gradus.

#### PROPOS. XX.

Musculi tendo alligari non debuit versus terminum extremum ossis, sed prope articulationem eius. Tab. 2. Fig. 14.

Sint duo ossa AB, & GF coniuncta & articulata in AF, vt nimirum AB, circumduci possit circa C centrū arti-

Cap. 7.  
Colliga-  
tiones Tē-  
dinum in  
articulis  
confide-  
rantur.

articulationis; vt sunt duo ossa brachij; sitque muscu-  
lus DE alligatus termino fixo G humeri GF, illiusque  
finis affixus sit termino E ossis cubiti AB, qui circum-  
duci debet circa centrum articulationis C, describen-  
do circuli arcum BH; Dico quod Natura non potuit,  
nec debuit affigere finem tendinosum E propè extre-  
mitatem B ossis AB. Si enim fieri potest connexio E  
ponatur propè terminum B nempe prope carpum, &  
tunc tendo, & musculus DE vel est solutus, & sepa-  
rari potest ab articulo & ossibus DAB, vel fibula, aut  
fascia aliqua ibidem alligatur; si primum; Quia os  
AB flecti non potest, versus FG vsque ad situm AH,  
nisi trahatur à fune musculo DE se contrahendo, vt  
nimirum eius longitudo DE adeò decurtetur in situ  
DM, vt fiat minor octaua parte ipsius DE, quæ decur-  
ratio in brachio erit maior sexquipedem; hoc autem ne-  
dum incommodum, sed præterea esset impossibile. In-  
commodum quidem esset, quia latitudo & crassities  
brachij valdè excresceret ampliata secundum dimen-  
sionem CM æqualem CE: & proinde hoc nomine  
brachium esset æquè crassum ac est venter animalis,  
quæ monstruosa crassities impediret reliquas brachij,  
& animalis motiones; Deinde quia musculi structura  
exigit vt parum cōtrahi possit, nempe raro ultra duos  
vel tres digitos in latum; Ergo talis colligatio, quæ  
exigit contractionem musculi tam enormem, maio-  
rem scilicet sexquipedali, esset omnino impossibilis;  
sed multo euidentius talis positionis absurditas patet,  
si supponamus os AB esse humerum sinistrum, qui cir-  
ca nodum scapulæ C vndequaue circumuolui debet;  
hic planè vt ad pectus educatur, trahi debet a musculo  
ED alligato in latere dextero D pectoris; alius muscu-

lus

lus eleuator in supremo capitis vertice figendus erit, deprimens in infimo ventre; qui muscoli vna cum musculis dextri humeri spatium vastum inflatum ad instar vasti dolij exigunt; id ipsum in musculis pedum fieri debebit, & proinde talis confirmatio non articu- lata, sed tuberosa esset ridicula, & inepta ad motus, & contrectationes efficiendas; & ideò rejicienda omni- nò est.

Secundo loco tendo musculosus DE fibula, vel fascia membranosa R colligetur circa articulationem AF, ita vt fascia R officium trochleæ suppleat, & tunc verum est, quod exigua musculi DE contractio trium digitorum flectere potest cubitum AB per arcum BH; at tamen hæc constitutio nil prorsus differt ab illa, in qua musculus subduplæ longitudinis affixus fuisset propè articulationem C versus A; & proinde longitu- do reliqua tendinosa RE esset nedum inutilis, & fru- stratoria, sed etiam incommoda, quod esset contra naturæ consuetudinem, quæ à superfluitatibus abhor- ret, & compendia vbique sectatur; Igitur necessario finis tendinosus musculi affigi debuit propè principiū ossis mobilis, vel in extremitate articulationis eius, quod erat &c.

#### SCHOLIUM.

Verum est tamen, quod in musculis flexoribus di- gitorum manus, & pedis ponuntur fasciæ alligantes tendines circa internodios, sed aliâ naturæ necessitate hoc factum est; Quia nempe prædicti musculi tam crassi, & prolixi, quanta est crassities & longitudo cubiti & tibiæ collocari non poterant intra spatiola restricta, & curta palmæ manus & pedis; aut internodiorum digi-  
torum:



torum; cum è contra ad hoc, vt commodæ contrectationes, & reliquæ manuum operationes fieri possent explanatæ & excarnes esse debuerant non vero tuberosæ, & inflatæ.

*De Virtutis motiue musculorum cubitum flectentium gradibus, & momentis.*

### C A P V T VIII.

**E**X mechanicis constat, quod potentia absolutæ, quæ æquilibrantur reciprocè, eandem proportionem habent, quam velocitates, seu quam habent spatia, quæ ab eis transigerentur eodem tempore, si mouerentur.

Modo, quia musculus alligari potest resistentiæ duplici modo, aut immediatè, vel mediante trochlea, aut libra radiorum æqualium, ita vt tantundem subleuaretur resistentia, ac contrahitur, & decurtatur musculus; aut connexio fit mediante machina inæqualiū radiorum, vt vectis, in qua contractio musculi æqualis non est eleuationi resistentiæ eodem tempore factæ; in hoc casu proculdubio vis absoluta musculi æqualis non erit absoluto gradu resistentiæ, licet earum momenta sint æqualia; in illo deberent vires absolutæ, & earum momenta æquari. Verum melius consideranti idemmet musculus machina quædam esse videtur (quod suo loco ostendemus). Vnde fit, vt mensura præcisa virtutis contrahentis musculorum non sit æqualis ponderi resistentiæ immediatæ, aut æquali motu subleuatæ, proptereaque vis absoluta musculi, scilicet ea, quam natura exercet, dum musculum contrahit ne,

qua-



quaquam indicabitur à pondere æquali motu subleuato.

Attamen ad cōfusionem euitandam dissimulabimus interea hanc inæqualitatem, vtque à facilioribus initium sumamus, vocabimus vim absolutam apparentem musculi contracti eam vim, quam habet pondus æquali motu subleuatum ab eodem musculo, & gradus virtutis musculi, quando agit mediante machina manifesta velocitatibus inæqualibus, si potentiarum momenta æquantur, vocabitur vis musculi modificata.

Insuper noto, quod tam vis absoluta vera, aut apprens, quam modificata potest tota, & integra exerceri, seu potius applicari, ita vt nulla eius portio otiosa remaneat, & tunc vocatur vis musculi totalis; si verò non efficiat id totum, quod posset, scilicet non sustineret integrum pondus, quod ab eodem musculo suspendi potuisset, tunc talis vis musculi vocabitur partialis.

Præterea, quia machinæ, quibus agunt musculi, aut sunt simplices vectes, aut diuersimodè compositæ, vel multiplicatæ, & vario modo connexæ; ideò initium sumemus à facilioribus, & simplicioribus operationibus, quarum aliqua exempla insigniora afferemus in præcipuis musculis, neglectis alijs minutioribus, qui eiusdem naturæ cum illis sunt, ne in immensum moles huius libri excrescat.

## PROPOS. XXI.

Potentia absoluta cuiuslibet musculi animalis, necessario maior esse debet pondere articuli ab ea suspensi, nunquam verò minor.

Cap. 8.  
Prima indagatio  
potentię muscu-  
lorum cubi-  
tū fle-  
ctentium.

Cap. 8.  
Prima in-  
dago po-  
tentiæ mu-  
sculorum  
cubitus  
flectentiũ.

Natura sapientissima animalis fabricam contraxit ex varijs organis compositam, vt moueri posset ab vno in alium locum, & vt varias operationes ad vitæ conseruationem requisitas edere posset. Hoc autem præstari non potest tribuendo animali formam orbicularem ad instar Tuberis, sed debuit componi ex varijs articulationibus, vt sunt manus & pedes, quibus ambulare & contrectare obiecta posset. Verum tales articuli moueri circa nodos non possent, nisi traherentur à funibus musculosis, à vi motiua eos contrahente. Ostendendum modo est, quod talis motiua facultas non potest esse minor, sed necessario maior esse debet pondere, & resistentia articulorum suspensorum. Consideretur quilibet articulus, vt totius brachij; hoc planè vndique circumuolui debebat circa nodum scapulæ, vt trahere, suspendere, & impellere posset resistentias cum ipsius brachij ponderosi, tum etiam corporum externorum, quæ contrectari debuerant: tales operationes requirunt formam idoneam, vires, & instrumenta apta, & accommodata ad talem finem consequendum. Forma proculdubio debuit esse exporrecta ad instar vectis conuertibilis circa centrum vel fulcrum firmum scapulæ. In vecte postea considerari debent situs, in quibus potentia motiua, & resistentia applicantur. Motiua potentia agit contrahendo funes musculosos, qui alligari non possunt nisi prope centrum vectis, vt dictum est, & resistentia in extrema longitudine eius, ergo semper potentia ad resistentiam se habet, vt maior distantia huius ad minorem distantiam illius ab eodem fulcimento; proindeque semper potentia motiua maior est, quam resistentia.

a Prop. 20  
huius.

## P R O P O S . X X I I .

Cap. 8.  
Prima in-  
dago po-  
tentiæ mu-  
sculorum  
cubiti  
flexetium.

Prima indago absolutæ virtutis apparentis, quæ à duobus musculis bicipite, & brachico cubitum horizontaliter flectentibus in situ supino exerceri potest; quæ plus quam vigecupla est ponderis quod ab eis sustinetur, & superat vim pōderis libr. 560. Tab. 2. Fig. 15

Humerus EA, & cubitus & manus AB ferè rectam lineam constituent horisonti æquidistantem, sed in supina constitutione reuoluatur in extremis digitis manus expansæ B funis GB, cui alligetur in G pondus R, quod successiue augeatur, quousque excessus potentiæ motiuæ musculorum DC omninò euanescat, nec valeat maius pondus, quam R sustinere, sed æquat viribus id ipsum retineat tantummodo; tunc perfectò conijciemus momenta potentiarum musculi, & ponderis R omninò æquari, cum neutra potentia alteri cedat; & experientia docente in Iuvene robusto pondus R non superat libras 26, quibus superaddi debet grauitas totius cubiti, & manus, quæ libras 4. ferè æquant, hæc autem exercetur, non quidem in extremo vectis puncto B, sed in loco intermedio H, vbi nimirum incidit centrum grauitatis eius; quare si ex B suspendatur pondus aliud librarum 2, quod ad grauitatem totius cubiti eam proportionem habet, quam distantia OH ad OB habebimus vectem omninò linearem indiuisibilem, & grauitatis expertem, in cuius extremo B suspenduntur duo pondera R, & cubiti, scilicet libræ 28; postea quia directio CD tendinis ipsius musculi trahentis efficit angulum valdè acutum cum linea CO, propterea quod tendo musculi tangit præ-

F 2

cisè



Cap. 8.  
Prima in-  
dagopotē-  
tię muscu-  
lorum cu-  
bitum fle-  
ctentium.

a Prop. 16  
huius.

cisè caput articuli A, debet duci à fulcimento O recta  
linea OI, quæ perpendicularis sit ad tendinis directio-  
nem CI, & tunc quidem, ex demonstratis a superius,  
potentia musculum DC trahens ad resistantiam pon-  
deris R cum adiuncto eandem proportionem habebit,  
quàm distantia OB ad distantiam IO; reperitur verò  
diligenti inquisitione longitudo cubiti & manus OB  
plusquã vigesies maior, quam semidiameter tuberculi  
IO; Ergo robur, & potentia musculum DC trahens  
plusquam vigecupla est ponderis R, & adiuncti; Erat  
autem hoc librarum 28; Ergo robur absolutum appa-  
rens, quo musculus trahit cubitum, eumque inflectere  
nititur maior est robore librarum 560.

### P R O P O S. XXIII.

Vim quàm exercent iidem musculi reperire; quando  
humerus sursum erigitur perpendiculariter  
ad horizontem, & cubitus horizonti  
æquidistat. Tab. 2. Fig. 16.

Efficiant secundo loco humerus EA, & cubitus AB  
angulum rectum, manēte adhuc cubito parallelo hori-  
zonti, & humerus sursum eleuetur, in hac constitu-  
tione remanet eadem vectis longitudo OB, in cuiusque  
extremo puncto B sustinetur maximum pondus R li-  
brarum 33, vt docet experientia ab iisdem musculis  
DC; sed quia angulus ICO factus à tendine cum ra-  
dio OC est minus acutus, quam in præcedenti consti-  
tutione horizontali eorundem ossium, propterea  
quod flexo humero EA versus cubitum AB, inflectitur  
quoque tendo musculi DC humero adhærentis; non  
tamen angulus ICO rectus efficitur, quia tendo in I  
arctè



arctè colligatur membranosis quibusdam fascijs, & externa pelle, quæ inuolucra officium trochleæ suppleant versus angulum articuli A, non tamen tendo IC omnino mordicus colligatur in I, quin aliquantisper subleuetur, & propterea recta OI perpendicularis ad tendinis CI directionem sensibilibiter maior efficitur, quam in præcedenti casu, ut tactu in nobismet ipsis observamus, & ideo distantia OB ad IO minorem proportionem habebit, quam in priori constitutione reperta fuerat, sed quam proportionem habent prædictæ distantiae, eadem reciprocè vis muscolum DC contrahens, & trahens ad resistantiam ponderis R cum adiuncto pondere cubiti habebit; Ergo illa virtus ad hanc resistantiam minorem proportionem habebit, quam 20 ad 1, & siquidem maxima vis musculorum bicipitis & brachij æqualis supponatur vi librarum 560. ex præcedenti indagine, cum pondus maximum R sit librarum 33, & cum adiuncto pondere cubiti librarum 35 esset distantia OI vna pars decimasexta distantiae BO, non autem ut prius vna pars vigesima eiusdem; quare sensibilibiter creuit distantia IO, & proinde maius pondus 35 librarum suspendi potest ab iisdem musculis.

Hic tamen animaduertendum est, quod licet articulo EAB flexo musculi DIC non tensi sint ut prius, sed aliquo pacto relaxari debeant, non tamen vis motiua vtriusque musculi minorem facultatem contrahendi habet, quia reuerà musculi DC non alligantur ambo in summitate humeri, sed biceps annectitur in termino L scapulæ HLE, brachieus verò alligatur in medio humeri, & quoniam scapula HEL in eodem situ semper permanet, transversali scilicet, sit ut humerus EA

re-

Cap. 8.  
Prima indago potestati muscutorum cubitum, flexentium.

Cap. 8.  
Prima in-  
dagotē-  
tię muscu-  
lorum cu-  
bitum fle-  
gentium .

reuolutus circa centrum E eius articulationis , cun-  
scapula angulum LEO efficiat minus acutum , quo  
magis humerus deorsum flectitur , & tunc musculi bi-  
cipitis principium D magis subleuatur , & magis recc-  
dit à summo capite tuberculi E, eo quod interuallum  
lineæ LDI subtendens angulum LEO augetur, & pro-  
pterea prædictus musculus eo magis tenditur, quo ma-  
gis humerus deorsum flectitur ; licet ergo ob angulum  
EOB brachieus musculus relaxetur . Potest tamen  
multo magis tendi biceps ob eleuationem termini D  
supra caput humeri .

#### PROPOS. XXIV.

Hinc possent probabiliter texari sigillatim vires abso-  
lutæ apparentes musculi bicipitis, quæ æquiualeat  
libris 300. & brachiei æqualis vi librarum  
260. Tab. 3. Fig. 1.

Inflectatur humerus EO retrorsum , vt efficiatur  
angulus HEO 'quam maximè fieri potest acutus ,  
& cubitus AB similiter inflectatur , vt nimirum cu-  
bitus AB æquidistet supremæ lineæ scapulæ HL , tunc  
quidem anguli alterni HDI, & CID acuti erunt inter  
se æquales , & propterea quantum musculus biceps  
DIC relaxatus est ob acutiem anguli caui COE tan-  
tum præcisè trahitur , & tenditur ob angulum conue-  
xum HDO; Igitur nil alteratur naturalis tensio mu-  
sculi bicipitis , & remanet eiusdem præcisè longitudi-  
nis , quam habebat in situatione totius brachij hori-  
zonti æquidistante ; cumque nullam relaxationem pa-  
riatur, eandem vim se contrahendi habebit, quam in  
situ horizontali exercuerat . Sed non eodem priuile-  
gio

gio fruitur musculus brachieus FI, cuius principium in medio humeri F, finis verò in I propè caput cubiti collocatur; & quia angulus EOC est acutus, Igitur musculus brachieus FI maximam relaxationem patietur, & proindè nullam ferè, aut exiguam vim motiuam exercebit; his positis reperiri poterit vis motiua solius musculi bicipitis (Si tamen distantia OI tendinis à centro tuberculi cubiti non variatur) esto pondus R sustentatum in tali situatione vnà cum pondere cubiti librarum 25, & quia distantia IO est ferè vna pars duodecima radij, & manus BO; Ergo vis absoluta musculi bicipitis erit duodecupla ponderis appensi R; & cubiti, scilicet illa erit æqualis potentiaë librarum 300, cum brachieus nullam vim exercent ob maximam eius relaxationem; Postea quia vires duorum musculorum bicipitis, & brachiei simul operantium in primo experimento æquales fuerant potentiaë librarum 560; Igitur si ab hac potentia subtrahatur vis motiua solius musculi bicipitis, mox reperta librarum 300; residua potentia librarum 260 erit ea, quæ exercebatur à musculo brachio, & hoc erat inquirendum.

Cap. 8.  
Prima in-  
dago po-  
tentiæ mu-  
sculorum  
cubiti  
flecentiū.

### PROPOS. XXV.

In situ perpendiculari ad horizontem humero retento,  
& cubito deorsum pendente, vim, quam exercent  
ijdem muscoli reperire. Tab. 3. Fig. 2.

Sint iam humerus EA, & cubitus AB in directum positi, & perpendiculares ad horizontem, tunc quidem pondus maximum R, quod in B suspenditur, imensum propemodum esset, si robur, & tenacitas ligamentorum esset omninò resistens, & insuperabilis.

Si



Cap. 8.  
Prima in-  
dago po-  
tentiæ mu-  
sculorum  
cubiti  
flectentiũ.

Si postea parumper cubitus AB inflectatur, vt efficiat obtusum angulum EAB cum humero ad horizontem erecto, & cum linea OK æquidistante plano horizontis efficiat angulum acutum BAK, tunc quidem valdè augeri debet pondus maximum R, quiaeducta ex B perpendiculari BK ad horizontalem AK, tunc pondus R obliquè vectem AB trahens, perindè premit ac si in puncto K vectis OK suspensum fuisset; & ideò confurgit nouus vectis OK breuior, quam OB; virtus verò musculi vectem subleuans trahit ex puncto I distantie directionis IO; Igitur potentia absoluta musculum contrahens, quæ semper eadem est ad resistantiam ponderis R eandem proportionem habebit, quam KO ad IO; Si igitur fuerit KO tantummodo dupla ipsius OI, erit necessario pondus R, quod in tali situ sustinetur medietas tantummodo totius virtutis motiuæ absolutæ, & ideo R erit librarum 250, & siquidem distantia OK minor fuerit, quam OI, tunc pondus R maius quoque erit virtute motiua eorundem musculorum.

Hinc colligitur, quod in flexione, seu eleuatione cubiti AB perpetuo minuitur effectus eiusdem virtutis musculum trahentis; proptereaquod successiuè augeatur vectis OK, & ideò minui debet pondus R.

#### PROPOS. XXVI.

Vim eorundem musculorum reperire brachio in supino horizontali situ constituto. Tab. 3. Fig. 3.

Potest alia ratione exerceri virtus musculorum cubiti flectentium, si nimirum cubitus AB in supina situatione horizonti æquidistante inflecti debeat deorsum

sum ad partes G à musculis DC infra cubitum positis; reuoluto nimirum fune BLG circa tympanum, aut trochleam ML, conuertibilem circa axim fixum M; patet, quod dum manus B descendit, pondus R subleuatur, efficiturque similiter vectis AB, cuius fulcimentum O, & pondus R trahit terminum B sursum versus L, & potentia musculorum DC trahit vectem AB ex I deorsum versus D; & sic ea, quæ dicta sunt superius, hic quoque verificantur, cum hoc discrimine tamen, quod prius terminus B trahebatur deorsum, nedom à resistentia ponderis R, sed etiam à grauitate totius cubiti, & manus; hic contra grauitas cubiti AB non contraponitur, sed adiuvat potentiam musculorum trahentium; propterea quod sicuti muscoli deorsum cubitum trahunt in hac situatione, sic pariter cubitus sua grauitate deorsum pellit, & hæ duæ potentiae simul sumptæ æquantur momento ponderis R; cumque in primo casu pondus cubiti adderetur resistentiae grauis R, modo additur potentiae musculorum, & quia potentia maxima musculorum DC ostensa est æqualis potentiae librarum 560; <sup>a</sup> Ergo si vectis AB esset nullius ponderis, cum distantia OB ponatur vigecupla distantiae OL, esse deberet pondus R librarum 28, at quia duæ libræ eidem R additæ æquilibrantur ponderi cubiti AB, scilicet eum reddunt vectem nullius ponderis, & propterea pondus R cum adiuncto scilicet libræ 30 erit maximum, quod in tali situ à vi musculorum DC subfineri possit.

Id ipsum alia ratione ostendetur, quia pondus descensuum cubiti librarum 2 ex B pendentium æquantur vi tractiuae in I applicatæ, quæ sit librarum 40 (ob reciprocam proportionem vigecuplam), & erat vis

Cap. 8.  
Prima indagatio potetiae musculorum cubitum, flecentium.

a Prop. 22  
huius.

propria musculorum DCI librarum 560; Ergo hæc vna cum adiuncto momento trahente ex I, æquali cubiti momento efficiet summam librarum 600.

*De musculis tibiæ flectentibus eorumque operatione circa genu. Tab. 3. Fig. 4.*

## C A P V T IX.

**S**icuti reuolutio cubiti circa humerum efficitur circa tuberculum cylindricum, ita quoque tibiæ circa fæmoris tuberculum rotundum reuoluitur. Differunt verò inter se, quia in cubito musculi flectentes affiguntur ferè in vno puncto intermedio propè caput eiusdem cubiti; In tibiæ verò musculi eam flectentes in duobus oppositis punctis collateralibus capitis tibiæ, & fibulæ implantantur, vt habenæ, seu lora equorum, tres enim musculi semimembranosus, semitendinosus, & gracilis in interno latere tibiæ, & vnicus biceps dictus in externa summitate fibulæ alligatur. Sed hæc varietas naturam, & proprietatem vectis non perturbat; præcipua discriminis ratio ab alia causa longè diuersa pendet, scilicet ex diuersa structura articulationis tibiæ CB ab ea, quæ in cubito enarrata est; huius enim extremitas arctè amplexatur humeri tuberculum, circa cuius superficiem rotundam rotatur, & circumuoluitur: tibiæ verò non item, eo quod infimum tuberculum fæmoris AB in basim amplam BH definit, quæ non est omnino cylindrica, cum eius rotunditas sit aliquo modo compressa, ad ellipticam, vel spiralem curuitatem accedens, hæc autem non vndique stringitur, & amplexatur à tibiæ capite CH, pariter amplo, sed



sed non admodum excauato, in quo notabiles sunt capititis eius sinuositates non quidem profundè excauatæ in osse capititis tibiæ, sed efformatæ à cartilaginosa quadam Zona femilunari dicta, crassa, & dura, quæ pulvinaris officium supplet, dum sinuositatem quandam profundam format: talis Zona cartilaginea exterius definit in membranofam propaginem, quæ capiti ossis tibiæ alligatur, interius verò gracilescit, quousque in laminam tenuem duram, & circularem abeat; tota huiusmodi Zona, excurrit super caput tibiæ leuigatum, & à quodam vntuoso humore madefactum, quo mediante transfertur ante, & retro prædicta Zona cartilaginea; antè quidem trahitur versùs genu, quando tibia cum fæmore in directum constituuntur, & quando angulum efficiunt, tunc retrorsum trahitur; Vnde fit, vt in directâ constitutione tibiæ, & fæmoris axis reuolutionis F antè versùs genu C. transportetur; at in flexione tibiæ axis reuolutionis F non in eodem situ tuberculi BH fæmoris persistat, sed posterius aliquantis per transferatur versùs H, & distantia FH à prædicto axe reuolutionis ad lineam directionis GI musculi flexoris, seu ad directionem tendinis eius successiuè magis minuat, quo magis tibia inflectitur, & hoc rursus accidit, quia tendo GIH contingit summitatem posteriorem lateralem H infimi capititis fæmoris, & proinde inflexione genu summitas H retrahitur introrsum versùs C, vnde tendo GIH non pellitur exterius, vt prius, nec remouetur à sinuositate capititis tibiæ, & ab axe reuolutionis F, & propterea distantia FH minuitur; hinc fit, vt existente fæmore AB cum tibia CD in directum ferè constituta, & in plano parallelo horizonti, tunc quidem maximum pondus R

Cap. 9.  
Prima indago potentie 4  
musculorum tibiæ flectentiæ.

Cap. 9.  
Prima in-  
dago po-  
tentia 4  
musculo-  
rum tibiā  
flectentiū.

extremo calcaneo alligatum, quod à musculis LG tibiam flectentibus substineri, potest est librarum 65. Si verò tibia CD in plano horizontis iacente ad id ipsum fæmur AB perpendicularis fuerit, tunc quidem maximum pondus R, quod in calcaneo D alligatum eleuari potest, ab ijsdem musculis non excedit libras 33.

### PROPOS. XXVII.

Prima indago motiux virtutis quatuor musculorum tibiam flectentium, quæ terdecies maior est potentia ponderis suspensi, & superat vim librarum 949. Tab. 3. Fig. 4.

Sit directa, & horizontalis constitutio thoracis, tibiæ, & fæmoris, ita vt genu deorsum vergat, & existente F centro vertiginis tibiæ, & FH distantia directionis tendinis GH à centro F. Quia distantia FH directionis tendinum musculorum tibiam flectentium à fulcimento, seu axi reuolutionis F, ferè decima tertia pars est distantia extremi calcanei D, vbi pondus R suspenditur ab eodem fulcimento F, suntque potentia musculorum æquilibres potentia ponderis R vna cum pondere tibiæ libr. 10. proximè pendentis, & in puncto D considerata minus, quam libr. quinque; Ergo vt exigit vectis natura potentia musculos EI trahentes ad potentiam ponderis R cum adiuncto pondere tibiæ, eandem proportionem habebunt, quam 13. ad 1, estque pondus R cum adiuncto pondere tibiæ librarum 73. Igitur vis motiua eorundem musculorum superabit potentiam librarum 949.

## P R O P O S . XXVIII.

Cap. 9.  
Prima in-  
dago po-  
tentia 4  
musculo-  
rum tibia  
flectentiū.

Fæmore , & dorso perpendiculariter sursum eleuatis supra tibiā horizonti æquidistantem, rationem reddere , cur ab iisdem musculis minus pondus eleuetur . Tab.3. Fig.5.

Obseruauimus in cubito , in directā , & horizontali constitutione eius cum humero maximum pondus sustentatum in extremitate manus libras 26 non superasse : a postea perseverante cubito in situ horizontali , & humero , atque thorace perpendiculariter eleuatis maius pondus sustineri posse ab extremitate manus , scilicet libr. 33. modo in musculis tibiā flectentibus oppositum obseruatur ; quia existente fæmore , & tibia in situ horizontali maximum pondus in extremo calcanei alligatum est libr. 67, & flexo fæmore perpendiculariter ad horizontem, & ad tibiā maximum pondus sustentatum in extremo calcanei libras 31 non superat ; quæ diuersitas in operationibus similibus profecto mirabilis videtur . Inquirenda ergo est causa huius diuersitatis ; quia quando fæmur , & tibia rectum angulum constituunt, maximum pondus subleuatum in extremitate calcanei D libras 31 non excedit , & iisdem musculi vim habent æqualem potentia libr. 949, vt ex præcedenti propositione constat, deberet iuxta æquilibrium leges , tibia longitudo CD ad distantiam FH directionis tendinum eorundem musculorum à centro F eandem proportionem habere , quam 949. libræ ad libras 36, scilicet maiorem proportionem , quam habet 26 ad 1, quare distantia FH esset vna pars 26 distantia FD , quia verò tanta diminutio distantia FH non

a Prop.  
22. huius .



Cap. 9.  
Prima in-  
dago po-  
tentia 4  
musculo-  
rum tibiæ  
flectentiæ.

non obseruatur, fatendum est ab aliqua causa incom-  
perta produci prædictam diminutionem momenti vir-  
tutis motiua; & profecto musculi flexores EG mino-  
rem virtutem exercent, quam prius, quia aliquantun-  
lum laxi redduntur in articuli curuatura, & in inter-  
uallo abbreviato musculi EG; propterea non est im-  
probabile, vt prædicti musculi relaxati exerceant vir-  
tutem aliquanto minorem potentia libr. 500, quæ qui-  
dem ad pondus appensum libr. 36 ferè eandem propor-  
tionem habent, quam 14 ad 1; & quia remanet longi-  
tudo vectis FD ferè eadem; Ergo necessario distantia  
FH directionis tendinum à fulcimento F sensibilibiter di-  
minuta est; hoc quidem contingit, quia centrum re-  
uolutionis tibiæ in eius flexione transfertur ab anterio-  
re parte ad posticam infimi tuberculi fæmoris, & sic  
centrum F tendinibus GH approximari potest, quod  
nisi concedatur multo magis vis musculorum ob laxi-  
tatem imminuenda erit, quod non videtur verifi-  
mile.

### PROPOS. XXIX.

Fæmore perpendiculariter eleuato ad tibiæ, & ad  
dorsum supinum horizonti æquidistantes, rationem  
reddere, quare maius pondus extremo calcaneo  
subleuatur, quam erecto dorso, minus verò quam  
in horizontali dispositione fæmoris, & tibiæ. Tab. 3.  
Fig. 6.

Sit thoracis, & dorsi longitudo LMEN parallela  
horizontali situatione tibiæ CD; & tunc experientia  
docente reperitur maximum pondus R appensum in  
extremo calcanei D esse libr. 46, & ideo cum pondere  
tibiæ

tibiæ adiuncto erit libr. 51. in præcedenti verò situatione erat libr. 36; & in priori experimento librarum 73. assignari modo debet causa huius noui incrementi virtutis motiuæ.

Quia quatuor muscoli tibiam flectunt, semineruosus, semimembranosus, gracilis, & biceps, tres primi alligantur in L extremitate ossis ischij, seu coxendicis, postremus vero biceps partim in eodem osse coxendicis L partim in E ipso fæmore radicanitur; quia verò ob angulum AFD, & articuli inflexionem in eius cavitare omnes quatuor prædicti muscoli laxi redduntur, postea ob angulum MLB flectitur quoque musculus LEG in parte conuexa prædicti anguli, & ideò elongata eius dimensione debent tantundem principia eorum subleuari, & trahi versus L, quantum in cavitare IG relaxati fuerant, & proinde æquè tensi permanent prædicti muscoli, ac si in directâ, & horizontali constitutione primi casus reperirentur; sic igitur nullam relaxationem patiuntur, & ideò eundem gradum virtutis motiuæ seruabunt: Excipitur tamen media pars musculi bicipitis EG, illa scilicet, quæ in F medio fæmore alligatur, hæc autem potest vsurpari, vt pars septima proximè quatuor prædictorum musculorum, & ideò vis illa maxima totalis, quæ erat æqualis potentiaë librarum 949. redacta erit ob relaxationem ad vim motiuam æqualem potentiaë librarum 813; Vt igitur huiusmodi virtus motiuâ ad resistentiam ponderis appensi R cum adiuncto pondere tibiæ scilicet ad libr. 51, ita erit distantia FD ad FH, scilicet vt 16 ad 1, & propterea diminuta erit aliquantis per distantia FH directionis tendinum à fulcimento, quæ in præcedenti calculo reperta fuerat.

Cap. 9.  
Prima indago potentiaë 4 musculorum tibiæ flectentiũ.

## M O N I T V M .

Animaduertendum est , quod hæc methodus primæ indaginis , qua in toto hoc capite vsi sumus , non est omnino exacta , cum non comprehendat vniuersam vim apparentem musculorum ; Attamen ob eius facilitatem exponi primo loco debuit , commodius enim deinceps limitari poterit .

*De duplo incremento Virium musculorum cubitum,  
& tibiam flectentium .*

## C A P V T X.

**S**Icuti præclarè diuinus Plato pronuntiauit Geometriam , & Arithmeticam esse duas alas , quibus ad cælum ascendimus , scilicet quibus arcana Astronomiæ percipimus , sic quoque affirmare possumus scalas , quibus ad scientiam admirabilem motuum animalium scandimus,esse Geometriam , & mechanicam ; Quis enim negaret vera esse ea , quæ in duobus præcedentibus capitulis ostensa sunt? Et tamen quia penitiori mechanica vsi non fuimus, valdè à veritate aberrauimus ; non quia falsum admisimus , & reiijcienda sint ea , quæ hætenus dicta sunt , sed quia illa licet vera ex parte sint, adhuc exactiorem scientiam affecuti non sumus ; hoc autem vt præstemus, præmitti debent lemmata aliqua mechanica, adhuc , quod sciam non animaduersa .



## P R O P O S. XXX.

Cap. 10.  
De duplo  
incremento poten-  
tiæ eorun-  
dem mu-  
sculorum,

Si funis rigidi, vel contrahibilis duæ extremitates directè trahantur à duabus potentijs, quarum momenta æquantur momento resistentiæ funis: Potentia qua funis tractioni resistit, æqualis est ambabus potentijs trahentibus, quæ æqualia erunt inter se. Tab. 3. Fig. 7.

Sit funis durus, vel laxis, & contrahibilis AB; cuius extremitates A, & B trahantur ad partes oppositas à duabus potentijs, vel ponderibus R, & S, itaut post tractionem quiescant potentiæ, & æquantur momento, quo funis tractioni resistit, scilicet vis vnius alteri non præualeat. Dico potentias R, & S æquales esse inter se, & ambarum potentiarum vires æquales esse vi, qua funis tractioni resistit. Si R, & S fuerint pondera, & trahant funem AB circa duas trochleas F, & G intelligatur funis grauitate carere; & quia potentiæ, siue pondera R, & S trahendo funem directè, & contrarijs directionibus circa trochleas F, G quiescunt æquilibrata; Ergo ex mechanicis potentiæ, siue pondera R, & S sunt æqualia inter se. Postea sit XZ potentia, qua funis æquè crassus, & robustus AB tractionibus potentiarum æqualium R, & S resistit (siue ob gluten, & colligationem, quo funis partes ad inuicem connectuntur, siue ob vim, qua contrahuntur, & vna versus alteram stringitur, & approximatur), & quia vis tenacitatis, & contractionis æquali conatu exercetur ab omnibus partibus funis AB ob æqualem eius crassitiem, & robur, semissis potentiæ funis, quæ sit X agit contra vim potentiæ R contrahendo semissem funis

H

Cap. 10.  
De duplo  
incremento poten-  
tiæ eorundem mu-  
sculorum.

funis AC per spatium AD, & reliqua semipotentia Z agit contra vim potentiæ S æqualis ipsi R, contrahendo reliquam funis medietatem BC per spatium EB æquale ipsi AD. Postea quia motus, quo semifunis AC decurtatur per spatium AD competit potentiæ X, quatenus funem contrahit, & resistentiæ R, quatenus eodem tempore, per idem spatium subleuatur. Igitur æquè velociter potentia X semifunem AC contrahit, ac pondus R subleuatur, suntque eorum momenta æqualia, cum potentiæ quiescant æquilibratæ; Ergo potentia absoluta X æqualis erit resistentiæ R. Non secus potentia absoluta Z æqualis erit resistentiæ S; igitur duæ potentiæ X, Z; scilicet potentia, quæ funis AB tractioni resistit, æqualis est duabus resistentijs inter se æqualibus R, S simul sumptis, quod erat ostendendum.

### SCHOLIUM.

<sup>a</sup> Tab. 3.  
Fig. 8.

Si postea <sup>a</sup> virga rigida à duabus potentijs per directionem longitudinis eius comprimatur, potentia, qua virga compressioni resistit, æqualis erit ambabus potentijs eam comprimentibus; hoc autem eodem modo demonstrari potest.

### PROPOS. XXXI.

Si extremitas eiusdem funis non ponderosi clauo alligetur, & reliquum extremum à pondere, vel potentia aliqua tractum in eodem situ quiescat: Vis, qua funis tractioni resistit dupla est potentiæ trahentis. Tab. 3. Fig. 9.

Sit

Sit funis non grauis AB alligatus clauo firmo in B, & in A trahatur à pondere, vel potentia R, & vis, qua funis tractioni resistit sit XZ, & potentia XZ, & R quiescant æquilibratæ. Demonstrandum est, potentiam absolutam XZ duplam esse absolutæ resistentiæ R; amoto clauo substituatur potentia manus S, vel ponderis circa trochleam BE, à qua trahatur terminus funis B per eandem directionem AB; ab A versus B, quæ potentia S resistere valeat tractioni potentia R, vt funis in eodem situ quiescat; manifestum est ex præcedenti propositione pondus, vel manus potentiam S æqualem fore resistentiæ R, & vim, qua funis tractionibus oppositis resistit, æqualem esse duabus potentijs R, & S simul sumptis, scilicet duplo potentia R, & quia clauus firmitudo in B id ipsum præstat, eandemque vim exercet, ac potentia S, nempe clauus resistit æquali momento energia tractionis eiusdem ponderis R, eo, quod funis tractus à potentia R, à clauo prohibetur eius descensus, & retinetur in eodem situ quiescens, non secus, ac à potentia S retinebatur; Ergo vis, quam exercet firmitudo clauus, æqualis est energia potentia S siue R; quare vis XZ, qua funis AB tractionibus oppositis, nempe potentia R, & vi ei æquali firmitudinis clauus resistit, æqualis est vtrique potentia, nempe duplo potentia R, quod erat propositum.

Cap. 10.  
De duplo  
inremen-  
ro poten-  
tia eorum.  
dem mu-  
sculorum.

### PROPOS. XXXII.

Si virga rigida non grauis supernè comprimatur à pondere, vel ab aliqua potentia, & infernè fulciatur à soli durtie: Vis, qua virga compressioni resistit duplex est potentia comprimantis. Tab.3. Fig.10.

H 2

Si



Cap. 10.  
De duplo  
incremento  
potentiae  
eorumdem  
musculorum.

Si postea loco funis supponatur virga rigida AB non grauis, quæ perpendiculariter innixa solo stabili LB, in B comprimatur à pondere, vel à qualibet potentia R in A per directionem AB ab A versus B. Eodem modo ostenderetur, quod vis, qua virga compressioni resistit, dupla est potentiae comprimentis R; Vice pauimenti substituatur manus S, vel terminus B libræ EB radiorum æqualium, cui in B virga BA cum pondere R superincumbat, æquilibreturque à pondere X; quia æquè benè, & eadem energia soli LB durities impedit descensum, & resistit pressionem potentie R, ac eidem æquilibratur potentia subiectæ manus S, aut pondus X; Ergo resistentia soli LB æqualis est potentiae prementi R, & ab eisdem duabus virga stringitur; quare vis, quæ virga AB compressioni resistit duplex est ponderis, vel potentiae R, vt erat ostendendum.

### PROPOS. XXXIII.

Idem aliter demonstrare. Tab. 3. Fig. 11.

Iisdem positis, intelligantur potentiae contrariae moueri, scilicet funis AB contrahatur à potentia XZ, vt terminus A ascendat vsque ad H, ibidemque quiescat, & secetur bifariam funis AB in C, & portio AH in D, & potentia in duas partes æquales X, Z, & tandem fiat CF æqualis DH: patet<sup>a</sup> semipotentiam X contrahere medietatem funis CA, & residuam semipotentiam Z contrahere reliquam funis medietatem CB. Quia à potentia X solitaria (non considerata potentia Z) subleuatur resistentia R, contrahendo semissem funis CA per spatium determinatum AD; Ergo

<sup>a</sup>Ex Prop.  
30. huius.

Ergo per idem spatium AD, & per eandem directionem mouetur potentia X semifunem contrahendo, & resistentia R ascendendo; ideoque æquè veloces sunt potentia X, & resistentia R, & eorum momenta sunt æqualia in fine contractionis semifunis, quando quiescunt potentiæ æquilibratæ; Igitur absoluta potentia X æqualis est resistentiæ R. Insuper quia dum completur actio potentiæ X, reliqua semipotentia Z non otiiatur, sed suam vim exercet, contrahendo reliquum semifunem CB, æquè ac contractus fuerat AC à potentia X, & terminus B clauo firmo S affixus accedere non potest versus punctum medium funis C; Ergo in contractione cogitur punctum G ferri versus clauū firmum B per spatium CF æquale ipsi AD. Verum non potest punctum medium funis C ascendere vsque ad F, nisi pondus R appensum funiculo CD, decurtato à potentia X, eleuetur ex puncto D ad H per spatium æquale ipsi CF eleuationi ipsius centri C; & aliundè actio potentiæ Z non adiuuatur à potentia X, quia hæc absumitur in contractione funis AG, & in tractione ponderis R ab A ad D, nec præterea quicquam agit talis potentia X præterquam conseruare decurtationem funis CD non secus ac nodus, seu vinculum in eodem fune efficeret. Igitur potentia Z noua, & distincta actione eleuat idem pondus R motu æquè veloci per eandem directionem, atque eorum momenta æquantur in fine secundæ contractionis. Ergo potentia absoluta Z æqualis est eidem ponderi R; Erat autem prius potentia absoluta X eidem potentiæ R æqualis; Quapropter duæ potentiæ absolutæ X, Z simul sumptæ, scilicet potentia absoluta totius funis AB dupla est resistentiæ absolutæ R, quod erat ostendendum.

Cap. 10.  
De duplo  
incremento poten-  
tiæ eorum-  
dem mu-  
sculorum.

PRO-

## PROPOS. XXXIV.

Cap. 10.  
De duplo  
incremento  
potentia  
eorum.  
dem mu-  
sculorum.

Si funis contrahibilis vnum extremum clauo affigatur, & reliquum à pondere aliquo trahatur, quousque fiat potentiarum æquilibrium; velocitas ponderis trahentis dupla erit velocitate, qua funis contrahitur à vi eius contractiua. Tab. 3. Fig. 12. & 13.

- a Tab. 3.  
Fig. 12. Idem positis, intelligatur primo loco <sup>a</sup> funis BA decurtari non per contractionem sui ipsius, sed per tractionem transversalem factam à potentia XZ circa secundum clauum E, ducendo funem duplicatum BGE ab EB vsque ad G, ob quam tractionem ascendant pondus R ab A vsque ad H. Quia idem funis modo supponitur non contrahibilis, erit longitudo funis AB æqualis funi tracto HEGB, & ablato communi EH erit funis AH æqualis funi EGB, sed hic duplus est interualli BG, scilicet motus facti à potentia XZ à B vsque ad G; Igitur motus eodem tempore factus à pondere R per spatium AH, duplus est eius, quem efficit potentia XZ à B vsque ad G, & ideò velocitas ipsius potentia R dupla est eius, qua mouetur potentia XZ. Postea quia distantia ponderis à clauo, quæ est AB non secus decurtatur in vera contractione funis <sup>b</sup> ac in mox exposita funis tractione transversa-  
li <sup>c</sup> in qua complicatur, trahiturque portio funis BGE lateraliter, ibidemque remanet; In illo verò casu tollitur omninò spatium funis LK, quod ope contractionis in nihilum abit, vt in arcu, & fidibus citharæ obseruamus, fitque talis decurtatio motibus contrarijs, dum omnes partes semifunis AC ad inuicem contrahuntur,
- b Tab. 3.  
Fig. 13.  
c Tab. 3.  
Fig. 12.



huntur; & viciniore sunt puncto C medio totius funis; & omnes partes semifunis BC stringuntur, & approximantur eidem medio puncto C; Quare motus contractionis semifunis AC ad instar arcus efficitur, ascendendo ab A versus C per spatium KC<sup>d</sup>, & eodem tempore motus contrarius semifunis BC ob clauui impedimentum, fit ascendendo à C versus B per spatium LC aequale ipsi KC; Sed quantum contrahuntur semifunes tantum præcisè potentiæ X, & Z contrarijs motibus feruntur impellendo, & constipando semifunes; Ergo potentiæ X, & Z æquè veloces sunt inter se, & ideò compositum ex ambabus<sup>1</sup> potentijs æquè velociter totum funem AB contrahit, ac vna potentia X semifunem AC contrahebat: eodem propemodum modo, quo duo equi percurrentes æqualia spatia eodem tempore, percurrent quoque simul iugo colligati idem spatium, proindèque compositum ex duobus equis æquè velox erit, ac vnus eorum; his præostensis, quia eodem tempore, quo funis contrahitur pondus R ascendit tantum præcisè, quantum funis AB decurtatur per spatium KL, & potentia XZ mouetur contrahendo funem ea velocitate, qua semipotentia X efficit contractionem LC, scilicet semissis illius spatij KL; Ergo velocitas ponderis R dupla est eius, qua potentia XZ contrahit funem AB. quod erat propositum.

Cap. 10.  
De duplo  
incremento  
potentia  
eorundem  
musculorum.

d Tab. 3.  
Fig. 13.

## S C H O L I V M.

Hinc admiratio illa cessat, euinciturque necessitate mechanica, oportere, vt potentia funem clauo alligatum contrahens dupla sit ponderis funem trahentis;

Eo

Cap. 10. De duplo increment. to potentia eorum musculorum. Eo quod quotiescumque momenta potentiarum æquantur, necesse est, ut potentia sint reciproce proportionales suis velocitatibus; & quia ostensa fuit velocitas, qua vis funem clauo alligatum contrahit, sub dupla eius velocitatis, qua pondus eleuatur, sequitur ex necessitate, ut vis, qua funis contrahitur, dupla sit ponderis id ipsum trahentis.

Vndè deducitur hæc regula generalis, quod quotiescumque funis, aut quælibet machina habuerit terminum fixum, semper vis, qua machina tractioni resistit, scilicet ea, quam exercet sustinendo resistantiam, dupla est eius potentia, quam sustinet; & cuiuslibet columnæ, aut alterius corporis basis, aut cuiuslibet obstaculo firmiter innixæ, semper vis, quæ compressioni resistit, dupla est eius, qua comprimitur ab aliqua potentia.

His præmissis denuò limitari possunt vires apparentes musculorum cubitum, & tibiam flectentium.

### P R O P O S. XXXV.

Secunda indago virium duorum musculorum bicipitis, & brachiei cubitum flectentium, quæ duplo maiores sunt, quam capite octauo determinauimus; & solius bicipitis vis maior est potentia librarum 600, & brachiei maior potentia librarum 520. Tab. 2. Fig. 15.

In eadem figura Prop. 22. huius humerus fixus EA, cui articulatur cubitus, vel vlna AB in A supina situatione, sed æquidistans sit horizonti, & in directum ferè constituentur duo ossa EA, & AB, & extremo termino B in extremo manus substineatur pondus R librarum

brarum 26, & cum pondere vlnæ B considerato, pondus appensum in B, extremitate vectis horizontalis AB, erit librarum 28; & quia fuit longitudo vectis AB vigecupla distantiae IO tendinis IC à fulcimento, deduximus, quod vis, qua musculus DC trahit cubitum, eumque sursum attollere nititur cum annexo pondere R, maior est potentia librarum 560. <sup>a</sup> Verum quia musculus DC termino fixo D ossis firmi EA annectitur non secus, ac clauo firmo, & reliqua extremitas tendinis C trahitur deorsum à pondere R, & brachij: Ergo <sup>b</sup> vis contrahens musculum DC dupla est resistentiae, sed ratione vectis eadem vis musculi vigecupla est ponderis appensi in B, proindeque eiusdem musculi vis æqualis erit potentiae ponderis lib. 1120. scilicet dupli illius, qui propositione 22. repertus fuerat.

Cap. 10.  
De duplo  
incremento  
poten-  
tiae eorun-  
dem mus-  
culorum.

<sup>a</sup> Prop. 22  
huius.

<sup>b</sup> Ex Prop.  
31. huius.

Postea, quia <sup>c</sup> vis solius musculi bicipitis reperta fuit æqualis potentiae librarum 300, & vis musculi brachiei æqualis potentiae librarum 260.

<sup>c</sup> Prop. 24.  
huius.

Igitur <sup>d</sup> vis apparens solius musculi bicipitis æqualis est potentiae librarum 600, & vis brachiei æqualis librarum 520.

<sup>d</sup> Ex Prop.  
31. huius.

# P R O P O S. XXXVI.

Secunda indago virium quatuor musculorum tibiarum flectentium, quæ duplo maiores sunt, quam capite nono determinauimus, nempe æquivalent libris 1898. Tab. 3. Fig. 4.

In eadem figura propositionis 26. fæmur AB, & tibia CD in directum iacentes situ prono, & horizontali, & in extremo calcanei suspenditur pondus lib. 73,  
I quod



<sup>a</sup> Prop. 27.  
huius.

quod à quatuor musculis tibiam flectentibus LG, & EG sustinetur, estque longitudo vectis FD ad distantiam FH tendinum IG à centro, seu fulcimento F, vt 13. ad 1; quare deduximus, <sup>a</sup> quod vires quatuor musculorum tibiam flectentium æquales, erant potentia ponderis librarum 949.

<sup>b</sup> Ex prop.  
31. huius.

At quia musculorum LG, & EG termini L, & E connectuntur fixè ossibus coxendicis, & fæmoris, & reliquum extremum tendinosum G trahitur mediante vecte FD deorsum à pondere R, & cruris; Ergo <sup>b</sup> vires, à quibus muscoli EG contrahuntur, duplæ sunt resistentiæ R. Sed ratione vectis, vires musculorum eorundem ad resistentiam R se habent, vt 13. ad 1; Igitur vires apparentes musculorum tibiam flectentium maiores sunt potentia ponderis librarum 1898.

### SCHOLIUM.

Quia omnes animalis muscoli paucis exceptis alligantur duobus terminis, quorum vnus firmus esse solet, fit, vt in eorum contractione natura cogatur duplicatam vim exercere momenti eius resistentiæ, quæ superari debet; At hæc virium duplicatio exigua, & nullius ferè momenti est respectu alterius ingentis multiplicationis, quæ deinceps demonstrari debet.

*De virtutis motiæ musculorum tibiam extendentium momenti, & gradibus apparentibus.*

### CAPVT XI.

**O** Rdo exigeret, vt vires cæterorum musculorum flectentium humerum circa scapulam, & fæmur circa

circa Ilium, nec non flectentium digitos manus, & pedis circa articulos reperiremus, at quia prædicti muscoli aliter efformati sunt, & aliam longè diuersam machinam constituunt ab ea, quam exposuimus, propterea eorum expositio differri debet, quousque lemmata, quæ ad illorum demonstrationes vtilia sunt, recensentur; modo aliorum musculorum, qui eandem structuram simplicem, quam superius tradidimus, habent, & duplici veste operantur, declarationem prosequemur, præmissis aliquibus lemmatibus.

Cap. 11.  
Vires musculorum  
tibiæ extendentiū  
exquiruntur.

## P R O P O S. XXXVII.

Si duo vestes coniuncti conuertibiles fuerint circa punctum extremum connexionis eorum, & circumducto exterius, vel interius fune alligati, arcum constituent; duæ potentiaæ arcum flectentes, vel dilatantes, æquales inter se erunt, & ad eas vis funis colligantis erit, vt duplum distantiaæ communis directionis potentiarum flectentium, vel dilatantium ad duas distantias directionum funis à communi centro. Tab.4. Fig.1. & 2.

Si duo vestes AB, & EB flexibiles, circa commune punctum B connexionis eorum, arcum constituentes, & fune DCF in D, & F alligato, & exterius, vel interius circa trochleam C circumducto, efficiat sua tensione arcus dilatationem, vel constructionem ABE, applicenturque in A, & E duæ potentiaæ R, & S contrarijs impulsibus comprimentes, vel dilatantes brachia arcus secundum directionem AE; Dico primum potentias R, & S esse inter se æquales. A centro B ad directionem AE ducatur perpendicularis BG, quia duo

Cap. 11.  
Vires mus-  
culorum  
tibiæ ex-  
tenduntur  
exquirua-  
tur.

aEx prop.  
16. huius.

b Tab. 4.  
Fig. 2.

cEx prop.  
26. huius.

vectes ob funis firmam colligationem constituunt li-  
bram inflexam ABE, conuertibilem circa fulcimentum  
B, & duæ potentiaë R, & S obliquè impellendo termi-  
nos libræ AE per communem directionem AGE sibi  
mutuo æquilibrantur, cum vna alteri non cedat; Er-  
go <sup>a</sup> potentia absoluta ipsius R ad potentiam absolu-  
tam S, est vt BG ad semetipsam, cum sit distantia di-  
rectionis à centro, tam ipsius R, quam S, quod erat  
primum.

Postea <sup>b</sup> ex eodem centro B ducantur BH, & BI  
perpendiculares ad directiones funium CD, & CF; &  
quia duo vectes AB, & EB, se se tangentes in B flecti  
possunt circa idem centrum B, profectò à potentijs R,  
S comprimentibus, vel dilatantibus stringerentur vni-  
renturque in situ BG, vel ab eodem recederent, nisi fu-  
nis DCF tenacitas impediret talem constrictionem,  
vel dilatationem; Cum igitur vnus, eiusdemque fu-  
nis DCF tenacitas resistat actioni duarum potentia-  
rum R, & S, necesse est, vt vna pars funis nempe CD  
resistat actioni potentiaë R, reliqua verò pars CF resi-  
stat actioni potentiaë S. Estque punctum B fixum, cò  
quod contrarijs impulsibus centrum B in eodem situ  
retinetur. Igitur constituuntur duo vectes AB, & EB  
circa idem fulcimentum B conuertibiles, & in vtraque  
potentia, & resistentia æquilibrantur, nempe in vecte  
AB potentia R nititur flectere terminum A per dire-  
ctionem AG, cuius distantia à centro est BG; & è  
contra funis DC tenacitas, vel vis contractiua vim fa-  
cit retrahendo vectem ex D per directionem DH,  
cuius distantia à centro est BH, & vna potentia  
alteri non cedit, cum vectis in eodem situ retinea-  
tur; Ergo <sup>c</sup> vt potentia absoluta funis DC ad poten-  
tiam



tiam absolutam R, ita erit reciprocè distantia BG ad distantiam BH. Eodem ratiocinio, vt potentia funis CF ad potentiam absolutam S, ita erit eadem distantia BG ad distantiam BI, quare potentia absoluta totius funis DCF ad duas potentias R, & S simul sumptas, seu ad duplum ipsius S, erit vt duplum distantie BG ad duas distantias BH, & BI simul sumptas, vt erat propositum.

Cap. II.  
Vires musculorum.  
tibiæ extendentiæ  
exquiruntur.

## P R O P O S . XXXVIII.

Si idem arcus non grauis clauo affixus fuerit, vel solo innixus perpendiculariter, ab vnico pondere, vel potentia distrahatur, aut comprimatur: Potentia funis ad potentiam arcum impellentem erit, vt distantie directionis potentie impellentis ad quadrantem duarum distantiarum directionum funis ab eodem centro. Tab.4. Fig.3.

Sit rursus idem arcus in proposit. antec. expositus ABE, quæ nullam grauitatem habere supponamus, & terminus eius E clauo S affigatur, vel innitatur perpendiculariter erectus super planum horizontale firmum SL; impellaturque à pondere, vel alia potentia R, & reliqua perficiantur, vt in prop. antec. factum est. Dico potentiam absolutam funis DCF ad potentiam impellentem R eandem rationem habere, quam GB distantia directionis AGE à centro B ad quartam partem duarum distantiarum BH, BI funis ab eodem centro. Et primo constat ex mechanicis, non consistere, nec quiescere posse graue R in situ erecto super arcum ABE innixum, nisi linea recta AGE educta à centro grauitatis R per E extensa (quæ linea directionis, seu  
pro-

Cap. II.  
Vires musculorum  
tensionem ex-  
tendentium  
exquiruntur.

propensionis eius est ) perpendicularis sit ad planum horizontale SL, & quia resistentia clavi S, vel soli impenetrabilis LS eodem prorsus modo, & eadem energia distrahit, aut impellit vectis BE terminum E versus A, ac si vice clavi S, aut pavimenti SL substituere-  
tur in E manus vectis, aut alia potentia, quæ æquali energia opponeretur potentia R; quare potentia R, & ei æqualis resistentia clavi, vel pavimenti S simul sumptæ, agunt contra funis DCF potentiam, eique æquilibrantur, & ideo potentia absoluta funis ad duas potentias arcum comprimentes, vel dilatantes, inter se æquales, scilicet R, & resistentia clavi, vel soli stabilis S eandem rationem habebunt, quam duplum GB ad duas BH, & BI, seu eandem, quam GB semissem ipsarum ad BH, & BI, semisses consequentium proportionales quoque erunt, scilicet potentia funis DCF ad solitarium pondus R erit vt GB ad quadrantem ipsarum BH, & BI, quod erat &c.

### C O R O L L A R I V M .

Ex hac propositione colligitur, quod momentum funis DCF non est æquale, sed duplum potentia comprimantis, vel dilatantis R, licet se mutuò videantur æquilibrare; Vnde constat, quod vis eiusdem funis in hac constitutione posset iisdem vectibus agere contra vim duplam ipsius R, quandoquidem medietas momenti eiusdem funis exerceri cogitur contra vim resistentis pavimenti, vel clavi S.

PRO-

## PROPOS. XXXIX.

Cap. II.  
Vires musculorum  
tubiam extendentiū  
exquiruntur.

Iisdem positis, existente arcu ponderoso, proportionem, quam habet funis arcum dilatans, aut stringens, ad potentiam eum impellentem reperire. Tab. 4.  
Fig. 4-

Sit rursus arcus ABE grauis, pariterque funis DCF, cum trochlea C grauitatem habeant. Debet reperiri proportio, quam habet potentia funis ad pondus, à quo arcus comprimitur, vel distrahitur; & quia in hac hypothesi idem met arcus ABE vim patitur, ne dum à pondere R, sed etiam à nisu propriæ grauitatis, ambo enim hæc pondera id ipsum comprimunt, vel distrahunt; similiterque clauis S tenacitas, vel soli duriæ cogitur sustinere, nedum pondus R, sed etiam pondus totius arcus, & funis. Reperiri propterea debet centrum grauitatis communis horum grauium; Sit igitur M centrum grauitatis totius machinæ ABCE centrum verò grauitatis corporis R, sit in puncto R, coniungaturque recta RM, & diuidatur in N in eadem ratione reciproca eorundem grauiū, id est vt pondus R ad pondus machinæ ABCE, ita fiat MN ad NR, patet punctum N esse centrum grauitatis aggregati ex R, & machinæ ABCE. Ducta linea recta NB, factus iam erit nouus arcus NBE nullam grauitatem habens, quandoquidem vniuersum corpus suspenditur, exercetque suam grauitatem in N, eiusque linea propensionis erit NGE, quæ sit perpendicularis ad planum horizontale. Insuper directionis linea funis DC eadem permanet, siue continetur, siue non, quia semper ex centro B perpendicularis ad funis directionem est eadem BH;  
demon-



Cap. 11.  
Vires musculorum  
tibiae extendentium  
exquiruntur.

demonstrabitur igitur, ut in præcedenti factum est, quod potentia absoluta funis DCF ad pondus R cum pondere machinae ABCE eandem proportionem habet, quam BG ad quadrantem ipsarum BH, BI, quod quæri debuerat.

### PROPOS. XXXX.

Indago virium musculorum tibiae extendentium crurei, & duorum vastorum, quæ sexcupla est ponderis prementis, & sunt proximè æquales vi librarum 2280. Tab. 4. Fig. 5.

Duæ regulæ ABE arcum constituentes repræsentent arcum, quem formant fæmur AB, & crus BE in genu B coniuncti, pes SL pavimento XZ innixus sit. Et quia videmus, quod altero pede à solo eleuato, ne dum tota hominis machina 180. librarum erecta super vnicum pedem persistit genu aliquantisper inflexo, sed insuper grande pondus 200. librarum ceruicibus super impositum sustineri, & gestari solet à baiulis se humiliando in porticulis domorum; proculdubio tota hæc moles ex hominis corpore VABE, & pondere R ei super posito, quæ 380. libras superare solet in communi eorum centro grauitatis, quod sit N, vim exercebit; & hoc ex legibus mechanicis inniti debet super arcum ABE per lineam directionis NAE perpendiculararem ad planum horizontale, & pertingentem ad terminum infimum cruris E super pedem LS; manifestum quoque est, quod simplex arcus flexibilis circa centrum B ex sui natura cederet tanto pondere, labereturque, ut regulæ AB, BE prosternerentur, fierentque parallelæ plano horizontis XZ; Quare opportunè huic ruinæ  
æqua-

æquali momento opponitur vis trium musculorum DCF genu extendentium, & arcum ABE dilatantium, habemus igitur arcum ABE pauimento XZ innixum in L, & compressum in A à pondere maiori, quam 380. librarum per directionem NAE, estque GB distantia directionis AE à centro B ferè tripla distantiae BH musculi DC, vel tendinis CF à centro B; <sup>a</sup> & vt potentia funis, seu musculi DC ad pondus comprimens arcum, ita est distantia GB ad semissem distantiae BH; quare potentia musculorum DCF erit ferè secupla ponderis comprimentis, scilicet vis trium musculorum DCF, paulo minor erit potentia 2280. librarum, & hoc erat quæsitum.

Cap. II.  
Vires musculorum  
tibiae extendentiū  
exquiruntur.

<sup>a</sup>Ex prop.  
38. huius.

## S C H O L I V M.

Negleximus in hac indagine musculus tibiae extendentem, qui rectus vocatur; quia in hac experientia aliquando nil operatur rectus musculus, sicuti nec fascialis, propterea quod alligantur spinæ ossis Ilij, & ob abdominis curuaturam valdè relaxantur prædicti musculi; & proinde inepti aliquando redduntur ad validam contractionem efficiendam, sine qua genu extendi non posset.

## P R O P O S. XXXXI.

Indago virtutis musculi solei pedem extendentis, quæ tripla est ponderis prementis, & maior est vi ponderis librarum 1140.

Tab. 4. Fig. 6.

Experientia constat, quod idem baiulus cum eo-  
K dem

Cap. II. )  
Vires mu-  
sculorum  
tubiam ex-  
tendentiū  
exquirun-  
tur .

a Prop. 38.  
huius .

dem onere R ceruicibus imposito, vno pede eleuato potest, ne dum inniti super alteriūs pedis plantam pauimento adherentem, crure tamen incuruato, vt prius dictum est, sed etiam inter ambulandum calca- neo eleuato inniti potest super extremum verticem pe- dis, vndè constituitur denuò arcus ABE compositus ex tibia AB pede EBC conuertibili circa centrum B, existente planta pedis CS versus calcaneum C eleua- ta, dum solummodò pauimentum contingit confinium pedis E in LS; tunc pariter à musculo soleo DHC, ne dum sustinetur pondus R cernicibus impositum, sed etiam pondus totius hominis addito etiam infimo pe- de CBE, quod in indagine præcedenti deficiebat; iam existente denuò NAE linea directionis totius ponde- ris ad planum horizontale perpendicularis, eiusque distantia à centro GB reperitur maior quidem, quam BH, quæ est distantia tendinis CH à centro B, & mi- nor, quam dupla eiusdem, ponatur sexquialtera, & quia vis musculi DC ad pondus comprimens arcum est, vt GB ad semissem ipsius BH, <sup>a</sup> erit potentia mu- sculi DC tripla ponderis prementis arcum; hoc autem maius erat 380. librarum; Igitur musculi solei vis maior est potentia 1140. librarum, quod quæreba- tur.

### S C H O L I V M .

Hic pariter negleximus duos musculos Gastrocne- mios, & plantarem pedis quoque extensores, quia in hac experientia multoties nil operantur, eo quòd col- ligantur in extremo femoris, ob cuius flexionem illi musculi relaxati trahere calcaneum nequeunt; & ideo suspen-



suspensionem prædictam non adiuuabunt. Obseruandum est, quod quadrupeda animalia inniti, & suspendi nequeunt super vnicum pedem, sed saltem super duos posteriores, aut anteriores in casu, & saltu; at stando inniti debent super pōstremos infimos pedes humi stratos, vt vrsi, simiæ, canes, & alij; At equi licet omnino erecti stare nequeant, possunt nihilominus erigi per breue tempus aliquantum innixi extremis pedibus eleuatis calcaneis, & tunc facilè vires soleorum vtrosque pedes extendentium methodo superiùs tradita inquiri possunt, quia distantia directionis ponderis totius equi cum onere ei super posito à centro calcanei b sextupla esse videtur distantiae directionis tendinis solei ab eodem centro ad semicrassitiem calcanei; & potentia eorundem soleorū ad pondus comprimens est, vt 12. ad 1, cumque equus superet pondus librarum 250, & onus ei super positum 450. libras excedat; Ergo libræ 700. duodecies sumptæ indicabunt vires amborum musculorum soleorum, quæ erunt æquales potentiae librarum 8400, In volatilibus postea, quæ sustinere, & baiulare possunt tantundem ponderis, ac ipsa grauitent commodiùs, & faciliùs vires muscoli solei reperiri possunt, quia semper incedunt calcaneo eleuato, & inter ambulandum vni pedi inniti coguntur, & in Cygno, cuius pondus libras vndecim non solet excedere, obseruatur quod distantia directionis centri grauitatis eius à centro calcanei decupla ferè est distantiae directionis tendinis solei muscoli ab eodem centro; Ergo potentia solei (qui in Cygno tripartitus est) ad pondus Cygni cum pondere ab eo sustentato, viginti duarum librarum sedecupla est, & proindè erit æqualis potentie librarum 352.

Cap. II.  
Vires musculorum  
tibiæ extendentiū  
exquiruntur.

bEx Prop.  
40. huius.

Hæc verò mensura non est præcisa, nam in saltu ab iisdem soleis producto multo maior vis motiua requiritur, vt suo loco ostendemus.

*De maiori incremento Virtutis motiue, quæ requiritur ad idem pondus sustinendum ab iisdem articulis musculorum, qui eandem operationem adiuuant.*

## C A P V T XII.

**S**I mirabilis meritò censetur excessus virtutis motiue musculorum supra pondus eleuatum, quem hætenus demonstrauimus, magis stupendum censebitur incrementum, cuius expositionem mox aggrediemur, præmissis nonnullis mechanicis lemmatibus.

## P R O P O S. XXXXII.

Si fuerit vectis non continuus, sed discretus, & coniunctus vinculo flexibili, & non grauis, extremoque eius termino pondus appendatur, & duæ potentiæ trahant duas vectis portiones per directiones ad easdem partes tendentes; non poterunt potentiæ vectem dirigere, neque cum pondere æquilibrari. Tab.4. Fig.7.

Sit vectis AC discissus in B, ibidemque colligatus, vt flecti possint partes eius AB, & BC, tum circa internodium B, tum circa fulcimentum fixum A, sintque regulæ grauitatis expertes, & ex C pendeat pondus R; trahant

trahant vero sursum potentia F, & K puncta regularum G, & H per directiones GE, HO inter se parallelas, & ad easdem partes tendentes. Dico, quod vectis ABC non poterit vnā lineam rectā constituisse, nec in situ horizontali tensus retineri, neque potentia F, & K ponderi R æquilibrari poterunt. Quia vectis AB conuertibilis circa centrum fixum A trahitur sursum à potentia F ex G per directionem GE, & à nullo pondere comprimitur deorsum, cum vectis AB non grauis supponatur, & à pondere R non trahatur deorsum, dum ABC horizontaliter, & directe extenditur ob flexionem virgæ BC circa nodum B; Ergo necessario internodium B sursum ascendet tractum per circumferentiam BM radio AB descriptam, & proinde punctum B fixè in aliquo loco retineri non poterit, sed continenter ascendet per arcum BM; Postea, quia virgæ BC duo termini extremi motibus contrarijs flecti possunt cum C, trahatur deorsum à pondere R, & B sursum à potentia F subleuante nodum B per arcum BM; Igitur (siue punctum intermedium H fixè in eodem situ retineretur, siue sursum per directionem HO traheretur) semper circumductio, & conuersio virgæ BC subsequi deberet descendendo C in c, & ascendendo B in b quousque virga BC situationem bc perpendicularē ad horizontem acquireret; Quare duæ virgæ AB, & BC connexæ in B positionem inclinātam, & inflexam acquirerent, & ob id à nulla potentiarum F, aut K æquilibrari poterit in situ horizontali cum pondere R, quæ erant ostendenda.

Cap. 12.  
De maiori  
incremento  
potentia,  
quod  
requiritur  
ad idem  
pondus su-  
stinendū.



Cap. 12.  
De maior  
incremento  
potentia, quod  
requiritur  
ad idem  
pondus sus-  
tinendū.

## PROPOS. XXXXIII.

*Iisdem positis, duæ potentia in regulis applicari possunt, vt vectem in situ horizontali directo retineant, & cum pondere appenso æquilibrentur.*  
Tab.4. Fig.8.

Sit idem vectis ABC eodem modo dispositus; Dico fieri posse id, quod proponitur: funiculus alligatus in H termino regulæ CB, & circumductus per fibulam, aut trochleam O in regula altera AB existentem trahatur à potentia K, patet à tali funis tractione retineri posse regulas AB, & BC in eadem directa positione, non secus ac à nodo, aut vinculo; & tunc vis ipsius K, qua trahit, connectitque funem ab H versus O, æquari omnino debet momento ponderis R; si enim vis funis ab hoc deficeret, flecteretur deorsum regula BC per arcum Cn circa centrum B, & si id ipsum superaret, flecteretur eadem regula sursum per arcum CN; Præter ea postquam duæ regulæ AB, BC fune alligatæ à potentia K vnicum vectem directum, ac rigidum constituunt, non poterit prohiberi ab eadem potentia K descensus totius vectis AC deorsum tracti à pondere R circa centrum A, propterea quod energia potentia K tota applicatur, & absumitur in retinendo duas regulas in directa situatione; quæ directio seruari potest æquè benè vbicumque inclinetur, transferaturque vectis directus AC, vt in situ Abc, igitur ad hoc, vt vectis, qui hæcenus directus fuerat, retineatur in situ horizontali, requiritur noua potentia F vectem suspendens ex G, cuius momentum æquale sit momento ponderis R; Quare tam momentum ipsius K, quam ipsius F  
æqua-

æquatur momento ponderis R, & ab eis duæ regulæ AB, BC in directum constituuntur, quod quærebat-  
 tur.

## COROLLARIUM.

Hinc colligitur, quod momenta duarum potentialiarum F, & K simul sumpta duplicia sunt momenti ponderis R, seu illa æqualia sunt momento ponderis R bis sumpto.

## PROPOS. XXXIV.

Sit vectis grauis, ex pluribus regulis circa internodia flexibilia, compositus; & extremo eius puncto pondus aliud perpendiculariter appendatur, atque vectis, & internodia dirigantur, sustineanturque à totidem potentijs funium in termino fixo alligatorum: omnes potentia funium suspendentium simul sumptæ ad pondus appensum toties sumptum, quot sunt regulæ, vna cum semiponderibus primæ regulæ semel acceptæ, secundæ bis, tertiæ ter, & sic deinceps crescendo iuxta seriem numerorum, eandem proportionem habebunt, quam longitudines omnes simul sumptæ, regulæ primæ semel, secundæ bis, tertiæ ter, & sic deinceps ad semidistantias directionum omnium funium à suis fulcimentis; oportet autem, vt termini consequentes proportionales sint inter se. Tab.4. Fig.9.

Sit vectis AD compositus ex pluribus regulis AB, BC, CD æquè crassis, & vniformiter grauibus, colligatis circa internodia volubilia A, B, & C; & extremo termino D pondus R appendatur perpendiculariter; atque

Cap.12.  
De maiori  
incremento  
potentia,  
quod  
requiritur  
ad idem  
pondus  
sustinendū.

Cap. 12.  
De maiori  
incremento poten-  
tiæ, quod  
requiritur  
ad idem  
pondus su-  
stinendū.

atque internodia, & vectes dirigantur sustineantur-  
que à potentijs funium EM, HGF, & LKI, quæ affi-  
xæ sint terminis L, H, E, & distantia CD. BD, AD sint  
inter se, vt semidistantia CP, BN, AO funium à ful-  
cimentis C, B, & A. Dico, quod omnes potentia fun-  
nium trahentium EM, HGF, LKI simul sumptæ ad  
pondus R ter sumptum, scilicet quot sunt regulæ si-  
mul cum medietatibus ponderum, vnus regulæ AB,  
duarum BC, trium CD, eandem proportionem habere,  
quam longitudo composita ex vna AB duabus BC, &  
tribus CD ad semisses omnium distantiarum AO, BN,  
CP funium à fulcimentis A, B, C. Et primò duas re-  
gulas AB, BC firmiter à suis funibus in directione ho-  
rizontali retineri intelligamus, tunc C erit fulcimen-  
tum vectis CD deorsum tracti æquali momento à pon-  
dere R, & sursum à fune LKI alligato in I, & circum-  
uoluto, vel excurrente per fibulam K; a quare potentia  
funis LKI ad pondus R vnà cum pondere vectis CD,  
seu cum pondere semissis regulæ CD in D appenso,  
erit, vt distantia vectis CD ad semissem distantia CP.  
Postea, quia potentia funis LKI sua actione id solum-  
modò consequitur, vt duæ regulæ BC, CD rigidè in  
eadem directione horizontali retineantur, vt dictum  
est, propterea secundo loco intelligatur regula AB  
fixè retenta in situ horizontali, vt circa fulcimentum  
B circumduci possit vectis BD, & quia denuò vectis  
BD trahitur deorsum circa centrum B à pondere R, &  
à pondere totius vectis BD, seu à semisse ponderis BD  
in D appensi, & sursum æquali momento trahitur à  
potentia funis HGF circa trochleam G, & affixi in H:  
Igitur potentia absoluta funis HGF ad pondus R vnà  
cum pondere vectis BD, seu semissis BD ex D su-  
spensi,

a Ex Scol.  
prop. 34.  
huius.



suspenſi, erit vt longitudo vectis BD ad ſemi BN diſtantiæ directionis funis à centro B. Similiter quia potentia funis HGF nil aliud efficit, quam colligare regulam AB cum BD, & eas retinere in eadem directione horizontali; Ideo conſtituitur poſtremo loco vectis AD conuertibilis circa centrum A, qui deorſum impellitur à pondere R, nec non à pondere totius vectis AD, ſeu ab eius ſemiſſe in D conſiderati, & ſurſum æquali momento trahitur à potentia funis EM ex M, & alligatur in E; Ergo potentia abſoluta funis EM ad pondus R vna cum pondere ſemiſſis vectis AD ex D pendentis, eandem rationem habebit, quam longitudo vectis AD ad ſemi AO; ſuntque diſtantiæ CD, BD, AD inter ſe, vt ſemidiſtantiæ CP, BN, AO; Igitur colligendo antecedentes, & conſequentes proportionales inter ſe quoque erunt: Ideoque potentiæ abſolutæ funium LKI, HGF., & EM ſimul collectæ ad triplum ponderis R vnà cum medietatibus ponderum CD, BD, & AD, ſeu ſemiſſium vnus AB duarum BC, & trium CD, eandem proportionem habebunt, quam longitudines omnium vectium GD, BD, & AD, ſeu vnus AB, duarum BC, & trium CD ad ſemiſſes omnium diſtantiarum directionum funium à centris, vt ſunt AO, BN, & CP; Idemque dicendum, ſi plures, quam tres regulæ extiterint; quare patet propoſitum.

Vt vero moleſtia, quam hac laborioſa propoſitione attulimus, compenſetur, antequam reliqua lemmata huic negotio inſeruiencia exponamus, operæ pretium erit ex ea colligere fructum forſan non ingrati ſaporis nempè.

Cap. 12.  
De maiori incremento potentia, quæ requiritur ad idem pondus ſuſtinendū.

Cap. 12.  
De maiori  
in cremen-  
to poten-  
tiæ, quæ  
requiritur  
ad idem  
pondus su-  
stinendū.

## P R O P O S . XXXV.

Si brachium humanum vsque ad extremos digitos manus supinæ, in directum proximè, & horizontalitèr extensum fuerit; & in extremitatibus quatuor digitorum suspendatur maximum pondus, quod sustineri potest in tali situ; Potentia apparens, quam natura exercet contrahendo omnes musculos brachij, qui ad prædicti ponderis suspensionem concurrunt plusquam 209. est ponderis sustentati. Tab. 4. Fig. 10.

Veëtis AG compositus ex sex regulis connexis, & flexibilibus circa sex internodia representet brachium humanum in supina positione horizontaliter extensum, non præcisa directione, sed parumper incuruatum in cubito B, & in articulationibus digitorum D, E, F, ne dùm, vt flecti deorsùm parùm queant; sed etiam, vt extremitates digitorum inæqualium ad eandem extensionem longitudinis cum cæteris collateralibus digitis redigantur; Postea in extremitatibus quatuor digitorum G suspendatur maximum pondus R, quod ibidem à robusto iuvene sustineri potest, quod quidem libras 9.  $\frac{1}{2}$  non superat; Et quia veëtis AG directus ex sex regulis flexibilibus compositus est, requiruntur potentiæ omnium funium, seu musculorum IP, PK, KL, QM vnà cum KM, KN, & KO ad suspendendum veëtem AG cum pondere R, vt proximè demonstrandum est; Proponitur igitur inuestiganda mensura omnium potentiarum prædictorum musculorum, quæ ad pondus R erit, vt 209. ad 1. Consideratur veëtis portio AF retenta à suis funibus in di-

in directa positione, efficietur ( vt prius dictum est ) F Cap. 12.  
De maiori  
incremento poten-  
tiæ, quæ  
requiritur  
ad idem  
pondus su-  
stinentū.  
fulcimentum vectis FG pressi à pondere R, & ab ipso  
vectæ, & tractæ sursum à portione potentiæ musculi  
KO flexoris tertij articuli digitorum, cuius tendo OH  
fascia membranosa ad instar trochleæ colligatur arti-  
culo EF; Ideoque distantia directionis tendinis HO à  
centro F æqualis erit dimidio crassitie ei usdem arti-  
culi, quæ quarta pars ferè est longitudinis articuli FG,  
quare longitudo vectis, seu extremi articuli FG qua-  
drupla erit distantie FH; Igitur portio illa potentiæ  
absolutæ musculi K O ad pondus R vnà cum semisse,  
quatuor extremorum articulorum FG in G appensis  
erit, a vt distantia FG ad semissem distantie FH, seu ad  
quadrantem crassitie extremi articuli; Vnde portio  
potentiæ musculi KO, quæ agit contra resistantiam R  
erit octupla ponderis R, neglecto ob paruitatem pon-  
dere semiarticuli postremi, Erat autem pondus R  
libr. 9.  $\frac{1}{2}$  Ergo vis positionis musculi KO æquatur po-  
tentie libr. 76. secundò considerato vecte EG directe  
retento à musculo KO erit quoque centrum eius E,  
& premitur ab eodem pondere R vnà cum semisse 8.  
articulorum manus, qui negligi quoque possunt, &  
est distantia EG plusquam octupla distantie EN dire-  
ctionis tendinis à centro; Ergo potentia musculi KN  
sedecupla erit ponderis R, nempe erit æqualis poten-  
tie libr. 152.

aEx Schol.  
prop. 34.  
huius.

Tertiò vectis DG totius digiti firmiter in sua ex-  
tensione retinetur à musculis KO, & KN, & ideò con-  
uertibilis erit circa centrum D, & impellitur deorsum  
ab eodem pondere R vnà cum semisse 12. articulorum  
digitorum manus, qui hic quoque negligi possunt,  
trahiturque idem vectis à musculis lumbricalibus QM,



Cap. 12.  
De maiori  
incremento poten-  
tiae, quae  
requiritur  
ad idem  
pondus sus-  
tinendū.

sed non sine adiumento musculi KO, estque distantia DG plusquam decupla distantiae DM directionis tendinis à centro D, scilicet semissis crassitiei primi internodij; Ergo potentia musculorum QM; & KO ad pondus R cum adiuncto pondere digitorum est in maiori proportionem, quam 20, ad 1, & propterea eorundem musculorum potentia erit maior lib. 190.

Quarto vectis CG totius manus firmiter retentus in sua extensione à musculis KO, KN, & QM premitur deorsum à pondere R vnà cum semisse vnus librae scilicet semisse ponderis totius manus, & trahitur à musculo KL circa centrum C, & est longitudo manus plusquam decupla semicrassitiei carpi; Ergo potentia musculi KL ad pondus R cum adiuncto, erit maior ratio, quam 24. ad 1, & ideo vis musculi KL, maior erit potentia lib. 240.

Quinto vectis BG cubiti, & manus rigidè in sua directione à musculis KO, KN, QM, & KL retentus impellitur deorsum à pondere R vna cum semisse cubiti, vel manus scilicet libr. 2, & trahitur sursum à musculis PK circa centrum B, & est longitudo cubiti, & manus ad semicrassitiem cubiti, vt 24. ad 1; Igitur potentia, quam exercent musculi PK ad pondus libr. 11. &  $\frac{1}{2}$  scilicet ipsius R cum adiuncto habebit maiorem rationem, quam 48. ad 1, & propterea vis musculorum PK maior erit potentia libr. 52.

Tandem vectis AG ex humero, cubito, & manu compositus valida directione à musculis PK, KL, KN, QM, & KO in situ horizontali retentis, impellitur deorsum à pondere R vnà cum semisse totius brachij, & manus, scilicet cum lib. 3.  $\frac{1}{2}$ , & sursum trahitur à musculo Deltoide IP circa centrum tuberculi humeralis

ralis A, & est longitudo totius brachij AG plusquam trigecupla prædicti semituberculi, nempe distantiae directionis musculi Deltoidis à centro reuolutionis humeri; Ergo potentia, quam musculus IP exercet plusquam sexagecupla est lib. 13, scilicet ponderis R, & semibrachij; quapropter potentia, quam exercet musculus Deltoidis in hac operatione est æqualis lib. 780.

Cap. 12.  
De maiori  
incremen-  
to poten-  
tiæ, quæ  
requiritur  
ad idem  
pondus su-  
stinendū.

Collectis porrò in vnâ summam viribus omnium musculorum in actione suspensionis ponderis R simul operantium, erunt æquales potentiae lib. 1990, & propterea cogitur natura exercere vires 209. maiores, quam sit pondus R: alias id sustinere in extremitate brachij horizontaliter supinè extensi non posset, quod fuerat &c.

## S C H O L I V M.

Animaduersione dignum est, quod in prædicta operatione non omnes musculi suspensioni ponderis R, brachio supinè extenso, inferuientes, exercere debent integram, & totalem suam Energiam; sufficit enim, vt vnus eorum maxima sua vi resistentiae ponderis R æquilibretur, & tunc reliqui omnes musculi licet validiori robore superent momentum eiusdem resistentiae; tamen coguntur partem suæ virtutis exercere, reliqua otiosa remanente; Nam omnes æquali momento resistentiae opponi debent, vt demonstratum est; hoc autem confirmatur ex eo, quod vis maxima duorum musculorum cubitum flectentium demonstrata fuit maior librarum 1120; <sup>a</sup> hic verò multo minor reperitur nempe lib. 552. Ratio verò, quare in hoc casu ijdem muscu-

<sup>a</sup> Prop. 35.  
huius.

Cap. 12.  
De maiori  
incremento  
potentia, quæ  
requiritur  
ad idem  
pondus sus-  
tinendū.

musculi non exercent integram suam vim, est quia musculus flexor tertij articuli digitorum, debilis est, nec potest maius pondus, quam lib. 9.  $\frac{1}{2}$  suspendere, ad hoc vero exiguum pondus sustinendum sufficiunt vires flexorum cubiti partiales nempe æquales lib. 552.

Id ipsum euidentius experitur, si extenso brachio horizontaliter situ prono (flexo lateraliter thorace) extremis articulis digitorum pondus maximum suspendatur, quod ibidem sustineri potest; id planè exiguum est multò minus lib. 6, & tamen vim eiusdem musculi Deltoidis ibidem sustinere posse multo maius pondus, ex præcedenti experimento constat.

His demonstratis redeo ad reliquorum lemmatum expositionem, quæ extensionibus articulorum complicatorum inseruiunt.

#### PROPOS. XXXXVI.

Si arcus trilinei alternè circa duos angulos complicati extremæ lineæ parallelæ fuerint inter se, & duo extremi termini eius à potentijs contrarijs per eandem directionem impellantur; erunt potentia reciprocè proportionales lineis extremis arcus. Tab. 5. Fig. 1.

Sit arcus trilineus ABCD circa duos angulos B, & C alternè inflexus, & AB, CD sint semper parallelæ inter se, & in A, & D applicentur duæ potentia R, & S, quæ motibus contrarijs per eandem directionem AED conentur ambæ stringere, vel ambæ dilatare arcum. Dico potentiam R ad S eandem proportionem habere, qua DC ad AB. Quia in arcu trilineo ABCD regula intermedia BC vim non patitur à potentijs R, & S,



& S, sed tantummodò duo extremi vectes impelluntur motibus contrarijs circa puncta B, & C, & proinde tota regula intermedia BC se habet, vt fulcimentum libræ, cuius radij sunt AB, & DC; Quare duæ potentiæ R, & S impellunt duos vectes AB, DC circa fulcimenta B, C per eandem directionem AED, & semper æquidistant inter se ipsi vectes; Ergo motus, seu conatus potentiæ R mensurabitur à recta AE; pariterque motus ipsius S indicatur à recta DE; & propterea velocitas potentiæ R ad velocitatem potentiæ S, erit, vt AE ad ED, seu vt AB ad DC (propter similitudinem triangulorum ABE, DCE;) suntque momenta ipsarum R, & S æqualia, cum se mutuò impellendo quiescant, & vnum alteri non cedat; Igitur ex mechanicis potentiæ suis velocitatibus reciprocæ sunt, scilicet potentia absoluta R ad potentiam absolutam S erit, vt DC ad AB, quod erat propositum.

Cap. 12.  
De maiori  
incremento poten-  
tiæ, quæ  
requiritur  
ad idem  
pondus su-  
stinendū.

## P R O P O S. XXXXVII.

Si plures regulæ flexibiliter connexæ, & funibus circa nodos colligatæ arcum non grauem alternè complicatum constituent; potentiæ arcum per eandem directionem impellentes erunt inter se reciprocæ, vt distantia directionum earum à centris. Tab. 5. Fig. 2. & 3.

Sint primo tres regulæ<sup>a</sup> AB, BD, DE coniunctæ<sup>a</sup> Tab. 7.  
circa internodia flexibilia BD, & funibus GFH, IKL Fig. 2.  
circa internodia B, D colligatæ arcum alternè inflexum ABDE constituent, qui expers grauitatis supponatur; & duæ potentiæ R, & S contrarijs impulsibus per eandem directionem ACE arcum constringant, si  
funes

Cap. 12.  
De maiori  
incremento poten-  
tiæ, quæ  
requiritur  
ad idem  
pondus su-  
stinendū.

funes extrinsecus colligatæ sunt, vel dilatent, si funes internè internodia connectunt; ducantur distantia directionum  $BM$ ,  $DP$  à centrīs perpendiculares ad communem directionem. Dico, potentiam absolutam  $R$  ad potentiam  $S$  reciprocè esse, vt  $DP$  ad  $BM$ . Quia potentia  $R$  perindè agit impellendo vectem  $AB$  ex  $A$  per directionem  $AM$ , ac si in  $M$  termino vectis  $BM$  consisteret; pariterque potentia  $S$  agit non secus, ac si in  $P$  termino vectis  $PD$  operaretur; Igitur duæ potentia  $R$ , &  $S$  æqualibus momentis (cum vna alteri non cedat) impellunt arcum inflexum  $BM$ ,  $DP$  per eandem directionem, & sunt  $BM$ ,  $PD$  parallelæ inter se, cum sint perpendiculares ad eandem  $ACE$ ; Igitur ex præcedenti, vt potentia  $R$  ad potentiam  $S$ , ita est  $PD$  ad  $BM$ .

<sup>b</sup> Tab: 5.  
Fig. 3.

Sit secundo Arcus  $ABVDE$  <sup>b</sup> ex quatuor regulis compositus, vt nimirum priori arcui addatur medio loco angulus  $V$  fune  $NOQ$  constrictus, & intelligatur arcus dissectus in  $X$ , ibidemque applicata concipiatur potentia  $Z$ , quæ æquali momento impellat arcum  $ABVX$  contra vim ipsius  $R$ , patet ex prima parte huius, ita esse potentiam  $R$  ad potentiam  $Z$ , vt distantia  $TV$  ad distantiam  $BM$ ; denuò secto arcu in  $C$  constat, quod funis  $NOQ$  agit contra duas potentias comprimentes arcum  $CVX$ , ex  $C$ , &  $X$ , quæ æquales essent inter se, & ideò potentia, quæ in  $C$  comprimeret arcum  $CVX$  æqualis esse deberet ipsi  $Z$ . Postea intelligatur arcus integer  $CVDE$ . Denuò potentia  $Z$  in  $C$  impellens ad potentiam  $S$ , cui momento æquatur (eo quod tam  $S$ , quam  $Z$  æquilibrantur eidem  $A$ ) eandem rationem habet, quam distantia  $DP$  ad distantiam  $TV$ ; fuit autem prius potentia  $R$  ad  $Z$ , vt distantia

distantia TV ad BM ; Igitur, ex æquali perturbata, potentia absoluta R ad potentiam S, erit vt distantia DP ad distantiam BM . Eodem progressu , si arcus compositus fuerit ex quocumque regulis, semper extremæ potentiaë ostendentur reciprocè , vt extremæ distantiaë communis directionis earum à centris, quod erat propositum .

Cap. 12.  
De maiori  
incremento  
potentiaë,  
quæ  
requiritur  
ad idem  
pondus  
sustinendū .

## P R O P O S . XXXXVIII.

Iisdem positis, momenta virium omnium funium, quibus arcus anguli stringuntur, æqualia sunt duplo momentorum tot potentiarum arcum impellentium, quot sunt funes, relatiua correlatiuis comparando . Tab. 5. Fig. 3. & 4.

Iisdem positis, si arcus compositus fuerit ex pluribus, quam tribus regulis, intelligatur sectus in X, ibidemque applicetur potentia Z, quæ æquali momento potentiaë R opponatur, & vnà cum ipsa impellant arcum trilineum ABVX contra resistantiam funium GFH, & NOQ: manifestum est potentiam Z immediatè agere contra vim funis NOQ, sicuti potentia R contra funis tenacitatem GFH operatur; Postea, quia virga BCV dura, rigidaque supponitur, ideò tanta vis pars eius infima VC resistet tractioni, aut compressioni, quam super eam efficit arcus ABC, ac si ex clauo C penderet arcus CBA, vel in planum durum per C extensum inniteretur idem arcus; Quare arcus ABC non differt ab eo, qui impellitur à potentia R, & alligatur clauo firmo C, vel innititur plano per C extenso; Ideoque <sup>a</sup> momentum funis GFH æquale est duplo momenti potentiaë R; Deinde, quia duo arcus con-

<sup>a</sup>Ex Corol  
prop. 38:  
huius .

M

trapo.



Cap. 12. trapositi ABC, & XVC æqualibus momentis mutuò  
 De maiori sibi ipsis resistunt, vel se impellunt in C, eo quod vnum  
 incremen- alteri non cedit ob continuitatem, & duritiem virgæ  
 to poten- BCV; Ergo non secus, ac prius dictum est, arcus  
 tiæ, quæ requiritur  
 ad idem, XVC non differt ab eo, qui impellitur à potentia Z,  
 pondus su- & alligatur clauo C, vel innititur pauimento per C  
 ſtinendū. extenſo; b Propterea momentum funis NOQ æquale  
 erit duplo momenti potentiæ Z; Tandem, quia ar-  
 b Ex eodẽ cus EDX non differt ab eo, qui impellitur à poten-  
 Corol. tia S, & alligatur clauo firmo X, vel innititur pau-  
 mento per X extenſo; Erit, vt prius dictum c, eſt mo-  
 c Ex eo- mentum funis IKL æquale duplo momenti potentiæ  
 dem. S: Vndè momenta virium omnium funium GFH,  
 NOQ, & IKL æqualia ſunt duplo momenti potentiæ  
 R, duplo momenti potentiæ S, & duplo momenti po-  
 tentiæ Z, quæ ſuis funibus correfpondent; Id ipſum  
 oſtendemus; ſi funes plures, quam tres fuerint, quare  
 patet propoſitum.

### C O R O L L A R I V M.

Hinc facilè colligitur, quòd ſi arcus multoties alter-  
 nè inflexus clauo affixus, vel pauimento innixus ab  
 vnica potentia impellatur; Omnes funes, quibus  
 anguli colligantur eandem vim exercent, ac ſi à tot  
 paribus potentiæ impellerentur, quot ſunt fu-  
 nes, quibus æquilibrari poſſent.

Vt ſi arcus ABVDE clauo affixus, vel pauimento  
 innixus in S impellatur, in iſdem figuris citatis, à ſingu-  
 lari potentia R, funes omnes GFH, NOQ, & IKL  
 æquilibrantur, & eandem vim exercent, ac ſi contra  
 ſex

sex potentias æquali momento agerent, scilicet contra R, & aliam ei æqualem, contra duas potentias XZ, & contra duas potentias, quarum quælibet æqualis esset resistentiæ clavi, vel pauimenti S.

## P R O P O S. XXXXIX.

Iisdem positis, & data singulari potentia absoluta arcum complicatum impellente, & datis distantijs directionum potentiæ, & omnium directionum funium ab omnibus centris reperiri possunt vires absolutæ omnium funium. Tab. 5. Fig. 3. & 4.

Iisdem positis in iisdem figuris data singulari potentia absoluta R, arcum non grauem impellente contra clavi, vel soli tenacitatem S, & datis distantijs BM, TV, PD directionum potentiæ à centris B, V, D, datisque præterea distantijs directionum omnium funium GFH, NOQ, & IKL sitque Ba quarta pars duarum distantiarum funis GFH à centro B, & Vβ sit quadrans duarum distantiarum funis NOQ, à centro V; atque Dθ sit quarta pars distantiarum funis IKL à centro D. Et quia dantur omnes distantie directionum funium à suis centris, datæ quoque erunt illarum quadrantes Ba, Vβ, Dθ. Et quoniam, vt Ba ad BM, ita est potentia R ad potentiam funis GFH, & tres priores quantitates datæ sunt; Ergo quarta proportionalis scilicet potentia funis GFH, innotescet; Postea, vt TV ad BM, ita est potentia R ad Z, & dantur tres priores; patebit ergo quarta nempe potentia Z. Tertio loco, vt Vβ ad TV, ita est potentia Z ad potentiam funis NOQ; Quarto loco potentia Z ad S, est vt DP ad TV; proindèque ex tribus prioribus notis innotescet

Cap. 12.  
De maiori  
incremento poten-  
tiæ, quæ  
requiritur  
ad idem  
pondus su-  
stinendū.

Cap. 12.  
De maiori  
incremento poten-  
tiæ, qua  
requiritur  
ad idem  
pondus su-  
stinendū.

quarta potentia  $S$ . Postremò, vt  $D\theta$  ad  $DP$ , ita est potentia  $S$  ad potentiam funis  $IKL$ ; Quare ex datis tribus prioribus, patebit quoque quarta scilicet potentia funis  $IKL$ ; Collectis iam tribus repertis mensuris potentiarum funium in vnâ summam, habebimus vires omnium funium cognitâs in eadem mensura, qua cognita supponebatur potentia  $R$ , quod erat propositum.

Existente verò arcu ponderoso, patet, quod simplex arcus  $ABC$  impellitur à pondere  $R$ , & à pondere arcus  $ABC$  in centro communis grauitatis  $A$  considerati, & eidem aggregato æquatur opposita resistentia  $C$ ; Similiter arcus duplicatus  $ABVX$  impellitur ab  $R$  vnâ cum pondere arcus  $ABVX$  in  $A$  considerati, & arcus triplicatus  $ABVDE$  impellitur ab  $R$ , & à pondere eiusdem arcus triplicati in  $A$  considerati; fiat ergo, vt  $TV$  ad  $BM$ , ita  $R$  vnâ cum arcu  $ABVX$  ad potentiam  $Z$ , & vt  $DP$  ad  $BM$ , ita  $R$  vnâ cum arcu  $ABVDE$  ad potentiam  $S$ . Postea methodo mox exposito reperiuntur verè potentia funium.

### P R O P O S. L.

Si arcus alternè bis complicatus, & non grauis impellatur ab vnica potentia, & idem funis angulos comprehendat vnum externè, alterum internè, atque alius funis ambiat denuò ex aduerso vnum ex dictis angulis: momenta duorum funium æqualia erunt duplo momenti potentia impellentis radios anguli bis colligati, vnâ cum quadruplo momenti potentia impellentis radios anguli semel alligati. Tab. 5. Fig. 5. & 6.

Sit



Sit arcus ABDE bis plicatus in B, & D, & non gra-  
uis, impellaturque à potentia R contra clavi, vel soli  
resistentiam S, & idem funis IKL alligetur brachio AB  
in I, & non contiguo brachio ED in L, vt angulorum  
B, & D vnum internè, alterum externè ambiat, atque  
alius funis GFH ambiat denuò angulum B, sed ad par-  
tes oppositas colligationi prioris funis. Dico, quod  
momenta amborum funium GFH, & IKL æqualia sunt  
duplo momenti potentix R impellentis arcum, seu an-  
gulum ABC vnà cum quadruplo momenti potentix S  
impellentis sua resistantia arcum EDC. Supponamus  
nodum B durum, & inflexibilem esse, retinerique regu-  
las AB, BC rigidè in eadem inclinatione anguli IBC;  
& tunc perindè est, si funis KI, alligetur brachio BA,  
siue brachio BC; æquè enim benè à fune IKL colliga-  
tur angulus D arcus BDE<sup>a</sup>; & ideò momentum po-  
tentix funis IKL æquale erit duplo momenti poten-  
tix S impellentis arcum CDE; Quia verò angulus  
IBC non est rigidus, sed flexibilis; Ergo funis IKL  
dum agit, adducendo terminum eius I versus KL, tendi  
non posset angulus EDC, eo quod adduceretur ra-  
dius BA, flectereturque versus BC; ad hoc igitur, vt  
angulus EDC tensus retineatur, oportet, vt angulus  
IBC non contrahatur; hoc autem fieri non potest, nisi  
adhibeatur noua potentia funis contrapositioni GFH, à  
qua dilatetur idem angulus IBC, retineaturque tensus  
funis IKL, & tunc, facto æquilibrio, manifestum est,  
quod funis GFH duplici muneri inseruit, primò, vt ten-  
sum retineat funem IKL, secundò, vt impulsui poten-  
tix R, & ei oppositæ in C resistat<sup>b</sup>; quare momentum  
potentix funis GFH æquale est nedum duplici mo-  
mento potentix R, sed etiam momento, quo funis

Cap. 12.  
De maiori  
incremen-  
to poten-  
tix, quæ  
requiritur  
ad idem  
pondus su-  
stinendū.

a Prop. 48.  
& ex Cor-  
rol. prop.  
38. huius.

b Corol.  
citato.

Cap. 12. nis IKL se se contrahendo resistit tractioni factæ à fune GFH, & quæ necessaria est, vt ille tensus retineatur c; Cumque momentum, quo funis IKL se se contrahit, æquale sit duplo momenti resistentiæ clauis, vel soli duri S; Igitur vires duorum funium GFH, & IKL exercent momenta æqualia duplo momenti ipsius R, & quadruplo momenti ipsius S, quod erat propositum.

c Ex citatis.

## P R O P O S. LI.

Si idem arcus pluriès alternè complicatus ab vnica potentia impellatur, & quilibet funis binos angulos proximòs compræhendat internè, & externè, excepto postremo fune, qui ex aduerso angulum singularem proximum potentia impellenti complectatur: momenta omnium funium æqualia erunt duplo momenti potentia impellentis radios anguli bis colligati, quadruplo momenti potentia impellentis radios anguli subsequenteris, & sexcuplo momenti potentia impellentis radios anguli tertio loco positi, & sic vltèrius simul sumptis. Tab. 5. Fig. 7. & 8.

Supponatur idem arcus ter, aut pluriès alternè complicatus ABVDE, & impulsus à potentia R contra clauis, vel soli firmitudinem S, & duo funes LKI, & NOQ, compræhendant duos angulos vnum internè, alterum externè; postremus verò funis GFH ambiat denuò ex aduerso singularem angulum B; intelligaturque potentia Z impellens intermedium arcum CVX: Dico, quod momenta omnium funium IKL, NOQ, & HFG æqualia sunt duplo momenti R, quadruplo momenti

menti Z, & sexcuplo momenti S simul sumptis, & sic ulterius, si plures extiterint eodem ordine crescendo. Concipiatur arcus differtus in C, & funis NO continuatus alligetur in Y loco intermedio virgæ VC; Et quia arcus trilineus CVDE alligatur alternè à fune LKI in duabus regulis non immediatis, nec non à fune NOY angulum XVC singularem connectente ex aduerso alterius colligationis; Ergo <sup>a</sup> momentum funis LKI æquatur duplo momenti resistentiæ clauis, vel pauimenti S, & momentum funis NOY æquale est duplo momenti potentiæ Z vnà cum duplo momenti potentiæ S; soluto postea fune NOY ex Y, & alligato in Q, patet ex dictis, quod funis GFH agit contra duas resistentias, nempe contra duplum potentiæ R, & contra tractionem funis QQ, quibus omnibus æquilibratur; <sup>b</sup> Quare momentum potentiæ funis GFH æquale est duplo momenti potentiæ R vnà cum momento funis QON, nempe duplo momenti potentiæ Z cum duplo momenti resistentiæ S; Igitur trium funium GFH, QON, & IKL momenta simul sumpta æqualia sunt momento potentiæ R bis accepto, momento potentiæ Z quater, atque momento potentiæ S sexies sumptis, & sic ulterius eodem ordine procedendo, quod erat propositum.

Cap. 12.  
De maiori  
incremento  
potentia  
tæ, quæ  
requiritur  
ad idem  
pondus fir-  
stinendū.

<sup>a</sup> Ex propo-  
sitione præc.

<sup>b</sup> Ex cita-  
ta.

## PROPOS. LII.

Iisdem positis ex data singulari potentia arcum impel-  
lente, datisque distantijs directionum potentiæ, &  
distantiæ omnium directionum funium ab omnibus  
centris, reperiri possunt vires absolutæ apparentes  
omnium funium. Tab. 5. Fig. 7. & 8.

Iisdem



Cap. 12.  
De maiori  
incremento poten-  
tiæ, quæ  
requiritur  
ad idem  
pondus sus-  
stinendū.

Iisdem positis, & data potentia  $R$  vnà cum distan-  
tijs directionis eius à centris  $B, M, T, V, D, P$ , & insu-  
per datis quadrantibus distantiarum vniuscuiusque fu-  
nis à centris, nempe  $B\alpha$ ,  $V\beta$ ,  $D^{\theta}$ , datis quoque di-  
stantijs  $BQ$  funis  $QQ$  à centro  $B$ , &  $VI$  funis  $KI$  à cen-  
tro  $V$ . Ex his datis reperiri debent potentie funium,  
existente arcu non graui. Primò, vt  $DP$  ad  $BM$ , ita fiat  
potentia  $R$  ad potentiam  $S$ , similiter, vt  $TV$  ad  $DP$ ,  
ita fiat potentia  $S$  ad potentiam  $Z$ ; Postea, vt  $D^{\theta}$  ad  
 $PD$ , ita fiat potentia  $S$  mox reperta ad potentiam fu-  
nis  $LKI$ , similiter, vt  $V\beta$  ad  $TV$ , ita fiat potentia  $Z$  pa-  
riter reperta ad funis  $NOQ$  potentie portionem pri-  
mam. At quia funis  $NOQ$ , ne dum agit contra du-  
plum potentie  $Z$ , sed præterea trahit funem  $IKL$ , quem  
tensum retinet, & ideo funis  $NOQ$ , ne dum æquilibra-  
tur duplo potentie  $Z$ , sed etiam resistentie funis  $IKL$ ;  
Diuiditur ergo potentia funis in duas partes, quarum  
prima, quæ æquilibratur duplo potentie  $Z$  mox reper-  
ta fuit; remanet igitur inquirenda reliqua potentie  
pars, quæ æquilibratur resistentie funis  $IKL$ ; & quia  
in libra inflexa  $IVD$  circa centrum  $V$  alligantur poten-  
tie funis  $NOQ$  pars in  $Y$ , & funis  $IK$  in  $I$ ; ergo, vt  $\beta V$  ad  
 $VI$ , ita fiat hætenus reperta potentia funis  $IKL$  ad re-  
liquam partem potentie funis  $NOQ$ ; quare integræ  
funis  $NOQ$  potentia æquabitur partibus primæ, & se-  
cundæ mox repertis: Postremò, vt  $B\alpha$  ad  $BM$ , ita fiat  
potentia  $R$  cognita ad portionem primam potentie  
funis  $GFH$ , vt verò reperiatur reliqua eius pars, quæ  
æquilibratur resistentie funis  $QQN$  fiat, vt  $B\alpha$  ad  $BQ$ ,  
ita integra potentia  $NOQ$  ad secundam partem po-  
tentie funis  $GFH$ . Collectis ergo in vnâ summam  
potentia simplex funis  $LKI$  cum duabus partibus po-  
tentie

tentiæ funis NOQ, & cum duabus partibus potentiæ funis GFH; habebimus omnes potentias funium operantium ad impellendam potentiam datam R, quod erat.

Existente verò arcu ponderoso, vt DP, ad BM, ita fiat pondus R vnà cum pondere totius arcus ABVDE in A considerati ad potentiam resistentiæ clauis, vel pauimenti S. Similiter, vt TV ad BM, vt fiant pondera R, & arcus ABVX in A considerati ad resistentiam Z. Postea ex tribus potentijs cognitis R, S, & Z, methodo superius exposita, reperietur simplex potentia funis LKI, duæ partes potentiæ funis NOQ, & tandem duæ partes potentiæ funis GFH, vt quæsitum fuerat.

His præmissis, quia vt prop. 45. insinuauimus, ad sustinendum aliquod pondus non sufficit vnicus musculus, ille scilicet, qui immediatè contra resistentiam illius agere videtur, sed plures alij ad idem opus efficiendum concurrunt; Igitur operæ pretium erit inquirere, quousque crescat conatus Naturæ sapientissimæ, vt pateat, qua necessitate cogatur tanta copia virium exilia pondera sustinere, & primo loco.

## P R O P O S. LIII.

Si baiulus pondere humeris imposito onustus flexo fæmore, genu, & pede, calcaneo eleuato, extremitati vnus pedis innitatur. Potentia, quam Natura exercet in musculis extensoribus fæmoris, tibiæ, & pedis ad eiusdem ponderis suspensionem concurrentibus, plusquam quadragecupla, & quadrupla esse potest ponderis sustentati. Tab. 6. Fig. 1.

Arcus ABVDE compositus ex quatuor regulis con-

N

nexis

Cap. 12.  
De maiori  
incremento  
potentia, quæ  
requiritur  
ad idem  
pondus sus-  
tinendū.

Cap. 12.  
De maiori  
incremento  
potentia, quæ  
requiritur  
ad idem  
pondus sus-  
tinentū.

nexis in B, V, D, & alternè flexilibus, sit corpus humanum grauatum à pondere R libr. 120. humeris imposito, & inclinato corpore, & spina à capite vsque ad coceygem AB, flexisque iuncturis coxendicis B, genu V, & pedis D, & subleuato calcaneo K vniuersa moles RABVDE extremitati ES vnius pedis innitatur in S, vt inter ambulandum fieri solet in ingressu porticularum domorum: tunc manifestum est sustineri totam hominis machinam erecto situ à viribus musculorum Gluteorum GFH vastorum YON, & solei LK, & hi omnes concurrunt ad suspensionem ponderis R, itaut si vnus eorum deficeret, aut suam vim non exerceret, proculdubio pondus R sustineri non posset; nam si musculi GFH nil agerent, & nullam vim exercerent, se contrahendo, relaxaretur funis GFH, & ideò regula AB cum pondere R laberetur deorsum versus genu V, et si otiantur musculi YON, caderet tota moles RABV, licet arcus ABC tensus retineretur; & tandem licet toto nisu musculi GFH, & YON, se contrahendo, arcus ABC, & CVX tensos, expansosque retinerent, conarenturque sustinere machinam XVBAR suspensam insitu erecto, tamen, si deficeret actio solius musculi LK, tota moles suprema rueret, ne dum quia angulus VDE destrueretur, sed etiam quia perducta DV longitudine ad contactum plani pauimenti, linea ACX directionis totius molis grauis cadere potest perpendiculariter vltra genu V; & proindè machina tota prostraretur. Proponitur ergo inquisitio omnium musculorum GFH, YON, & LK, eorumque comparatio ad pondus R, quod ab illis sustinetur; Et primò, vt reperiatu sit situatio lineæ directionis AE totius grauis, eiusque distantia ab omnibus centris, oportet, vt à termino E ar-



cus inflexi, qui pauimentum tangit, & super quam tota machina erecta innititur, eleuetur recta EA ad centrum communis grauitatis A, extensa perpendicularis ad planum horizontale, quæ si transferit per puncta C, & X secantia fæmur, & tibiam facillè poterunt mensurari distantia MB, TV, PD à centrīs; & experientia docente, reperitur distantia MB plusquam quadrupla distantia tendinum Gluteorum à centro tuberculi fæmoris, & TV plusquam tripla distantia tendinum vastorum à centro genu, atque distantia DP plusquam sexquialtera distantia tendinis solei à centro pedij. Postea pondus totius hominis maius est libr. 150; & quia centrum grauitatis totius hominis cadit circa coxam B, vt constat experientia, erit pondus AB à capite ad coxendicem libr. 75. & addita portione BC vsque ad dimidium fæmoris, vnà cum altero pede sublimi, poni potest pondus arcus ABC libr. 122, & arcus ABVX vsque ad semipartitionem cruris supponi potest libr. 142; His preparatis, vt distantia TV ad distantiam BM, seu vt 3. ad 4, ita fiat pondus R vnà cum pondere arcus ABVX, scilicet libræ 242. ad lib. 322.  $\frac{2}{3}$  quod erit pondus potentia Z<sup>a</sup>; postea vt distantia DP ad BM, seu vt 3. ad 8, ita fiat pondus R vnà cum pondere totius arcus ABVDE, scilicet libræ 270. ad lib. 720, quod est pondus potentia S. Deinde, quia arcus ABC premitur à pondere R vnà cum pondere arcus ABC, nempe à pondere lib. 230; sicut semidistantia directionis funis GF à centro ad distantiam MB scilicet, vt 1. ad 8, ita fiat pondus lib. 242. ad libras 1936. huic ponderi æqualem potentiam in hoc casu exercebunt Glutei musculi FGH<sup>b</sup>; similiter, vt semidistantia directionis funis YO ad distantiam

Cap. 12.  
De maiori  
incremento  
potentia, quæ  
requiritur  
ad idem  
pondus sustinendū.

aEx Prop.  
47. huius.

bEx propi  
38. huius.

Cap. 12.  
De maiori  
incremento  
potentia, quæ  
requiritur  
ad idem  
pondus su-  
stinendū.

tiam TV, seu vt 1. ad 6, ita fiat potentia Z scilicet pondus libr. 306.  $\frac{7}{3}$  ad pondus libr. 1840, huic ponderi æqualis erit potentia musculorum NOY; non secus, si vt semidistantia directionis funis KL ad distantiam DP à centro, seu 1. ad 3, ita fiat potentia S libr. 520. ad pondus libr. 1560. huic æqualis erit potentia musculi KL; Quapropter potentia omnium musculorum GFH, NOY, & KL æquales erunt libris 5336, & fuit pondus R lib. 120: Ergo potentia omnium musculorum suspensioni ponderis R inseruientium maiores, quam quadragecupla, & quadrupla sunt ponderis sustentati R, vt erat propositum.

#### P R O P O S. LIIII.

Iisdem positis, vires musculorum recti, & Gastrocnemiorum, suspensioni eiusdem ponderis inseruientium reperire, quæ prioribus additæ efficiunt summam quinquagies, maiorem pondere suspenso. Tab. 6. Fig. 1.

Iisdem positis in eadem figura, præter musculos vastos NOY, consideretur quoque musculus rectus OQ, cuius principium Q alligatur inferiori parte spinæ Ilij, finis verò in N infra genu connectitur; similiter, præter musculum soleum LK, considerentur duo Gastrocnemij IK annexi inferioribus capitibus fæmoris in calcem desinentes; & licet videantur hi muscoli inutiles, in hac operatione tamen, re melius considerata, æquè benè agere possunt, ac si homo in directum, extensis omnibus articulis consisteret; Nam quantum relaxatur funis musculofus QQ ob inflexionem angularem cauam ABV, tantum præcisè tenditur, & retrahitur

hitur opposita funis pars ON, propter conuexam inflexionem anguli BVX; quare in eadem tensione funis QON persistet, ac si arcus ABVX in directum extenderetur, cumque in hac directa extensione musculus QON satis commodè se se contrahendo vim suam exercere valeat, poterit quoque in situatione alternè inflexa se se contrahere; & ideò adiuuare extensionem tibiæ. Eadem ratione funis musculosus IK æquè tensus erit flexis alternè angulis CVX, & XDE, ac si tres regulæ CV, VD, DE in directum extenderentur; & ideò poterit musculus IK se se contrahere, & adiuuare pedis extensionem. Reperiri modo debent vires, quas exercent prædicti muscoli QO, & IK, & ostendere oportet, quod potentia R minor est vna parte quinquagesima omnium musculorum R sustinentium. Quia vires musculorum LK (quatenus æquantur duplo momenti S) æquales sunt potentiæ librarum 1560; Ergo vna pars huius potentiæ tribui debet musculo soleo LK, & reliqua Gastrocnemijs IK, suntque potentiæ musculorum in eadem ratione, quam habent multitudines fibrarum, ex quibus componuntur, seu eandem, quam habent crassities musculorum, vt ratio suadet, & vt inferiùs ostendemus, & duorum Gastrocnemiorum crassities maiores sunt medietate crassitiei solei; Ergo potentia Gastrocnemiorum IK maior est triente illorum, scilicet erit libr. 520. Postea, quia musculorum NOY, & OQ momentum æquatur tribus momentis duplo momenti Z, scilicet libr. 1840. & potentiæ funis KI libr. 520. erit potentia totalis musculorum NOY, & OQ libr. 2360, & crassities muscoli recti OQ quarta pars crassitiei duorum vastorum NOY, ideò potentia recti OQ erit pars quinta totius illius potentiæ;

Cap. 12.  
De maiori  
inremen-  
to poten-  
tiæ, quæ  
requiritur  
ad idem  
pondus su-  
stinendū.



Cap. 12.  
De maiori  
incremento  
potentia, quæ  
requiritur  
ad idem  
pondus sus-  
tinentū.

tia; Et propterea potentia OQ erit libr. 572; Tandem, quia muscoli Clutei GFH æquilibrantur ne dum duplo ponderis R vnà cum arcu ABC, sed etiam potentia funis OQ, hæc autem fuit libr. 572, & illa libr. 1548. Ergo totalis potentia, quam Glutei in hoc casu exercent, æqualis erit potentia libr. 2120. quæ propter vires musculorum LK, IK, OQ, GFH simul sumptæ, concurrentes ad suspensionem ponderis R, æquales sunt potentia libr. 6040. quarum R libr. 120, est vna pars quinquagesima, vt quæsitum fuerat.

Sed vltèrius procedendo ostendemus; quod vires musculorum extendentium fæmur, tibiam, & pedem in positura incuruata artium, & dorsi non sufficiunt ad sustinendum, idem pondus ceruicibus impositum, sed multò maiores requiruntur, quæ nimirum ab alijs musculis adhibentur ad eandem operationem perficiendam concurrentibus; Ad hoc autem præstandum præmitti debet expositio nouæ machinæ, quam adhibet natura sapientissima ad prædictum opus conficiendum.

#### PROPOS. LV.

Si plures regulæ flexibiliter connexæ, & funibus circa nodos alligatæ arcum ad easdem partes cauum constituerint, eiusque infima pars pauimento innixa, & suprema à pondere compressa fuerit, potentia vniuscuiusque funis eius ad pondus incumbens vnà cum pondere portionis arcus correspondentis, erit vt distantia directionis ponderis ad semidistantiam directionis eiusdem funis à centro comprehenso ab eodem fune. Tab. 6. Fig. 2.

Sit

Sit arcus ABCDFE cauus ad easdem partes, compositus ex regulis AB, BC, CD, DE, FE colligatis extrinsecè circa nodos B, C, D, F à funibus ZY, IX, LK, HG, & affixa pauimento S infima regula FE, comprimitur arcus à pondere R in A; reperto postea centro grauitatis M ponderis R, & arcus ABCDF, ab eo ducatur linea directionis eius MS, eiusque distantia MF à centro F. Similiter per centrum grauitatis N communis ponderis R, & arcus ABCD ducatur linea directionis eius NS, eiusque distantia ND à centro D; non secus per centrum grauitatis communis O ponderis R, & arcus ABC ducatur linea directionis OS, eiusque distantia OC; & sic vlterius. Dico, quod potentia cuiuslibet funis LK ad pondus R, vnà cum pondere arcus DCBA, est, vt distantia ND ad semissem DK distantiae directionis funis KL à centro D; & sic de reliquis. Quia virga FE pauimento affixa supponitur, pariterque arcus ABCDF tensus rigidè retinetur à funibus contractis HG, KL, &c. non secus, ac si continuus, & durus esset; propterea concipi potest arcus AFE, vt compositus ex duabus regulis duris, inflexibilibusque AF, & EF, quarum vna EF solo fimo affixa, reliqua AF conuertibilis est circa centrum F, retineturque eleuata à vi funis GH, comprimiturque à pondere R vnà cum pondere totius regulæ grauis AF secundum directionem MS. Ergo <sup>a</sup>, vt distantia MF ad semissem FH distantiae directionis funis ab eodem centro F, ita erit potentia funis GH ad pondus R vnà cum pondere Regulæ FA.

Similiter, quia DE firmiter retinetur in suo situ à vi funis GH; ergo perindè est; ac si virga DF parieti in F affixa esset; & aliundè arcus DC, BA tensus retinetur à funi-

Cap. 12.  
De maiori  
increment.  
to poten-  
tiae, quæ  
requiritur  
ad idem  
pondus sus-  
tinendū.

<sup>a</sup>Ex prop.  
38. huius.

Cap. 12.  
De maiori  
incremento poten-  
tiæ, quæ  
requiritur  
ad idem  
pondus sus-  
tinentū.

b Ex ea-  
dem.

funibus XI, YZ, & proinde vsurpari possit pro vnica virga dura, & continuata DA. Igitur denuò constituitur arcus ex duabus regulis compositus, cuius DF parieti affixus censetur comprimiturque regula DA à pondere R, vnà cum pondere eiusdem regulæ, & contra eius compressionem agit funis IK; ergo<sup>b</sup> vt distantia ND ad semissem ipsius DK, ità erit potentia funis LK ad pondus R vnà cum pondere virgæ DA. Eadem ratione procedemus in alijs funibus, quare patet propositum.

### PROPOS. LVI.

Si arcus ad easdem partes cauus compositus ex dorso spina incuruata supra os sacrum compressus fuerit à pondere ceruicibus imposito: momenta funium spinam dorso dirigentium æqualia sunt momento ponderis incumbentis toties sumpto, quot sunt vertebræ, vnà cum portionibus humani corporis comprehensis à planis horizonti æquidistantibus à nodis extensis bis infimæ, quater sequentis, sexies tertiæ subsequenter, & sic deinceps per binarium crescendo. Tab. 6. Fig. 2.

Sit idem arcus ABCDFE compositus ex dorso spine incuruatæ vertebrais FD, DC, CB, BA, &c. & supra ossis sacri vertebra EF firmiter retentam inclinatus, comprimaturque à pondere R ceruicibus imposito, patet, quod vertebræ colligantur non secus, ac regulæ, & externè trahuntur à musculis dorso HG, KL, XI, YZ, & insuper ne dum vertebræ à cartilaginibus colligantur, sed etiam postquam dorso curuatura facta fuerit, non secus, ac reliquæ machinæ distractæ vim habent  
se



se contrahendi; & ideò saltem adiuuabunt actionem musculorum, vt nimirum ab vtriusque vi, & energia erigatur, vel potius erecta retineatur dorsi spina à pondere R compressa; Quapropter nomine funium dorsum erigentium comprehendemus vires musculorum simul cum viribus cartilaginum. Ducantur iam per nodos vertebrarum plana FM, DN, CO, BP horizonti parallela, secantia corpus humanum in partes FDNM, DCON, &c. quæ vocentur cylindricæ portiones vertebris annexæ, & quælibet earum, vt CDNO supponatur connexa suæ vertebræ, adeò tenaciter, vt cum ea vnum solidum consistens constituat, non secus, ac si Cylindrus ligneus esset; Ostendendum est momenta musculorum HG, KL, XI, YZ æquari duplo momenti R toties sumpto, quot sunt vertebræ, scilicet trigesies, & quater, vnà cum duplo momenti ponderis portiones cylindricæ FDNM, quadruplo portio- nis DCON, sextuplo portiones cylindricæ CBOP, & sic deinceps, per binarium crescendo, vsquē ad trigecuplum, & quadruplum ponderis supremæ portiones collo contiguæ.

Quia à tenacitate funium KL, XI, YZ tensus retinetur arcus FCA, his planè æquiualebit vni regulæ FA flexibili circa F; & regula EF firmiter plano SE retinetur affixa. Ergò in bilineo arcu AFE compresso à pondere R vnà cum pondere totius regulæ AF grauis, nempe humani corporis portione ABFM, per directionem MS à centro gravitatis communis extensam, cuius distantia à centro MF, erit momentum funis GH, æquale duplo momenti R, cum duplo momenti corporis ABFM. Postea, firmata regula DF, à fune GH, confurgit nouus arcus bilineus ACD; & ideò, vt prius

O

momen-

Cap. 12.  
De maiori  
incremento poten-  
tiæ, quæ  
requiritur  
ad idem  
pondus su-  
stinendū.

Cap. 12.  
De maiori  
incremento  
potentia, quæ  
requiritur  
ad idem  
pondus su-  
stinendū.

momentum funis LK æquale erit secunda vice duplo momenti R cum duplo ponderis ABDN; eadem ratione momentum funis XI æquale erit tertia vice duplo momenti R, vnà cum duplo ponderis ABCO, & sic vlteriùs vsque ad decimā septimam vertebra, quæ est suprema thoracis. Quia verò duplum ABFM cum duplo ABDN, & duplo ABCO, atque duplo ABP æqualia sunt duplo infimæ portionis cylindricæ DF-MN, cum quadruplo subsequenti portionis CDNO, & sextuplo tertiæ portionis BCON, & cum octuplo quartæ portionis cylindricæ ABP; ergo patet propositum.

### PROPOS. LVII.

Pondera cylindricarum portionum vertebris humani corporis adhærentium, quàm proximè fieri potest, coniungere.

Tab. 6. Fig. 2.

In eadem figura præcedentis propositionis, quaerenda est grauitas cuiuslibet cylindricæ portionis vertebræ adhærentis, vt CDNO, cuius quidem partes inter se alligatæ sunt, vt cum vertebra CD vnum constitens solidum, non secus, ac si esset virga lignea continua componant. Et siquidem viscera omnia in abdomine inclusa cum fluoribus in eis contentis essent dura consistentia, & firmitè cum vertebris lumborum, & thoracis connecterentur, tunc percipimus, quod portio cylindrica CDNO vestem DN continuum, & durum constitueret conuertibilem circa fulcimentum D æquilibratum à duabus potentijs contrarijs, nempe à pondere eiusdem cylindricæ portionis in centro grauitatis

uitatis eius N impellente deorsum vectem versus S, & à potentia funis LK, quæ se contrahendo subleuat eundem vectem: at quia viscera mollia lubrica, & soluta sunt magna ex parte, continenturque, tamquam in sacco, vel dolio à peritoneo, musculis, & pelle ventris inferioris; & stante homine innituntur fundo eiusdem dolij, nempe pelui hominis, quem constituunt ossa Ilij, Ischij, pubis, & sacri inter se connexa; hinc fit, vt portio cylindrica abdominis comprehensa à duobus planis parallelis inter se extensis per summum, & imum terminos vnus vertebræ vsurpari nequeat, vt vectis durus, & consistens. Necesse est ergo, vt ex cylindrica portione CDNO auferamus portionem illam, quam sustinet peluis EFS, & residuum connexum, & colligatum vertebræ CD cylindricæ portioni, & vecti DN tribuamus.

Cap. 12.  
De maiori  
incremento  
potentia, quæ  
requiritur  
ad idem  
pondus sus-  
tinendū.

Hoc verò, vt reperiamus, obseruemus primo loco, quod in thorace portiones cylindricæ vertebris adhærentes sine erroris periculo vsurpari possunt, vt consistentes, & duræ, propterea quod costæ suis vertebris, & sterno fortiter connectuntur, & viscera in pectore contenta multis ligamentis retenta constituunt regionem illam supremam æquè compactam, & consistentem, ac si ex vnica massa continua constaret, segregata per fortissimum diaphragmatis musculum à regione infimi ventris, & licet statis temporibus, nempe in aeris inspiratione, abdomine comprimatur, non tamen indè fit, vt pondus pectoris minuatur, & abdominis ponderositas crescat. Restant igitur inquirendæ veræ ponderositates cylindricarum portionum vertebris quinque lumbaribus adhærentium, scilicet quanta sit pars illa, quæ ex prædictis cylindricis subtrahi de-



Cap. 12.  
De maiori  
incremento  
potentia, quæ  
requiritur  
ad idem  
pondus sus-  
tinentur.

beat. Hoc autem licet exacta præcisione assignari ne-  
queat, possumus tamen id quàm proximè conijcere,  
adhibito, more nostro, calculo tutiori, quia medietas  
ponderis humani corporis non obesi est lib. 75, à quo  
sublato pondere capitis, & colli lib. 15, proximè re-  
manet pondus corporis à confinio ceruicis ad peluim  
lib. 60, & quoniam vertebræ lumbares latiores, & lon-  
giores sunt thoracis vertebris, & omnes ordinata se-  
rie ab imo ad summum decrescunt: ideò comparando  
omnes quinque lumbares cum duodecim thoracis  
vertebris, habere videntur eandem rationem, quam  
habet 5. ad 9; & in eadem proportionem erunt omnes  
cylindricæ portiones lumbares ad omnes cylindricas  
portiones thoracicas; quare diuisis lib. 60. in rationes 5  
ad 9. erit pondus quinque cylindricarum portionum  
lumbarium minus libris 22; & pondus vnius earum  
procul dubio minus libris quinque; Et quia, vt di-  
ctum est viscerum abdominis maior pars sustentatur à  
pelui, & pars minor vertebris, & costis alligatur, sup-  
ponamus à pelui sustentari nouem partes decimas ab-  
dominis, & tantummodò vnā eius decimam partem  
connecti vertebris lumbaribus, & costis; quare quin-  
que Cylindricis portionibus lumbarium vertebrarum  
minimum pondus, quod eis assignari potest, erit li-  
brarum quinque, & quælibet earum semissis libræ  
vnius, & singulis portionibus cylindricis thoracis ver-  
tebris adhærentibus pondus trium librarum proximè  
assignari posse videtur, & hoc erat quæsitum.

#### P R O P O S. LVIII.

Artificium structuræ spinæ dorsi inquirere.

Euiden-

Evidentiſſimum eſt oſſum diuiſiones, & articulationes inſtitutas fuiſſe à Diuini Architec̃ti ſapientia, vt animal varijs modis moueri poſſet: hoc verò, vt commodiſſimè, quàm fieri poteſt, & facilè in præcipuis articulationibus perficeretur, oſſum capitula, & ſinuofitates leuibus, & lubricis quibuſdam cartilaginibus circundedit, & incruſtauit, aſſigendo tam capitulis, quam ſinuofitatibus proprias cartilagines diſcretas, & diuiſas inter ſe, vt vnum os ſuper aliud excurrendo verti, & agitari poſſet. Hæc, inquam, operandi regula à natura prudentiſſimè inſtituta, mirum, quantum in vertebrarum articulationibus perturbatur, hic enim oſſum extremitates non ſunt rotundæ, conuexæ, ſcilicet, & cauæ, & læuigatæ, vt motus vertiginofus exigeret, ſed ſunt planæ, & aſperæ; præterea non incruſtatur quælibet vertebræ baſis propria læni, & lubrica cartilagine à proximi oſſis cartilagine diſtincta, & ſeparata: ſed ambo ab vnico, & communi cartilagineo ligamento molli intercepto validiſſimè ſimul colligantur; operæ igitur pretium erit inquirere, qua neceſſitate, & propter quem finem bonum hanc nouam ſtructuram machinata eſt natura. Et primò corporis animalis fundamentum ſtabile, & firmum, veluti carina nauis, oſſeum eſſe debuerat, quod in homine ad inſtar columnæ corpus eius fulcire debebat, & ideò ſpina dorſi cylindricam formam æmulatur, ſed eius inferiorem partes craſſiores ſunt ſupremis.

Secundò, quia corpus animalis, non rigidum, ſed flexibile eſſe debuerat, ideò eius carina, ſeu columna dorſi ſecta, & ſubdiuiſa in plures partes, ad inuicem articulatas, eſſe oportuit; attamen, vt firmitudini, & luxationis periculo prouideretur, amplæ quidem, & planæ

Cap. 12.  
De maiori  
incremento  
potentia, quæ  
requiritur  
ad idem  
pondus ſuſ-  
tinendū.

Cap. 12.  
De maiori  
incremento poten-  
tiae, quæ  
requiritur  
ad idem  
pondus fir-  
mitudinẽ.

planæ bases vertebrarum, earumque articulationes firmissimè colligatæ construi debuerunt.

Tertiò, quia per eiusdem spinæ dorsalis ductum, produci debebat fasciculus medullaris fibrarum nervearum, ad facultatem animalem, per vniuersum corpus à cerebro diffundendam, & irradiandam; & aliundè medullaris ille fasciculus contusionem, distractionem, & angularem inflexionem pati non poterat, providendum fuit, vt absque angulis sensibilibus inclinatis dorsum flecteretur, nempe, vt quàm proximè curuam, & parum à rectitudine deuiantem inflexionem medulla pateretur. Hoc autem præclarè præstitum fuit, subdivisa longitudine dorsalis columnæ in plures, & exiguas portiones vertebrales, quarum binæ quoque contiguæ obtusissimum angulum constituere possent; & sic series tota vertebrarum curvaturam lenissimam, quam poligona numerosiora efficere commodè valent.

Verùm, vt talis obtusissima angularis vertebrarum flexio perficeretur, & simul firmitudini, & luxationis periculo provideretur, non debuerunt vertebrae distinctis, & separatis cartilaginibus connecti; sed satis fuit, vt vna communis cartilago mollis, validissimè conecteret duas proximas bases vertebrarum, quæ sua mollietie vsum pulvinaris præbendo, ossium attritionem vetaret, & sua tenacitate luxationem impediret, at ob eius aliqualem laxitatem exiguum motum vertebrarum ad omnes partes permetteret.

#### SCHOLIUM.

His præmissis, animaduertendum est, quod ligamen-  
tum



tum cartilagineum duas proximarum vertebrarum bases connectens, si obliquè compressum fuerit à superiori vertebra, vna pars cartilaginis valdè comprimitur, reliqua verò relaxabitur, distraheturque, cumque arcus, & machinæ naturam habeant, necesse est, quando magis distrahitur, quam naturalis eius constitutio patitur, vt nitatur se contrahere, & idè ad se adducet ossis incumbentis partem superflue à subiecta recedentem; & illa, quæ nimis comprimitur, nitetur se dilatare; & idè remouebit, expelletque eiusdem ossis incumbentis partem proximiorè ossi subiecto. Et hoc necessariò continget, quia substantia talis cartilaginis validissima consistentia, & tenacitate donatur. Licet mollis aliquantò sit, & proindè vim arcus exercebit, vt experientia constat.

Præterea noto, quod fibræ distractæ, ex quibus talis cartilago componitur, robustiores sunt fibris musculorum dorsalium, etiam post earum contractionem. Hinc sequitur, quod quando cartilaginee vertebrales, & musculi dorsales concurrunt totis viribus ad idem pondus sustinendum, maiori ex parte id à cartilaginibus suspendatur, & minorem vim exerceant prædicti musculi. His præmissis demonstrabimus hoc lemma.

## P R O P O S. LIX.

Si libra<sup>a</sup> AB à duobus ponderibus R, & S grauata à tribus virgis CD, GH, EF vim arcus habentibus ful-<sup>a Tab. 6:</sup>  
ciatur, & vna earum CD nimis compressa nitatur se extendere, & subleuare libræ brachium GA cui annexatur;  
<sup>Fig. 3.</sup>

Cap. 12.  
De maiori  
incremento  
potentia,  
quæ  
requiritur  
ad idem  
pondus sus-  
tinenti.

Cap. 12.  
De maiori  
incremento  
potentia,  
quæ  
requiritur  
ad idem  
pondus sus-  
tinendū.

Œtitur; reliqua EF nimis distracta nitatur se constri-  
gere, & retrahere libræ brachium BG, cui annexa est,  
& libra AB, sic disposita in æquilibrio quiescat. Dico,  
quod potentia vnius ponderum R ad reliquum S vnà  
cum potentia duorum arcuum erit, vt distantia BG  
ad GA, & vt BG ad GE; ita fiat potentia, quam exer-  
cet virga EF dum nititur se constringere ad pondus X;  
pariterque, vt BG ad GC, ita fiat potentia, quam  
exerct virga CD, dum nititur se dilatare ad pon-  
dus Z; Patet, quod momenta arcuum CD, & EF  
æqualia sunt momentis ponderum Z, & X in B suspen-  
sorum, quoniam libra AB virgis, seu arcubus CD,  
GH, EF innititur, & EF nimis distrahitur, & ad se ad-  
ducit radium EG; CD verò nimis comprimitur, & ab-  
ducit radium CG; Ergo intermedia GH in mediocri  
extensione constituta fulcri munus exercebit; & ideò  
punctum G centrum libræ erit; fiat tandem, vt AG ad  
GB, ita pondera S, X, Z ad pondus V. Ergo remo-  
tis potentijs R, & duorum arcuum CD, EF, & suspen-  
so V ex A, libra AB circa centrum G quiescet, sunt-  
que momenta arcuum in C, & E vires exercentium  
æqualia momentis ponderum X, & Z in B suspenso-  
rum; Ergo, vt AG ad GB, ita erunt pondus S, & po-  
tentia arcuum in B consideratæ ad pondus V ex A,  
pendens; verum perindè libra quiescit remoto pon-  
dere V, & reposito in A pondere R; Ergo pondera R,  
& V æqualia inter se sunt; & ideò, vt AG ad GB, ita  
erunt pondus S, & potentia arcuum CD, EF in B  
consideratæ ad pondus R, quod erat propositum.

## PROPOS. LX.

Cap. 12.  
De maiori  
incremento  
potentiæ,  
quæ  
requiritur  
ad idem  
pondus su-  
stinendū.

Vis, quam exercet ligamentum cartilaginosum colligans duas vertebrae spinæ ad inuicem inclinatas, licet maior supponatur vi motiua musculi easdem vertebrae constringentis, tamen earum momenta æqualia esse possunt.

Quia vis glutinis, & tenacitatis cartilaginum vertebrae connectentium maior est vi tenacitatis musculorum eandem crassitiem habentium; maius enim pondus ab illis, quàm ab istis sustinetur: & vis contractiua vitalis eorundem musculorum, non est maior validitate glutinis, & tenacitatis fibrarum eorundem musculorum; aliter in actu contractionis disrumperentur: ergo fibrarum cartilagosarum tenacitas maior est vi contractiua vitali musculorum, & ideò maius pondus à cartilaginibus suspendi poterit in quiete, quàm à musculis æquè crassis trahi, & moueri possit. Et quia muscoli spinam dirigentes habent fibras laxiores, & minùs constipatas, & parùm superant crassitiem ligamentorum vertebrae colligantium; Igitur supponi potest, quod vis tenacitatis, quam exercent ligamenta, cùm resistunt flexioni, & distractioni vertebrae, non sit minor tripla virtutis motiuae musculorum lumbarium.

Postea, quia muscoli lumbares alligantur extremis spinis, & processibus vertebrae, & ibidem eorum vis exercetur: è contra vis cartilaginum exercetur in tota plana superficie basis vertebrae; & ideò in loco interposito inter centrum basis vertebrae, & eius peripheriam exercebitur: videtur ergo, quod distantia

P

dire-



Cap. 12.  
De maiori  
incremento  
potentia,  
quæ  
requiritur  
ad idem  
pondus su-  
stinendū.

directionis musculorum à centro basis vertebræ maior sit, quàm tripla distantia, in qua vires ligamentorum applicantur. Cumque vires absolutæ reciprocè sint, ut earum distantia à communi fulcimento; Igitur momenta musculorum æqualia esse possunt momento ligamentorum tendinosorum, quod &c.

# PROPOS. LXI.

Si baiulus incuruata spina dorsi à pondere libr. 120. ceruicibus imposito comprimatur; potentia, quam natura exercet in cartilaginibus vertebrarum, & in musculis extensoribus eiusdem dorsi æquatur viribus libr. 25585, & in solis musculis non est minor potentia libr. 6404. Tab. 6. Fig. 1. & 2.

Idem arcus ABCDE figuræ propositionis 55. representet dorsi spinam incuruatam baiuli sustinentis pondus R libr. 120. principio colli propè thoracem innixum. Constat, ex anathome, seriem totam dorsi incuruati, & à pondere compressi sustineri tum à validissimis ligamentis cartilagineis vertebrarum, tum à musculis dorsi longissimo, sacro, sacro lumbo, semispinato, splenio, & complexo, qui alligantur transversis processibus, & spinis vertebrarum, nec non ossi sacro, ilio, & occipiti. Quæruntur igitur vires, quas exercent prædicta ligamenta cartilaginea cum eisdem musculis. Quia quælibet cylindrica portio vertebræ humani corporis adhærens libram constituit, ut HFM, cuius centrum F est punctum intermedium basis vertebræ; hanc verò libram æqualibus momentis comprimunt ex vna parte pondus R libr. 120. vnà cum pondere totius corporis ABFM, quæ nituntur flectere radium

dium libræ FM ; ex altera verò parte trahitur oppositus libræ radius HF à musculis HG , & à vi cartilaginis vertebræ hinc indè à centro . Estque præterea distantia MF septupla proximè semidiametri infimæ vertebræ lumbaris , eò quod directionis linea centri gravitatis corporis incurvati cum pondere R cadit extra os pubis ; & distantia HF minus , quàm tripla est semidiametri eiusdem vertebræ , & in H tertia pars virium ligamentorum applicata æquatur momento muscolum ; Ergo hæc duo momenta æqualia sunt momento ponderis in M prementis . His præmissis , quia medietas humani corporis fuit librarum 75 , & ablato pondere viscerum super pelvium incumbentium libr. 18. remanent libræ 57 , quæ additæ ponderi R 120. lib. erit vniuersum pondus , quod comprimit libræ radium FM in M , lib. 177 , hoc verò ad vires musculorum HG , atque ad vires tertiæ partis ligamenti cartilaginosis vertebralis , simul sumptas , eandem rationem habebit <sup>a</sup> , quam semissis HF ad FM , seu vt 3. ad 14 , & ideò vires musculorum GH infimam vertebram lumbarem dirigentes vnà cum tertia parte resistentiæ cartilaginis vertebralis , æquales erunt vi libr. 826 . <sup>b</sup> erunt vires eorundem musculorum æquales libris 413 , & vires cartilaginum æquales vi ponderis lib. 1239 .

Pro calculo reliquarum portionum cylindricarum adhærentium reliquis vertebris , cum lumbaribus tum thoracicis , aduertendum est , quòd proportionales radiorum libræ parum alterantur , quia earum centra , nempe puncta intermedia vertebrarum ob dorsum curvaturam antèriùs promouentur , multò magis , quàm centra grauitatum R , &c ; & ideò brachia libræ maiora DN , CO , &c. decurtantur , at eodem progressu bra-

Cap. 12.  
De maiori incremento potentiae , quæ requiritur ad idem pondus sustinendū .

<sup>a</sup> Ex Scholio prop. 34. huius .

<sup>b</sup> Ex Prop. 6. huius .

Cap. 12.  
De maiori  
incremento  
potentia, quæ  
requiritur  
ad idem  
pondus sus-  
tinenti.

c Prop. 57.  
huius.

chia minora DK, CX, &c.  
decurtantur; eo quòd ver-  
tebræ, eiusque processus suc-  
cessivè minores fiunt, quò  
magis ad cervicem appro-  
pinquant; præterea ex di-  
ctis c pondera portionum  
cylindricarum vertebrae ad-  
hærentium subtrahi debent,  
ex pondere totius dorsi, pro  
ratione positionis vertebrae;  
quibus adnotatis calculus  
absolui potest, ut videre est  
in hac tabella; ex quo col-  
ligitur, quod vires muscu-  
lorum extendentium 17. ver-  
tebras dorsi, æquales sunt  
potentiæ libr. 6404, & vires  
omnium cartilaginum ea-  
rundem vertebrarum æquan-  
tur potentiæ libr. 19181;  
Quare vires, quas natura  
exerct in prædictis muscu-  
lis, & cartilaginibus simul,  
minores non videntur, quàm  
sit potentia libr. 25585,  
quem conatum adhibet natura ad suspendendum pon-  
dus libr. 120. cum pondere semissis corporis libr. 75.

Verte- bræ	Vis muscu- lorum	Vis tota- lis carti- laginum
Lumbares	5	413
	4	411
	3	408
	2	404
	1	403
	12	401
Thoracis	11	394
	10	387
	9	380
	8	373
	7	366
	6	359
	5	352
	4	345
	3	338
	2	331
	1	324
libræ		6404
		19181
		6404
		25585

# P R O P O S. LXII.

Si baiulus pondere libr. 129. cervicibus imposito onus-  
tus



flus, flexa spina dorſi, fæmore, genu, & pede, calca-  
neo eleuato, extremitati vnus pedis innitatur. Po-  
tentia, quam natura exercet in musculis extensori-  
bus dorſi, fæmoris, tibiæ, & pedis ad eiſdem pon-  
deris ſuſpensionem concurrentibus, æqualis eſt po-  
tentia libr. 13766. Tab. 6. Fig. 1. & 2.

Cap. 12.  
De maiori  
incremen-  
to poten-  
tiæ, quæ  
requiritur  
ad idem  
pondus ſu-  
ſtinendū.

Iſdem poſitis, quæ in propoſitionibus 53. 54. & 61.  
adhibitis eiſdem figuris, manifeſtum eſt ex dictis,  
quòd ad ſuſpensionem ponderis R libr. 120. ceruici-  
bus impoſiti, concurrunt vires omnium muscutorum  
ſolei, Gaſtrocnemiorum, Recti, Vaſtorum, Gluteo-  
rum, & ſpinam extendentium<sup>a</sup>, & illi exercent vires  
æquales potètiæ libr. 7362;<sup>b</sup> & musculi extensores dor-  
ſi exercent conatus non minores potentia libr. 6404;  
igitur omnes prædicti musculi ſimul ſumpti exercent  
vires non minores, quàm ſit potentia libr. 13766,  
quod erat propoſitum.

aEx Prop.  
53. & 54.  
huius.

bEx prop.  
61. huius.

## S C H O L I V M.

Sed nè diutiùs in hac indagine immoremur, ſatis  
erit innuere, quod ad ſuſtinendum prædictum pondus  
libr. 120. ceruicibus impoſitum, non ſufficiunt vires  
commemoratorum muscutorum; Cogitur enim natu-  
ra vires auxiliares adhibere; nam in ſitu inclinato  
ceruicis, musculi ſplenici, & complexi cum ſcalenis, &  
tranſuerſalibus, coguntur ſuſtinere pondus capitis, ſep-  
ties ſumptum, pro numero vertebrarum colli, cum au-  
ctario ab elongatione vectis dependente, ex quo ca-  
pitis pondus ſuſtineatur. Præterea, quia nequit ma-  
nere humani corporis compages inflexa, & incuruata  
super

super extremitate vnus pedis innixa, nisi crus sinistrum suspensum, & à terra eleuatū retineatur; & ad hoc præstandum, adhiberi debent conatus omnium muscutorū flectentium fæmur, crus, & pedem eleuatum; ergo vires eorundem musculorum cogitur adhibere natura, licet secundariò, ad hoc, vt pondus prædictum ceruicibus impositum in tali positura sustineri queat; Omitto vires, quas interim exercet pro respirationis necessitate in musculis thoracis intercostalibus, & diaphragmate, & in alijs, ex quibus percipitur, & multò magis deinceps patebit in immensum propemodū excreescere vires, & molimina, quæ in musculis natura exercet; modò, vt vterius progrediamur, alia structura musculorum exponi debet, quæ organum mechanicum diuersum à superius enarratis constituit, pro cuius intelligentia præmittuntur hæc lemmata.

*Lemmata necessaria pro inquisitione virtutis motiue musculorum, quorum fibræ non sunt inter se equidistantes, & obliquè trahunt.*

## C A P V T XIII.

### P R O P O S. LXIII.

Si duæ potentie contrarie funem inflexum trahentes, & vim exercentes solummodò per directiones ad inuicem inclinatas circa vnum, vel plura puncta fixa, habuerint æqualia momenta, erunt potentie absolutæ æquales inter se. Tab. 6. Fig. 4. 5. & 6.

Tra-

Trahant quælibet potentia<sup>a</sup> R, & T funem ACB per quaslibet directiones AC, & CB inflexas circa punctum fixum C, vel <sup>a</sup> circa plura puncta fixa C, & H, ita ut funis lubricè, absque vlllo impedimento excurrere possit: & R vim exerceat solummodò per directionem CA, & T per directionem CB, & momentum potentia<sup>a</sup> R æquale sit momento resistentia<sup>a</sup> T, idest neutra earum alteri cedat; Dico potentiam absolutam R æqualem esse absolutæ resistentia<sup>a</sup> T. Quia punctum C fixum est; Ergo perinde funis ACB excurrit in gyrum circa fixum punctum C, ac si circa trochleam conuertibilem circa centrum fixum C circumduceretur; ergo duæ potentia<sup>a</sup> R, & T solummodò per directiones AC, CB vim facientes, æqualibus velocitatibus mouerentur per easdem directiones circa prædictum punctum fixum; eò quod quantum resistentia T appropinquatur puncto C, tantum præcisè ab eodem puncto C potentia R recedit, & earundem potentiarum momenta supponuntur æqualia. Igitur potentia<sup>a</sup> absolutæ R, & T æquales inter se erunt; Id ipsum deducitur, quando funis excurrit circa plura puncta fixa C, & H, <sup>b</sup> quod erat propositum.

Cap. 13.  
Lemmata  
pro mu-  
sculis ob-  
liquè tra-  
hentibus.

<sup>a</sup> Tab. 6:  
Fig. 5.

<sup>b</sup> Tab. 6.  
Fig. 5.

## S C H O L I V M.

Videtur primo aspectu dubitari posse de veritate huius propositionis. Si enim <sup>c</sup> duæ potentia<sup>a</sup> R, & T fuerint pondera, & trahant circum ductum funem ACB circa punctum fixum, vel circa clauum, aut trochleam C positam in vertice D trianguli DEG erecti ad planum horizontis EG rectanguli in G; tunc pondus R innixum plano inclinato DE, trahendo funem per directionem

<sup>c</sup> Tab. 6.  
Fig. 7.



Cap. 13.  
Lemmata  
pro mu-  
sculis ob-  
liquè tra-  
hentibus.

rectionem AC parallelam ipsi DE, & pondus T per directionem CB perpendiculararem ad horizontalem basim EG æquilibrari quidem possunt, licet R maius sit, quam T, secundum proportionem plani inclinati ED ad perpendicularum DG. Hoc autem theorema ab omnibus receptum, videtur repugnare nostræ propositioni, in qua diximus, quod potentix R, & T æquales inter se esse debent.

Verum si hoc negotium attentè consideretur, patet bit, diuersum esse à casu præcedentis propositionis; d  
Fig. 8. Nam ducta AF perpendiculari ad planum inclinatum DE, & ad eï parallelam funis directionem CA, ducanturque AK parallela plano horizontali EG, & AB secans bifariam angulum FAK, producatunque, quousque secet perpendicularem funem CB in B, extendaturque recta BFH parallela horizontali AK, conueniens cum AF, in F, ducaturque AH perpendicularis ad BFH. Et quia angulus FBA æqualis est alterno BAK, siue ei æquali BAF, ergo in triangulo AFB latera AF, BF æqualia sunt. Postea, quia pondus R, nisi exercens per directionem perpendicularem ad horizontem, eodem modo sustinetur à plano inclinato DE, ac fulciretur à libræ radio AF circa fulcimentum F; & in vtraque constitutione pondus R' moueri cogitur per directionem inclinatam CA tangentem circum radio FA descriptibilem: & è contra pondus T eodem modo liberè pendet, & moueri potest perpendiculariter ad horizontem, siue pendeat ex fune CB, siue alligetur radio libræ horizontali FB: & tandem eodem modo pondera R, & T simul contrarijs motibus agitantur, siue reuoluto funi ACB circa clauum C nectantur, siue in libra inflexa AFB fulciantur in F.

Ergo

Ergo perindè agunt pondera in vtraque hypothesi. Cap. 13.  
Lemmata  
pro mu-  
sculis ob-  
liquè tra-  
hentibus.  
Cumque in libra inflexa BFA radiorum æqualium potentia absoluta R ad eius momentum, seù ad ei æquale momentum T ( ob æquilibrium ) eandem proportionem habeat, quam radius libræ FA, seù FB ad FH distantiam directionis AH à fulcimento ; estque pondus absolutum T æquale momento sui ipsius, quia perpendiculariter radium FB premit ; Ergo pondus R ad T se habet, vt BF, seù FA ad FH. Et quia eidem triangulo FLH rectangulo similia sunt duo triangula FHA, & DBH, seù DGE pariter rectangula ; ergo circa angulos æquales F, & D latera sunt proportionalia, nempe AF, siue BF ad FH erit, vt ED ad DG ; & proinde pondus R ad T erit, vt ED ad DG.

Modo in casu præcedentis propositionis 63. e licet potentia manus R obliquè trahat funem AC, tamen manus non grauitat, scilicet nisum non exercet comprimendo planum inclinatum HA per directionem perpendicularem ad horizontem ; & ideò perindè agunt potentiæ R, & T, ac si traherent radios æquales IC, HC eiusdem trochleæ, seù libræ inflexæ ICH per directiones perpendiculares ad radios æquales ; Quare momentum potentiæ R ad ei æquale momentum resistentiæ T eandem proportionem habebit, quam productum ex vi motiua R in velocitatem eius determinatam à radio CH ad productum ex vi motiua T in velocitatem CI, suntque radij CH, & CI æquales ; ergo eandem æqualitatis proportionem habebit vis motiua R ad vim motiuam T, quam habet momentum ipsius R ad momentum ipsius T, seù radius CH ad radium CI.

e Tab. 6.  
Fig. 9.

Cap. 13.  
Lemma ta  
pro mu-  
sculis ob-  
liquè tra-  
hentibus .

## PROPOS. LXIV.

Si momentum potentia<sup>æ</sup> filum inflexum obliquè trahentis æquale fuerit momento resistentia<sup>æ</sup> directè, & perpendiculariter ad horizontem alterius fili terminum trahentis, & punctum concursus mobile fuerit secundum directionem resistentia<sup>æ</sup>; potentia absoluta obliquè trahens ad resistentiam, erit vt longitudo directionis obliquæ ad eius sublimitatem. Tab. 6. Fig. 10.

Potentia R mediante funiculo ACE obliquè flexo super lineam DCE trahat oppositam resistentiam T, ita vt punctum concursus C duarum directionum AC, & CE non sit fixum, sed proclue ad motum per lineam DCE perpendicularem ad horizontalem GCI; quod multipliciter præstari potest, siue excurrendo punctum C per canalem læuem, & lubricum in columna DE incisum, siue quia punctum C alligatur extremo termino vectis horizontalis GC conuertibilis circa fulcimentum G, siue termino vectis IC mobilis circa fulcimentum I, vel quia ab aliqua potentia manus, aut alterius rei H retineatur punctum concursus C, vt non per aliam semitam ferri possit, quàm per directionis lineam DCE, sitque momentum R æquale momento T, & ducatur AD perpendicularis ad DCE. Dico, potentiam absolutam R ad resistentiam T eandem proportionem habere, quàm AC ad CD. Ducatur GF perpendicularis ad CA; & quoniam angulus, seu vinculum C funiculi inflexi non est fixum, sed retinetur, aut in veste, vel in cauitate canalís, aut à potentia H, vt solummodò moueri possit per directionis



nis lineam DE, prout vnà cum pondere T trahitur, vel relaxatur funis ab opposita potentia R; igitur T perindè retinetur in C, ac si semper necteretur, suspendereturque in extremitate vectis CG conuertibilis circa stabile fulcimentum G, in qua positione cogeretur moueri idem punctum C per DE tangentem circulum radio GC descriptum; quare duæ potentiaë R, & T æqualibus momentis trahunt extremum punctum C vectis GC circa centrum G, & T trahit directè, & perpendiculariter ad vectem per directionem CE, sed R obliquè per CF; ergo potentia R ad resistantiam T se habet <sup>a</sup>, vt vectis longitudo CG ad distantiam GF, suntque triangula ADC, & CFG similia (cò quod anguli alterni GCF, & CAD æquales sunt ob parallelas AD, GC, & anguli F, & D recti sunt) igitur, vt AC ad CD, ità est GC ad GF, seu potentia absoluta R ad resistantiam T, quod erat ostendendum.

Cap. 13.  
Lemmata  
pro mu-  
sculis ob-  
liquè tra-  
hentibus.

<sup>a</sup>Ex prop.  
13. huius.

## COROLLARIUM.

Patet, <sup>b</sup> si directiones potentiarum æquilibrium efficientium in directum constitutæ fuerint, esse absolutas potentias æquales inter se; nam directio CA potentiaë R, & eius sublimitas CD à plano CG per quodlibet punctum C communis directionis educto perpendiculariter ad directionem ED coincidunt; & ideò sublimitas DC æqualis est directioni CA.

<sup>b</sup> Tab. 6.  
Fig. 11.

Cap. 13.  
Lemmata  
pro mu-  
sculis ob-  
liquè tra-  
hentibus .

## P R O P O S . LXV.

*Iisdem datis, nulla potentia finita poterit subleuare, aut retinere quamlibet exiguum resistantiam vsque ad situm horizontalem .*

Tab. 6. Fig. 12.

Sit potentia  $R$  cuiuscumque vastitatis, & resistantia  $T$  quantum vis exigua, sed mobilis per directionem  $ED$ . Dico, quod numquam potentia  $R$ , trahendo funiculum  $AC$  obliquè extensum, eleuare poterit resistantiam  $T$  vsque ad  $D$  in situ horizontali  $DA$  constitutum. Vt potentia  $R$  ad  $T$ , ita fiat  $T$  ad  $S$ ; & vt  $R$  minùs  $S$  ad  $S$ , ita fiat quadratū  $AD$  ad quadratum  $DH$ . Ostendendum est primo loco, quod resistantia  $T$  præcisè vsque ad  $H$  eleuari poterit, & non vterius; quia in triangulo  $ADH$ , reſtangulo in  $D$ , quadratum ipsius  $AH$  æquale est quadratis ex  $HD$ , & ex  $DA$ , ergo quadrata  $AD$ , &  $DH$  simul, idest quadratum  $AH$ , ad quadratum  $HD$  erit, vt potentia  $R$  ad  $S$ , & harum subduplicatæ rationes eadem quoque erunt, scilicet recta  $AH$  ad  $HD$  erit, vt potentia  $R$  ad  $T$ ; Quare translata resistantia  $T$  in  $H$ ,<sup>a</sup> fiet æquilibrium inter potentias  $R$ , &  $T$ ; et si vterius traheretur, vt in  $O$ , tunc recta  $AO$  ad  $OD$  maiorem rationem haberet, quàm  $AK$  ad  $HD$  (vt facilè probari potest) scilicet  $AO$  ad  $OD$  maiorem rationem, quàm habet potentia  $R$  ad resistantiam  $T$ , & ideò momentum potentiae  $R$  minùs esset momento resistantiae  $T$ ; & proindè non posset potentia  $R$  retinere, & multò minùs eleuare resistantiam  $T$  vsque ad  $O$ ; Quod verò absolutè resistantia  $T$  perducì, aut retineri non possit in horizontali  $DA$ , patet, quia

<sup>a</sup> Ex præced. prop.

quia *T* in *D* solummodò moueri potest per *DE* tangentem circulum radio *AD* descriptum, & sic linea tractionis *AD* per vectis *DA* fulcimentum *A* transiret, & ideo <sup>b</sup> potentia *R* sustinere non posset exiguam resistentiam *T*, quod erat ostendendum.

Cap. 13.  
Lemmata  
pro musculis obli-  
què tra-  
hentibus :

## PROPOS. LXVI.

bEx Prop.  
12. huius.

Si duæ potentiaë in extremitatibus libræ applicatæ quiescant ad inuicem æquilibratæ, momentum vnus earum exercetur contra momentum portionis fulcimenti, & oppositæ resistentiæ simul sumptarum. Tab. 6. Fig. 13.

Sit libra *AB* cum ponderibus *R*, & *S*, cuius centrum grauitatis *C*, & innitatur libra super fulcimentum *T*, vel sit *T* potentia manus, quæ sustineat, prohibeatque descensum libræ *AB* cum annexis ponderibus. Dico, quòd momentum potentiaë *R*, nedum agit contra momentum portionis fulcimenti, vel manus *T*, sed etiam agit contra momentum potentiaë *S*; & vna actio alteram non impedit. Quia per eandem directionem *CT*, & eadem velocitate nititur ferri deorsum centrum grauitatis libræ *C*, quæ trahitur sursum à potentia manus *T*, vel sustinetur à fulcimento, & vna alteri non praualet, cum libra in eodem situ quiescat; ergo vis, quam exercet fulcimentum, vel manus *T*, æqualis est vi ponderis compositi ex *R*, & *S*; & ideo momentum ponderis *R* æquale erit momento portionis potentiaë manus *T*; postea, quia in libra *AB*, æquilibrata circa centrum grauitatis eius *C*, duo pondera *R*, & *S* quiescunt, & talis quies non dependet ab inertia, sed ab exercitio actuali potentiarum integrarum *R*, & *S*, quatenus



Cap. 13.  
 Lemmata  
 pro mu-  
 sculis ob-  
 liquè tra-  
 hentibus .

tenus pondus R tanta vi comprimit libræ radium CA, quanta est energia, qua pondus S nititur flectere deorsum radium CB; Verum est ergo, quod momentum solius ponderis R exercetur contra resistantiam S, & pariter exercetur contra manus T portionem resistantiæ, & vna actio alteram non impedit.

Eodem modo adhibitis pluribus immo innumerabilibus libris, ordinatè vna reliquam ex centro suspendente. Ostendi potest, quod momentum vnius ponderis R exercetur, ne dum contra pondus S, sed etiam contra portiones innumerabilium fulcimentorum C, D, &c.

### PROPOS. LXVII.

Si terminis contiguïs duarum librarum idem pondus appendatur, quod æquilibretur duobus ponderibus in extremitatibus oppositis earundem appensis; quodlibet horum æquatur momento portionis illius. Tab. 6. Fig. 14.

Sint duæ libræ AC, DC contiguæ in C, quarum fulcimenta B, & E, & suspendatur ex contiguïs terminis C idem pondus V, atque ex oppositis terminis A, & D pendeant duo pondera R, & S, quorum momenta æqualia sint momento communis ponderis V, scilicet, tam libra AC, quàm CD quiescant in situ horizontali æquilibratæ. Dico, quod momentum ponderis R non est æquale momento totius V, sed portionis eius, & S æquilibratur non toti, sed porzioni residuæ eiusdem V. Fiat R ad X, vt CB ad BA, & S ad Z, vt CE ad ED; & amoto pondere V, & substituto X in C; patet a libram AC pressam à ponderibus R, & X circa

a Prop. 3.  
 de æque-  
 pon. in  
 Archim.  
 Auctoris .

circa centrum B in æquilibrio horizontali manere; at tunc altera libra DC non poterit in æquilibrio quiescere, quia pondus X ipsi R æquilibratum nil comprimet radium CE, & propterea non poterit impedire descensum ponderis S cum radio ED; Vt igitur libra CD quiescat æquilibrata, debet ex C aliud pondus Z præter pondus X suspendi, & tunc ambæ libræ quiescent, & momenta duorum ponderum R, & S æqualia erunt momento aggregati ex X, & Z; erant autem ex hypothefi momenta R, & S æqualia momento ponderis V; Igitur momentum aggregati ex X, & Z æquale est momento ipsius V, & pendent ex eisdem terminis C radiorum eorundem BC, & EC; ergo pondera X, & Z æqualia sunt ponderi V, & ideò momentum ipsius R æquatur momento portionis ipsius V, quæ æqualis est X, & S æquatur momento portionis V, quæ æqualis est ipsi Z; quare patet propositum.

Cap. 13.  
Lemmata  
pro mus-  
culis ob-  
liquè tra-  
hentibus.

## S C H O L I V M.

Facile colligitur ex hac propositione <sup>b</sup>, quod siue R, & S sint æquales inter se, siue inæquales, possunt ab vno pondere V æquilibrari in eisdem vectibus; Nam existente BC æquali ipsi EC, si R, & S fuerint æqualia, & secto pondere V in partes X, & Z, quarum X æquilibretur ipsi R, & Z ipsi S <sup>c</sup>; erit X ad R, seu ad ei æqualem S, vt AB ad BC, seu ad ei æqualem CE; postea S ad Z erit, vt CE ad ED. Ergo ex æquali ordinata, X ad Z, erit, vt AB ad ED, & R, S simul ad V erunt, vt BCE ad AB, & ED simul, atque R ad V erit, vt BC ad AB cum ED.

b Tab. 6.  
Fig. 15.

c Archim.  
ibidem.

Si postea <sup>d</sup> partes ipsius V æquilibratæ ipsis R, & S, nempe

d Tab. 7.  
Fig. 1.

Cap. 13.  
Lemmata  
pro mu-  
sculis ob-  
liquè tra-  
hentibus.

nempè  $X$ , &  $Z$  fuerint inter se æquales; erit quoque  $X$ , seu ei æqualis  $Z$ , ad  $R$ , vt  $AB$  ad  $BC$ , seu ad ei æqualem  $CE$ , &  $S$  ad  $Z$  est, vt  $CE$  ad  $ED$ ; ergo ex æquali perturbata,  $S$  ad  $R$  erit, vt  $AB$  ad  $ED$ ; &  $R$ ,  $S$  simul ad  $V$ , erunt, vt  $AB$  cum  $ED$  ad  $BCE$ ; atque  $R$  ad  $V$  erit, vt  $ED$  ad duplum  $CE$ .

Si vero  $BC$  ad  $CE$  ponatur, vt  $R$  ad  $S$ : erit  $X$  ad  $Z$ , vt  $AB$  ad  $ED$ ; &  $RS$  simul ad  $V$  erunt, vt  $BCE$  ad  $AB$ , &  $ED$  simul; & tandem, vt  $R$  ad  $V$ , ita est  $BC$  ad  $AB$ , &  $ED$  simul.

Et hic notandum est, quod quando comparantur  $R$ , &  $V$  inter se, non æquantur eorum momenta in eadem libra  $AC$ , in qua  $R$  æquilibrium efficiebat cum pondere  $X$ , sed in alia libra longè diuersa debet elongari radius  $BA$ , vt additamentum æquale sit  $ED$ , & à termino huius elongati radij suspendi debet pondus  $R$ , &  $V$  suspendi debet ex  $C$ .

Hic summoperè aduertendum est, quod eisdem libris permanentibus  $AC$ ,  $DC$  contiguus in  $C$ , possunt mille modis variari, & commutari tria pondera suspensa, & nihilominus æquilibrium efficient<sup>e</sup>; vt pondera  $R$ , &  $X$  siuè augeantur, siuè minuantur  $I$ , &  $K$ , dummodò retineant eandem proportionem, scilicet  $R$  ad  $X$  sit, vt  $BC$  ad  $BA$ , semper æquilibrium efficient; Sic in altera libra  $CD$ , siuè addantur ipsis  $S$ ,  $Z$ , siuè subtrahantur pondera  $H$ , &  $L$  proportionalia illis, semper permanebunt æquilibrata.

f Tab. 7.  
Fig. 4.

Similiter f retentis ijsdem ponderibus variari possunt libræ, ita vt in eis semper quiescant æquilibrata; vt pondera æqualia  $R$ ,  $S$  æquilibrantur cum ponderibus  $XV$ ,  $VZ$  in libris  $AC$ ,  $DC$  id ipsum continget, si pondus  $R$  suspendatur ex  $f$ , & postea, vt  $CB$  ad  $Bf$ , ita fiat



fiat R ad XT; atque, vt TZ ad S, ita fiat radius gE ad EC, & S suspendatur ex g.

Cap. 13.  
Lemmata  
pro mu-  
sculis ob-  
liquè tra-  
hentibus.

## P R O P O S . LXVIII.

Si momenta duarum potentiarum trahentium obliquè duo ex tribus filis inter se connexis, æqualia fuerint momento resistentiæ tertium filum trahentis, ita vt nodus, seu punctum concursus filorum mobile sit, secundum directionem tractionis eiusdem resistentiæ: momentum cuiuslibet potentiæ obliquè trahentis æquale est momento vnius portionis communis resistentiæ. Tab. 7. Fig. 5. & 6.

Sint tres funes AC, BC, EC colligati in C, & pondus T trahat funem CE per directionem CE perpendiculararem ad horizontalem DCL, & trahatur sursum, sustineaturque æqualibus momentis idem pondus T à duabus potentijs R, & S trahentibus funes AC, BC per directiones obliquas; hac lege, vt punctum C concursus funium mobile sit, vel procliue ad motum per eandem directionem CE; quod verificabitur, si T fuerit pondus appensum in C. Dico, quòd momentum potentiæ R æquatur, non totius T momento, sed vni portioni eius, & S æquilibratur reliquæ portioni eiusdem T. In horizontali DCL, ex duobus punctis G, & I æquè remotis à nodo C, ducantur GF, & IK perpendiculares ad AC, & CB, & abscindantur DG æqualis GF, & IL æqualis IK, atque amota potentia R substituatur ei æquale pondus M in D; pariterque coercita potentia S ei æquale pondus N in L substituatur; quia absolutæ potentiæ R, & M sunt æquales, & trahunt perpendiculariter radios æquales GF, & GD;

R

Ergo

- Cap. 13. ergo momenta potentiarum  $R$ , &  $M$  sunt æqualia <sup>a</sup>; Eadem ratione momenta potentiarum  $S$ , &  $N$  æqualia erunt. Quare duobus momentis potentiarum  $R$ , &  $S$  æqualia erunt momenta ponderum  $M$ , &  $N$ , sed ex hypothesi momentum solius resistentiæ  $T$  æquale erat momentis earundem potentiarum  $R$ , &  $S$ . Igitur momenta ponderum  $M$ , &  $N$  æqualia erunt momento resistentiæ  $T$  <sup>b</sup>; & proinde duæ libræ horizontales  $DC$ , &  $LC$  quiescent æquilibratæ, ideòque resistentiæ  $T$  vna pars, vt  $X$ , æquilibratur ponderi  $M$ , seu potentiæ  $R$ , & reliqua pars  $Z$  æquilibrata persistet cum pondere  $N$ , siue cum potentia  $S$  <sup>c</sup>, vt erat propositum.
- <sup>a</sup> Ex Prop. 15. & 16. huius.
- <sup>b</sup> Ex Schol. prop. 67. huius.
- <sup>c</sup> Ex præc. prop.

## S C H O L I V M.

Hic quoque noto, quod retentis eisdem inclinationibus filorum, possunt vires trahentes, & pondus appensum mille modis variari, & nihilominus possunt ad inuicem æquilibrari <sup>d</sup>, dummodò  $R$  ad  $X$  sit, vt  $GC$  ad  $GF$ , vel vt  $AC$  ad  $CH$ , pariterque quodlibet pondus  $S$  æquilibrabitur cum  $Z$ , si ad id se habeat, vt  $IC$  ad  $IK$ , vel vt  $BC$  ad  $CH$ , & proinde innumerabilia pondera siue æqualia, siue non possunt iisdem filorum inclinationibus æquilibrari, duobus alijs ponderibus  $X$ ,  $Z$  ex  $C$  pendentibus.

<sup>d</sup> Tab. 7. Fig. 5.

E contra retentis iisdem ponderibus (dummodò intermedium  $ZX$  minus sit duobus extremis) possunt æquilibrari multis modis, variata filorum inclinatione; Supponantur <sup>e</sup> anguli filorum  $ACD$ ,  $BCD$  æquales, & in tali situ potentiæ  $R$ ,  $S$  æquilibratæ ponderi  $XZ$ , diminuto angulo  $ACD$ , vt  $aC$  sit ad  $CD$ , sicut  $R$  ad portionem  $X$ , & postea translato filo  $B$ , quousque  $bC$  ad  $CD$  sit,

<sup>e</sup> Tab. 7. Fig. 6.

fit, vt S ad residuum Z, ergo necessariò in noua filorum inclinatione quiescent pondera R, & S æquibrata cum pondere XZ.

Animaduersione dignum est, quod ablatis vectibus  $\dagger$  CG, & CI, potentia R verè vim aliquam exercet, dum ad se trahit vinculum C, & dum retinet filum BCE in eadem inflexione; & vicissim potentia S exercet vim aliquam, vt ad se trahat vinculum C, vt in eodem situ permaneat, & retineat aliud filum in eadem inflexione ACE; At hæ contrariæ tractiones perindè agunt, & retinent vinculum C in eadem linea CE perpendiculari ad horizontalem DCL, ac si punctum C alligatum esset terminis duorum vectium CG, CI; & sicut tractiones funium AC, & BC contra vectium fulcimenta G, & I non impediunt, quin tota potentia R exerceat suam vim contra resistantiam X, ita vt potentia R, & X æquibrentur, pariterque potentia S, & Z in æquilibrio persistant; sic quoque tractiones oppositæ vinculi C factæ à potentijs R, S, non impediunt, quin totales eadem potentia R, & S æquentur momentis resistantiarum X, & Z.

Cap. 13.  
Lemmata  
pro multis  
sculis obli-  
què tra-  
hentibus.

f Tab. 7.  
Fig. 5.

# PROPOS. LXIX.

Iisdem positis, duæ potentia sustinentes ad resistantiam, erunt vt longitudines funium obliquæ, quæ proportionales sint conterminalibus potentijs ad earum sublimitates. Tab. 7. Fig. 7.

Supponantur eadem, quæ in præcedenti, & vt potentia R ad S, ita fiat longitudo AC ad CM, & ducantur duæ MO, & ABD perpendiculares ad DCE directionem resistantiæ T; Dico, potentias R, & S si-

R 2

mul,



Cap. 13.<sup>1</sup>  
Lemmata  
pro mu-  
sculis ob-  
liquè tra-  
hentibus .

<sup>a</sup> Ex præc.  
prop.

<sup>b</sup> Ex Prop.  
64. huius.

mul, ad resistentiam  $T$  eandem proportionem habere, quam duæ obliquæ longitudines  $AC$ ,  $CM$  ad earum sublimitates  $DC$ ,  $CO$ . Quia duæ potentiaë  $R$ , &  $S$  obliquè trahentes æquilibrantur resistentiæ  $T$ , et directionum punctum concursus  $C$  non est fixum, sed mobile; vel proclive ad motum per directionem  $DCE$ ; Ergo <sup>a</sup> momentum potentiaë  $R$  æquatur non momento totius  $T$ , sed portionis eius, quæ sit  $X$ ; pariterque  $S$  æquatur momento reliquæ eiusdem  $T$  portioni  $Z$ ; Quare <sup>b</sup> potentia absoluta  $R$  ad resistentiam  $X$  ei æquilibrem, et mobilem per directionem  $DCE$ , erit, vt longitudo  $AC$  ad eius sublimitatem  $CD$ : pari ratione potentia absoluta  $S$  ad resistentiam  $Z$  ei æquilibrem, erit, vt  $BC$  ad  $CD$ , seu vt  $MC$  ad  $CO$  (ob parallelas  $BD$ ,  $MO$ ) fuit autem  $AC$  ad  $CM$ , vt  $R$  ad  $S$ ; ergo duæ potentiaë  $R$ ,  $S$  simul sumptæ ad duas  $X$ , et  $Z$ , seu ad resistentiam  $T$ , eandem rationem habebunt, quàm duæ  $AC$ ,  $CM$  simul, ad duas  $DC$ ,  $OG$  simul. Quod erat propositum.

### C O R O L L A R I U M .

Facile constat, quod portio  $X$  ad  $Z$  erit, vt  $DC$  ad  $CO$ , et potentia  $R$  ad resistentiam  $T$ , erit vt  $AC$  ad duas  $DC$ ,  $CO$  simul sumptas.

### S C H O L I U M .

Manifestè colligitur ex dictis propositionibus, quòd duæ quælibet potentiaë  $R$ , et  $S$ , siue æquales, siue inæquales inter se fuerint, possunt æquilibrari alicui resistentiæ, trahendo funes obliquos, efficientes cum directione resistentiæ angulos acutos  $ACD$ , et  $BCD$ , siue  
æqua-

æquales, siue inæquales inter se. Quia in qualibet funiculi ACE inflexione cuilibet potentia R reperiri potest pondus aliquod X, quod illi æquilibretur; & similiter potentia S aliquod pondus Z illi æquilibre reperiri potest, quamcumque proportionem habeant R, & S inter se, & qualescumque sint anguli ACD, & BCD; Ergo duæ potentia R, S æquilibrari possunt aggregatò duorum ponderum X, & Z. Patet etiam, quòd tria fila AC, BC, & EC retineri possunt in vno plano, & in duobus ad inuicem inclinatis; dummodò in vtroque casu punctum C mobile supponatur per directionem DCE: sequitur<sup>c</sup>, quòd potentia R ad X, cui æquilibratur, sit, vt AC ad CD, & similiter potentia S ad Z erit, vt MC ad CO, vt priùs.

Cap. 13.  
Lemma ta  
pro mu-  
sculis ob-  
liquè tra-  
hentibus.

cEx prop.  
64. huius.

## D I G R E S S I O .

Quia Stevinus, & Herrigonius, & alij viri doctissimi alia longè diuersa via hanc eandem propositionem se demonstrasse putant, cogor paucis sinuere rationes, quibus methodum à viris præclaris seruata, non omninò tutam, & legitimam censuerim. Estque Herrigonij propositio hæc, sed aliter, & clariùs ostensa. Tab. 7. Fig. 8.

Si idem pondus T pendulum sustineatur à duabus potentijs R, & S obliquè trahentibus funes AC, BC, & à quolibet puncto D pendulæ diametri DCK ponderis T ducantur DM parallela BC, & DN parallela ipsi AC. Ait, quòd potentia absoluta R ad T, est, vt MC ad CD; atque potentia S ad T est, vt NC ad CD; & proinde R ad S erit, vt MC ad CN; & R, & S simul

Cap. 13.  
Lemmata  
pro mu-  
sculis ob-  
liquè tra-  
hentibus .

simul ad T erunt, vt MC, & CN simul ad CD .

Ob maiorem suæ demonstrationis euidentiā supponit Herrigonius, quod pondus T sit circulare, cuius centrum C, & pendula diameter DK, & perinde esse ait, si pondus T in æquilibrio suspendatur à duabus potentijs R, & S trahentibus fila AC, & BC obliquè, ac si pondus T fulciretur à duobus planis, vel lineis inclinatis ad horizontem OIG, & VIH tangentibus circulum in punctis O, & V, vbi funium directiones ACV, BCO pertingunt; & tunc ait, quòd vis, qua premitur planum OIG, æqualis est potentiæ absolutæ S; & vis, qua premitur planum VIH æqualis est potentiæ R. Remoucantur iam potentia S, & planum VIH, & intelligatur pondus T innixum in O super planum inclinatum OIG, & retentum in tali situ, nè deorsùm dilabatur à potentia R trahente funiculum CA; & ducantur CL parallela plano inclinato GO, & GH parallela horizonti, atque IP perpendiculari ad horizontem GH, quia DL parallela supponitur ipsi BO, & CL parallela plano GO; ergo angulus DLC æqualis est angulo BOG recto, & ideò angulus L rectus est, & æqualis recto angulo P. Præterea DC, & IP sunt parallelæ, cum sint perpendiculares ad horizontem, & LC parallela quoque est ipsi OIG; ergo anguli DCL, & GIP æquales inter se sunt. Quare triangulum DCL simile est triangulo rectangulo GIP; & DC ad CL est, vt GI ad IP. Innititur verò pondus T super planum inclinatum OG; ergo pondus absolutum T ad eius momentum in tali plano a est, vt GI ad eius sublimitatem IP, seu vt DC ad CL. Porrò si potentia R traheret pondus T per directionem CL parallelam plano GO esset planè potentia R æqualis momento

a Schol.  
prop. 63.  
huius.



mento ponderis T in eodem plano OG constituti ; At quia id ipsum sustinet trahendo funem per directionem CA ; Infert Herrigonius cum Steuino, quod potentia absoluta R ad pondus absolutum T se habet, vt MC ad CD, quod nescio, an ab eis demonstratum fuerit. Poterit tamen suppleri hac ratione. Ducta OQ perpendiculari ad CA, quia duo anguli LCM, & MCB rectum conficiunt, pariterque duo anguli MCB, seu QCO, & COQ rectum complent, ergo ablato communi MCO, seu æqualibus MCB, QCO erunt duo anguli LCM, & COQ æquales inter se, suntque duo anguli L, & Q recti ; Igitur triangula LCM, & QOC similia sunt, & idè LC ad CM erit, vt QO ad OC : Verum, quia pondus T suspenditur in C termino vectis CO, cuius punctum fixum O, & C mobile est per directionem LC parallelam plano inclinato OG, & trahitur obliqua directione CA à potentia R, quæ agit æquali momento, non contra absolutum pondus T, sed contra vim, quam exercet in dicto plano inclinato, nempe contra eius momentum mensuratum à CL, quare momentum ipsius T ad absolutam potentiam R erit, vt OQ distantia directionis CA ad CO vectis longitudinem, seu vt LC ad CM; erat autem prius pondus absolutum ipsius T ad eius momentum in plano inclinato OG constitutum, vt DC ad CL; Igitur ex æquali pondus absolutum T ad potentiam R erit, vt DC ad CM. Eodem progressu ostendetur, quod pondus T ad potentiam S eandem rationem habet, quam DC ad NC. Quapropter potentia R ad S erit, vt MC ad NC, & pondus T ad duas potentias R, & S erit; vt DC ad MC, & CN simul sumptas.

Cap. 13.  
Lemma  
pro mu-  
sculis ob-  
liquè tra-  
hentibus.

Aliter hanc eandem propositionem insignis Geometra  
neote-

Cap. 13.  
Lemmata  
pro mu-  
sculis ob-  
liquè tra-  
hentibus.

b Tab. 7.  
Fig. 9.

c Prop. 13.  
huius.

neotericus demonstrat <sup>b</sup>. Descripto parallelogrammo DMCN, circa diametrum DC cadant ex A, & B perpendiculares ad funes BC, AC productos, quæ sint AE, & BF; & quia duæ potentiaë R, S, & pondus T quiescunt in æquilibrio; Ergo perindè linea, seu virga CA firmiter retinetur in A, nè decidat, ac si, amota potentia R, figeretur clauo A, & tunc terminus C eiusdem virgæ AC trahitur deorsùm à pondere T per directionem DC, fursùm verò suspenditur à potentia S per directionem BCE, et quiescunt potentiaë S, et T æquilibrata; ergo earum momenta æqualia sunt, atque pondus absolutum T ad eius momentum, seu ad ei æquale momentum ipsius S est, vt CA ad DA <sup>c</sup>; et momentum S ad eius potentiam absolutam est, vt EA ad AC; ergo ex æquali perturbata, vt pondus absolutum T ad potentiam S, ita est EA, ad DA, seu sinus anguli ACE, vel DNC ad sinum anguli ACD, vel CDN, nempe ita est DC ad CN. Eodem ratiocinio ostendetur, quod potentia absoluta R ad pondus T est, vt MC ad CD: quare potentia R ad S est, vt MC ad CN; et duæ potentiaë R, et S simul sumptæ ad resistantiam T erunt, vt duæ MC, et NC simul ad DC.

Colligitur ergo ex his duabus demonstrationibus; quòd quotiescumque duæ potentiaë trahendo duo fila obliquis directionibus sustinuerint idem pondus, et cum eo æquilibrata fuerint; necessariò quælibet duarum potentiarum ad pondus suspensum erit, vt latus conterminale parallelogrammi à filis comprehensi circa pendulam diametrum directionis ponderis ad eandem diametrum parallelogrammi.

Et è conuerso, quoties facta eadem parallelogrammi descriptione, supposito, quòd quælibet potentia-

rum

rum ad pondus suspensum eandem proportionem habeat, quam latus conterminale eiusdem parallelogrammi ad eius diametrum: tunc duæ potentiaë æquilibrari debent cum pondere suspenso.

Cap. 13.  
Lemmata  
pro mu-  
sculis ob-  
liquè tra-  
hentibus.

Harum propositionum primam in illa vniuersalitate absque determinatione pluribus momentis suspectam, & fallacem reputo. Secundam, & particularem verissimam esse censeo, quam demonstrari posse mea methodo mox ostendam in Tab. 7. Fig. 10.

Descripto parallelogrammo DGCH circa diametrum DC directionis ponderis T, & ductis GL, & ADB perpendicularibus super DC; Supposito, quòd potentia R ad pondus T sit, vt GC ad CD, & S ad T sit, vt CH, vel GD ad DC; Dico, quòd duæ potentiaë R, & S filis obliquis AC, CB sustinebunt æquali momento in tali situ pondus T. Amoto pondere T, substituat in E pondus X, quod æquilibretur potentiaë R, addaturque in E aliud pondus Z, quod æquilibretur potentiaë S; patet<sup>a</sup> R ad X esse, vt AC ad CD, seu vt GC ad CL (ob parallelas AD, GL): pariterque potentia S ad Z erit, vt BC ad CD, seu vt CH, vel ei æqualis GD ad DL (ob similitudinem triangulorum BDC, & GLD); quare potentia R ad duas resistentias X, & Z erit, vt GC ad CL, & LD simul sumptas, scilicet ad integram CD; Erat autem ex hypothese R ad T, vt eadem GC ad CD; Ergo R eandem proportionem habet ad X, & Z simul sumptas, quam ad T; & ideò pondus T æquale erit ponderibus X, Z; manebant autem potentiaë R, & S æquilibratæ cum ponderibus X, & Z; Igitur eadem potentiaë R, & S similiter dispositæ æquilibrium efficient cum resistentia ponderis T æquali ipsis X, & Z, & alligati eidem filo CE, quod erat ostendendum.

<sup>a</sup>Ex prop.  
84. huius.

S

Sed



Cap. 13.  
Lemmata  
pro mu-  
sculis ob-  
liquè tra-  
hentibus.

b Prop.  
68. huius  
eiusque  
Schol.

Sed licèt hæc particularis propositio vera sit, non tamen de eius conuersa vniuersali id ipsum affirmari potest; quod euincitur ex demonstratis <sup>b</sup>, de cuius firmitudine dubitare posse neminem puto. Ostensum enim est, quòd duæ potentiaë R, & S obliquè sustinendo pondus T, cum eodem æquilibrari possunt, licèt R ad S habeat quamcumque proportionem; & proindè maiorem, aut minorem ea, quam GC habet ad CH, & licèt duæ potentiaë R, & S simul sumptæ ad pondus T habeant quamcumque diuersam proportionem ab ea, quam GC, & CH simul sumptæ habent ad CD.

Porro nedum demonstratiua certitudine, sed etiam euidenti experientia hæc mea sententia confirmari potest. Tab. 7. Fig. II.

Circa duos clauos leuigatos, & lubricos, vel circa duas trochleas A, & B in horizontali AB affixas, extenso filo vtrinque tracto à duobus ponderibus inter se æqualibus R, & S, deprimatur punctum eius C, tracto filo EC in C alligato, ita vt angulus ACD factus à filo, & à CD productione ipsius EC perpendiculari ad AB minor sit angulo BCD, & descripto parallelogrammo DGCH circa diametrum CD, erunt anguli alterni GDC, & DCH æquales inter se, & idèò vterque maior erit angulo GCD; & proindè in parallelogrammo GH latus GC maius erit latere GD, seu CH, & secta CF æquali ipsi GC, ducantur FO, & GL parallelæ ipsi ADE; & reperiatur pondus T, ad quod R eandem proportionem habeat, quam GC ad duas LC, & OC simul sumptas, & suspendatur pondus T ex termino E fili EC, tunc experientia constat, prædicta tria pondera quiescere æquilibrata, quod ex Arrigonij demonstratione esset impossibile; oporteret enim, vt  
pondus

pondus R maius effiet, quàm S in proportionē GC ad CH; insuper pondus T minus iusto esse deberet, mensuratum scilicet ab ipsa DC, non verò ab LC, & OC, & hoc sexcentis alijs modis repugnantibus sententiæ Arri-  
gonij experiri potest, vt si pondus T æquale sit ipsi R, vel S æquilibrium efficiatur

existentibus angulis inæqualibus, vt apparet in hac tabella. Vndè euincitur eius methodum fallacem esse.

Modo allucinationis causam, & originem indicare erit operæ pretium, estque suppositio falsa, & impossibilis, scilicet quòd vterlibet terminorum funis A, vel B, vt centrum vestis fixum vsurpari possit, & quòd vna potentiarum R, vel S æquetur momento totius resistantiæ T, quod erroneum esse ostendemus hac ratione. Tab.7. Fig.12.

Sit A centrum fixum fune penduli, vel virgæ ferreæ AC, patet, quòd pondus T in C alligatum mobile est per circumferentiam circuli radio AC descripti, & idè perindè se habet pondus T, ac si inniteretur super planum inclinatum NIC extensum per tangentem circulum prædictum in C; & tunc ducta perpendiculari IL ad LC horizontalem; patet <sup>a</sup>, quòd pondus T ad eius momentum in tali plano inclinato, est vt IC ad IL, & ad vim, qua idem T innititur, & comprimit idem planum IC, est vt IC ad LC <sup>b</sup>: sed vis, qua pondus T fulcitur à plano IC, æqualis est vi potentiæ R, quæ id sustinendo in eodem situ, fulcientis plani vi-

Anguli ACD		BCD	
G	'	G	'
14	. 4	88	. 17
34	. 55	79	. 38
44	. 16	73	. 30
45	. 44	72	. 25
54	. 54	64	. 51
60	. 0	60	. 0

Cap. 13.  
Lemmata  
pro mu-  
sculis ob-  
liquè tra-  
hentibus.

<sup>a</sup>Ex Schol.  
prop. 63.  
huius.

<sup>b</sup>Prop. 42  
de Viper-  
cussionis.

Cap. 13.  
Lemmata  
pro mu-  
sculis ob-  
liquè tra-  
hentibus.

cem supplet. Ergo pondus  $T$  ad potentiam  $R$  se habet, vt  $IC$  ad  $LC$ ; & quia anguli  $LCD$ , &  $ICK$  sunt æquales, nempe recti, ablato communi  $ICD$ , erunt anguli  $ICL$ , &  $DCK$  æquales, & ducta  $DK$  perpendiculari ad  $AC$  erunt anguli  $L$ , &  $K$  recti, & ideò triangula  $ILC$ , et  $DKC$  similia erunt; Ergo, vt  $IC$  ad  $IL$ , ita erit  $DC$  ad  $DK$ , & vt  $IC$  ad  $LC$ , ita erit  $DC$  ad  $CK$ . Quare  $DC$  erit mensura absoluti ponderis  $T$ , &  $DK$  eius momenti, atque  $CK$  indicabit potentiam  $R$ .

Postea, quia potentia  $S$  agit æquali momento, non contra integrum pondus  $T$ , sed contra eiusdem momentum  $DK$ , quod exercet in plano inclinato  $IC$ , trahiturque directione obliqua per  $CB$ ; Ergo, vt in restitutione propositionis Herrigonij ostendimus, absoluta potentia  $S$  ad resistantiam  $T$  in plano inclinato  $IC$  constitutam, seu ad ipsius  $T$ , momentum  $DK$  est, vt  $OC$  ad  $CN$  parallelam, & æqualem ipsi  $DK$ ; Quare potentia absoluta  $S$  mensuratur ab ipsa  $CO$ , et potentia  $R$  ab ipsa  $CK$ , atque pondus  $T$  ab ipsa  $CD$ .

c Tab. 7.  
Fig. 13.

Ductis deinde  $c$   $DM$  parallela  $BC$ , et  $DP$  perpendiculari ad  $BC$ , patet primò, quod in hac methodo, supposito puncto  $B$  fixo, potentia  $S$  mensuratur à  $PC$ , non verò à maiori  $OC$ , vt in primò casu; et potentia  $R$  mensurabitur ab  $MC$ , non verò à minori  $KC$ , vt priùs. Secundò in illa Herrigonij demonstratione potentia  $S$  mensurabatur ab  $OC$ , et potentia  $R$  ab  $MC$  mensurabatur, manente in vtraque methodo semper  $DC$  mensura ponderis  $T$ .

Et hæc quidem contingunt, supposito, quòd sigillatim termini  $A$ , et  $B$  funium  $AC$ , vel  $BC$  fixi sint, et funes sint vestes, vel virgæ conuertibiles circa clauos  $A$ , et postea  $B$ .

Sup-



Supponamus <sup>d</sup> modò , quòd idem pondus T sustineatur à duobus funiculis AC, & BC, qui simul tempore affixi sint clavis in centrīs A, & B . Hoc profectò perindè est , ac si pondus T fulciretur à duobus planis inclinatis CK, & CG tangentibus circulos radijs AC, & BC descriptos; Et tunc pondus T dum moveri niteretur per duas rectas inclinatas CK, & CG cogeretur moveri, aut nifum exercere per diagonalem CO secantem angulum GCK bifariam . Quare supponendum est, pondus T sustentari à plano inclinato CO, super quod vim suæ gravitatis, & compressionis exercebit; Igitur ex mechanicis pondus absolutum T ad eius momentum in plano inclinato CO erit, vt CO ad CP; Et <sup>e</sup> idem pondus absolutum T ad vim, quæ comprimit planum CO eandem rationem habebit, quam CO ad OP, seu (ducta DX perpendiculari ad OCX productam) eandem rationem, quam habet DC ad DX . At quia vis, quam patitur planum CO à compressione ponderis T æqualis est viribus ambarum potentiarum R, & S, quæ sustinendo idem pondus in tali situ plani CO inclinati vicem suppleunt; Ergo pondus absolutum T ad duas potentias R, S simul sumptas, eandem rationem habet, quam CO ad OP, seu quam DC ad DX . Hoc autem ne dum est euidenter falsum, sed etiam contra eosdem præclaros auctores, qui censent pondus T ad duas potentias R, & S esse, vt DC ad MC, & CN simul sumptas, quæ multò maiores sunt, quam DX, vt facillè ostendi potest.

Si igitur hi progressus essent legitimi, cum omnes vtantur eadem hypothesi, quod scilicet puncta A, & B sigillatim, vel coniunctim sint fixa, & funes, non secus, ac vectes similiter situati, & inclinati sustineant  
idem

Cap. 13.  
Lemnata  
pro mu-  
sculis ob-  
liquè tra-  
hentibus .

d Tab. 7.  
Fig. 14.

eEx prop.  
42. de Vi  
perculsio-  
nis .

Cap. 13.  
Lemnata  
pro mu-  
sculis ob-  
liquè tra-  
hentibus.

idem pondus  $T$ , necessariò deberet ex eis eadem conclusio deduci, quòd nimirum potentia  $R$ , &  $S$  haberent tum inter se, tum ad pondus  $T$  vnā, eandemque proportionem, non diuersas, & inæquales inter se; cumque hoc non contingat, fatendum est, latere in hisce processibus aliquod vitium, quod cum non oriatur ex fallaci argumentatione, nec quicquam assumptum sit, præceptis mechanicis repugnans, necessè est, vt suppositio ipsa possibilis non sit, nec vera; quòd nimirum duo termini funium  $A$ , &  $B$  sigillatim, vel coniunctim, vt centra fixa vectium vsurpari possunt, & quòd sola potentia  $R$ , vel sola potentia  $S$  æquari possit momento totius resistentia  $T$ .

Et profectò quando à potentijs  $R$ , &  $S$  sustinetur in æquilibrio idem pondus  $T$ , tractionibus obliquis, singula fila ab oppositis potentijs trahuntur, & idè, licèt potentia sint æquilibrata, & actu ab vno loco ad alium non transferantur, saltem procliuitas ad motum eis negari non potest; immò, cum quies illa non sit iners, sed resultet ex oppositis tractionibus, constituent motum quemdam tonicum, qui in omnimoda quiete concipi non potest, vt alibi ostendi. Ex hoc inquam motu tonico sequitur, vt punctum, seu vinculum funium  $C$ , procliue quoque sit ad motum, qui non per aliam semitam exerceri potest, quàm per directionem  $CE$  <sup>f</sup> per quam tractio ponderis  $T$  exercetur; Ex ipsius verò vinculi  $C$  procliuitate ad motum per directionem  $CE$ , sequitur, quòd sola potentia  $R$ , vel sola potentia  $S$ , non possit æquilibrari cum integra resistentia  $T$ , vt Herrigonius supponit, sed cum eius portione  $g$ . Quapropter ædificium huic falso fundamento innixum, fragile omninò erit.

Sed

<sup>f</sup> Tab. 7.  
Fig. 10.

<sup>g</sup> Prop. 68.  
huius.

Sed omiffa hac proluxa digreffione, redeo ad inftitutum.

## P R O P O S. LXX.

Cap. 13.  
Lemma 2a  
pro mu-  
fculis ob-  
liquè tra-  
hentibus.

Si idem pondus fufțineatur æqualibus momentis à pluribus, quàm duabus potentijs obliquè trahentibus totidem fila in eodem plano, vel in diuerfis exiftentia, & punctum concursus funium mobile fit fecundùm directionem refiftentiæ: potentiæ ad refiftentiam erunt, vt longitudines filorum proportionales potentijs conterminalibus ad earum fublimitates. Tab. 8. Fig. 1.

Pondus T fufțineatur æqualibus momentis à potentijs R, S, & Q obliquè trahentibus funes AC, BC, & FC, quæ in vno, vel diuerfis planis iaceant; & punctum concursus C procline fit ad motum per directionem DCT, & vt R ad S, & ad Q, ita fiat AC ad CE, & CG; & ex A, E, & G ducantur AD, EI, & GH perpendiculares ad directionem DCT. Dico, quòd potentiæ R, S, & Q ad refiftentiam T erunt, vt AC, EC, & GC fimul fumptæ ad earum fublimitates CD, CI, & CH fimul; Quia omnes potentiæ R, S, & Q fufstinent idem pondus T æquali momento, & punctum concursus funium C mobile eft per directionem DCT; ergo<sup>a</sup> quælibet earum æqualibratur portioni ipfius T, fcilicet R ipfi X, S ipfi V, & Q ipfi Z. Quare<sup>b</sup> potentia R ad X erit, vt AC ad CD, S ad V erit, vt EC ad CI, atque Q ad Z erit, vt GC ad CH; funtque antecedentes proportionales, fcilicet R, S, & Q, & AC, EC, & GC. Igitur omnes potentiæ R, S, & Q fimul fumptæ ad omnes X, V, & Z, feu ad refiftentiam T erunt, vt omnes

a Prop. 63.  
huius.

b Prop.  
66. & 69.  
huius.

nes



Cap. 13.  
Lemmata  
pro mu-  
sculis ob-  
liquè tra-  
hentibus .

nes AC, EC, & GC simul ad earum sublimitates DC, IC, et HC simul sumptas . Quod erat ostendendum .

### C O R O L L A R I U M .

Patet, quòd si omnes potentiae inter se, atque omnes inclinationes earum inter se fuerint æquales; tunc omnes potentiae ad resistantiam erunt, vt vnus fili longitudo ad eius sublimitatem. Quia existentibus omnium filorum inclinationibus inter se æqualibus, erunt anguli omnes ACD, BCD, & FCD inter se æquales; & ideò omnia fila existent in superficie vnus Coni recti, cuius axis erit CD directio fili resistantiae T; Præterea, cum omnes potentiae R, S, & Q supponantur æquales, erunt quoque longitudines filorum eisdem proportionales, æquales inter se, et earum sublimitates etiam æquales erunt inter se, & vni CD, ob angulorum æqualitatem; et ideò omnes longitudines filorum simul sumptæ ad omnes sublimitates earum, seu potentiae R, S, et Q ad resistantiam T erunt, vt vna AC ad vnā CD.

### P R O P O S . LXXI.

Si idem pondus sustineatur æqualibus momentis à quatuor, vel pluribus potentijs trahentibus fila ex utroque latere colligata longitudini eiusdem fili, à quo resistantia pendet, quòd filum mobile sit secundum eius directionem, et potentiae vnus lateris æquales inter se sint, et trahant fila æquidistantia, idem pariter supponatur de potentijs, et filis alterius lateris; Omnes potentiae ad resistantiam erunt,

vt

vt duo fila in vtroque latere sumpta proportionalia potentijs collateralibus ad duas earum sublimitates. Tab.8. Fig.2.

Cap.13.  
Lemmata  
pro mu-  
sculis ob-  
liquè tra-  
hentibus :

Pondus T sustineatur æqualibus momentis à pluribus potentijs R, V, Z, S, X, & Y, quarum primæ vnius lateris R, V, Z sint inter se æquales, & trahant fila AC, HE, KF parallela inter se, alligata filo DCF, ex quo resistentia T pendet: secundæ S, X, Y sint etiam æquales inter se, & trahant fila BC, IE, &c. alterius lateris parallela inter se alligata eisdem punctis C, E, & F; Sitque filum CEF mobile secundum directionem DCFT; & fiat vna AC ad vnam CB, vt potentia R ad potentiam S, & ductis AD, & BG perpendicularibus ad DCF. Dico, quòd omnes potentiæ R, V, Z, S, X, Y simul sumptæ ad resistentiam T se habent, vt AC, & BC simul sumptæ ad duas sublimitates DC, & GC simul. Quia omnes potentiæ R, S, V, X, Z, & Y simul agendo sustinent pondus T, & cum eo æquilibrantur; suntque puncta concursuum C, E, & F, seu filum CFT mobile per eandem directionem; Ergo <sup>a</sup> quælibet potentiarum æquatur momento, seu æquilibratur portioni ipsius T, scilicet R æquilibratur ipsi L, V ipsi M, Z ipsi N, B ipsi O, X ipsi P, & sic vltèrius. Quare <sup>b</sup> potentia R ad resistentiam L erit, vt AC ad CD. Postea secta HE æquali ipsi AC, & ducta Hg perpendiculari ad DCF, patet triangula ACD, & HEg similia esse, ob æquidistantiam AC, HE, & AD, Hg; & ideò, vt AC ad CD, ita erit HE ad Eg; eruntque DC, & Eg æquales quoque inter se; & quia potentia V ad resistentiam M, cui æquilibratur, est vt HE ad Eg, quare V ad M, erit, vt eadem AC ad eandem DC. Eadem

<sup>a</sup>Ex prop.  
68. huius.

<sup>b</sup> Prop.  
66. & 69.  
huius.

T

ratione

Cap. 13.  
Lemmata  
pro mu-  
sculis ob-  
liquè tra-  
hentibus.

ratione potentia  $Z$  ad ei æquilibrem resistantiam  $N$  erit, vt  $AC$  ad  $CD$ , eo quòd potentia  $Z$  æqualis est ipsi  $A$ , &  $KF$  parallela est ipsi  $AC$ : vndè sequitur, quòd omnes potentia  $R$ ,  $V$ , &  $Z$  simul sumptæ ad resistantias  $L$ ,  $M$ , &  $N$  simul, eandem rationem habeant, quam  $AC$  ad  $CD$ . Postea, quia potentia  $S$ , &  $X$ , &  $Y$  æquales supponuntur inter se, & earum directiones  $BC$ ,  $IE$ ,  $aF$  sunt parallelæ; ergo vt potentia  $S$  ad resistantiam  $O$ , cui æquilibratur: ita quoque erit potentia  $X$  ad ei æquilibrem resistantiam  $P$ , & ita quoque erit  $Y$  ad  $Q$ , & omnes  $S$ ,  $X$ , &  $Y$  ad omnes  $O$ ,  $P$ , &  $Q$  erunt, vt vna  $S$  ad vnâ  $O$ , estque  $S$  ad  $O$ , vt  $BC$  ad  $CG$ ; ergo omnes potentia  $S$ ,  $X$ , &  $Y$  simul sumptæ, ad omnes  $O$ ,  $P$ ,  $Q$  simul erunt, vt  $BC$  ad  $CG$ , & antecedentes proportionales sunt. Igitur colligendo omnes, potentia  $R$ ,  $V$ ,  $Z$ ,  $S$ ,  $X$ , &  $Y$  simul ad omnes resistantias  $L$ ,  $M$ ,  $N$ ,  $O$ ,  $P$ ,  $Q$ , scilicet ad  $T$  erunt, vt duæ  $AC$ ,  $CB$  simul ad duas sublimitates  $DC$ , &  $GC$  simul sumptas, & potentia vnus lateris  $R$ ,  $V$ ,  $Z$ , ad resistantiam  $T$  erunt, vt  $AC$  ad duas  $DC$ , &  $GC$  simul, quæ ostendenda fuerant.

### C O R O L L A R I V M.

Deducitur etiam, quòd si omnes potentia vtriusque lateris, earumque inclinationes, æquales inter se fuerint, omnes potentia ad communem resistantiam erunt, vt vna fili longitudo ad eius sublimitatem.

Si enim singula potentia vnus lateris  $R$ ,  $V$ ,  $Z$  sint æquales, ne dum inter se, sed etiam singulis potentijs alterius lateris  $S$ ,  $X$ ,  $Y$ , atque omnes anguli inclinationum sint æquales, vt  $ACD$  æqualis sit  $BCD$ , & sic cæteri



teri omnes ; manifestum est , quòd vnaquæque poten-  
tia R ad L portionem resistentiæ , cui æquilibratur , est  
vt AC ad CD . Quare omnes potentiæ simul ad om-  
nes resistentias erunt, vt vna ad vnam; vndè patet pro-  
positum .

Cap. 13.  
Lemmata  
pro mu-  
sculis 'ob-  
liquè tra-  
hentibus .

## P R O P O S . LXXII.

Si eadem virga vniformiter grauis , in situ horizontali  
sustineatur æqualibus momentis à pluribus poten-  
tijs trahentibus fila, in eodem plano existentia, quo-  
rum medietas sit ad easdem partes inclinata, trahan-  
turque ab æqualibus potentijs; pariterque altera fi-  
lorum medietas tracta à potentijs inter se æqualibus,  
sit æquè ad partes oppositas inclinata : erunt omnes  
potentiæ ad resistentiam , vt filorum inæqualiter in-  
clinatorum duæ longitudines proportionales ipsis  
potentijs ad earundem sublimitates . Tab.8.Fig.3.

Sit Columna TV vniformiter grauis , & æquè cras-  
sa mobilis per directionem perpendicularem ad eius  
longitudinem TV in plano horizontali extensam ; &  
singula longitudinis eius puncta c,c,c, media cylindro-  
rum æqualium , in quibus tota columna TV diuisa in-  
telligi debet, trahantur à binis potentijs R , & S me-  
diantibus duobus filis Ac , & BC, quæ omnia fila in  
eodem plano erecto ad horizontem iaceant ; sintque  
omnes potentiæ R,r,r æquales inter se , & fila omnia  
Ac,ac, ac ab eis tracta , sint parallela inter se, & æquè  
inclinata ad partes F; pariterque omnes potentiæ S,s,s  
sint inter se æquales, & trahant fila BC, bc , bc in eo-  
dem cum illis plano existentia , parallela inter se , &  
æquè inclinata ad partes H ; Postcà, vt vna æqualium

Cap. 13.  
Lemmata  
pro mu-  
sculis ob-  
liquè tra-  
hentibus.

aEx Prop.  
69.huius.

b per cita-  
sam.

potentiarum  $R$  ad vnā potentiam  $S$  pariter inter se æqualium, ita fiat vna æquidistantium filorum longitudo  $AC$  ad vnā longitudinem  $BC$ ; & à punctis  $A$ , et  $B$ , cadant  $AF$ , et  $BH$  perpendiculares ad longitudinem columnæ  $FcH$ . Dico, quòd omnes potentie  $R, r, r$  vnā cum omnibus potentijs  $S, s, s$  ad communem resistentiam columnæ  $TV$  eandem proportionem habent, quam duæ filorum longitudo  $Ac$ , et  $BC$ , ad duas earum sublimitates  $AF$ , et  $BH$ . Quia binæ quælibet potentie  $R$ , et  $S$  duobus filis obliquis  $AC$ ,  $Bc$  eidem puncto medio cylindruli  $c$  alligatis, sustinent id ipsum cylindrum æqualibus momentis, estque punctum  $c$  mobile per directionem perpendicularem ad horizontalem  $FcH$ ; Ergo <sup>a</sup> duæ potentie  $R$ , et  $S$  duobus filis obliquis  $Ac$ ,  $BC$  eidem puncto medio cylindruli  $c$  alligatis, sustinent id ipsum cylindrum æqualibus momentis, estque punctum  $c$  mobile per directionem perpendicularem ad horizontalem  $FcH$ ; Ergo <sup>b</sup> duæ potentie  $R$ , et  $S$  ad resistentiam cylindruli  $c$  ab eis sustentati, erunt, vt duæ longitudo  $Ac$ , et  $BC$  ad earum sublimitates  $AF$ ,  $BH$  simul sumptas; Idemque verificatur in reliquis potentijs æquilibratis cum reliquis cylindrulis; Igitur, vt vna potentiarum coniugatio ad vnā resistentiam, scilicet, vt  $AB$ ,  $BC$  simul, ad  $AF$ ,  $BH$  simul, ita sunt omnes potentiarum coniugationes ad omnia cylindrula, scilicet ad columnam  $TV$ . Quod erat ostendendum.

### C O R O L L A R I V M.

Constat etiam, quòd si omnes potentie vtriusque lateris,

lateris, earumque inclinationes filorum, æquales inter se fuerint: Omnes potentix ad communem resistantiam columnæ erunt, vt vna filorum longitudo ad eius sublimitatem.

Cap. 13.  
Lemmata  
pro mu-  
sculis ob-  
liquè tra-  
hentibus.

Si enim singulæ potentix ad sinistram partem trahentes  $R, r, r$ , sint æquales, ne dum inter se, sed etiam singulis potentijs  $S, s, s$ , ad dexteram partem trahentibus, atque omnes anguli inclinationum filorum, vtriusque lateris sint æquales inter se, vt quilibet anguli  $ACF$  æquales sint tum inter se, tum angulis singulis  $BCH$ ; patet, quòd quælibet potentia  $R$ , vel  $S$  ad semissem resistantiæ cylindruli  $C$ , cui æquilibratur, eandem proportionem habet, quam vna longitudo  $AC$  ad eius sublimitatem  $AF$ , vel quam longitudo  $BC$  æqualis  $AC$  ad sublimitatem  $BH$  æqualem ipsi  $AF$ ; quapropter potentix  $R, r, r$ , &  $S, s, s$  simul sumptæ ad omnes resistantias, seu ad columnam  $TV$  erunt, vt vna longitudo  $AC$  ad vnâ sublimitatem  $AF$ .

### PROPOS. LXXIII.

Si idem pondus sustineatur æqualibus momentis à pluribus potentijs inter se æqualibus, trahentibus fila, extensa ad peripheriam quadrantis circuli, sitque concursus filorum mobilis per directionem resistantiæ: omnes potentix ad resistantiam erunt, vt omnes filorum longitudines inter se æquales ad eorum sublimitates. Tab. 8. Fig. 4.

Pondus  $T$  sustineatur æqualibus momentis à pluribus potentijs inter se æqualibus  $R, V, X, Z, S$ , &c. trahentibus fila  $AG, BH, FI, ZK, ML$ , &c. extensa ab vna quadrantis peripheria  $GKL$  ad ei concentricum, & similiter



militer positum quadrantem ADM, ita vt eorum concursus fiat ad punctum C terminum directionis CE, & ductis ad ECD directionē resistentiæ T perpendicularibus AN, VO, XP &c. erunt NC, OC, PC &c. sublimitates æqualium longitudinum filorum. Dico, potentias omnes inter se æquales R, V, X, &c. ad communem resistentiam T, cui æquilibrantur, eandem proportionem habere, quam longitudines filorum AC, VC, XC, &c. ad eorum sublimitates NC, OC, PC, &c. hoc enim faciliè ostendetur, vt in prop. 70. factum est.

#### PROPOS. LXXIV.

Si idem pondus sustineatur æqualibus momentis à pluribus potentijs inter se æqualibus, trahentibus filam extensa ad superficiem sectoris sphaerici quadrantalibus, & concursus filorum, mobilis sit per directionem resistentiæ: omnes potentiae ad resistentiam erunt, vt omnes filorum longitudines, inter se æquales ad eorum sublimitates.

Hoc, eodem modo demonstratur, ac præcedens propositio.

*De musculis obliquè trahentibus, varia structura, & actione.*

#### C A P V T XIV.

**H**Actenus considerauimus flexiones articulorum, quæ à musculis ex fibris inter se æquidistantibus constant directè trahentibus: modo aliæ flexiones decla-

declarari debent, quæ à musculis radiosus fiunt, quorum vsum haud exactè aliqui perceperunt.

## PROPOS. LXXV.

Si musculi radiofi tendo in eodem situ retineri nequeat: fibræ partiales, se contrahendo, non per eandem directionem resistentiam mouebunt. Tab. 8. Fig. 5.

Pondus, vel resistentia R sustineatur à musculo radiofo ACEG, cuius finis BDFG carnosus, vel tendinosus sit amplius, vel si tendo GI extremus, teres fuerit, non retineatur fascijs, vt intra vaginam, vel circa trochleas cogatur moueri, sed liberè hinc indè transferri queat. Dico, quòd si omnes fibræ AB, CD, EF, vel AB, & EF simul, aut solummodò fibræ CD contrahantur, quiescentibus reliquis, resistentia R directè per eandem directionem IGDC mouebitur: Verùm si laterales fibræ AB solummodò contrahantur, reliquis non operantibus, pondus R obliquo motu transferetur per directionem parallelam fibris AB; & quando agunt solummodò fibræ EF, resistentia R obliquè eleuabitur directione parallela ipsis EF. Et primò si fibræ CD in directum positæ ipsi tendini GI, tantummodò agant se contrahendo, remanentibus collateralibus relaxatis, patet, quòd ascensus resistentiæ R per aliam semitam effici non potest, quàm per IGC, per quam tractio efficitur, non impedita à laxis fibris AB, & EF.

Secundò si fibræ obliquæ AB, & EF agant, quiescentibus fibris CD, tunc, si tractiones fuerint æquales, scilicet, si fibræ AB, & EF æquè decurrantur per  
dire-

Cap. 14.  
De muscu-  
lis oblique  
trahenti-  
bus, varia  
structura,  
& actione.

directiones æquè inclinatas, non poterit punctum concursus G magis trahi versus A, quàm versus E, & ideo mouebitur per diagonalem IGC, bifariam secantem angulum AGE.

Tertiò id ipsum continget fibris CD contractis vnà cum collateralibus; eò quòd actio ipsarum CD non perturbabit, sed potius adiuuabit actionem fibrarum AB, & EF.

Quartò agant solummodò fibræ AB, otiantibus scilicet, & laxis remanentibus fibris CD, & EF, manifestum est, punctum concursus G cum annexa resistentia R, obliquo motu trahi debere per directionem GBA à G versùs A, ad quem terminum trahitur, dùm tendo GI non retinetur, nec impeditur, quin vbilibet transportari possit; non secùs, decurtatis tantummodò fibris EF, punctum G cum R ascendet per obliquam directionem GFE à G versùs E. Quare patet propositum.

### P R O P O S, LXXVI.

Si musculi radiofi tendo teres canali, seu vaginæ inclusus, vel trochlea, aut fascia in eodem situ retineatur. Resistentia semper per eandem directionem tendinis mouebitur, siue omnes, siue aliquæ solummodò fibræ laterales contrahantur. Tab. 8. Fig. 6.

Resistentia R æquali momento sustineatur à musculo radiofo ACEG trahente teretem tendinem DGI, qui tendo fibris, aut fascijs G, O, in eodem situ DGI retineatur. Dico, quòd siue solummodò fibræ AB contrahantur, non operantibus musculis CD, & EF, siue



siuè solummodò CD, aut EF, siuè omnes simul trahant, semper resistentia R per eandem directionem DGI mouebitur. Quia tendo DGI fibulis, aut fascijs G, O, in eodem situ retinetur; Igitur dum trahitur ob contractionem musculorum omnium, vel vnus AB, tendo recedere non potest à canali, vel à vagina GO. Igitur siue omnes fibræ AB, CD, EF agant, siuè solummodò AB, reliquis laxis remanentibus, semper resistentia R per eandem directionem GI mouebitur.

Cap. 14.  
De muscu-  
lis obliquè  
trahenti-  
bus, varia  
structura,  
& actione.

Hoc verificatur in musculis tibiam extendentibus, qui licèt sint amplii, & fibræ ad opposita latera spargantur obliquè, & omnes contrahantur, siue aliquæ tantummodò, quiescentibus reliquis, semper vnica motio directà consequitur, quæ est tibiæ extensio; sic quoque musculus temporalis, cuius fibræ sphericè sparguntur, vnicam tantummodò mandibulæ inferioris tractionem efficiunt, licèt aliquæ fibræ tantummodò operari supponantur; & ratio est, quia eorum tendines in genu, atque sub ossè iugali firmitèr veluti circa trochleam retinentur. Idem contingit in omnibus alijs musculis, quorum tendines per trochleas, seu annulos, aut fascias membranosas, veluti intra vaginas excurrunt, vt sunt omnes flectentes, & extendentes articulos crurum, & digitorum, præcipuè auium, & testaceorum, in quibus musculi intra cavitates ossium implantati, & alligati sunt, quorum fibræ radiofæ, vel penniformes ab vnica linea tendinosa discedunt.

Hinc colligi potest, quòd, quando agunt simul omnes fibræ eiusdem musculi radiofi, maius pondus suspendere possunt, quàm si aliquæ fibræ eiusdem musculi tantum vim exercerent, reliquis non operanti-

Cap. 14.  
De muscu-  
lis oblique  
trahenti-  
bus, varia  
structura,  
& actione.

bus; dummodò quælibet ex dictis fibris vim exerceat determinati, & eiusdem gradus. Cum aliundè non sit impossibile, ut in eisdem fibris, imperio voluntatis, aut necessitate aliqua applicari possit maior, aut minor vis motiua, cum videamus ab eisdem musculis cubitum flectentibus v. g. sustineri pondus lib. 20, eadem brachij situatione, qua sustinetur pondus vnius vnciæ, cum quo pariter æquilibratur vis eorundem musculorum; sed hæc melius exponentur suis locis.

### P R O P O S. LXXVII.

Structuram musculorum penniformium, eorum actionem, & vires indagare.

Tab. 8. Fig. 7.

Dari in animali musculos penniformes, autopsia constat eidentissimè in cancris, & gammaris, estque eorum forma similis figuræ annexæ ABFDCH, cuius perimeter BAHCD est firmus, osseus nempe, vel cartilagineus, & in alijs animalibus tendinosus, aut membranofus, huic perimetro annectuntur fibræ musculosæ duplici ordine, sinistrae HABFG, dexteræ HCDFG, quæ alligantur termino intermedio FEG, prolongato versus I, H, constituentes angulos BFG, & DFG, ut plurimum æquales inter se, quarum laterales partes HABFG, & HCDFG constant ex fibris æqu distantibus inter se; Omnes tamen fibræ sunt columnares, crassæ, se mutuo tangentes, æquali laxitate, & mollietie. Annectitur postea termino E tendinis mobilis GFE pondus, vel resistentia ossis articulum constitutis, quod à vi musculi trahitur, sustentaturque. Et licet extremitates supremæ AHCI penniformium musculorum

seulorum videantur quodammodo componi ex fibris radios, attendenti tamen patebit; hoc verum non esse, nam tendo intermedius EFG, cui capillitia rhomboidalia fibrarum collateralium alligantur, non prolongatur in directum, vsque ad summitatem musculi H, sed desinit in I, & reliqua pars IH non tendinosa, sed fibra est carnosa, cui adnati sunt duo ordines fibrarum ferè æquidistantes reliquis rhomboidalibus fibris, vt in pennis auium obseruamus, & tota triangularis, vel quadrilatera figura AICH; ex fibris composita, trahit fursùm terminum I tendinis IFE.

Cap. 14.  
De muscu-  
lis oblique  
trahenti-  
bus, varia  
structura,  
& actione.

Actio verò totius penniformis musculi valdè quidem differt ab actione hætenus expositorum musculorum, qui vnicum fasciculum ex fibris parallelis inter se constituentes, se contrahendo, trahebant resistantiam per eandem directionem earundem fibrarum; At penniformes se contrahendo per directiones tendentes ad partes oppositas laterales, nempe ab FGI versus terminos BA, & versus DC, fit, vt libræ laxæ constituentes æquales acutos angulos AGC, & BFD decurtatæ, & tensæ minùs acutos angulos constituent<sup>a</sup>, & proinde trahant transversali motu terminos tendinis mobilis IGF versus IH vnà cum appensa resistantia R. Quare verò natura suum instinctum, simplicitatem, & facilitatem sectandi in hisce musculis penniformibus reliquerit, suo loco indicabimus.

aEx Prop.  
71. huius.

Modo methodum ostendemus, qua vires eorundem musculorum indagantur. Quia momentum virium, quibus contrahuntur fibræ musculi penniformis, tunc æquantur momento resistantiæ, quando potentiæ contrariæ quiescunt æquilibratæ, scilicet, quando vna



Cap. 14.  
De muscu-  
lis obliquè  
trahenti-  
bus, varia  
structura,  
& actione.

alteri non præualet; Ergo quamdiù fibræ musculorum contrahuntur, & resistentia eleuatur, nempe dum fibrarum anguli BFD, AGC augentur, semper momentum musculi maius est momento resistentiæ R; & ideò in illa laxa fibrarum inclinatione AGC, potentia musculum contrahens ad resistentiam R maiorem proportionem habebit, quàm longitudo fibrarum AG, vel CG ad sublimitatem GK. Verùm cum maximè fibræ contractæ sunt in fine motus, quando quiescunt in situ AIC, tunc idem pondus, vel resistentia R æqualibus momentis sustinetur à totidem potentijs, quot sunt fibræ ex utroque latere resistentiam obliquè trahentes, & tendo FGI mobilis est secundum directionem EFI; Ergo <sup>b</sup> omnes potentiæ fibrarum, scilicet potentia musculum penniformem contrahens ad resistentiam R erit, ut fibra AI contracta ad eius sublimitatem KI, existentibus potentijs fibrarum æqualibus inter se, & fibris æquè inclinatis. Postea, quia angulus AIK factus à fibris contractis cum tendine mobili EFI semper minor obseruatur tertia parte vnius anguli recti, qualium partium fibra AI est decem, erit eius sublimitas nouem partes ferè. Et ideò qualium partium potentia absoluta apparens, musculum penniformem contrahens, est decem, erit eius momentum, seu resistentia R nouem partes.

b Ex Corol. prop. 72. huius.

Iam ad inueniendam structuram, & actionem radioforum musculorum, præmitti debet hoc lemma.

#### P R O P O S . LXXVIII.

Si idem pondus trahatur duobus filis obliquis, & horum singulis in bina ramificatis à duabus potentijs obli-

obliquis tractionibus, & æqualibus momentis sustineatur; Omnes potentie ad pondus compositam proportionem habebunt ex ratione quatuor filorum ramificatorum proportionalium potentijs ad eorum sublimitates, & ex ratione filorum immediatè trahentium, & proportionalium momentis, quibus trahuntur ad eorum sublimitates. Tab.8. Fig.8.

Cap.14.  
De muscu-  
lis obliquè  
trahenti-  
bus, varia  
structura,  
& actione.

Pondus T alligetur duobus filis obliquis BE, & HE, & filum EB subdiuisum sit in duo alia fila BA, & BC; pariterque filum EH subdiuisum sit in duo alia fila obliqua HG, & HF; atque quatuor potentie A, C, G, & F trahendo obliquis directionibus pondus T, cum eo æquilibrentur; & vt potentia A ad C, ita fiat filum AB, ad BC, & vt potentia C ad G, ita fiat BC ad HG, nec non vt potentia G ad F, ita fiat HG ad HF, atque à punctis A, C, G, F ducantur perpendiculares AI, CO, GL, FN ad directiones filorum EBI, EHNL; postea, vt duæ IB, BO ad duas LH, HN, ita fiat longitudo fili BE ad EH, ducanturque BD, & HK perpendiculares ad directionem PED. Dico, quòd omnes potentie A, C, G, F, ad pondus T compositam proportionem habent ex ratione quatuor filorum AB, BC, GH, HF ad eorum sublimitates IB, BO, LH, HN; & ex ratione, quam habent longitudines filorum BE, EH ad eorum sublimitates DE, EK. Quia pondus T sustinetur æqualibus momentis ab illis potentijs, quæ trahunt fila BE, EH, quæ sunt A, C, G, F; ergo duæ potentie A, C æquilibrantur portioni ipsius T, quæ sit X; & potentie G, F æquilibrantur reliquæ portioni Z; Postea à mota resistentia X substituatur resistentia M, quæ trahendo funem BE per directionem IBE æquilibretur eisdem poten-

Cap. 14  
De muscu-  
lis oblique  
trahenti-  
bus, varia  
structura,  
& actione.

<sup>a</sup>Ex Prop.  
69. huius.

<sup>b</sup>Prop. 64.  
huius.

potentijs A, C, estque punctum concursus B mobile per directionem IBE, & vt potentia A ad C, ita fuit AB ad BC. Ergo <sup>a</sup> duæ potentiaë A, C, ad resistantiam M erunt, vt ABC ad IBO. Deindè, quia tam resistantia X, quam M æquibantur eisdem potentijs A, C; igitur potentiaë M momentum æquale erit momento ipsius X, & trahunt funem BEP inflexum, existente puncto E mobili secundum directionem DEP. Ergo <sup>b</sup> potentia M ad X erit, vt bE ad dE, seu vt BE ad eius sublimitatem ED. Componitur verò proportio potentiarum A, C, ad resistantiam X ex ratione potentiarum A, C ad M, & ex ratione M ad X. Igitur proportio potentiarum A, C ad X componitur quoque ex ratione, quam habent ABC, ad IBO, & ex ratione, quam habent BE ad ED. Eadem ratione proportio potentiarum G, F, ad Z composita erit ex ratione GHF ad LHN, & ex ratione HE ad eius sublimitatem EK. Postremò, quia vt potentia A ad C, ita fuit AB ad BC, & vt C ad G, ita fuit BC ad GH, atque vt G ad F, ita fuit GH ad HF, & vt momentum potentiarum A, C, scilicet M ad momentum potentiarum G, F, scilicet Q, ita facta fuit BE ad EH. Igitur quatuor potentiaë A, C, G, F simul sumptæ ad resistantias X, Z, seu ad T compositam proportionem habebunt ex ratione, quam habent quatuor fila AB, CB, GH, FH ad quatuor sublimitates IB, OB, LH, NH, & ex ratione, quam habent duo fila BE, EH ad sublimitates DE, KE, quod erat ostendendum.

Si postea resistantia T ex puncto E sustineatur à pluribus, quàm duobus filis, id ipsum concludemus.



## PROPOS. LXXIX.

Musculi radiofi componi non possunt ex fibris ab extremo tendinis termino, tamquam à centro discedentibus. Tab.8. Fig.9.

Cap. 14.  
De muscu-  
lis obliquè  
trahenti-  
bus, varia  
structura,  
& actione.

Sit musculus radiosus ADGH alligatus in periphèria, vel superficie stabili ossea, vel cartilaginea ADG suspendens resistentiam T ex termino H tendinis IH. Dico, impossibile esse, vt omnes eius fibræ ad instar radiorum circuli, vel sphæræ, educæ sint à centro H ad superficiem ADG, si enim fieri potest, fibræ AH, BH, CH &c. ex omnibus punctis superficie ADG concurrant ad H, veluti ad centrum circuli, vel sphæræ; & quia fibræ musculorum non sunt longitudines lineares indiuisibiles, sed sunt corporeæ columnares, æquè crassè se se tangentes, & debent inflari æqualiter per totam longitudinem earum, & spatium propè centrum est angustissimum, si non indiuisibile; Ergo necesse esset, vt propè centrum H prædictæ columnæ fibrosæ se se penetrarent, quod est impossibile.

At si supponamus, quod fibræ non pertingant ad centrum H, licèt versùs idem punctum dirigantur, sed alligentur in amplum spatium tendinosum H; at in locis remotioribus ABG valdè ab inuicem fibræ recedant, admittent interstitia magis, ac magis ampla, prout exigent æquè amplæ crassitudines columnarum figurarum. Quod est falsum, & contra sensus euidèntiam; Videmus enim fibras columnares musculorum contiguas ferè esse, & componere fasciculos æquè repletos, & æquè constipatos. Non igitur est possibile,

Cap. 14. le, vt fibræ AH, BH, CH, &c. concurrant versus H ad  
 De muscu- instar radorum circuli, vel sphæræ.  
 lis obliquè

trahenti-  
 bus, varia  
 structura,  
 & actione.

# PROPOS. LXXX.

Radiofi musculi necessariò componi debent ex pluri-  
 bus penniformibus musculis se tangentibus, siuè  
 planis, siuè solidis. Tab.8. Fig.10.

a Ex præc.  
 prop.

Sit musculus radiosus AEGLP, qui habeat princi-  
 pium amplum, aut circulare, vel sphæricum AEGL,  
 & desinat in extremitatem parvam P tendinis PQ, cui  
 alligetur resistentia T; quia necesse est, vt ex tota am-  
 plitudine originis eiusdem musculi AEGL fibræ orian-  
 tur, à quibus resistentia tereti tendini appensa traha-  
 tur. Et est impossibile, vt fibræ descendentes à prin-  
 cipio amplo AEGL ad instar radorum circuli, vel  
 sphæræ vniantur, & concurrant in centro P<sup>a</sup>; Et  
 aliundè oportet, vt commodè dilatari, & inflari queant  
 columnares fibræ se se lateraliter tangendo, eo quòd  
 spatia inania inæqualia interciperentur; Igitur oportet,  
 vt prædictæ fibræ disponantur ea forma, vt sem-  
 per inter se sint parallelæ, & contiguæ; Hoc autem  
 saluari non potest, nisi musculus sit penniformis; Ergo  
 necesse est, vt musculus radiosus compositus sit ex plu-  
 ribus penniformibus musculis, cuius structura talis est.  
 A centro P circuli AEGL spargantur plures radij ten-  
 dinosi PF, PK, PO, non pertingentes ad peripheriam,  
 vel superficiem AEGL; qui radij ex utroque latere ca-  
 pillitia fibrosa carnosæ diffundant, vt CFAB, & CFED,  
 ex quibus vnus penniformis musculus confurgat; hu-  
 ius verò capillares fibræ alligari debent duobus tendi-  
 nibus AB, & ED, firmis terminis annexis in A, & E, &  
 tunc

tunc præclare possunt capillitia fibrarum columnarium contrahi, & æquè inflari, seruando inter se contiguationem, & parallelismum, trahendo tendinem FCP per directionem CP. Additis postea tendinibus GH, & LM alligatis in G, & L, & vnique ex intermedijs ED, GH connectantur duo ordines capillitiorum, vt HE, HG, & NG, NL, tunc planè consurgunt duo alij penniformes muscoli trahentes punctum P per directiones PI, PN, & proindè omnes trahent resistantiam T, per communem directionem QP; quod erat ostendendum.

Cap. 14.  
De muscu-  
lis obliquè  
trahenti-  
bus, varia  
structura,  
& actione.

## S C H O L I V M.

Hanc musculorum radiosorum structuram, quam mechanicum ratiocinium mihi suaserat, experimentis confirmare non licuit, nisi imperfectè in locustis marinis, & gammaris. Postea valdè gauisus sum, cum viderè à diligentissimos, & præclaros Anatomicos Ste-nonem, & Lorreriū in humano musculo Deltoide bel-lè, & exactè eandem structuram obseruasse, & dili-gentissimè delineatam edidisse.

## P R O P O S. LXXXI.

Data resistantia, & inclinationibus tendinum, & fi-brarum musculorum radiosorum: vires eorundem musculorum reperire.

In eadem figura cognita sit resistantia T, æquali mo-mento sustentata à viribus, contrahentibus fibras om-nes AEGLNIB, & datis angulis fibrarum BCF, & DCF, & reliquis omnibus, qui æquales inter se esse

X

solent;



Cap. 14.  
De muscu-  
lis oblique  
trahenti-  
bus, varia  
structura,  
& actione.

aProp. 64.  
huius.

bProp. 78.  
huius.

solent; & ut plurimum octo gradus videntur non superare, pariterque datis angulis à tendinibus penniformium, & à directione resistentiæ comprehensis CPI, NPI &c. quorum intermediij inter maximos, & minimos angulos videntur gradus 45. non superare, nec deficere à gradibus 26. debet reperiri vis contrahens musculum integrum AELP. Quia anguli fibrarum BCF, DCF &c. octo gradus non superant<sup>a</sup>; erit longitudo vnus cuiuslibet fibrarum ad eius sublimitatem, ut sinus totus ad sinum secundum anguli BCF, scilicet, ut 100. ad 99; Postea, quando anguli à tendinibus penniformium, & directione resistentiæ contenti in loco intermedio, ut CPI est graduum 45; erit longitudo tendinis ad eius sublimitatem, ut 100. ad 71, & quando idem angulus est graduum 30. tendinis sublimitas erit 87. At quia<sup>b</sup> potentia omnium fibrarum musculorum penniformium ACE, EIG, & GNL inter se æqualium, ad resistentiam T, compositam proportionem habent ex ratione vnus earundem fibrarum BC ad eius sublimitatem, seu 100. ad 99, & ex ratione longitudinum tendinum CP &c. proportionalem momentis, quibus trahuntur ad eorum sublimitatem, scilicet 99. ad 70, vel 86; Quare potentia omnium fibrarum muscoli AEGLP ad resistentiam T, erit ut 100. ad 70, quando anguli tendinum sunt graduum 45, & ad 87, quando anguli tendinum sunt graduum 30, vel ad 89, quando anguli tendinum sunt graduum 26, qui quærebantur.

*Vires muscu'orum radioforum hætenus expositorum Vero proximiores indagare.*

## CAP V T XV.

**C**onsiderauimus Capite 10, & 11. apparentes plurium musculorum vires, nempè extendentium, & flectentium carpum, secundum, & tertium articulum digitorum Deltoidis, & Gluteorum, supponendo, compositos eos fuisse ex fasciculis fibrarum æquidistantium, & trahere tendinem, cum ei annexa resistentia per directionem parallelam longitudinibus earundem fibrarum; Cùmque hoc verum non sit, quia ex fibris radiosiss componuntur; Ideò oportet accuratius eorum vires limitare; vndè constabit adhuc maiori conatu musculos prædictos contrahi debere.

## PROPOS. LXXXII.

Vires musculorum tertium, secundum, & primum articulum digitorum, & carpum flectentium, nec non Deltoidis in casu Propos. 45. limitare. Tab. 4. Fig. 10.

In eadem figura propos. 45. musculus KO flectens tertium articulum FC digitorum manus agit, ne dum flectendo vectem FG circa centrum F, sed etiam vnà cum lumbricalibus musculis, flectendo vectem DG trium articulorum digitorum manus; Et portio illa potentiae musculi KO, quæ agit flectendo tertium articulum digitorum FG ostensa fuit æqualis vi ponderis libr. 76; Hoc autem verum esset, si fibræ musculi KO

Cap. 15. Musculorum radio-  
forum vi-  
res adhuc  
limitare.

parallelæ essent directioni eiusdem tendinis directi  
HO, cum verò fibræ sint radiosæ constituentes penni-  
formem musculum KO; igitur augeri debet eius vis  
motiua pro inclinatione fibrarum; Estque talis incli-  
natio non maior gradibus 14, prout coniectura assequi  
potest; ergo potentia portionis eiusdem musculi ad  
resistentiam R<sup>a</sup> erit, vt fibrarum longitudo ad earum  
sublimitatem, nempè, vt 100. ad 97, seu vt 78. pro-  
ximè ad 76. Igitur portio potentiae musculi KO, à qua  
aProp.64. huius. flectitur tertius articulus FG æqualis est proximè vi  
ponderis libr. 78.

Posteà, quia musculi KO portio vnà cum lumbrica-  
libus MQ agunt, flectendo vectem DG trium articulo-  
rum manus, & supponebatur, quod si omnes compo-  
siti fuissent ex fibris parallelis directioni BM, vel KO,  
eorum vires esse debuerant æquales vi libr. 190; Po-  
namus, vires lumbricalium, ob earum exiguitatem, mi-  
nores esse viribus portionis musculi KO, quæ destina-  
tur flexioni vectis DG, relinquetur potentia eiusdem  
portionis maior potentia 95. libr. & ob inclinationem  
fibrarum eius erit earundem potentia ferè libr. 98,  
sed prius potentia portionis musculi KO, quæ trahe-  
bat vectem FG fuit libr. 78; Igitur vis totius musculi  
penniformis KO non erit minor potentia libr. 176.

Præterea musculus KN flexor secundi articuli digi-  
torum manus si compositus esset ex fibris parallelis di-  
rectioni tendinis KN, eius potentia ostensa fuit æqua-  
lis vi ponderis 152. libr.; at quia talis musculus est  
penniformis, & inclinatio fibrarum eius non videtur  
maior gradibus 14. Igitur vires prædictarum obli-  
quarum fibrarum ferè æquales erunt potentiae libra-  
rum 157.

Quartò



Quartò, quia musculus KL flexor carpi, si constaret ex fibris parallelis directioni tendinis KL, eius potentia, quam exercet contra resistantiam prementem vectem totius manus CG, ostensa fuit æqualis vi ponderis libr. 240, estque talis musculus penniformis, & inclinatio fibrarum eius non videtur maior gradibus 14; igitur vires earundem obliquarum fibrarum erunt maiores potentia libr. 247.

Quintò, quia musculi AK flexores cubiti exercebant vires maiores potentia librarum 552; & in eis ob exiguam fibrarum inclinationem parum augetur eorum vis motiua; Ergo saltem æquabunt vires 558.

Postremò musculus Deltoides IP in casu prop. 45. flectens integrum brachium horizontaliter extensum AG, si compositus esset ex fibris parallelis directioni tendinis IP, eius potentia, quam exercet contra resistantiam prementem vectem horizontalem AG, æqualis fuisset vi ponderis libr. 780. At quia Deltoides est radiosus compositus ex pluribus penniformibus, & inclinatio fibrarum cuiuslibet penniformium videtur gradus 8. non superare, & intermediae tendinum inclinationes maiores non sunt gradibus 30. Igitur<sup>b</sup> vires, quæ exercentur à fibris radiosis Deltoidis ferè æquales sunt potentia libr. 907.

Cap. 15.  
Musculorum radio-  
forum vi-  
res adhuc  
limitare.

<sup>b</sup>Ex Prop:  
81. huius.

Quapropter incrementa virium eorundem musculorum ob fibrarum obliquitatem erunt 150. libr.; sed priùs vires omnium musculorum sustentium brachium horizontale supino situ cum pondere R reperiuntur æquales potentia libr. 1990; Igitur vires apparentes, quæ exercentur à prædictis musculis, ferè æquales sunt potentia libr. 2140. Quod &c.

PRO-

Cap. 15.  
Musculo-  
rum radio-  
rum vi-  
res adhuc  
limitare.

## P R O P O S. LXXXIII.

Vires musculorum Gluteorum in casu propof. 53. li-  
mitare . Tab. 6. Fig. 1.

aProp. 53.  
huius.

Sit arcus ABC, compositus ex AB, spina dorsi à ca-  
pite vsque ad coceygem inclinata, & BC femore ad  
inuicem inclinatis, & innixus termino C medio fæ-  
moris, comprimatur à pondere R, in qua inclina-  
tione sustinetur à viribus musculorum Gluteorum,  
GFH <sup>a</sup>, vt dictum est; Debent eorum vires limitari  
ob radiosam fibrarum eorundem productionem, &  
quia in casu propof. 53. supposuimus, quòd fibræ  
musculorum Gluteorum essent directæ, & parallelæ  
tendini FH, & inter se, & tunc vires, quas exerce-  
bant suspendendo pondus R, & corporis ABC, æqua-  
les erant potentix ponderis libr. 1840; At quia Glu-  
tei sunt radiofi, compositi nempe ex pluribus penni-  
formibus solidis, longioribus fibris donatis, & incli-  
nationes fibrarum cuiuslibet penniformium maiores  
esse videntur 8. gradibus, atque intermediæ tendinum  
inclinationes videntur semirectum æquare; Igitur <sup>b</sup>  
vires, quæ exercentur à fibris radiosfis Gluteorum ma-  
iores sunt potentia ponderis libr. 2621.

bEx prop.  
81. huius.

## P R O P O S. LXXXIV.

Vires totales musculi Deltoidis ferè duplo maiores  
sunt, quàm propof. 82. determinauimus .  
Tab. 8. Fig. 11.

Scholio propositionis 45. indicauimus, quòd mu-  
sculi brachij concurrentes ad subleuationem ponderis  
in

in extremitate manus appensi non exercent totales eorum vires, accommodari enim debent actioni debilioris musculi flexoris, nempe tertij articuli digitorum, & in illa actione vires partiales Deltoidis ostensæ fuerunt <sup>a</sup> æquales potentix libr. 907; At quia nos quærimus totales vires radiofi musculi Deltoidis maximas, quas exercere potest; ideò considerari debet experimentum, in quo actio solius Deltoidis exercetur; Eritque, cum humerus AB in situ horizontali comprimitur deorsum immediatè à maximo pondere R, vnà cum pondere brachij, & suspenditur à vi Deltoidis CD; tunc experientia constat pondus R maius esse libr. 55, & quia longitudo vectis AB, ad distantiam directionis musculi CD à centro A, seu ad semidiametrum tuberculi supremi humeri se habet, vt 14. ad 1; Ergo ratione vectis erit vis musculi æqualis potentix lib. 770. Verùm, quia musculus CD fixè alligatur in C; Ergo b duplicari debet vis eiusdem musculi, quare erit æqualis potentix lib. 1540. Tandem ob fibrarum obliquitatem <sup>c</sup> vires totales musculi Deltoidis CD æquales erunt potentix libr. 1750, quæ paulò minores sunt, quàm duplæ illarum, quæ prop. 82. reperiæ fuerant. Quod &c.

Cap. 15.  
Musculorum radio-  
forum vires adhuc  
limitare.

<sup>a</sup> Prop. 82.  
huius.

<sup>b</sup> Ex prop.  
34. eiusque  
Schol. &  
prop. 35.  
huius.

<sup>c</sup> Ex prop.  
81. huius.

# P R O P O S. LXXXV.

Vi- res totales musculorum Gluteorum maiores, quàm duplæ sunt illis, quæ propof. 83. determinauimus. Tab. 8. Fig. 12.

Ostendimus propof. 83, quòd vires musculi Glutei in casu propof. 53. æquales erant potentix lib. 2621, quòd verò illæ non sint totales, euincitur ab alio experimento,



Cap. 15.  
Musculo-  
rum radio-  
rum vi-  
res adhuc  
limitare.

rimento, in quo actio eorundem Gluteorum immediate exercetur, quando scilicet extenso fæmore AB, & crure BC in directum prono situ, & horizontali suspenditur in extremitate calcanei C maximum pondus R, quod sustineri potest; hoc autem maius est pondere lib. 65; & quia longitudo vectis horizontalis AC ad distantiam directionis muscutorum à centro A, seu ad semidiametrum tuberculi fæmoris se habet, vt 31. ad 1; Ergo ratione vectis erunt vires Gluteorum æquales potentia ponderis lib. 2015, & ob firmam eorundem muscutorum colligationem affixam in Fosse Ilij erunt <sup>a</sup> vires eorundem duplæ illarum, nempe æquales potentia lib. 4030, & tandem ob insignem fibrarum obliquitatem <sup>b</sup> vires totales Gluteorum ED ferè æquales erunt potentia lib. 6000, quæ maiores sunt, quàm duplæ lib. 2621. scilicet illarum, quæ propos. 83. taxatæ fuerunt.

### PROPOS. LXXXVI.

Vires musculi penniformis tertij articuli flexoris pollicis reperire. Tab. 9. Fig. 1.

Sit cubitus AB deorsum pendulus perpendiculariter ad horizontem, suspendaturque in extremo termino E tertij articuli pollicis DE, horizonti æquidistantis, maximum pondus R, quod in tali situ sustineri potest, quod non superat libras 20, & quia semissis crassitie tertij articuli pollicis ad eius longitudinem se habet, vt 1. ad 3, estque distantia tendinis musculi flexoris FC à centro D, tertij articuli pollicis, æqualis semissi crassitie eiusdè articuli; Ergo ratione vectis vis motiua musculi FC æqualis est potentia lib. 60, & quia muscu-

musculus FC fixè alligatur cubito in F; Ergo a duplicari debet eius potentia, & ideò æqualis erit potentie ponderis lib. 120. Tandem, quia prædictus musculus FC pennæ figuram refert, existentibus eius fibris tendini medio alligatis, cum eoque constituentibus angulos non minores gradibus 14. in statu maximæ contractionis earundem, quæ alligantur lateraliter cubito, & alijs firmis ligamentis; quare b vis totalis musculi FC erit æqualis potentie lib. 124. ferè.

Cap. 15.  
Musculo-  
rum radio-  
rum vi-  
res adhuc  
limitare.

aEx prop.  
34. eiusque  
Schol. &  
prop. 35.  
huius.

## PROPOS. LXXXVII.

bEx prop.  
31. huius.

Strukturam, & machinam, quibus musculi mandibulam flectentes operantur, & methodum inveniendi eorum potentiam motiuam indicare. Tab. 9. Fig. 2.

Inter instrumenta mechanica, quæ à sapientissima natura vsurpantur in animali, animaduersione digna mihi videtur structura machinæ, quæ Forceps dicitur; hæc elegantissimè exprimitur in mandibulis animalium. Verum tamen est, quòd valdè differt Forceps in mandibula vsurpata à vulgari forcipe: nam licet vtraque ad vectem reducatur, non minori tamen vi magnâ resistantia superatur, vt in vulgari forcipe, sed è contra maiorem vim motiuam requirit. Sunt enim mandibulæ rotundæ figuræ, semiellipses aliquo pacto repræsentantes, quarum inferior reuoluitur circa duo capitula cylindrica, quæ in sinibus ossis temporum figuntur, alligantur, & reuoluuntur; possuntque planè vsurpari duæ eiusdem medietates, vt duo vectes, sed exterius coniuncti in mento, vt in hac figura, os rotundum ACa est mandibula inferior, constans ex duobus vectibus AC, & aC coniunctis in C,

Y

qui

Cap. 15.  
Musculo-  
rum radio-  
rum vi-  
res adhuc  
limitare.

qui simul flecti, & circumuolui possunt circa duo capitula A, & a, eisque applicantur duo paria musculorum, bini in dextera, & totidem in sinistra parte, quorum vnus est temporalis F, ortum habens à tota cauitate ossis temporum, qui fine tendinoso figitur in processu maxillari D, alter verò EB, Masseter dictus, superne in osse iugali, & osse primo maxillæ superioris annectitur, & inferiori loco B mandibulæ alligatur; præterea opposita forcipis pars est suprema mandibula, quæ stabilis est, excipitque ictus ab inferiori mandibula illatos ad instar incudinis. Adsunt quoque in inferiori mandibula dentes acuti, quibus inciduntur comestibilia corpora consistentia, & molares, qui ad conterendum destinati sunt; Itaque resistentia, quæ superari debet à vi prædictorum musculorum, est durties, & tenacitas corporum comestibilium, quæ in ore prius imminuuntur, præparanturque, ne dum, vt faciliè deglutiri possint, sed præterea, vt in stomacho digeri, & fermentari faciliè queant.

Quia verò quæritur comparatio inter virtutem motiuam musculorum mandibulam flectentium, & resistentiam corporum, quæ à dentibus secantur, & conteruntur, propterea primo loco considerari debet vis machinæ, quæ in prædicta actione adhibetur; secundo, musculorum mandibulam mouentium structura, situatio, & dispositio; tertio, determinari debet vis resistentiæ, quæ superari debet. Quoad primum, manifestum est forcipem prædictum ad simplicem vectem reduci, cuius fulcimentum sunt duo capitula fixa A, & a mandibulæ inferioris; resistentia applicatur, vel in extremis dentibus C, vel in molaribus G; potentia verò motiua applicatur in D, & in B, vbi duo mu-

sculi



sculi temporalis, & mansorius alligantur. Præterea in sectione facta à dentibus acutis alia machina longè diuersa à forcipe adhibetur, quæ est cuneus; sunt enim dentes totidem cunei, in quibus, ex mechanicis, potentia cuneum impellens ad resistantiam, eandem proportionem habet, quam basis cunei ad eius latus. Si verò consideretur simplex compressio, siue contusio, quæ à molaribus dentibus efficitur ad modum præli, tunc actio cunei locum non habet, sed tantummodò simplex vectis adhibetur. Secundo loco prædicti musculi non videntur esse fasciculi ex fibris parallelis inter se, & suis tendinibus; sed radiosi sunt, quod multò euidentius in temporali musculo obseruatur, in quo à tendine terete fibræ sparguntur, subdiuidunturque in plures partes penniformes, solidas, per totam cauitatem ossis temporalis diffusas, occupantes, & replentes prædictum spatium cauum; In hisce anguli inclinationum fibrarum 8. gradus non superare videntur, nec anguli medij inclinationum tendinum in temporali gradus 25. excedere consentaneum est. Tercio loco, quia non potest vis motiua absoluta musculorum cognosci, nisi ab effectu, quem producunt, scilicet à resistantia, quam superant, ideò necesse est, vt mensura prædictæ resistantiæ aliquo experimento præcognoscatur; Hoc autem faciliè consequi posse videtur hac ratione. Alligetur in extremis dentibus G molaribus pondus R maximum inter omnia, quæ à prædictis musculis humanis sustineri possunt, quod quidem ingens esse videtur, & memini circulatorem quendam sustulisse è terra pondus lib. 160, licet alij viri fide digni, pondus impendiò libras 300. excedens, se eleuari sedentibus alligatū, vidisse mihi retulerunt;

Cap. 15.  
Musculorum  
radio-  
rum vi-  
res adhuc  
limitare.

Cap. 15.  
Musculo-  
rum radio-  
rum vi-  
res adhuc  
limitare.

runt; Quia verò vis, & energia, qua prædicti musculi mandibulam stringentes superare, & suspendere possunt tam vasta pondera, adhibentur eodem conatu ad incisionem, contusionem, & fractionem comestibilium corporum solidorum, ideò conijciemus, quod resistentia, quæ à musculis temporalibus, & mansorij superatur, maior est potentia ponderis 160. libr.

P R O P O S. LXXXVIII.

Vim motiuam musculorum temporalium, & mansoriorum proximè æquari potentiaë librarum 534. Tab. 9. Fig. 2.

In eadem figura, quia resistentia ponderis R, appensi in primis molaribus dentibus, æquatur libris 200. ferè, & à mansorij, & temporalibus simul operantibus sustinetur; Et videtur moles mansorij maior mole temporalis musculi, & hic magis radiosus est, quam ille: ideò compensatis excessibus cum defectibus, conijcere possumus, quod semissis resistentiaë R à mansorij, & reliqua medietas à temporalibus sustinetur; postea, quia mansorij sunt aliquo pacto radiosius, quorum inclinationes fibrarum octo gradus non superant, ideò vis absoluta musculi mansorij ad eius momentum, ob fibrarum obliquitatem, ferè eandem proportionem habet, quam 100. ad 99; In temporalibus verò, quia præter obliquitatem eandem fibrarum, reperitur quoque obliquitas tendinum penniformium solidorum, quorum intermedia obliquitates gradus 25. non superant; Ergo vis absoluta temporalium ad eorum momentum erit, vt 100. ad 90; Et ideò vires absolutæ musculorum temporalium, & mansoriorum simul

simul sumptorum ad eorum momentum erit, vt 200. ad 189. Deinde considerata vecte mandibulæ duētis à fulcimentis A, a, ad directiones musculorum EB, & Fd perpendicularibus aM, & AM, quæ videntur esse quatuor quintæ partes distantia aG extremorum molarium dentium à centro, in quibus pondus R suspenditur; Igitur potentia absolutæ musculorum temporalium, & manforiorum ad resistentiam R se habet, vt 100. ad 75, seu vt 4. ad 3; <sup>a</sup> Sed quia prædicti muscoli alligati sunt ossibus firmis; Ergo <sup>b</sup> potentia absoluta eorundem musculorum duplari debet, & ideo qualium resistentia est tres partes, erit vis motiua musculorum 8, & erat pondus R ferè libr. 200. Ergo potentia eorundem musculorum erunt æquales ponderi libr. 534. proximè.

Cap. 15.  
Musculorum radio-  
rum vi-  
res adhuc  
limitare.

aEx prop.  
22. huius.

bExSchol.  
prop. 34.  
huius.

## S C H O L I V M.

Si mirabile videtur, quòd muscoli pusilli, qui simul sumpti pondus vnus libræ non superant in homine, tantam vim motiuam habeant, multò mirabilior erit vis illa, quæ exercetur ab iisdem musculis, in Canibus, Lupis, Vrsis, & Leonibus, in quibus vectis longitudo multò magis augetur, prout elongatur rostrum, seu distantia à dentibus extremis vsque ad centrum reuolutionis mandibulæ inferioris: est enim huiusmodi distantia aliquando quadrupla, & quintupla distantia directionis musculorum, aëctentium inferiorem mandibulam ab eodem centro; & propterea momentum potentia eorundem musculorum erit octuplum, vel decuplum resistentia; & si addatur excessus pendens ab obliquitate fibrarum eorundem musculo-



Cap. 15.  
Musculo-  
rum radio-  
rum vi-  
res adhuc  
limitare.

sculorum, erit potentia absoluta eorum nonupla ferè dictæ resistantiæ. Hæc autem, cùm sit grandis, canes enim molossi vitulum, aut aprum trahunt, & subleuant, scilicet pondus eleuant plus quàm 150. libr. Igitur vis absoluta musculorum mandibulam flectentium superat potentiam 1350. libr. Quàm verò grandis sit eadem vis in Vrsis, & Leonibus, constare potest ex eo, quòd integrum bouem dentibus trahunt, vnde conijcitur vastitas potentiæ motiuæ, quæ à tam exiguis musculis exercetur.

Animaduertendum tamen est, quòd prædicti musculi, mandibulam stringentes, non exercent totalem eorum vim, & energiam, quando dentibus apprehendunt, & subleuant pondera superius enarrata, eo quòd ad hanc actionem concurrunt plures alij musculi, nempè hi, qui caput eleuant, & vertebrae colli, & thoracis distendunt, & dirigunt; Et quia sufficit, vt dictum est, vt vnus duorum musculorum debilius operetur, & minus pondus suspendere valeat, quàm temporales, & mansorij, si integram suam vim exercere possent; hinc fit, vt nequeat mensurari totalis vis eorundem musculorum ex pondere, dentibus molariibus, & incisorijs subleuato.

Quòd verò hæc non sit suspicio vana, constat ex confusione, & attritione durissimorum nucleorum, & fistularum ossæarum, & ferrearum, quam Canes, vrsi, & Leones dentibus, & gammari, vel astraces suis chellis efficiunt, quæ ope vectis, & forcipis ferrei aliquando nequeant à compressione ponderis 1000. libr. frangi, & conteri, & proinde conijcitur, vires totales eorundem musculorum multò maiores esse, quàm superius taxatæ fuerunt.

PRO-

## P R O P O S. LXXXIX.

Cap. 15.  
Musculo-  
rum radio.  
forum vi-  
res adhuc  
limitare.

Structuram, & machinam, quibus musculi intercostales operantur, & methodum inueniendi eorum potentiam indicare.

Licet costarum ossa similia videantur esse mandibulæ inferioris, (vtraque enim sunt rotunda, & semielipsis figuram imitantia,) & vectem bicipitem mobilem circa duo capitula extrema constituent, valde tamen differunt inter se hæ duæ machinæ.

Primò, quia mandibula circumduci facili, & lubrico motu circa duo capitula eius, annexa firmis sinibus ossis temporum, at costæ difficilè, & obscuro motu circa sua fulcimenta moueri, & circumduci possunt; nec sunt ambo centra omninò firma; nam sternum, seu os pectoris, cui alligatur anteriùs costæ capitulum non est firmum, & immobile, vt sunt vertebræ spinæ, cui posterius eiusdem costæ caput alligatur.

Secundò, mandibulæ duo latera non stringuntur ad inuicem, nec ampliantur, & ideo vectem bicipitem constituunt: at costæ non retinent eandem curvaturam, sed ad instar arcus eius, brachia, seu latera parùm dilatantur, & proindè ne dum vectis bicipitis, sed præterea arcus vim, & vsum habent.

Tertiò, in mandibula musculorum, tendines in vno determinato eius loco alligantur, nempe in processu maxillari, & in eius basi; at in costis fibræ, in totam costæ longitudinem rotundam implantantur, & proindè vis motiua non in vnico situ vectis, in quo vnicus tendo alligatur; sed potiùs per totam musculi intercostalis superficiem, ex innumerabilibus fibris compositam

Cap. 15.  
Musculo-  
rum radice-  
rum vi-  
res adhuc  
limitare :

fitam, in acie ossis costæ applicatur; Quare reperiri debet centrum applicationis motiux virtutis compositæ ex tot particulis, quot sunt fibræ.

Quartò, fibræ musculorum mandibulam stringentium radiosæ sunt, at intercostalium fibræ, duplici ordine dispositæ, parallelæ sunt inter se, & vnus ordo alteri decussatur ferè perpendiculari inclinatione.

Quintò, in mandibula reperta fuit resistentia, quam superant eius muscoli, ex pondere suspenso in dentibus; at in costis licèt talis suspensio minimè fieri possit, non est tamen difficile pondus alio modo applicare, cui vis musculorum intercostalium æquilibretur. Nempè, si super costas hominis iacentis superponatur columna tantæ grauitatis, quæ ne dum tolerari possit, sed insuper in qualibet aeris vehementi inspiratione euidenter attollatur parumper columna sursum. Hanc ego vidi non minorem fuisse libris 50; attamen hoc pondus non est mensura præcisa resistentiæ, eo quòd muscoli intercostales superare quoque debent dūritiem, & tenacitatem costarum, earumque agglutinationem cum vertebris, quæ nimirum resistunt flexioni ad instar arcus tensi, quæ resistentia insignis est, vt suo loco dicemus, & poterit forsan æquari ponderi incumbentis columnæ; Quare vera resistentia maior erit potentia librarum 100. His præmissis.

#### PROPOS. LXXX.

Vim motiuam musculorum intercostalium proximè indagare.

Si effectus ab inspiratione productus, scilicet immissio



missio aeris intra pectus fieret impulsu, seu insufflatione proculdubio exiguam vim requireret, cum aer nihil ferè resistat, & indifferens sit ad motum, & ab eadem exigua vi inspiratio efficeretur, si thorax non resisteret distractioni, & ad instar vtris indifferens esset ad sui amplificationem, & restrictionem; at negotium secus se habet, nam thorax est veluti follis, qui compressus retinetur à tot machinis validissimis, quot sunt costæ, & ideò dilatari non potest, nisi prius costarum machinæ distrahantur; verum vis, à qua machina arcus distrahi debet, æqualis est energię resistentiæ eiusdem; Ergo momentum potentiæ musculorum intercostalium æquale esse debet potentiæ, qua omnes costæ distractioni resistunt, & licet talis gradus resistentiæ certò mensurari non possit, tamen duplici coniectura ostendemus, ingentem vim exercere. Vna desumitur ab hac experientia, nupèr in Anglia facta. Imposito grandi pondere lib. 100. supra vesicam suillam semiplenam aere, & per fistulam eius collo alligatam, & valuula munitam, videmus, quòd ab aere insufflato à thorace hominis gracilis vesica tumida efficitur eleuando grande illud pondus. Verum est tamen, quòd in tali inflatione violenta concurrunt quoque muscoli abdominis cum diaphragmate, & ideò ex tali experimento colligi non potest præcisa vis musculorum intercostalium. Minus ambigua mihi videtur consideratio multitudinis fibrarum omnium musculorum intercostalium, quæ multitudo videtur ferè dupla multitudinis fibrarum duorum musculorum temporalium, & duorum manseriorum, & illarum momentum considerata inclinatione anguli semirecti, qui auget vires in proportionem sexquialtera; ergo vis

Cap. 15.  
Musculorum  
radio-  
rum vi-  
res adhuc  
limitare.

earum æquatur resistentiæ plurium , quàm 534. librarum, vt dictum est ; Ergo vis motiua intercostalium superat resistentiam ponderis 1068. librarum .

*Premittuntur lemmata mechanica , quæ ad exactiorem inquisitionem Virtutis motiue muscutorum requiruntur .*

## C A P V T XVI.

### P. R O P O S. LXXXI.

<sup>a</sup> Tab. 9.  
Fig. 3.

Si <sup>a</sup> duæ potentia A, & B trahentes terminos virgæ CD, adhærentes regulis NO, OP per directiones MQ, & MF, ad inuicem perpendiculares, à quibus non discedant, habuerint æqualia momenta. Dico, quòd potentia A ad B se habet, vt CM ad MD; nempè, vt latera conterminalia directionum à virga intercepta. Ductis à C, & D perpendicularibus ad regulas GC, GD conueniant in G, à quo cadat GH perpendicularis supra CD in H, & ex H cadant perpendiculares HK, & HL super GC, DG, & in H applicetur potentia I, cuius momentum æquetur momento A, vel B; & amota potentia B, quia momenta A, & I æqualia sunt, & concursus C est mobile per CF <sup>b</sup>; Ergo potentia A ad I est, vt sublimitas HK ad longitudinem CH, seu vt CM ad CD, ob triangulorum similitudinem.

<sup>b</sup> Prop. 64.  
huius.

Non secùs potentia I ad B, se habet, vt DH ad HL, & ob similitudinem triangulorum, vt DC ad DM; igitur ex æqualitate potentia A ad B eandem rationem habet, quam CM ad MD.

## P R O P O S . LXXXII.

Recta linea  $DEH$  <sup>a</sup> bifariam secta in  $E$ , & funiculus  $ACB$  adhærens regulæ  $DH$ , & duæ potentiaë  $X$ , &  $Z$  in  $DH$  extendant funem oppositis tractionibus per lineam  $AEB$ , & tertia potentia  $RS$  trahat intermedium punctum funis  $C$  per  $ECF$ , perpendiculariter ad  $AB$ , vsque ad  $C$ , & excurrant potentiaë per canales  $DE$ ,  $HE$  ea lege, vt semper  $AC$ ,  $CB$  æquales sint sibi ipsis, &  $DE$ ,  $EH$ ; & fiat æquilibrium potentiarum in  $C$ . Dico, potentiam  $RS$  ad potentias  $XZ$  esse, vt  $CE$  ad  $AE$ .

a Tab. 9.  
Fig. 4.

Quia potentia  $RS$  agit contra duas potentias  $X$ ,  $Z$ ; ergo medietas  $R$  contra  $X$  agit, & reliqua medietas  $S$  agit contra  $Z$ , & eorum momenta æquantur; propterea quod quiescunt, & trahunt potentiaë  $R$ ,  $X$  terminos  $A$ ,  $C$ , rectæ lineæ  $AC$  per directiones ad inuicem perpendiculares; ergo, vt potentia  $R$  ad  $X$ , ita est  $CE$  ad  $EA$ . Similiter potentia  $S$  ad  $Z$  erit, vt  $CE$  ad  $EB$ , seu ad ei æqualem  $EA$ . Igitur  $RS$  ad  $X$ ,  $Z$  se habet, vt  $CE$  ad  $EA$ .

## C O R O L L A R I V M .

Hinc constat, duas potētias  $X$ ,  $Z$ , licet immensas, sed finitas agendo contra minimam resistantiam  $R$ ,  $S$ , extendere funem  $ACB$  in directum non posse.

Quia maximæ potentiaë  $X$ ,  $Z$  ad minimam resistantiam  $RS$  habent aliquam proportionem, nempe eam, quam habet  $AE$  ad  $EC$ , non ad nihilum; & ideo incuruabitur funis  $ACB$ .



Cap. 16.  
Lemmata  
pro exa-  
ctiore in-  
quisitione  
potentiæ  
musculo-  
rum.

PROPOS. LXXXIII.

Iisdem datis, reperire maximam inflexionem, quam  
resistentia RS efficere potest.

Tab. 9. Fig. 4.

In angulo recto KIL, vt potentiæ XZ ad resistentias  
RS, ita sit KI ad IL, & vt LK ad KI, ita fiat dimidium  
funis DE ad AE, seu ad ei æqualem EB; fiat angulus  
EAC æqualis K, & AC occurrat EF in C, iungatur-  
que CB. Dico, funem ACB in tali positione tractū  
quiescere.

Sin minùs, quiescat alibi, vt in MNO, ergo poten-  
tiæ XZ ad resistentias RS eandem proportionem ha-  
bent, quam ME ad EN; & quia duo anguli K, & EAC  
æquales sunt, & angulus I æqualis est E recto; Ergo  
triangulum KIL simile erit AEC; & ideò KL ad IK  
eandem proportionem habet, quam CA ad AE, sed  
DE ad AE se habet, vt LK ad KI, ergo CA æqualis  
erit DE. Tandem AE ad EC eandem proportionem  
habet, quam KI ad IL, seu potentia XZ ad RS, quæ  
est, vt ME ad EN. Ergo duo triangula AEC, & MEN  
similia sunt, & hypothenusa AC æquatur MN, quia  
æquatur eidem DE, dimidio totius funis. Ergo EC  
æqualis est EN, & punctum concursus N cadit super  
C, quod repugnat hypothese; non ergo fit æquili-  
brium alibi, quàm in C.

PROPOS. LXXXIV.

<sup>a</sup> Tab. 9.  
Fig. 5.

Duo funes <sup>a</sup> ACB, & ADB æquales sint, & colli-  
gati

gati in A, B, trahantur ad oppositas partes à potentijs X, & Z, & potentiæ G, & F dilatent contiguos funes vsque ad C, D; & ibi fiat æquilibrium. Dico, potentias G, F ad resistantiam potentiarum X, Z eandem proportionem habere, quam DC ad AB, Cap. 16.  
Lemmata  
pro exactiore in-  
quisitione  
potentiæ  
musculo-  
rum.

Quia potentia Z trahit deorsum duas chordas BC, BD, & potentia X fursum easdem AC, AD, poterit intelligi quælibet XZ diuisa bifariam, vt M, & O trahant funem ADB, & P, Q trahant funem ACB; & quia funis ADB distenditur directe à potentijs O, M contra resistantiam G transversè, & perpendiculariter ad AB, & fit æquilibrium. Ergo potentia G ad duas potentias O, M est, vt DE ad EA; Similiter potentia F ad duas resistantias P, Q se habet, vt CE (seu ei æqualis DE ob rhombum) ad EA. Igitur G, F ad potentias O, M, P, Q, eandem rationem habent, quam DE ad EA, seu vt eorum duplæ DC ad AB. Quod &c.

## P R O P O S. LXXXV.

Iisdem positis <sup>a</sup> sint funes clauo firmo X in A colligati. Dico, quòd potentia rarefaciens, seu F, G, ad resistantiam Z se habet, vt CD ad AE. a Tab. 9.  
Fig. 6.

Quia idem præstat clauus in A, ac potentia X sustinendo, & distrahendo funes, ergo potentiæ F, G, æquilibrantur cum resistantia Z, & cum clauus resistantia; & potentiæ F, G ad resistantiam X, Z eandem rationem habent, ac CD ad AB, ergo potentiæ F, G ad resistantiæ dimidium Z eandem habent rationem, quam CD ad dimidium AE totius AB.

Hinc constat, quòd si prædicti funes à quacunque  
immen-

Cap. 16.  
Lemmata  
pro exa-  
ctiore in-  
quisitione  
potentiæ  
musculo-  
rum.

immensa potentia Z trahantur, nempè à pondere 10000. libr. possunt à qualibet exigua vi rarefactiua, vel expansiua funium, quæ pondus vnus libræ non superat, aliquantulum dilatari, quousque scilicet fiant momenta æqualia, scilicet in rarefactione DC, erit vna pars decies millesima ipsius AB.

### PROPOS. LXXXXVI.

a Tab. 9. Duo æquales funes non graues a ADBFC, & AEBGC  
Fig. 7. æqualibus interstitijs colligati in A, B, C, qui sustineantur à clauo X, & directè trahantur ab opposita potentia Z, & puncta media D, E, F, G interstitiorum transuersè; æquè dilatentur ab oppositis potentijs æqualibus H, I, K, L, secundum directiones DRE, FSG, perpendiculares ad AC; ita vt existentibus rhombis æqualibus, & similiter positis ADBE, & BFCG fiat potentiarum æquilibrium. Dico, omnes potentias dilatantes H, I, K, L, ad resistentiam Z se habere, vt omnes dilatationes æquales DE, FC, ad AR semissem distantie AB.

Quia potentie H, I agunt dilatando funes ADB, & AEB contra duas resistentias, scilicet contra tenacitatem clauis X, & contra eam vim, quæ trahit deorsum nodum B, quæ æquales sunt inter se; Ergo duæ potentie H, I ad eam vim, quæ trahit deorsum nodum B, se habent, vt DE ad AR. Postea, quia duæ potentie K, L agunt dilatando funes BFC, & BGC contra duas resistentias, scilicet contra pondus Z, & contra eam vim, quæ trahit fursum nodum B versus A, quæ clauis officium supplet. Ergo duæ potentie K, L ad resistentiam Z eandem proportionem habent, quam FG ad BS,  
seu



feu quam DE ad AR, ob æqualitatem rhomborum. Et quia omnes potentiaë H, I, K, L agunt contra quatuor resistentias, clavi X, ponderis Z, & eius, quæ trahit nodum B deorsùm, & eius, quæ eundem æquali vi fursùm impellit; sed duæ potentiaë, quæ in B sibi ipsis aduersantur, æquales sunt nihilo, eo quòd potentia, quæ in B resistit tractionibus factis à potentijs H, & I, & impedit excursum puncti B, versus R est tractio, quam facit deorsùm pondus Z, quod perindè agit, ac si in B esset appensum; Et è contra nulla alia resistentia in B vim exercet contra potentias K, L, quæ nituntur trahere deorsùm nodum B, præter clavi tenacitatem, & ideò intermediæ potentiaë, trahentes nodum B, se mutuò destruunt, & tunc respectu alterius tantùm trahit, quantum resistit. Igitur licèt trahant, & operentur, nil tamen proficient; & ideò perindè est, ac si non essent, & non agerent contra potentias H, I, K, L, quare potentiaë H, I, K, L simul sumptæ æquilibrantur ab vna potentia Z, licèt reuera suas vires exerceant contra quatuor resistentias æquales inter se X, Z & duas in B sibi aduersantes, ad quas se habent, vt DE, FG ad AB, BC; ergo quatuor potentiaë H, I, K, L ad vnam resistentiam Z se habent, vt DE, vnà cum FG, ad AR quadrantem totius AC.

Cap. 16.  
Lemmata  
pro exa-  
ctiore in-  
quisitione  
potentiaë  
musculo-  
rum.

# PROPOS. LXXXXVII.

Idem aliter demonstrare. Tab. 9. Fig. 7.

Quia potentiaë omnes H, I, K, L rhombos funium dilatantes sunt æquales inter se, & dilatationes DE, FG sunt quoque æquales in quolibet ex rhombis simul connexis. Ergo potentiaë H, I, K, L dilatantes omnes rhombos

Cap. 16.  
Lemma  
pro exa-  
ctiore in-  
quisitione  
potentiæ  
musculo-  
rum.

rhombos ad potentiam KL dilatantem vnicum rhombum, eandem proportionem habent, quam omnes dilatationes DE, FG ad vnicam dilatationem FG. Po-  
steà, quia funes colligati BFC, BGC fixè retinentur in B, (eo quòd dilatatio superiorum chordarum tam firmiter prohibet descensum nodi B, ac si funes inferiores à clauo affixo in B retinerentur), & potentia KL funes inferiores dilatans, æquali momento suspendit resistentiam Z, cum vna alteri non cedat. Igitur potentia dilatans KL, ad resistentiam Z eandem habet rationem, quam dilatatio FG ad BS, semissem ipsius BC; Quare exæqualitate ordinata, potentiæ omnes H, I, K, L dilatantes omnes rhombos ad resistentiam Z se habent, vt omnes dilatationes DE, FG, ad BS; seu ac tot dilatationes, quot sunt rhombi æquales, & similes ad AR, semissem cuiuslibet diametri AB, quod &c.

Hinc patet, quòd licet potentiæ multiplicentur, vt plures rhombos dilatent, non proindè maiorem resistentiam, quam sit Z, suspendere possunt; Eòquòd momentum ipsius Z augetur, prout motus ascensus eius reciproce multiplicatur, vt ostensum est a, scilicet ad maiorem altitudinem subleuatur.

a Prop. 33.  
huius.

### P R O P O S. LXXXXVIII.

Iisdem positis, multæ potentiæ dilatantes plures rhombos subleuant resistentiam directè prementem per spatium multiplex eius, quod subleuatur in vnico rhombo à binis potentijs pro multitudine rhomborum. Tab. 9. Fig. 7.

Quia omnes rhombi ADBE, BFCG &c. sunt inter se æquales, & similes, & similiter positi; Ergo in singulis

gulis latera , & Diametri homologi sunt æquales inter se , & tantum præcisè deficit Diameter AB à fili longitudine ADB, quantum BC minor est filo BFC, æquali ipsi ADB ; & proindè ascensus vinculi B versus A, æqualis est ascensui vinculi C versus B , sed post contractionē, interuallū, quo resistentia Z distat ab A, constat ex tot diametris æquè decurtatis, quot sunt rhombi ; Ergo ascensus ponderis Z ex C versus A toties multiplicatur , quot sunt rhombi .

Cap. 16.  
Lemmata  
pro exa-  
ctiore in-  
quisitione  
potentiæ  
musculo-  
rum .

## P R O P O S . LXXXIX.

Iisdem datis, dilatationes funiculorum, eorumque decurtationes, in numeris exhibere.

Tab. 9. Fig. 7.

Sit datus angulus DAE dilatationis chordarum, eiusque medietas angulus DAR ; erit triangulum DAR rectangulum in R , sitque RO excessus sinus totius DA supra AR, sinum secundum anguli DAR ; Undè OR erit sinus versus eiusdem anguli DAB . Patet, quòd quælibet ex æqualibus dilatationibus funiculorum, vt DE, vel FG, mensuratur à subtensa DE, seu chorda anguli DAE dilatationis funium . Ostendendum modò est, quòd subleuatio resistentiæ Z mensuratur à duplo ipsius RO sinus versu anguli DAR, toties sumpto, quot sunt rhombi .

Quia sinus versus OR est excessus portionis funiculi AD supra AR, & priùs, ante dilatationem funis, eius portio AD in situ AO iacebat, & postea terminus D translatus est ad sublimitatem DRE . Ergo RO est mensura decurtationis portionis funis AD ; suntque omnia latera rhomborum DB, BF, FC æqualia inter se,

A a

& ipsi



Cap. 16.  
Lemmata  
pro exa-  
ctiore in-  
quisitione  
potentiæ  
musculo-  
rum.

& ipsi AD, & similiter inclinata ad directionem ABC; Ergo OR est mensura decurtationis interualli directi, competens cuilibet ex lateribus rhomborum, & ideo duplum OR est decurtatio laterum ADB, cuius rhombi; & sic in reliquis. Quare duplum OR toties sumptum, quot sunt rhombi, determinat decurtationem totius funiculi ADBFC.

Hoc exemplum computatum est in vnico rhombo ADBE dilatato à potentijs HI, & directè tractum à resistantia Z, sed si rhombi multiplicentur ad instar catenæ, dilatationes funium remanent æquales inter se, & eiusdem mensuræ, at subleuationes resistantiæ æquæ, ac rhombi multiplicantur.

Vt si fuerint quindecim rhombi continuati existente angulo DAR o. 49, tunc qualium mensura dilatationis cuiuslibet rhombi est vna pars, subleuatio resistantiæ Z quindecies augebitur, scilicet erit.  $\frac{1}{1} - \frac{5}{4} - \frac{2}{2}$

Verùm è contra, si potentiæ dilatantes H, I multiplcantur quindecies, remanet resistantia Z semper eiusdem ponderis, & energiæ, scilicet, qualium HI erat vna pars, postea quindecies multiplicatæ potentiæ erunt partes 15. at pondus Z erit 35. partes.

Vtque pateat vsus præcedentis propositionis confecta est hæc tabella.

Angulus D AR qui est semiffis di- latationis DAE. G	Sinus totius AD,	Anguli DA sinus DR, cuius du- plum DE.	Eiusdem An- guli sinus se- cundus AR.	Eiusdem Anguli si- nus versus RO.	Qualium DE, vel potentia HI, aut finis AD B est vna pars,	Erit Refi- fien- tia Z.	Et suble- uatio eiusdem Z.,
							I
0.1. 10.	100000. 00	67. 88.	99999.99		I.	1473.	100000. 00.
0. 1.	100000.000	58.18.	99999.996	4.	I.	1719.	4 100000. 00
0. 10.	100000. 00	581.78.	99999.58	42.	I.	172.	42 100000. 00
0. 30.	100000. 0	1745. 3.	99996. 2	39.	I.	57.	390 100000. 0
1. 00.	100000.	3490.	99985.	15.	I.	29.	1500 100000. 0
5. 0.	100000.	17431.	99619.	381.00	I.	6. 3.	381.00 100000. 0
10. 0.	100000.	34730.	98481.	1519.00	I.	3.	1519.00 100000. 0
20. 0.	100000.	68404.	93969.	6031.	I.	1. $\frac{1}{3}$	6031 100000.
15. 0.	100000.	51764.	96592.	3408.	I.	2.	3408 100000.
25. 0.	100000.	84524.	90631.	9369.	I.	1.	9369 100000.
26. 34.	100000.	89448.	89441.	10559.	I.	1.	10559 100000.
30. 0.	100000.	100000.	86602.	13398.	I.	86602. 100000.	13398 100000.
35. 0.	100000.	114715.	81915.	18085.	I.	81915. 100000.	18085 100000.
40. 0.	100000.	128558.	76604.	23396.	I.	76604 128558.	23396 100000.
45. 0.	100000.	141421.	70711.	29289.	I.	70711. 141421.	29289 100000.
50. 0.	100000.	153209.	64279.	35721.	I.	64274. 153209.	35721 100000.
55. 0.	100000.	163850.	57358.	42642.	I.	57358. 163850.	42642 100000.

Cap.16.  
Lemmata  
pro exa-  
ctiore in-  
quisitione  
potentiæ  
musculo-  
rum.

## P R O P O S. C.

Si duæ catenæ inæquales, compositæ ex filis æquè robustis, & similiter colligatis, dilatentur à potentijs æquè validis, specie scilicet, vt omnes rhombi similes fiant; duo pondera, quibus æquilibrantur, æqualia erunt inter se. Tab.9. Fig.8.

aEx prop.  
97. huius.

Sit Catena AB maior, & CD minor, & ambæ ex filis æquè robustis, & similiter colligatis constent, & clavis affixæ distrahantur à ponderibus R, S, & potentia X dilatet omnes rhombos catenæ AB, nec non potentia Z omnes rhombos catenæ CD, ita tamen, vt omnes rhombi similes inter se deueniant, & potentiæ X, Z æquilibrentur resistentijs R, S. Dico, quòd pondera R, & S æqualia sunt inter se. Quia <sup>a</sup> eadem resistentia, quæ suspendi potest ab vnico rhombo AE, dilatato à correlatiua portione potentiæ X, dilatatur quoque à tota serie rhomborum AB, æqualium, & similibus illi tracto à tota potentia X. Ergo idem pondus R, quod suspenditur à potentia X, dilatando catenam AB, suspendetur quoque æquali momento à potentia dilatante vnicum rhombum AE.

Similiter idem pondus S suspendetur à potentia Z, dilatante, totam catenam CD, nec non à potentia dilatante vnicum rhombum CF. Sed quia machinulæ, seu rhombi AE, & CF sunt æquales, similes, & dilatantur ab æqualibus potentijs, & ideò suspendent æqualia pondera; Ergo pondera R, & S, suspensa ab inæqualibus catenis AB, CD, æqualia sunt inter se.



## P R O P O S. C I.

Iisdem positis, vt longitudo catenæ AB ad CD, ita  
est potentia X ad potentiam Z.

Tab. 9. Fig. 8.

Cap. 16.  
Lemmata  
pro exa-  
ctiore in-  
quisitione  
potentiæ  
musculo-  
rum.

Quia omnes machinulæ, seu rhombi, qui siue in  
vna catena, siue in vtraque continentur sunt inter se  
æquales, similes, & similiter positi; Ergo omnes al-  
titudines eorum æquales sunt inter se; Ergo in cate-  
nis inæqualibus AB, CD, in quibus altitudines ordi-  
nata serie continuantur, erit longitudo AB ad CD, vt  
multitudo rhomborum ipsius AB, ad multitudinem  
rhomborum catenæ CD, seu eandem proportionem  
habebit, quam omnes dilatationes, vel diametri trans-  
uersæ rhomborum in AB contentorum ad omnes di-  
latationes rhomborum ipsius CD, vel potius eandem,  
quam potentia X ad potentiam Z.

Hinc constat, quod pondera æqualia subleuantur  
ad altitudines proportionales longitudinibus, & po-  
tentijs trahentibus catenas inæquales. Quia tot sunt  
paria sinuum versorum medietatum angulorum, qui-  
bus funiculi rhomborum dilatantur, scilicet tot sunt  
decurtationes altitudinum rhomborum, quot sunt  
rhombi. Sed, vt multitudines rhomborum, ita sunt  
longitudines catenarum, compositæ ex altitudinibus  
rhomborum, & ita pariter sunt potentiæ contrahen-  
tes; Ergo pondera æqualia subleuantur ad altitudi-  
nes proportionales longitudinibus catenarum, & po-  
tentijs eas contrahentibus.

Cap. 16.  
Lemmata  
pro exa-  
ctiore in-  
quisitione  
potentiæ  
musculo-  
rum.

## P R O P O S. LCII.

Ijsdem positis <sup>a</sup>; At catenæ AB, CD sint inter se æqua-  
les, & potentiæ LX, KZ inæqualiter validæ specie,  
& eleuent ad æquales altitudines BG, DH, pondera  
R, S: erunt potentiæ proportionales ponderibus.

<sup>a</sup> Tab. 9.  
Fig. 10.

Sint machinulæ minimæ, seu rhombi AE, CF, quo-  
rum potentiæ contrahentes LM, KN; & quia catenæ  
AB, CD sunt æquales, & similes inter se, ergo com-  
ponuntur ex æqualibus multitudinibus rhomborum;  
Et quia post æquales contractiones remanent catenæ  
decurtatæ AG, CH, æquales quoque inter se, igitur  
singuli rhombi AE, CF æquales, similes, & similiter  
positi erunt, & sic reliqui omnes; Et ideò eorum  
amplitudines inter se, nec non semialtitudines æqua-  
les erunt. Sed <sup>b</sup> potentia LX ad resistentiam R ean-  
dem proportionem habet, quam dilatationes omnium  
rhomborum catenæ AG ad semissem altitudinis vnus  
rhombi AE, seu quam dilatationes omnium rhombo-  
rum CH ad dimidiam altitudinem vnus rhombi CF,  
( cum sint æquales, similes, & similiter dilatati ) &  
in eadem proportionem est potentia KZ ad resistentiam  
S; Ergo potentia LX ad pondus R eandem propor-  
tionem habet, quam potentia KZ ad pondus S, cum  
sint, vt dilatationes omnium rhomborum catenæ AG,  
vel CH ad semialtitudinem vnus rhombi AE, vel GF.  
Quare permutando, vt potentia LX ad KZ, ita erit  
pondus R ad S.

<sup>b</sup> Prop. 96.  
huius.

## PROPOS. CIII.

Cap. 16.  
Lemmata  
pro exa-  
ctiore in-  
quisitione  
potentie  
musculo-  
rum.

Si catenæ ex fibris similiter colligatis compositæ a, vt AB, CD, EF &c. fuerint æquales, similes, parallelæ, & contiguæ inter se, & fasciculus ex eis conflatus contrahatur à potentijs æquè validis specie XZT, ita vt rhombos æquales, similes, & alternè dispositos ad instar retis efforment; & æquilibrentur ponderi RV ab eis sustentato; sitque pondus R illud, quod æquali momento à potentia X vnus catenæ AB sustinetur. Dico, potentiam XT ad potentiam X, & pondus RV ad R, eandem proportionem habere, quam omnes catenæ fasciculi ABGH ad vnam catenam AB.

a Tab. 9.  
Fig. 10.

Quia pondus RV eleuatur, suspenditurque à pluribus catenis, contractis à peculiaribus potentijs æquè validis specie, & æqualibus inter se, nec vlla catena remanet otiosa; Ergo quælibet catena sua peculiari potentia suspendit correspondentem partem totius ponderis RV; quare omnes catenæ integrum pondus RV, communi actione perindè sustinent, ac si esset diuisum in tot particulas, quot sunt catenæ; Cùmque catenæ supponantur similes, & æquales inter se, & contrahantur à potentijs æqualibus (eoquòd sunt æquè validæ specie); Ergo ex sui natura singulæ potentie sustinere possunt æqualia pondera æqualibus momentis, & erunt tot numero, quot sunt catenæ. Quapropter, vt omnes catenæ fasciculi ABGH ad vnam catenam AB, ita est potentia integra XT ad potentiam X, & ita totum pondus RV ad pondus R.

PRO-



Cap. 16.  
Lemmata  
pro exa-  
ctiore in-  
quisitione  
potentiæ  
musculo-  
rum.

## P R O P O S. CIV.

a Tab. 9.  
Fig. 10.

Iisdem datis <sup>a</sup>, potentia XT totius fasciculi ABGH, ad pondus RV ab eo æquali momento suspensum, eandem proportionem habet, quam dilatationes omnium rhomborum vnius catenæ AB simul sumptæ, ad semissim altitudinis vnius rhombi.

a Prop. 96.  
huius.

In eadem figura, quia particula potentiæ X, contrahendo catenam AB, sustinet æquali momento ponderis particulam R, erit <sup>a</sup> potentia X ad pondus R in eadem proportione, qua dilatationes rhomborum totius catenæ AB ad semissim altitudinis vnius rhombi eiusdem; sed æquè multiplices sunt catenæ in fasciculo ABGH contentæ vnius catenæ AB, atque tota potentia XT particulæ eius X; nec non integrum pondus RV portionis eius R; & partes cùm pariter multiplicibus in eadem sunt proportione; Ergo XT ad pondus RV se habet, vt dilatationes omnium rhomborum vnius catenæ ad semissim altitudinis vnius rhombi eiusdem catenæ.

## P R O P O S. CV.

a Tab. 9.  
Fig. 11.

Si fuerint duo fasciculi a AC, & EG ex eisdem catenis æquè crassis, & inæqualium altitudinum; Pondera R, & S, æqualibus momentis à potentijs XZ, & TV æquè validis specie suspensa, erunt æqualia inter se, & potentiæ, & subleuationes ponderum eandem proportionem habebunt, quam longitudines fasciculorum AB, & EF.

Parti-

Particula X potentiaë XZ, contrahendo vnicam catenam AB, suspendat æquali momento particulam I totius ponderis R, pariterque particula potentiaë T, contrahendo catenam EF, suspendat æquali momento particulam O totius ponderis S.

Cap. 16.  
Lemmata.  
pro exa-  
ctiore in-  
quisitione  
potentiaë  
musculo-  
rum.

Quia potentia XZ ad potentiam X, nec non pondus R ad pondus I eandem proportionem habet, quam multitudo æqualium catenarum fasciculi AC ad vnam catenam AB; Similiter potentia TV ad T, & pondus S ad O eandem proportionem habet quam multitudo catenarum fasciculi EG ad vnicam catenam EF; suntque multitudines catenarum in vtroque fasciculo æquales inter se; Ergo, vt omnes catenæ fasciculi AC ad vnam AB, ita se habent, omnes catenæ fasciculi EG ad vnam EF, & ideò potentia XZ ad X se habet, vt potentia TV ad T, pariterque pondus R ad I, vt pondus S ad O, & sunt pondera I, & O æqualia inter se; Ergo pondus R ad S, potentia XZ ad TV, & decurtatio fasciculi AC ad abbreviationem fasciculi EG, eandem proportionem habent, quam longitudo AB fasciculi AC ad longitudinem EF fasciculi EG.

Patet ergo, quòd idem pondus R, quod sustinetur ab integro fasciculo AC cuiuscunque longitudinis, suspenditur quoque à minimo fasciculo BC, scilicet ab aggregato omnium infimorum rhomborum eiusdem fasciculi ABCD.

## P R O P O S. CVI.

Sint vt priùs duo fasciculi <sup>a</sup> AC, & EG æquè alti, &  
B b craf-

<sup>a</sup> Tabl 9.  
Fig. 12.

Cap. 16.  
Lemmata  
pro exa-  
ctiore in-  
quisitione  
potentiæ  
musculo-  
rum.

crassities AD maior sit crassitie EH . Dico , poten-  
tiam XZ ad potentiam TV , nec non pondus R ad  
pondus S eandem habere proportionem,quam cras-  
sities AD ad crassitiem EH , & pondera æquè sub-  
leuari .

Quia catenæ AB,EF, sunt æquales , & similes , &  
potentiæ minimæ X , & T sunt æquè validæ specie ;  
Ergo sunt æquales inter se , nec non pondera I , & O  
sunt quoque æqualia inter se, eo quòd æqualibus mo-  
mentis sustentantur ab æqualibus potentijs ; Postea ,  
quia potentia XZ ad minimam eius portionem X , seu  
ad potentiam T ei æqualem , nec non pondus R ad  
pondus minimum I, seu ad O, ei æquale, eandem pro-  
portionem habet , quam omnes catenæ inter se æqua-  
les fasciculi AC ad vnicam catenam AB, seu EF ; Si-  
militer potentia T ad potentiam TV, nec non pondus  
minimum O ad pondus S , eandem habet proportio-  
nem , quam vnica catena EF ad omnes catenas fasci-  
culi EG ; Igitur ex æqualitate ordinata, potentia XZ  
ad TV , nec non pondus R ad S , eandem rationem  
habet , quam omnes catenæ fasciculi AC ad omnes  
catenas fasciculi EG , scilicet , quam crassities AB fa-  
sciculi AC ad crassitiem EH fasciculi EG , eo quòd in  
vtroque fasciculo catenæ sunt æquales similes , & si-  
militer contractæ , & contiguæ inter se .

Præterea , quia omnes catenæ æquales similes à  
potentijs æqualibus distractæ æquè decurtari debent ,  
sequitur , vt fasciculi AC,EG æquè contrahantur .



## P R O P O S . CVII.

Cap. 16.  
Lemmata  
pro exa-  
ctiore in-  
quisitione  
potentia  
musculo-  
rum.

Iisdem positis  $a$  sint altitudines, & crassities fasciculo-  
rum inæquales. Dico, pondus  $R$  ad  $S$  eandem ha-  
bere proportionem, quam crassities  $AD$  fasciculi  
 $AC$  ad crassitiem  $EH$  fasciculi  $EG$ ; & eleuationem  
ponderis  $R$  ad eleuationem ponderis  $S$  eandem  
quoque, quam altitudo  $AB$  ad  $EF$ : Atque poten-  
tiam  $XZ$  ad potentiam  $TV$ .

$a$  Tab. 10.  
Fig. 1.

Secunda altitudine  $KB$  æquali ipsi  $EF$ , fiat potentia  
 $XZ$  ad potentiam  $MZ$  in eadem proportionem, in qua est  
altitudo  $AB$  ad  $KB$ , erit potentia  $MZ$  illa, à qua con-  
trahuntur omnes catenæ fasciculi  $KBCL$ .

Quia idem pondus  $R$  tam à potentia  $XZ$ , contrahen-  
do fasciculum  $AC$ , suspenditur, quàm à potentia  $MZ$ ,  
contrahendo fasciculum  $KC$ , & sunt duo fasciculi  $KC$ ,  
 $EG$  æquè alti &c. Ergo  $b$  tam potentia  $MZ$  ad  $TV$ ,  
quàm pondus  $R$  ad  $S$ , eandem proportionem habent,  
quam crassities  $BC$  ad crassitiem  $FG$ .

$b$  Prop. 106  
huius.

Posteà fasciculi  $KC$ ,  $EG$  æquè decurtantur, & ad  
æquales altitudines eleuant pondera suspensa  $R$ ,  $S$ ;  $c$ ;  
& idem pondus  $R$  à fasciculis  $AC$ ,  $KC$  æquè crassis  
eleuatur ad altitudines proportionales longitudinis  
 $AB$  ad  $KB$ , seu  $EF$ .

$c$  Prop. 105  
huius.

Tertio loco, quia potentia  $XZ$  ad  $MZ$  eandem pro-  
portionem habet, quam altitudo  $AB$  ad altitudinem  
 $KB$ , & potentia  $MZ$  ad potentiam  $TV$  eandem, quam  
crassities  $BC$  ad  $FG$ , estque proportio  $XZ$  ad  $TV$  com-  
posita ex proportionem  $XZ$  ad  $MZ$ , & ex proportionem  
 $MZ$  ad  $TV$ . Ergo proportio potentia  $XZ$  ad  $TV$

Cap. 16.  
Lemmata  
pro exa-  
ctiore in-  
quisitione  
potentie  
musculo-  
rum.

componitur ex proportionem altitudinum AB ad EF, & ex proportionem crassitierum BC, ad FG.

### PROPOS. CVIII.

a Tab. 10.  
Fig. 2.

Si extremitas eiusdem catenæ <sup>a</sup> AC, obliquè iacentis, clauo al' igitur in A, & reliquum extremum C trahatur à pondere R per directionem CH inclinatam ad CA, & punctum concursus C mobile sit per directionem BCH, eiusque momentum æquale sit momento potentie XZ, catenam AC contrahentis. Dico, quòd absoluta potentia XZ ad pondus appensum R, eandem proportionem habet, quam omnes dilataciones rhomborum catenæ AC ad sublimitatem CH semissis CE altitudinis vnus rhombi.

b Prop. 97.  
& 104. hu-  
ius.

Amota resistentia R, substituatur eius loco potentia S, quæ æquali momento resistat directæ tractioni catenæ SCA, quam efficit eadem potentia XZ, dilatando omnes rhombos. Patet, momenta R, & S æquari inter se, cum æqualia sint momento eiusdem potentie XZ; Præterea <sup>b</sup> potentia XZ ad resistentiam S directè tractam, seu ad ei æqualem potentiam VZ, tractam ab infimo rhombo, eam proportionem habet, quam omnes dilataciones rhomborum catenæ AC ad CE, semialtitudinem vnus rhombi. Postea amota potentia XV, restat potentia VZ, scilicet vis ipsius S, quæ altitudinem CE, non secus, ac filum trahendo, æquilibratur ponderi R; estque concursus C directionum, mobile per CH; Ergo <sup>c</sup> potentia VZ, seu ipsius S, ad pondus R eandem proportionem habet, quam CE ad sublimitatem CH. Igitur ex æquali potentia XZ ad pondus R, eam habet proportionem, quam dilata-  
tiones

c Prop. 64.  
huius.

tiones omnium rhomborum catenæ AC ad sublimitatem CH.

## P R O P O S. CIX.

In triangulo rectangulo AHB<sup>a</sup>, ab angulo acuto A ducatur linea AC, secans cathetum BH intra triangulum. Dico, quòd catheti segmentum HC abscissum, ad ductam hypotenusam CA minorem, habet proportionem, quàm differentia hypotenusarum BD ad reliquum catheti segmentum BC.

Centro A, & radio AC fiat circulus CDEF, & producantur BCH, BA ad oppositam peripheriam FE, & fiat BG ad BC, sicut est BC ad BD. Quia duæ lineæ BF, BE secant circulum, & se mutuò; Ergo rectangulum EBD æquale est rectangulo FBC. Ideòque FB ad EB eandem proportionem habet, quam BD ad BC, seu BC ad BG, seu FC ad EG, sed GE minor est, quàm ED, ergo CF ad ED, seu CH ad AD, vel ad CA, minorem habet proportionem, quàm CF ad EG, seu quàm BD ad BC.

## P R O P O S. CX.

Eadem catena AB<sup>a</sup>, quæ à potentia XZ contracta, primò directè trahendo suspendat pondus S, & deinceps obliqua tractione suspendat pondus R, mobile per directionem BCH. Dico, pondus S maius esse, quàm R; & S eleuari ad altitudinem minorem, quàm R, itaut pondus S ad R minorem habeat proportionem, quàm eleuatio ipsius R ad ascensum ponderis S.

Cap. 16.  
Lemmata  
pro exa-  
ctiore in-  
quisitione  
potentiæ  
musculo-  
rum.

a Tab. 10.  
Fig. 3.

a Tab. 10.  
Fig. 4.

Quia



Cap. 16.  
Lemmata  
pro exa-  
ctiore in-  
quisitione  
potentiæ  
musculo-  
rum.

bProp. 96.  
huius.  
c Prop.  
108. huius.

d Ex præ-  
ced.

Quia potentia XZ ad pondus S directè tractum, b eandem proportionem habet, quam omnes dilatationes catenæ AC ad semialtitudinem vnus rhombi, quæ sit CE, & è conuerso; Postea eadem potentia XZ ad pondus R eandem proportionem habet c, quam omnes dilatationes rhomborum catenæ AC ad GC sublimitatem semialtitudinis vnus rhombi, scilicet CE; Ergo pondus S ad R se habet, vt CE ad CG, estque GC minor, quàm CE; Ergo S est maior, quàm R. Secundò, quia quantum decurtatur catena AC, tantum ascendit versus A pondus S directè tractum, & decurtatio est DC differentia AB, & AC; Ergo ascensus S mensuratur à DC; E contra ascensus R mensuratur à translatione BC per directionem, seu canalem BCH, estque differentia DC duorum laterum AB, BC minor, quàm basis BC trianguli ABC; Ergo maius pondus S ascendit minùs, quàm minus pondus R. Tertiò ducta BI parallela CA, erit BI minor, quàm BA, & ideò IB ad BH minorem rationem habet, quàm AB ad BH; atque S ad R, vt EC ad CG, seu vt IB ad BH (ob similitudinem triangulorum HBI, GCE) ergo S ad R est in minori ratione, quam IB ad BH; estque IB ad BH ratio minor, quàm BC ad CD d igitur S ad R ratio minor est, quàm BC, eleuatio ipsius R ad CD eleuationem alterius S.

### P R O P O S. CXI.

Iisdem positis, & dato angulo inclinationis catenæ, eiusque contractione, exhiberi possunt in numeris, ponderum inæqualium, eorumque eleuationum proportionem. Tab. 10. Fig. 4.

In

In eadem figura sit angulus ACH grad. 30, & de-  
 curtatio CD sit quinta pars totius catenæ CA. Ergo  
 qualium partium AD, seu AB est 100. erit CD 25.  
 partes, & HB erit 86. 6. partes, cum sit sinus secun-  
 dus anguli grad. 30, & in eisdem dabitur AH partium  
 50; Ergo in triangulo AHC rectangulo, in quo da-  
 tur AH 50, & hypotenusa CA 125. dabitur CH par-  
 tium 114. 6. et proinde excessus BC supra HB, erit-  
 que BC 28. partes. Postea, vt est BH ad BA, ita fiat  
 25. ad 26. 5. proximè; Erit ergo <sup>a</sup> pondus S ad R in  
 eadem proportione, quam habet AB ad BH, seu vt  
 26. 6. ad 25; & ascensus S ad ascensum R in eadem,  
 ac habet CD ad BC, seu quam habet 25. ad 28.

Cap. 16.  
 Lemmata  
 pro exa-  
 ctiore in-  
 quisitione  
 potentiæ  
 musculo-  
 rum.

<sup>a</sup>Prop. 64.  
 huius.

# P R O P O S. CXII.

Quare musculis radiosus penniformibus natura vtatur  
 in animalibus, rationem reddere.

Tab. 10. Fig. 5, & 6.

Certum est, minori vi trahi, & suspendi idem pon-  
 dus directo motu, quàm obliquo per funes inclinatos  
 ad motus directionem ipsius resistentiæ; cumque fibræ  
 inclinatæ musculorum sint funes, quæ sua contractione  
 agunt per directionem earundem fibrarum; ergo à fi-  
 bris inclinatæ maiori vi trahitur resistentia, quàm si  
 directè traheretur per eandem directionem, qua fibræ  
 extensæ sunt; & quia natura semper compendia, bre-  
 uitatem, & facilitatem quærit in suis operationibus,  
 mirum est, fibras obliquas in musculis adaptasse. Ve-  
 rùm attendenti facilè patebit, quòd natura non spon-  
 tè, sed necessitate materiæ coacta prolixam, & diffici-  
 liorem viam eligit, vtque necessitas in casu nostro per-  
 cipia-

Cap. 16.  
Lemmata  
pro exa-  
ctiore in-  
quisitione  
potentiæ  
musculo-  
rum.

a Tab. 10.  
Fig. 5.

b Tab. 10:  
Fig. 6.

cipiatur, aduertendum est primò, quod aliqui muscu-  
li exercere debent ingentem vim, vt sunt Glutei, &  
Vasti, & alij confimiles; at talis excedens vis motiua  
nullo alio modo haberi potest, quàm multiplicando  
numerus fibrarum, seu catenarum ex machinulis  
rhomboidalibus compositarum; nam tunc quælibet fi-  
bra trahere potest correspondentem particulam resi-  
stentiæ, & sic grandis multitudo fibrarum poterit va-  
stum pondus suspendere. Verùm tot copiosæ fibræ si  
contiguæ, parallelæ inter se essent, & perpendiculari-  
ter insisterent super basim, aptarentur, & componerent  
prisma rectum, vt est ABCD<sup>a</sup>, tunc crassities BC ta-  
lis fasciculi nimis excresceret, & ideò exigeret am-  
plum spatium, in quo collocari, & suum motum exer-  
cere posset, quæ spatia tam ampla, nec dantur in late-  
ribus ossium, nec dari possunt, cùm ibidem collocari  
debeant alij plures muscoli ad alios motus destinati;  
Præterea crassissimæ bases AD, BC illius musculi, pris-  
matis recti formam habentis, connecti deberent am-  
plis tendonibus, & crassis tuberculis ossium, quod val-  
dè incommodum esset; nulli enim alij musculi in eis-  
dem tuberculis affigi possent, & ideò alij motus eiuf-  
dem articuli impedirentur; Vt ergo natura hisce om-  
nibus necessitatibus prouideret, sagacissimè in angustis  
locis musculos immensam copiam fibrarum habentes,  
vt est FH, IKL<sup>b</sup>, efformauit strictis lateribus, & sub-  
tilibus finibus, & principijs tendinosi N, & M, radi-  
cando fibras non in vnica base plana, & ampla, sed in  
toto circuitu funiculi tendinosi NOI: eadem indu-  
stria, qua pluribus manibus longum funem cum pon-  
dere appenso trahere solent plures homines longa se-  
rie dispositi, qui in via stricta, & oblonga faciliè aptari,  
& vim exercere possunt. Hoc



Hoc, inquam, modo musculi ferè omnes conformati sunt, vt possint commodè situari, & adaptari in spatijs lateralibus strictis ossium, in quibus longitudo musculi proluxa, & restricta absque aliorum impedimento collocari potest; estque talis naturæ lex admodò necessaria, vt in articulis paruis, vt sunt digiti, non aptauerit musculos motores in eisdem ossibus digitorum, sed eos in loco diffito, nempe in tuberculo cubiti affixerit, & fasciculos fibrosos inter cubitum, & carpum extenderit, qui mediantibus funiculis, seu loris trahunt ossiculos articularum.

Cap. 17.  
De exactiore in-  
quisitione  
virtutis  
motiue mu-  
sculorum.

Nec te moueat obliquitas fibrarum, nam hæc vt plurimum minima esse solet, & rarò quinque, vel sex gradus superat. Et proinde vis absoluta fibrarum parum augeri debet supra eius momentum, vt dictum est; & tale virium dispendium euitari non potest, quia est necessarium, & insuper longè maiori lucro tot commoditatum compensatur.

*De exactiori inquisitione virtutis motiue musculorum superius expositorum.*

## C A P V T XVII.

**P**ER hætenus exposita de excedenti vi motiua, qua natura per musculos resistentias, & pondera appensa suspendit, & mouet, adhuc integra non est, sed multò maiorem exercet, quam ostendimus ab alijs causis mechanicis pendere.

Cap. 17.  
De exa-  
ctiore in-  
quisitione  
virtutis  
motiue mu-  
sculorum.

## P R O P O S. CXIII.

*Fila tendinosa, & neruea, quæ post distractionem contrahuntur, necessario componi debent ex pluribus machinulis longo ordine inter se connexis, ad instar catenæ ex arcubus contrahibilibus compositæ.*

Cum naturæ dictamine à notis ad ignota procedere debeamus, quia quærimus, quibus machinis, & quibus modis fibræ tendinosæ, & fila metallica contrahibilia, siue propria indole post violentam distractionem, siue à causa externa contrahantur, & decurtenantur, inspicere debemus consimiles operationes sensui manifestas; hæ sunt illæ, quæ in machinis curuis, vt sunt arcus, & anuli, obseruamus: In ijs enim partes extremæ nimis distractæ sibi ipsis viciniore sunt, quapropter fibræ illæ à simili structura machinæ contrahi, & decurtari debent; videmus autem, quòd contractio illius fibræ, vel fili metallici non fit in vna eius parte tantum, sed in omnibus eius partibus; quod tali experimento euincitur. Distinguaturs filum chalybeum in partes æquales, quæ alternè colore nigro, & albo pingantur ad instar graduum astrolabij; in tali filo gradus omnes per totam fili longitudinem æquè decurtantur post violentam distractionem; id ipsum in fibris carneis contingit, nec possunt exiguæ illæ particulæ ad inuicem approximari, nisi à vi machinæ. Cogimur ergo affirmare, quòd binæ quælibet particulæ illius fili, quæ viciniore sibi ipsis sunt, à vi consimili machinæ arcus, vna versus alteram moueantur. Nec sufficit vna sola machina ad hanc vniformem contra-

contractionem faciendam : nam videmus, quòd longitudo brachiorum vnius arcus non decurtantur, sed retenta pristina longitudine, flectuntur vnum versùs alterum; & sic intervallum extremorum terminorum imminuitur : secùs autem contingit in contractione fili, vt dictum est, in quo, binæ quæque particulæ in tota fili longitudine distributæ, sibi ipsis viciniore sunt, vna versùs alteram accedendo. Quare concedendum est, fibram carneam, vel filum chalybeum constare ex tot machinulis formam arcus imitantibus, quot sunt connexiones binarum particularum integram fili longitudinem componentium. Igitur non ineptè comparare possumus fibram carneam, & filum chalybeum catenæ cuidam ex anulis, seu arcubus connexis, & longa serie continuatis. In hac enim structura præcipuè verificari potest insignis illa proprietas fibrarum, quæ vbique, & vndique flecti, complicari, & innodari possunt, quæ contorsiones absque internodiis, quibus anuli catenæ connectuntur, fieri non possent.

Cap. 17.  
De exa-  
ctiore in-  
quisitione  
virtutis  
motus mu-  
sculorum.

#### PROPOS. CXIV.

Quælibet fibra musculosa similis est catenæ ex pluribus rhombis compositæ, quæ contrahi possunt ad instar arcus.

Quia muscoli sunt fasciculi compositi ex subtilissimis filis tendinosi tenacissimis, qui decurtantur non secus, ac fides citharæ, & fila Chalybea distracta, & multò maiori vi fibræ ab imperio voluntatis contrahuntur; cùmque talis contractio intelligi non possit absque machina ad instar arcus, nec contractio om-



Cap. 17.  
De exa-  
ctiore in-  
quisitione  
virtutis  
motiue mu-  
sculorum.

nium partium fibræ concipi potest absque continuata serie machinularum ad instar catenæ, vt dictum est; Ergo quælibet fibra musculi similis erit catenæ ex machinulis compositæ. Tales autem machinulæ similes anulis, aut arcubus, non possunt esse duræ, & rigidæ, cum fibræ carneæ in omnibus partibus longitudinis earum sint molles, & flexibiles; Ergo potius similes erunt rhombis ex filis colligatis, qui à facultate motiua dilatantur, & proindè contrahuntur; Quare concipi debet, subtilissima fila, seu fibras musculorum, esse seriem machinularum forma porosa, seu rhomboidali similem catenæ ex rhombis filaribus compositæ, de qua egimus superiori capite.

#### PROPOS. CXV.

Machinulæ, seu pori rhomboidales fibrarum carnosarum, tam exigui esse debent, vt eorum longitudo non sit maior vigesima parte vnus digiti.

Quia fila, seu fibræ musculorum subtiliores sunt quolibet muliebri capillo; hinc fit, vt porositates, seu rhomboidales cavitates machinularum intra crassitiem earundem fibrarum existentium, minores sint crassitie eorundem filorum carneorum; & ideò series rhomborum, continuata per longitudinem totius fibræ, erit saltem tam multiplex crassitiei vnus carnei fili, quàm multitudo rhomborum illius seriei multiplex est vnus ex illis machinulis; sed quinquaginta fibræ carneæ inter se contiguæ non æquant latitudinem vnus digiti; Ergo machinulæ, seu pori rhomboidales, tam parui sunt, vt series quinquaginta machinularum latitudinem vnus digiti non superent. Nos verò cautionis gratia

gratia supponemus, quod series viginti machinularum iuxta se positarum æquent latitudinem vnius digiti.

Cap. 17.  
De exa-  
ctiore in-  
quisitione  
virtutis  
motiue  
musculo-  
rum.

## P R O P O S. CXVI.

Musculi textura similis est fasciculo reticulari ex catenis contiguis composito,

Sensu constat, quòd fibræ carnosæ, quando ociantur, sunt molles, elongatæ, & distensæ, ad instar fidium citharæ laxatarum; Ergo necesse est, vt facies internæ laterales pororum earundem conniueant, & se mutuo tangant, & proindè altitudines elongatæ erunt. E contra quando agunt, decurtantur, indurantur, & inflantur, diminuta nempè altitudine earum, tùm quia filamenta fibrosa distrahi non possunt, tùm etiam, quia concipi non potest decurtatio, & inflatio columnæ fibrosæ absque eo, quòd pororum diametri transversales crescant, & rectæ diametri diminuantur. Verùm in tali inflatione oportet, vt fibræ acquirant formam similem catenæ ex rhombis compositæ, suntque musculi fasciculi ex columnis contiguis, & parallelis inter se coaceruati; Ergo necesse est, vt machinulæ, seu vesiculæ inflatæ vnius fibræ, sint contiguæ alijs machinulis simili modo contractis; & ideò texturam facient similem reticulato fasciculo, ex machinulis rhomboidalibus composito.

## P R O P O S. CXVII.

Vis motiua contrahens vnicam machinulam fibræ musculosæ

Cap. 17.  
De exa-  
ctiore in-  
quisitione  
virtutis  
motiue mu-  
sculorum.

sculose ad resistantiam ponderis appensi, eandem proportionem habet, quam dilatatio eiusdem rhomboidalis machinule ad semialtitudinem eius. Tab. 9. Fig. 6.

Quia ut dictum est machinule, ex quibus fila carnea, & tendinosa musculorum componuntur, similes sunt rhombo ADBC ex filis ADB, & ACB inter se colligatis in A, & C, & affixis clauo X, quæ trahantur à pondere Z. Adsint postea duæ potentie G, & F dilatantes funes. Hæ ad resistantiam Z erunt, ut funium dilatatio DC ad AE semissem diametri AB. Modò, quia vis motiua contrahens vnicam machinulam fibræ musculose ADB, qualiscunque illa sit, certè agit abbreviando interuallum AB, & eleuando resistantiam Z; hoc autem concipi non potest absque filorum dilatatione, flectendo nempe ea, & complicando ad instar arcus; Ergo similiter potentia motiua contrahens machinulam similem rhombo appenso loco firmo X, ad resistantiam Z se habet, ut DC dilatatio rhombi ad AE semissem altitudinis diametri AB.

### C O R O L L A R I U M.

Facile percipitur, quòd quælibet minima vis motiua potest suspendere quamlibet immensam resistantiam ponderis appensi, ut si pondus Z fuerit 10000. libr. poterit suspendi, & aliquantulum eleuari à potentia motiua, quæ pars centesima sit vnius libræ: quoniam dilatatio CD esse potest 1000000. ipsius AE, tunc fiet potentiarum æquilibrium.

PRO-



## P R O P O S . CXVIII.

Cap. 17.  
De exa-  
ctiore in-  
quisitione  
virtutis  
motiue  
musculo-  
rum.

Motus potentiæ vnica machinulam fibrosam contrahentis, ad motum eleuationis resistentiæ, erit, vt sinus semianguli dilatationis fibrarum rhombi ad duplum sinus versi eiusdem anguli. Tab. 9. Fig. 6.

In eadem figura, quia in machina rhomboidali AC DB, duæ potentiæ G, F eam contrahentes, dilatant terminos intermedios fibrarum ab E ad C, D; Ergo cuiuslibet potentiæ C, vel D motus mensuratur à lineis EC, & ED, qui sunt sinus medietatum anguli CAD ipsius rhombi; E contra motus resistentiæ Z mensuratur à diminutione interualli AB, seu à differentia longitudinis diametri AB, ab integra longitudine fibrarum ACB, vel ADB, estque talis differentia æqualis duplo sinus versi anguli CAE; Ergo a motus potentiæ GF ad motum eleuationis resistentiæ erit, vt CE sinus anguli CAE ad duplum sinus versi eiusdem anguli.

a Prop. 99.  
huius.

Deducitur ergo ex tabula propositionis 99, quòd dilatatio rhombi vsque ad angulum graduum 51. efficit potentiam minorem, quàm sit resistentia, & deinceps semper potentia excedit resistentiam; E contra motus potentialium, seu dilatatio rhomborum, semper maior est subleuatione resistentiæ.

## P R O P O S . CXIX.

Vis motiua contrahens seriem machinularum vnus filii carnosum, ad resistentiam ponderis appensi, se habet, vt dilatationes omnium machinularum simul sumptæ ad semialtitudinem vnus rhombi.

Quia

Cap. 17. Quia ostensum est <sup>a</sup> in catena ex rhomboidalibus  
 De exa- filaribus composita, quod omnes potentia dilatantes  
 ctiore in- rhombos, ad resistantiam suspensam, eandem rationem  
 quistione habent, quam omnes diametri transuersales simul  
 virtutis sumptæ ad semialtitudinem vnus rhombi: Ta-  
 motuq; mu sculorum. lis autem catena, & eius operatio similis est fibræ  
 musculosæ ex machinulis compositæ; Ergo similiter,  
 aProp. 96. vt omnes potentia, quæ singulas machinulas contra-  
 huius. hunt ad resistantiam appensam, sic se habent dilata-  
 tiones omnium machinularum, seu rhomborum simul  
 sumptæ ad medietatem altitudinis vnus rhombi, seu  
 machinulæ contractæ.

### C O R O L L A R I V M .

Hinc deducitur, quod idem pondus, quod sustinetur  
 ab innumeris potentijs contrahentibus totidem ma-  
 chinulas fibræ carneæ, sustinebitur quoque ab vni-  
 ca potentia vnicam machinulam contrahente.

Et in fasciculo ex pluribus fibris carnosis compo-  
 sito, seu in musculo id ipsum verificatur, scilicet idem  
 pondus, quod suspenditur ab innumeris potentijs  
 contrahentibus totidem strata machinularum eiuf-  
 dem fasciculi, sustinetur quoque à potentijs contra-  
 hentibus vnicum stratum machinularum, ita vt, si se-  
 ries machinularum totius musculi fuerit millecupla  
 earum, quæ in vnico strato continentur, non proindè  
 potentia motiua, millies multiplicata, suspendet maius  
 pondus, quàm sustinebat millesima pars illius, quæ  
 contrahebat vnicum stratum machinularum, vt ex di-  
 ctis patet.

## PROPOS. CXX.

Cap. 17.  
De exa-  
ctiore in-  
quisitione  
virtutis  
motiue mu-  
sculorum.

Vis motiua contrahens seriem machinularum in filis fasciculi musculosi contentarum, eleuat idem pondus ad altitudinem tam multiplicem eleuationis, facta à vi motiua, contrahente vnicum stratum machinularum; quàm multiplex est illa potentia huius potentia, & quàm multiplex est multitudo stratorum machinularum vnus strati.

Quia ostensum est <sup>b</sup>, quod in catena ex machinulis composita pondus suspensum eleuatur ad altitudinem tam multiplicem eius, quæ ab vnica machinula eleuatur, quàm multiplex est multitudo machinularum catenæ vnus machinulæ, & in eadem proportionem erunt potentia machinulas eleuantes. Eodem modo in fasciculis musculosis compositis ex fibris, seu catenis ex machinulis compositis debet pondus suspensum eleuari à vi motiua tam multiplice eius, quæ vnica fibræ contrahit, quàm multiplex est multitudo machinularum vnus cuiuslibet fibræ singularis machinulæ infimæ, quod erat &c.

## PROPOS. CXXI.

Si duo muscoli eiusdem animalis fuerint æquè crassi, scilicet compositi ex pari multitudine fibrarum, sed earum longitudines inæquales fuerint; suspendent quidem æqualia pondera: at potentia motiua, & altitudines suspensionum eandem proportionem habebunt, quam longitudines musculorum.

Hoc quidem deducitur <sup>a</sup>, quia duo fasciculi æquè <sup>a</sup>Ex prop. 105. huius.  
D d crassi,



Cap. 17.  
De exa-  
ctiore in-  
quisitione  
virtutis  
motiue mu-  
sculorum.

crassi, & inæqualiter alti, compositi ex catenis machi-  
nularum prius expositarum, suspendent æqualia pon-  
dera: & potentia motiue, nec non altitudines suspen-  
sionum eandem proportionem habebunt, quam longi-  
tudines fasciculorum, suntque muscoli fasciculi æquè  
crassi, & inæqualiter alti, compositi ex fasciculis filo-  
rum musculoformum, quæ constant ex machinulis; er-  
go patet propositum.

### P R O P O S. CXXII.

Si verò altitudines musculorum fuerint æquales, &  
crassities eorum inæquales: Potentia motiue, &  
pondera suspensa, proportionalia erunt crassities  
musculorum; at pondera ad æquales altitudines  
ascendent.

<sup>a</sup>Ex prop.  
106. huius.

Sequitur <sup>a</sup>, quia in duobus fasciculis æquè altis, &  
inæqualiter crassis, ex catenis contrahibilibus compo-  
sitis, potentia, & pondera suspensa, sunt, vt crassities  
eorundem fasciculorum, & ad æquales altitudines  
pondera eleuabunt. Ergo duo muscoli æquè alti, &  
inæqualiter crassi, eleuabunt pondera ad æquales alti-  
tudines, quæ pondera erunt, vt potentia, & vt crassi-  
ties musculorum.

### P R O P O S. CXXIII.

At, si tam altitudines, quàm crassities musculorum,  
inæquales fuerint, pondera suspensa erunt, vt cras-  
sities musculorum; altitudines eleuationum eorum  
erunt, vt longitudines musculorum; at potentia  
com-

compositam proportionem habebunt ex ratione <sup>Cap. 17.</sup>  
 crassitierum, & longitudinum. <sup>De exactiore in-</sup>

Constat hoc <sup>a</sup>, quia in duobus fasciculis ex supra <sup>virtutis</sup>  
 dictis catenis contrahibilibus, si altitudines, & crassi- <sup>motuque mu-</sup>  
 ties inæquales fuerint, pondera suspensa erunt, vt <sup>sculorum.</sup>  
 crassities : eleuationes, vt altitudines : & potentia <sup>a</sup>  
 compositam proportionem habebunt ex rationibus al- <sup>Ex prop.</sup>  
 titudinum, & crassitierum ; Ergo in musculis id ipsum <sup>107. huius.</sup>  
 verificabitur.

## COROLLARIUM.

Hinc percipitur necessitas, quare natura cogatur  
 adhibere excedentem vim motiuam in musculis lon-  
 gioribus.

Hoc fit, vt pondera ad grandes altitudines eleuet,  
 quia pori, seu machinulae fibrarum musculorum, sunt  
 angustissimi, & parui, scilicet non excedentes crassi-  
 tiem vnius fibrae : quare pondus suspensum eleuari  
 non posset, nisi per spatium æquale medietati altitu-  
 dinis vnius machinulae rhomboidalis ; Ergo necessa-  
 riò multiplicari debuerunt machinulae longo ordine,  
 vt à totidem exiguis eleuationibus consurgeret gran-  
 dis illa eleuatio articulorum, quæ ad motus animalis  
 efficiendos requirebatur.

His præmissis exactiùs vires musculorum indagari  
 possunt, & primò.

## PROPOS. CXXIV.

Musculorum tertium, & secundum articulos digito-

Cap. 17.  
De exa-  
ctiore in-  
quisitione  
virtutis  
motiue mu-  
sculorum.

rum manum flectentium, nec non Deltoidis exa-  
ctiores vires inquirere.

aProp. 82.  
huius.

Quia a ostendimus, quòd musculus flexor articu-  
lorum primi, & tertij digitorum manus ob ve-  
ctum longitudines, & ob inclinationem fibrarum  
penniformium exercet vim æqualem ponderi libr.  
176, & fibræ eiusdem musculi obliquæ longiores sunt  
duobus digitis, atque in digitali longitudine fibrarum  
continentur plusquam viginti machinulæ catenam fi-  
brosam constituentes; Ergo in singulis fibris prædicti  
musculi continentur plusquam quadraginta machinu-  
læ; verum ab infimo strato machinularum musculi  
eadem resistentia sustinetur, quæ ab integro fascicu-  
lo totius musculi, & ad illam resistentiam libr. nouem  
cum dimidia sustinendam requirebatur potentia moti-  
ua æqualis ponderi 176. libr; Ergo hæc vis exercetur  
ab infimo strato machinularum, sed ab omnibus cate-  
nis fibrosis eiusdem musculi exercetur vis motiua qua-  
dragesies maior, quàm ab infimo strato.

Igitur vis, quæ exercetur à musculo flexore primo-  
rum, & tertiorum articularum manus, maior est, quàm  
vis ponderis 7040. libr.

Eodem modo, quia vis motiua musculi flexoris se-  
cundorum articularum manus æqualis ostensa est vi  
ponderis librarum 157; Ergo ob longitudinem fibra-  
rum, seu catenarum, ex machinulis compositarum,  
quadragesies vis illa multiplicari debet: idcò æqualis  
erit ponderi libr. 6280.

Tandem, quia vis motiua musculi Deltoidis, quæ  
in tali constitutione exercetur, æqualis ostensa est pon-  
deri libr. 907, & integra eius vis reperta fuit æqualis  
poten-



potentiæ libr. 1540; Ergo <sup>b</sup> ob longitudinem fibrarum, & multiplicationem machinularum plusquam quadragesies erit vis motiua Deltoidis maior, quam potentia ponderis libr. 61600.

Cap. 17.  
De exa-  
ctiore in-  
quisitione  
virtutis  
motiue  
musculo-  
rum.

## P R O P O S. CXXV.

Vires Musculorum Gluteorum in casu propof. 53. exactius limitare.

bProp. 84.  
huius.

Quia ostendimus, quod vires Gluteorum musculorū ratione vectiū, erant æquales ponderi libr. 1840, <sup>a</sup> & ob inclinationem fibrarum radiosarum vires eorundem musculorum æquales erant <sup>b</sup> potentiæ ponderis libr. 2621, & totales vires fuerunt æquales ponderi libr. 6257, <sup>c</sup> & tan lem, quia fibræ illæ radiosæ longæ sunt; Videntur enim superare latitudinem quatuor digitorum ( ponantur maiores tribus digitis; ) Ergo catenæ fibrosæ compositz erunt ex pluribus, quam sexaginta machinulis; & proinde plus, quam sexagies multiplicari debent vires superius expositæ, quare superabunt potentiam ponderis libr. 375420.

aProp. 53.  
huius.

bProp. 83.  
huius.  
cProp. 85.  
huius.

## P R O P O S. CXXVI.

Vires musculi flexoris tertij articuli pollicis manus exactius limitare.

Quia <sup>a</sup> ostendimus, quod vis musculi flexoris tertij articuli pollicis manus est proximè æqualis ponderi libr. 124, & fibræ illius penniformes sexquidigitum excedere videntur: Ergo plusquam trigesies multiplicari debet vis illa; & proinde exactior potentia eiusdem musculi erit proximè æqualis ponderi libr. 3720.

aProp. 86.  
huius.

PRO-

Cap. 17.  
De exactiore in-  
quisitione  
virtutis  
motiue mu-  
sculorum.

## P R O P O S. CXXVII.

Vim motiuam muscutorum temporalium, & manso-  
riorum exactiorem reperire.

aProp. 88.  
huius.

Quia <sup>a</sup> ostensa fuit vis motiua muscutorum tempo-  
ralium, & manseriorum proximè æqualis ponderi  
libr. 534, & longitudines fibrarum radiosarum, &  
penniformium prædictorum muscutorum sexquidigito  
maiores non sunt; Ergo hoc nomine saltem trigesies  
vis illa multiplicari debet; & ideò eorundem muscu-  
lorum potentia motiua non erit minor, quàm sit vis  
ponderis libr. 16020.

## P R O P O S. CXXVIII.

Vim motiuam muscutorum intercostalium  
exactiorem indagare.

Propositione 90. ostensa fuit vis motiua musculo-  
rum intercostalium proximè æqualis ponderi libr.  
1068. & longitudines fibrarum eorundem musculo-  
rum sexquidigitum æquare videntur. Ergo vis illa  
ferè trigesies multiplicari debet.

Quare potentia absoluta muscutorum intercosta-  
lium non erit minor vi ponderis libr. 32040.

Eadem methodo reperiri possent vires absolutæ,  
quæ exercentur ab alijs musculis hominis, & reli-  
quorum animalium. Sed hæc sufficient ad propo-  
situm nostrum.

*De statione Animalium.*

## CAPVT XVIII.

**P**ostquam copiosè egimus de ingenti vi motiva, quæ à natura exercetur in varijs musculis, dum motiones simplicissimas edit suspendendo artus ipsos, & reliqua grauià resistentia appensà, modò considerari debent operationes ipsæ partium, & totius Animalis, scilicet motus varij artuum, & resultantes ab eis, vt rationes mechanicæ, quibus eadem operationes peraguntur, percipiamus. Et primò agemus de statione, seu de ipso standi actu animalium. Quæ speculatio nedum utilis, & scitu iucunda per se est, sed etiam, quia gressus Animalium stando peragitur, & sine statione intelligi non potest.

## P R O P O S. CXXIX.

Naturalis situatio articulorum non est directà,  
sed parumpè inflexa.

Experientia ipsa nouimus, quòd, dum in lecto iacemus in nulla positura libentiùs quiescimus, quàm inflexis parumper articulis. Et hoc rationi consonum videtur; nam extremæ positiones articulorum maxime extensæ, aut nimium contractæ, & inflexæ fieri non possunt absque violenta distractione, aut compressione tendinum, membranarum, & musculorum; quæ ex sui natura molestæ, & dolorificæ sunt. Ergo status medius inter extremas distractiones, & inflexiones erit naturalis, & ideò à molestia immunis, & suauis.



Cap. 18.  
De statione  
Animalium.

suavis. Ostendendum modò est, quòd status parum inflexus articularum est medius, & naturalis. Quia articuli facti sunt, vt flectantur, & vt extendantur; extensio maxima est illa, qua in directum expanduntur; flexio maxima fit, quando articuli omninò incurvantur; sed media constitutio iacet inter extremas. Ergo inter articuli rectitudinem, & eius curuitatem maximam, scilicet inflexio intermedia erit naturalis articularum constitutio.

### P R O P O S. CXXX.

Musculi flexores eiusdem articuli breuiores sunt extensoribus; & vtrique æquè contrahuntur.

Tab. 10. Fig. 7.

Ex dictis in præcedenti propositione facilè detegitur error illorum, qui aiunt, quòd musculi flexores eiusdem articuli longiores sunt suis antagonistis musculis extensoribus. Quia nomine longitudinis musculi intelligunt non solummodò fasciculum carneum, eiusque fibrarum extensionem in longum, sed fasciculum simul cum funiculis tendinosi, quibus ossibus alligantur; & inquiunt, quòd motus flexionis multò maior est extensione eiusdem articuli: pariterque aiunt, quòd musculi flexores longiores sunt, & magis decurtantur, quàm sit longitudo prædicti articuli; quæ omnia falsa esse ostenduntur.

Sit AB os humeri, & FO cubiti, & DC radij connexa circa articulum B; sitque ED musculus flexor cubiti alligatus in confinio D interno ossis radij DC, & in E summitate humeri; atque FG sit musculus extensor alligatus in F externo tuberculo cubiti FO, &  
in G

in G summitate humeri . Et primò, translato cubito in H, vt humerus AB cum cubito FC in directum constitutur: patet, quòd in tali directa constitutione, completur articuli dilatatio; nec absque ossium luxatione vltcrius cubitus torqueri potest, vltra terminum H versus sinistram partem I. Ergo terminus H rectæ linæ ABH, erit finis dilatationis, & initium flexionis: & è contra terminus L erit finis inflexionis, & principium dilatationis; circumductio verò cubiti FO efficitur per arcum HCL, paulò minorem semicirculo: cùmque eadem via arcus percurratur ab H ad L, quando articulus flectitur, & ab L ad H, quando articulus dilatatur: ergo præcisè quantum dilatatur articulus, tantum inflectitur.

Secundò, quia labrum D cavitatis articulationis radij, quando maximè discedit ab E, in directa articuli constitutione, non digreditur supra conuexum tuberculi B ipsius humeri; Ergo longitudo maxima musculi flexoris ED æqualis est longitudini ipsius humeri AB. At externum supercilium F ossis cubiti FO, quando maximè inflexum est in situ contiguo ipsi BA, tunc oportet, vt ambiendo tuberculum B perueniat F ad latus eius dextrum D. Quare longitudo maxima musculi extensoris FG, æqualis erit, nedum longitudini humeri GB, sed etiam spatio semicirculi BFD circumambientis articulationem. Quare tantum abest, vt musculus extensor sit minor longitudine flexoris, vt è contra extensor GFD superet longitudinem flexoris DE, excessu funiculi semicircularis BFD.

Tertiò, quia in conuersione cubiti ferè semicirculari HCL, supercilia cavitatis eius D, & F, æquè remo-

Cap. 18.  
De statio-  
ne Ani-  
malium.

ta à centro tuberculi, coguntur rotari per æquales semicirculares arcus, tam in expansione, quam in inflexione; sed tantum præcisè decurtantur muscoli ED, & FG, quantum termini eorum D, & F, rotando, approximantur suis principijs. Ergo æquè decurtantur muscoli ED, & GF, & proinde falsum est, quòd flexor DE magis contrahitur, quam extensor GF.

### P R O P O S. CXXXI.

Retentio articuli in directum non fit à tonica actione musculorum antagonistarum. Tab. 10. Fig. 7.

In eadem figura fit articulus ABC in media, & naturali sui ipsius inflexione, scilicet fit angulus ABC paulò maior recto, tunc planè ambo muscoli ED flexor, & extensor GF nil agunt, utpotè in naturali eorum extensione constituti. Dirigatur postea articulus, translato cubito in situ FH, tunc patet, quòd musculus ED plus iusto elongatur, distractis eius machinulis, & è contra musculus GF relaxatur, quia interuallum inter F, & G minuitur. Quare si consideretur materialis vis machinularum, manifestum est, quòd catena musculosa DE, distracta, spontè nisum aliquem exercebit, ut se ad pristinam contractionem reducat; at extensor GF, relaxatus, nullam vim contractiuam efficiet. Verùm talis facultas materialis machinularum, adeò exigua, & obscura esse videtur, ut à quolibet minimo obstaculo ponderis, aut alterius resistentiæ impediatur; ideò adhiberi debet vis animastica contractiua musculorum; & in tali casu; Dico, quòd solummodò musculus extensor GF, ab imperio voluntatis contrahi, tendi, & inflari debet, nil operante flexore ED,



re ED, quia, à quacūquē vi contrahatur musculus extensor GF, nunquam flectetur articulus FC versus I: aliter ossa luxarentur; Quare actio tonica, impediens flexionem cubiti versus I, efficitur à processibus ossium: & proindē non est necessaria contractio animastica musculi flexoris DE; conseruari ergo potest directio articuli, absque tonica tractiōe musculorum antagonistarum, sed à sola tractiōe extensoris.

Cap. 18.  
De statione Animalium.

## P R O P O S . CXXXII.

Corpus graue, & durum solo innixum quiescet, si linea INNIXIONIS, scilicet recta linea, à centro grauitatis eius ad contactum pauimenti extensa, perpendicularis fuerit ad horizontem: sin minus, ruet ad partes, vbi talis recta linea pender. Tab. 10. Fig. 8.

Sit corpus graue, & durum ABC, cuiuscunque figuræ, & innitatur plano horizontali RS in V, & à centro grauitatis eius G, ad contactum V, coniungatur recta linea GV. Dico, quòd si GV perpendicularis est ad horizontalem RS, tunc corpus ABC quiescet in tali situ erecto, at si angulus GVR fuerit acutus, necessariò ruet versus R.

Quia centrum grauitatis est punctum illud, à quo si graue suspendatur, quiescit; & suspensio fieri debet per directionem eiusdem rectæ lineæ, per quam nifus, & motus grauium exercetur, scilicet per perpendicularē ad horizontem: ergo graue ABC, suspensum ex G, centro grauitatis eius, per directionem fili DG perpendicularis ad RS, in tali situ quiescet immotum. Verum perinde suspenditur, fulciturque graue ABC à duritie pauimenti V, directione GV, perpendiculari

Cap. 18.  
De statio-  
ne Ani-  
malium.

ad horizontem, ac si à filo GD retineretur: igitur graue ABC innixum super V, quiescet immotum. At si angulus GVR fuerit acutus, necessariò ABC ruet versus R; ducta GX perpendiculari ad RS, cadet punctum X inter V, & R. Et quia graue AB fulcitur à veste inclinato GC circa centrum, vel fulcimentum V; & nisus grauitatis eius exercetur per GX, perpendicularem ad horizontem RS: ergo ex mechanicis perinde est, si graue AB fulciatur à veste inclinato GC, ac si innixus fuisset super planum GH, perpendicularare ad GC, quod planum GH est inclinatum ad horizontale planum RS: ergo graue AB necessariò labetur deorsum in tali inclinato plano constitutum, proindeque necessariò vnà cum veste GC flectetur, & cadet graue AB versus X.

Hæc vera sunt, quando corpus graue tangit pavementum in vnico puncto V; at si contactus fuerit amplius occupans spatium VT, tunc graue variè dispositum quiescere potest, dum perpendicularis à centro G ad planum horizontaleeducta, cadit intra spatium contactus VT. Sed ruet subitò, postquam perpendicularis CX cadit extra contactum VT.

### P R O P O S. CXXXIII.

Quot modis impediri possit ruina corporis grauis solo innixi, cuius linea innixionis inclinata sit ad horizontale planum. Tab. 10. Fig. 9. 10. 11.

a Tab. 10.  
Fig. 9.

Sit graue ABC<sup>a</sup>, cuius linea innixionis GV educta ex centro grauitatis eius G ad contactum pavementi V, efficiat cum horizontali RS angulum acutum GVR: impediri quidem poterit eius ruina.

Primò,

Primò, si in parte C obtusi anguli GVS addatur <sup>Cap. 18.</sup> aliud corpus D, ita vt amborum grauium ABC, & D <sup>De statio-</sup> centrum communis grauitatis O, secet rectam GD, in <sup>ne Ani-</sup> ratione reciproca ponderum eorundem; & ex O coniuncta OV: hæc, inquam, si perpendicularis fuerit ad RS, procul dubio grauia ABC, & D quiescent in tali situ. Et vocabitur OV linea PROPENSIONIS. Quia propensio grauium fit per lineam perpendicularem ad horizontalem RS.

Secundò, absque additione noui ponderis, ruina impediri potest <sup>b</sup>, si rotunda portio BC extendatur in longum ad instar brachij humani exporrecti, vt centrum grauitatis portionis BC transportetur in D, longius à puncto G, quàm prius fuerat; & proinde commune centrum grauitatis figuræ elongatæ ABC, fit O in OV perpendiculari, seu linea propensionis, vt in priori casu extiterat. <sup>b Tab. 10. Fig. 10.</sup>

Tertiò, non alterata figura corporis ABC, præcipitium impediri poterit <sup>c</sup>, addito fulcro XZ, quod cū linea innixionis GV constituat triangulum GVX, & perpendicularis GT, ex centro grauitatis G cadat in aliquod punctū T, interceptū inter puncta X, & V ipsius basis XV. <sup>c Tab. 10. Fig. 11.</sup>

## P R O P O S. CXXXIV.

Corporis humani in directum extensi, centrum grauitatis inter nates, & pubim existit.

Tab. 10. Fig. 12.

Extenso homine nudo super tabulam planam AB, in eius medio supposui cuneū prismaticum ED triangularem ad fulciendā tabulam AB perpendiculariter in  
eius



Cap. 18.  
De statione  
Animalium.

eius centro grauitatis , hæc tabula quiescebat æquilibrata, quotiescunque fulcrimentum cunei in puncto C, existente inter nates, & pubim hominis super tabulam iacentis, pertingebat . Quare centrum grauitatis illius hominis extensi in illo situ existerat .

### P R O P O S . CXXXV.

Exponitur , quibus posituris , & actionibus homines stare in situ erecto possunt .

Machina humani corporis constat ex pluribus columnis ossæis , quæ ad inuicem connectuntur, articulationibus rotundis , læuigatis , & lubricis . Hinc fit , vt vna ossæa columna super aliam superponi , erigi , & retineri in perpendiculari situ ad horizontem non possit absque fulcris , & colligationibus funium tendinorum , & musculorum ; eoquod ob dictam rotunditatem basium columnarum ossæarum , innixiones fiant in punctis, non verò in superficiebus planis, eo modo , quo partes columnæ ex pluribus faxis ex explanatis compositæ , stabili contactu basium planarum erectæ persistunt .

Patet ergo , quod ossa artuum animalis inseruiunt , vt columnæ , & insuper , vt vestes : vt columnæ , in situ erecto sua duritie pondus totius animalis sustinent , nec indigent auxilio musculorum . At , quando virgæ ossææ inclinantur , & comprimuntur à proprio , & ab incumbente pondere , in tali situ quiescere non possunt , nisi à vi animastica prohibeatur casus , & procluentia eorum, trahendo funes musculorum , quibus alligantur .

His præmissis : quia homines stare dicuntur , cum  
vniuer-

vniverſa machina corporis eorum in ſitu erecto perpendiculariter ad horizonrem permanet; & tunc offeæ Columnæ tibiæ, fæmorum, & ſpinæ, erectæ, vna ſuper alteram incumbunt, hac tamen lege, vt linea pro-  
penſionis, ex centro grauitatis totius humani corporis, cadat perpendiculariter inter plantas duorum pedum, aut ſuper vnus pedis plantam ( aliter in ſitu erecto conſiſtere non poſſet, ſed rueret ad partes, vbi linea innixionis inclinata eſt ſuper planum horizontale ): igitur in tali poſitura, oſſa officium columnarum præſtant; & ideò ſua duritie opus ſuſtentationis abſoluunt, nec laborioſo vllò molimine animatiſta facultas fatigari deberet. At quia inſtabilis eſt poſitura illa erecta, ob lubricitatem capitum articulorum, vt dictum eſt: hinc fit, vt homines ſtantes perpetuò vacillent, & ideò auxiliariis funibus muſculorum indigeant, à quorum tractiōe errores corrigantur, & lapſus prohibeantur.

## P R O P O S. CXXXVI.

Non conſeruantur homines in ſitu erecto, actione tonica, à muſculis antagoniſtis omnium articulorum.

Videndum modò eſt, à quibus muſculis hominum ſtantium vacillationes corrigantur.

Et primò reiſci debet error eorum, qui cenſent ab omnibus muſculis extenſoribus, & flexoribus ſimul tonica actione operantibus poſituram erectam hominis conſeruari. Quia nutatio, & lapſus fieri poteſt ante, retrò, & ad latera: caſus anterior fit flexendo crura verſus pedes, & flexa ſpina verſus genua; fæmur enim

Cap. 18.  
De statio-  
ne Ani-  
malium.

enim antè circa genu flecti non potest absque luxatione; at inclinatio angulorum pedis, & fæmoris impediri, & dilatari non potest, nisi à musculis extensoribus pedis, nempe à Soleis, & à Gluteis; non verò à musculis flexoribus eorundem articulorum; nam hi potius ruinam sollicitarent. Quare otiosi permanent. Ergo flexio, & casus versus anteriorem partem, impeditur solummodò ab extensoribus musculis, non verò actione tonica ab extensoribus, & flexoribus simul operantibus.

Casus posticus fit nimis extenso pede, flexo fæmore retrorsum circa genu, vel circa summitatem tibiæ, & inclinata spina retrorsum: ergo flexura genuum dirigi solummodò poterit à musculis extensoribus eius, non autem à flexoribus eiusdem. Verum est tamen, quòd nimia pedis extensio, & retrograda incurvatio coxæ, impeditur à musculis flexoribus pedis, & fæmoris.

Eodem modo vacillatio lateralis ab extensore contraposti muscoli reparari, & dirigi poterit. Igitur homines non stant retenti actione tonica omnium musculorum antagonistarum, sed solummodò operantibus omnibus extensoribus, & aliquibus flexoribus, dum aliqui muscoli flexores genuum in otio quiescunt. Undè in pedibus, & coxis actio tonica locum habere potest, non verò in Genu.

#### P R O P O S. CXXXVII.

Homines singulari calcaneo, aut apice pedis innixi stare non possunt; difficilè super vnica planta pedis: & facillimè super duobus pedibus innixi stant.

Flexo



Flexo pede, & eleuata eius plantâ, contingat pauimentum apex calcanei, qui cum sit rotundus, & globosus, necesse est, vt tangat pauimentum ferè in puncto; quare linea innixionis coniungens centrum grauitatis totius humani corporis, & contactum pauimenti, super vno puncto consistet, vtque homo stare possit, oportet, vt talis linea sit quoque propensionis, scilicet sit perpendicularis ad idem planum horizontale, & talis innixio perpendicularis super vno pede videtur impossibile, vt conseruari possit firmiter; eo quod nunquam humana machina, eiusque partes solidæ, & fluidæ in omnimoda quiete permanere possunt; cum respiratio, fluxus humorum, & mille causæ externæ continenter eam concutiant: ergo in perpetua vacillatione constitutus homo, innititur super apicem vnus pedis, aut super saxum, aut lignum acutum.

Si verò tota planta pedis solum tangat, licet non sit impossibile, difficultate non leui homo stabit super vno pede innixus; quia vi muscutorum potest homo se torquere, inflectere, & erigere reducendo lineam propensionis, vacillantem per amplum contactum [pauimenti, occupatum à planta pedis, quæ in aliquo puncto illius spatij consistere potest perpendiculariter erecta ad planum horizontis; & tunc stabit homo, vt dictum est.

Tandem si duobus fulcris crurum, & duobus plantis pedum homo innitatur, facillimè stabit. Quia intra grande spatium quadrangulare, occupatum à duabus plantis pedum, & à superficie soli subiecti, inter eas intercepta, vagari potest linea propensionis, quæ facile situm inueniat, in quo perpendiculariter insistat super

F f

planum

Cap. 18.  
De statio-  
ne Ani-  
malium.

planum horizontale; & proinde licet homo vacillet,  
poterit stare absque ruina.

P R O P O S. CXXXVIII.

Gradus virium, quos singuli pedes exercent, dum ho-  
mo stat, inquirere. Tab. 10. Fig. 13.

Sit R machina humani corporis, cuius centrum gra-  
uitatis sit A; & duabus columnis inclinatis pedum BA,  
& CA, corpus R fulciatur; sitque linea propensionis  
ADH, & secetur linea AG, ad quam linea BA sit, vt  
potentia fulcri BA ad potentiam fulcri AC; coniun-  
gatur GI parallela horizontali BC: producantur  
in directum lineæ BA, CA, secenturque ab FHE  
parallela CB. Dico, quòd, vt pondus R ad vim,  
quam exercet fulcrum pedis AB, ita est DA simul  
cum AI ad AB; & vis fulcri AB, ad vim, quam exer-  
cet fulcrum AC, est, vt AB ad AG. Quia perindè, &  
eadem vi pondus R sustinetur à fulcris BA, & CA, ac  
si filis AE, & AF similiter inclinatis suspenderetur:  
Ergo potentia funiculi EA ad potentiam funiculi FA,  
seu potentia fulcri BA ad potentiam fulcri CA est, vt  
BA ad AG. Quare <sup>a</sup> potentia fulcri BA mensuratur à  
longitudine lineæ BA, & potentia fulcri AC mensu-  
ratur à linea AG; atque pondus R totius hominis men-  
suratur à lineis AD, & AI simul sumptis. Igitur co-  
gnita gravitate hominis, habebitur gradus potentiae,  
quam exercet quilibet pedum.

a Prop. 69.  
huius.

## P R O P O S. CXXXIX.

Cap. 18.  
De statione  
Animalium.

Vacillatio hominis stantis, super plantis pedum innixi, exiguo labore corrigitur. Tab. 10. Fig. 14.

Intelligatur corpus graue R esse humanum corpus innixum plano horizontali ST, crure, & fæmore BD inclinato, ita vt linea perpendicularis BV, à centro grauitatis B ducta ad punctum V, sub planta pedis existens, perpendicularis sit ad horizontalem ST: patet ex ante præmissa, quòd homo stabit, & retinebitur in tali situ parum inclinato à potentia muscutorum pedem extendentium. Ostendendum modò est, quòd exiguo labore erigi omninò potest, vt directio cruris BD fiat perpendicularis ad horizontem ST. Quia arcus BDV comprimitur à duabus potentijs contrarijs, scilicet à pondere R, & à resistentia pauimenti per eandem directionem BV; & earum momenta sunt æqualia, eo quòd vna alteri non cedit; atque resistentia soli firmi, perinde prohibet descensum vectis DV, ac si in libra inflexa BDC radiorum æqualium, fulta in centro D suspenderetur, & ex C termino radij horizontalis aliud pondus X, quod æquilibraretur ponderi R: ergo a tunc potentia absoluta R, obliquè premens radium BD, per directionem BV perpendicularem ad radium horizontalem CD ad eius momentum, seu ad pondus X, perpendiculariter premens radium DC, eandem proportionem habebit, quam CD, seu ei æqualis DB habet ad DV.

a De Vi  
percussio-  
nis prop.  
39.

Quia verò in principio vacillationis, distantia DV exigua est respectu longitudinis BD, seu DC, fit, vt totius machinæ humani corporis R momentum sit mi-



Cap. 18.  
De statio-  
ne Ani-  
malium.

nima pars ponderis absoluti eiusdem; & proinde musculi extensores articuli pedis, qui officium ponderis X suppleant, exercere debent minimam vim, ut erigant vectem DB versus perpendicularum.

### PROPOS. CXL.

Quotiescunque linea propensionis corporis humani cadit extra vnus pedis innixi plantam, aut extra quadrilaterum comprehensum à duabus plantis pedum: impediri ruina à quocunque musculorum conatu non potest. Tab. 10. Fig. 15.

Sit Corpus humanum R innixum pauimento ST, quod tangat tota amplitudo plantæ pedis BC. Et primò sit angulus articuli pedis ABC obtusus, tunc perpendicularis AV cadet extra plantam pedis. Dico, quod à quocunque musculorum conatu ruina impediri non potest. Quia non potest prohiberi ruina corporis grauis R versus V, nisi vectis AB flectatur versus S, scilicet, nisi angulus ABS imminuatur: at flexo, & acuto reddito angulo articuli B, à vi musculorum cruris, oportet, ut pes CB approximetur cruri AB; quod fiet eleuato pede CB, & flexo vsque ad BD: non enim possibile est, ut vniuersa corporis R grauitas, existens in A, cedat pusillo ponderi pedis CB, quod non alligatur, sed simplici contactu vnitur pauimento ST. In tali casu tota machina RABD innitetur super calcaneum B; & proinde pondus vniuersale ex A ruet versus V.

Secundò, cadat perpendicularis linea propensionis AV ad partes anguli acuti ABC ultra pedis apicem C, eadem

eadem ruina irreparabilis sequetur. Quia impediri ruina non potest, nisi à musculis extensoribus pedis, ita vt articulus B maiorem angulum acquirat; quare innixio fiet in C apice pedis; & proinde linea innixionis AC adhuc inclinata erit ad planum subiectum horizontale. Igitur ruet pondus R versus perpendiculum ad partes V.

Cap. 18.  
De statione Animalium.

## P R O P O S. CXLI.

Iisdem positis, exponuntur modi, quibus initium ruinae impediri potest. Tab. 11. Fig. 1.

Ex hæcenus dictis colligitur, quòd vacillatio hominis stantis, propriè fit inclinatis cruribus hinc inde à linea perpendiculari erectionis supra planum horizontale; dum tamen linea propensionis, ex centro gravitatis humani corporis ad horizontem eduçta, licet hinc inde moueatur, non tamen egreditur extra plantam vnius pedis stantis, aut extra spatium quadrilaterum à duobus pedibus comprehensum: & talis vacillatio facillè corrigitur à musculis flexoribus, aut extensoribus pedum, & crurum.

At, quando linea perpendicularis propensionis cadit extra spatium à pedibus occupatum, tunc ruina subsequi potest, nisi mechanicis adiumentis corpus ruens fulciatur. Hoc autem quomodo, & quot modis præstari possit, modò exponendum est.

Ruina corporis obliquè solo innixi, in principio eius, fit motu tardissimo, & exilissima vi; hinc fit, vt citò adhiberi medicina huic malo possit. Subito a postquam linea innixionis AB recedit à situ perpendiculari ad hori-

a Tab. 11.  
Fig. 1.

Cap. 18.  
De statio-  
ne Ani-  
malium.

horizontem TS, incipit motus circularis corporis gra-  
uis R in A vim exercentis, vnà cum vecte AB, circa  
centrum B, qui transitus summitatis radij, ob mini-  
mam decliuitatem supremæ circumferentiæ, tardissimo  
motu fit, vt constat ex mechanicis. Ergo poterit ab  
animastica vi, caput, aut pectus R, celerrimè per muscu-  
los flecti ad partem DE, oppositam inclinationi  
ABV, quousque centrum grauitatis communis A  
transferatur in E, ita vt EB fiat linea propensionis per-  
pendicularis ad horizontem TS, & tunc ruina impe-  
ditur.

bProp. 13.  
huius.

Præterea, quando incipit inclinatio ABS, momen-  
tum, quod exercet graue R innixum columnæ, seu ve-  
cti AB minimùm inclinato est quoque minimùm;  
cùm<sup>b</sup> habeat eandem proportionem ad pondus abso-  
lutum eiusdem grauis R, quam VB habet ad radium,  
seu vectem AB; & idèd à translatione capitis, vel pe-  
ctoris, per exiguum spatium compensari, & æquilibra-  
ri illud minimum momentum potest.

Euidentiùs hoc præstatur, extenso crure AH, vel  
brachio CD ad partem oppositam lateris ruentis; tunc  
enim extenditur vectis, à quo pondus exiguum bra-  
chij acquirit maius momentum, ob longitudinem ve-  
ctis CD, à quo facilè centrum grauitatis ex A ad E  
transportatur, & sic ruina impeditur.

Multoties lapsus impeditur ab innixione, & percus-  
sione facta super aerem ambientem; sicut Aues, altera  
alarum percutiendo aerem dextrum, reuoluuntur ver-  
sus sinistram. Sic quando homo incipit ruere versus  
dexteram T, tunc manus CD extensa, & expansa per-  
cutit aerem velocissimè per arcum DF, à cuius resisten-  
tia homo repellitur versus S: & siquidem energia talis  
percus-



percussionis transferre valet centrum communis gra-  
uitatis vsque ad E, vt EB fiat linea propensionis per-  
pendicularis ad horizontem, tunc lapsus impiedetur. 1 Cap. 18.  
De statio-  
ne Ani-  
malium.  
Hoc euidenter obseruatur à funambulis, qui hasta præ-  
longa nedum æquibrantur producta hasta ad instar  
vectis modò ad dexteram, modò ad sinistram; sed etiam  
quando vrget maius periculum lapsus, tunc vehemen-  
tissimè hasta percutiunt aerem illius lateris, & sic re-  
stituuntur in situ erecto æquibrati.

Tales porrò artificiosissimi motus mechanici habitu  
quodam fiunt, acquisito ab infantia; & ideò, nobis non  
aduertentibus, absque vllo actû reflexo fiunt.

## P R O P O S. CXLII.

Quomodo homines, flexo corpore, persistere, erigi, &  
magis incuruari possunt, vno, vel duobus  
pedibus innixi, absque ruina.

Tab. 11. Fig. 2.

Flexis articulis cruris, & pedis, homo pauimento,  
extremis pedibus innixus, stabit quidem, quotiescun-  
que linea propensionis à centro grauitatis totius cor-  
poris perpendiculariter ceciderit super plantam pedis  
innixi, aut super spatium à duobus pedibus occupa-  
tum. Vt flexis articulis clunium C, genuum D, & pe-  
dum E. Centrum grauitatis capitis, thoracis, & ven-  
tris proni sit A; centrum grauitatis coxendicum sit G;  
atque centrum grauitatis crurum sit H: tunc linea re-  
cta, coniungens centra grauitatum A, & G, diuidatur  
legibus mechanicis in I<sup>a</sup>, scilicet in proportionem reci-  
proca ponderum. Et rursus coniuncta recta IH sece-  
tur in ratione ponderum reciproca in L, erit L cen-  
trum

a Prop. 3.  
De æquep.  
in Archi-  
med. Au-  
ctoris.

Càp. 18.  
De statio-  
ne Ani-  
malium.

trum grauitatis totius corporis humani sic inflexi. Tandem si ex *L* cadat perpendicularis *LB* ad horizontem, *ST*, quæ pertingat in aliquo puncto pedum *F*, *E*, vel inter duas plantas pedum, tunc tota machina inflexa, permanebit erecta absque ruina, & hoc semper verificabitur, quomodolibet variata inflexione, tam in motu, quàm in quiete; itaque quantum antèriùs promouetur vectis *CR* capitis, pectoris, & ventris, tantundem clunes *C* retrocedunt, vt semper linea propensionis *LB* media sit, & incidat perpendiculariter super plantam pedis, vt dictum est.

Et admiratione dignum est, quòd in tanta motuum varietate, in cursu, saltu, & tripudio, semper hæc naturæ lex æquilibrj obseruatur; & quotiescunque negligitur, aut affectatè transgreditur, necessariò lapsus, & ruina subsequitur.

Hinc est, quòd stantes iuxta parietem posticè sibi contiguum, non possunt pectus profundè antèriùs inclinare absque ruina; sed necesse est, vt linea propensionis perpendiculariter cadat inter duos pedes, vt stare possint.

Hinc quoque est, quòd sedentes, pectore, & cruribus ad horizontem erectis, surgere è sella non possunt; quia tunc centrum grauitatis pectoris, & coxendicum cadit retrorsum longè à plantis pedum: ergo eleuari non possunt, nisi caput, & pectus valdè inclinentur antèriùs, vel nisi pedes retrocedant, aut connectantur firmiter alicui retinaculo, ad instar vncini, & tunc à centri grauitatis commutatione, vel à valida musculorum actione genua dirigi, clunes, & pectus suspendi, & antèriùs incuruari possunt.

## P R O P O S . CXLIII.

Cap. 18.  
De static-  
ne Ani-  
malium.

Quarè stando alternis pedibus perpendiculariter innixis minùs fatigamur, quàm quando à duobus simul operantibus fulcimur, ratio indicatur. Tab. 11. Fig. 3.

Experientia constat, quòd diuturna statio super duos pedes B, & C, æquè inclinatos laboriosam lassitudinem inducit, quam moderare, & minuere solemus innitendo vniuersam machinam humani corporis super vnum pedem AB, perpendiculariter erectum ad Horizontem, nil ferè tunc cooperante reliquo pede AC. Postea commutata vice, pes qui priùs quieuerat onus vniuersum suscipit, & talis vicissitudo minùs laboriosa esse solet, quàm illa continuata sustentatio facta à duabus columnis pedum simul æquali vi, & consimili positura operantibus.

Hoc problema aliqui resoluunt, dicendo, quòd dùm stamus duobus pedibus innixi, omnes muscoli amborum crurum, tam flexores, quàm extensores motu tonico laborant; è contrà quando ab vnico pede fulcimur huius pedis musculi solummodò agunt, & reliqui quiescunt otiosi: & quia duplo laboriosa est actio, qua omnes musculi exercentur, quàm si eorum medietas laboret. Ideò suademur faciliùs, & minori lassitudine stare nos posse super vno pede, quàm super duobus innixi.

At non animaduertunt hi præclari viri falsitatem assumpti eorum. Verum est, minori labore, nèmpè sub duplo, ab vna manu dextra pondus decem librarum sustineri, quam si aliæ decem libræ à sinistra quo-



Cap. 18.  
De statio-  
ne Ani-  
malium .

que suspenderentur ; nàm tunc duæ manus duplum pondus 20. libr. eleuarent , quàm vna manus sola ; At falsum est , quòd idem pondus 20. libr. faciliùs ab vnica manu sustineatur , quàm si sub diuiso onere 10. libræ à singulis manibus suspenderentur . Eodem modo fatigari magis deberent muscoli vnus pedis duplum pondus totius hominis sustinendo , quàm subdiuiso onere super duobus pedibus ; itaut medietas ab vno quoque fulciri deberet .

Et passim obseruamus , quòd ingens pondus intergrum multòties ægrè mouere possumus , at in partes subdiuisum facilè attollimus , & transportamus . Quia nempè ad minorem resistentiam superandam muscoli vires sufficiunt , eorum fibræ minùs distrahuntur , & minùs lacerantur . Insuper videmus , quòd præcipua , & potissima causa lassitudinis , & molestiæ facultatis animalis , est assidua , & continuata actio eorundem musculorum ; Cùm è contra actione interrupta , pausis interpositis , minùs molestè pondera grauiora sustineamus ; sicuti stando maiorem lassitudinem patimur , quàm lenitè deambulando . Quare patet , quòd alterna positura , & innixio modò super vnum , modò super alium pedem est quædam commutatio similis deambulationi . Horum effectuum primaria causa indicabitur inferiùs <sup>a</sup> . Cæterùm tanta est vtilitas commutationis , & quietis à labore , vt sedendo , & duobus pedibus solo innixis molestiam patiamur , & mirè recreemur imposito vno crure super aliud , per breue tempus , & vicissim si illud , quod subijciebatur postea alteri superponatur ; in qua alterna transpositione crus subiectum comprimitur à pondere proprio , & à pondere cruris incumbentis , & nihilominùs talis commutatio delectat .

PRO-

## PROPOS. CXLIH.

Auium bini pedes aliquo pacto differre à pedibus hominum. Tab. II. Fig. 4. 3. & 6.

Cap. 18.  
De statione Animalium.

Aues quoque binis pedibus stant, & gradiuntur; sed non eodem modo, ac homines; quod pendet ex structura diuersa articularum pedum. Differunt enim primò, quoad numerum ossium; secundò, quoad formam eorundem; tertio, quoad distributionem, & structuram musculorum; quartò, quoad articulos.

Et primò<sup>a</sup> Aues RS habent os femoris BC minùs longum, quàm crus CD, secus quàm homines, annexum supernè firmo ossi carinæ HS, quæ coxendici humanæ correspondet; infernè verò vnitur tibiæ circa genu C. Huic in homine connectuntur duo ossa æquè longa, tibiæ nempè, & fibulæ; at in Auibus os tibiæ CD solitarium, & prælongum succedit, & loco fibulæ habent Aues aliquæ breue, gracile, & acuminatum officulum. In homine, tibiæ annectitur extremus pes compositus ex pluribus ossibus, quæ veluti secundam tibiam plantarem exporrectam constituunt, quia prostrata tota eius longitudo solo innitur; at in Auibus succedit tertium os DE prælongum, & rotundum, quod suspensum à Terra retinetur; idque vocari potest crus pedale. Tandem in hominis extrema parte pedis succedunt digiti, qui non secus, ac tota plantæ longitudo pauimentum tangunt. At in Auibus succedunt paritèr digiti longiores EG veluti à centro in orbem expansi, ijs solummodò Auis pauimentum tangit, & super eos innitur, vt nos calcaneis eleuatis aliquando extremis digitis pedum solo innixis stare, & ambulare solemus.

<sup>a</sup> Tab. II.  
Fig. 4.

Cap. 18. Secundò conformatio pedum valdè diuerfa esse videtur, nam in hominibus prima articulatio à Terra eleuata, quæ genu M<sup>b</sup> constituit, antrorsum vergit, & retrorsum flectitur; at in Auibus prima articulatio D c eleuata, Terræ proxima, retrorsum vergit, & antrorsum flectitur. Verùm accuratiùs aduertenti, illa Auis prima articulatio est calcaneus pedis, non genu tibiæ, quia fæmoris, & tibiæ articulatio C, quæ patellam habere solet, & genu humano M correspondet, in Auiibus occultatur à pluribus musculis, & antrorsum vergit: postea auium articulatio subsequens D tibiæ, & cruris pedalis calcaneum constituit, & correspondet calcaneo humano eleuato L, quando innitimur extremis pedum digitis.

Tertiò diuersissima quoque est distributio, & conformatio musculorum; in homine enim omnes musculi digitos pedum flectentes initium habent, aut in calce B, aut in tibia MB, & nullus supra genu M prolongatur; At in Auiibus<sup>d</sup> nullus musculus flexor digitorum in ipso pede propriè dicto EG, nec in tibia pedali ED, aut in termino supremo eius D, calcaneo humano respondente, initium habet, sed aliqui, aut summitatem tibiæ cruralis C attingunt, aut supra genu ad fæmur BC feruntur, aut supra altissimam fæmoris articulationem spinæ ossis coxendicis, vt in HS annectuntur. Talis est musculus biuenter, qui prolixo tendine, per canalem in conuexitate fæmoris tuberculi infimi incisum, perque vaginam tendinosam in illo genu formatam transiens, postea per aliam cartilagineam vaginam in conuexitate calcanei eleuati cruralis excurrentis, & tandem per fasciam, trochleamque in extrema planta pedis alligatam producitur, & ad extremos



mos digitos ramificatur, vt eos flectat.

Quartò Auium articulationes pedum euidentes quatuor sunt. Prima in supremo osse coxendicis B; Secunda in genu C; Tertia in calcaneo eleuato D; Quarta in E planta extrema pedis, & ad radices digitorum. In hominibus hæc quoque quarta articulatio adest, sed deficere videtur, quia innixio fit super totam longitudinem pedis, & super duos articulos, calcanei scilicet, & connexionis digitorum.

Notandum etiam est, quod articuli prædicti auis B, C, D, E, ad partes oppositas alternè vergunt, exceptis duobus infimis; nam primus, omnium supremus B flectitur anteriùs; secundus, nempe genu C posterius; tertius D calcanei flectitur anteriùs, & E quatuor digitorum in Auibus incuruatus est versùs eandem partem anteriorem.

Quintò notabilis quoque est situatio supremæ articulationis pedum in Auibus, quarum ventres cum pronè Orizonti parallelæ iaceant fulciri debent in B medio longitudinis earum RS. Contra hominis erecta positura fulciri debet in A<sup>f</sup> infima parte ventris, seu longitudinis eius.

Cap. 18.  
De statione Animalium.

e Tab. II.  
Fig. 4.

f Tab. II.  
Fig. 3.

#### P R O P O S. CXLV.

In Auibus musculi extensores pedum multò longiores sunt suis flexoribus correspondentibus, quàm in hominibus.

Quia Aues ferè omnes victum, & lapillos rostro prono in campis sibi quæritant, non possunt stando, & deambulando longis pedibus altiùs à Terra remoueri, sed

Cap. 18.  
De statio-  
ne Ani-  
malium.

sed valdè illi approximari debent. E contra non possunt volatum inchoare, nisi prolixo saltu è terra exiliant, ne alæ expansæ solo impactæ disrumpantur; & talis saltus fieri non potest, nisi crura valdè elongentur; ergo pedes Avium valdè elongabiles esse debuerant ob volatum; & simul valdè contrahibiles, ut terræ proximi famem explerent. Hoc autem exigebat excedentem longitudinem ossium pedis, sed valdè inflexam; & quia frequentius, & diuturniori mora pacendo, volando, & dormiendo pedes inflexi, & decurtati retineri debuerant; igitur magis apti, & dispositi esse debuerunt muscoli ad incurvatam situationem pedum retinendam, quàm ad directam eorum extensionem. Hinc deducitur, quòd naturalis situatio articularum Avium sit multò magis inflexa, quam in hominibus, ut patet <sup>a</sup>, scilicet constituent angulos valdè acutos. Cùmque naturalis musculorum constitutio aptari, & conformari debuerit dispositioni naturali articularum, hinc fit, ut muscoli extensores, qui per ambitus conuexos articularum circumduci debebant <sup>b</sup> longiores fieri debuerint, quàm muscoli flexores, qui breviori circuitu cavitatum articularum commensurari debebant. Necessitas prædictæ inæqualitatis facile percipitur ex eo, quòd plurium linearum curvarum inter se æquidistantium, eisdemque terminos habentium, semper internæ, concavæ, & contentæ, breviores sunt conuexis continentibus.

a Tab. 11.  
Fig. 4.

b Prop.  
139. huius.

## P R O P O S. CXLVI.

Inquiritur modus, quo Aves stant.

Videmus, quòd neque stando, neque perambulando

lando Auium pedes diriguntur, vt eorum articulis omninò explicatis, osseæ columnæ rectam lineam constituent, & ad instar columnarum, perpendiculariter plano horizontali innitantur, vt in hominibus contingit, sed semper vectes ossei pedum complicati, & ad inuicem inclinati ad angulos acutos sustinent ex centro grauitatis machinam Auis pronam. Ex eo igitur, quod Auis sic fulta stat absque ruina, deducitur, quòd linea recta propensionis ex centro grauitatis Auis perpendiculariter ad horizontale planumeducta incidat in spatium à planta vnus pedis occupatum, vel à duobus pedibus comprehensum.

Præterea ex eo, quòd omnes quatuor articuli complicati sunt, sequitur, quòd nullus articulus retinetur in tali situ inflexo actione tonica, scilicet operantibus musculis antagonists æquali vi, sed necesse est, vt soli muscoli extensores totum opus sustentationis peragant, in otio remanentibus musculis flexoribus. Hæc omnia faciliè ex dictis eliciuntur.

## P R O P O S. CXLVII.

Quæritur, quare Aues vno pede innixæ faciliùs stant, quàm homines. Tab. 11. Fig. 4. & 3.

Ratio, quare homines vno pede innixi difficilè stant, est, quia ob vacillationem agrè retinetur linea propensionis AB<sup>a</sup>, scilicet ex centro grauitatis ad horizontem perpendicularitereducta intra spatium angustum, à planta vnus pedis occupatum. At in Aui-  
bus multò faciliùs impeditur digressio lineæ propensionis AE<sup>b</sup> à spatio occupato à digitis prælongis EG  
vnus

<sup>a</sup> Tab. 11.  
Fig. 3.

<sup>b</sup> Tab. 11.  
Fig. 4.



Cap. 18.  
De statio-  
ne Ani-  
malium.

vnus pedis, eo quòd faciliùs vacillationes corrigun-  
tur: primò, quia sicut prælona hâsta horizontaliter  
extensa, & à puncto intermedio suspensa faciliùs ful-  
citur, retineturque æquilibrata, quàm in situ erecto  
super manus plantam fulta, sic corpus auis in situ  
prono faciliùs ex media longitudine sustinetur æquili-  
brata, quàm corpus hominis erecta positione. Se-  
cundò, linea innixionis AE in auibus breuissima est, at  
valdè prolixa in hominibus, ergò vacillationes, quæ  
à prædictis radijs inæqualibus describuntur, faciliùs  
in Auibus corriguntur ob exiguitatem, quàm in homi-  
nibus. Tertiò, Aues corpore parum graui donantur,  
vt postea ostendemus; contra homines ponderosi  
valdè sunt; quare faciliùs vacillationes leuis, & rari  
corporis Auis corrigi possunt, quàm hominum. Quar-  
tò, digiti pedis humani breues coniuncti, & paralleli  
inter se diriguntur per eandem pedis directionem: at  
articuli pedis Auis EG prælongi, articulati, & ad in-  
star radiorum in orbem expanduntur; ergò faciliùs ab  
Auibus impediri possunt vacillationes, nedùm ante-  
riores, & posteriores, sed etiam laterales, prout digiti  
distincti, pauimento innixi, vt fulcra, machinam ruen-  
tem sustentant. Ob has igitur causas Aues faciliùs  
singulari pede innixæ stare possunt, quàm homines.

### P R O P O S. CXLVIII.

Quomodò funis à regulæ inflexione trahi possit.

Tab. 11. Fig. 5.

Intelligentur duæ regulæ duræ AB, & BC connexæ  
circa nodum, seu articulum B, sitque postea funis ten-  
dinosus DEF alligatus termino firmo regulæ AB  
in D;

in D, & excurrēs circa trochleam F distendatur à pondere appenso R. Manifestum est, quòd quando duæ regulæ in directum constitutæ sunt, tunc longitudo recta funis DF æqualis est longitudini duarum regularum, quæ mensuratur ab axibus AB, BC, quia latera opposita parallelogrammi AD, FC æqualia inter se sunt. At si regulæ circa centrum nodi B inflectantur, vt BC transferatur in sitū BC, efficiendo angulum ABC; tunc necesse est, vt longitudo conuexa funis DEH comprehendens maior sit longitudine comprehensâ earumdem regularum mensurata ab Axibus earum, & à fune DEF; & proindè funis circumductus DEH maior erit, quàm DEF; at supponebatur funis tensus, & tractus à pondere R; ergò post inflexionem pondus R sursum eleuabitur, traheturque ob solam inflexionem regularum. Et aduerto, quòd quantò magis incuruatur Arcus ABC, eò magis trahitur sursum pondus R; itaut si omninò regulæ flectantur, vt earum facies se mutuò tangant, tunc eleuatio ponderis R æquatur semicircumferentiæ tuberculi, seu nodi B.

## P R O P O S. CIL.

Necessitate mechanica digiti pedum Auium strictè complicari debent ab inflexione articulorum pedis. Tab. 11. Fig. 6.

Præmissò hoc lemmate, sit AB extremitas carinæ ossæ Anis, & in cuius acetabulo C annectitur tuberculum supremum femoris CD; huic verò annectitur in genu ID os tibiæ DL, atque in huius extremo calcaneo suspenso E coniungitur crus pedale LF, & tandem in F annectuntur articuli digitorum FG.

H h

Posteà

Cap. 18.  
De statione Animalium.

Postea obseruauī, quod præcipuus musculus biuenter flexor digitorum connectitur extremitati ossis carinæ in HC; & deinceps tendine valido, & tereti coniungitur patellæ in I in aliquibus, at in Cygno, Aquila, & Accipitre per canalem in genu I incisum intra vaginam tendinosam excurrit, & per trochleam lateralem K fertur ad posteriorem terminum tibiæ, & ibidem alijs musculis flexoribus digitorum, originem habentium in termino D fæmoris, & in principio tibiæ vniuntur eorum tendines in M cum priori tendine biuenteris musculi, qui omnes simul vniti excurrunt in E, & ibidem in ipso calcæneo per vaginam cartilagineam leuem, & lubricam insinuantur, excurruntque ad infimum terminum pedis F, atque hic per nouam vaginam, seu fasciam tendinosam insinuantur, & deinceps ramificati per infimos canales tendinosos, terræ contiguos, excurrunt vsque ad radices vnguium G, G, G.

Præterea notaui, quòd, quando articuli I, & L diriguntur, quando scilicet tria ossa CD, DL, LF rectam lineam constituunt, vel parum à rectitudine recedunt; tunc tendines HIKEF non sunt omninò tensi, & ob relaxationem eorum digiti FG expansi, & dilatati permanant. At si compressa carina AB articuli totaliter flectantur, vt fæmoris CD facies suprema IC tangat faciem carinæ AC, & tibiæ facies suprema DE tangat infimam faciem fæmoris DC, atque suprema facies cruris pedalis EF tangat infimam faciem tibiæ IL, vt videre est tab. 11. fig. 7. tunc articuli pedis FG arctissimè complicantur, & ad inuicem constringuntur tanta vi, vt in Aquila, & Accipitre mortuis non potuerim cuneum ligneum inter digitos insinuare. Hinc manifestum est, quòd talis valida tractio pendet ex lege mecha-



mechanica mox exposita a, scilicet, quia dimensio fu-  
 nis tendinosi HIKEF. post complicationem articulo-  
 rum breuior est interuallis conuexis ossium CDEF  
 comprehensorum.

Cap. 18.  
 De statione  
 Animalium.

Et quia tendines prædicti tenacissimi, & inextendi-  
 biles sunt, necesse est, vt extremæ partes tendinosæ FG  
 tractæ per F versus E compensent elongationem fa-  
 ctam ab illis conuexis curuaturis articulorum, & ideo  
 pedis digiti FG necessario complicari, & stringi inter  
 se debent.

a Prop.  
 148. huius.

Hinc faciliè problema nostrum solui potest.

### P R O P O S. CL.

Quæritur, quare Aues stando, ramis Arborum compre-  
 hensis, quiescunt, & dormiunt absque ruina.

Tab. II. Fig. 7.

Cum certum sit, in somno facultatem motiuam mu-  
 sculorum otari, & quando muscoli pedum nil agunt  
 eorū articulos concidere, nec eleuatos in aliqua deter-  
 minata inflexione firmiter retineri posse, ergo vide-  
 tur impossibile, vt Aues RS dormientes non prostren-  
 tur ad instar terrestrium animalium; & quiescere pos-  
 sint dormiendo, recondito capite O sub vna alarum in-  
 nixæ super subtilibus virgultis arborum GF, absque  
 ruina, etiam à ventis concussæ. Quia verò, talem fir-  
 mam auium stationem, dum dormiunt, passim conspici-  
 mus, erit operæ pretium huius admirandæ operationis  
 causam inquirere; ideo aduerto, quòd machina Auis  
 RS ponderosa, subtili ramo GF innixa, sustentatur à du-  
 ritie eiusdem rami, quem tangit os acuminatum pecto.

H h 2

ris,

Cap. 18.  
De statione  
Animalium.

ris, & licet tribus fulcris machina eius super ramum innitatur, osse nimirum pectoris, & duobus pedibus, fulcrum tamen præcipuum, à quo pondus avis sustentatur, est os pectoris; duo verò pedes inflexi inferuiunt, ut fulcra, quæ sua duritie impediunt, ne machina ruat ad dextrum, vel sinistrum latus. Restat modò difficultas maxima dissoluenda, quomodo Avis non ruat anteriùs versus R, aut posteriùs versus S, cum innixio fiat non in plana, & ampla superficie pavimenti, sed in simplici lineâ transversali GF summitatis ramusculi, quare firmiter ibidem retineri non posse percipimus, nisi pedum digiti E tam arctè, & validè ramum GF apprehenderent, ut ad instar forcipum forti connexionè Avis ramo annecteretur. Quæ adhæsiō tam tenax esse debet, ut resistat, nedum vacillationibus ipsius Avis, sed etiam ictibus venti; ergo prædicta fortis constrictio, & comprehensio digitorum E ab aliqua vi motiua fieri debet, quæ violenter contrahendo, vel trahendo musculos flexores digitorum, eos constringat; & quia in otio, quiete, & somno, immò post mortem musculi non agunt, nec contrahuntur, necesse est, ut ab aliqua alia causa, pendente ab ipsa structura musculorum, talis tractio tendinum fiat.

Avis ergò RS extensis pedibus, & digitis expansis vigilando; primò innititur ramusculo Arboris GF; secundò flexis articulis pedum B, C, & D, quousque os pectoris eidem ramo innitatur necessitate breuitatis tendinum musculorum HILE extendentium articulos pedum, oportet, ut digiti E valido constringantur conatu a, & ideò apprehendant ad instar forcipum ramusculum Arboris FG. Et hoc fiet, non à vi motiua musculorum, sed à simplici gravitate naturali corporis

a Prop.  
150. huius.

ris Auis, quæ descendendo, omnes articulos pedum complicare debet. Quare nullo opere motus voluntarij musculorum, & ideò nullo laborioso conatu, imò quiescendo, & dormiendo, ramum arboris, cui inniuntur, firma, & valida constrictione apprehendunt, ob quam constrictionem vacillare, ac proinde rueri nequeunt, & ideò in quiete persistunt, nil prorsus agendo.

Cap. 18.  
De statione Animalium.

## P R O P O S. CLI.

Quadrupedia Animalia stare non possunt, innixa vno, vel binis pedibus. Tab. 11. Fig. 8.

Differunt quadrupedia ab hominibus; primò, quia eorum corpus prælongum prono situ stat, & sic incedunt; homines verò corpore erecto; secundò illa habent pedes acutos, homines verò ampliores, & prælongos. Differunt verò quadrupedia ab Avibus, nedum in plantarum amplitudine, sed etiam, quia harum centrum grauitatis incumbit super pedes; At in illis centrum grauitatis non fulcitur perpendiculariter ab vllò pedum. Hinc fit, vt quadrupedia stare non possint innixa binis pedibus anterioribus AB. Primò, quia erigi non potest prælongum eorum corpus, ita ut centrum grauitatis G, & linea propensionis GH perpendiculariter inter duos pedes A, B incidat, & licet violenter erigatur, tamen ob acutiem pedum, facillè linea innixionis GH vltra, vel citra plantas AB digreditur, & sic ruina sequitur. Eadem ratione quadrupedia innixa binis pedibus posterioribus C, D, stare per aliquod tempus non possunt; at si corpore erecto, applicentur pavimento extrema crura pedalia, vt homines faciunt,

tunc



Cap. 18.  
De statione  
Animalium.

tunc stare per aliquod tempus possunt, ut Vrsi, & Canes aliquando stare videmus.

Postea corpore prono, corpus quadrupedi incumbens binis pedibus lateralibus dextris A, D, stare non poterit, quia ob pedum acutiem linea propensionis GH, hinc indè à linea AD duos dextros pedes, aut duos sinistros coniungente, vacillando digredietur, & idèò ruet.

Si verò innixio fiat super duos pedes AC diametraliter oppositos, similiter linea propensionis GH, ex centro gravitatis perpendiculariter ad subiectum planum educta, ob vacillationem digredietur ab illa linea AC pedes coniungente, proindèque ruina subsequetur.

Igitur si stare nequeunt quadrupedia corpore prono super pedes duos innixa, multò minus super vno pede stare poterunt.

### P R O P O S. CLII.

Quadrupedes corpore prono stare non possunt, nisi quatuor, aut tribus pedibus innitantur.

Tab. 11. Fig. 8.

Quia corporis quadrupedis centrum gravitatis G in medio longitudinis eius, scilicet in ventre, inter pedes anteriores, & posteriores consistit, ergo in situ prono, linea propensionis GH ex centro gravitatis eius, perpendiculariter ad Horizontem insistens, cadit necessariò intra spatium quadrangulare ABCD, comprehensum à quatuor plantis pedum, quare à quatuor pedibus perpendiculariter ad longitudinem corporis quadrupedis insistentibus ad instar columnarum, com-  
modè

modè fulciri potest tota machina eius, cuius vacillatio tam grandis esse non potest, vt linea propensionis GH egrediatur vltra limites spatij quadrilateri ABCD à pedum plantis comprehensi, & ideò stabit animal absque ruina.

Cap. 18.  
De statione Animalium.

Id ipsum continget suspenso à Terra vno pede B, nam tres reliqui A, C, D suis plantis occupare facile possunt spatium triangulare, intra cuius aream cadat linea propensionis GH, ergò corpus animalis fultum à tribus columnis stabit, vt dictum est.

### PROPOS. CLIII.

Quærentur vires, quas exercent singuli pedes quadrupedum, in ipso standi actu.

Tab. 11. Fig. 8. 9. & 10.

Sint primò tres plantæ pedum A, D, C quadrupedis, quibus machina eius innitatur, & linea propensionis Gh perpendiculariter cadat in h, patet, quòd perinde corpus R animalis sustinetur à tribus fulcris pedum A, D, C, ac si eadem moles R appensa esset in h, & veste AE suspenderetur terminus A à potentia ibidem operante, & terminus-E sustentaretur veste DC à duabus potentijs in D, & C agentibus. Tunc a diuiso pondere R in duas partes, quarum X ad Z sit, vt Ah ad hE, postea diuiso pondere X in partes M, O, vt sit M ad O, vt CF, ad ED. Patet ex mechanicis, quòd pondus Z sustinetur à potentia A, pondus M à potentia D, atque pondus O eleuatur à potentia C.

2 Tab. 11.  
Fig. 10.

Secundò, pondus R à quatuor plantis pedum A, B, C, D fulciatur, & centrum grauitatis perpendiculariter

Cap. 18.  
De statio-  
ne Ani-  
malium.

b Tab. 11.  
Fig. 9.

lariter inuitatur in H, coniunctis rectis AB, DC diuidatur FE in H secundum proportionem reciprocam virium, quas pedes exercent. Tunc <sup>b</sup> diuiso pondere R in partes X, Z, vt sit X ad Z sicut FH ad HE, atque Z diuidatur in M, N, vt M ad N sit, sicut BF ad FA; pariterque ipsius X portio O ad residuam P sit, vt CE ad ED. Manifestum quoque est ex mechanicis, quòd pondus M sustentatur à pede A; N à pede B; atque O à pede D, & tandem pondus P suspenditur à pede C. Aduerto tantum, quòd quando pedes inclinati sunt ad horizontem, tunc eorum vires absolutæ maiores sunt suis momentis secundum proportionem longitudinis pedis inclinati ad eius sublimitatem, & hoc nomine alteratur supradicta proportio.

Præterea maior pars virtutis, quam exercent pedes, sustinendo onus corporis animalis, debetur duritiei osseæ columnarum pedum, non verò actioni musculorum, & ideò talis labor parum molestus est.

Hinc forsan est, quòd pedes anteriores quadrupedum paucioribus, & minùs validis musculis donantur, quia scilicet articulis in directum extensis, & perpendiculariter ad horizontem erectis insistere solent, & ideò sua ossea duritie ad instar columnarum pondus animalis sustentare possunt; Cum è contra pedes posteriores, quorum articuli nunquam directè extenduntur, sed semper inflexi sunt dum animal stat à vi musculorum retineri debent in tali curuatura.

#### P R O P O S. CLIV.

Sexipedes, & multipedes maiori labore, quam quadrupedes stant.

Iisdem



Iisdem legibus mechanicis, quibus quadrupedes, debent quoque stare animalia multipedia, sed maiori labore, nam, vt patet in insectis, eorum pedes nunquam diriguntur ad instar columnarum, sed semper inflexis articulis, angulis acutis, solo innitantur, & ideo necesse est, vt opus sustentationis fiat à vi musculorum. Hoc autem minimum incommodum eis affert, nam ob corporis exiguitatem, eorum pondus in subduplicata proportionem minuitur respectu ad eius molem, vt eleganter Galileus demonstravit. Et hinc est, quòd Elephantes etiam pedes posteriores directos, & perpendiculariter solo insistentes ad instar columnarum habent.

*De Gressu Bipedum.*

C A P. V T XIX.

**D**E Gressu Animalium Aristoteles, & alij recentiores scripserunt, sed ni fallor, nec modum, nec causas talis motus progressiui ritè exposuerunt, vt ex sequentibus patebit.

P R O P O S. CLV.

Dum homo incedit, non suspenditur à vi musculorum tota eius moles à terra, sed solummodò eius pars, minor quadrante.

Tab. II. Fig. II.

Eatenus differt saltus à gressu, quòd in saltu tota machina corporis humani suspenditur è Terra duobus pedibus eodem tempore eleuatis, & ad instar proiecti

I i                      sursum,

Cap. 19.  
De Gressu  
Bipedum.

furfum, & anteriùs machina vniuerfa impellitur. At in gressu femper corpus humanum solo innititur, alternis tamen pedibus, in qua alterna innixione videtur, quòd medietas tantum ponderis humani corporis per vices suspenditur, & transportatur; Vt si fuerit columna AB prostrata, terræ innixio termino eius B, potest subleuari à terra terminus A, & transferri per arcum AC circa centrum B, & in tali casu potentia eleuans terminum columnæ A æqualis est semissi ponderis totius columnæ; propterea quòd reliqua medietas ponderis sustinetur à pavimento, vt constat ex mechanicis. Postea columna in BC, translata rursus circa centrum C subleuato altero extremo B per arcum BD, transferri potest ad situm CD pariter à potentia æquali medietati ponderis columnæ, & sic vltèriùs. At maius compendium quærit natura sapientissima in gressu; minùs enim quadrante ponderis humanæ molis è Terra alternatim suspenditur à vi musculorum.

a Tab. 10.  
Fig. 13.

Sit corpus humanum R erectum a, & stans, super duobus pedibus B, & C innixum; linea propensionis AD ex centro grauitatis A cadet inter duos pedes in D, eritque triangulum ABC isoscele. Pater ad oculum, quòd distantia DC minor est quarta parte longitudinis totius coxendicis, & pedis BA, vel AC. Postea considero, quòd pondus totius hominis R suspensum retinetur à duplici potentia, scilicet à duritiè ossæ columnarum, vel fulcrorum AB, AC; & à vi musculorum, quæ in directum extensas retinet easdem columnas, & impedit, ne ossa dissoluta, & flexibilia, circa articulos inflectantur. Porro certum est, quòd vis, quæ exercetur à duritiè columnarum AC, AB, mensu.

mensuratur à perpendiculari lineâ AD. E contra vis, quæ exercetur à musculis vnius pedis, æqualis est momento dimidij ponderis R fulti à conto, seu veste AC flexibili circa centrum C, quòd momentum mensuratur à lineâ DC. Quare momentum virtutis motiux musculorum impediens incuruationem crurum, & pedum AC, AB, minus est quarta parte ponderis R, quando homo stat.

Consideremus modò motum incessus hominis; & noto, quòd machina R promoueri versus K non potest, nisi triangulum isoscelium ABC transformetur in rectangulum, & ambligonium, ita vt angulus ABC fiat primò rectus, & postea obtusus; hoc autem præstari non potest, nisi longitudo lateris AC augeatur, & latus AB decurtetur; at talis operatio facile fit, dirigendo plantam pedis C efficiendo angulum calcanei obtusum; sic enim apex pedis tanget pauimentum, & contus AC elongabitur; & simul flexo parumper genu, & angulo calcanei B decurtabitur longitudo contus AB; ex quo fit, vt machina R promoueatur, quousque lineâ propensionis AD coincidat cum AB, scilicet quousque lineâ innixionis AB fiat perpendicularis ad horizontem. Tunc patet, quòd potentia illa, quæ pedem AC distendit, dum alter pes AB solo innititur, minor est quadrante ipsius ponderis R. Quando verò machina erecta est in situ RAB perpendiculari ad horizontem, vniuersum pondus sustinetur à duritie osseæ columnæ AB, & tunc contus AC inutilis est, & machinam R non fulcit; & ideò facilè suspendi, & eleuari pes C à terra potest absque periculo ruinæ hominis; Et quia pes AC integer minor est quadrante totius hominis, ergo vt suspendatur adhiberi debet vis mu-



Cap. 19.  
De Gressu  
Bipedum .

sculorum flexoriorum cruris, quæ minor sit quadrante ponderis hominis. Postea idem pes promouetur à simplici lapsu, & relaxatione musculorum, & sic denuò vice commutata; Quare minus, quàm quadrans ponderis R, suspendi debet alternatim in humano incessu à vi musculorum.

### P R O P O S. CLVI.

Differitur, quomodo in ingressu moles humani corporis antèriùs promoueatur. Tab. 11. Fig. 12.

Non incederet homo, si solummodò alternatim pedes à Terra suspenderet, & eisdem locis reponeret, è quibus subleuati fuerant; sed oportet, vt loca commutet in plano horizontis, promouendo antèriùs molem integram humani corporis. Inquirendum igitur est, quibus organis, & quibus operationibus hoc fiat. Et primo intuitu incessus humanus videtur assimilari posse motui circini erecti BAC super planum horizontale, qui stando efficit triangulum Isoscelium ABC, & linea propensionis AD cadit præcisè inter duos pedes B, & C. Postea eleuato pede C à terra, quousque linea propensionis AD coincidat cum linea innixionis AB; & fiat perpendicularis ad horizontem, tunc girando circa Axem AB, describit pes AC superficiem conicam ACE, deindè innixio pede AC in E denuò erigitur circinus, vt pes AE fiat perpendicularis ad horizontem, & alterum latus AB rotando, arcum BF describit, & sic vltèriùs alternando erectio- nes, & giros promoueri potest. Verùm talis modus incedendi deformis, & incommodus esset, ideò natura faciliiori, & elegantiori motu machinam humani corporis

corporis promouet. In statione enim certum est, quòd Cap. 19.  
pedes pauimento innixi constituunt triangulum Iso- De Gressu  
scelium ABC, & deinceps eodem tempore plures Bipedum.  
motus circulares inchoat, & efficit natura, ex quibus  
resultat motus progressiuus. Circa centrum B<sup>a</sup> ante-  
rioris pedis reuoluitur columna, seu uestis cruris BA a Tab. 10.  
in plano perpendiculari ad horizontem, eodemque Fig. 13.  
tempore machina totius corporis R anteriùs versùs K  
promouetur. Talis autem promotio fit hac ratione;  
extenso enim pede LC, tractis musculis soleis efficitur  
angulus ALC obtusus, & quia apex pedis pauimen-  
tum tangit in C, longitudo totius cruris, & coxæ elon-  
gatur additione longitudinis pedis CL, & sic triangu-  
lum illud Isoscelium transformatur, efficiturque pri-  
mò rectangulum, quando scilicet crus AB perpendi-  
cularitèr insistit ad horizontem. In tota hac actione,  
noto, quòd integra machina R à duobus pedibus ful-  
citur, & ideò facilè tantillum inclinari potest, vt crus  
AB perpendicularitèr plano subiecto insistat. Præter  
ea ab ipsamet pedis extensione, & cruris AC elon-  
gatione impellitur pauimentum à pedis apice C, &  
ideò motu reflexo machina R anteriùs versùs K pro-  
mouetur; non secus, ac nauicula à nautis conto im-  
pulsà, ripà ab ea recedit. Talis porrò impulsio mirè  
facilitatur à capitis, & supremi ventris exili incurua-  
tione anteriùs versùs K, vndè centrum grauitatis vni-  
uersi corporis, & ideò linea propensionis vltra pedis  
BO confinium incidendo, præcliui sit ad ruinam, &  
ideò sponte sua anteriùs machina grauis R transfertur,  
& tunc ruina illa subitò reparatur, eleuato scilicet  
pede LC; & citò anteriùs translato in K, vltra confi-  
nium lineæ propensionis, & sic denuò statio firma re-  
noua-

Cap: 19. nouatur; & hoc artificioso modo in motu progressiuo  
De Gressu: promouetur machina humani corporis.  
Bipedum.

# P R O P O S. CLVII.

Homines incedere non possunt præcisè per rectam  
lineam.

Quia machina corporis humani incedere non potest, nisi alternis pedibus successiuè pauimento innitatur: & talis innixio fit, transferendo lineam propensionis modò super plantam pedis dextri, modò super sinistri pedis plantam, & tales plantæ pedum transferuntur non per eandem, sed per duas lineas rectas inter se parallelas. Quod patet sensui. Obserua vestigia plantarum pedum hominis ambulantis super solum puluerulentum, vel luto madidum, quæ vestigia conspiciuntur parallela inter se, non verò vnā rectam lineam constituentia. Præterea Anseres, & homines lati, & breuium crurum euidentissimè, nedum pedes per duas parallelas lineas mouent, sed insuper vacillando incedunt alternatim, modò super dextrum, modò super sinistrum pedem se erigendo, & transferendo centrum grauitatis eius. Id ipsum reliqui omnes homines faciunt, sed minùs euidenter. Erectis enim duabus virgis vna alba, altera nigra perpendiculariter super planitiem aliquam, notabili spatio inter se distantibus, & existente homine in directum cum virgis prope nigram, vt hæc tegat remotiorem virgam albam, tunc, quantumuis homo nitatur incedere præcisè per eandem rectam lineam, nunquam hoc assequetur; sed alternatim conspiciet virgam albam  
modo



modo ad dextram, modo ad sinistram eiusdem virgæ nigrae intermediae. Quod est argumentum evidentissimum, incessus hominum non fieri per lineam rectam, ergo linea propensionis tortuoso, & serpentino itinere transfertur hinc inde, ab una ad alteram parallelarum, & proinde per unicam simplicem rectam lineam machina humani corporis motum progressivum incessus efficere non potest.

Cap. 19.  
De Gressu  
Bipedum.

## PROPOS. CLVIII.

Omnes motus, qui in humano incessu fiunt,  
enarrantur.

Dum homo incedit, semper machina eius gravis solo stabili innititur, fulciturque à duritie columnarum ossæarum pedum, quæ innixio fit exiguo labore musculorum, & minima molestia facultatis sensitivæ ob compressionem tendinum, & distractionem membranarum. Præterea dum innititur super duos pedes, fit motus promotionis centri gravitatis eius, quatenus uno conto cruris postici elongati per extensionem pedis, impulso pavimento retrorsum, erigitur machina uniuersa perpendiculariter super anticum alterum pedem firmum, & parum antè impellitur, & sic motu transversali promouetur; postea subito pes posticus elongatus à Terra suspenditur, flexis tribus articulis coxendicis, genu, & pedis extremi à proprijs musculis, qui minus quarta parte ponderis humani corporis suspendunt, & ab impetu concepto à præcedenti impulsu, & à flexione capitis, & pectoris ultra situm, pedis firmi solo figitur. Quo facto, secunda statio celebratur,

Cap. 19.  
De Gressu  
Bipedum.

bratur, & postea eadem periodo pes posticus operando gressum continuat.

### PROPOS. CLIX.

Incessus in superficie horizontali explanata facilis, & minimùm molestus, & aliquando iucundus esse solet.

Quia in superficie horizontali explanata, nullæ montuositates, aut foueæ, nec loca accliuia, nec decliuia existunt, ideò articuli pedum insensibili flexione incuruari debent, dum promouentur, quantum nimirum sufficit, vt planta pedis non impingat plano subiecto; Hinc fit, vt parum laborent muscoli flexores. Præter ea non coguntur plantæ pedum in foueis, & locis inæqualibus inflecti, & violenter luxari, cum ossa plantas pedis componentia non patiuntur nimiam distractionem, & luxationem, quia non innituntur verticibus acuminatis saxosis, aut incuruatis foueis, & ideò non læduntur. Igitur in locis planis, nedum parum laborioso molimine incessus fit, sed etiam absque noxa dolorifica. Aliundè postea motus artuum non valdè laboriosus, nec molestus mirificè circulationem sanguinis, transpirationem insensibilem excrementorum, & partium refectionem adiuuat, & proindè suauem, & iucundum sensum inducere solet, nisi modum excedat.

### PROPOS. CLX.

Quare incessus in loco accliuu laboriosus, & molestus est, ostenditur.

Quod

Quod ascensus per gradus scalarum valde laboriosus, & molestus sit, patet experientia; Causa verò talis effectus non est difficilis inuentu, si illæ operationes articulorum, quæ fiunt in ascensu, accuratè considerentur. Stando enim super duos pedes in infimo gradu, primò pes dexter, verbi gratia, eleuari ferè perpendiculariter ad horizontem debet altiùs, quàm sit subsequenti gradus altitudo, at talis eleuatio fieri non potest absque grandi inflexione articulorum pedis, in qua notabili inflexione relaxatur naturalis longitudo musculorum flexorum <sup>a</sup>, & ideò laborioso conatu animastica, & voluntaria contractio eorum fiet. Et sic licèt pondus totius pedis, & coxendicis minus sit quarta parte molis humani corporis, nihilominùs ob dictam lassitatem musculorum, pondus valdè excedens illum quadrantem vis animastica superare tenetur, vnà cum difficultate vestis, vt priùs dictum est.

Cap. 19.  
De Gressu  
Bipedum.

a Prop. 11.  
huius.

Secundò ab impulsu innixionis factæ ab eodem pede dextro ante eius discessum à primo gradu, & ab inclinatione capitis, & pectoris, promouetur anteriùs centrum grauitatis humani corporis; & ideò, quando eadem planta dextra innititur secundo gradui scalæ, tunc linea propensionis cadit perpendiculariter super eandem plantam in secundo gradu existentem. Tertiò, pes sinister suspenditur, contrahendo, & flectendo articulos, proindèque superari eius resistentia denudò debet, quæ quarta pars est ponderis humani corporis. Quartò, necesse est, vt positura dextri pedis incuruati dirigatur perpendiculariter insistendo super plantam pedis in secundo gradu scalæ existentis; hæc autem operatio fieri non potest, nisi trium articulorum coxendicis, genu, & calcanei inclinationes

K k

exten-



Cap. 19.  
De Gressu  
Bipedum.

extendantur, ampliunturque, quæ actio difficilis est, quia vniuersum pondus machinæ humani corporis eleuari perpendiculariter debet superando mechanicas difficultates alibi expositas. Itaque in vno quoque gradu scalarum suspendi, & eleuari debet à vi muscutorum quarta pars ponderis humani corporis, bis, & semel integrum pondus eiusdem hominis, & hoc eò laboriosius, & molestius fiet, quò celerius gradus scanduntur.

Et animaduertendum est, quòd in incessu super explanatam superficiem horizontalem nunquam suspendi, & eleuari debet à vi muscutorum integra moles corporis humani, cùm semper super columnam erectam osseam vnius pedis innitatur, aut conuertatur. At in ascensu per gradus ponderis corporis eleuatio fit à vi muscutorum, non à duritie columnarum ossearum; & hinc oritur molestus labor, & lassitudo.

Ascensus postea per superficiem planam accliuent laboriosus quoque est ob easdem causas, & insuper, quia solo insistendo plantæ pedum acutos angulos cum tibijs efficiunt, in qua positione non naturali musculi extensores plùs iusto distrahuntur, nec innixio est firma, & ideò laboriosa, & molesta est.

#### P R O P O S. CLXI.

Descensus per decliuiam paulò laboriosior est, quàm incessus in plano horizontali.

In descensu, siuè per gradus, siuè per planum decliue, neque crura, nec Vniuersa machina humani corporis fursùm eleuari, & impelli debet, imò spontè  
sua

sua vi grauitatis deorsum rueret, & hoc nomine facillimus esse vulgò censetur descensus. At si hoc negotium accuratiùs perpendatur, patebit, non posse absque aliquo laborioso conatu descensum peragi; nam, vt homo discedat ex statione in supremo gradu scalarum, oportet, vt pes dexter, verbi gratia, parumper eleuetur, & promoueatur; at tunc, si centrum communis grauitatis anteriùs quoque impelleretur, procul dubio moles tota deorsum rueret, vt grauis, & pes promotus super subsequenter gradum illideretur, non sine noxa, & dolore. Quod incommodum vitatur retento centro grauitatis in pristino situ, scilicet retenta linea propensionis erecta perpendiculariter super plantam pedis innixi in supremo gradu, & tunc flexis articulis eiusdem supremi pedis innixi, deprimitur sensim tota moles corporis, & decurtatur longitudo totius columnæ pedis dextri, & interim elongato reliquo pede anteriùs promotò, fit, vt tota machina, pedibus inæqualiter longis, innitatur gradibus proximis, supremo nempe, & subsequenti. Postea perducta linea propensionis super plantam pedis infimi, officium columnæ exercentis, discedit pes sinister à supremo gradu, & transfertur deorsum eodem progressu superiùs exposito.

Quia verò dicta depressio centri grauitatis non fit lapsu, & ictu quodam, sed musculis agentibus sustentando ponderosam molem, eamque sensim deorsum, transferendo; hinc est, quòd absque laborioso conatu musculorum extensoriorum, sensim se relaxando, depressio illa centri grauitatis fieri non potest; Qui labor eò euidentior est, quòd lentiori motu per gradus descendimus. Cumque talis necessitas substanta-

Cap. 19.  
De Gressu  
Bipedum.

tionis à musculis in gressu per loca plana non requiratur, quando alternatim sustentatio ab ossea columnari duritie fiat, deducitur, quòd descensus sit magis laboriosus, quàm sit incessus per loca plana.

Et in superficie plana decliui plantæ pedum innixæ angulos obtusos cum cruribus efficiunt; quæ positura non naturalis, laboriosa quoque est.

### P R O P O S. CLXII.

Quare in tenebris, aut negligenter scalas ascendendo, vel descendendo, quando adhuc gradus superesse putamus, grandi concussu pes solo illiditur.

Primò in ascensu, quia inualuit persuasio restare gradum in scalis, quem scandere debere putamus, centrum grauitatis totius corporis nostri retinetur perpendiculariter erectum super plantam pedis firmi, & perseverante tali positura alter pes eleuatur, vt innitatur, & quiescat super gradum, quem superesse putamus; Quod fieri debet promouendo anteriùs centrum grauitatis vna cum linea propensionis vltra plantam pedis firmi; ex quo fit, vt ruina non præuisa, immò à nobis sollicitata subsequatur, & proindè pes eleuatus grandi concussione totius corporis, & eiusdem pedis illusione lædatur.

At in descensu ad planum pauimenti perducti, quia suademur, adhuc descendere nos debere, pes pauimento innixus, flexis articulis incipit abbreviari, alter verò incipit extendi, vt gradum in inferiori situ imaginatum attingere possit, hisce duobus motibus inopinatò



natò à pavimento resistitur percussione quadam, ergo subsequitur læsio non dissimilis ei, quam calcibus solum percutiendo percipere solemus.

Cap. 19.  
De Gressu  
Bipedum.

## PROPOS. CLXIII.

Incessum Avium aliquo pacto differre ab incessu hominum.

Aves eodem modo, & eisdem operationibus mechanicis, ac homines gradiuntur, & differunt tantum quoad applicationem facultatis motivæ, nam homines à duritie ossea pedum, veluti à columnis alternè fulciuntur, at Aves nunquam pedibus in directum, extensis solo innituntur, sed semper eorum articuli inflexi sunt, & ideò moles integra Avium semper à vi muscutorum erecta retinetur, & muscoli pedis alternatim à Terra elevari quiescunt, & minùs laborant, quàm muscoli pedis fixi, & continenter operantis, quia quando Avis duobus pedibus innititur, tunc muscoli extensores cuiuslibet eorum medietatem ponderis Avis sustinent; at in altero pede eleinato muscoli extensores nil agunt, & soli flexores pondus eiusdem pedis eleuant, quod pondus minus esse videtur, vna parte sexta eiusdem Animalis.

## PROPOS. CLXIV.

Exponitur modus, quo fiat incessus hominum super glaciem. Tab. 12. Fig. 1.

Pedibus AB, CD alligantur Calopodia ferrata, & stante

Cap. 19.  
De Gressu  
Bipedum.

stante homine erecta positura, innixo centro grauitatis eius super dextro pede CD, sinister AB retrorsum transuersali motu glaciem impellit, eamque abraddendo excurrit vsque ad E; hinc fit, vt pes dexter DC motu reflexo excurrat per directionem aciei ferratæ Colopodij, quæ facilè cæsim ob glaciei læuitatem, & lubricitatem excurrere potest, & subito post impressionem impetus eleuatur pes AB, & sic corpus hominis æquilibratur super pedem DC, ob vim impetus percussiu excurrit directè vsque ad F. Deindè sinister pes AB antiùs promouetur in G, & ibidem centrum grauitatis humani corporis innititur, dexter verò transuersali ictu corrosuo retrocedit vsque ad H, & promouet pedem G, per directionem aciei ferratæ, & subleuato in aere dextro pede H, pes G cum incumbente centro grauitatis hominis excurrit vsque ad I; & sic alternatim repetitis impulsioibus, & excursioibus, ad instar proiecti, super glaciem, resultat incessus velocissimus, factus non per rectam lineam, sed via tortuosa ad dextram, & sinistram declinante.

Porro artificium, quò cursum, & impetum extinguunt, & quomodo directionem itineris commutant, tale videtur esse; non renouant ictum, & sic sensim impetus desinit; aut flexo parumper pede ad dexteram, & pectore ad læuam, acies ferrea cogitur in latum glaciem abraddere, & retardato, & retento retrorsum centro grauitatis, impetus extinguitur.

Flectunt verò directionem itineris, impellendo posticum pedem præcisè transuersè, & perpendiculariter ad pedem anticum, & simul flectunt aciem ferri pedis innixi, nec temperant fluxum centri grauitatis, vt non impediatur motus, & non recedat à debito situ innixionis aciei ferratæ.

De

*De incesſu Quadrupedum.*

## CAPVT XX.

**E**Gregiè in hac parte allucinantur, nedum vulgares homines, ſed etiam præclari Philoſophi, & anatomici; qui potiùs falſæ opinioni per manus traditæ, quàm proprijs oculis fidem præſtare volunt.

## P R O P O S. CLXV.

Greſſum quadrupedum nõ fieri motis alternatim duobus pedibus diagonaliter oppoſitis, reliquis duobus quieſcentibus. Tab. 11. Fig. 8.

Inualuit opinio, quòd quadrupedum greſſus fieret promotis alternatim duobus pedibus, quieſcentibus reliquis, ſicuti in bipedis incesſu fit, translatione viciffitudinaria vnus, & innixu alterius pedis, factò hoc præiudicio, obſeruarunt antiqui, quod quadrupedia, dum ſtant, plantæ quatuor pedum in plano ſubiecto conſtituunt figuram quadrilateram ABCD; cùmque viderent, quòd quando currunt, pedes anteriores AB ſimul eleuantur, & anteriùs promouentur, dum ambo poſteriores pedes CD ſolo EF innixi quieſcūt, & deinceps poſtquàm AB denuò terram attingunt, ſubito eleuantur ambo poſteriores CD, & promouentur propè AB, & ſic totum quadrilaterum ABCD ſe contrahendo, & deinceps ſe elongando ſucceſſiuè curſus efficit, quod ad oculum in curſu equorum, vel canum patet.

a Tab. 13.  
Fig. 7.

At in motu gradario conſtat, quòd duo anteriores,  
vel



Cap. 20.  
De Inces-  
su Quadru-  
pedum .

vel duo posteriores non eleuantur simul , nec promo-  
uentur eodem tempore , sed alternatim , quando A  
mouetur , B quiescit , & è conuerso , quando B trans-  
fertur , A solo innitur . Id ipsum in posterioribus pe-  
dibus contingere certum est . Verùm non æquè facile  
distingui potest , quo ordine anteriores pedes cuni  
posterioribus in motu conueniant , scilicet , an eodem  
tempore duo pedes sinistri A, & D ; vel A cum C mo-  
ueantur , quia celeritas motus tale criterium impedit,  
ideò ratiocinatione hoc assequi posse censuerunt . Si  
eodem tempore duo pedes sinistri A , D suspenderen-  
tur , & promouerentur , tunc rueret Animal versus si-  
nistram , ergò potius dexter anticus B cum sinistro pe-  
de postico D eodem tempore eleuari , & promoueri  
debent , itaut semper diametraliter oppositi pedes, aut  
simul moueantur , aut simul quiescant . Talis porrò  
erronea imaginatio adeò inualuit , vt in statuis eque-  
stribus æneis , & marmoreis antiquis , & recentibus  
semper duo pedes è diametro oppositi à Terra suspen-  
si exculpti , & in tabulis depicti sint .

Et miror sanè difficultatem , & absurditatem talis  
motus perceptam non fuisse . Iam ipsi concedunt in  
motu debere animal stabiliri , ne vacillet , aut ruat , &  
ideò negant , moueri posse simul tempore duos pedes  
sinistros A , & D , nam tunc centrum grauitatis vastæ  
molis oblongæ quadrupedis, & linea propensionis eius  
perpendiculariter incideret , aut in eandem rectā lineā  
BC ; vbi innituntur duo pedes dextri , aut ultra eam  
ad partes AD , & proindè Animal vacillaret , aut  
rueret .

At quando simul tempore eleuantur , & mouentur  
duo pedes diametraliter oppositi BD , paritèr tota  
moles

moles Animalis inniti debet super duos pedes firmos, Cap. 20.  
De inceſſu  
ſu Quadru  
pedum. ſcilicet linea propenſionis inſiſtet perpendiculariter non ſuper ſpatium amplum, ſed ſuper lineam AC; ergò pariter Animal vacillabit, & proinde infirmum, & inſtabilem poſituram tunc temporis habebit.

Secundò conſideremus pedum configurationem poſt primum motum, quando ſcilicet pes B translatus eſt in K, & D in S, tunc duo pedes ſiniſtri A, & S contigui facti ſunt, & dextri KC ab inuicem remotiſſimi erunt, itaut quatuor pedes triangularem figuram conſtituant, cuius Baſis KC longiſſima ſit, & minima altitudo AB, quare ſtatio parum firma eſſet, & ab hac poſitione poſt motum pedum C, & A, eorumque translationem ad I, & V, reſtitueretur Animal ad firmam poſituram quadrangularem ISVK ſimilem priori ABCD. Huiuſmodi ſtationes firmæ, & vacillantes, ſucceſſuè ſe conſequentes, imprudenter ordinatæ à natura fuiſſent, quando facilè hæc incommoda poterant euitari.

Sed quid quærimus rationes, quando experientiæ reclamant. Obſerua equum lento motu gradientem, nunquam videbis duos pedes A, & C diagonaliter oppoſitos ſimul tempore moueri, ſed ſemper vnicus pes à terra eleuatur tribus reliquis firmis manentibus. Id ipſum poſteà diligenti inſpectione etiam obſeruabis in grefſu celeriori in omnibuſ quadrupedū ſpeciebus.

## P R O P O S. CLXVI.

Exponitur modus, quo grefſus quadrupedum efficitur. Tab. 12. Fig. 2.

Intelligatur machina oblonga equi quatuor fulcris  
L I crurum,

Cap. 20.  
De inceſſu  
ſu Quadrupedum.

crurum, veluti columnis ſolo innixis in A, B; C, D, conſtituere quadrilaterum reſtangulum. Tunc linea propenſionis ex centro grauitatis equi cadet perpendiculariter in E propè centrum quadrilateri, & ideò ſtatio Animalis firmiſſima conſurget. Incipit poſtea grefſus ab vno pede poſtico, vt à ſiniſtro C, qui ſolum firmum valido innixu retrorſum impellendo promouet centrum grauitatis ab E ad G, quo facto ſubito pes B eleuatur, & anteriùs transfertur vſque ad H, qui motus translaticius commodè fieri poteſt, quia centrum grauitatis primò cadit intra triangulum ABD; ſecundò intra trapetium ABFD, ſcilicet fulcitur à tribus, vel quatuor columnis. Deinceps, firmis remanentibus tribus pedibus ADF, comprehendentibus centrum grauitatis G, immediatè anterior pes ſiniſter B promouetur vſque ad H, & ab impetu præconcepto pariter centrum grauitatis transfertur in I, nempè in centro rhombi AHFD; completo grefſu duorum ſiniſtrorum pedum incipit impuſſus, & motus poſtici pedis dextri D, & deindè anterioris A, & ſic ſemper ordine ſuperiùs expoſito abſoluitur grefſus quadrupedis Animalis.

Et licèt ad hanc veritatem comprobendam ſufficiat accurata obſeruatio ocularis, nihilominùs Philoſophi munus eſt inquirere vtilitatem, & neceſſitatem talis operationis. Lex perpetua naturæ eſt, vt agat minimo labore, medijs, & modis ſimpliciſſimis, facillimis, certis, & tutis, euitando, quàm maximè fieri poteſt, incommoditates, & prolixitates. Et quia inceſſus Animalium non eſt motus omnium partium eorum, æquè velociter translatarū, & per eandem directionē, vt eſt volatus, ſaltus, aut raptatio, ſed potiùs eſt mo-



tus resultans ex translatione aliquarum partium, quæ innituntur super alias partes quiescentes, & proinde Animal incedens stando promouetur. Quapropter statio, & translatio, quæ fit in gressu Animalium, debet esse non vacillans, & ruinosa, sed firma, & stabilis, quæ præterea minimo labore musculorum, sufficienti tamen, præstari debet. Vt verò statio machinæ quadrupedis, dum incedit, seruari possit absque ruinæ periculo, oportet, ut fulciatur à pluribus, quàm duobus columnis, scilicet à tribus, vel quatuor, inter quas cadat perpendiculariter linea propensionis ex centro grauitatis Animalis: Hoc planè egregiè præstat in gressu exposito in hac propositione.

Secundò oportet, ut talis sustentatio, & innixus, quàmminimo labore, & molestia Animalis fiat, & hoc efficietur ab ipsis columnis crurum erectis, quæ ob suam duritiem, & sensus stupiditatem faciliè pondera incumbentia tolerant, absque notabili molestiæ sensu.

Præterea motus totius machinæ Animalis faciliè absoluitur, quia eius integra moles suspendi, & à Terra eleuari non debet, sed solummodò vnicus pes sustollendus, & mouendus est. Primò impellendo solum posticum, non quidem ab vno pedum anteriorum; nam, hoc elongato, & solo anteriori innixo, centrum grauitatis Animalis retrocederet; sed è contra à pede postico elongato, ad instar conti, promouetur antèriùs; ex quo fit, ut tota moles Animalis antèriùs promoueat, flexis tribus columnis erectis, non secus, ac currus rotis innixus transfertur. Secundò suspendendo eundem pedem posticum, flexis articulis à suis musculis, deindè promoto pede antico, eiusdem

Cap. 20.  
De inces-  
su Quadru-  
pedum.

Cap. 20.  
De incess-  
su Quadru-  
pedum.

lateris, ut dictum est, hæc, inquam, compendia sua-  
dent necessitatem talis operationis.

# PROPOS. CLXVII.

Quomodò quadrupedia duos anteriores pedes, ut ma-  
nus, usurpare queant, obiecta contrectando.

Tab. 13. Fig. 11.

a Prop.  
156. huius.

Quia Animalia quadrupedia situatione prona stare  
non possunt, nisi tribus saltem pedibus erectis, tan-  
quam columnis, fulciantur, ut dictum est <sup>a</sup>, ergò tunc  
quartus pes, siuè posticus, siuè anticus eleuari potest,  
flexis articulis, & eodem, ad instar manus, tangere,  
contrectare, & impellere obiecta circumstantia po-  
test, ut equi calcem impingunt, aut proprium corpus  
fricant; & feles, & Vrsi anticum pedem, ut manum  
usurpant, vnguibus digitorum raptando, & pugnando.  
At, duobus pedibus anticis eleuatis eodem tem-  
pore, obiecta contrectare faciliè non possunt, nisi pro-  
strati pectore, & nisi duobus pedibus reliquis Terræ  
innitantur. Verùm, longis cruribus pedalibus pau-  
mento applicatis, erecto corpore stare possunt, ut Ca-  
nes, Simiæ, & Vrsi diutius ad instar hominum, & tunc  
planè anterioribus pedibus pugnare, & contrectare  
obiecta possunt, sed non sine molestia, eo quòd arti-  
culi pedum, & præcipuè calcanei non æquè firmè su-  
stentare possunt grauem machinam illius Animalis,  
cuius structura accommodata est, ut situ prono super  
quatuor pedum columnas innitatur; Et hinc est, quòd  
Canes stando faciliè ruunt, nisi posticæ parieti inni-  
tantur. Simiæ verò, & Vrsi, qui plantas pedum non  
omninò dissimiles humanis plantis habent, minori mo-  
lestia,

lestia , & diutiùs erecti stare , & pedibus anterioribus subleuatis pugnare possunt .

Cap: 10.  
De inces-  
su Quadru-  
pedum .

Quando Canes extremis digitis , & equi extremis vnguibus posteriorum pedum innituntur , tunc quidem quiescere in situ erecto non possunt , faciliè enim ruunt . Possunt tamen perambulare , quia vacillationes ab ipso motu reparantur , sicut Pueri duobus baculis crutibus alligatis perambulant , & currunt , at quiescere super illis fulcris non possunt absque ruina .

### P R O P O S . CXLVIII.

Animalia sexipedia , quomodò incedant ,  
inquirere .

Insecta Animalia , quæ corpore prono , & prælongo senis pedibus innituntur , eodem modo stare , & incedere videntur , ac quadrupedia , scilicet stant , si linea propensionis ex centro grauitatis Animalculi perpendiculariter ad horizontemeducta , cadat intra spatium comprehensum à pluribus , quàm binis pedibus , & tunc duo , vel tres pedes à Terra eleuati vsurpantur , vt manus , obiecta contrectando .

Incessus verò commodissimè fieri potest ; Primò , pedibus posterioribus simul , vel successiuè impellendo solum , ad hoc , vt centrum grauitatis promoueatur ; Si enim anteriores pedes primo loco extenderentur retrorsùm Animal ferretur , & ideò initium incessus à posterioribus pedibus fieri debet : reliqui motus fieri debent eodem modo , ac in quadrupedibus , licèt alterari possit methodus illa , quia semper remanere possunt  
tres



Càp. 20.  
De Inces-  
su Quadru-  
pedum .

tres columnæ pedum erectæ , quibus Animal innita-  
tur . At commodissimè fieret , si tres pedes vnus la-  
teris, vnus post alterum promoueretur, dummodò ini-  
tium motus fieret à posteriori, cui succederet medius,  
& vltimò anticus ; sic enim tres pedum plantæ paral-  
lelogrammum obliquangulum constituerent , commo-  
dum sustentationi , & incessui Animalis .

Magis tamen laboriosus videtur incessus sexipedis,  
quàm quadrupedis , quia in illis nullus pedum dirigi-  
tur ad instar columnæ , sed semper articulis flexis ad  
angulos acutos stant , & incedunt ; proindèque non  
à duritie ossium sustentantur , sed à vi musculo-  
rum .

At hoc incommodum facilè toleratur ab insectis,  
ob minimam grauitatem corpusculi eorum , respectu  
molis eorundem , cùm pondera decrescant in-  
duplicata proportionem dimensionum eorum , quæ si-  
miles figuras habent , vt præclarè Galileus demon-  
strauit .

#### P R O P O S . CLXIX.

Quomodo muscæ , & culices pronis superficiebus vi-  
treis læuigatis pendentes adhærent , & per eas in-  
cedunt absque ruina .

Quantumuis pusilla , & rara supponatur corporea  
moles muscæ , formicæ , aut culicis , & similium Ani-  
malculorum , semper tamen grauitatem aliquam ha-  
bebit excedentem specificam aeris grauitatem, & ideo  
est impossibile , vt in aerè innatando prædicta Anima-  
lia quiescant , vt pisces in Aqua æquilibrantur ; sed  
necessè est , vt decidant deorsum , non secus , ac festu-

cæ in aere tranquillo lento motu cadunt. Hoc posito non video, quomodo prædicta Animalcula adhærere possint superficiebus læuigatis vitreis inclinatis, & pronis absque ruina; vnguibus enim curuis intra poros vitri insinuatiss harpagati non retinentur, vt ad oculum patet, ergo potius dicendum, quòd spongiosa tubercula plantarum pedum, immediato contactu pronæ superficiei vitri adhærendo, pusillum pondus animalculi sustineant, sicut vitra explanata ab exquisito contactu suspenduntur; non quidem ob vacui timorem, vt vulgò credunt, sed ob pondus, ac vim elasticam circumambientis aeris, vt alibi diximus a. Eodem modo pueri planta manus vitreæ phialæ exactè applicata, eam suspendunt, & eleuant.

Hoc confirmatur ex molestissimo illo pruritu corrosiuo, quem in cute nostra affert contactus pedum muscarum æstate, pluuia imminente, quando superficiei tenus humectata cute faciliùs excluditur aer intermedius, & proindè tenaci adhæfione tubercula plantarum muscarum nostræ cuti agglutinantur, & difficiliùs ab inuicem extricantur, separanturque.

Cæterum molestus ille pruritus oritur ex simplici tiratione, quam vngues, pili, & asperitates plantarum faciunt contactu, & fricatione papillarum neruearum cutis nostræ, sicuti festuca cuti ciliorum, aut narium confricata sensum molestum corrosiuum producit.

Maiorem dolorificam passionem inducunt muscæ, & culices, sua proboscide fodiendo cutem, & sorbendo sanguinem, ad instar hyrudinū, at pulices, & pediculi, & cimices suis multiplicibus linguis spinosis, & articulatis, ad instar manuum, sanguinem lambunt, effusum ex cicatricibus venularum capillarium ab eis incisarum.

*De*

Cap: 20.  
De incessu, Quadrupedum.

a De Motion. natur. à grauit. pendent. cap. 12.

*De saltu.*

## CAPUT XXI.

**C**Um nedum gradiendo Animalia loca commutent, sed etiam saltando, de hac operatione pariter differere debemus, quæ non minori artificio à natura exequitur; & primò.

## PROPOS. CLXX.

Saltus non fit, nisi priùs articuli pedum inflectantur.

Videmus, quòd dum homines stant directè extensis articulis pedum, ad instar columnarum, licèt velint, & adhibeant quemcumque grandem conatum, saltare non possunt. Verùm è contra flexis, & valdè incurvatis articulis, postea grandi impetu tractis, & decurtatis musculis extensoribus, saltus subsequitur. Bruta, & insecta aliqua, quæ omnium pedum, aut saltem postremorum articulos semper inflexos retinent, possunt ad libitum saltare, & nihilominus, quando vehementiorem saltum aggrediuntur, tunc plùs solito eos incurvant, & Reptilia, quæ pedibus carent, non saltant, nisi spinam, hinc indè inflectant. Vnde patet propositum.

## PROPOS. CLXXI.

Quare virga, aut arcus erectus, & innixus plano firmo, si comprimatur, inflectaturque, resilit, & saltat. Tab. 12. Fig. 3.

Si



Si virga directâ , & rigida , vel Arcus FEC innitatur pauimento firmo RS in C , & comprimatur à potentia manus , vel ponderis M , quousque violenter inflectatur,acquirendo curuam configurationem ABC, & postea citissimè potentia M remoueatur, tunc videmus , quòd Virga , nedum pristinam directionem acquirit , sed præterea veloci saltu à terra eleuatur. Causa huius effectus est , quia centrum grauitatis E ipsius Virgæ à compressione deprimitur vsque ad D , & quando postea potentia M remouetur, subito vis Arcus nititur se dilatare , & ideò vim facit , vt æque extendat in directum duo brachia BA , & BC , scilicet , vt tantumdem deprimat terminum Arcus C ; quantum eleuari debet terminus A . At quia durities pauimenti RS impedit descensum termini C , igitur necesse est , vt motu reflexo , pariterque motu directo, centrum grauitatis D cum integro arcu , sursùm impellatur , vsque ad E ; cùmque talis motus per lineam DE fieri non possit , absque eo, quòd impetus imprimatur à vi expansiua arcus, estque talis impetus semel impressus ex sui natura perseverans , & indelebilis, vt demonstraui<sup>a</sup> ; Igitur , postquam Virga directionem extensam acquisiuit , impetus ille vicens otiosus esse non poterit , & ideò vltèriùs promouebit Arcum , eiusque centrum grauitatis per eandem directionem DE supra terminum E , & proindè ad instar proiecti recedet Virga FC à pauimento, & eleuabitur, facto saltu, quousque vis grauitatis eius continenter crescendo æqualis reddatur gradui impetus proiectitij, & tunc, facto æquilibrio, ascensus terminabitur , & deinceps casus subsequetur , vt in libro de vi percussionis<sup>b</sup> ostendimus .

<sup>a</sup> De vi  
percus.  
cap. 9.

<sup>b</sup> Prop.  
114.

Cap. 21.  
De saltu,

## P R O P O S. CLXXII.

Arcus ex duabus regulis compositus terræ innixus, & à funis contractione velociter distractus, saltum efficiet. Tab. 12. Fig. 4.

a In antec.  
prop.

Sit Arcus ABC flexus, circa nodum B erectus, & terræ innixus in C, eiusque centrum grauitatis sit D, & velocissimè distrahatur à contractione externi funis GQH. Dico, quòd à Terra resiliet, saltum efficiendo. Quia, <sup>a</sup> vt dictum est, in actu contractionis funis, dilatatur Arcus, impellendo brachia fursùm, & deorsùm, ergo sicuti in figura 3. ob soli RS resistentiam, centrum grauitatis D reflexo motu fursùm impelletur à D ad E, & talis motus continuus, sine impetu impresso fieri non potest, estque talis impetus perseuerans, nec extinguitur, dum velocitas perseuerans motum continuum potius augeat; Ergò completa expansione arcus, impetus impressus otiosus esse non potest, & ideò vlteriùs arcum, eiusque centrum grauitatis transportabit ab E ad F, & talis motus absque saltu fieri non potest.

## P R O P O S. CLXXIII.

Organa, & mechanicas operationes, quæ in saltu fiunt, expromere. Tab. 12. Fig. 5.

& Tab. 13. Fig. 8.

a Tab. 12.  
Fig. 5.

Sit machina humani corporis ABE, stans in situ erecto <sup>a</sup>, vt nimirum ossa cruris, fæmoris, & spinæ rectam lineam ad instar columnæ constituent, perpendicula-

diculariter insistentem super planum horizontis RS ; Cap. 21.  
De saltu.  
Tunc centrum grauitatis communis G distabit à pauimento, toto interuallo æquali ossibus cruris, & fæmoris. Postea in octaua figura tab. 13. flexis articulis B, C, D, vt constituent angulos, adeò acutos, vt distantia GE centri grauitatis à pauimento æqualis ferè fiat longitudini solius cruris, scilicet medietas sit prioris distantie extensæ centri in homine stante. In hac positura, si validissimè, & velocissimè simul tempore, contrahantur muscoli glutei, vasti, & solei, necessariò tres arcus inflexi ABC, BCD, CDE, maximo impetu extendentur; & ob pauimenti resistentiam necessè est, vt centrum grauitatis G impellatur fursùm vsque ad F, & quia talis motus sine impetu impresso fieri non potest, igitur talis impetus acquisitus ex sui natura perseverans non poterit esse otiosus, & proindè necessariò remouebit molem corporis humani à contactu pauimenti, idque, facto saltu, fursùm per aliquod spatium impellet, quousque impetus grauitatis sensim auctus æquetur impetui illo proiectio saltus.

Putabit fortè quispiam, quòd huic theoriæ repugnet experientia, quandò flexis iisdem tribus articulis motu continuo homo surgit, erigiturque, dilatando angulos articulorum, quòd fieri non potest absque motu fursùm centri grauitatis, & tamen à tali impetu, quo fursùm impellitur non subsequitur saltus.

Pro resolutione difficultatis memorandum est, quòd in motu tardo, vel interrupto ob frequentissimas morulas, licèt fiant saltus breuissimi, hi tamen occultantur, quia immediatè subsequentes casus à grauitate pendentes subitò reducunt deorsùm corpus hominis;



Cap. 21.  
De saltu.

& sic sensus non distinguit minimos illos saltus. Qui paritèr occultantur ob distractionem partium molliū, vt culcitra fursūm tracta, & impulsā, non separatur à Terræ contactu, quando motus fursūm non superat distractionem eius. Igitur, vt fiant saltus euidentes, oportet, vt dilatatio articulorum sit grandis, & celeri motu facta, vt vim percussiuam exercere possit, & tunc necessariò saltus subsequitur.

Ex supra dictis patet, quòd in homine exercentur tres arcus, non quidem à materiali duritie, & tensione articulorum, vt in ligneis, & chalybeis virgis contingit, sed à vi voluntaria musculorum extensoriorum.

Præterea mirabilis est structura, & dispositio prædictorum trium Arcuum alternè dispositorum. Primò, vt triplicato spatio impellatur centrum grauitatis, & sic validius imprimatur in corpus Animalis impetus proiectitiū, vt altius id ipsum ascendat, quia gradus velocitatis continenter impressi toto tempore, quo articuli explicantur, perseuerantes componunt impetum magis intensum, vt dictum est. Secundò, vt impulsus fiat per rectam lineam, siuè perpendicularem, siuè inclinatam ad horizontem, quia motus artuum sunt circa nodos omnium articulorum; ergò oportet, vt aliqua centra eorundem diuersis velocitatibus moueantur, vt omnes motus circulares componant iter rectilineum. Tertiò, alterna dispositio trium articulorum iuuat ad extinctionem impetus in descensu, ne pedes forti ictu pavimento illidantur, & luxentur; sensim enim cedendo, impetum casus, & præcipitij extinguunt.

## PROPOS. CLXXIV.

Cap. 21.  
De saltu.

Si idem corpus P<sup>a</sup> perpendiculariter ad horizontem fursum proiectum percurrat spatia inæqualia C, & D; vires motiue A, & B, id impellentes subduplicatam proportionem, quam spatia habebunt.

a Tab. 12.  
Fig. 6.

Quia spatium C, per quod corpus P ad horizontem perpendiculariter fursum projicitur à vi motiua, seu impetu A æquale est descensui naturali eiusdem à quiete inchoati, in cuius fine impetus acquisitus æqualis sit projectio impetui A<sup>b</sup>. Similiter spatium D, quod percurrit idem P, fursum perpendiculariter ad horizontem impulsus vi motiua B æquale est spatio descensus naturalis à quiete, in cuius fine impetus æqualis sit B; Habent verò spatia naturalium descensuum eiusdem mobilis duplicatam proportionem velocitatum c, seu impetuum in fine motuum acquisitorum, ergò impetus, seu vis motiua A ad B subduplicatam proportionem habet, quam spatium C ad D.

b De Vi  
perc. prop.  
114.c Ibidem  
prop. 81.

## PROPOS. CLXXV.

Vis motiua saltum hominis efficiens, ad pondus corporis eius subleuati, eandem rationem habet, quam 2900. ad 1.

Tab. 12. Fig. 4.

Quia in saltu, nedum machina humani corporis prius inflexa dirigi, & suspensa retineri debet, sed etiam vi projectitia fursum impellenda est; ergo videndum est, quanta vi muscutorum simplex erectio homi-

Cap. 31. hominis fiat, & postea vis proiectitia inquirenda est.  
 De saltu. Et primò, vt supra dictum est<sup>a</sup>, sit machina humani corporis ABVDE, cuius articuli pedum alternè inflexi sint eadem inclinatione, quæ ad saltum efficiendum requiritur, & posito, quòd pondus totius hominis sit librarum 150. erit pars suprema ABC libr. 110. & ABVX libr. 140, atque distantia MB sit quadrupla distantie tendinum GQH à centro B vectis, & distantia TV sit tripla OV, atque PD sit sexquialtera distantie DK. Postea<sup>b</sup>, vt TV ad MB, seu, vt 3. ad 4, ita erit pondus arcus ABVX librarum 140. ad potentiam Z librarum 186. &  $\frac{2}{3}$ . Deindè, vt DP ad BM, seu vt 3. ad 8, ita erit arcus ABVDE librarum 150, ad potentiam S librarum 400.

His præmissis, vt semidistantia tendinum Gluteorum GQH à centro B ad distantiam MB, seu vt 1. ad 8.<sup>c</sup> ita fiat pondus ABC librarum 110. ad pondus 880. potentie, quam exercent Glutei. Similiter, vt semidistantia VO ad VT, seu vt 1. ad 6, ita fiat potentia Z librarum 186.  $\frac{2}{3}$  ad potentiam 1120. quam exercent muscoli vasti duorum pedum NOC. Non secus, vt semidistantia KD ad DP, seu vt 1. ad 3. ita fiat potentia S librarum 400. ad potentiam librarum 1200. quam exercent muscoli solei, quare potentie musculorum dirigentium tres articulos amborum pedum æquales sunt libris 3200; & ideò potentie, quas exercent omnes prædicti muscoli, dum corpus humanum suspendunt, plusquam vigesies, & semel superant pondus hominis, & hæc tota vis denuò plusquam vigesies multiplicari debet ob machinulas, quibus fibræ eorundem musculorum componuntur. Ergo vis<sup>d</sup>, quam muscoli exercent, vt hominis molem alternè inflexam, & ter.



& terræ innitendo erigant, plusquam quadringenties, Cap. 21.  
De saltu.  
& vigesies pondus hominis superant.

Ostendendum modo est, quod vis motiua, quæ in saltu exercetur à natura, contrahendo eosdem musculos ferè ter millies superat pondus humani corporis. Et profectò ex facilitate, qua simplex erectio fit, & è contra ex grandi conatu musculorum, & ex nimia laxitudine, & virium dispendio, quo saltus efficitur, satis liquet, saltus vires multò maiores requirere. Præterea videmus, quòd dum homo erigitur, semper extremis digitis pedum pauimento innititur, & sic tota eius moles innititur articulis calcanei, genu, & coxendicis, ergò ab ipsa duritie pauimenti, & ab ossibus articulis sustentatur tota machina humani corporis. Secus autem in saltu, quando vis proiecitur à musculorum explosione producta officium fulcimenti exercet, per aerem suspendendo eandem hominis molem grauem his triplicatis vectibus.

Sed, vt efficaciori demonstratione propositum ostendamus, considero, quòd dum homo extremitatibus pedum terræ innixis erigitur, verè saltus producit, quia motus, quo sursùm impellitur grauitatis centrum, non fit absque impetu impresso, qui non deletur, & proindè completa expansione articulorum, ille impetus vicens suum effectum producet, subleuando corpus hominis à contactu pauimenti; scilicet saltum producet. Hic verò saltus ob sui exiguitatem occultatur, eo quòd machina Animalis, constat ex aliquibus partibus mollibus, & distrahibilibus, quæ in breui saltu non remouentur à contactu soli, sicuti culcitra sursùm proiecta distrahitur, & sic infimæ partes eius non remouentur à Terra. Pari modo concedendum est, quòd

e De Vi  
percu.  
cap. 9.

Cap. 21.  
De saltu.

quòd, quando homo erigitur, semper saltum efficit, saltum per spatium semidigiti ferè, licèt ob distractionem extremitates pedum à terræ contactu non recedant.

f Prop.  
174. huius.

Hoc posito, quia in saltu euidenti, & grandi, corpus hominis aliquando eleuatur à terra in altum vltra duos pedes, scilicet plusquam digitos 24; & vires motiue, quæ prædictos saltus inæquales efficiunt & subduplicatam proportionem habent, quàm spatia ab eis transacta. Igitur vis motiua, quæ in euidenti saltu exercetur, sextupla erit eius, quæ in occulto saltu, scilicet in simplici erectione corporis producitur. Sed hæc vis ostensa fuit quadringentupla, & vigecupla ponderis totius hominis; ergò illa erit maior, quàm bis millecupla, & nonagecupla ponderis eiusdem hominis.

#### P R O P O S. CLXXVI.

Quò longiores sunt vestes extremi crurum, saltus maiores fiunt.

Quia dispoſitiones omnium muscutorum, articulos pedum extendentium, æquè velocitèr fiunt ad instar pulueris pyrij, ergò arcus articulorum pedum æquali, & eodem tempore ampliantur, extendunturque à musculis extensoribus contractis; sed quò brachia arcus, seu vestes longiores sunt, eò maiores circulos describunt, & ideò celerius moueri debent eodem tempore. Igitur ea animalia, quæ longiora crura habent, comparata ad molem corporis eorum, celerius sursùm impelluntur, quando in saltu crura explicantur. At proiecta, quæ celerius impelluntur prolixius spatium confi-

conficiunt, ergò Animalia habentia crura longiora maiores saltus efficiunt. Cap. 21.  
De saltu,

Hinc est, quòd locustæ, grilli, & Pulices longos saltus efficiunt, quia nempè eorum pedes posteriores valdè prolixi sunt, vt æquent, aut superent longitudinem eiusdem animalculi. Contra in hominibus, & quadrupedibus.

## P R O P O S. CLXXVII.

Animalia minora, & minùs ponderosa maiores saltus efficiunt respectu sui corporis, si cætera fuerint paria.

Quoniam ostensum est <sup>a</sup>, quòd duo corpora inæqualia impulsæ à potentijs motiuis, eandem proportionem habentibus, quam corpora ipsa, mouentur æqualibus velocitatibus, verbi gr. si corpus primum fuerit duplum secundi, eorumque virtutes motiux pariter sint in dupla proportione, spatium transactum à primo æquale erit ei, quod à secundo eodem tempore percurritur. Hinc sequitur, quòd si in equo, & cane existent vires motiux proportionales molibus corporeis eorum, scilicet si pondus, & moles canis sit vna quinquagesima pars ponderis, & magnitudinis equi, & vires motiux in eorum corporibus diffusæ fuerint uniformes, & homogeneæ, erit quoque vis motiua canis vna quinquagesima pars virtutis motiux equi. Igitur (si cætera fuerint paria, nempè vectes, & reliqua organa sint in eadem proportione) saltus canis tantum spatium percurreret, quantum ab equo transigitur, scilicet ambo spatium octo pedum vnico saltu pertransibunt.

a In lib.  
De Vi per  
cus. prop.  
12.



Cap. 21.  
De saltu.

Verum, quia saltus octo pedum longitudinem equi non superat, & corporis canis longitudinem quater comprehendit, hinc fit, quod saltus canis respectu sui corporis quater maior, & vehementior sit saltu equi.

Aduerto tamen, quod impetus in saltu non imprimitur in instanti; ut in percussione, sed motu sociali, quo centrum grauitatis Animalis promouetur eo tempore, quo articuli explicantur; At quia expansio articulorum cruralium canis non æquat quartam partem expansionis crurum equi, hinc deducitur, quod gradus velocitatis impressus in cane multò minor sit impetu impresso in equo, & proindè hoc nomine saltus canis minor esse deberet saltu equi. Igitur ab alia causa velocitas saltus canis augetur, quæ talis esse videtur.

Demonstrauit eximius Galileus (de motu locali,) quod in corporibus Animalium proportionaliter crescentium minuitur pondus in maiori proportionem, nempe duplicata resistentiæ, & roboris eorum; & ideò ossa maiorum Animalium crassiora fieri debebant, ut suo robore incrementum ponderis sustentare valerent; Et hinc fit, ut Animalia vasta, quæ corpus valdè ponderosum habent, minùs viuacia, & minùs agilia sint, quam exigua Animalia. Quare verum est, quod minus ponderosa Animalia maiores saltus respectu sui corporis efficiunt.

#### P R O P O S. CLXXVIII.

In saltu ad horizontem obliquo, motus fit per lineam parabolicam proximè.

Quandò saltus fit per lineam perpendicularem ad  
hori-

horizontem, patet, quòd ascensus, & descensus fiunt per eandem perpendicularem, vt contingit in proiectis versus verticem. At si impulsus fiat per lineam inclinatam ad horizontem ad angulos obliquos, tunc linea descripta in saltu à centro grauitatis, erit curua parabolica, quia componitur ex motu recto proiectio vniformi, & ex descensu accelerato corporis grauis, vt à Galileo de motu projectorum ostensum est.

Cap. 21.  
De saltu.

## P R O P O S. CLXXIX.

Quare cursus saltum longiorem, & altiorem producit, declarare.

Quia in cursu corpus Animalis acquirit impetum, non secus, ac pila super planum horizontale proiecta, & talis impetus non deletur à nouo transuersali impulsu, sed motum prosequitur per nouam directionem, igitur eodem modo impetus, quo transportatur corpus Animalis currendo, non extinguitur à declinatione, quam saltus producit, sed tantummodò directionem itineris commutat. Et quia vterque impetus, cursus nempè, & saltus vigent, simul iuncti component vehementiam maiorem ea, quæ à simplici saltu effici potest, & proindè maius spatium excurrere possunt. Quare saltus augebitur, quoad longitudinem, & altitudinem à cursu præcedente.

a De Vi.  
perc. cap.  
3. prop. 5.

Hinc est, quòd qui currunt, ab eodem impetu, quo feruntur, faciliùs per loca accliuia scandunt, dum ille impetus perseverat.

## P R O P O S. CLXXX.

In saltu, capitis, & pectoris inflexio commutat directionem motus centri grauitatis.

Ex dictis patet, quòd motus ipsius saltus non est alius, quàm continuatio eiusdem directionis, per quam Arcus articulorum pedum terræ innixi explicantur, & impellunt centrum grauitatis totius corporis. Et quia talis impulsus fieri debet per illam directionem, per quam Arcus crurum, & incumbens centrum grauitatis inclinantur, cùmque talis inclinatio varietur à capitis, & pectoris deuiatione, & inclinatione antrorsum, vel ad latera, ergo à capitis, & pectoris flexione dirigitur, & commutatur motus saltus &c.

## P R O P O S. CLXXXI.

Quo artificio euitetur læsio pedum in lapsu post saltum, indicatur.

Duplici impetu impresso corpus Animalis in fine saltus solum attingit, impetu nempè proiectitio à musculis impresso, & ab acquisito impetu in descensu ponderosi corporis eius. Hisce velocitatibus affectum necesse est, vt idem corpus fortitèr percutiat pavementum, à cuius duritie plantæ pedum contundi, frangi, aut luxari possunt. Vt verò talis noxa euitetur, experientia, & habitu edocti solemus articulos pedum extendere, & elongare, vt extremis digitis terram attingamus; postea subito cedendo, & sensim flectendo eosdem articulos, impetum præcipiti,



pitij, & percussionis continenter debilitamus, & ferè extinguiamus.

Insuper impetum, quo fertur centrum grauitatis, solemus refrænare in fine saltus retrorsùm capite, & thorace reflexo, vt à tali motu contrario ruina impediatur.

Ijsdem legibus, & operationibus mechanicis fiunt saltus Animalium multipedum, proindèque non indigent noua expositione. Id ipsum in Reptilibus verificatur, licèt pedibus carcant, nam spina hinc indè tortuosè inflexa æquiualeat articulis pedum Animalium quadrupedum, & à musculis plicas extendentibus fiunt saltus.

DE VOLATV.

C A P V T XXII.

**S**icuti Terrestria Animalia super Terram, sic Aues per aerem volando incedunt. Talis motus efficitur mirabili artificio; & organis mechanicis, quorum theoriā explicare conabimur.

PROPOS. CLXXXII.

Structuræ alarum, earumque partium expositio.

Tab. 12. Fig. 7.

Animalia omnia bipedia, & quadrupedia præter pedes posteriores habent duo brachia scapulis annexa, quæ in quadrupedibus inseruiūt, vt pedes ad ambulandum; in hominibus ad contrectandum, in Auiibus ad volan-

Cap. 12.  
De Volatu.

volandum. In hisce omnibus animalibus brachia componuntur ex pari numero articulorum, & ex ossibus principalibus similiter dispositis ex scapula, ex humero, ex cubito, ex radio, & ex carpo.

Scapulæ fixè annectuntur extremis terminis radio-  
rum claviculæ; & huius nodus angularis affigitur me-  
diæ sterni summitati. At in auibus scapulæ structura  
diuersa, & magis artificiosa est, constat enim ex duo-  
bus ossibus oblongis DL, DM angulum LDM acutum  
constituentibus, quorum vnum supremum LD costis  
dorsi adhæret, alligaturque pluribus musculis spinæ,  
dorsi; infimi verò ossis scapulæ terminus M planus, &  
circularis firmissimo tendine annectitur aciei laterali  
ossis sterni. Verùm in angulo scapulæ N agglutinatur  
vnus terminus claviculæ KN, & in angulo scapulæ D  
excavatur sinus rotundus, intra quam rotatur humeri  
supremum tuberculum, ibidem valido tendine alliga-  
tum.

Præterea in cauitate anguli scapulæ adest foramen  
I, seu trochlea, per quam excurrit tendo CIH musculi  
eleuatoris alæ. Tandem admiratione digna naturæ  
prouidentia obseruatur, cum firmissimè centrum fle-  
xionis alæ binis fulcris ossium DM infimæ scapulæ, &  
claviculæ KN stabiliuit innixis aciei, & cristæ ossis  
sterni, vt nimirum resistere valerent actioni robustissi-  
mi musculi pectoralis BG alæ depressoris. Extremo  
humero annectuntur duo ossa cubiti, & radij longio-  
ra, quàm humerus. Hisce annectuntur ossa carpi, quæ  
manum in hominibus, & extremum articulum alæ in  
Auibus constituunt, estque carpi longitudo paulò mi-  
nor humero.

Longitudo ossium alarum, & pinnarum earumdem

non est vniformis in omnibus Auibus, scilicet non habent eandem proportionem ad longitudinem corporis ipsius Auis. Struthio-cameli enim breuissimas, & gracilissimas alas habent respectu sui vasti corporis; Gallinæ, & ceteræ Aues, quæ parum, & rarò à terra volitando eleuantur, aliquantò maiores; Columbi adhuc longiores; sed valdè prolixas alas habent Aquilæ, cigni, hyrundines, & reliquæ Aues, quæ ferè semper per aerem volitant. In hisce ossa cuiuslibet alæ æquant, vel superant longitudinem corporis eiusdem Auis à fine colli, vsque ad coccigen, & vna cum pinnis triplæ ferè sunt longitudinis totius corporis eiusdem.

Consistentia eorundem ossium Auium mirabilis quoque esse videtur; sunt enim fistulæ subtilissimæ, & durissimæ, multò magis excauatæ, quam ossa artuum hominum, aut quadrupedum. Hoc factum est, sicuti egregiè Galileus demonstrauit in scientia noua mechanica, vt diminuto pondere ossium, augeretur robur, & resistentia eorum à figura fistulosa, vt Auium alæ parum graues, & simul robustæ aptiores essent ad volatum.

Non minùs accurata solertia pennæ alarum efformatæ à natura fuerunt, vt leuissimè, fortissimè, & ad instar arcus resilientes validam percussione aeri inferre possent. Earum substantia cartilaginea, sed dura ad instar cornu est, quarum radices directæ sunt fistulosæ, valdè excauatæ, & subtiles, & earundem productiones incuruatæ replentur medulla spongiosa minimùm graui, tegunturque cortice durissimo, & subtili, & conuexo, & insuper alio cortice in facie caua bipartito in duos semicilindros, vt ambo post incur-



Cap. 22.  
De Volatu.

incuruationem valida resilitione ad instar Arcus denuò dirigerentur, & post expansionem denuò incuruarentur, & sic vehementius aerem percuterent.

Præclarè quoque filamenta villosa transuersalia pennarum efformata sunt, raram, leuissimam, & robustam consistentiam resilientem ad instar arcus habentia, & pilis ramosis latera filorum mutuò implicata contexuntur, vt ad instar veli nauium aeris percussu transitum impendant. Vtque melius penetrationem aeris vetent, superponuntur in interstitijs aliæ pennæ minores, & plumæ super alias ad instar squamarum Piscium, vt omnes simul æmulentur domorum tecta ex tegulis composita, & sic mutuò se adiuuando rimas omnes præcludant.

### P R O P O S. CLXXXIII.

Quo ordine, & modo Aues, earumque alæ moueantur in volatu.

Vt artificium mechanicum, quo volatus efficitur, indagare possimus, oportet, vt exactè obseruemus, quanam partes alarum, quo ordine, & quibus circumstantijs moueantur, quando Aues volitant. Dum Aues quiescunt Terræ innixæ, articuli alarum complicati adhærent lateribus Auium. At quando volatum inchoare volunt, primò cruribus inflexis grandi saltu è Terra eleuantur: Secundò alarum articuli explicantur, vt rectam lineam constituent perpendiculariter insistentem ad superficiem lateralem pectoris; Ita vt duæ alæ in directum extensæ secent ad instar Crucis longitudinem corporis Auis. Postcà, quia alæ cum  
anne-

annexis pennis constituunt laminam ferè planam; hæc quidem parùm supra horizontem eleuatæ vehementissima vibratione, motu ad alarum planam ferè perpendiculari aerem subiectum percutiunt, & tali vehemētissimo ictui aer, licèt fluidus sit, resistit, tum ob naturalem inertiam, qua in quiete retinebatur, tum etiam, quia à velocissimo impulsu machinulæ aeræ condensantur, & earum vi elastica resiliendo, resistunt compressioni, non secus, ac solum durum; ex quo fit, vt tota machina Avis resiliat, nouum saltum per aerem efficiendo; ac proindè volatus nil aliud erit, quàm motus compositus ex frequenter repetitis saltibus per aerem factis.

Et noto, quòd ala facilè ad planam suam superficiem motu ferè perpendiculari aerem percutere potest, licèt vnicus eius angulus ossis humeri scapulæ alligetur, remanente libera, & dissoluta tota latitudine basis eius, cum pennæ maiores transuersales non alligentur pelli laterali thoracis. Hoc non obstante, ala æquè benè ad instar Ventilabri circa eius basim circumuolui potest; quia ossium connexio suis prominentijs, & fulcris impediunt alæ deuiationem, & fortis ligatura, & insertio pennarum vetat earum circumductionem. Nec deficiunt ligamenta tendinosa, quæ ad instar funium velorum Nauium retinent easdem pennas, ne plus iusto explicentur.

Non minùs admirabilis est naturæ solertia in explanatione, & reductione alarum fursùm, eas enim non in latum, sed cæsim fursùm mouendo osseam partem, vbi radices pennarum inferuntur, fursùm reducit; Sic enim absque aeris impedimento veluti à gladio motus fursùm alæ planæ fieri potest, & proindè exigua vi su-

Cap. 22.  
De Volatu.

spendi, & eleuari possunt. At postea à tractione transfuerfali, & ab ipsa aeris resistentia, cum flectuntur eadem alæ explanantur, vt insinuatum est, & inferius clarius patebit.

### P R O P O S. CLXXXIV.

Musculorum alas mouentium magnitudo, dispositio, & modus operandi consideratur.

Tab. 12. Fig. 7.

Alæ, quæ sunt brachia Volatilium non secus, ac in hominibus, distinguuntur in tres articulos, humeri, cubiti, & carpi; At illa carent manibus subdiuisis in articulis digitorum. Par quoque est multitudo musculorum extendentium, & flectentium in vtrisque Animalibus; Verum longè differunt, quoad magnitudinem, situm, & posituram.

Et primò pectorales musculi hominis flectentes humeros, parui, & parùm carnosi sunt, non enim æquant quinquagesimam, aut septuagesimam partem omnium musculorum hominis: E contra in Auibus pectorales musculi vastissimi sunt, & æquant, immo excedunt, & magis pendent, quàm reliqui omnes musculi eiusdem Auis simul sumpti; Vndè conijci potest, quàm grandis sit illa vis motiua, quæ exigitur ad alarum vibrationem efficiendam, vt postea ostendemus.

Secundò adnotari quoque debet situs, & connexio pectoralium musculorum; in hominibus enim initium sumunt ab osse plano sterni, à cartilaginibus, à medio clauiculæ, & à costis 6, 7, 8, quibus annectuntur; At in Auibus os sterni vastum est, durum, & graue simile thoraci ferreo militari, cristam, seu parietem habens

in



in medio erectum; huic cristæ amplis faciebus, & plano eiusdem thoracis radicanitur fibræ vastorum musculorum pectoralium, quæ fibræ postea valido, & lato tendine, & sine carnosio annectuntur supræmæ amplæ, & rotundæ aciei palmulæ proximæ tuberculo humeri; cum in hominibus infra tuberculum, in ipso osse cylindrico humeri inserantur. Hinc deducitur, quod in Avibus distantia directionis musculorum pectoralium à centro vectis alæ sit exigua, æqualis nempe semidiametro tuberculi, quod rotatur intra scapulæ sinum, estque talis distantia minor sexta, vel septima parte longitudinis humeri, & decimaoctava longitudinis totius brachij ossei, atque quadragesima ferè parte totius alæ cum suis pennis.

In hominibus ad brachij elevationem inseruit musculus Deltoides, qui externæ alligatur claviculæ, & summo apici scapulæ, estque antagonista, & contrapositus pectorali, & eandem externam faciem humeri oppositis motibus trahunt, nempe deorsum flectendo, & fursum eleuando. At in Avibus deficit Deltoides, & eius loco adest musculus oblongus teres, exiguus, repositus in angulo ossis thoracis à cristâ facto, qui musculus contrahendo fibras per eandem directionem, & ad easdem partes, ad quas fibræ pectoralis contrahuntur, producit nihilominus effectum contrarium, scilicet eleuat humerum fursum versum dorsum, & caput, dum pectoralis id ipsum deprimit, & flectit versum sternum.

Hoc autem, ut clarè percipiatur in hac figura, sit os humeri avis ABD, cuius caput, seu supremum tuberculum parum explanatum BFEC, annexum fortissimo tendine D in medio sinu scapulæ, & in loco C supræ-

Cap. 22.  
De Volatu.

mo aciei, seu cristæ palmulæ, & per totam longitudinem CB annectitur tendo cum fibris carneis BG musculi pectoralis, qui trahendo per directionem BG versùs G humerum BA flectit, & deprimit versùs G circa centrum eiusdem tuberculi. At in opposita facie in eiusque acie E eiusdem palmulæ extremæ alligatur tendo HIE musculi eleuatoris alæ; & hic circumductus per foramen excavatam in angulo ossis scapulæ I, veluti circa trochleam fit, vt ex tractione musculi eleuatoris per eandem directionem ab I versùs H subsequatur circumductio contraria, nempe distractio, & remotio alæ à pectore GB, & proindè eleuatio humeri EA vnà cum tota ala, non in latum, sed cæsim, pennis ponè sequentibus ad instar vexilli.

Necessitas verò, ob quam natura hanc diuersitatem in Auibus instituit, est, quia grandis musculus eleuator alæ in subtili, & debili ossè LD supremo scapulæ alligari non poterat, nec illa suprema corporis pars à tanto musculo grauari debuerat, sed potius infima pectoris pars à tali additamento ponderosior reddi debuerat, vt centrum grauitatis totius Auis in profundiori, & infimo situ pectoris poneretur ob necessitatem inferiùs exponendam.

Præter hos duos musculos vnà cum alijs minoribus, adiuuantibus flexionem, & dilatationem humeri, ad sunt alij flexores, & extensores cubiti, & carpi, qui in Auibus pusilli sunt, & breues, secus, quàm in hominibus, quia horum manus, grandes, plures, & validos motus exercere debuerant, qui pluribus prælongis, & crassis musculis indigebant. At in Auibus, quæ manibus carere debebant extremi articuli alarum solummodò dirigendi, & flectendi sunt, & ideo minori apparatu musculorum indiget.

PRO,

## P R O P O S. CLXXXV.

Cap. 22.  
De Volatu.

Centrum grauitatis Auium depressum esse debuit.

Tab. 12. Fig. 8. & 9.

Notum est <sup>a</sup>, centrum grauitatis esse punctum in medio corporis, ex quo si id suspenderetur in qualibet positura quiesceret æquilibratum; è contrà, quando suspenditur ex puncto distincto, & remoto à centro grauitatis, tunc corpus illud non quiescet, nisi in vnico situ tantum, nempe in eo, in quo recta linea coniungens punctum suspensionis, & centrum grauitatis, perpendicularis fuerit ad horizontem. Vt si fuerit corpus ABC, cuius centrum grauitatis D, & suspenderetur ex puncto E poterit quidem circumduci per circuli peripheriam FGD; cuius diameter FD perpendicularis sit ad horizontem. Manifestum est, quòd corpus ABC, sicuti penduli natura exigit, translato centro grauitatis D, in quolibet puncto G sublimi circumferentiæ illius non quiescet, sed descendet versùs infimum situm D, & ibidem quiescet, vbi nempe linea ED perpendiculariter ad horizontem insistit. Hinc deducitur è conuersò, quòd quotiescumque corpus pendulum ABC suspensum ex E quiescit, & post agitationē reducitur in eandem positurā, vt semper facies eius BC sit prona, concedendum est, quòd centrum grauitatis existit in aliquo puncto perpendicularis ad horizontem ED, posito infrà punctum suspensionis E.

<sup>a</sup> De Æquep. def.  
3. in Arch. Aust.

Noto etiam, quòd si aliquod corpus in medio fluido constitutum, semper in eadem positura se accommodat, centrum grauitatis eius iacebit in inferiori parte



Cap. 22.  
De Volatu.

parte Terræ proxima, vt <sup>b</sup> si pila AB, siue in aqua, siue in aere existens semper punctum eius B in infimo situ se accommodauerit, concedendum est, quòd centrum grauitatis totius pilæ existit, vltra medium in aliquo puncto C proximo ipsi B, quod pariter sequitur ex penduli natura.

b Tab. 12.  
Fig. 9.

Similiter, quia videmus, quod Aues volantes semper ventre prono se disponunt in aere absque vllò conatu, ergò concedendum est, quod centrum grauitatis earum in infima parte pectoris, & ventris existit.

Pòsteà, quia Aues aere grauiore à vi Alarum sustinentur, ne decidant, & suspenduntur in nodis articulorum humeri, & scapulæ in suprema parte Auis positæ, ergò necesse est, vt infrà Alarum radices in infima parte pectoris centrum grauitatis existat, & in recta linea perpendiculari ad horizontem, & ad longitudinem corporis eiusdem Auis.

Confirmatur hæc assertio ex praxi, qua solemus centrum grauitatis inquirere in corporibus irregularibus. Si enim Auem deplumatam super aciem cultri horizontaliter extensam varijs modis applicemus, reperietur punctum illud, in quo Auis æquilibratur, scilicet centrum grauitatis in recta linea à nodis, seu radicibus alarum ad medium ossis pectoris perpendicularitereducta ad longitudinem corporis ipsius Auis, & in tali positura quiescunt Aues dormiendo innixæ virgultis arborum.

Insuper videmus, quòd ponderosiores partes Auis, scilicet ossa crassiora, & maiora, pariterque carnes in externo pectore, nempè in infimo situ eius collocantur. Ossa enim pedum, & sterni vasta, & crassa sunt. Econtrà spina, & costæ subtiles, & parum graues sunt;

simi-

similiter muscoli pectoris coxendicum, & crurum deorsum pendentes æquant, aut excedunt molem viscerum, & reliquorum musculorum totius Auis, utque multò magis infima pectoris pars gravaretur, natura musculos leuatores alarum non posuit in suprema scapula, sed in medio pectorali musculo recondidit, ut dictum est. E contra suprema cavitates thoracis aere repletur, & ideo minus gravis est, quàm infima pars eius. In abdomine quoque cavitates maiori ex parte ab aere occupatur, qui supereminet intestinis à proprio pondere deorsum tractis super musculos abdominis. Ex qua dispositione partium percipimus, naturam sedulò curasse, ut centrum gravitatis Avium infra radices alarum apponeretur, ut semper prono ventre per Aerem suspenderentur. Sic enim à valida Alarum vibratione, & percussione subiecti aeris retineri potest suspensa machina gravis ipsius Auis, & impediri eius lapsus.

Contra adductam theoriam reclamare videntur aliquæ observationes. Videmus enim, quòd Aves dum stant, & gradiuntur æquilibrari solent circa punctum positum inter nodos scapulæ, & coxendicis, per quod transit linea perpendicularis ad horizontem, quæ inter digitos pedum terræ innixos incidit. Undè colligitur, quòd centrum gravitatis Avium cadit ultra nodos alarum versus caudam. Præterea Aves stando non præcisè in situ parallelo ad horizontem, sed corpore parùm inclinato quiescunt, & æquilibrantur.

Hæc omnia vera sunt, nec tamen repugnant superiori doctrinæ; nedum enim declinare centrum gravitatis ab exposita situatione potest, sed etiam posituram variare pro diuersa Animalis exigentia; est quippè  
collum

Cap. 22.  
De Volatu.

collum Anis, valdè ponderosum ob multiplices vertebrae osseas, & ob capitis pondus; ex quo fit, vt retracto capite, vel extenso, & prolongato horizontaliter pro vectis maiori longitudine, vel minori, momentum eius varietur, & centrum grauitatis totius Auis modò versus caput promoueatur, modò versus caudam retrahatur. Sic quando Anseres volitant videmus, quòd collum dirigunt, & extendunt anteriùs ad instar brachij stateræ cum pondere capitis in eius extremo appenso. Quare tunc centrum grauitatis totius promouetur versus caput. Præterea, dum aues volant, articuli pedum exactè complicari solent, pectori adhærendo, præterquam in Anseribus, & alijs, quarum caput grauissimum est, vt pondus pedum anteriùs, vel posteriùs pro æquilibrij exigentia transferatur. Tertiò, dum Aues terræ innituntur, Alæ complicatæ lateribus adhærent, & ideò augent pondus posterioris partis; at dum volitant, alæ extenduntur, & flectuntur versùs caput, & ideò anterior pars Auis magis grauiatur. Ab his tribus causis per spatium notabile centrum grauitatis totius Auis anteriùs promouetur, quousque linea id connectens cum nodis alarum scapulæ, præcisè perpendicularis sit ad horizontem, & ad longitudinem corporis Auis, & sic commodissimè positura prona aerem subiectum ventilabris alarum percutiendo, repetitis saltibus per aerem volare possunt.

c Tab. 11.  
Fig. 7.

Hæc Theoria præclarè quoque confirmatur ex solutione huius problematis; quare scilicet Aues, quando dormiunt, caput recondunt, sub vna alarum. Ratio prima, & euident est, quia actio voluntaria, & laboriosa in somno exerceri non potest; & ideò pondus



dus colli, & capitis tunc suspendi non potest, & proinde alicubi inniti debet. At altera causa, quæ ad rem facit, est, quia retracto capite, & reposito versùs caudam non secùs, quàm decurtato brachio statera, & retracto romano, centrum grauitatis retrocedit, vt cadat perpendiculariter in medio vnguium pedum, quæ validè ramum arboris apprehendunt ad instar forcipum, vt dictum est a, & sic Avis æquilibrata facile quiescere potest. Deindè, vt opificium mechanicum, quo volatus perficitur, percipi possit, præmittuntur hæc lemmata.

Cap. 22.  
 De Volatu.

d Prop.  
 150. huius.

## P R O P O S. CLXXXVI.

Si arcus <sup>a</sup> EABF compositus ex tribus regulis EA, AB, BF æquè inclinatis, & solo innixis in E, F, à pondere incumbente D comprimatur, & anguli æquales A, B à funibus GI, LH constringantur; Dico, quòd potentia funes contrahens ad pondus incumbens D se habet, vt duplum KA distantiae directionum extremorum radiorum ad AO, distantiam directionis funium à centro A.

a Tab. 12.  
 Fig. 10.

Quia pondus D per eandem directionem perpendicularem ad horizontem comprimit pauimentum, quo hoc impulsui illius resistit, & æquibrantur, ergò potentia ponderis D æqualis est resistantiæ pauimenti.

Postea, quia potentia contrahentes funes GI, & HL agunt, & æquibrantur cum pondere D, & cum resistantia soli, igitur, vt dictum est, semissis potentia funium agit contra pondus D, & reliqua medietas contra resistantiam pauimenti.

P p

Insu-

Cap. 22.  
De Volatu.

Insuper, quia pondus D sustinetur à duobus fulcris AE, & BF æquè inclinatis, ergò semissis ponderis D sustinetur à fune GI, vecte AE, & altera medietas eiusdem D à fune HL, vecte BF.

His positis, quia vectis EA impellitur circa centrum A à resistantia soli E per directionem EK, cuius distantia à fulcramento est AK, nec non à semisse potentiae contrahentis funem GI, per directionem GI, cuius distantia à fulcramento est AO, ergò semissis potentiae funis ad resistantiam soli in E, se habet, vt AK ad AO.

Simili modo potentia reliquæ medietatis funis OI æquilibratur semissi ponderis D eadem actione vectis AE, & funis contractione circa centrum A, & per easdem directiones, ergò semipotentia funis GI ad semipondus D est, vt distantia AK ad AO; & ideò integra potentia funis GI ad resistantiam soli in E, & ad semipondus D, est, vt duplum AK ad duplum AO, & ad solam resistantiam semissis D se habet, vt duæ AK ad simplicam AO. Et tandem potentiae funium GI, & HL ad integrum pondus D se habent, vt quadruplum AK ad duplum AO, scù vt duplum AK ad simplicam AO.

#### PROPOS. CLXXXVII.

Iisdem positis, si funes constringantur tanta vehementia, vt Arcus à Terra resiliendo, saltum euidentem efficiat, scilicet multò maiorem, quàm in debili constrictione: potentia funes contrahens ad pondus incumbens D, compositam proportionem habet ex ratione dupli AK ad AO, & ex ratione subduplicata saltuum minimi, & euidentis. Tab. 12. Fig. 10.

In

In eadem figura fit saltus, quo Arcus resiliendo eleuatur minimus vnus digiti in altum; grandis verò saltus vigiti quinque digitorum, & quia, dum Arcus ob debilem contractionem funium, debili motu projicit pondus D fursùm, & saltum inobseruabilem ob exiguitatem, & extendibilitatem Arcus producit, tunc potentia funium ad pondus incumbens D est, vt <sup>a</sup> duplum AK ad simplam AO; & ad eius impetum ille impetus, qui vigesies, & quinquies altio rem saltum producit, subduplicatam proportionem habet <sup>b</sup>, scilicet eam, quam habet quinaris ad vnitatem, ergo ex ambabus rationibus componitur proportio potentie funium ad pondus D; & proinde in saltu euidenti potentia funium, ad idem pondus, eandem proportionem habebit, quam decuplum ipsius AK ad simplam AO.

Cap. 22.  
De Volatu.

a Prop. 38.  
huius.

b Prop.  
174. huius.

## P R O P O S. CLXXXVIII.

Aeris portio ab ala in volatu percussa comprehenditur à sectore solido à radio longitudinis alæ in eius conuersione designato. Tab. 13. Fig. 1.

Sit Avis volans ACBG, cuius Alæ longitudo AI, quæ in valida flexione aerem percutiendo, circulariter mouetur circa centrum tuberculi humeri A. Quare in eius vertigine describit sectorem AEP; estque Ala AE, non linea simplex, sed superficies plana, & cum ea aerem percutit, ergo eius motu describet sectorem solidum. Verùm ala non percutit alium aerem, quàm illum, qui in tali sectore solido continetur descripto ab eius motu; igitur patet propositum.



Cap: 22.  
De Volatu.

PROPOS. CLXXXIX.

Sector aeris ab ala in volatu percussus suam resistantiam exercet in centro grauitatis eiusdem sectoris solidi . Tab. 13. Fig. 1.

In eadem figura , vt Arcus EP ad duas tertias partes rectæ subtensæ EP , ita fiat radius AI ad AQ; erit punctum Q centrum grauitatis sectoris circularis AEP , vt alij demonstrarunt , & ideò in sectore solido prismatrico ab alæ planæ circumductione descripto centrum grauitatis cadet in medio puncto lineæ intersecantis omnes planos sectores inter se parallelos per centra grauitatum eorum ductæ ; quare centrum sectoris solidi Q abscindet longitudinem alæ AI, vt AQ sit paulò minùs , quam duæ tertiæ partes longitudinis alæ . Ostendendum modò est , quòd sector solidus aeris AEP exercet suam resistantiam contra ictum alæ in Q centro grauitatis eius . Quia ala AE impellit, & percutit aerem non in vniuo situ tantum , sed in tota eius longitudine, & amplitudine , & percussiones fiunt per circumferentias circulares inter se similes proportionaliter crescentes à centro ad alæ extremitatem , & ideò inæqualiter veloces , ergò sector aereus percutitur ab ala per easdem circumferentias sectorem describentes , & iisdem velocitatibus , sed quanta est energia percussionis , tanta est præcisè resistantia, qua aer in prædicto spatio sectoris solidi contentus impellitur , & condensatur , cui impulsui , & condensationi aer ille resistit, non secùs, ac si esset sector corpus ponderosum, & ab ala suspendi deberet . Igitur sicut tale  
corpus

corpus graue exercet suam resistantiam in centro grauitatis eius, sic quoque sector aereus resistet impulsui alæ in centro grauitatis eius  $Q$ , & proindè longitudo vectis alæ non erit tota eius longitudo  $AI$ ; sed  $AQ$ , cuius terminus  $Q$  premitur à sectore solido aereo sua vi elastica, quæ non secùs, ac grauitas resistit impulsui alæ in centro grauitatis eius.

Cap. 22.  
De Volatu.

## P R O P O S. CLXXXX.

Quomodo aer resistit impulsui alarum, indicatur.

Licèt verissimum sit, quòd aer à quacumque vi motiua, quantumuis debili, moueri, & distrahi possit, & proindè indifferens ad motum esse videatur; tamen experientia docet, quòd resistit forti, & validæ percussioni flabelli eò maiori energia, quòd motus percussius velocior fuerit. Causa huius resistantiæ duplex esse videtur. Primò, quia aer percussus moueri debet, quiescente aere collaterali, vt fluidorum natura exigit; vt verò exigua aeris portio solummodò moueatur, & locum commutet, necesse est, vt vertigine quadam rotetur intrà grandem molem aeris quiescentis, veluti intrà vas aliquod, & tunc necesse est, vt mutuò confricentur, & contorqueantur particulæ aeris cauæ quiescentes, pariterque conuexæ, quæ rotantur. Verùm tales confricationes, & agitationes fieri non possunt absque violentia, & resistantia, & ideò necesse est, vt impetus flabelli impediatur, & debilitetur à fluxu aeris moti.

Secundò idem aer percussus resistit impetui flabelli motu elastico, quo machinulæ aeræ ab impulsu compressæ

Cap. 22.  
De Volatu.

pressæ nituntur se dilatare . Ab hisce duabus resistentijs , nedum impeditur vehementia , & motus flabelli alæ , sed prætereà repellitur motu reflexo , & tales duæ resistentiæ semper crescunt , quo magis motus impulsivus flabelli continuatur , & acceleratur . E contrà impetus alæ continentèr minuitur , & retardatur à resistentia aeris crescente ; Quarè impulsus , & resistentia reducentur ad æquilibrium , vt scilicèt tanta vi aer percutiatur ab ala , quanta ipse resistit .

P R O P O S . CLXXXI.

Si in Aue volante velocitas flexionis alarum æqualis fuerit velocitati , qua aer subiectus percussus resistendo retrocedit ; Avis consistet in eodem situ .

Tab. 13. Fig. 1.

In eadem figura , dum Avis in aere suspenfa volitat , si ala AE eadem velocitate flectatur versus P , ac aer subiectus percussioni resistendo retrocedit ad easdem partes . Dico , quòd Avis ACBG , neque ascendet , neque descendet . Quia eatenus Avis fursùm ascendere potest , quatenùs arcus EABF extremis vètibis solum firmum aereum impellendo saltum efficit recedendo ab eodem solo ; At quando solum non est firmum , sed retrocedit eadem velocitate , qua percutitur , tantùm præcisè Avis promouetur fursùm per saltum , & alarum flexionem , quantum retrocedit deorsùm ob descensum soli aerei , cui alæ innituntur ; ergò respectu spatij mundani in eadem distantia à terra consistet ,

PRO-



## P R O P O S . CLXXXII.

Iisdem positis, si velocitas flexionis alarum maior fuerit velocitate, qua aer percussus resistendo retrocedit: Avis sursùm eleuabitur, & ascensus æqualis erit differentiæ illarum velocitatum. Tab. 13. Fig. 1.

In eadem figura, quia supponitur, quòd velociori motu ala AE flectitur, quàm aer subiectus resistendo retrocedat, ergò eodem tempore Arcus, & subtendens EP transacta ab ala, maior est spatio descensus aeris subiecti; sed est impossibile, vt ala in aere flectatur, nisi sociali motu idem iter cum aere sibi contiguo percurrat. Igitur aliquo artificio mechanico motus maior alæ retardari debet, & decurtari ad hoc, vt æqualis efficiatur motui breuiori aeris. Hoc autem præclare præstari potest raptando sursùm centrum alæ A vnà cum Aue, & sic, licèt alæ extremitas E describat Arcum maiorem EP; tamen iter in spatio mundano confectum minuitur, præcisè quantum centrum alæ A, & ideò tota ipsa ala cum Aue retrocessit. Proindèque ascensus Avis æqualis erit excessui, quo velocitas flexionis alæ superat fugam aeris subiecti.

## P R O P O S . CLXXXIII.

Potentia musculorum alas flectentium plusquàm decies millies superat pondus Avis volantis.

Ostendimus, quòd vis motiua saltum producens in homine ferè ter millies superat pondus eius<sup>a</sup>; verùm

in

<sup>a</sup> Prop.  
175. huius.

Cap. 22.  
De Volatu.

in Aibus ostendi potest, quòd vis motiua saltum efficiens in maiori proportionem superet pondus eiusdem Auis. Quia earum pondus quoque ter ferè, & triplicato arcu suspenditur, & vectes pedum prolixiorum multò magis, quàm in hominibus multiplicant vim motiuam; quæ denuò ob multitudinem machinularum musculorum pedum earum plusquàm vigesies multiplicatur; & tandem ob saltus violentiam, & velocitatem vis motiua augebitur, vt superet plusquam ter millies pondus Auis saltum efficientis.

Hoc posito, quia volatus fit per saltus continuatos à vectibus alarum, quæ violentèr flectuntur à duobus musculis pectoralibus, suntque vires motiue, quas muscoli exercent in eodem animali proportionales magnitudinibus eorundem musculorum, vt dictum est, ergò existente multitudine, & longitudine fibrarum, scilicet massa carnosae musculorum alas flectentium, magis densa, robusta, & non minùs copiosa, quàm sit massa carnosae omnium musculorum pedum earundem, fatendum est, quòd vis, quæ exercetur à natura pro alarum flexione maior est, ea, quæ adhibetur in earum saltu.

Noto postea, quòd moles, & pondus omnium musculorum pedum in hominibus, minorem proportionem habet ad molem, & ad pondus totius corporis eorundem, quàm moles; & pondus pectoralium musculorum ad molem, & ad pondus totius Auis, sed vires motiue musculorum ad resistentias corporum, quæ suspendere debent, eandem proportionem habent, quam eorundem moles, siue pondera; ergò vis motiua musculorum pedum hominum minori proportionem excedit pondus proprii corporis, quàm

quàm motiua vis alarum superat pondús eiusdem volatilis .

Cap. 22.  
De Volatu.

Præterea obseruo, quòd saltus, qui fiunt per aerem volando, continuari possunt per quatuor, & plures horas absque interruptione, imò hyrundines tota die volantes conspiciamus; at saltus per terram, nec ab hominibus, nec à quadrupedibus, imò nec ab ipsis Auibus deplumatis continuari possunt eadem frequentia per semihoram, aut horam integram. Atqui potentia motiua quantò diutiùs agit, & sufficiens est, vt multòties idem pondus subleuet, tantò copiosior, & validior esse debet, quàm alia, quæ non nisi breuiori tempore id ipsum præstare potest. Igitur potentia musculorum alarum multò maior est potentia musculorum pedum, eamque excedet plusquam quater. Quod tali ratiocinio suaderi potest. Innitatur homo primò super pauimentum durum, & firmum: Secundò super culcitram, lanam, & arenam, aut super arcum compressibilem; postea flexis pedum articulis alternè, si eodem conatu saltus efficiat, manifestum est, quòd saltus in solo firmo erit maximus, è contra in solo fugaci, & cedenti erit minimus, vt ergo ambo saltus fiant æquales, scilicet ad æquales altitudines pertingant, oportet, vt ille, qui solo diffugienti innititur, exerceat vires tantò maiores reliquo, quantum ob soli instabilitatem motus resilitiois minuitur, cum talis resilitio sit causa saltus. Et quia pauimentum aereum, super quo auium alæ innituntur, est fluidum, & ictum effugiens, ergo necessariò ad volatum, nempè ad saltus per aerem efficiendos, requiritur longè maior vis motiua, quæ saltum quadrupla erit eius, quàm ad saltus in solo firmo requiritur. Sed in his vis motiua ostensa est b, ter

b Prop.  
175. huius.

Qq

mille-



Cap. 22.  
De Volatu.

millecupla ferè ponderis animalis fursùm impulsì .  
Igitur vis , quæ exercetur à musculis pectoris in volatu , non erit minor , quàm decies millecupla ponderis auis volantis .

## PROPOS. CLXXXIV.

Causæ ingentis potentiæ motiux alarum inquiruntur .

Tantus excessus virtutis motiux musculorum pectoralium in Auibus , videtur pendere , primò ex eorum vastitate , & ex firmiori , & fortiori structura organica fibrarum eorundem musculorum pectoralium ; sunt enim tales fibræ spissiores , & compactiores componentes densam , & plenam carneam massam , similem consistentiæ fibrosæ cordis , & ventriculis carnosis eorundem Auium . Cum è contra muscoli pedum consistant ex carne rara , & laxa . Hinc fit , vt illi vehementiores , & validiores dispersones efficere possint , & ideò maiorem vim exercere valent , quàm isti .

Secundò , augetur actio alarum ob diminutionem resistentiæ , quia corpora Auium minùs ponderosa sunt in specie , quàm corpora hominum , & quadrupedum , scilicet pondus illarum ad horum pondus minorem proportionem habet , quàm moles ad molem . Hoc patet , quia ossa Auium fistulosa , valdè excavata , & subtilia sunt , ad instar radicum pennarum : scapulæ , costæ , & brachia parùm carnosæ sunt , pectus , & abdomen , amplas cauitates aere plenas habent ; pennæ tandem , & plumæ leuissimæ sunt ; Vndè duplici nomine augetur potentia alarum , ob virtutis motiux musculorum

sculorum incrementum , & ob diminutionem ponderis resistentis .

Cap: 22:  
De Volatu .

Minuitur quoque resistentia ob defectum impetus descensui, qui producitur, & augetur ab ipsa gravitate Auis in aere innatantis, & vim exercentis, ut deorsum feratur. Talis impetus descensivus minuitur eò magis, quò motus eius deorsum retardatur ab expansione alarum, & extensione caudæ; vnde vis motiva alarum facilius saltus per aerem repetere potest, diminuta nempe resistentia impetus descensui ipsius Auis.

Tertio, in quolibet saltu per Terram, impetus proiectivus extinguitur subito, postquam pedes Terræ impingunt, & ideò continenter impetus renouari debet; Verum in saltu per aerem, dum Aues volant, impetus proiectivus ab aere fluido non extinguitur, & ideò adiuuat subsequentes impulsus, qui per aerem fiunt à vibratione alarum.

Quarto, in singulis saltibus per Terram, plantæ pedum non sine læsione, & molestia dolorifica terræ illiduntur, & hoc nomine lassitudo, scilicet debilitas, subsequitur. Talis autem læsio in saltibus per aerem non contingit, & ideò vis motiva minùs debilitata saltus maiores intensuè, & extensuè efficere potest. Ab omnibus hisce causis enarratis, id ipsum præstari potest.

Pro sequentibus propositionibus præmitti debet sequens lemma.

Cap. 22.  
De Volatu.

PROPOS. CLXXXV.

Quomodo impulsus obliqui transuersales, directè impellere possunt corpora, ad motum indifferentia. Tab. 13. Fig. 3.

Constat ex mechanicis, quòd actio cunei ABC, qua duæ partes EFG, & LMN, eiusdem corporis scindi, & ab inuicem separari debent, est translatio corporum resistentium DF, & HM super inclinatas superficies cunei CA, & CB, super quas coguntur ascendere, dum cuneus insinuat per directionem axis ab I versùs C. Verum idem motus transuersalis ad partes oppositas super easdem superficies inclinatas CA, & CB fieri debet; si collateralia corpora DF, & HM nitantur se constringere, tunc enim cuneus læuis, & lubricus ABC motu contrario cogitur diffugere, & retrocedere à C versùs I, expulsus nempe à compressione collateralium corporum, non secùs, ac nuclei lubrici compressis digitis longius expelluntur; fitque talis expulsio tanta vi, & impetu, quantum corpora comprimantur DF, & HM suis momentis stringunt plana inclinata CA, & CB: quæ momenta ad earum vires absolutas<sup>a</sup> eandem proportionem habent, quam planorum AI, & BI altitudines ad longitudines AC, BC inclinationum eorumdem.

<sup>a</sup>Ex Schol.  
Prop. 63.  
huius.

PROPOS. CLXXXVI.

Si Avis in Aere suspensæ alæ expansæ aerem subiectum quiescentem percusserint motu perpendiculari ad horizontem, excurret avis transuersalimotu parallelo plano horizontis. Tab. 13. Fig. 2.

Sir



Sit Avis RS in aere suspenſa, quæ ventre prono alas BEA, & BCF expansas retineat, & primò à vento perpendiculariter ad horizontem ascendente percutiantur earum facies pronæ BEA, & BCF tanta vi, vt delapsus avis impediatur. Dico, quòd impelletur horizontali motu ab S versus R. Quia duæ alarum virgæ osseæ BC, BE vi muscutorum, & ob earum duritiem resistere possunt impulsui venti, & proindè retinere possunt eandem dilatationem, at tota latitudo flabelli cuiuslibet alæ cedit impulsui venti, cùm pennæ flexibiles rotare possint circa manubria, vel axes osseos BC, & BE; & ideò necesse est, vt pennarum extremitates A, & F ad inuicem approximantur; quapropter alæ formam cunei acquirunt, cuius acies tendet versus A, F. Tales autem cunei facies comprimuntur vtrimque à vento ascendente. Ergo<sup>a</sup> necesse est, vt cuneus exprimatur, expellaturque versus basim eius CBE, cùmque talis cuneus alarum promoueri non possit, nisi secum rapiat sibi annexum corpus avis RS in aere natantis, & ideò amouibilis è suo loco, proindèque cedere potest locum aeri aduenienti à vento impellente. Igitur avis horizontali motu excurrat versus R.

a Prop.  
antec.

Supponatur modò aer subiectus in quiete constitutus, qui percutiatur à flabellis alarum, motu perpendiculari ad horizontem. Quia perindè vela, & flabella alarum cunei formam acquirunt, acie versus caudam conuersa, & vim, & compressionem eandem ab aere patiuntur, siue alæ vibratæ aerem subiectum flagrantem validè percutiant, siue è contra alæ expansæ, fixè retentis osseis manubrijs, percussione venti ascendentis excipiant; & in utroque casu pennæ flexibiles cedunt

Cap. 22.  
De Volatu.

dunt impulsui, & proindè ad inuicem approximantur. Ergo, ob eandem necessitatem mox expositam, auis promouebitur antroorsum versus R.

### P R O P O S. CLXXXXVII.

Exponitur modus, quo auium volatus horizontalis efficitur.

Naturam, volatum instituisse constat, vt aues sursum impelleret, suspensasque in aere retineret; & præterea, vt motibus transuersalibus circumferri possent. Primum præstari non poterat, nisi frequentibus saltibus, seu alarū vibrationibus sursum impelleretur, & descensus auis ponderosæ impeditus fuisset: & quia conatus descensiuus grauium fit perpendiculariter ad horizontem; ergo vibrationes planarum facierum alarum fieri debebant percutiendo aerem subiectum directione perpendiculari ad horizontem, & sic natura auium suspensionem in aere producit. Circa secundum motum transuersalem auium nonnulli mirificè allucinantur. Putant enim fieri debere ad instar nauium, quæ à remis horizontaliter impulsis versùs puppim impellendo, & innitendo super aquam posticam quiescentem, & proindè resistentem, motu contrario resiliunt, & sic anteriùs promouentur. Eodem modo aiunt, quod alæ vibrantur versus caudam horizontali motu, & ibidem aerem quiescentem offendunt, ob cuius resistentiam motu reflexo anteriùs excurrunt. At hoc repugnat sensus euidentiæ, & rationi; quia videmus, quòd Aues maiores, vt sunt Cygni, Anseres, & aliæ similes dum volitant, nunquam alas versus caudam

caudam ad instar remorum horizontali motu vibrant, Cap. 12.  
De Volatu. sed semper eas deorsum flectunt, describendo circulos perpendiculariter ad horizontem erectos. Præterea in nauibus motus horizontalis remorum commodè exerceri potest, & percussio perpendicularis super aquam inutilis, & superflua esset, quia earum descensus prohiberi non debet, cum fulciantur ab aquæ pondere, & densitate. At in Auibus ineptè fieret talis motus horizontalis, qui potius volatum impediret, cum ab eo subsequeretur lapsus, & præcipitium aus ponderosæ, quæ proinde continuis vibrationibus alarum perpendicularibus ad horizontem suspendi debet. Coacta igitur fuit natura mirabili solertia adhibere motum, qui eadem actione aus suspenderet, & eam horizontaliter impelleret. Hoc quidem præstitit percutiendo aerem subiectum perpendiculariter ad horizontem, sed obliquis ictibus, quod sola pennarum flexibilitate consequitur, nam stabella alarum in actu percussio- nis formam cunei acquirunt, à cuius expressione necessariò aus antèriùs horizontaliter promoueri debet, vt dictum est a.

a Prop.  
antec.

## P R O P O S. CLXXXVIII.

Vsus caudæ Avium est, flectere cursus volantium sursum, & deorsum, non verò ad dexterum, & sinistrum latus. Tab. 13. Fig. 4. & 5.

Inualuit opinio ab antiquis Philosophis deriuata, quòd cauda in Auibus, idem præstet, ac temo in Nauibus, & quia naues, innatantes super aquam horizontaliter explanatam, non possunt ope temonis flecti, nisi ad dexteram, & sinistram, hinc vulgò suadentur, quod  
Aues



Cap. 22.  
De Volatu.

Aues motu caudæ, dum volant, corpus flectant ad dexteram, & sinistram.

Verùm falsitas huius opinionis facilè, nedùm ratione, sed etiam experientia conuinci poterat; Quia, si temo in naui aptaretur eodem modo, ac cauda in Auibus situata est, scilicet, si facies tabellæ temonis, & Axis conuersionis eius Puppi annecteretur, non situ erecto perpendiculariter ad horizontem, & ad aquæ superficiem, sed extensa horizontaliter, vt intrà aquam flecti posset deorsùm, & sursùm versùs aquæ superficiem, tunc quidem videre poterant, quòd nauis à tali temonis conuersione, nil prorsùs flectitur versus dextrum, aut sinistrum latus.

Præterea videmus, quòd Columbi, hyrundines, & Accipitres, quando volantes cursum inflectunt horizontaliter ad dextram, vel ad sinistram, tunc caudam non expandunt, nec flectunt sursùm, aut deorsùm, sed directam eam retinent. Tandem, truncata cauda, Columbi, sicut vespertilioes cauda carentes, commodè per aerem torquentur, & curuum volatum horizontalem conficiunt: & hæc satis ad vulgarem errorem redarguendum.

Non negabo tamen, quod cauda in Auibus reuerà vsus, & facultatem temonis exerceat, sed dico, quòd inseruiat ad flectendum cursum volantis sursùm, & deorsùm. Quod sic demonstro.

Sit Auis AB, cuius centrum grauitatis C, hæc dum volat directè, & horizontaliter à G, versùs F inflectat superficiem prolixa caudæ BH sursùm. Quia dum Auis mouetur à G versùs F in medio aeris stagnantis, & quiescentis, prona eius superficies AB in directum extensa liberè, & absque impedimento fluere potest;

Non ,

Non sic pars suprema eiusdem, cuius facies supina, non est directa, & explanata ob eleuationem amplæ, & longissimæ tabellæ caudæ BH, quæ impingit in aerem quiescentem, & ideo talis ictus aeris amoueri nititur prædictum impedimentum, qui ictus in directum extenderet caudam, nisi à vi muscutorum firmiter in ea incuruata positura retineretur. Quare necesse est, vt tota machina Auis circa centrum grauitatis eius C, æquilibrata, & pensilis conuertatur, acquirendo positionem LK, transferendo fursùm caput ab A ad L.

Simili modo, depressa cauda in BI, perseverante volatu Auis directo à G versus F, impinget cauda in aerem subiectum quiescentem, & ideo ipsa cauda eleuabitur à B versus N circa idem centrum grauitatis C, & proinde caput A deprimetur ad O.

Quod demonstratio mechanica euicit, confirmari quoque potest ab experientia, hac ratione, in Fig. 5. eiusdem tabulæ.

Intra vas RTS aqua plenum demergatur lamina ferrea oblonga AB, quæ ex centro grauitatis eius C suspendatur filo alligato suberi D; vt lamina innatando horizontaliter moueri possit, & in postico eius termino, annectatur laminula BH similis caudæ Auium. Hæc si fursùm flectatur, & virga AB trahatur filo CF horizontaliter versus F, anterior terminus A flectetur veloci motu versùs L, circa centrum grauitatis C; nec vnquam reuoluetur horizontaliter versus dextrum, aut sinistrum latus, quare id ipsum Auius per Aerem volantibus contingere debet.

## P R O P O S. CIC.

Quibus organis, & operationibus Aues per aerem volando, cursum flectant ad dextrum, aut sinistrum latus, ostendere.

Experientia, & ratio suadet, quòd paruus temo, flexus ad latus sinistrum, grandem nauim lento motu reuoluere potest ad easdem partes, quando directè nauis per aquam mouetur. At, dum nauis quiescit, scilicet, si à Vento, aut vi remorum non impellatur, tunc temonis flexio nullam prorsus vertiginem in nauì producit.

E contra ablato temone, si remi dextri lateris flectantur aquam impellendo versus puppim, siuè nauis quiescat, siuè directè moueatur, semper velocissimè prora reuoluetur versùs sinistrum latus. Id ipsum continget, si remi dextri lateris celerius, quàm sinistri aquam retrorsum impellant. Ratio huius effectus cum sit euident, non indiget vlla expositione; ergò eodem modo, dum Auis in medio fluido aeris innatat, volando æquilibrata in centro grauitatis eius, si sola dextra ala deorsum, sed obliquè flectatur, aerem subiectum impellendo versùs caudam, necessariò ad instar nauis mox memoratæ, promouebitur latus eius dextrum, quiescente, aut tardius moto sinistro latere. Ex quo fit, vt Auis pars anterior circa centrum grauitatis eius reuoluta, flectatur versùs sinistrum latus. Hoc ipsum nos ipsi experimur, dum per aquam innatamus; flexo enim dextro brachio, manu expansa versùs nates horizontaliter gyramus versùs sinistram. Id ipsum in Columbìs volantibus obseruamus; quotiescumque  
enim



enim versus latus sinistrum flectere cursum volunt, aliam dextram altiùs eleuant, & vehementiùs vibrant, motu obliquo aerem subiectum versùs caudam percutiendo; ex quo fit, vt humerus, & totum latus dextrum Auis supra planum horizontale eleuetur, & latus sinistrum deprimatur; quia à debiliori vibratione non æquè suspenditur huius grauitas, ac pars dextra eleuatur. Et hæc circumductio, & flexio Auis horizontalis velocissimo motu fit.

Aduerto tandem, quòd caudæ Auium flexio efficere non potest lateralem motum ad instar temonis; quia cauda nunquam perpendiculariter ad horizontem erigi potest, sed tantum obliquè. Et talis obliquitas nil agat, si pennæ caudæ in directum cum reliquo corpore, seu Axe eius extenduntur, ad instar vexilli fluctuantis; sed oportet, vt duplici modo flectatur, declinando à directione axis Auis, & à directo motu in plano horizontis. Ergò ad summum obliquam flexionem inter verticalem, & horizontalem directionem producere posset. Et quia videmus in Columbibus volantibus, quòd talis inclinatio plumarum supra horizontem minima est, ergò minimum lateraliter, & valdè fursùm, aut deorsùm incederent; quod repugnat experientiæ; videmus enim, quòd in eodem plano horizontali velocissimè Aues torquentur.

Noto etiam, quòd Aues caudam non expandunt, quando volando lateraliter flectuntur, sed quando ascendunt, vel descendunt, & multò magis, quando præconceptum impetum extinguunt, vt Terræ absque ictu, & illisione innitantur.

Vt verò difficultatibus fieri satis possit, præmittitur hoc lemma.

Cap. 22.  
De Volatu.

## P R O P O S. CC.

a Tab. 13.  
Fig. 6.

Si corpus Auis AC<sup>a</sup> ab impetu præconcepto per aerem moueatur, secundum directionem longitudinis eius à C versus A, & in actu cursus collum prolixum cum capite BA flectat versus latus sinistrum BI, iter totius Auis inclinationem acquireret versus BI.

b In Arch.  
Auct. de  
Æquep.  
prop. 3.

Sit D centrum grauitatis solius corporis Auis BC, & E sit centrum grauitatis capitis, & colli prolixi AB, & post colli flexionem in BI centrum grauitatis eius translatum sit in F, iungaturque recta linea DF, & vt pondus CB ad BA, siue ad BI, ita fiat distantia EG ad GD, & ita pariter fiat FH ad HD. Patet b, quòd antè colli inflexionem centrum grauitatis totius Auis erat in G, quòd ab impetu impresso directè ferebatur à D versus E; At in actu flexionis colli, idem centrum grauitatis G declinat ab itinere illo directo à G versus H; retinendo tamen impetum impressum à cauda versus caput; ergò ex hisce duobus motibus componetur transversalis motus per semitam DI, per quam in subsequenti motu Auis cursum prosequetur.

## P R O P O S. CCI.

Non videtur credibile, declinationem citissimam volatus horizontalis fieri à capitis, & colli Auium flexione transversali.

Videmus, quod duplici artificio naus per aquam excurrere flecti potest ad dexteram, & sinistram.

Primò,

Primò, si Remi vnus lateris vehementiùs aquàm versus Puppim impellant, quàm Remi alteriùs lateris. Secundò, si dum naus excurrit, temo, siuè in Puppi, siuè in prora aptatus perpendiculariter ad horizontem flectatur lateraliter. Verùm differunt hæ duæ operationes inter se, quia idem effectus flexionis naus producitur à grandi conatu virtutis motiuæ remigantium, & è contrà ab insensibili vi Gubernatoris clauum tenentis, eò quod non ab eius vi producitur, sed ab impetu acquisito à naui, cui aqua temoni impacta resistit; præterea conuersio naus facta à remis vnus lateris completur citissimè, à temone verò tardissimè.

Ex his phænomenis percipere possumus in consimili actione volatus Auium, an flexio colli vsu temonis præstare possit.

Et primò, si collum lateraliter inclinatum vim temonis haberet, & flectere cursum Auis posset ad dexteram, & sinistram; Igitur simili modo inclinato, vel eleuato, & erecto collo cursus Auis volantis flecti posset deorsum, aut fursum. Quare tam vasta cauda, quæ euidentissimè motum fursum, & deorsum vi temonis producit, frustra fabrefacta à natura fuisset, quod cum affirmari nequeat, fatendum est, colli flexionem vim temonis non habere.

Secundò, Aquilæ, Accipitres, & hyrundines breuissimum collum, caput exiguum, & parum graue habent, ergo centrum grauitatis, per minimum spatium deuiare à directione axis ipsius Auis posset, & ideò difficillimè, & tardissimo motu gyraret lateraliter; quod est adeò falsum, vt ferè istu oculi suos gyros conficiant, & è contrà Anseres, Anates, Cygni, & aliæ consimiles Aues longissimum collum, & caput, & rostrum



Cap. 22.  
De Volatu.

strum valdè graue habentes, tardissimè, dum volant, horizontaliter conuertuntur. Igitur fatendum est, quòd flexio colli, & capitis lateralis gyros horizontales nullo modo producit.

Tertiò, si ex colli inflexione laterali centrum grauitatis totius Auis, per notabile spatium ab axe eius recederet, non posset Auis persistere æquilibrata in situ prono parallelo horizonti, & idèd latus depressum, ab ala eiusdem lateris violenter subleuari deberet, ex quo sequeretur actio contraria priori, nempe impediretur flexio facta à deuiatione centri grauitatis. Quæ inutilis, & frustranea actio esset, stulta, & indigna naturæ solertia.

Nec dicas, velocissimos gyros Auium fieri ab vnus alæ violenta vibratione versus caudam, at tardas conuersiones fieri posse à colli flexione laterali, absque nouo conatu alæ, sicuti naues absque vi motiua remigantium à temone lateraliter flectuntur: Aduerto enim, quòd tarda vertigo Auis non indiget maiori vi motiua vnus alæ, quàm in consueto volatu singulæ earum exercent; nam sufficit, vt ala vertiginem producens parumpèr versus caudam declinet, & ibidem aerem impellat, itaut absque nouo conatu, summo compendio tarda lateralis conuersio Auis absolui possit.

## PROPOS. CCII.

Quarè Aues aliquando absque alarum vibratione, per breue tempus, nedùm horizontaliter, sed etiam fursùm obliquè per aerem ascendere possunt. Tab. 13. Fig. 9.

Ex

Ex dictis superiùs constat, quòd corpori Auis à vi-  
bratione alarum imprimitur impetus motiuus proiecti-  
tius, non secus, ac à Remorum percussione super  
aquam corpori naui imprimitur impetus, qui ex sui  
natura perseverans est <sup>a</sup>, licet actio remorum cesset;  
Nihilominùs naui cursum inceptum prosequitur;  
quousque ab externis obstaculis deleatur impetus  
ille.

Cap. 22.  
De Volatu.

<sup>a</sup> De Vi  
percut.  
cap. 9.

Itaque Auis, & naui ab impetu impresso agitatae,  
easdem proprietates habent, ac sagittae, & cæte-  
ra projecta, & sicuti in naui, dum mouetur, si Axis  
eius à recto itinere flectatur à vi temonis, ille idem  
impetus vigens <sup>b</sup>, commutata via iter prosequi-  
tur, sic quoque Auis A ab impresso impetu impulsæ  
horizontaliter per rectam lineam ABC, quotiescun-  
que Axis eius dirigitur fursùm, per BD à vi temonis  
caudæ, necessariò impetus in ea vigens prosequetur  
motum fursùm per curuam parabolicam BEF; Verùm  
tamen est, quòd talis ascensus citò cessat, eò quòd  
natiua grauitas Auis semper suum effectum producit,  
tendendo deorsùm; & eo tempore, in quo impetus  
descensiuus minor est velocitate projectitia fursùm,  
perseuerat ascensus Auis per BE; & quando vires  
æquantur in F, tunc in eodem situ aeris innatare parum  
Auis videtur, alis expansis excurrando in eodem ferè  
plano parallelo horizonti, quia nunquam Auis prorsùs  
immota permanere potest in eodem situ aeris, eo quòd  
volatus fursùm numquam fit, præcisè itinere perpen-  
diculari ad horizontem, sed semper obliquo motu  
per lineam curuam parabolicam; vt projecta moueri  
solent.

<sup>b</sup> Ibidem  
cap. 3. & 4.

Fit itaque talis ascensus, vel cursus horizontalis  
Auis

Cap. 22.  
De Volatu.

Avis per brève tempus, quia citò cessat æqualitas, vel defectus impetus descensiuus ab impetu proiectio, cum ille continenter acceleretur, hic verò ab externis obstaculis retardetur. Hinc oritur necessitas renouandi saltus per aerem à nouis alarum vibrationibus.

Noto etiam, quòd prædicti duo impetus proiectiui, & naturalis descensiuus, aliquando se mutuò destruant, & retardant, vt in ascensu contingit; aliquando se mutuò adiuuant, itaut resulter ex amborum compositione motus velocissimus, vt Accipitres ad instar sagittæ deorsum præcipitant, vt Auiculas percutiant, & vnguibus dilacerent. Non desunt verò, qui suspicentur, quòd Aues in altissimis aeris Regionibus minori labore suspensæ retineantur quàm propè terram, quia minùs grauitare putant, eo quòd minùs attrahuntur à vi magnetica globi telluris, quæ est causa descensus grauium iuxta eorum sententiam; sicuti enim ferrum, valdè remotum à magnete, huius vim non sentit, nec ab ea allicitur, sic Aues remotissimè vim grauitatis amittere putant, & hanc esse causam, quare Aquilæ volantes longius à terra videntur in aere, quasi quiescere, prolaxis pausis alas expansas, & immotas retinendo, cum propè terram frequentissimis, & velocibus vibrationibus aerem flagellare cogantur cum volatum inchoant.

At tales coniecturæ infirmæ esse videntur. Primò, ob hypothesi difficultatem, vt alibi ostendimus; secundò, quia Accipitres propè terram, in quo situ vis magnetica vigen, & efficacissima ab eis supponitur, postquam impetum acquisierunt, non percutiunt aerem frequentius, sed eadem raritate, qua in locis altissimis



simis excurrunt, & nihilominus facillimè volitant, ergò non ob defectum virtutis magneticæ telluris, sed ob vim, & impetum acquisitum possunt in altissimis aeris regionibus, absque frequenti alarum vibratione, suspensæ retineri.

Cap: 22.  
De Volatu.

Tertiò, ferè nunquam Regio sublimis aeris omninò tranquilla est, sed semper agitur à ventis, vt ex motu nubium euincitur; At facilè à ventis alæ expansæ vnà cum Aue impelluntur fursùm, vel saltem tardissimè deorsùm descendere permittuntur, in ipso aere ob nimis dilatatam figuram impetus descensiuus grauitatis retardatur, vt lamina ferrea subtilissima lentissimo motu per aquam descendit, quando prohibetur, ne cæsim deorsùm excurrat. Hinc colligitur, quòd hæc causa potissima esse potest facilitatis volatus Auium, in locis altissimis.

## P R O P O S. CCIII.

Quomodo in fine volatus impetus ab Aue acquisitus extinguatur.

Quia naturæ lex exigit, vt corpora dura impetu affecta ad contactum alterius corporis duri, & quiescentis perducì non possint absque percussione; quæ percussio dissilitionem, & partium rupturam asferre solet, ergò prouideri debuit, vt Aues completo volatu ad terram perducerentur absque luxatione, & fractione crurum, quare prohiberi debuit ictus ille vehemens, quem corpora impetu affecta inferre solent. Hoc autem fieri non posset, nisi impetus Auis sensim debilitaretur, extinguereturque, antequam ad soli contactum

Cap. 22.  
De Volatu.

perueniret. Sic enim impetu priuata placido amplexu terram attingere potest.

Porro modi, & artificia, quibus impetus præhabitus in fine volatus extinguitur, sunt hæc. Alas, & caudam Avis expandit, vt earum facies cauæ perpendiculares sint ad motus directionem, & sic amplitudo penarum, ad instar veli nauis, impingendo in aerem stagnantem, retardat impetum ipsius Avis; qui vt maiori ex parte exinguatur, alas ipsas frequentèr, & vehementèr vibrando antrorsum, inducit motum contrarium impetui præcedenti, qui proindè ab illo extinguitur, vel valdè debilitatur. Tandem reliquias impetus quoque refrænat extensis pedibus, vt solùm attingant non illidendo, sed sensim articulos flectendo, & ictui cedendo, & lento gradu musculos relaxando.

#### PROPOS. CCIV.

Est impossibile, vt homines proprijs viribus artificiosè volare possint.

Tria potissimùm in volatu considerari debent. Primò, facultas motiua, à qua corpus Animalis per aerem suspendi debet. Secundò, Instrumenta idonea, quæ sunt alæ. Tertiò, resistentia corporis grauis eiusdem Animalis. Gradus virtutis motiue dignoscitur à mole, & quantitate musculorum, qui destinati sunt ad flectenda brachia, seu ad remigium alarum exercendum. Et quia vis motiua alarum in Avibus<sup>a</sup> ostensa est decies millies maior, quàm sit resistentia ponderis earumdem, vtque tam enormè excessum virtutis motiue natura

<sup>a</sup> Prop.  
193. huius.

natura Auibus largiretur, auxit valdè molem musculorum pectoralium, & solertè imminuit pondus totius corporis eiusdem Auis, vt supra insinuauimus.

Cap. 22.  
De Volatu.

Quando ergò quæritur, an homines proprijs viribus volare possint, videndum est, an vires motiue musculorum pectoralium, ( quorum vires indicantur, & mensurantur à vastitate eorundem musculorum ) eodem excessu, scilicet decies millies superent resistantiam ponderis totius humani corporis, vnà cum pondere ingentium alarum, quæ brachijs aptari debent. Et patet, quòd motiue vires pectoralium musculorum in hominibus multò minores sunt, quàm necessitas volatus exigit, quia in Auibus moles, & pondus musculorum alas flectentium, non est minùs vna sexta parte ponderis totius corporis eius. Ergò oporteret, vt musculi pectorales hominis penderent, plusquàm vna pars sexta ponderis totius corporis eius; Sic enim brachia cum annexis alis vibrando, exercere possent vires decies millies maiores pondere ipso corporis humani; At longè absunt à tali excessu, cum prædicti musculi pectorales, nec centesimam partem ponderis totius hominis æquent. Quapropter, aut vires musculorum augeri deberent, aut pondus humani corporis imminuendum esset, vt proportio similis fieret ei, quæ in Auibus existit.

Hinc deducitur, omninò fabulosum fuisse artificium Icarium, vtpotè impossibile. nam nec musculi pectorales hominis augeri, nec pondus humani corporis minui potest, & adhibita quacumque machina vectis, aut alterius similis organi, licèt eius momentum augeri possit, numquam tamen æquè velocitè resistantia mouebitur, ac potentia impellit, & proindè alarum



Càp. 22.  
De Volà-  
tu.

vibratio, facta à musculorum contractione, non poterit vi machinæ eadem velocitate fursùm impellere corpus graue hominis, qua ipsi muscoli contrahuntur.

bDe Insid.  
Flu. prop.  
2. in Arch.  
Auct.

Restat solummodò imminutio ponderis humani corporis non absoluta, quæ impossibilis est, si remanere integra eius machina debet; sed specifica, & respectiua ad fluidum aereum, sicuti lamina plumbi super aquam innatare potest, si ei addatur tanta suberis moles, quæ reddat compositum ex plumbo, & subere æquè graue, ac pendet aquæ moles æqualis parti demersæ ex Archimedis doctrina <sup>b</sup>. Et hoc artificio utitur natura in piscibus, in quorum ventrem inseruit vesicam aere plenam, cum qua in ipsa aqua æquilibrari possunt, itaut ibidem quiescant, non secùs, ac si essent moles aquæ.

Hoc eodem artificio quidam recentiores sibi suaserunt, æquilibrari posse pondus humani corporis cum ipso aere, addita nimirum vasta vesica vacua, vel rarissimo fluido repleta, tantæ amplitudinis, ut possit in fluido aereo suspendere corpus humanum, vnà cum phiala.

At quam sit vana eorum spes facilè percipimus, cum fabricari debeat vesica ex duro aliquo metallo, veluti ex ære, aut aurichalco, ex cuius interno ventre aer omninò exugatur, & tollatur, sitque tantæ vastitatis, ut vas tam grande in medio aerei fluidi occupet spatium aeris, quòd æquè pendeat, ac vasta phiala metallica, vnà cum ipso homine ei alligato; quæ proinde plusquam viginti duo mille pedes cubicos occupare deberet, & ideò lamina illa sphærica ad insignem subtilitatem redigi deberet. Talis porrò membranosæ phiala, nec fabricari, nec conseruari posset, neque  
vlllo

ullo organo pneumatico exinaniri posset, & multò minùs ope hydrargyri, cuius tantà copia, nec reperitur in Terra, nec tractari posset; & licèt immensa illà vacuitas induceretur, tamen membranofum illud vas æreum resistere non posset contrà validam aeris compressionem, quæ vas illud diffringeret, aut contunderet.

Omitto, quòd tanta machina æquè grauis specie, ac aer est, in eodem præciso æquilibrio cum aere conservari non posset, & ideò, aut inuitè ascenderet ad supremum aeris confinium ad instar nubium, aut caderet in terram. Rursùs moveri tanta moles volando non posset, ob aeris resistantiam, sicut plumæ, & ampullæ aquæ spumosæ difficilè per aerem moveri possunt, cum potiùs à qualibet levi aura impellantur, sicuti nubes aeri æquilibratæ à quolibet vento agitantur.

Hinc admiratio cessat, quare natatum piscium in aqua tam facilem, & volatum Avium per aerem Natura tam difficilem instituit, quæ aliundè vbiq; compendia studiosè sectari solet; Videmus enim, quòd pisces spontè, & absque ullo laborioso conatu suspensì, & æquilibrati in medio aquæ persistere possunt, & facillimè ascendere, & per eam descendere; & solummodò vi muscutorum transferuntur transversè, & obliquè veloci cursu. E contra Aves innatare non possunt in medio aeris, sed suspendi debent violentia continua, à vi, & facultate proiectitia non externa, sed naturali, & intrinseca contrahente musculos pectorales, à qua frequentes saltus per aerem repetuntur, qui requirunt vim ingentem, eo quòd non fiunt innixis pedibus solo firmo, sed innixis alis super fluidissimum, & maximè distrahibilem aerem.

Affero

Affero nihilominus, quòd actio volatus non est prolixa, imò est simplicissima, & facillima inter modos possibiles, quibus volatus effici poterat; Et ratio, quare non fit eodem modo, ac natatus, est, quia natura non aggreditur impossibilia. Quippè aquæ valdè ponderosæ faciliè pisces æquilibrari poterant, at est impossibile, vt Aues compositæ ex ossibus, carnibus, & fluoribus bis millies grauioribus aere, cum eo æquilibrari possent.

## DE NATATV.

### C A P V T XXIII.

**E**St quoque natatus species quædam volatus, nam vterque motus fit in medio fluido, in quo pisces innixi non minùs, quàm Aues incedunt, sicut animalia terrestria super terram gradiuntur. Et quia, causæ, organa, & eorum mechanici operandi modi ab antiquis non omninò perspecti fuerunt, ea, quæ ab alijs neglecta sunt, supplere conabimur.

### P R O P O S. CCV.

Differentia inter volatum, & natatum, exponitur.

Non consideratur in præsentī diuersitas mediij fluidi aerei ab aqueo, sed inquiruntur operationes ipsæ, quibus per medium fluidum aeris, aut aquæ Aues, & Pisces incedunt; Et patet ex dictis, quòd ad volatum exiguntur duæ operationes. Prima est suspensio corporis grauis ipsius Auis in aere, quæ ingenti vi muscutorum pectoralium fit, frequentes saltus per aerem efficien-



efficiendo. Secunda est motus transuersalis eiusdem  
 Aus, quæ remigando progreditur. Verùm anima-  
 lia natantia non indigent facultate vlla suspensiuâ,  
 nam ab ipsa aquæ consistentia, & grauitate suspensa  
 retinentur, vt nequeant cadere ad aquæ fundum, &  
 ideò solummodò moueri, & incedere per eam possunt  
 impulsâ à proprijs motorijs Organis.

Cap. 23.  
 De Natu-  
 tu.

## P R O P O S. CCVI.

Differentiæ natatus exponuntur.

Ex Archimedis doctrina constat<sup>a</sup>, quòd corpora,  
 quæ in superficie aquæ innatant, non omninò demer-  
 guntur, sed eorum aliqua portio eminet supra aquæ li-  
 bellam, itaut pondus molis aquæ, æqualis parti de-  
 mersæ, æquale sit ponderi totius corporis natantis, sci-  
 licet partibus demersæ, & extantis simul sumptis, &  
 hæc vocantur minùs grauiâ specie, quàm aqua. At cor-  
 pora, quæ omninò demersa in quolibet situ intra  
 aquam quiescere possunt, hæc æquè ponderant, ac  
 moles aquæ eis æqualis, & vocantur æquè grauiâ spe-  
 cie, ac aqua<sup>b</sup>. Et illa, quæ post demersionem tota-  
 lem non quiescunt, sed ad fundum perducuntur, gra-  
 uiora sunt, quàm moles aquæ eis æqualis, & ideò spe-  
 cie grauiora sunt.

<sup>a</sup> De Insid.  
 Flu. prop.  
 2. in Arch.  
 Auct.

<sup>b</sup> Eisdem  
 prop. 1.

Et quia videmus, quòd omnia Animalia terrestria,  
 dum viuunt, & volatilia, & pisces, qui respirant, &  
 pulmones habent, non demerguntur omninò, sed eo-  
 rum portio spontè, absque vllò exercitio musculorum,  
 aquæ supereminet, & hæc minùs grauiâ specie sunt,  
 quàm aqua, & ideò super eam incedere possunt non  
 secùs,

Cap. 23.  
De Natura.

secus, ac terrestria super Terram; Verum, quia hæc animalia sustentantur à pondere, non à duritie aquæ, qua caret; hinc est, quòd incessus fiat à remigio pedum, & brachiorum, vt in nauibus; & hoc modo Animalia terrestria, Aues, Ranæ, & testudines, natant; Aut ab vnico vasto remo, seu cauda violentè agitata lateralitèr, vt lintres, & pisces cætacei directè super aquam incedunt; Aut cauda instar palæ explanata sursum, & deorsum aquam impellendo, vt Delphines incedunt se demergendo, & exurgendo.

Pisces postea omnes (exceptis Chonchis Ostreaeis, & paucis alijs) æquè graues specie sunt cum aqua, & ideò ab ipso pondere aquæ æquilibrati suspensi retinentur in quolibet situ profunditatis eius; quare liberè moueri, & incedere secundum quamlibet directionem possunt sursum, deorsum, & lateraliter, impulsæ aqua retrorsum, vt postea dicemus.

Deinceps, vt vltèriùs procedere possimus, præmittuntur hæc lemmata.

### P R O P O S. CCVII.

Quodlibet corpus ætherogeneum quiescens, aut latum in fluido, accommodabitur, vt centrum grauitatis eius in infimo situ reducat. Tab. 14. Fig. 1. & 2.

Sit corpus  $PL^a$  compositum ex portione plumbea  $PIH$ , & ex lignea rara, & leui  $LIH$ , sitque  $B$  centrum magnitudinis aggregati ex  $P$ , &  $L$ , &  $C$  centrū cōmunis grauitatis, & demersum sit intra aquam  $RST$ . Et primò totum compositum æquè graue specie sit, ac aqua. Patet, quòd demersum omninò intrā aquam, vt fundum.

dum non attingat, ibidem quiescet <sup>b</sup>. Dico tamen, Cap. 234.  
De Natura  
tu. quòd in tali situ reuoluetur, vt pars ponderosior P infimum situm occupet.

Intelligatur moles aque A æqualis collateralis plumbi PIH; & moles aquæ E æqualis collateralis ligno LIH, constituentur iam duæ libræ AP, & EL, quarum prima reuoluetur deorsum, flectendo brachium, in quo appensum est plumbum P; & in alia fursùm eleuabitur pars, in qua leuius lignum L appensum est; cùmque centrum magnitudinis aggregati PL non eleuetur, nec deprimatur, ergò linea recta CB, coniungens centra communis magnitudinis, & grauitatis amborum corporum PL conuertetur circa centrum B immotum, describendo arcum circuli CD, quousque ad instar penduli radius BC, perueniat in BD, vt fiat perpendicularis ad horizontem, & centrum grauitatis C ad infimum situm centro Terræ proximum perducatur; & proindè P infimum, L verò sublimem situm occupabunt.

Secundò, quando compositum PL superat, vel deficit à specifica grauitate ipsius aquæ, tunc in ipso exercitio motus aggregati PL fursùm, vel deorsum semper constituuntur, & renouantur duæ libræ collaterales AP, & EL, quæ non fecus, ac si esset nauis; transportarentur à centro totius magnitudinis B; in qua nauis mota nihilominus duæ illæ collaterales libræ æquè benè indoles suas exercerent, ac si nauis, & centrum magnitudinis eius omninò quiesceret. Quare necesse est, vt pars grauior P deprimatur, vnà cum centro communis grauitatis C. versus infimum situm centro Terræ proximior, & pars leuior L fursùm asportetur, vt antea dictum est.

<sup>b</sup> De Infl.  
flu. prop.  
1. in Arch.  
Anct.

<sup>c</sup> Ibidem  
prop. 8.



Cap. 23.  
De Natura  
iii.

ad Tab. 14.  
Fig. 2.

e Prop. 19.  
de Aëquep  
in Arch.  
Auct.

f In Anch.  
eiusdem  
de Inf. flu.  
prop. 2.

Tandem si idem compositum PL innatet super aquam, idem sequetur. Sirque, facilitatis gratia, figura eius sphaerica d EHFG; cuius centrum magnitudinis B sit idem, ac centrum sphaerae; grauitatis verò centrum sit C, & emineat portio EHF super aquae libellam RS. Constat f, quòd compositum PL quomodocumque reuoluatur circa centrum B; semper portio illa FGE, quae demersa est, erit eiusdem magnitudinis, quia moles aquae aequalis parti demersae aequè grauis est, ac totum compositum PL. Hinc fit, vt sphaera PL, perindè quiescat in tali situ, ac si ex centro magnitudinis eius B clauo firmo suspensa esset; & tunc consurgit funependulum BC; quia vis grauitatis totius PL collocatur, & nisum exercet in C; ergò, vt penduli natura exposcit, gyrahit pendulum BC circa centrum fixum B, quousque centrum totius grauitatis perducatur ad infimum situm D perpendicularem ad horizontem.

### C O R O L L A R I U M.

Hinc facilè deducitur, quòd in quolibet corpore aetherogeneo quiescente, vel moto in fluido, centrum communis grauitatis eius existit in infima eius parte centro Terrae proximiori.

### P R O P O S. CCVIII.

Situatio centri grauitatis in animalibus super aquam innatantibus inquiritur.

Quòd Animalia omnia terrestria, & volatilia dum viuunt,

viuunt, minùs graua specie sint, quàm aqua, euincitur ex eo, quòd super aquam innatàre possunt, & si omninò demergantur spontè exurgunt, vt aliqua pars corporis eius extet supra aquæ superficiem, & hoc contingit absque vllò conatu animalis, etiamsi pedes non agitentur, impellendo aquam subiectam.

Modò, vt dignòscamus, quanam pars animalis grauior sit, & in quo situ magnitudinis eius centrum grauitatis existat, videndum est, quomodo situetur corpus Animalis, dum super aquam innatat. Et quia quadrupedia, & Aues quomodocumque, & quacumque positura cadant, aut intra aquam demergantur, semper tamen sursùm ascendunt, & emergunt ventre prono, & dorso, & capite supino, & sursùm exporrecto, ergò centrum grauitatis eorum in medio infimi ventris consistit, & summitas pectoris, dorsum, & caput minùs graua sunt reliquis partibus. Hoc autem in hominibus minimè verificatur, nam caput valde ponderosum habent, quòd post demersionem difficilè super aquæ superficiem eleuatur, nisi industriose corpus erigatur à remigio pedum, & manuum, quòd in quadrupedibus absque vllò artificio perficitur; spontè enim caput sursùm eminet. Pisces postea cetacei videntur habere centrum grauitatis in infimo ventre situm, eo quòd semper ventre prono, & dorso supino natant, quiescunt, & dormiunt super aquam. Non sic testudines marinæ, quæ dormiunt ventre supino super aquam. Quare centrum grauitatis earum collocatur versùs dorsum, quod suadetur etiam ex vastitate ossei clypei, quo dorsum eorum tegitur.

Cap. 23.  
De Natura  
tu.

## P R O P O S. CCIX.

Quomodò Pisces in medio profunditatis aquæ æquilibrati quiescere possunt.

a De In-  
sid. Flu.  
Prop. 1.

Certum est ex Archimede <sup>a</sup>, quòd nullum corpus infrà aquæ superficiem demersum, & à fundo non sustentatum, permanere potest immotum, nisi æquè graue specie sit, ac aqua, scilicet, nisi pondus absolutum corporis demersi æquale sit ponderi molis aquæ ei æqualis. Et quia videmus, quòd pisces in quolibet situ profunditatis aquæ quiescunt immoti absque vlllo conatu, & impulsione caudæ, aut pinnarum, fatendum est, æquè graues specie esse, ac aqua; Et hinc fit, vt pisces meliùs, & faciliùs ab aqua fulciantur, quàm nos sustinemur à terræ duritie, cui innitimur, Vndè subiectæ piscium partes à dorso, & scapulis incumbentibus non comprimuntur, scilicet non fatigantur sustentando pondus proprium; vt ostendimus lib. de motionibus à grauitate pendentibus. Et ideò primùm non indigent pedibus, sicut terrestria, & volatilia. Secundò, non fatigantur, neque vllam lassitudinem percipiunt stando, quia membra æquilibrata non grauitant, nec comprimunt partes subiectas. Tertiò, vastiora esse possunt corpora Piscium, quàm Terrestrium animalium; vt docuit Galileus, quia Pisces non coguntur sustinere proprium pondus, quòd nullam vim compressiuam exercent ob æquilibrium cum aqua. Modus verò, quo natura tale æquilibrium Piscium cum aqua conseruat <sup>b</sup>, pendet ex legibus hydrostaticis; posuit enim in ventre Piscium, vesicam quamdam aere plenam, vt nimirum aeris leuitate

com.

b In Arch.  
Auct. de  
Ins. Flu.  
Prop. 1.



compensaret nimium pondus carniū , & ossium eorundem Piscium , & sic moles composita ex partibus solidis Piscis , & ex aere incluso , æquè grauis redditur , ac est moles aquæ ei æqualis . Nec alio Instrumento magis præsentaneo vti solet natura præter aerem in vesica contentum ; nam videmus , quòd Pisces Ostrea-cci , Chonchilia , Solæ , & alij , qui semper in fundo maris degunt , tali vesica aerea carent . Et nos obseruauimus in Academia experimentalis Mediceæ , quòd Piscis , cuius aerea vesica in vacuo Torricelliano disrupta fuerat , non potuit per mensem integrum , dum vixit in Piscina , natando sursum ascendere , sed semper rependo ad instar serpentum per piscinæ fundum gradiebatur .

Possunt prætereà Pisces cum ipsa aqua æquilibrati facilè in ea moueri lateralitèr , sursum , & deorsum intrà aquam incedendo , quæ sua quiete , & densitate resistit impulsui , & sic innixa extremitate caudæ in ea vi musculorum , caput , & corpus reliquum antèrius promouent . Et quia vbique æquilibrantur in aqua , dummodò integra corporea moles eorum demersa sit , poterunt stare , & quiescere in quolibet situ , siuè depressio , siuè eleuatio .

## P R O P O S . CCX.

Quomodò Pisces grauitatem specificam immutant , quando necessitas vrget .

Vt æqualitas grauitatis specificæ piscium , & aquæ , in qua innatant , conseruetur , necesse est , vt pondus , & moles Piscium in eodem gradu præciso permaneat ;  
pari-

Cap. 23.  
De Natura.

a Ex Arc.  
Auct. de  
Insid. Flu.  
prop. I. 2.  
4.

pariterque oportet, ut aquæ densitas, & grauitas non immutetur; aliter enim perturbaretur æquilibrium, quod in indiuisibili consistit, & ideò Pisces, aut cadent in fundum, si aqua grauiore specie redditæ sunt<sup>a</sup>, vel fursùm exprimentur, si pondus eorum imminutum est.

Talis autem vniformis perseuerantia grauitatis piscium, & densitatis aquæ diù, & vbique conseruari non potest, quia Pisces ipsi à comestione grauantur, ab egestionem, & transpirationem leuiore sunt. Aqua postea à mixtura salium, à limi conturbatione, à frigore ambiente, à defectu, & occultatione radiorum solarium condensatur, & grauior redditur. E contra à mixtione aquæ dulcis fluminum, & pluuiarum, calore subterraneo, & aeris ambientis, & solaribus radijs eadem aqua rarefit, & minùs grauis redditur: Et hæ mutationes contingunt diuersis temporibus; At eodem tempore aliquæ partes aquæ à radijs solis illustrantur, aliæ à nubibus testæ, vel à scopulis reparatæ non æquè rarefiunt, ac illæ. Aliquæ partes maris à fluminibus dulcorantur, aliæ non. Insuper semper sublimiores aquæ partes leuiore sunt profundioribus, quia sales, & aliæ particule terrestres lento motu descendentes, magis turbidam, & sæculentam infimam aquam reddunt.

Ab hisce ergò omnibus causis perturbatur æquilibrium illud Piscium, quod in indiuisibili consistit: & proindè parens natura Piscibus largita est mechanicum artificium præsentaneum, quo ponderum inæqualitas in specie, promptè, & facillè ad præcisum æquilibrium reduci posset. Quod est huiusmodi. Inter corpora elementaria nullum maiorem expansionem,

aut

aut constipationem patitur, quàm aer. Experientia enim docet, quòd in sclopetis pneumaticis immittitur ope emboli, ibidemque condensatur aeris moles quindecies maior, quàm in illo stricto spatio contineri solet, & in machina boyliana, & in fistula torricelliana aer ad insignem raritatem expanditur, vt dictum est <sup>b</sup>; hoc posito.

Vt talis operatio clariùs percipiatur <sup>c</sup>. Primò in eodem fluido eundem gradum grauitatis retinente, sit syringa AB, in qua immisso embolo CD, cum suo epistomio strictè superficiei internæ leuigatæ adhærente, remaneat aeris portio DB, quæ occupet dimidium spatij interni syringæ, & obturato spiraculo M, retrahatur embolus cd quousque basis d propè orificium a perducatur, & ibidem clauo violentè retineatur, rarefacto interno aere db, qui occupabit duplum spatium, quàm in prima naturali expansione DB replebat.

Tertiò, comprimatur eadem portio aeris BD innuato violenter embolo  $\alpha\delta$ , vt ferè attingat fundum syringæ  $\beta\mu$ , & ibidem clauis firmiter retineatur. In hisce tribus constitutionibus moles, seu spatia ab eisdem machinis occupata inæqualia erunt, scilicet CAB maior erit, quàm  $\alpha\alpha\beta$ , & minor, quàm cab: verùm pondera absoluta earundem molium erunt inter se æqualia, cum constent ex eadem syringa, eodem embolo, & eadem portione aeris. Hinc sequitur, quòd earundem inæqualium molium grauitates in specie respectu aquæ, valdè immutatæ sint. Si enim fuerit aquæ moles EF æqualis spatio CABM, & moles aquæ H æqualis spatio  $\alpha\alpha\beta\mu$ , pariterque moles eiusdem aquæ eG æqualis spatio cabm, & intelligantur tres

Cap. 23.  
De Natura  
tu.

b de Motione grauit. pend. cap. 5. proposit. 121.

c Tab. 14.  
Fig. 3.



Cap. 23.  
De Nataru.

d In Arch.  
Auct. de  
Inf. Flu.  
prop. 2.

e Ibidem  
prop. 1.

f Tab. 14.  
Fig. 4. &  
Tab. 13.  
Fig. 10.

tres moles aquæ ef, EF, &  $\phi$ H æquales inter se: erit moles EF maior, quàm eH, & minor, quàm eG. Iam si pondera absoluta syringæ CABM, & molis aquæ EF fuerint inter se æqualia, erunt quoque æquè grauiæ specie; & ideo syringa CABM intra aquam demersa, in ea quiescet æquilibrata, cum eorum moles, & pondera æqualia sint <sup>d</sup>; at syringa elongata cabm leuior erit sibi æquali mole fluida eG, eo quòd pondus aquæ eG maius est pondere EF, seu ipsius syringæ CB, vel cb; & propterea e non quiescet intra fluidum demersa, sed ascendet quousque aliqua eius portio c<sup>f</sup> extet supra aquæ superficiem RS. E contra syringa  $\alpha\beta$  compressa, seu decurtata grauior erit fluido eH, sibi æquali mole, & ideo  $\alpha\beta$  descendet, & quiescet fundo vasis innixa.

Cogita modò, piscem esse machinam similem syringæ CABM <sup>f</sup>, & talis piscis in eius abdomine contineat vesiculam aere plenam DB, quæ in mediocri constitutione, scilicet tantum compressa sit, quantum sufficit, vt efficiat molem piscis CBM æqualem aquæ moli æquè pendentis, ac piscis: tunc vbique piscis quiescet immotus intra aquam demersus: at si velit leuior effici, vt spontè eius machina sursum ascendat, oportet, vt relaxatis musculis abdominis permittat, vt aer DB exercendo vim suam elasticam, se expandat in amplius spatium db: è contra, si velit reddi grauior specie, & ad fundum spontè descendere, necesse est, vt contractis musculis abdominis vesicam aeream DB constringat ad instar præli, vt exiguum spatium  $\delta\beta\mu$  occupet.

Postea, si fluidum RTS fuerit difforme, vt pars VX grauior sit, quàm VS, & leuior, quàm XZ, & pi-  
scis

scis CABM pōnatur in situ intermedio fluidi VX, cui grauitas specifica piscis æquetur, scilicet, sit moles fluidi collateralis EF æqualis CABM, & quælibet earum molium pendeat vncias decem; deindè translato pisce CBM in regionē fluidi supremā leniorē SV, cuius spatium ef æquale sit pisci GBM, erit minùs grauis, quàm EF, & ideò adiungi debet aliqua portio fluidi FG, vt tota moles eG sit vnciarum decem: vtque piscis CABM vnciarum decem quiescat in eodem supremo situ debet augeri moles eius, vt fiat æqualis ipsi eG; quod faciliè præstatur expanso aere vesicæ db. E contra translato eodem pisce CABM in situ infimo fluidi grauioris XZ, huius moles  $\epsilon\phi$  æqualis ipsi CBM grauior erit, quàm EF, & ideò ab ea subtrahi debet aliqua portio  $\phi H$ , vt residua  $\epsilon H$  sit decem vnciarum: & vt idem piscis CABM vnciarum decem quiescat in eodem infimo situ, debet constringi eius moles, vt fiat  $\kappa\beta\mu$  æqualis ipsi  $\epsilon H$ .

Et hoc consequitur, compresso, & constipato aere vesicæ  $\delta\beta$ . Et hac artificiosissima mechanica operatione, naturali instinctu, pisces quiescunt in aqua æquilibrati, & subleuantur, deprimunturque in eodem fluido; quod fuerat ostendendum.

## P R O P O S. CCXI.

Quibus Organis, & operationibus alterato æquilibrio Piscium in aqua, denuò ad eandem mensuram æquilibrij reduci possit.

Restat modò inquirendum, quomodò, & quibus Organis talis constrictio, & dilatatio vesicæ aeræ in

V u

Pisci-

Cap. 33.  
De Natus-  
tu.

Piscibus fiat; & an aer ille sit innatus, & an eiusdem molis, an renouetur, augeatur, imminuaturque.

Et facile percipimus, quòd musculi copiosissimi, & robusti, ventrem Piscium ambientes, constringere possunt vesicam aeream in eo contentam, & sic aeris illius condensatio, & diminutio molis subsequi potest. At non video, quomodò idem aer vesicæ violentè expandi possit, ut maius spatium occupet. Nam Pisces non habent costas duras, sed subtiles, & flexibiles spinas, quæ facilè cedunt compressioni, quam infert fluidum ambiens, & ideò cavitatis ventris à contractione musculorum intercostalium ampliari non potest, sicuti pectoris nostri cavitatis augetur. Oportet ergò, ut alio diuerso modo expansio, & rarefactio aeris illius vesicæ fiat. Qui forsan non erit diuersus ab eo, quem in vtre aëre turgido obseruamus. Hic si à fascijs violenter constringatur, procul dubio aer ibidem inclusus constipabitur, & postea solutis, & relaxatis fascijs ob vim eius elasticam, idem spontè ad pristinam expansionem reducetur. Eodem modo fieri potest, ut vesica aerea Piscium semper plus iusto constricta sit à fascijs membranarum, & musculorum, siue habituali actione, siue artificio non diuerso ab eo, quo sphincteres Ani, & vesicæ Vrinariæ perpetuò constricti persistunt, & quando volumus eos relaxamus.

Hæc tamen vesicæ aeræ piscium dilatatio exigua esse videtur; & ideò non sufficiet ad æquilibrium transmutandum in locis, in quibus aqua dulcis est, & parum grauis; & tunc puto, quòd Pisces vi remigationis sustinentur, & ad summitatem aquæ perducuntur, ut nouum aerem deglutiendo, minùs graues in specie red-  
dantur. Qui postea, si superflus fuerit in locis aquæ

pro-



profundioribus, & grauioribus, euomitur per os, & solummodò retinetur portio adæquata, vt absque laboriosa compressione æquilibrata in fundo permanere, & quiescere possint.

Cap. 23.  
De Natu-  
tu.

Quòd postea aer prædictæ vesicæ Piscium multiplicari, nouum aerem sorbendo, & minui, euomendo superfluum per os, possit, prout necessitas æquilibrij eorum exigit, suadetur ex canali manifesto, licèt subtili, & stricto prædictæ vesicæ, qui in fundo stomachi desinit, & frustra factus esse non potest; Imò per eum in vacuo torricelliano talis vesica aere exinanitur, quando Piscis per os multiplices spumosas ampullas eructat.

#### PROPOS. CCXII.

Pisces, non à pinnis alarum impulsì, per aquam incedunt.

Cum prisca homines obseruassent, quòd Naues per aquam innatando, impelluntur à vi remorum; paritèrque Aues alarum remigio per aerem excurrunt, facile sibi suaserunt, quòd pisces à pinnis alarum, veluti à remis, per aquam promouerentur.

Verùm cum hæc vulgaris opinio sit euidentissimè falsa, mirari satis non possum, quòd adhuc fautores inueniat. Videmus enim, quòd pinnae alarum Piscium sunt cartilaginosa, flexibilissima, pusilla, & stricta, comparata cum vasta piscis mole; & proinde breuitas vectum, palorum angustia, earumque flexibilissima consistentia inepta est ad percutiendam, & impellendam aquam ea velocitate, & vehementia, quæ ad promouendum corpus Piscis necessaria est. Hoc ipsum con-

Cap. 23.  
De Natatu.

firmatur ab experientia; si enim lateribus naui aptentur duo confimiles remi, parui, & flexibiles, eandem proportionem ad nauim habentes, quam illæ pinnæ ad piscem habent, certè naui egrè, & tardissimo motu incedet, & nunquam rapidissimam piscium velocitatem ad instar fulminis æquare poterit.

Adde, ad oculum patere, quòd quando pisces moventur in piscinis, tunc pinnæ alarum non percutiunt aquam ad instar remorum, sed immotæ adhærent lateribus piscis; Et in eo casu solummodò expanduntur, quando motus directus piscis, inflecti, aut extinguì debet; ideòque tantum abest, vt pinnæ alarum inseruiant ad remigandum, vt potius quietem inducant, alis expansis offendendo aquam immotam, & stagnantem; sicuti naues, innixis remorum palis super aquam, impetum præconceptum retardant, & extinguunt.

Tandem hac experientia id ipsum euidenter euincitur: forficibus resecai pinnas alarum piscium viuentium vsque ad earum radices, & sic tonsos in piscina reposui, & vidi, quòd etiam pinnis alarum carentes veloci cursu per aquam ferebantur sursùm, deorsùm, & lateralitèr: ergò non à remigio pinnarum, sed ab alia causa pisces natando per aquam promouentur.

### P R O P O S. CCXIII.

Pinnæ duplicatæ, quæ in duobus locis infimi Ventris piscium existunt, non inseruiunt ad motum, sed ad stationem eorum.

Piscium, non secus, ac Avium corpora difformiter graui sunt; constant enim ex partibus grauioribus ossis,

offeis, & carneis, & ex aere leuissimo, vt dictum est <sup>a</sup>. Cap. 23.  
De Natu-  
tu.  
Verùm hæ partes diuersæ non eodem modo in Aui-  
bus, atque in Piscibus situatæ sunt: in illis enim pars  
grauissima ossea, & carnosa infimam pectoris regio-  
nem occupat; levis aerea in sublimiori situ dorsali exi-  
stet. Hinc fit, vt centrum grauitatis versus pectus in-  
frà centrum magnitudinis Auium existat: & propterea, a Prop.  
112. huius.  
dum per aerem innatant, spontè ventre prono dispo-  
nuntur. Contrà in Piscibus, pars grauissima ossium  
spinæ, & copiosissima caro musculosa in dorso supre-  
mo posita est, vesica verò aerea in infimo ventre recon-  
ditur; ergo centrum grauitatis Piscium suprà centrum  
magnitudinis eorum in supremo dorso repositum est,  
& ideò, dum in aqua innatant naturali instinctu reuol-  
uerentur ventre supino; quæ positura cum natatui val-  
dè incommoda sit, coguntur Pisces artificiosè se reti-  
nere situ erecto. Hoc autem consequuntur ope pin-  
narum duplicatarum in infimi ventris acie reposita-  
rum; hisce enim fulcris, ad instar pedum hominum,  
aquæ subiectæ innitendo, vacillationes corrigunt;  
Vtque hanc veritatem sensu confirmarem, forficibus  
refecui omnes pinnas ventris Piscis viui, eumque de-  
nuò in Piscinâ demersi, ibique iucundum spectaculum  
exhibuit, vacillabat enim ad dextram, & ad sinistram,  
nec poterat in positura erecta firmiter persistere; sicuti  
ebrij casuri, & vacillantes, hinc indè incedere solent,  
ex quo patet propositum.

## P R O P O S. CCXIV.

Instrumentum, quo Pisces natant, est eorum cauda.

Tab. 14. Fig. 5.

Constat



Cap. 23.  
De Natura.

Constat experientia, quòd nauculæ ab vnico remo in puppi posito, & hinc indè vibrato, & contorto, motu directo, & veloci super aquam excurrunt, absque remis lateralibus: Eodem modo, quia Pisces non impelluntur à Remigio pinnarum lateralium, vt dictum est, & videmus, quòd quotiescumque eorum cauda vibratur, velocissimè per aquam excurrunt; & è contra nil prorsus mota cauda, obseruamus, quòd quiescunt in eodem situ; ergò caudæ contorsio, & vibratio est vera causa motus eorum, sicuti vibratio illius singularis remi in puppi nauculæ, est causa motus directi eius.

Modus verò, quo ambæ operationes fiunt, talis est. Remus singularis, dum obliquè impellit posteriorem aquam innixui resistentem, necessariò anteriùs nauculam promouet, licèt tortuoso itinere, declinando à recto tramite; Verùm, quia talis declinatio subitò corrigitur, vel à motu contrario, vel à firma remi retentione in situ obliquo, officium temonis exercendo, fit, vt non aduertantur illæ momentaneæ declinationes, & sic solummodò directus motus conspicuus remanet.

Consideremus modo piscis ABC configurationem, & motum. Dum caput A cum ventre B piscis in directum constituit reliquam eius medietatem BFC, flectit, & vibrat lateraliter, flagellando vehementer aquam, ob lubricam connexionem vertebrarum spinæ, quæ ad instar Arcus robusti contorqueri, & resilire ad dextrum, & sinistrum latus facilè possunt. Habet præterea extrema piscis productio caudam DE amplam, flexibilem, ex virgulis cartilaginosis compositam, quæ inuestiuntur subtili quadam membrana, vt pedes Anserum;

rum; & simili modo stringi, & dilatari possunt; in acie postea suprema dorsi, & infima ventris adsunt quoque consimiles pinnæ cartilaginossæ, quæ similiter, ac cauda, flectuntur, expanduntur, & contrahuntur.

Ordo verò motus est hic. Extenso Pisce ABC in directum incipit motus flectendo caudam BFC versùs latum dextrum G, quæ flexio fit tali regula, vt pars mota BC, dum conuertitur circa centrum B, non retineat præcisam tectitudinem ad instar radij circuli, sed incuruetur duplici sinuositate circa B, promouendo latus F versùs dextrum latus G, & circa F, retrocedendo extrema cauda D versùs sinistrum latus; estque talis primus motus non remigatio, sed anticipatio quædam caudæ similis anticipationi pedum ranæ natantis, ad cuius similitudinem palmares pinnæ caudæ DE dorsi, & abdominis stringuntur, & contrahuntur, ne, in aquam impingendo, anticipationem caudæ BC impediant. Translata iam cauda in G, tunc valdè incuruata versus caput A, & expansis omnibus pinnis, tota longitudo BG velocissimè flagellat, & impellit aquam lateralem ad instar remi describendo Arcum non circulare, sed ellipticum GD, quo motu posticam aquam impellendo, eique innitendo, necesse est, vt Piscis anteriùs promoueatur à B versus A. Anticipata secunda vice cauda à C ad H, denuò aquam flagellat ab H versus C; quo motu contrario dirigitur præcedens deuiatio ab itinere directo, & simul duplicatur impulsus directus Piscis à B versus A; & hac ratione, & methodo incessus piscium per aquam efficitur.

Eadem caudæ flexio vsu teimonis facilè præstat, flectendo cursum ad dextram, vel sinistram. At ad motum

Cap. 23.  
De Natatu.

tum versùs fundum inferuiunt pinnæ duplicatæ, quæ in Acie infimi ventris existunt. Quia, quando subiectæ illæ pinnæ versus caudam existentes expanduntur, erigunturque, officium temonis horizontalis exercent, sicuti cauda Auium depressa efficit; Ergò caput Piscis excurrentis inclinari debet versus fundum. E contra pro motu fursùm, pinnæ laterales, seu alæ obliquæ flexæ, & fursùm eleuatæ, idem præstare possunt, ac cauda Auium fursùm eleuata, à qua cursus Auis fursùm dirigitur.

Et forsan à pinnis caudæ piscium, obliquè fursùm, aut deorsùm inclinatis, id ipsum præstari potest, quod conijcitur ex eo, quòd è statu quietis momento pisces diriguntur fursùm, aut deorsùm: quam contorsionem velocem pinnæ illæ exiguæ vi temonis efficere non possunt, sicuti in naui quiescente flexio temonis eam flectere non valet.

### PROPOS. CCXV.

Ad natatum piscium requiritur maior vis motiua musculorum, quàm ad Auium volatum efficiendum.

Eadem methodo, qua hætenus quæsiuimus vires, quas natura exercet ad motus Animalium efficiendos, conijcere possumus, an maiori conatu, & virium copia natatus piscium, quàm volatus Auium fiat, hoc præstabit examen musculorum, quibus illi duo motus fiunt; nam ex musculorum quantitate, & copia fibrarum præclare dignoscuntur vires, quas natura adhibet ad illos mouendos, & quia caro musculosa piscium, copiosissima est, multò magis, quam in auibus; cum illi  
paucio-



pauciora ossa habeant, quàm istæ; ergo vniuersæ vires motiua, quæ à piscibus exercentur, maiores sunt, quàm vires Auium, quæ ad omnes motus earum efficiendos requiruntur. Insuper tota ferè caro musculosa piscium inseruit ad spinam, & caudam vibrandam, nil ad pedes mouendos, quibus carent; parùm ad ventrem stringendum, & ad mandibulas agitandas; minimùm ad pinnas tenues flectendas; ergò ferè vniuersa vis motiua piscium inseruit ad natatum, qui à spinæ, & caudæ vibratione producitur. E contrà in Auibus, muscoli pectorales alas agitantes, æquales sunt medietati totius carnis earum; ergò ad volandum applicatur à natura medietas totius virtutis motiua Auium; hæc autem ostensa fuit, plusquàm decies millies maior pondere eiusdem Auis; igitur vis motiua, quæ ad natatum piscium requiritur, ferè duplam proportionem ad illam habebit, & ideò paulò minus, quam vigesies millies pondus eiusdem piscis excedet.

Cap. 23.  
De Natatu,

## P R O P O S. CCXVI.

Quæritur, qua necessitate natura cogatur tam grandi vi motiua efficere Piscium natatum.

Ex superiùs dictis constat, quòd difficultas præcipua volatus pendet ex necessitate suspendendi corpus Auis per aerem frequentibus saltibus: Cùmque Pisces intrà aquam demersi suspendi non debeant, eo quòd grauitas ipsius fluidi aquei ad instar baiuli sustinet pondus piscium, qui proindè æquilibrati perindè indifferentes sunt ad quemlibet motum collateralem, fursùm, & deorsùm, ac si nullam grauitatem haberent;

X x

cùmque

Cap. 23.  
De Natura.

a Prop. 16.

b In cita-  
ta prop.

cùmque corpora æquilibrata; & indifferentia à qualibet vi motiua, quantumuis exigua, moueri possint, vt ostendimus in libro de vi percussionis <sup>a</sup>; ergò pisces intrà aquam à qualibet pusilla vi impelli, & agitari possunt, & proindè tanto apparatu musculorum non indigerent. At nefas est tribuere naturæ tantam imperitiam, vt frustrà, & absque necessitate vastitatem musculorum, & virium copiam ad natatum piscium adhibuerit. Quare fatendum est, quòd ob aliquam necessitatem à nobis non animaduersam, tanto molimine opus habeat; Et profectò accuratiùs consideranti patebit, quòd ad conferendum motum corporibus æquilibratis, vt motus est, sufficit quælibet vis motiua, dummodò sit quanta <sup>b</sup>. Verùm talis motus erit tardissimus; qui si celerius fieri debeat, tunc planè grandis vis motiua requiritur. Sic naui innatans super aquam stagnantem trahi potest subtili capillo, lentissimo, & tardo motu. At si cursu velocissimo impelli debeat, non sufficit vis centum remigum. Difficultas hæc oritur ex corpulentia, & grauitate aquæ, quæ è suo loco expelli, & subleuari debet, vt subintranti naui locum cedat, & deindè motu vertiginoso reducatur ad replendum locum posticum à naue derelictum: hæc inquam aquæ motio fieri non potest absque eo, quòd vis motiua imprimatur in vastum illud corpus aquæ, quod continenter agitari debet; Talis vis oportet, vt tantò magis augeatur, quantò magis impetus imprimendus vehementior, & velocior esse debet.

Vtque ex analogia motus naui conijciamus gradum virtutis motiue piscium, obseruo, quòd maior pars naui extans in aere, existit, & mouetur, atque minor

nor portio eius infima ab aqua circumdatur. Quare Cap. 23.  
De Natura.  
si omninò naus demersa esset, multò maiorem vim impulsuam, scilicet triplam, aut quadruplam requireret, vt æquè velociter intrà profundam aquam excurreret, ac priùs, quando super aquam impellebatur, ( eo quòd aer motui nauis extantis parum, aut nil resistit, ) at resistentia molis aquæ expellendæ, & traducendæ tripla, vel quadrupla esset.

Adde, quòd remorum reductioni aer pariter nil resistit, aqua non item, ob consistentiam, & pondus eius; & hinc est, quòd remiges intra aquam casim remos anteriùs reducunt, sicuti Ranarum, & Anserum pedes colligatis digitis, & palmis membranosis anteriùs reducuntur, & tunc solummodò expanduntur, quando aquam retrorsum grandi impetu impellunt. Ex hoc ipso, quòd natura compendia quærit, satis liquet, difficillimè pedes, & remos intrà aquam anteriùs reduci, quapropter, licèt pisces nil laborent, vt intrà aquam suspensi retineantur, & facillimè in ea moueri possint motu tardissimo, ob iam dictam indifferentiam, tamen ob velocitatem, qua coguntur in aqua moueri, indigent immensa illa vi motiua, ferè dupla eius, qua aues per aerem volant.

## P R O P O S. CCXVII.

Quare Aues, & Animalia quadrupedia naturæ institutu natant, rationem reddere.

Quia, vt dictum est, Aues, & quadrupedia Animalia dum viuunt, minùs grauià specie sunt, quàm aqua: necesse est, vt aliqua portio corporis eorùm extet <sup>a</sup> supra aquæ superficiem: hæc verò pars extans oportet, vt sit

<sup>a</sup> In Arch.  
Aust. de  
Inf. Flui.  
prop. 2.



Cap. 23.  
De Natura  
m.

b Prop.  
210. huius.

omnium leuissima, eo quòd pars grauior, in qua centrum grauitatis totius animalis cadit, ad instar penduli <sup>b</sup>, depressa esse debet intrà aquæ subiectæ profunditatem: cumque Animalia viuere non possint, nisi incessanter aerem inspirent, ergò necesse est, vt pars leuissima, & extans animalis supra aquæ superficiem, sit caput, & os, quo aer suscipi potest. Si enim, capite demerso, pedes extarent, procul dubio animal suffocaretur.

Modò, quia natura comparatum est, vt Aues, & Bruta animalia habeant caput, rostrum, & rictum leuissimum respectu viscerum, & artuum eorum, sit, vt spontè in aqua venter deprimatur ad instar penduli, atque caput, & os emineat supra aquæ superficiem; & sic respirationem exercendo, viuere possunt.

Præterea longitudo carinæ corporis eorum spontè sua distenditur parallela plano horizontis, eo quòd cavitatis pectoris, aere inspirato, repleta dorsi regionem occupat, & proindè bruta innatantia præcisè eandem posituram in aqua retinere possunt, qua super terram pedibus innixis incedere solent. Quare, sicut super terram pedibus alternatim innixis gradiuntur, habitu quodam à natiuitate acquisito, sic quoque super aquam innixis pedibus, alternatim habituali peritia, motis, nulla difficultate per aquam gradientur, seu natantur.

## P R O P O S. CCXVIII.

Quare homines naturali instinctu natare non possunt, & in quo peritia natandi consistat.

Dubi-

Dubitari non potest, quòd homines, dum viuunt, Cap. 23.  
De Natura minùs graues specie sunt, quam aqua, eo quòd semper aliqua corporis humani pars super aquam extat: & hoc contingit spontaneo naturæ instinctu, absque vilo artuum, & musculorum molimine, vt vrinatores experiuntur, qui non secùs ac ligna, è fundo ad summam exprimuntur ab aqua ipsa; & è contrà ad grandem profunditatem perducì non possunt, nisi ab impetu præconcepto in casu per aerem, vel vi musculorum, natando versus fundum, vel augendo pondus proprij corporis, secus afferendo saxum, aut plumbum; nec postea in fundo quiescere possunt immoti, nisi apprehenso scopulo, aut saxo graui; immò in balneo iacentes experimur, quòd extensis brachijs, aut cruribus horizontaliter intra aquam, si nullam vim exerceamus, spontè sursùm ad aquæ summitatem ascendunt, quousque aliqua portio eorundem extet.

Et licèt in hoc similes simus animalibus quadrupedibus, valdè tamen ab eis differimus in structura, & configuratione corporis, & in situatione centri grauitatis totius, & partium eius. Homines enim habent caput grauissimum respectu sui corporis; est quippè omninò repletum à copiosissimo cerebro ponderoso, & ab ossibus, & carnibus, itaut nullæ cavitates inanes, & aere plenæ in eo reperiantur, & demerso capite, exigua narium, & aurium foramina, aere expulso, subito aqua repleantur. Contrà verò in Brutis caput respectu sui corporis, & respectu medijs aquei, leuissimum est, cum cerebrum exiguum habeant, & rictus sit spongiosus, & contineat longos, & multiplices canales aere repletos.

Hinc sequitur, quòd naturali necessitate non remaneat

Cap. 23.  
De Natu-  
tu.

neat os hominis exporrectum supra aquæ superficiem ad respirandum. Primò, quia pondus excedens capitis naturali lege id deprimit infrà aquæ superficiem; non sic in Brutis. Secundò noto, quòd Animalis portio, quæ extare debet, pusilla est respectu corporis totius, vt docet experientia; & in tali extante parte oportet, vt os existat, vt aerem inspirare possit, vtque commodius, & absque suffocationis periculo respirationem exercere valeat, os altiùs ab aquæ superficie, & ab vndis distare debuit. Modò hæ omnes commoditates in brutis, non verò in hominibus habentur, quia in illis orificia narium in extremo confinio colli, & capitis fursùm reflexi, & in stricto, acuto, & prolongato rictu sita sunt; & ideò spontè, naturali necessitate, rictus, ad instar baculi, erigitur, & eminent supra aquæ superficiem, & proindè foramina narium longè à fluctibus remota, facilè, & absque impedimento respirare possunt. Contrà homines quomodocumque in aqua iacentes, aut prorsùs nequeunt, aut difficillimè respirare possunt. Si enim ventre prono iacent, tunc extabit portio aliqua dorsi, ceruicis, aut occipitis; & os, & nares demersæ respirare non poterunt.

Si verò situ erecto perpendiculari ad horizontem stet, non integrum caput, sed summa eius ceruix extabit ob exiguum defectum grauitatis specificæ hominis ab aqua, & tunc foramina narium, & oris, inflexo vertice infra aquæ superficiem existent, & ideò respirare non poterunt. At si ventre supino æquidistanti horizonti, vel alio modo in aqua iaceat, tunc caput grauißimum iuxtà leges hydrostaticas magis deprimetur, quàm pectus aere inflatum; & ideò per os, & nares infrà aquam depressas, aut à fluctibus inundatas



datas non aer , sed aqua excipietur , & proindè homo suffocabitur .

Cap. 23.  
De Natatu .

Cùm igitur homines , ob structuræ ineptitudinem , non possint spontè , & naturali necessitate collocari in aqua debita positura , vt extent os , & nares , nequeunt in ea viuere , aut natare .

Hinc deducitur , quòd natandi peritia , quæ humana industria acquiritur , consistit præcipuè in erectio-  
ne capitis , vt semper os , & nares super aquam extent , quod homines consequuntur motu industrioso , aquæ laterali innitendo manibus , & pedibus , & alternatim eam percutiendo , veluti remis , sicut funambuli hasta extensa , & aerem percutiendo in eodem erecto situ retinentur æquilibrati .

Et nedùm in nixu , & remigio manuum , & pedum caput erectum retinemus , sed etiam grandi flexione colli , & ceruicis , quantum fieri potest , figuram animalium quadrupedum imitando , foramina oris , & narium supra aquæ superficiem extollimus ; Vtque hoc faciliùs consequi possimus , dum natamus , retinere solemus continuis saltibus integrum caput extans , & corpus non parallelum , sed parùm inclinatum ad aquæ superficiem , vt nimirum à fluëtibus respiratio non impediatur , et vt remigium manuum , & pedum , pro incessu per aquam , exercere valeamus . Hinc refellitur vulgaris error dicentium , quòd bruta ideò natant , quia mortis periculum non apprehendunt ; Et quomodò sciunt , bruta timoris expertia esse ? Certè hoc non habent ex eorum relatu , imò si à signis externis internæ passiones indicantur , bruta , valdè timere suffocationis periculum , dicemus , quia clamitant , renituntur , & diffugere conantur , quando ea projicere in aquam tentamus .

Præte-

Cap. 23.  
De Natatu.

Prætereà videmus, quòd pueri simplices, & malorum ignari, audacter in aquam se præcipitantes, nedùm non natant, sicut bruta, sed in ea suffocantur. Non igitur ob defectum timoris, sed ob idoneam corporis dispositionem, & figuram, bruta naturali instinctu natare possunt. Homines verò ex sui natura inepti ad natandum, artificioso motu manuum, et pèdum id consequuntur; nempe indigent peritia eleuandi caput supra aquæ superficiem, pro vsu respirationis.

Restat postremo loco inquirenda ratio, quare homines imperiti artis natandi, cùm in aquam cadunt, subito demerguntur, & postea exurgunt; & hoc ter, vel quater repetunt, & tandem in fundo suffocati remanent: & post aliquot dies cadauer exurgit, & super aquam ad instar suberis innatat.

Triplici de causa ab initio homines demerguntur. Primò ob casum; quia homines sicut ligna, & omnia corpora minùs grauiæ specie, quàm aqua, in ea non quiescunt, nisi demersa fuerit determinata eius portio in eo situ, in quo fit æquilibrium; & si altiùs suspendatur, cadet, & in motu descensus acquirat nouum impetum, à quo plùs iusto demergitur; sicut lignum cadens in aquam, omninò demergitur. Secunda causa demersionis hominis est inordinata, impropria manuum, & pedum libratio, quæ si fiat contrario ordine, quàm opus est, ( vt est consentaneum ob imperitiam ) augere præcipitium potest. Tertia causa est incrementum grauitatis specificæ in actu demersionis, quatenus, expirato aere, eius loco insinuat in pulmones tantumdem aquæ.

Ascensus postea, & descensus reiterati contingunt eadem necessitate, qua lignum plùs iusto demersum, saltus,

factus, & demerfiones in aquâ ad inftar penduli repetit: qui motus adiuuantur à caufis fuperiùs infinuat-  
 tis.

Cap. 23.  
De Natura.

Postquàm verò expulfo omninò aere, pectus aqua repletur, tunc homo grauior fpecie factus ipfa aqua, mirum non eft, quòd in fundo ad inftar faxi remaneat. Tandem poft aliquot dies humores, & ingefta in vafis, & intestinis, fermentata, & putrefacta refoluuntur in flatus, & vapores aereos, à quibus prædicta vafa inflantur: & hinc corpus minùs graue in fpecie redditum, quàm aqua, neceffe eft, vt ad fupremam fuperficiem afcendat, vt hydroftatica neceffitas exigit.

# PROPOS. CCXIX.

Homines diù demerfi, vt Ranæ, & Pifces catacei, abfque refpiratione viuere non poffunt.

Videmus, quòd ranæ, & cæteri pifces catacei, qui habent pulmones, degunt ferè femper in fupremo confinio aquæ, & ibidem aerem infpirando, & expirando vitalem motum conferuant, eodem modo, ac animalia terreftria viuunt; at poftea facili negotio demerguntur, & per notabile tempus abfque noui aeris infpiratione ibidem permanent viuentes. Certum eft, quòd tunc temporis non ceffat cordis pulfatio, & fanguinis tranfitus per pulmones: ergo concedendum eft, quòd ab eodem aere in pulmonibus retento à thoracis viciffitudinaria compreffione, elutriatio fanguinis per fubtiliffima vafa pulmonis efficiatur; vt ad oculum patet in veficis pulmonaribus ranarum, quæ compreffæ aërem contentum condensant; & hic fua vi elaftica



Cap. 23.  
De Natatu.

comprimit vasa, & hinc sanguinis elutriatio consequitur. Eodem modo Vrinatores Indi, qui Margaritas è fundo Maris capiunt viuere deberent (si verum est, quod de ipsis narratur, per horam integram sub aqua morari) Hoc scio, quòd talis violenta eiusdem aeris inspirati retentio dolorifica, & noxia est, vt nos vrinando per pauca minuta secunda horaria nostro malo experimur. Ergo sicuti catacei, & ranæ motum vitalem conseruare non possunt, si sèmpèr, aut per longum tempus infra aquam demersæ permanent, multò minus homines tali violentiæ inassueti vitant producere poterunt demersi per plures horas; & sicut catacei à naturali structura, & ab exercitio frequenti totius vitæ non possunt acquirere peritiam permanenti, & viuendi perpetuò sub aquis absque interruptio-  
ne, sic videtur multò magis impossibile, vt homines, quantumuis exercitati, viuere infra aquam diù possint.

### PROPOS. CCXX.

Machina aliqua artificiosa homines diù in aqua demersos respirare posse. Tab. 14. Fig. 6. & 7.

a Tab. 14.  
Fig. 6.

Duæ machinæ hætenus excogitatæ sunt, quibus Vrinatores diù respirare possunt infrà aquam. Prima est vas cylindricum<sup>a</sup> ABC cauum, & aere plenū clausum in fundo supremo AE, & apertum in infimo orificio BC; hoc vas si à vi ponderis vasti saxi P trahatur deorsum, infrà aquæ superficiem RS, & suspendatur fune FE; experientia patet, quòd, dum latera cylindri AC, & EB perpendicularia sunt ad planum horizontis

Cap. 23.  
De Natu-  
tu.

zontis TV, aer contentus ABC non egreditur, descen-  
dendo è cauitate cylindri per os apertum CB, sed so-  
lummodò condensatur eò magis, quò profundius de-  
mergitur. In hac cauitate, quando Vrinatores diutius  
aeris carentiam tolerare non possunt, caput immit-  
tunt, & recondunt, & ibidem aerem respirando, re-  
ficiuntur. Verùm hæc machina, nedum difficile præ-  
parari, & moueri potest, sed præterea non videtur  
omninò apta ad finem consequendum; quia in locis  
profundioribus maris aer in vase cylindrico ABC con-  
tentus, adeò condensatur, & constipatur à pondere  
aquæ incumbentis, vt forsan reddi possit ineptus re-  
spirationi. Insuper vapores continenter ab aqua ascen-  
dentes, vnà cum vaporibus aqueis ab Vrinatore expi-  
ratis, adeò aerem illum inficere possunt, vt potius suf-  
focationem inducat.

Altera machina ab aliquibus excogitata est huius-  
modi. Efficiunt strictum canalem <sup>b</sup> AB ex pelle capri-  
na, qui à filo ferreo spiraliter contorto retinetur di-  
latatus; in huius infima apertura BC caput Vrinatoris  
insinuatur, & illius fimbriæ circà collum, & pectus  
aptantur ita, vt ingressus aquæ per rimas, & futuras  
prohibeatur; & extante altero canalis orificio A su-  
pra aquæ superficiem RS, homo demersus aerem per  
canalem commodè inspirare, & expirare poterit: licet  
machina sit incommoda, cum nequeat absque externo  
auxilio moueri per aquam.

b Tab. 14.  
Fig. 7.

Cap. 23.  
De Natura  
iii.

## P R O P O S. CCXXI.

Homines, incluso capite intra vas vndique clausum,  
possunt per plures horas respirare, & viuere,  
si sapè os vasis aperiatur, vt nouum  
aerem excipiat.

Quòd homines, incluso capite intra vas vndique clausum, debeant momento suffocari, vulgò receptum est ob præiudicium desumptum à natura flammæ, quæ in stricto vase recondita subitò suffocatur. Sic putant, quòd flamma vitalis restricta in loco vndique clauso, citò extingui debeat; at talis comparatio inepta esse videtur, vt alibi ostendimus, nam conseruatio ignis, & flammæ consistit in velocissima expressione ignearum exhalationum facta ab aere ambiente; quæ expressio primo loco fieri non potest, absque aeris circumductione, quæ locum amplum requirit: secundò, oportet, vt aer ambiens flammam, non sit adeò impurus, crassus, & infectus à fumis fuliginosis pinguibus, & aqueis, vt sua crassitie poros prunarū, aut ellychnij obturet, & impediat transpirationem ignearum exhalationum, sicuti fluores nedùm aquei, sed etiam pingues facere solent: cūque in loco angusto, nedùm motus aeris impediat, sed etiam à fumorum aqueorum, & fuliginosorum copia, aer ille fluidam consistentiam acquirat, à qua exitus effluuij ignearum particularum impeditur, mirum non est, ignem suffocari, & extingui; verū in corde, & pulmonibus animalium nulla flamma existit; & respiratio, at aeris motus alio modo, & ob aliam causam longè diuersam, vitam conseruat, vt suo loco declarabimus; quòdque in corde proprietas flammæ:  
supe-



superiùs expositæ locum non habeat, probatur experientia, quia pulmones Ranarum sunt vesiculæ, vndique clausæ aere plenæ; nec tamen earum metaphorica flamma vitalis extinguitur; sicut nec clausura ventriculorum cordis mortem, & suffocationem inducit. Si verò consideretur aeris crassities facta à vaporibus aqueis, certè ille aer, qui in vesiculis pulmonis diù existit, & non renouatur, nisi post diuturnam moram, necesse est, vt sit valdè humectatus, quia interni vesicularum malpighianarum parietes semper madore scatent, & talis humiditas à continuo pectoris calore in vapore faceffit, vt patet in aere in speculum exspirato, in quo guttulæ aquæ innumeræ concresecunt ad instar roris. Si igitur aer in anfractibus pulmonum existens est semper madidus, nec proinde suffocationem inducit, quomodò aer ob angustiam vasis caput hominis complectentis, & ab inspiratione minùs humectatus, quàm sit ille, qui in pulmonibus existit, suffocationem inferet ob eandem humiditatem, quam priùs in pectore retinebat? Præterea in tussi, & pulmonum læsionibus capite obuelato excipiuntur vapores aquei medicati, & fumi densi, & copiosi, nec tamen suffocationem inducunt; ergo in vase caput hominis ambiente, aer ille ob copiam vaporum incrassatus non suffocabit.

Videmus insuper, quod pueri hieme, capite pannis vndique tecto, dormiunt, nec suffocantur.

Non negabo tamen, quòd, si aer sit superfluè madidus, & nimis excalesfactus, & fuliginibus infectus, deliquium tandem, & suffocationem inducere possit. Quare si in vase clauso circa caput, aer inclusus ad insignem illum gradum caliditatis humiditatis, & crassitie

Cap. 23.  
De Natura  
tu.

tiei reduceretur, facile deliquium, & mortem afferet,

Non defunt tamen chimici, qui recurrunt ad quemdam balsamum, seu nitrum aeris, quod sua facultate vitalem flammam conseruat; & hinc fieri putant, vt animalia inclusa in angusto loco vndique clauso citò suffocentur, quia aiunt, quòd ille aer multòties inspiratus viduatur illo balsamo, seu nitro, & propterea ineptus redditur ad cordis flammam viuificantiam.

Sed si hoc verum esset, Ranæ, pisces cætacei, & vrinatores Indi viuere non possent intra aquam demersi per horam integram, quia pusilla moles aeris in vesiculis pulmonum contenti non renouatur, & ideò, consumpta illa balsami particula, suffocarentur.

Aliundè, cùm videamus, quod aeris renouatio, & commercium eius, qui in pulmonum vesiculis includitur cum externo aere, sit omninò necessarium ad vitæ conseruationem ( licèt hoc non contingat ob balsami aerei reparationem, sed ob aliam diuersam causam mechanicam ) videndum est, an, & quomodo huic periculo obuiam iri possit.

Et obseruo, quòd communiter vrinatores demersi viuunt, absquè notabili læsione, per vnũ primum minutum horarium, cum illa exigua mole aeris, quæ in vnica inspiratione excipitur, & trigesies repetita inspiratione, & immersione viuunt per semihoram, licèt interruptam, infra aquam demersi; planè videtur incredibile, vt per idem tempus semihoræ continuatæ viuere non possint, capite incluso intra vas vndique clausum, quod duplo, vel triplo maiorem molem aeris contineat, quàm sit illa, quæ ad triginta respirationes efficiendas sufficit,

si ta-

si tamen debitæ cautiones adhibeantur, refrigerando nempè, & purificando aerem. Hinc sequitur, quòd si aer vasis qualibet semihora, vel frequentius, si opus est, renouaretur, aperto vase, possent vrinatores diutius vitam sub aquis protrahere.

Cap. 23.  
De Natu-  
tu.

## P R O P O S. CCXXII.

Machinæ constructio, qua homines demersi intra aquam possent per plures horas respirare, & viuere. Tab. 14. Fig. 8.

Fiat vas, seu vesica ænea, seu stannea BMHC diametro duorum pedum, quæ caput A hominis continere possit ad instar Galeæ, seu cubiculi, & strictiori collo BC adhæreat scapulis, vertici, & supremo pectori, atque funiculis circa collum æneum BC, strictè alligata veste pellea caprina non penetrabili ab aqua; tunc homo sic testus, si intra aquam demergatur, poterit per plures horas viuere, liberè respirando aerem intra vesicam æneam BMHC inclusum, dummodò aer inclusus debitis temporibus renouetur, vt inferius declarabitur; vtque tollantur duæ proximæ indicatæ difficultates, fieri debet fistula ænea curua IQKL, longitudine trium pedum, quæ in inferiori intermedia curuatura bursam pelleam K annexam habeat; & duo extrema fistulæ orificia I, & L intra cavitatem vesicæ caput ambientis desinant, vt in vna anteriori I aer insufflari debeat, altera verò L circa verticem hiet.

Ex hoc artificio duo bona consequentur: primò, aer expiratus, & in fistulam insufflatus in longo circuitu IQKL ab aqua externa refrigeratur, sicut aer in tota vasta vesica contentus ab ambiente aqua frigesit. Secundo,



Cap. 23.  
De Natatu.

cundò, quòd, quando stricto ore circa fistulæ orificiũ I intra eam aerem insufflamus, non fit expiratio per nares, sed solummodò per os, vt patet experientia; ergo si expiratio, & eiectio spiritus fiat insufflando aerem intra fistulam illam prælongam, & retortam, necesse est, vt in illo circuitu guttulæ vaporosæ adhæreant, & condensentur in parietibus internis fistulæ, veluti in pileo alembici contingit, & mox defluendo in bursam illam K excipiantur; hinc fiet, vt aer egrediatur ex altero fistulæ orificio L circa verticem, nondum refrigeratus, sed etiam depuratus, & exsiccatus; & ideò non excipietur per nares, & per os eadem illa portio aeris mox expirata calida, & madida, sed alia distincta iam refrigerata, & purificata; ergo commodissimè respiratio continuari poterit, saltem per horæ medietatem, absque periculo suffocationis.

Quantitas postea aquæ, quæ cum vaporibus ab ore expiratur in horis 24., non superat libram vnā, vt Santonius obseruauit; & ideò à bursa illa commodè excipi potest: nec te sollicitum teneant fumi, & fuligines, quæ ex poris capitis, & faciei transpirant, nam pueri, qui hieme, tecto capite, in lecto dormiunt, non suffocantur ab iisdem fuliginibus: & proindè vrinatores non lædentur ab iisdem fuliginibus in loco similiter clauso.

Quia verò homines viuere non possunt, nisi aer inclusus intra vesicam æneam renouetur, oportet, vt in summo vertice vasis ad sint duæ fistulæ æneæ N, & O, valuulis, vel epistomijs clausæ, vt urgente necessitate homo ad confinium aeris accedendo quousque fistularum orificia N, O extent ibi apertis epistomijs per vnum canalem PMO exsufflari, & eijci aer vetustus

stus possit, dum per reliquum canalem N nouus aer Cap. 23.  
De Natura  
circulari motu excipiat, & mox clausis epistomijs  
denuò demergatur.

Cæterùm vestis caprina debet habere formam, quàm simillimam humano corpori, & artubus eius, qui exactè vniri, & aptari debet, cum suis chirothecis, & soleis, vt commodè motus, & contrectationes fieri possint.

Insuper vas æneum, seu vesica capiti imponenda in anteriori eius parte 3, 4. insertum habere debet vitrum speculare conglutinatum farina calcis viuæ, & oui albumine, vt homo videre possit ea, quæ in fundo, & in medio aquæ existunt.

Nec obest pondus vasis ænei, aut leuitas aeris in eo inclusi, nam faciliè totum compositum ex homine, & vase reduci potest quàmproximè ad æquilibrium cum aqua, additis nouis plumbeis fragmentis, vel augendo molem inclusam aeris. Manifestum est igitur, quòd tali artificio potest homo intra aquam demersus diù respirare, & viuere.

### P R O P O S. CCXXIII.

Homines demersi in aquæ profunditatē, possent supra dicto artificio ad sui libitum moueri, & quiescere ad instar piscium.

Tab. 14. Fig. 8.

Nemo sanæ mentis dicet, Naturæ opera non esse simplicissima, necessaria, & quàm maximè fieri potest, compendiosa. Ergo machinæ, quæ ab humano artificio excogitantur, si necessarias naturæ operationes

Cap. 23.  
De Natura  
III.

a Prop.  
23. huius:

æmulantur, & eis simillimæ fiunt, procul dubio finem optatum. fortientur. Cùm itaque velimus, ad instar piscium, demersi intra aquam moueri, & quiescere, id planè consequemur, si eodem mechanico artificio vñ fuerimus, quod in piscibus natura adhibet, vt dictum est <sup>a</sup>; vt igitur nos in aquâ demersi, simili machina vti possimus, portare nobiscum debemus grandem syringam RS, cingulo D alligatam, ad instar gladij, quæ molem aeris contineat æqualem vni pedi cubico; hæc quidem foraminulo S clauso, & ferruminato insertum habeat cylindrum XV, cum suo epistomio T, exactè claudente rimas omnes laterales; idque vite perpetua, cum suo manubrio Y trahi ad extra, & impelli ad intra possit, à quo aer in syringa contentus valdè condensari, & rarefieri poterit, quod naturæ aeris non repugnat.

His præparatis, supponamus, quòd homo AF cum caprina, qua induitur, cum cingulis, & tegumento capitis æneo BGHC, cum syringa RS, & aere incluso, sit minùs grauis specie, quàm aqua, vt emineat supra aquæ superficiem aliqua pars galeæ MG; tunc additis fragmentis plumbeis, redigatur tota moles innatantis hominis ferè æquè grauis specie cum aqua, vt nimirum extet exigua verticis particula G. Et immisso epistomio T versus S condensetur aer inclusus TS in syringa, & proindè anterior eius pars TQ, quæ aere priùs replebatur, mox ab aqua occupabitur, & ideò moles syringæ cum epistomio minus spatium in aqua occupabit: quapropter tota moles natantis hominis cum annexa syringa in aqua occupabit minùs spatij, quam priùs; & proindè grauitas eius specifica augebitur, & sic primo loco redigetur ad æquilibrium  
cum



cum aqua *b* ; & tunc vbique in medio profunditatis eius homo quiescet : & si vterius immisso epistomio *T* aer syringæ magis comprimatur , & maior aquæ copia in ea excipiat , iam homo grauior specie ipsa aqua redditus , spontè lento motu cadet ad fundum . E contra , retracto epistomio *T* versus *R* , & aere sua vi elastica rarefacto , & expulsa aqua ex syringæ cauitate *TR* fiet denuò homo minùs grauis specie , quàm aqua ; & proindè spontè fursùm ascendet , quousque aliqua pars summi verticis *GM* , extet supra aquæ superficiem .

Cap. 23.  
De Natatu .

In Arch.  
Auct. de  
Insid. Flu.  
prop. I.

Iam non est necesse , vt fusiùs insinuemus , quomodo homo per fundum aquæ incedere ad instar Cancrorum valeat ; & si libuerit , remigio palmarum manuum , & pedum , ad instar Ranarum , per aquam natare possit .

## P R O P O S . CCXXIV.

Nauis vrinatoriæ fabrica , & vsus exponitur .

Tab. 14. Fig. 9.

Postquàm ostendimus , quòd homines in loco vndique clauso viuere possunt per breue tempus , respirando eundem aerem ibidem contentum , qui si renouetur eodem artificio , propof. 225. exposito , non erit difficile Nauem vndique tectam , ad instar cubiculi , efformare , quæ pariter , vt pisces , possit immota permanere in medio profunditatis aquæ ; & si velimus , eam mouere poterimus fursùm , & deorsùm , & laterali-ter .

Artificium erit simile præcedenti , quo nimirum Nauis occupando in aqua spatium se ipsa æquale

Cap. 23.  
De. Natura  
tu.

magis, aut minus potest spontè, ad instar piscium, quiescere in medio profunditatis aquæ, aut ad fundum descendere, vel versus superficiem supremam eleuari. Hoc fiet, si naui ACEG fundum EF perforatum fuerit in N, N, N; & vtres caprini ON, ON, &c. in Naui contenti prono ore N aptentur; vt orificium cuiuslibet vtris N minutis clauis figatur, aut funiculis circa interna labra prominentia foraminum strictè alligentur, vt aqua per foramina ingressa ventrem cuiuslibet vtris replere possit, et nequeat per futuras, aut per interstitia clauorum intra Nauem extillare, aut diffuere. Facta tali preparatione, patet, quòd quando omnes Vtres ON, ON, in ventre naui contenti aqua repleti sunt, tunc quidem naui minus spatij in aqua occupat, quàm priùs, & quàm sit moles naui. Et proindè grauior specie in ipsa aqua redita est; ideòque descendet Nauis ad fundum non secus, ac saxum: at si compressis vtribus (vecte PO, vite, aut alio modo) aqua per foramina N, N extra nauim eijciatur, tunc naui maius spatium in aqua occupabit, quàm priùs, & transibit per æquilibrium, & tunc quiescet in medio aquæ, si verò deinceps leuior ipsa aqua efficiatur, fursùm ascendet.

In tali porrò naui aptari possunt remi VX, duplici pelle caprina ad foramina lateralia V, V, clauiculis annexa, & strictè circa remos alligata, vt aquæ ingressum in naui prohibeant: & hisce remis, ad instar pedum, naui parùm in aqua grauitans poterit impelli, & promoueri innixis vectibus remorum super fundum arenosum. Immo possumus alternatim eam leuiorem ipsa aqua reddere, quando subleuata passus conficere debet,

Pro motu verò transuersali, remi habere debent palmas XZ flexibiles, similes pedibus Anserum, & Ranarum, vt ampliari possint solummodò, quando aquam retrorsum impellunt; & colligantur, complicanturque, quando remi retrahuntur.

Cap. 23.  
De Natatu.

Sed forsàn faciliùs Nauis incessus fiet, impulsè, non à remis lateralibus, sed ab vnico solo remo flexibili, & resiliente palmato, in puppi posito, à cuius vibratione nauis, sicuti pisces à cauda impulsì, per aquam commodiùs incedere poterit.

Partis Primæ Finis.



# I N D E X

## C A P I T V M,

### E T P R O P O S I T I O N V M.

Quæ in hac Prima Parte .

De externis animalium motionibus , eorumque viribus  
continentur .

<p style="text-align: center;">C A P. I.</p> <p><b>P</b> Ræmissæ Operis . Pagi- na 1</p> <p style="text-align: center;">C A P. II.</p> <p>Musculi descriptio , &amp; vsus . pag. 4</p> <p>Prop. 1. Structura musculi in- dicatur. 4</p> <p>2. Musculum à carne non dif- ferre . 7</p> <p>3. Musculorum species re- censentur . 8</p> <p>4. Actio musculi est contra- ctio . 9</p> <p>5. Redargutio Stenonis . pa- gina 9</p> <p>6. Musculorum vera figura indicatur. 13</p> <p>7. Duæ vires eorum pro- pria , &amp; Instrumentalis</p>	<p>exponuntur . 14</p> <p style="text-align: center;">C A P. III.</p> <p>Vires musculorum secundum antiquos. 15</p> <p>8. Ope machinæ , parua vi musculi , ingentia pondera suspensi secundum anti- quos. 16</p> <p style="text-align: center;">C A P. IV.</p> <p>Theoremata pro immensita- te potentia musculorum . pag. 18</p> <p>9. Motus articulorum circu- laris, conicus &amp;c. circa cen- trum imaginarium. 18</p> <p style="text-align: center;">C A P. V.</p> <p>Musculi aliquando grandi conatu nil valent . 23</p> <p>10. Musculi adhærentes ca- uitatibus articulorum in- flexo-</p>
--	---

flexorum laxi redduntur. 24

11. Idem debilem, aut nullam vim exercent. 25

### C A P. VI.

Lemmata pro vi grandi musculorum. 26

12. Vectis ex centro tracta nil valet. 27

13. Potentia obliqua ad directam eandem proportionem habet, quam distantiae directionum reciproce. 28

14. Potentiae obliquae eandem proportionem habent, quam distantiae reciproce. 29

15. Idem in alio casu. 30

16. Idem in alio casu. 31

### C A P. VII.

Tendines colligari debuerant propè capita ossium. 32

17. Articulus, vt Prop. 12. pag. 33

18. Potentia musculi ad resistantiam, eandem proportionem habet, quam vectis ad radium tuberculi. 34

19. Circumductio articuli,

quando circulum complet. 35

20. Tendo alligari debet propè centrum articuli. pag. 37

### C A P. VIII.

Prima Indago virtutis motiuae musculorum; cubitum flectentium. 40

21. Potentia cuiuslibet musculi maior esse debet resistantia. 41

22. Vis bicipitis; & brachiei vigecupla est ponderis appensi, & maior libr. 560. 43

23. Erecto humero ad cubitum horizonti parallelo idipsum inquirere. 44

24. Vis bicipitis lib. 300. brachiei lib. 260. 46

25. In alia positura erecta, idem reperire. 47

26. In positura prona idem reperire. 48

### C A P. IX.

Prima indago motiua musculorum tibiae flectentium. pag. 50

27. Vis quatuor musculorum tibiae flectentium ter decies ponderis appensi, & maior

- maior lib. 949. 52
28. Femore, & dorso perpendiculari ad tibiam horizonti parallelam, inquirere, cur minus pondus suspenditur. 53
29. At dorso prono parallelo tibiam maius. 54
- C A P. X.
- De duplo incremento potentiae eorundem musculorum. 56
30. Funis tracti potentia est aequalis potentiae duorum ponderum trahentium, quibus illa aequilibratur. 57
- Schol. Idem in virga dura. pag. 58
31. Funis clauo affixi potentia dupla est ponderis appensi. 58
32. Idem in virga rigida. 59
33. Idem aliter demonstrare. 60
34. At velocitas ponderis dupla est, eiusque funis contrahitur. 62
- Schol. cuiuslibet machinae habentis terminum firmum semper vis dupla est resistentiae. 63
35. Secunda indago potentiae

bicipitis maior lib. 600, & brachiei maior libr. 520. 64

36. Secunda indago virium quatuor musculorum tibiam flectentium maior lib. 1898. 65

C A P. XI.

Vires musculorum tibiam extendentium inquiruntur. 66

37. Vis funis arcum colligantis, ad duas potentias constringentes eandem proportionem habet, quam duplum distantiae directionis potentiarum a centro ad duas distantias directionum funium. 67.
38. Et si arcus affixus sit, vis funis ad potentiam illam eandem proportionem habet, quam duplum illius distantiae ad quadrantem duarum distantiarum funium. 69
39. Idem quaeritur existente arcu ponderoso. 71
40. Indago potentiae musculorum tibiam extendentium, quae sexcupla est ponderis prementis, &

aqua-



- æqualis lib. 2280. 72  
 41. Indago potentia<sup>æ</sup> musculorum sol<sup>e</sup>i, quæ tripla est ponderis hominis, & maior vi ponderis lib. 1140. 73

### C A P. XII.

De maiori incremento potentia<sup>æ</sup>, quæ requiritur ad idem pondus sustinendum. 76

42. Vectis discissus, & in directum articulatus, tractus à duabus potentijs ad easdem partes non permanebit directus. 76

43. Ipsidem positis duas potentias applicare, ut regulam directam constituent, & cum pondere æquilibrentur. 78

Corol. Momentum potentiarum duplum est momenti ponderis suspensi. 79

44. In eodem vecte articulat<sup>o</sup> in directum retento; omnes potentia<sup>æ</sup> ad pondus toties sumptum, quot sunt regulæ, vnâ cum duobus ponderibus primæ regulæ semel, secundæ bis, tertiæ ter &c.

eandem proportionem habent, quam longitudines omnes regulæ primæ semel, secundæ bis, tertiæ ter &c. ad duas distantias directionum omnium funiū à fulcimentis oportet autem, ut termini consequentes proportionales sint. 79

45. Extenso brachio supino horizontaliter proximè, omnes potentia<sup>æ</sup> musculorum brachium flectentiū maiores 209. sunt ponderis in extremis digitis suspensi. 82

46. In arcu trilineo alternè flexo, potentia<sup>æ</sup> reciprocè proportionales sunt lineis extremis arcus. 86

47. In arcu multilineo alternè inflexo à funibus: potentia<sup>æ</sup> arcum impellentes erunt inter se reciprocè, ut distantia<sup>æ</sup> directionum earum à centris. 87

48. Ipsidem positis momenta virium funium æqualia sunt duplo momentorum tot potentiarū impellentium, quot sunt funes. 89

49. Iisdem positis, data vna potentia arcum impellentem; & distantiae directionum potentiae, & omnium funium à centris, reperire vires omnium funium. 91

50. Si arcus alternè bis plicatus impellat ad vnicam potentiam, & vnus funis alternis virgis alligetur. Dico, quòd momēta duorum funium æqualia erūt duplo momenti potentiae impellentis radios anguli bis colligati cum quadruplo momenti potentie impellentis radios anguli semel ligati. 92

51. Et si pluries plicatus, similiter alligetur; momenta omnium funium erunt æqualia momento duplo potentiae impellentis angulum bis ligatum, quadruplo momenti potentie impellentis angulum sequentem, & sexcuplo momenti potentiae impellentis angulum subsequenter &c. 94

52. Iisdem positis, data singulari potentia impellen-

te, & datis distantijs directionum potentiae, distantiae omnium directionum funium à centris. Reperire vires omnium funium. 95

53. Si baiulus pondere humeris imposito onustus, flexis clune, & genu, pede vnico solo innitatur. Potentia, quam natura exercet in musculis extensoribus trium musculorum, maior quinquagecupla est ponderis sustentati. pag. 97

54. Iisdem positis vires musculorum recti, & Gastrocnemii reperire, quæ prioribus additæ quinquagesies maiorem summam efficiunt pondere suspensio. 100

55. In arcu multilineo ad easdem partes cauo. Potentia cuiuslibet funis ad pondus incumbens cum pondere portionis arcus incumbens eandem proportionem habet, quam distantia directionis ponderis ad semidistantiam direction-

- directionis eiusdem funis  
à centro. 102
56. Idem arcus sit spina dor-  
si: momenta omnium mu-  
sculorum, dorsum dirigen-  
tiū, æqualia sunt momen-  
to ponderis incumbentis,  
toties sumpto, quot sunt  
vertebræ, vnà cum por-  
tionibus humani corporis  
correspondentibus bis in-  
fimæ, quater sequenti,  
sexies tertiæ &c. 104
57. Pondera cylindricarum  
portionum, vertebris hu-  
mani corporis adhæren-  
tium, proximè coniungere.  
pag. 106
58. Artificium structuræ spinę  
dorsi inquirere. 108
- Schol. Cartilagines verte-  
bras connectentes vim  
machinæ exercent. 110
59. In libra innixa tribus ar-  
cubus, pondera sunt in  
proportionem reciproca di-  
stantiarum ab intermedio  
fulcimento. 112
60. Vis cartilaginum verte-  
brarum inclinatarum, si  
ponatur maior vi motiua  
musculi eiusdem verte-
- bræ, earum momenta  
æqualia esse possunt. 113
61. In baiulo compresso ab  
onere libr. 120. potentia  
musculorum, & cartila-  
ginum æqualis est vi lib.  
25585. & musculorum  
tantum erit lib. 6404.  
pag. 114
62. Baiuli onusti pondere lib.  
120. vires omnium mu-  
sculorum extendentium,  
dorsum, fæmur, tibiam,  
& pedem non est minor  
lib. 13766. 116
- Schol. Etiam alij muscoli  
concurrunt ad eandem  
suspensionem. 118
- C A P. XIII.
- Lemmata pro musculis, quo-  
rum fibræ non sunt paral-  
lelæ, & obliquè trahunt.  
pag. 118
63. Potentiæ æquilibratę, tra-  
hentes funem circa pun-  
ctum fixum, æquales sunt.  
pag. 118
- Schol. Ostenditur disparitas  
inter hanc operationem,  
& illam, in qua supponi-  
tur innixio super planum  
inclinatum, cuius de-



monstratio affertur . 119

64. Si momenta potentiarum filum trahentium, non inclinatis directionibus, fuerint æqualia, & punctum concursus filorum mobile fuerit perpendiculariter ad horizontem, potentia obliquè trahens ad resistantiam erit, vt longitudo directionis obliquæ ad eius sublimitatem. pag. 122

65. Iisdem positis. Nulla potentia finita subleuabit quamlibet exiguam resistantiam vsque ad situm horizontalem. 124

66. Duæ potentia in libra quieuerint, momentum vnus earum exercetur contra portionem fulcimenti, & contra oppositam resistantiam. 125

67. Si terminis cõtiguis duarum librarum, idem pondus appendatur, æquibreturque cum duobus ponderibus contraposis; Quodlibet horum æquibratur cum momento portionis illius. 126

Schol. Valet, quomodocumque libræ diuidantur, & in qualibet proportione ponderum. 127

68. Si duæ potentia obliquis filis traxerint, idem pondus æquilibratum, ita vt concursus filorum mobile sit per eandem directionem ponderis; momentum vnus potentia, obliquè trahentis, æquale est momento portionis ponderis appensi. 129

Schol. Similiter variatis inclinationibus, & proportionibus potentiarum, & ponderis, propositio verificatur. 130

69. Iisdem positis, duæ potentia obliquè sustinentes, ad resistantiam appensam erunt, vt longitudines funium obliquæ, quæ proportionales sint conterminalibus potentijs ad earum sublimitates. 131

Digressio contra Herrigoniũ, & alios. 133

70. Idem ostenditur, existentibus pluribus, quàm duabus filis. 143

Coroll.

**Coroll.** Si omnes potentiae sint æquales, & inclinationes æquales, omnes potentiae simul ad resistantiam erunt, ut unus fili longitudo ad eiusdem sublimitatem. 144

71. Et plura fila fuerint ad instar pene & ut duo fila æqualia utrimque sumpta ad duas sublimitates eorundem, ita erunt omnes potentiae ad resistantiam. pag. 144

72. Si virga grauis trahatur obliquis filis parallelis, & decussatis, & qui paralleli sunt, trahantur à potentijs æqualibus; Omnes potentiae ad resistantiam erunt, ut filorum inclinationes proportionales potentijs ad earundem sublimitates. 147

73. Si idem pondus æqualibus momentis trahatur à potentijs æqualibus, trahentibus fila ad quadrantis circuli peripheriam extensa; Omnes potentiae ad resistantiam erunt, ut omnes filorum longi-

tudines æquales ad eorum sublimitates. 149

74. Idem ostendetur, si fila extensa sint ad superficiem sectoris sphaerae minoris. pag. 150

#### C A P. XIV.

De musculis oblique trahentibus varia structura, & actione. 150

75. Si radiosi musculi tendo non retineatur in eodem situ; Fibrae partiales se contrahendo non per eandem directionem resistantiam mouebunt. 151

76. Si verò vagina in eodem situ tendo retineatur. Resistentia semper per eandem directionem mouebitur, siue aliquæ, siue omnes fibrae agant. 152

77. Structuram musculorum penniformium, actionem, & vires eorum indagare. pag. 154

78. Si idem pondus duobus filis trahatur, & horum singuli ramificati à binis potentijs, obliquis tractionibus, & æqualibus momentis sustineatur; Omnes

- nes potentiae ad pondus compositam proportionē habebunt ex ratione quatuor filorum ramificationum proportionalium potentij ad eorum sublimitates, & ex ratione filorum immediatè trahentium, & proportionalium momentis, quibus trahuntur ad eorum sublimitates. 157
79. Musculi radiofi componi non possunt ex fibris ab extremo tendinis termino, tanquam à centro discedentibus. 159
80. Musculi radiofi necessario componi debent ex pluribus penniformibus se tangentibus, siuè in planis, siuè in solidis. pag. 160
81. Data resistentia, & inclinationibus tendinum, & fibrarum musculorum radioforum; Vires eorundem reperire. 161
- C A P. XV.
- Musculorum radioforum, vires, verò proximiores indagare. 163
82. Vires musculorum tertium, secundum, & primum articulum digitorum, & carpū flectentium, & Deltoidis prop. 45. considerata limitare. 163
83. Gluteorum vires limitare. 166
84. Vires totales Deltoidis ferè duplo maiores sunt, quàm prop. 82. determinauimus, quæ æquales sunt lib. 1650. 166
85. Vires totales Gluteorum plusquàm duplæ sunt illis, quæ prop. 83. determinauimus, quæ æquales sunt lib. 6000. 167
86. Vires penniformis tertij articuli flexoris pollicis reperire, quæ æquales sunt lib. 124. ferè. 168
87. Musculorum, mandibulæ flectentium, structura, machina, & inquisitio potentiae motiuae eorum. 169
88. Vis motiua musculorum temporalium, & maneriorum ferè æqualis libr. 534. 172
- Schol. Coniectura in Canibus, Vris &c. 173

Muscu-



89. Musculorum intercostalium operatio, structura mechanica, & inquisitio potentiae motuæ eorum. pag. 175

90. Vis motiua musculorum intercostaliū superat pondus lib. 1068. 176

### C A P. XVI.

Lemmata mechanica pro exactiori inquisitione potentiae motuæ musculorum. pag. 178

91. Potentiae obliquè trahentes terminos virgæ per directiones ad inuicem perpendiculares æquilibratae sunt inter se, vt latera conterminalia directionum à virga intercepta. 178

92. Potentiae obliquè trahentes terminos funis per directionem eiusdem regulæ ad pondus funem prementem à puncto eius intermedio erunt, vt semidistantia terminorum funis ad eius depressionem. pag. 179

Corol. Ergo quælibet potentiae finitæ non poterunt

prorsus in directum funem extendere. 179

93. Iisdem positis, & datis potentijs, & pondere suspensio, reperire maximam funis inflexionem, quam efficere possunt. 180

94. Si funis circularis trahatur à quatuor potentijs per diametros ad inuicem perpendiculares, quousque in aliqua rhomboidali positura æquibrentur, potentiae oppositæ vnus diametri, ad potentias alterius erunt, vt diametri ipsæ. 180

95. Iisdem positis, sit quarta potentia clauis resistentia, erunt potentiae transuersales ad resistentiam clauo oppositam, vt diameter rhombi transuersa ad semissem diametri directæ. 181

96. Si catenæ non graues ex pluribus circularibus funibus æqualibus compositæ extremi termini distrahantur à clauo, & à pondere infimo, & potentiae transuersales efficiant rhom-

- rhombos æquales, erunt potentia omnes ad pondus, vt omnes diametri dilatationum ad semissem altitudinis vnus rhombi. pag. 182
97. Idem aliter demonstrare. pag. 183
98. Ipsdem positis, multæ potentia dilatantes plures rhombos, subleuant resistantiam directè prementem per spatium multiplex eius, quod subleuatur in vnico rhombo à binis potentijs pro multitudine rhomborum. 184
99. Ipsdem positis dilatationes funiculorum eorumque decurtationes in numeris exhibere. 185
100. Si duæ catenæ inæquales compositæ ex filis æquè robustis, & similiter colligatis dilatentur à potentijs æquè validis specie, scilicet, vt omnes rhombi similes, & æquales fiant. Duo pondera, quibus æquilibrantur, æqualia erunt inter se. 188
101. Ipsdem positis, potentia catenas cōtrahentes, sunt inter se, vt illarum longitudines. 189
102. Et si potentia fuerint inæqualiter validæ, & catenæ æquales, & æquè contractæ; Erunt potentia, vt pondera eleuata. pag. 190
103. Et in fasciculo ex pluribus catenis æqualibus similibus, & tractis à potentijs, & ponderibus æqualibus, erunt omnes catenæ ad vnam, vt omnes potentia ad vnā, & omnia pondera ad vnum. 191
104. Potentia totius fasciculi ad pondus, ab eo suspensum æquali momento, est, vt dilatationes omnium rhomborum vnus catenæ ad semissem altitudinis vnus rhombi. 192
105. In duobus fasciculis æquè crassis, & inæqualiter altis si duæ potentia fuerint homogeneæ, pondera eis æquilibrata, erunt,

- erunt, æqualia, & potentia, & subleuationes ponderum erunt, vt longitudines fasciculorum. pag. 192
106. Postea crassities sint inæquales, & altitudines æquales. Dico, pondera æquè subleuari, & esse inter se, vt potentia fasciculorum. 193
107. Iisdem positis sint crassities, & altitudines inæquales. Pondera erunt inter se, vt crassities, & eleuationes ponderum, atque potentia erunt inter se, vt altitudines fasciculorum. 195
108. Si catenæ obliquæ clauo alligatæ, terminus oppositus trahatur perpendiculariter ad horizontem à pondere, & momenta potentia catenæ, & ponderis sint æqualia. Absoluta potentia catenæ ad pondus est, vt omnes dilatationes rhomborum ad sublimitatem semissis altitudinis vnus rhombi. 196
109. Si ab angulo acuto rectanguli trianguli recta ducatur, secans cathetum intra triangulum. catheti segmentum ad ductam hypothenusam minorem proportionem habet, quàm differentia hypothenusarum ad reliquum catheti segmentum. 197
110. Catena (Tab. 10. Fig. 4.) directe tracta à potentia XZ suspendat pondus S, & oblique suspendat pondus R; pondus S maius erit, quàm R; & S eleuatur minùs, quàm R; ita vt S ad R minorem proportionem habeat, quàm eleuatio R ad ascensum ipsius S. 197
111. Iisdem positis, & dato angulo inclinationis catenæ, eiusque contractione, exhibere in numeris ponderum inæqualium, eorumque eleuationum proportionem. pag. 198
112. Quare musculis penniformibus Natura vtatur B b b in



in animalibus, rationem  
reddere . 199

### C A P. XVII.

De Exactiori inquisitione  
virtutis motiue muscu-  
lorum superius exposi-  
torum . 201

113. Fila tendinosa, quæ post  
distractionem contrahun-  
tur, necessariò componi  
debent ex pluribus ma-  
chinulis, longo ordine  
inter se connexis, ad in-  
star catenæ, ex arcubus  
contrahibilibus compo-  
sitæ . 202

114. Quælibet fibra muscu-  
losa similis est catenæ ex  
pluribus rhombis com-  
positæ, qui contrahi pos-  
sunt ad instar arcus . 203

115. Machinulæ, seu pori  
rhomboidales fibrarum  
carnosarum tam exigui  
esse debent, ut eorum  
longitudo non sit maior  
vigesima parte vnus di-  
giti . 204

116. Musculi textura similis  
est fasciculo reticulari  
ex catenis contiguis cõ-  
posito . 205

117. Vis motiua contrahens  
vnicam machinulam fi-  
bræ musculosæ ad resi-  
stentiam ponderis ap-  
pensi eandem proportio-  
nem habet, quam di-  
latatio eiusdem rhom-  
boidalis machinulæ ad  
semialtitudinem eius .  
pag. 205

Coroll. Ergo quælibet mini-  
ma vis motiua potest su-  
spendere quamlibet im-  
mensam resistantiam .  
pag. 206

118. Motus potentie vnicam  
machinulam fibrosam  
contrahentis ad motum  
elevationis resistantie,  
erit, ut sinus semian-  
guli dilatationis fibra-  
rum rhombi ad duplum  
sinus versi eiusdem an-  
guli . 207

119. Vis motiua contrahens  
seriem machinularum  
vnus fili carnosæ ad resi-  
stentiam ponderis ap-  
pensi, se habet, ut dila-  
tationes omnium machi-  
nularum simul sump-  
tæ ad semialtitudinem  
vnus

vnius rhombi. 207

Corol. Patet, quòd idem pondus sustinetur ab vna machinula catenæ, & ab innumeris. 208

120. Vis motiua contrahens omnes machinulas fasciculi carnosì, eleuat idem pondus ad altitudinem tam multiplicem altitudinis ad eleuationem vnicum stratum machinularum, quàm multiplex est illa potentia huius potentia, seu, quam multitudo stratorum vnius strati machinularum. 209

121. Si duo musculi sint æquè crassi, sed non æquè alti, suspendent equalia pondera; & potentia motiua, & altitudines eleuationum erunt, vt longitudo musculorum. pag. 209

122. Si verò altitudines fuerint, & æquales, & crassities inæquales: potentia motiua, & pondera suspensa proportionalia erunt crassitiebus mu-

sculorum, & pondera ad æquales altitudines ascendent. 210

123. At si tam altitudines, quàm crassities musculorum inæquales fuerint, altitudines eleuationum ponderum erunt, vt longitudines musculorum, at potentia compositam proportionem habebunt ex rationibus crassitierum, & longitudinum. 210

Coroll. Hinc percipitur necessitas, quare natura adhibet excedentem vim in musculis longioribus. pag. 211

124. Musculorum tertium articulos digitorum manus flectentium maior lib. 7040, & secundi maior lib. 6280, & Deltoïdis exactiores maior lib. 61600. 211

125. Musculorum Gluteorum vires exactiores limitare, quæ superant libr. 375420. 213

126. Musculi flexoris tertij articuli pollicis exactio.

res, sunt proximè libr.  
3720. 213

127. Temporalium, & man-  
foriorum vires exactio-  
res non sunt minores  
lib.16020. 214

128. Intercostaliū vires exa-  
ctiores, non sunt mino-  
res lib.32040. 214

### C A P. XVIII.

De statione Animalium. 215

129. Naturalis situatio arti-  
culorum non est directa,  
sed parum inflexa. 215

130. Musculi flexores eius-  
dem articuli breviores  
sunt extensoribus; &  
utrique æquè contra-  
huntur. 216

131. Retentio articuli in di-  
rectum non fit à tonica  
actione musculorum an-  
tagonistarum. 218

132. Corpus graue, & durum  
solo innixum quiescit, si  
linea innixionis, scili-  
cet, recta linea à centro  
grauitatis eius ad con-  
tactum pavimenti exten-  
sa perpendicularis fue-  
rit ad horizontem; sin-  
minus, ruet ad partes,

vbi talis recta linea pen-  
det. 219

133. Quot modis impediri  
possit ruina corporis gra-  
uis solo innixi, cuius li-  
nea Innixionis inclinata  
sit ad horizontale pla-  
num. 220

134. Corporis humani in di-  
rectum extensi centrum  
grauitatis inter nates, &  
pubim existit. 221

135. Exponitur, quibus posi-  
turis, & actionibus ho-  
mines stare in situ ere-  
cto possunt. 222

136. Non conseruantur ho-  
mines in situ erecto  
actione tonica à muscu-  
lis antagonistis omnium  
articulorum. 223

137. Homines singulari cal-  
canco, aut apice pedis  
innixi stare non pos-  
sunt; difficile super vni-  
ca planta pedis; & facil-  
limè super duobus pedi-  
bus innixi stant. 224

138. Gradus virium, quos  
singuli pedes hominum  
exercent stando inqui-  
rere. 126

139. Va-



139. Vacillatio hominis stantis super plantis pedum innixi, exiguo labore corrigitur. 227
140. Quotiescumque linea propensionis corporis humani cadit extra unius pedis innixi planctam, aut extra quadrilaterum comprehensum à duabus plantis pedum; impediri ruina à quocunque musculorum conatu non potest. 228
141. Iisdem positis exponuntur modi, quibus initium ruinæ impediri potest. 229
142. Quomodo homines flexo corpore persistere, erigi, & magis incurvari possunt uno, vel duobus pedibus innixi absque ruina. 231
143. Quare stando alternis pedibus perpendiculariter innixis minùs fatigamur, quàm quando fulcimur à duobus pedibus simul operantibus, ratio indicatur. 233
144. Annum binos pedes aliquo pacto differre à pedibus hominum. 235
145. In aubus musculi extensores pedum longiores sunt suis flexoribus correspondentibus, quàm in hominibus. 237
146. Inquiritur modus, quo Aves stant. 238
147. Quæritur, quare Aves uno pede innixæ faciliùs stant, quàm homines. pag. 239
148. Quomodo funis à regula inflexione trahi possit. 240
149. Necessitate mechanica digiti pedum strictè complicari debent ab inflexione articulorum pedis. 241
150. Quæritur, quare Aves stando ramis Arborum comprehensis quiescunt, & dormiunt absque ruina. Tab. 11. Fig. 7. 243
151. Quadrupedia animalia stare non possunt innixa uno, vel binis pedibus. pag. 245
152. Quadrupedia corpore prono stare non possunt, nisi

nisi quatuor , aut tribus  
pedibus innitantur. 246

153. Quæruntur vires , quas  
exercent finguli pedes  
quadrupedum in ipso  
standi actu. 247

154. Sexipedes , & multipe-  
des maiori labore , quàm  
quadrupedes stant. 248

#### C A P. XIX.

De Gressu Bipedum. 249

155. Dum homo incidit , non  
suspenditur à vi muscu-  
lorum tota eius moles  
à terra , sed solummodo  
pars eius minor qua-  
drante. 249

156. Indicatur quomodo in-  
gressu moles humani  
corporis antèriùs pro-  
moueat. 252

157. Homines incidere non  
possunt , præcisè per re-  
ctam lineam. 254

158. Enarrantur omnes mo-  
tus , qui in humano in-  
cessu fiunt. 255

159. Incessus in superficie  
horizontali explanata  
facilis , & minimum mo-  
lesta , & aliquando iu-  
cunda esse solet. 256

160. Ostenditur , quare inces-  
sus in loco accliuo mo-  
lestus est. 256

161. Descensus per decliuia  
parum laboriosior est ,  
quàm incessus in plano  
horizontali. 158

162. Quare in tenebris , aut  
negligenter scalas ascen-  
dendo , vel descenden-

do , quando adhuc gra-  
dus superesse putamus ,  
grandi concussu pes so-  
lo illiditur. 260

163. Incessus Animum aliquo  
pacto differre ab incessu  
hominum. 261

164. Exponitur modus quo-  
modo fiat incessus homi-  
num super glaciem .  
pag. 261

#### C A P. XX.

De Incessu Quadrupedum.  
pag. 263

165. Gressus quadrupedum  
non fieri motis alterna-  
tim duobus pedibus dia-  
gonaliter oppositis reli-  
quis duobus quiescenti-  
bus . Tab. 11. Fig. 8.  
pag. 263

166. Exponitur modus , quo  
gressus

gressus quadrupedum  
efficitur . 265

167. Quomodo quadrupedia  
duos anteriores pedes, vt  
manus vsurpare queant  
obiecta contréctando .  
pag. 268

168. Animalia sexipedia, quo-  
modo incedant, inquire-  
re. 269

169. Quomodo muscæ, & cu-  
lices pronis superficie-  
bus vitreis lænigatis  
pendentes adhæreant, &  
per eas incedant absque  
ruina. 270

### C A P. XXI.

De saltu . 272

170. Saltus non fit, nisi priùs  
articuli pedum inflectan-  
tur. 272

171. Quare virga, aut arcus  
erectus, & innixus pla-  
no firmo si comprimatur,  
inflectaturque resili-  
lit, & saltat. 272

172. Arcus ex duabus regu-  
lis compositus terræ in-  
nixus, & à funis contra-  
ctione velociter distra-  
ctus saltum efficiet. 274

173. Organa, & mechanicas

operationes, quæ in sal-  
tu fiunt, expromere. 274

174. Si idem corpus perpen-  
diculariter ad horizon-  
tem sursum proiectum  
spatia inæqualia percur-  
rat; Vires motiue ad im-  
pellentes subduplicatam  
proportionem, quam  
spatia habebunt. 277

175. Vis motiua saltum ho-  
minis efficiens ad pon-  
dus corporis eius suble-  
uati est, vt 2900. ad 1.  
pag. 277

176. Quò longiores sunt ve-  
ctes extremi crurum sal-  
tus maiores fiunt. 280

177. Animalia minora, & mi-  
nus ponderosa maiores  
saltus efficiunt respectu  
sui corporis, si cætera  
paria fuerint. 281

178. In saltu ad horizontem  
obliquo motus fit per li-  
neam parabolicam pro-  
ximè. 282

179. Quare cursus saltum  
longiorem, & altiorem  
producit, declarare. 283

180. In saltu inflexo capitis,  
& pectoris flexio com-

mutat



murat directionem motus centri grauitatis. 284  
181. Quo artificio euitetur læsio pedum in lapsu post saltum, indicatur. pag. 284

C A P. XXII.

De Volatu. 285

182. Structuræ alarum, earumque partium expositio. 285

183. Quo ordine, & modo Aues, earumque alæ moueantur in volatu. pag. 288

184. Musculorum alas mouentium magnitudo, dispositio, & modus operandi consideratur. 290

185. Centrum grauitatis Auiū depressum esse debuit. pag. 293

186. Si arcus compositus ex tribus regulis æquè inclinatis, & solo innixis à pondere incumbente comprimatur, & anguli æquales à funibus constringantur: Potentia funes cōtrahens ad pondus incumbens, se habet, vt duplum distantie di-

rectionum extremorum radiorum ad distantiam directionis funiū à centrīs. 297

187. Iisdem positis, si funes constringantur tanta vehementia, vt arcus à terra resiliendo saltum euidentem efficiat, scilicet multò maiorem, quàm indebili constrictione: Potentia funes contrahens ad pondus incumbens compositam proportionem habet ex ratione dupli (Tab. 12. Fig. 10.) AK ad AO, & ex ratione subduplicata saltuum minimi, & euidentis. 298

188. Aeris portio ab ala in volatu percussa comprehenditur à sectore solidò à radio longitudinis alæ in eius conuersione designato. 299

189. Sector Aeris ab ala in volatu percussus suam resistentiam exercet in centro grauitatis eiusdem sectoris solidi. 300

190. Quomodo aer resistit impul-

impulsui alarum indica-  
tur. 301

191. Si in aëre volante veloci-  
tas flexionis alarum  
æqualis fuerit veloci-  
tati, qua aer subiectus per-  
cussus resistendo retro-  
cedit, Avis consistet in  
eodem situ. 302

192. Iisdem positis, si veloci-  
tas alarum maior fuerit  
velocitate, qua aer per-  
cussus resistendo retro-  
cedit, Avis sursum ele-  
uabitur, & ascensus  
æqualis erit differentiæ  
illarum velocitatum.  
pag. 303

193. Potentia musculorum  
alas flectentium, plus-  
quam decies milliès su-  
perat pōndus avis vo-  
lantis. 303

194. Causæ ingentis potentiæ  
motivæ alarum inqui-  
runtur. 306

195. Quomodo impulsus ob-  
liqui transversales dire-  
ctè impellere possunt  
corpora ad motum in-  
differentia. 308

196. Si Avis in Aëre suspen-

sæ alæ expansæ aerem  
subiectum quiescentem  
perculserint motu per-  
pendiculari ad horizon-  
tem excurrat avis trans-  
versali motu parallelo  
plano horizontis. 308

197. Exponitur modus, quo  
avium volatus horizon-  
talis efficitur. 310

198. Vfus caudæ Avium est  
flectere cursus volantiū  
sursum, & deorsum, non  
verò ad dexterum, vel  
sinistrum latus. 311

199. Ostendere, quibus or-  
ganis, & operationibus  
aves per aerem volando  
cursum flectant ad dex-  
trum, & sinistrum latus.  
pag. 314

200. Si corpus avis ab impe-  
tu præconcepto per æ-  
rem moveatur secundū  
directionem longitudi-  
nis eius, & in actu cur-  
sus collum prolixum  
cum capite flectat ver-  
sus latus sinistrum iter  
totius avis inclinatio-  
nem acquireret versus si-  
nistram. 316

201. Non videtur credibile,  
declinationem velocissi-  
mam volatus horizonta-  
lis fieri à capitis, & col-  
li auium flexione trans-  
uersali. 316

202. Quare aues aliquando  
absque alarum vibratio-  
ne per breue tempus,  
nedum horizontaliter,  
sed etiam sursum obli-  
què per aerem ascende-  
re possunt. 318

203. Quomodo in fine vola-  
tus impetus ab aue ac-  
quisitus extinguatur.  
pag. 321

204. Est impossibile, vt ho-  
mines proprijs viribus  
volare possint artificio-  
sè. 322

### C A P. XXIII.

De Natatu. 326

205. Differentia inter vola-  
tum, & natatum expo-  
nitur. 326

206. Differentiæ natatus ex-  
ponuntur. 327

207. Quodlibet corpus æthe-  
rogeum quiescens, aut  
latum in fluido accom-  
modabitur, vt centrum

grauitatis eius in situ in-  
fimo reducatur. 328

208. Situatio centri grauita-  
tis in animalibus super  
aquam innatantibus in-  
quiritur. 330

209. Quomodo Pisces in me-  
dio profunditatis aquæ  
æquilibrati quiescere  
possint. 332

210. Quomodo pisces gra-  
uitatem specificam im-  
mutant, quando necessi-  
tas vrget. 333

211. Quibus organis, & ope-  
rationibus alterato æqui-  
librio Piscium in aqua  
denuò ad eandem men-  
suram æquilibrii reduci  
possint. 337

212. Pisces non à pinnis ala-  
rum per aquam ince-  
dunt. 339

213. Pinne duplicatæ, quæ  
in duobus locis infimi  
ventris pisciû existunt,  
non inferiunt ad mo-  
tum, sed ad stationem  
eorum. 340

214. Instrumentum, quo Pi-  
sces natant, est cauda eo-  
rum. 341

215. Ad



215. Ad natatum Piscium  
requiritur maior vis mo-  
tiua musculorum, quàm  
ad Auium volatum effi-  
ciendum. 344

216. Quæritur, qua necessi-  
tate natura cogatur, tam  
grandi vi motiua effice-  
re piscium natatum. 345

217. Quare Aues, & anima-  
lia quadrupedia naturæ  
instinctu natant, ratio-  
nem reddere. 347

218. Quare Homines natura-  
li instinctu natare non  
possunt, & in quo peri-  
tia natandi consistat.  
pag. 348

219. Homines diu demersi, vt  
Ranæ, & Pisces catacei  
absque respiratione vi-  
uere non possunt. 353

220. Machina aliqua artifi-  
ciosa diu in aqua de-

mersos respirare posse.  
pag. 354

221. Homines incluso capite  
intra vas vndique clau-  
sum possunt per plures  
horas respirare, & vi-  
uere, si sæpè os vasis  
aperiatur, vt nouum  
aerem excipiat. 356

222. Machinæ constructio,  
qua homines demersi in-  
tra aquam possent per  
plures horas respirare,  
& viuere. 359

223. Homines demersi in  
aquæ profunditate pos-  
sent supradicto artificio  
ad sui libitum moueri,  
& quiescere ad instar  
piscium. 361

224. Nauis vrinatoriæ fabri-  
ca, & vsus exponitur.  
pag. 363

F I N I S.



D E  
MOTV ANIMALIVM  
IO. ALPHONSI BORELLI

NEAPOLITANI

MATHESEOS PROFESSORIS

*Opus Posthumum.*

P A R S A L T E R A.

SVB IISDEM FAVSTISSIMIS REGINAE CHRISTINAE  
AVSPICIIS.



R O M Æ,  
Ex Typographia Angeli Bernabò. MDC. LXXXI.

---


SVPERIORVM PERMISSV.



*Imprimatur.*

Si videbitur Reuerendissimo Patri Magistro Sac. Palatij  
Apostolici.

*I. de Ang. Archiep. Vrbis. Vicesg.*



*Imprimatur.*

Fr. Raymundus Capisuccus Sac. Palatij Apost. Mag.  
Ord. Prædicatōrum.

# CAROLVS IO: A IESV CLERICORVM REGVLARIVM

Pauperum Matris Dei Scholarum Piarum  
Præpositus Generalis

*Beneuolo Lectori Salutem.*



Anniuersarium pane diem, quo clarissimū Virum Io. Alphonsum Borellum, è nostris oculis biennid ante ereptum, defleuimus, consolatur Altera Pars eius Operis de Motu Animalium, quod & nostræ, & eruditorum hominum memoriæ rediuium illum exhibet, & præsentem; *Quæ enim vegetior, & perennior vita, quàm quæ doctis folijs mādāta, volitat iugiter per erudita ora, & manus hominum? citra formidinem. Quod turbata volent, rapidis ludibria ventis. Iam in prioris Partis proæmio, quæ in altera hac expromuntur, ipse Auctor insinuauit. Internas nempe motiones examinat, musculorum compositionem, cordis pulsationem; quomodo sanguinis fons per venarum riuulos excurrat, vniuersique corporis campum perpetuo motu circumeat; respirationis originem, organa, & vsum indagat; spiritus, & nerueos succos, quibus præcipuas tribuit Animalis motiones, exoluit; Digestionem, & cibum describit, quomodo, varijs excrementis per plures sanales reiectis, efficiatur nutritio: Somnum, vigiliam, febrium causas, & periodos, ceterasque vitæ, & valetudinis, vel aduersæ, vel prosperæ affectiones solertissimè discutit; & Theoria tam facili, immo & Mechanica tam verisimili, & euidenti, ut obstruos Natura calles, mirandamque Sensitiuorum, & Vegetantium compactionem ab ipsa Natura sub quadam specu, velut ab Aegeria.*

Nu.

Numam, edidicisse, fabularentur Gentiles. Ad id enim totus est, ut Matrem ipsam Naturam non otiosam, non superfluo circuitu anxiam, non cecam, sed providam, compendariam, procliuque opificio omnia disponentem, & regentem ostendat. Neque verò, quia mathematico incedit radio, perhorrescas difficultatem, & Delio verearis natatore opus esse, ne quis in profundo pelago suffocetur, ut de Heracliti libro differente de natura iudicium Socrates tulit, præclara enim aequè, ac clara sunt omnia, ita ut nihil mathematici, nisi euentiam tantum, & demonstrationem agnoscas, cetera physico, & perspicuo Anatome enucleata. Hanc Mathematica partem non solum ad splendorem vitæ, sed ad medicinæ usum perdiscendam proponebat Thessalo filio Hyppocrates, Arithmeticam quippe ad morborum periodos, Geometriam verò ad membrorum situm, luxationemque cognoscendam conferre testatus; nec ad ea solum Clar. Borellus restrinxit; sed ad cetera vitæ, & valetudinis commoda ipsam extendere conatus est, fortasse hac methodo primus. Quare huius operis lectione, duplici consules vitæ, & Intellectuali, quæ recentium plerumque Institutionum pascitur nouitate, & Naturali, ad quam conseruandam, & quæ cauere debes, & quæ comparare poteris, non minus sanus, vel ager, quàm Medicus percipies.

Debes, & hanc Partem, optimè Lector, Heroica CHRISTINAE Reginae beneficentia, quæ sicuti. . . . . quod Reges habent

Magnificum, & ingens, nulla quod rapiat dies,

Prodesse miseris, supplices fido lare

Protegere. . . . .

Augustissime in viuentes, exercet; ita extinctos eruditorum cineres inexhausta munificentia nouit excitare, & à lethæa caligine vindicare.

Supersunt quædam alia eiusdem Auctoris fragmenta, quæ vel in Suprema eiusdem REGINAE Academia disputant, vel alijs temporibus elucubrauit, & hæc, ne tanti Viri reliquie perdantur, in fascem ruditer alligata, publicæ utilitati exponere meditamur. Interim his bene utere, & Vale. Romæ à Scholis Pijis apud S. Pantaleonem 22. Decembris 1681.

PARS



# PARS SECVNDA.

## D E

### INTERNIS ANIMALIVM M O T I O N I B V S,

Earumque immediatis causis :

*De Modis , & Operationibus Mechanicis , quibus  
musculorum contractio fieri potest .*

#### C A P V T . I.



OSTQVAM egimus de robore virtutis motiue , quam Natura adhibet ad contrahendos musculos , & ad superandas resistentias eis appensas , debent modò immediatæ horum mirabilium effectuum causæ pro viribus exponi .

Et quia sensu constat , actionem musculi præcipuam , & primariam esse eius contractionem ; quæ decurtatio cùm multis modis perfici possit , videndum est primò , quinam sint possibiles , & apti ad saluanda phænomena , quæ in musculis Animalium observantur . Et primò ,

A

PRO-

<sup>a</sup> Tab. 15.  
Fig. 1.

Si funis <sup>a</sup> AGCB clauo X affixus in A, deorsum trahatur directè à pondere Z, & à potentijs æqualium virium C,D,E,F, puncta eius intermedia impellantur fursùm per eandem directionem BCA versùs A. Dico, quòd tota longitudo CB directà, & tensa absque corrugatione remanebit, at solummodo suprema eius portio CGA laxa, & curua efficietur; & omnes potentia C,D,E,F, simul æquales erunt ponderi Z.

Quia omnes potentia inter se æquales C,D,E,F, trahunt pondus Z, per eandem directionem BCA, & neutra earum alteri opponitur, cùm omnes æquali nisu, & velocitate tendant ad easdem partes versùs A, ergo portio CDB directà, & tensa remanebit, cùm corrugatio motum partium funis, partim fursùm tendentem, partim deorsùm requirat. Postea, quia ante tractionē, funis erat directè extensus, quando punctum C existerat in situ D, ergo post translationem puncti C fursùm, longitudo funis AGC æqualis est intervallo AD, & propterea longitudo AGC maior erit intervallo AC; quapropter funis AGC erit incuruatus. Et quia non trahitur, nec sustinetur tensè à clauo X, vt priùs, igitur portio AGC laxa efficietur. Tandem, quia pondus Z non ampliùs retinetur à firmitudine clauo X, sed tantummodo à subleuantibus potentijs C,D,E,F, æqualibus inter se ad easdem partes æqualibus velocitatibus impellentibus, ergo earum potentia simul sumptæ æquales sunt integro ponderi Z. &c.

PRO-

## P R O P O S. II.

Musculus non contrahitur per simplicem tractionem fibrarum eius eodem modo, quò à funibus pondera subleuantur.

Tab. 15. Fig. 2.

Cap. 1. De modis, & operationibus mechanicis, quibus musculorum contractio fieri potest.

Sit musculus ACB alligatus in X termino fixo ossis XT, & puncto Z alterius ossis articulum T componentis. Dico, quòd contrahi non potest ad instar funis tracti sursum. Fingamus à potentijs æqualibus C, E, F, D, trahi sursum fibras omnes versùs A, vt punctum B transferatur ad D, & punctum D ad F, & F, ad E, & E, ad C: tandem necesse est, vt extremam musculi pars CA<sup>a</sup> remaneat laxa, & incuruata; eò quòd partes intermediæ non stringuntur ad inuicem, sed ex hypothesi tendunt ad easdem partes A, nec mouentur motibus contrarijs, sine quibus corrugationes, & contractiones effici non possunt: sed hoc est impossibile, & repugnat sensatis experimentis; quia in viuorum anatome postrema pars cuiuslibet musculi AC remanet dura, tensa, & directà. Præterea videmus, quòd æquè benè terminus X transfertur deorsum versùs B, manente osse Z fixo in eodem situ; ergo omnes partes C, E, F, D, mouerentur deorsum æquè velociter versùs B, & ideò laxa, & curua efficeretur extrema pars DB, quod est impossibile, priùs enim omnes ascendebant versùs A, & proinde motibus contrarijs mouerentur.

a Hui. pr. 1.

Sequeretur vltteriùs, quòd musculi longitudo non, secus, ac funis tractus non decurtaretur, quod sensui repugnat; videmus enim, quòd musculi interuallum

A 2

AB



Cap. 1. De  
modis, &  
operationi-  
bus mecha-  
nicis, qui-  
bus muscu-  
lorum con-  
tractio fieri  
potest:

AB laxum & elongatum diminuitur, efficiturque æquale longitudini AD; non quidem per vnicum directum motum versùs alterum terminorum A, vel B, sed per veram contractionem, accedendo C versùs E, & E versùs C. Et sic in reliquis. &c.

### PROPOS. III.

Fibra, vel Arcus contrahibilis clauo affixus non potest eleuare altiùs pondus alteri eius extremo alligatum, & se magis constringere, aut decurtare, quàm absque pondere appenso extensus fuerat. Tab. 15. Fig. 3.

Sit Fibra, vel Arcus contrahibilis AB, clauo X affixus in A, sitque eius naturalis extensionis longitudo AB. Dico, quòd si in B suspendatur pondus aliquod Z, non potest altiùs eleuari à vi contractiua machinæ, vt terminus B propiùs accedat ad A, vt in D. Quia machina AB ex sui natura exigit extensionem lineæ AB; ergo non potest elongari, nec decurtari, nisi à vi externa, quæ si retrahit terminum B versùs C, elongabitur quidem interuallum pristinum AB vsque ad AC: si verò impellit terminum B versùs A, tunc naturale interuallum AB decurtabitur, vt fiat AD. Modò, quia pondus Z est vis externa superans vim machinæ AB, cum eius longitudinem augere valeat, & vim exerceat impellendo, & recedendo ab A, idest à B versus C, nempe dilatando arcum ad longitudinem AC, igitur si fieri non potest, vt vis contractiua arcus superet ei æqualem vim, qua machina non tracta à pondere Z resistit contractioni, multò  
magis

magis erit impossibile, vt vincat, trahatque fursum resistentiam duplo maiorem se ipsa, scilicet resistentiam eiusdem machinæ vnâ cum pondere appenso Z.

Cap. 1. De modis, & operationibus mechanicis, quibus musculorum contractionem fieri potest.

## P R O P O S. IV.

Iisdem positis, si Pondus appensum Z eleuatum fuerit vsque ad D supra naturalem machinæ extensionem AB. Dico, quòd hoc efficietur à noua potentia, quæ quadrupla erit ponderis appensi. Tab. 15. Fig. 3.

Sit RS mensura propria, & naturalis potentia, qua fibra, vel arcus AB vim facit, vt se contrahat, si distractus ab externa potentia fuerit vsque ad AC, & qua dilatari nititur, si fortè violenter constrictus fuerit in situ AD; & constringatur arcus AB à vi funis EF, vt reducatur in compressa positura AGD. patet, quòd potentia funis agit contra arcus rigiditatem, & renitentiam, scilicet contra potentiam RS, quæ non secus, ac si esset pondus appensum in D, resistit vi, qua funis EG nititur constringere arcum AGD; & quia idem arcus AGD figitur clauo firmo X. ergo potentia funis EF, quæ sit ST, dupla est resistentiæ RS rigiditatis eiusdem arcus (vt deducitur ex primæ partis Pr. 31.) Postea pondus Z æqualis RS suspendatur in D, patet, quòd potentia funis AEG agit noua vi, quæ sit TY contra tractionem ponderis Z, & est funis affixus clauo X. igitur denuo (ex eadem Pr. 31. primæ partis) potentia funis AEG, seu TY dupla est ponderis Z, seu RS. Quare duæ vires ST, & TY, quæ exer-

cen-

Cap. 1. De  
modis, &  
operationi-  
bus mecha-  
nicis, qui-  
bus muscu-  
lorum con-  
tractio fieri  
potest.

centur ab eodem fune AEG, quadruplæ sunt resistentiæ RS, seu ponderis Z, quod erat &c.

### P R O P O S. V.

Musculus, quando vitali motu ingentia pondera suspendit, non contrahitur à vi propria machinarum, ex quibus Fibræ, ad instar arcus tensi, contrahuntur.

Quia machinæ eius naturæ sunt, ut nequeant contrahi nisi prius distractæ, & postea à potentia distrahente dereliectæ fuerint: ergo quandiu catena musculosa non distrahitur, non contrahetur, nam perseuerabit in sua naturali elongatione. Secundò, si distrahitur à pondere aliquo, quamdiu pondus appensum est, conseruatur æquilibrium, & proinde quiescit; quare est impossibile, ut à simplici vi machinæ fibræ musculorum contrahantur ad libitum animalis. Sed tunc solummodò fieri poterit contractio, quando vis aliqua externa, vel fune, aut alio organo adhibeatur, quæ superare possit in proportionem dupla, ne dum resistetiam ponderis appensi, sed etiam eam, qua machina restrictioni resistit, scilicet erit quadrupla ponderis appensi, qui excessus toties multiplicari debet, quot sunt machinulæ contentæ in catena musculi. Ergo tantum abest, ut vis machinæ eleuare possit appensa pondera, ut è contra impediatur eleuationem eiusdem, cum resistat contractioni sui ipsius.

\* Hui. pr. 4.

Præterea vis, qua machinæ fibrarum per se contrahuntur, æqualis est potentia contrariæ musculi antagoni-



gonistæ, & ideò æquatis viribus remanent vires vtriufque musculi inertes, seu in quiete, non secus ac si nullius roboris essent, veluti pondera in balance æquilibrata; sed à potentia æquilibrata, seu nullius roboris non potest resistentia ponderis vasti millenarum librarum sublenari; ergo actio musculi vitalis non sit vi propria contractiua machinarum fibrosarum. Cum porrò talis vis contractiua musculorum sit exigua, & debilis, erit impossibile, vt grandem illam vim, quæ vitali motu immensa pōdera suspendunt, exercere queant.

Alia ratione id ipsum ostenditur. Quia quò magis musculi, & eorum fibræ contrahuntur, & decurtantur, eò magis flaccescunt, & laxæ redduntur machinulæ, ex quibus componuntur: Videmus enim machinam tunc maximam vim exercere, quando violententer trahitur, distenditur, elongaturque, vt fides citharæ tensæ: at quando earum longitudo, & intervallum decurtatur, tunc flaccescunt, & nullam vim exercent; ergo vis musculi, & machinarum eius diminuta post eius contractionem non poterit ingentia pondera sustinere.

Ex quo deducitur, quòd vis contractiua fibrarum musculorum vsum habet ad retinendum musculum, tensum absque vlla corrugatione, scilicet in dispositione, & aptitudine, vt possit à noua vi externa violentissimè contrahi ad appetitus præceptum.

Insuper, si contractio, decurtatio, & inflatio musculi esset propria sui ipsius, scilicet efficeretur à vi machinarum, ex quibus fibræ contextūtur, & non à vi externa; quotiescunq; distantia terminorum eiusdem musculi, quàm maximè fieri potest, diminuitur, vt

con-

Cap. I. De modis, & operationibus mechanicis, quibus musculorum contractio fieri potest.

Cap. I. De  
modis, &  
operationi-  
bus mecha-  
nicis, qui-  
bus muscu-  
lorum cou-  
tractio fieri  
potest.

contingit in massetere, quando mandibulae uniuntur, & stringuntur, tunc sponte sua contrahi, tendi, & indurari deberet dictus masseter, sed hoc sensui repugnat, remanet enim laxus, & mollis, quousque iubente voluntate turgat: ergo contractio, & tensio non est propria, nec pendet à structura machinae ipsarum fibrarum, sed ab alia causa longè diversa.

Ijs non obstantibus, dicere quispiam posset, quòd gradus ille vigoris, quem musculi vitali motu exercent, sit proprius machinularum, ex quibus fibrae componuntur, qui ideò continenter non exercetur, quia impeditur contractio machinarum, quousque appetens facultas permiserit eas operationem exercere, non secus ac arcus balistae tenso nervo impeditur eius violentia ab axiculo, seu vinculo, quo ablato, aut soluto sequitur violentissima distractio, & projectio teli; ideò ostendemus, quòd

## P R O P O S. VI.

Vis ingens contractiua vitalis machinarum musculo-  
rum non quiescit, nec cessat ab operatione, quia  
ab obstaculo impeditur, nec agit, quando  
impedimentum illud ab animali facul-  
tate tolli iubetur. Tab. 15. Fig. 4.

Supponamus vitalem vim illam grandem, quam musculi iussu facultatis motivae exercent, esse naturalem, & insitam musculis, ut semper apti & dispositi sint ad operationem illam exercendam; & quando otiantur, non quiescunt ob defectum roboris, sed quia ab aliqua externa causa impeditur eius actio; ut

vis

vis motiua deorsum iu grauibus corporibus semper viget, & suum conatum exercet, at quiescunt, quia à duritie pauimenti, vel à vi manus subiectæ, eorum prohibetur descensus. Ostendendum est, hanc positionem esse impossibilem, & ineptam.

Vtque hypothesis propositionis verificari possit, scilicet, vt musculosa catena AD ex machinis composita, clauo A affixa, exercere valeat ingentem vim contractiuam, oportet, vt priùs distrahatur ab extrinseca aliqua potentia, vt à manu M, eam elongando ex D vsque ad B; eò quòd in naturali, & æquilibrata elongatione AD nullam vim habet, & tunc eadem potentia M, quandiù catenam in situ distracto retinet, sua continua tractione impedit vim contractiuam machinularum catenæ: concipere ergo debemus, quòd musculus AB perpetuò distractus retineatur à potentia M, & tunc solummodò agat subleuando pondus appensum R, quando voluntas, seu vis appetens præcipit, vt potentia M cesset ab actione, & derelinquat catenam, vt indolem suam contractiuam exercere valeat, & postea toto tempore vitæ, quando musculus oriatur, necesse est, vt præsto sit potètia M, & denuò eā distēdat, atq; perseveranti actione retineat. Hoc posito.

Considero, quòd vis impedimenti, seu potentia M, eius roboris esse debet, vt vim, & operationem contractiuam machinarum musculorum omninò prohibere valeat; ergo talis vis impedimenti subdupla erit energiae machinarum; cum vna alteri non præualeat; sed vis contractiua machinularum superat pondus ducentarum librarum, quod muscoli suspendunt; igitur vis impedimenti æquè valida, ac pondus centum librarum, erit.

Cap. I. De modis, & operationibus mechanicis, quibus musculorum contractio fieri potest.

a Par. I. pr. 31.



Cap. I. De  
modis, &  
operationi-  
bus mecha-  
nicis, qui-  
bus muscu-  
lorum con-  
tractio fieri  
potest.

Verum talis vis impeditenti est interna, & exercetur ab ipso animali, & agit decursu totius vitæ, exceptis pausis breuibus, quando nimirum grandia pondera extolluntur iussu voluntatis, seu appetentis facultatis; cogeretur igitur animal ingenti, & assiduo exercitio fatigari decursu totius vitæ, non ut opus vtile animali perficeret, scilicet, ut pondera subleuaret, sed tantummodò, ut conflictu continuo impediret actionem machinarum musculorum, nempe laboraret, ut nihil ageret, seu ut quietem animalis induceret; quæ ridicula, & imprudens actio, absurda prorsus, & contraria esse videtur artificiosissimæ æconomix, qua Animalis actiones exercentur.

Insuper, sicut in tensione arcus sensus lassitudinis, & languoris non percipitur à machina materiali arcus, sed à manibus, si ipsum tensum continuo retinere cogerentur, sic ingens lassitudo ferri deberet à vi interna, & organo animalis impediende actionem muscoli, dum nempe violenter eius machinas distractas retineret. Quare toto vitæ decursu dum quiescimus, & somno recreamur, tunc assiduo, & insano labore, & lassitudine afficeremur, & è contra; sicut arcus restitutio ad naturalem contractionem non est laboriosa, immò conformis eius naturæ, sic naturalis restrictio machinularum musculorum, qua ingentia pondera subleuantur, non laboriosa, & languorem creans, sed potius suavis esse deberet, sicut quies à labore, & à distractione violenta, & restitutio ad naturalem statum summopere iucunda est. Cum porrò hoc sit falsum, & lassitudo percipiatur, quando grandia pondera sustinemus, non quando quiescimus, fatendum est vim contractiuam musculorum  
non

non impediri, quando quiescimus; & ideò non à vi machinæ, quando impedimentum cessat, pondera grandia subleuari.

Præterea, si qua causa impediret vim contractiuam musculi, aut talis causa semper continua actione ageret contra facultatem illam contractiuam perpetuò vigentem, vt pondus in balance æquilibratum semper conatur descendere, licèt non moueatur; aut eam omninò destrueret, & torpidam redderet. Si primum, ergò musculus, etiam quando non agit trahendo resistentiam, perseveraret turgidus,ensus, & durus: quia actio machinarum exercetur trahendo, & se decurtando quantum possunt, & quantum impedimenta permittunt. Si secundum, actione prolixiori, & magis laboriosa cōsequeretur id ipsum, quod compendiosius effici potuisset. Ponerentur enim duæ causæ validissimæ non eodem tempore existentes, sed vna post aliam vicissim se consequentes, quarum vna, scilicet vis contractiua machinarum existeret in musculis illo tempore præcisè, quando præcepto appetentis facultatis ingentia pondera subleuantur, & tunc vis impediementi non extaret. E contra illa extincta, hæc poni deberet toto tempore, quo musculi otiantur.

Modò si natura nil aliud quærit, nisi vt statis tēporibus pondera suspendantur, & hoc haberi potest compendiosius ab vnica causa, scilicet à vi musculos contrahente, ad quid superflua positio alterius causæ impediētis illam actionem, scilicet causa destinata ad nihil agendum, nempe ad quietem, & otium musculorum efficiendum?

Præterea, quia ab appetitus defectu, vt defectus est,

Cap. I. De modis, & operationibus mechanicis, quibus musculorum contractio fieri potest.

Cap. I. De  
modis, &  
operationi-  
bus mecha-  
nicis, qui-  
bus muscu-  
lorum con-  
tractio fieri  
potest.

scilicet à nihilo, non potest destrui vis contractiva musculi: ergo deficiente appetentia illa, adesset causa impediens, quæ ageret destruendo vim contractivam, & postea, adueniente eadem cupiditate, destrueretur impedimentum illud. Hoc autem est multiplicare entia frustra, & absque necessitate. Igitur absque vlla causa impediente sufficit positio vnius causæ, quæ musculos iussu appetentis facultatis contrahere possit.

### P R O P O S. V I I.

Musculi vitali motu non tenduntur, induranturque ob quietem partium eorum.

Scio, aliquos credere, aquam constare ex virgulis quibusdam, quæ dum flexuosæ, ad instar anguillarum, excurrunt inter glomos compositos ex iisdem fibrillis, aquam fluxibilem reddunt; At quando à frigore rigescunt, & omninò immobiles permanent, tunc duritiem glaciale adipiscuntur. Eodem modo putant, quòd sola quies partium componentium sufficientissima causa sit consistentiæ, & firmitudinis omnium corporum durorum. Quia verò musculi quando agunt, tenduntur, & indurantur, non verentur affirmare, quòd facultas animæ iubentis quietem inducendo in musculis, tensionem, & rigiditatem in eis creet.

Verùm talis imaginatio falsa esse videtur, vt ostendimus libro de motionibus naturalibus à gravitate pendentibus *a*. Postea in casu nostro, dato, quòd à quiete partium fibræ musculosæ tensionem, & duritiem



tiem acquirerent, ex hoc ipso sequeretur destructio propositionis propositæ.

Quia supponitur, quòd actio musculi sit contractio ordinata ad eleuanda pondera; & talis decurtatio non à quiete partium, sed ab eorum motu fieri debet, quo scilicet sibi ipsis approximantur; cumque talis motus absolui nequeat in musculis, nisi exercendo ingentem vim, vt possint pondera appensa eleuari, & toto tempore, quo partes musculi mouentur, mollities in eis perseverat ex hypothesi, nec durities adhuc inducta est: ergo vis ingens, qua eleuantur vasta pondera, & actio musculi, quæ est contractio eius, exercentur, quando adhuc molles sunt, antequam duri reddantur: scilicet antequam partes musculi quiescant. Quapropter quies non erit causa eleuationis ponderum, & actionis musculi.

Nec quia continuatio suspensionis fit tempore subsequenti, dum musculi durities perseverat, dici potest, quòd energia quietis partium musculi sit causa talis suspensionis; quia talis actio est conatus, & impulsus continuus, quo partes musculi madidæ, & ideò non duræ, vi quadam motiua laboriosa contrahantur; quod conijcitur ex lassitudine subsequente, quando ex lucta illa consequitur tremulus motus, quo pondus suspensum retinetur.

Cap. 1. De  
modis, &  
operationi-  
bus mecha-  
nicis, qui-  
bus muscu-  
lorum con-  
tractio fieri  
potest.



Cap. I. De  
modis, &  
operationi-  
bus mecha-  
nicis, qui-  
bus muscu-  
lorum con-  
tractio fieri  
potest.

Musculi vitali motu non contrahuntur per exiccationem, aut alterationem similem ei, quæ in pilis, & capillis torrefactis contingit.

**N**on desunt alij modi in natura, quibus filamenta contrahuntur, & decurtantur. Videmus enim, quòd capilli, pili, fibræ nervosæ, & tendinosæ, intestina, pelles, & omnes membranæ ab ignis ardore corrugantur, & decurtantur: imò ipsæmet muscutorum fibræ, assatæ, & torrefactæ euidenter contrahuntur. Hinc suspicantur aliqui, quòd possent consimili modo musculi animalis ad eius libitum contrahi, & decurtari. Hoc autem omninò improbable, & absurdum esse ostendemus. Primò, quia hæ operationes fiunt ab igne exiccante, & comburente, quatenus educit à prædictis glutinosis substantijs partes fluidas, & lubricas, ob quarum defectum reliquæ partes tenaces vniuntur, & mutuò se colligant, & hinc diminutio molis eorum, & contractio subsequitur, vt in luto, & innumeris consimilibus corporibus contingit. At in casu nostro talis operatio locum non habet; nam nulla exiccatio, aut combustio efficitur in musculis, quando violenter contrahuntur. At si dicant, quòd non requiritur ariditas, & combustio ad hoc, vt nerui & tendines contrahantur, sed sufficit simplex alteratio calefaciens; nam in aqua feruente musculi elixati valde decurtantur, licet semper madidi sint.

Ijs respondeo, quòd reuera in neruis, & tendinibus elixatis internæ eorum partes ad inuicem proximiores factæ sunt solidiores, & constipatiores ob expul-

pulsionem succorum, qui interstitia fibrarum replebant, quæ expulsio à caliditate aquæ ambientis facta fuit.

Quòdque similiter talis operatio contractioni vitali musculorum adaptari non possit, multipliciter suaderi potest.

Primò, quia experientia constat, quòd à nimia caliditate per assationem, & elixationem multò magis contrahuntur tendines, & membranæ, quàm muscoli ipsi; at quando actione vitali, fibræ carneæ valde inflantur, tenduntur, & contrahuntur, nullam prorsus tendines, & membranæ contractionem patiuntur.

Secundò, quia in musculis, dum velocissimè moventur, se contrahendo, neque caliditas excedens naturalem teporem observatur, quæ assationem, aut feruorem elixantem producere queat: imò in piscibus, & reptilibus valde frigidis motus egregiè fiunt.

Tertiò, ad producendam illam soliditatem in nervis assatis, aut elixatis requiritur prolixa actio caloris, qui structuram, & temperiem eorum adeò alteret, & transformet, vt non possint pristinam molliem, & laxitatem reassumere. Hoc autem in musculis Animalium, dum moventur, non verificatur, quia momento contrahuntur, & ictu oculi flaccescunt: ex quo patet, quòd compositio, & temperies musculorum non commutatur; & idè eorum contractio non fit per alterationem similem ei, qua fibræ nerveæ torrentur ab igne, vel corrugantur per elixationem.

Quod præterea sensu ipso patet: nam cor, & muscoli reptilium dissecti, & abscissi, diu moventur se contrahendo, & relaxando absque ardore comburente, abs-

Cap. I. De modis, & operationibus mechanicis, quibus musculorum contractio fieri potest.

que



Cap. 1. De  
modis, &  
operationi-  
bus mecha-  
nicis, qui-  
bus muscu-  
lorum cou-  
tractio fieri  
poteſt.

que ebullitione, abſque torrefactione, aut duritie, & abſque vlla perſeuerante alteratione, & commutatione corporeæ ſubſtantix muſculorum, ſed à vi quadam motiua, & perceptiua doloris: vt patet in prædicto corde abſciſſo paulò poſt quietem, & torporem eius, quando extinctus apparet, ſi acu pungatur, aut ſucco acri irritetur, ſubitò reuiuſcit, & pulſationes omiſſas reaſſumit.

*Deinde videndum eſt, an muſculi per corrugationem fibrarum contrahi poſſint; pro cuius indagine præmittuntur ſequentia Lemmata.*

### P R O P O S. IX.

<sup>a</sup> Tab. 15.  
Fig. 5.

Si funis AB <sup>a</sup> clauo X affixus à pondere Z in B apenſo tendatur, & intermedia pars à potentijs R, & S torqueatur, corrugeturque in eodem plano, itaut à quatuor tractionibus tenſus funis remaneat, & directiones intermediae DO, IC parallelae ſint inter ſe, & bifariam ſecent angulos alternos funis. Dico, quòd potentiae S, R ad pondus Z proportionem eandem habent, quam quadruplum ſinus anguli DGO complementi ſemiſſis anguli flexionis funis GDF ad ſinum totum.

Secetur funis DC bifariam in F, ducaturque linea GFE perpendicularis ad DO, CI. Quia potentia S trahendo funes DG, DF per directionem ODS agit contra duas reſiſtentias ipſius Z, & eius, quæ impedit tractionem puncti F verſus D, & directiones DG, DF ſunt æquè inclinatae ad ſublimitatem OD; atque concursus D mobilis eſt per directionem OD: <sup>b</sup> ergo

<sup>b</sup> Par. I. pr.  
69.

po-

potentiæ  $Z$  æqualis est ei, quæ in  $F$  trahit funem  $DF$  versus  $F$ , & ijs æquilibratur potentia  $S$ . Ergo  $c$  potentias  $S$  ad duas prædictas æquales oppositas resistentia  $Z$ , & in  $F$  operantes, eandem proportionem habet, quam sublimitas  $OD$  bis sumpta ad duas longitudes æquales  $DG$ ,  $FD$ . Et simili ratione potentia  $R$  ad duas resistentias æquales, scilicet clavi  $X$ , & eius, quæ funē  $CF$  trahit versus  $F$  proportionem habet eandem, quam sublimitas  $IC$  bis, ad  $FC$  bis, seu quam  $DO$  bis ad  $DF$  bis. Ergo duæ potentiæ  $S$ , &  $R$  simul sumptæ ad quatuor resistentias æquales inter se, scilicet ipsius  $Z$ , clavi  $X$ , eius, quæ trahit funem  $DF$  versus  $C$ , & eius quæ trahit funem  $CF$  versus  $D$  proportionem habet eandem, quam quadruplum sublimitatis  $DO$  ad quadruplum funis inclinati  $DF$ ; & quia quatuor potentiæ inter se æquales  $ZX$ , & duæ contrariæ funem in  $F$  trahentes quadruplæ sunt singularis potentiæ  $Z$ : igitur duæ potentiæ  $S$ , &  $R$  simul sumptæ ad resistentiā  $Z$  eandem proportionē habent, quam quadruplum sinus  $DO$  ad sinum totum  $DF$  &c.

Hinc patet, quòd potentiarum  $S$ , &  $R$  vna pars quarta tantum scilicet semissis potentiæ  $S$  verè sustinet pondus  $Z$ ; reliqua semi  $S$  opponitur, æquilibraturque semissi  $R$ ; & reliqua medietas  $R$  agit æquali momento contra clavi  $X$  resistentiam, & sic funis tensus retinetur.

Modò existente angulo  $GDF$  graduum  $51.2$ . erit quadruplum sinus  $DO$  æqualis integro sinu toto  $DG$ . Ergo tunc duæ potētiae  $RS$  æquales erunt ponderi  $Z$ . Et si prædictus angulus fuerit obtusior, tunc potentiæ  $RS$  minores erunt, quàm  $Z$ ; at si acutior fuerit  $R, S$  simul maiores erunt, quàm  $Z$ .

Cap. I. De modis, & operationibus mechanicis, quibus musculorum contractio fieri potest.  
c Eadem.

Cap. 1. De  
modis, &  
operationi-  
bus mecha-  
nicis, qui-  
bus muscu-  
lorum con-  
tractio fieri  
potest.

a Tab. 15.  
Fig. 6.

# PROPOS. X.

Iisdem positis <sup>a</sup>, si funis corrugatio perficiatur, vt  
DFC parallela sit BG, & AE, nec non  
directionibus DS, CR: potentia  
opposita S, & R quadru-  
pla erunt ponde-  
ris Z.

Quia directiones opposita RC, SD: nec non funis  
AC, CD, & BD sunt inter se parallelae: ergo anguli,  
& trianguli GDF, & FCE omnino destruuntur; &  
ideo linea DO, DG, DF, CF, CI, CE aequales sunt  
inter se; quare sinus DO quater sumptus quadruplum  
erit vnus DG. Ergo duae potentiae S, R ad Z eam-  
dem proportionem habent, quam 4. ad 1. &c.

## SCHOLIUM.

a Tab. 15.  
Fig. 7.

Alia ratione huiusmodi corrugatio effici potest, si  
nimirum pars intermedia funis DFC <sup>a</sup> reuoluatur cir-  
ca Virgam MN, & tunc pariter duae potentiae oppo-  
sita S, R virgam torquendo, spiram GDFCE efficiunt,  
& pariter duae potentiae S, & R quadruplae erunt pon-  
deris Z.

# PROPOS. XI.

a Tab. 15.  
Fig. 8.

Iisdem positis, si intermedius funis multoties per-  
fecte corrugetur <sup>a</sup> in C, D, E, F, a potentijs SR,  
HI, KL, MN. Dico, omnes potentias corrugantes  
ad



ad resistantiam Z eandem proportionem habere ,  
quam multitudo corrugationum, C,D,E, F quater  
sumpta ad vnitatem .

Existente fune AB directè extenso à pondere Z ,  
quoniam in prima corrugatione C duæ potentix cõ-  
trariæ S, R, ostensæ sunt <sup>b</sup> quadruplæ resistantiæ Z :  
sed eadem potentix nil aliud efficiunt , quàm decur-  
tationem funis , & proinde agunt eodem modo, ac si  
in loco C funis vinculo aliquo innodatus fuisset , ef-  
setque affixus clauo X , & directè extensus infra C  
vsque ad B à pondere Z . Superueniant postea duæ  
aliæ potentix H, I contrariæ, efficientes secundam  
contorsionem integram D : & quia superior funis  
pars DCA tensa perseverat, non obstante intermedia  
corrugatione C ; pariterque inferior portio DB ten-  
ditur à pondere Z ; igitur duæ potentix contrariæ  
H, I quadruplæ erunt eiusdem resistantiæ Z : quare  
quatuor potentix S, R, H, I simul sumptæ octuplæ  
erunt resistantiæ Z . Idem dicendum est de reliquis  
corrugationibus E, & F : ergo toties quadruplum  
resistantiæ Z sumi debet , quot sunt corrugatio-  
nes &c.

Hinc constat , totam longitudinem funis corruga-  
tam impelli quidem sursum , & deorsum à potentijs  
contrarijs , ita vt medietas potentiarum impellat no-  
dos corrugationum sursum tendentes ; reliqua verò  
medietas impellat curuationes deorsum tendentes .  
His præmissis .

Cap. 1. De  
modis , &  
operationi-  
bus mecha-  
nicis , qui-  
bus muscu-  
lorum con-  
tractio fieri  
potest.

<sup>b</sup> Per ante-  
ced. Schol.

Cap. I. De  
modis, &  
operationi-  
bus mecha-  
nicis, qui-  
bus muscu-  
lorum con-  
tractio fieri  
potest.

## P R O P O S. XII.

Musculi contractio vitalis non fit per corrugationem  
fibrarum, vt in Lumbricis apparet.

Qui ab apparentijs subito mouentur absque præuio  
examine, multoties decipiuntur; non quidem, quia  
experientiæ vtilis non sunt ad scientiam acquiren-  
dam, sed quia ipsæ experientiæ, aut non sunt exactæ  
ob sensuum imperfectionem, qui nequeunt minimas  
rerum differentias discernere; vel quia sensus absque  
rationis criterio multoties fallax est.

Hoc contingit in lumbricis, qui moueri videntur  
per corrugationem, seu inflexionem prolixi corporis  
eorum in minutissimas plicas alternè se consequentes.  
Et quia receptum est, motum animalium non fieri,  
nisi per musculorum actionem, hinc suaderi quispiam  
posset, fibras omnium musculorum contrahi per con-  
similem corrugationem ad instar spirarum Serpen-  
tium.

Verum, quia doctrina mechanica, & ratio ipsa  
fatis declarant absurditatem prædictæ corrugationis  
in fibris musculorum, planè suademur, nec in lum-  
bricis, neque in cæteris animalibus musculos contra-  
hi se corrugando.

Hoc deducitur ex tribus lemmatibus præcedenti-  
bus, in quibus ostensum est, quòd ad integram fu-  
nis <sup>a</sup> AB corrugationem GDCE efficiendam requi-  
runtur duæ potentia S, & R, quæ trahunt funes ad  
partes oppositas, nempe S sursum & R deorsum, &  
ambarum Vires quadruplæ sunt resistentiæ ponderis  
appen-

<sup>a</sup> Tab. 15.  
Fig. 6.

appensi Z. Et quando multoties funis corrugatur, tunc quot sunt corrugationes, tot paria potentiarum ad oppositas partes retrahentium requiruntur, & omnes prædictæ potentia corrugantes ad eandem resistantiam Z eandem proportionem habent, quam multitudo corrugationum quater sumpta ad unitatem; itaque si fuerint centum corrugationes, & pondus Z fuerit vnus libræ, Vires omnium potentiarum contrahentium æquales erunt ponderi 400. libr. Et tam grande Virium dispendium oritur ex inutili tractione contraria fursùm, & deorsùm, sine qua contractio funis effici non potuisset. Sed non hic est finis absurditatum. Considero secundo loco, quòd nulla potentia motiua animalis trahere resistantiam potest, nisi alicubi innitatur, & colligetur, non enim mouetur ad instar Venti, vt ostensum est; sed necessario machina, vel fibra SO, vel RG termino fixo, vt clauo S, vel R alligari debet, quæ fibræ rursus si contrahi debent <sup>b</sup> per corrugationem in a, b, & c, d, denudò potentia contraria f, g, h, i, adhiberi debent, quæ quadruplæ quoque erunt resistantiæ, & toties multiplicandæ erunt, quot sunt corrugationes in transuersis filis SD, RC. <sup>c</sup> Et quia Tertiò illæ potentia contraria corrugantes rursus non mouentur ad instar Venti, sed contrahunt transuersales funes ramificatas nouis corrugationibus; igitur quadruplæ pariter erunt resistantiarum, & toties multiplicandæ, quot sunt corrugationes nouæ, & sic vlteriùs in infinitum; cùmque hoc sit absurdum; Dicendum est, fibras musculorum non decurtari per corrugationem, sed per solam diminutionem longitudinis eorum.

Cap. I. De modis, & operationibus mechanicis, quibus musculorum contractio fieri potest.

b Tab. 15.  
Fig. 9.

c Tab. 15.  
Fig. 6.



Cap. 1. De  
modis, &  
operationi-  
bus mecha-  
nicis, qui-  
bus muscu-  
lorum con-  
tractio fieri  
potest.

## P R O P O S. XIII.

Declarandum modò est, quo artificio mechanico Lumbrici repere possunt; & quomodo corrugatio illa, quam in Lumbricis videmus, re vera non sit causa, sed effectus contractionis internorum muscutorum eorumdem Lumbricorum. Tab. 15. Fig. 10.

Sit Lumbrici longitudo AE cylindrica constans ex substantia molli, & membranosa, quæ ambiatur à fibris musculosis, breuibus per longitudinem lumbrici extensis, & colligatis, vt sunt MK, LI, KH, IG, &c. Et quia duo motus in lumbricis obseruantur. Primò, innixo corpore ABCD super D, decurtatur posterior pars DE, accedente cauda E versus D; & tunc externa pellis DE corrugatur frequentibus plicis, deinde dum C sustentatur à solo, contrahitur subsequens portio DC eodem modo conspicuis plicis, & corrugationibus; ex qua abbreviatione postrema pars tantumdem inflatur, & tumescit, quantum exigit diminutio longitudinis eius. Eodem modo decurtatur reliqua longitudo CB: Secundo loco, innixo ventre BC suspenditur caput A, & erectus aliquantum elongari videtur, & antèriùs promouetur; postea caput A innititur pavimento, & trahitur, vt prius B versus A, & C versus B, & sic vltèrius.

Ostendendum modò est, quòd talis promotio lumbrici non fit à visibilibus illis plicis, & corrugationibus, quæ in eius pelle apparent. Quia si pellis,  
& in-

& internæ membranæ carnosæ per corrugationes contractionem lumbrici producerent, potentiæ motiuæ contrariæ inter se, talem corrugationem efficientes, in immensum multiplicari deberent, quod est absurdum, ut ostensum est. <sup>a</sup> Et aliundè facillimè, & expeditè eadem operatio perfici potest per contractionem fibrarum musculorum, sicut fit in omnibus animalibus. Ergo non per absurdam illam corrugationem, sed per hanc contractionem, quam Natura passim exercet, lumbricorum motus absolvitur.

Modus verò, & ordo operationis talis erit. Fibra musculosa EG stabili principio G affixa, cum paupimento innitatur, & eius termino alligetur ad instar ponderis cauda E; ergo more musculorum contracta, & abbreviata eius longitudine transferetur cauda E versus G; & sic F versus H. At quia pellis, & membranæ internæ non contrahuntur, sed retinent semper eandem longitudinem; Ergo necessariò corrugationem patientur: sicuti contingit in musculis maiorum, & perfectorum Animalium, præcipuè in secto transverso Cuniculi, quando internæ fibræ musculosæ contrahuntur, euidenter eius membrana inuestiens corrugatur in minutissimas plicas. Eodem modo pars ED trahitur versus C, & CD versus B, & BC versus A.

Tantummodò negotium facessit erectio, & promotio capitis, & anterioris eius partis MA, quæ si ossea, aut dura fuisset, facile à fibris musculosis impelli, & promoueri antèrius posset, ut lingua cartilaginosa, prolixa auis Pici AB in hac figura, cuius operatio tam bella, & artificiosa est, ut non pigeat breui digressiuncula eam declarare.

Cap. I. De modis, & operationibus mechanis, quibus musculorum contractio fieri potest.  
a Prop. 12. huius.

## DIGRESSIO.

Cap. 1. De  
modis, &  
operationi-  
bus mecha-  
nicis, qui-  
bus muscu-  
lorum con-  
tractio fieri  
potest:  
a Tab. 15.  
Fig. 11.

Sit lingua ossea cartilaginosa à ABE, quæ recondi potest intra rostri vaginam, estque illius longitudo ABE vna cum radice ossea dupla longitudinis rostri DO, ita vt retracta lingua, duæ eius appendices osseæ cartilagineæ BHE circa occiput GM reflectantur. Deinde ad terminum C rostri inferioris mandibulæ alligantur duo musculi CFE, qui in E terminis duorum ossiculorum BHE annectuntur. Modò ex contractione musculorum CFE trahuntur radices cartilaginum ossearum BHE (quæ appendices linguæ sunt) versus apicem rostri C, & sic tota lingua AB exporrigitur extra rostrum, remanente postrema parte ipsius BE intra id ipsum rostrum.

Vt verò eadem lingua completa venatione vndique formicis stipata intra rostri vaginam rapidissimè vnà cum formicarum præda retrahatur, quatuor musculos huic Aui Natura dedit. Duo EGMO, qui super caput reflexi vsque ad O retrahunt duas appendices EB ossiculorum cartilagineorum.

Et duo alij musculi BHIK, NPQR, qui directè retrahunt linguæ veram radicem, & principium appendicis eius B intra rostri DO cavitatem vsque ad eius terminum intimum L. Et quia lingua est satis prolixa, æquans ferè latitudinem trium digitorum; ergo longitudo musculorum magis quàm dupla esse debuit longitudinis linguæ, quantum nempe fibræ rectæ musculorum decurtari possunt. At postea, vt tanta longitudo musculorum in situ breui capitis, & colli aui aptari, & commodè operari posset, solerter Natura  
duos



duos musculos EGMO circa capitis conuexitatem circumduxit, eosque alligauit in O rostri superioris radice; & duos alios BHIK spiraliter circa trochleam cartilagineam reuoluit in IKPQR.

Sed ne dum existente lingua ossea talis motus fieri potest; nam similiter, quando carnea, & mollis est, vt in quadrupedibus, & in homine videmus eā erigi, & exporrigi extra os. Quo verò mechanico opificio hoc peragi possit, ex artificialibus operibus deduci posse videtur. Videmus, quòd follis coriaceus cylindricus ab aere inflatus dirigitur, & exporrigitur; & multò faciliùs hoc contingit, si cauitas follis spongiosa fuerit, quia spiritu violenter immisso, tamquam à cuneis repleri debent spatia omnia, quousque quàm maximè fieri potest dilatentur, vnde follis corrugationibus ablatis, parietes omnino extendantur, & ideò follis dirigitur, induratur, & anteriùs promouetur. At si mollis fuerit, non defunt exempla in natura, quibus moles tendinosæ, & molles eriguntur, indurantur, & anteriùs promouentur. Vt genitale equinum ne dum ad instar spongiæ à sanguine, & ab alijs succis spirituosis inflatur, & turget, ampliata eius mole secundum trinam dimensionem; sed præcipuè notandum est, quòd parum crescit in latum, & valde in longum exporrigitur elongaturque insigni turgentia, & duritie, quod pendere potest ex configuratione pororum penis equini per totam longitudinem eius dispositorum; & insuper oportet, vt à fascijs circularibus tota eius longitudo circumligetur, à quibus impediatur ampliatio in latum; & sic facile in longum pori inflati promouere vastam eius molem possunt.

Eodem artificio caput Lumbrici, Cochleæ, eiusque

Cap. I. De modis, & operationibus mechanis, quibus musculorum contractio fieri potest.

Cap. I. De  
modis, &  
operationi-  
bus mecha-  
nicis, qui-  
bus, muscu-  
lorum, con-  
tractio fieri  
potest.

cornua antiùs promoueri possunt. Patet igitur, quòd motus Lumbrici à fibris musculosis fieri potest eodem modo, ac muscoli contrahuntur in reliquis animalibus; & corrugationes pelliculæ externæ sunt effectus, non causæ motus eiusdem animalis. Vnde concluditur, quòd nullo modo per corrugationem musculi ab imperio volùtatis corrugati contrahi possunt.

#### P R O P O S. XIV.

Musculi non contrahuntur per condensationem longitudinis fibrarum, & approximationem extre-  
marum partium ad inuicem, & Musculi du-  
rities, & Tensio fit per inflationem.

Tab. 15. Fig. 12.

Cùm video, quòd filū metallicum ignitū, dū frigitur, decurtatur trahēdo fursū pondus appensū, cōprehendo, hoc fieri non posse, nisi particulæ minimæ metalli longo ordine dispositę vna versus alteram approximētur, & in tali casu concedendum est, quòd quælibet particulæ eiusdem fili motibus contrarijs ad inuicem accedant. Si igitur eodem modo fieret musculi contractio, planè eius vires contrariæ, aut internę, & naturales essent, qualis est vis grauitatis, aut externę; propriæ, & internæ musculorum non erunt, quia per se non agunt, nisi adueniat impulsus appetentis facultatis animalis immisissis à spiritibus, seu consimili corpore; hoc verò absque innixione ad instar venti cogeretur motibus cōtrarijs impellere quamlibet minimam particulam fibrarum musculorum, & vnaquęque vim quadruplam resistentię ponderis appēsi exercere.

cere deberet ( vt ex prop. 11. deducitur ) talis autem operatio videtur absurdissima, & incōprehensibilis; & proinde deferere non debemus modos faciles, & perceptibiles, quibus passim vtitur natura. Hic verò modus facilis erit per structuram catenæ (de qua egimus in prima parte prop. 114.) cuius anuli, vel rhombi à cuneis dilatati facile catenam fibrosam contrahere possunt.

Cap. I. De modis, & operationibus mechanicis, quibus musculorum contrahio fieri potest.

Circa secundum considero, quòd dicuntur inflari ea corpora, quorum cauitates replentur ab aliquo corpore fluido, vel duro, vt spongia, vtris, & alia huius generis; at in his euidenter augetur moles secundum trinam dimensionem, & præterea tensio, & durities aliqua suboritur; at in musculis diligenti inspectione moles nō videtur augeri; nā longitudo musculi potius contrahitur, & decurtatur; latitudo verò, & crassities non videtur augeri, sed retinet eandem dimensionem. Verum est tamen, eum acquirere insignem duritiem, & tensionem: an verò ex hoc inferri debeat inflatio, multi negant. Ego contra confidenter aio, duritiem cum contractione esse argumentum euidentis inflationis. Primò, quia eadem moles corporea carnis, quæ continetur in musculo flaccido, & elongato, comprehenditur quoque in eodem musculo decurtato, quandoquidem eadem est moles carnea, & musculosa, quæ in utroque continetur: ergo confurgunt duo cylindri <sup>b</sup> AB, & DE omninò æquales inter se, quorum altitudines sunt inæquales; quare quantò longitudo illius CB superat huius longitudinem HE, tantò præcisè basis area circularis, seu crassities huius DH excedit illius crassitiem AC<sup>c</sup>; & proinde si decurtatio fuerit pars tertia totius longitudinis, erit necessa-

<sup>b</sup> Tab. 15.  
Fig. 12.

<sup>c</sup> Eucl. 6. 32



Cap. I. De  
modis, &  
operationi-  
bus mecha-  
nicis, qui-  
bus muscu-  
lorum con-  
tractio fieri  
potest.

riò reciprochè incrementum plenitudinis tertia pars basis, seu crassitie -

At inquiunt, si hoc verum est, quare non conspicitur talis inflatio? Respondeo, fieri posse, ut post laxitatem, quando tensi fiunt, magis uniantur, & restringantur ad inuicem fibræ, crassiores redditæ ob corrugationem, ut filamenta funis humore increassata strictius colligantur, & sic duritiem acquirunt, & augentur in latum, quoad molem scilicet instantur absque eo, quòd exterior superficies dilatetur. Augeri mole enim dicuntur ne dum ea, quæ maiorem latitudinem externam occupant, sed etiam ea, quorum interna moles in latum crescit, scilicet cuius internæ cavitates, & interstitia replentur. Crassities enim corporis mensuratur, non ab interceptis corporibus simul cum inanibus cavitatibus interceptis, sed à solis plenis corporibus, ut spongia, panis fermentatus, & pumex, si eorum innumeræ porositates arena, vel succo concrescibili replerentur, verè eorum moles corporea augeretur, licet apparentes trinæ dimensiones eandem mensuram, quam prius habebant, retinerent.

Et quis quæso capiet, fibræ aliquam mollem decurtari posse absque eo, quòd contorqueatur, aut corrugetur ad instar Lumbricorum, vel alio consimili modo? in qua corrugatione necessariò fibræ crassiores, & inflatiores erunt.

Quod verò musculorū inflatio, & tensio fiat ne dum ob corrugationem, & decurtationem fibrarum, sed etiam, quia integra moles corporea musculi verè crescit, multiplicaturque ob additionem noui corporis, patet experientia in musculo Cordis, cuius amplissi-

mæ

mæ cavitates, quæ in Cordis statu laxo dum otia-  
tur à sanguine replebantur; postea in statu tenso, dum  
agunt, à sola carnosa substantia, expulso sanguine, re-  
plentur. Hoc sensu patet: nam immisso digito intra  
vulnus in apice cordis incisum, viutente adhuc anima-  
li, in qualibet Cordis pulsatione digitus tanquam à  
prælo violentam constrictionem, & compressionem  
patitur. Quare in pulsu, & tensione Cordis, licet ex-  
trinfeca eius superficies ob duritiem, & ob contra-  
ctionem fibrarum circularium non amplificetur, &  
proinde non augeri videatur, tamen superficies cavæ  
internæ exactè replentur & uniuntur, ita vt in actu  
pulsationis moles carnea Cordis duplo maior sit ea,  
quam in statu quietis habebat, vt postea ostendemus.  
Id ipsum contingit in ventriculis carnosissimorum.

Cap. I. De  
modis, &  
operatio ni-  
bus mecha-  
nicis, qui-  
bus muscu-  
lorum con-  
tractio fieri  
potest.

Præterea in musculo massetere tactu ipso percipi-  
tur ampliatio, & inflatio, quotiescunque mandibulæ  
contiguæ dentibus ad inuicem violenter comprimun-  
tur ad instar præli.

## P R O P O S. XV.

Musculi contrahuntur vitali motu ingenti vi, quia-  
eorum fibræ à corpore adueniente inflantur  
tamquam à cuneis.

Ostensum iam est, duritiem, & tensionem, quam  
musculus acquirit, dum agit vitali actione, fieri non  
posse, nisi per inflationem fibrarum eius. Sensu quo-  
que constat, quòd talis turgentia, & inflatio non fit  
sine contractione, & diminutione longitudinis ea-  
rundem fibrarum. Modò ostendendum est, quòd hæc  
phe-

Cap. I. De  
modis ; &  
operationi-  
bus mecha-  
nicis , qui-  
bus muscu-  
lorum con-  
tractio fieri  
potest.

phenomena saluari non possunt, nisi pori fibrarum musculorum inflentur ab alio corpore, tamquam à cuneis. Constat enim ex dictis , quòd actio vitalis musculi, qua contrahitur , fieri non potest à simplici fibrarum corrugatione, vel condensatione, siue à vi machinæ , siue ab impulsu spirituum producta . Quia si hoc verum esset , non cresceret substantia corporea musculi , sed retineret eandem molem , scilicet post contractionem crassities eius tantum augeretur, quantum eius longitudo decurtata fuit ; at hoc est evidenter falsum, cum carnosus musculus cordis substantia in actu pulsationis duplo maior sit mole laxa eiusdem : eò quòd nil prorsus alterata externa quantitate, & figura , cavitates eius replentur ab ipsa carne. expulso sanguine , qui ibidem continebatur . Porro tale augmentum molis musculi intelligi non potest absque additione noui corporis ibidem insinuati , vel absque rarefactione ipsius musculi cordis , scilicet , nisi eius pori dilatentur admittendo vacuitates . Hoc secundum videtur impossibile , nam cavitates vacuæ interceptæ mollitiem, & laxitatem potius, quàm duritiem in musculo producerent . Restat ergo, vt in eo vitaliter operante noua substantia corporea , verè superaddatur, quæ aut sua plenitudine poros impleat , vel vi percussiva eos dilatat . Quia postea à tali noua substantia inflante non augetur fibrarum longitudo , sed potius decurtatur . Ergo multò magis lateraliter fibras inflando, crassitiem earum auget . Talis autem inflatio esset impossibilis , nisi particulæ corporis aduenientis ad instar cuneorum insinuarentur intra porositates earundem fibrarum , aut illa spatia vi percussiva expanderent , quæ actio pariter ad vim , &  
actio-



actionem cunei reducitur . Quare patet. propositum .

Sed inquirunt, naturam audere, & posse aliquid supra leges mechanicas . Egregiè profectò, quasi leges mechanicæ non essent. necessariæ ; & proinde natura contra leges necessitatis à diuina sapientia præscriptas, scilicet impossibilia agere posset .

Alij postea non verentur affirmare, non debere nos ex pusilla nostra capacitate naturæ thesauros dimetiri. Sicuti enim nos ne dum trahimus pondera, sed etiam varijs motibus gladium impellimus, vibramus & agitamus, sic spiritus animales posse musculos mouere . At hi boni viri sicut in sectionibus anatomicis peritissimi sunt, sic si mathematicè, scilicet philosophicè ratiocinarentur, perciperent, quòd omnes gladij agitationes ex circularibus componuntur, quorum singulæ fiunt ab illa prima immediata, & simplici musculorum contractione, quæ per tensionem & inflationem fit, & sic comprehenderent vim motiuâ musculorum non saltibus & tripudijs, sed simplici impulsu per incuneationem, & contractionem musculorum produci .

## C A P V T I I.

*De Causis non Veris contractionis Musculorum, quæ ab alijs adductæ sunt .*

**L** I C E T Natura in omnibus suis operationibus admirabilis sit, nemo est, qui in stuporem summo opere non rapiatur, dum ingentem vim, & energiam musculorum contemplatur, atque intimiùs causas, organa, & artificia, quibus natura talem operationem.

Cap. 1. De modis, & operationibus mechanicis, quibus musculorum contractio fieri potest.

Cap. 2. Cau-  
sa non vere  
motus mus-  
culorū reij-  
ciuntur .

tionem exequitur, percipere satagit . Et quia facilius falsi deformitas , quàm pulchritudo veritatis ab humana imbecillitate percipitur ; ideò falsæ opiniones prius à nobis reijciendæ erunt , tùm, quia hæc est pars scientiæ non contemnenda, tùm etiam, quia falsitatum exclusio nos ad veri inquisitionem facilius manuducit. Et Primò ostendemus .

## P R O P O S. XVI.

A facultate incorporea naturali musculos immediatè non moueri .

Omissis argumentis, quæ contra facultates naturales incorporeas à Galeno inculcatas afferri solent; aduerto solummodò , quòd muscoli non agunt vitali motu , nisi se contrahendo : talis autem contractio violenta non fit , nisi per duritiem, & inflationem , quam musculus acquirit . Iam talis inflatio concipi non potest absque aduentu , & insinuatione alterius corporis ; Nam moles musculi corporea, nempe illa , quæ trinam dimensionem habet, augeri, & inflari non potest à facultate omninò incorporea , quæ ad instar puncti indiuisibilis nullam magnitudinem habet .

Sed non desunt aliqui, qui potius Aristotelis, quàm naturæ vocem audire velint : & hi non verentur affirmare , musculos inflari posse per rarefactionem partium in musculo contentarum ; quâ rarefactionē per simplicem motum fieri posse à facultate incorporea censent ; sicuti ab impetu, ente incorporeo, immediatè grauiā, & proiecta moueri putant . Sed ijs me fecisse satis censeo , ostendendo , quòd impetus non est aliud

aliud, a quàm motus ipse, qui in subiecto mobili vi-  
get; & ideò non est entitas diuersa à motu, quæ vim  
actiuam continenter exerceat, impellendo grauiâ, aut  
proiectâ, sed potiùs impetus est ipsius proijciētis effe-  
ctus perseuerans; scilicet est motus, quo mobile agi-  
tatur. Et ideò non erit facultas incorporea per se  
subsistens, quæ naturaliter, & immediatè corpora  
mouere valeat.

Sed contra hanc doctrinam afferri potest egregium  
experimentum doctissimi neotorici, qui obserua-  
uit, quòd si pilæ lignæ levis penna gallinæ insi-  
nuetur, & postea grandi impetu proijciatur, excurrit  
sanè pila retardato cursu ob pennæ volantis impedi-  
mentum, quòd si fortè à pila penna auellatur, vt sæ-  
pè accidit, tunc pila impedimento liberata, celerius  
per aerem currit; non secus ac homo, reiecto onere  
quod raptabat, celerius currere potest. Hinc deduci  
posse videtur, quòd causâ motus accelerati in pila  
illa proiectâ, pendeat à grandi conatu impetus in ea  
existentis, qui vigeat, sed non poterat ob pennæ im-  
pedimentum æqualem velocitatem exercere.

Cui difficultati Respōdeo, quòd re vera nō retarda-  
tur motus pilæ ab impedimento pennæ, nec accelera-  
tur post pennæ disunctionem; sed æquè velociter fit,  
licèt visus in hoc criterio decipiatur; quia pila à pen-  
na posticè raptata, & mirè circumuoluta non secus, ac  
navis à remone agitato cogitur non directo, sed iti-  
nere tortuoso, & spirali transferri, quæ diuerticula ob  
exiguitatem latere possunt, & sic motus pilæ retarda-  
tus apparebit dum æquè velox est, ac post pennæ di-  
sunctionem, quando in directum extenso cursu fer-  
tur: Ex quo infertur, quòd causa motus pilæ non sit

Cap. 2. Can.  
se non veræ  
motus mu-  
sculorū reij-  
ciuntur.  
a De vi per-  
cussionis  
cap. 17.



Cap. 2. Cau-  
sa non veræ  
motus mu-  
sculorū reij-  
ciuntur.

entitas impetus incorporei, in ea existentis, & continenter agentis, sed sit primus impulsus proijcientis; & proinde motus perseverans in pila erit effectus illius primæ percussionis à corpore impellente factus.

Præterea, aut rarefactio illa musculi sit sine admixtione, & tunc musculus plenus acquireret maiorem molem absque additione novi corporis, quod est impossibile: Aut rarefit per admixtionem plurium vacuitatum, & tunc intra poros cedentes corporis molli, ut caro est, spatia vacua perseveranter immanere possent in musculi actione vitali continuata, quod est impossibile: Non quia natura vacuum abhorret, sed quia fluida corpora, & mollia sua gravitate ad invicem uniuntur, & constringuntur. Vnde sequitur, quod inflatio musculorum à simplici facultate incorporea effici non potest.

### P R O P O S. XVII.

Neque spiritus, seu aura corporea, ut aer est, musculos vitali actione movere potest.

Non desunt, qui spiritus animales corporeos tenuissimos, ut aura est, causam motuam musculorum esse pronuncient. At hi non possunt ab innumeris difficultatibus se expedire. Oportet enim, ut aura illa spirituosa, aut impellat musculos, excurrento intracorum cavitates ad instar venti, vel eos inflat sua copia & plenitudine, aut potius ebullitione, & rarefactione quadam porositates musculorū ampliando eorū contractionem efficiat. At hæc videntur impossibilia, quia actio musculi est mera cōtractio longitudinis

ip-

ipſius, eo quòd extremi termini motibus contrarijs ad inuicem accedunt, ſe inflando, & turgendo ſecundũ latitudinem, quæ actio concipi non poteſt abſque cunei operatione, quatenus illi ſpiritus non ſecus, ac cunei ferrei intra poros muſculorum inſinuati, fibras contrahunt tanta vi, vt grandia pondera ſuſpendere valeant. In tali porrò operatione primò requiritur apparatus cuneorum, ſecundò durities eorundem, tertio vis motiua, quæ eos violentiſſimè impellat. Quoad primum non video, vnde tanta copia auræ ſpirituofæ adueniat, & in quo ſpecu ſpiritus illi recondantur: qui licet adeſſe ſupponantur, nullam tamen duritiẽ habebunt, cũ rariores, & molliores ſint qualibet ſpongia, lana, aut goſſipio. Et quamuis aer in vtre incluſus reſiſtat compreſſioni, quam efficit ingens pondus incumbens, non ſecus, ac maſſa ferrea, nihilominus talis actio diuerſa eſt à cunei, & muſculi actione, quia non eleuat altiùs pondus incumbens, ſed tantummodo reſiſtit eius compreſſioni. Oporteret ergo, vt inſuflari, & inſinuari poſſet noua copia aeris, vel in eiſdem poris generaretur, vt cunei actionem exerce-  
ret. Et proinde ſemper maxima illa difficultas redit, à qua nempe cauſa pendet grandis illa vis motiua, quæ impellit intra poros muſculi nouam illam copiã auræ ſpirituofæ: & ratio difficultatis eſt, quia corporibus rariſſimis, vt goſſipio, & aeri imprimi non poteſt vehementiſſimus impetus proiectitiuſ; videmus enim talia leuiſſima corpora etiam à vi ignis tormenti bellici impulſa ſubitò cadere, & diſpergi. Pariterque videmus, quòd aer à quocumque vento impulſus, inſinuari nõ poteſt intra ſpõgiæ porofitates patulas, vt eius molem inſlet, & turgidam reddat. Dicere poſtea

Cap. 2. Cau-  
ſæ non veræ  
motus mu-  
ſculorũ reij-  
ciuntur.

Cap. 2. Can-  
fæ non veræ  
motus mu-  
sculorū reij-  
ciuntur .

quodd intra poros muscoli iussu voluntatis, seu appetitus sensitiui in actu tēfionis muscoli generetur noua illa copia auræ spirituosæ, & è contra abeat, & destruat, quando musculus relaxatur, & quiescit, est quid simile somnio. Præterea nec ebullitio in musculis fieri posse videtur; nam sensu patet, nulum feruorem, & ardorem tunc temporis in musculis excitari, præter consuetum teporem: immò in piscibus nulla caliditas sensu percipitur. Tandem hac experientia vniuersa hæc fabula reijcitur: Sectis enim in longum musculis viuientis animalis, intra aquam demersis, in qua ob dolorem vehementissimè agitantur, in tam grandi, copioso, & vehemente feruore, & ebullitione illius auræ spirituosæ in musculis excitata erumperent, & ascenderent à cicatrice innumerabiles bullæ aeræ per aquam, vt in ahenò feruenti contingit: quod prorsus non apparet. Igitur non à spiritibus corporeis muscoli inflantur, & mouentur.

### P R O P O S. XVIII.

Nec à succo, aut sanguine muscoli porositates inflante, fieri potest eorum vitalis contractio.

Non desunt clarissimi viri, qui credant, musculos inflari à sanguine copiosius ex arterijs immisso, qui per sociam venam effluere, & elabi non possit, non secus, ac in pene contingit, & licet actio, & effectus diuersificentur in his organis, cum penis augeatur nedum in latum, sed etiam in longum, & musculus decurtetur, nihilominus cum ambo à sanguine irrigentur, & rubescant, oportet, vt turgeant, & indurentur

à co-



à copia eiusdem succi sanguinei poros eorum replentis . Verùm, quia substantia spongiosa penis vndique distrahibilis est, fit, vt secundum trinam dimensionem augeri possit . At fibræ musculorum adeò tenaces , & rigidæ sunt , vt elongari nequeant , vt sunt fides nerveæ citharæ : & ideò quando porositates eorum ab effluvio sanguineo replentur , dilatantur solummodo in latum, non in longum ; & ideò corrugatis fibris decurtari debent . Sed facilè vanitas talis sententiæ de-regetur, seriò aduertendo , in quo nam consistat difficultas huius operationis . Vt enim grande saxum suspendatur, non sufficit apparatus cuneorum ferreorum , sed præcipuè inquirendæ sunt vires motiue, quæ ingenti vi cuneos percutiendo , & impellendo saxum dimoueant . Sic pariter , vt muscoli suspendant vasta pondera, facilè haberi potest copia guttularum sanguinis , quæ ad instar cuneorum intra poros fibrarum musculorum insinuari possint ; Sed vnde reperiemus vires motiuas tantæ energiæ, vt cuneolos sanguineos validissimè impellendo, ingentia pondera superare queant ? talis enim, ac tanta vis motiua necessariò, aut erit propria sanguinis , aut ab externa causa impulsua pendeat . Propria sanguinis esse non potest .

Primò , quia vis sanguinis exilis , & debilissima esse videtur ; quod conijcitur ab obscuro motu vndulationis , qui tam torpidus , & debilis est, vt festu-cæ pondus ægrè superare valeat , & potius censeripossit motus fermentatiuus , quàm loco motiuus . Igitur si à sanguinis affluentia muscoli contraherentur , tunc vis motiua minima immediatè , & absque machina superaret resistantiam centies , & millies se-

ipsa

Cap. 2. Cau-  
sæ non veræ  
motus mu-  
sculorū reij-  
ciuntur .

Cap. 2. Causa  
sæ non veræ  
motus mu-  
sculorū reij-  
ciuntur.

ipsa maiorem ; quod cum sit impossibile , fatendum est, ab effluvio sanguinis musculos non inflari , nec contrahi ,

Secundò, si sanguis tam insigni vi motiua præditus esset, ut, musculos inflando, tam vasta pondera suspenderet, profectò vipropria minorem resistentiâ superare posset, scilicet posset se ipsū impellere per arterias, & deinceps regredi per venas , circulationes eiusedē sanguinis efficiendo . Sed hoc est falsum , nam cogitur natura adhibere vim impulsuam Cordis , ut per arterias sanguinem distribuat , & indiget auxilio valvularum , & compressione musculorum , ut per venas denuo ad Cor sanguis reducatur .

Tertiò, quia, ut docet experientia, compressio musculorum abdominis, & eorum qui respirationi inferuiunt, nec non artuum vna cum peristaltica compressione venarum, est causa impulsiva sanguinis per venas , sine qua impulsione stagneret . Igitur effectus produceret suam causam , scilicet actio, & compressio musculorum , quæ censetur effectus, produceret motum sanguinis, qui supponebatur causa contractionis eorundem musculorum .

Quartò, videmus, quòd sanguis per venas crurales, & per brachia pendula difficile ascendit ob eius gravitatem , & motu tam lento fertur sursum , ut ipsæ venæ valdè inflentur , & extra cutem rubicundæ promineant ; è contra eleuatis cruribus , aut brachijs , subito eorum venæ detumescunt , & cutis alba , & ex planata redditur , quia facilè fluere deorsum potest sanguis . Quare vis motiua, quæ sanguinis propria censetur, est tam debilis, ut superare propriam gravitatem nequeat ; & proinde erit impossibile, ut inflando

do musculos, eleuare possit pondera centies, & millies se ipsa maiora. Et ideo muscoli inflari, & contrahi à vi propria sanguinis non possunt.

Cap. 2. Cau.  
sæ non veræ  
motus mu-  
sculorū reij-  
ciuntur.

Hoc præterea confirmatur ex difficultate, & impossibilitate operationis, quia sanguis non est omnino fluidus, sed maiori ex parte constat ex partibus crassis, glutinosis, & fibrosis; & siquidem aqua fluidissima per poros, & canaliculos strictissimos non momento, sed sensim instillat, multò difficilius sanguis crassiori, & glutinosiori consistentia præditus per eosdem angustissimos poros ictu oculi intromitti, & exire in magna copia poterit. Quare muscoli glutei, & vasti coxendicum, qui non nisi à grandi copia sanguinis aliquarum librarum à locis dissitis trasferēda, repleri, & inflari possunt, non ictu oculi, sed sensim post vnum, vel alterum minutum secundum horarium intumescerent, & detumescerent.

Præterea memini, virum nudum me extendisse supra tabulam, quæ innitebatur supra oblongum angulum ligni acuminati præcisè in medijs natibus respondentem, in quo situ centrum grauitatis illius hominis existeret, & tunc exercitis musculis soleis, & vastis nempe ex inflando, pedes extendendo, & impellendo, debuisset necessariò turbari æquilibrium, pedes capitis præponderando, nam ab habitu totius corporis grandis copia sanguinis ad crura, & ad tibiae reduci, & congregari debebat, quanta nimirum ad turgentiam inferiorum musculorum requirebatur: quod tamen non contigit.

Insuper, si muscoli à sanguine superabundanti inflantur, necesse est, vt primò claudantur, vel constringantur exitus à musculo, & deinceps expectandum  
est



Cap. 2. Cau-  
sa non veræ  
motus mu-  
sculorū reij-  
ciuntur .

est quousque tanta copia sanguinis effundatur ab arterijs , quanta requiritur ad turgentiam efficiendam , & postea mora aliqua requireretur ad sanguinem copiosum in proximis venulis exilissimis exonerandum . Hæc autem repugnant experientiæ , quæ non diurno tempore , sed ictu oculi musculi etiam vasti inflantur , & detumescunt .

Adde , quòd actio musculi diuturna impediret cursum sanguinis per vasa in ipsum musculum penetrantia , quia inflata musculi carne , necessario molles vasorum intercepti canaliculi comprimuntur , & constringuntur , & propterea , durante constipatione , sanguis per eos excurrere non poterit ; quod est falsum , cum nunquam copiosius , & vehementius , circulet sanguis , quàm dum musculi assiduo motu exercentur .

Tandem hoc euincitur ex eo , quòd musculi agunt se contrahendo ne dum eo tempore , quo sanguis ab arterijs in eis transfunditur , sed etiam , quando sunt sitibundi , & deficit tale effluuium , nempe postquam arteriæ relectæ sunt : immo musculus cordis Testudinis abscissus , & aqua dilutus per duas , vel tres horas mouetur , pulsando absque gutta sanguinis . Quare musculi non mouentur , quia turgent , & inflantur à copia sanguinis , quæ carent , sed ob aliam longè diuersam causam .



## P R O P O S . XIX.

Cap. 2. Causæ non veræ morus musculorū reijciuntur .

Musculi contrahi vitali motu non possunt à sanguine impulso à vi motiua Cordis .

Cor esse veluti primum mobile systematis animalis sensu constat ; & ideo venia digni illi sunt, qui reliquas animalis motiones à corde pendere censuerunt. Videmus enim id indefesso motu pulsare , & magna vi sanguinem effundere per arterias ad omnes partes animalis. Hoc aliquibus ingessit , suavitque à vi motiua cordis posse musculos contrahi , mediante veloci immissione , & insinuatione sanguinis intra porositates musculorum , à quo inslantur tamquam à cuneis. Alij verò putarunt, cor non esse totalem , & principalem , sed adiuuantem causam contractionis musculorum. Nos verò has ambas sententias falsas , & impossibiles ostendemus .

Est procul dubio cor vnus ex musculis præcipuis animalis . Componitur enim ex fibris spiraliter inuolutis, tendinosiis, & carneis, eiusdem naturæ, consistentiæ , & structuræ , ac fibræ cæterorum musculorum habent ; quæ non secus, ac illæ videntur inflari indurari , & contrahi . Et quia Natura, nec multiplicitate causarum , & organorum , nec varietate delectatur , dicendum est cor eodem modo , & ab eisdem causis inflari , & contrahi , à quibus cæteri muscoli mouentur .

Si igitur ostenderimus, quòd Cordis musculus tendi, & pulsare non potest ob impulsione sanguinis in eo immissi , planè demonstratum erit, musculos ab ea-

F

dem

Cap. 2. Causa non veræ motus musculorū reijciuntur.

dem vi motiua non inflari, sed ab alia longè diuersa causa moueri.

Patet ex Anatome, cor duas arterias coronarias habere ad sanguinem immittendum intra eius molem musculosam, quæ oriuntur ab Aorta antequam è sinu pericardij egrediatur: & hæ habent proprias valvulas prohibentes sanguinis regressum, & in ipsa carne Cordis mole sanguis effusus ab arterijs, postea exugitur à venis coronarijs, & in dextrum ventriculum illius deferitur peculiari circulatione, vt ait Harueus.

Et quia vis motiua immediata, à qua sanguis per arterias omnes deferitur, est vehementissima tensio, & pulsatio cordis, quæ ad instar præli sanguinem in ventriculo sinistro eius contentum exprimit intra Aortam, & hinc intra coronarias arterias, & hinc intra carneam cordis substantiam. Ergo immissio sanguinis intra poros musculi cordis est effectus productus à contractione, & pulsatione eiusdem cordis. Cumque effectus producere suam causam nequeat, erit impossibile, vt insinuatio sanguinis vi cunei intra poros cordis efficiat eiusdem musculi contractionem, & proindè musculus Cordis à causa longè diuersa contrahi debet. Vnde deducitur, quòd neque cæteri musculi animalis inflari possint à sanguine.

Pro clariori huius rei expositione, considero, quòd cor in statu quietis sanguine turget, nedum repletis eius ventriculis, sed etiam vasis, porositatibus, & interstitijs fibrarum sanguine saturatis ad instar spongiæ. At quando fit pulsus, tunc inflatis fibris tota cordis moles constipatur, & induratur; & ideo necesse est, vt fluor sanguineus è ventriculis, è vasis, &

è to-



è tota spongiosa substantia Cordis tamquam à prælo , prorsus expellatur ; & propterea impiedietur aduentus noui sanguinis è coronarijs intra Cordis porositates ; cum tempore pulsus , cor solidam duritiem retineat , quæ sine constipatione , & restrictione cauitatum intelligi non potest . Estq ; talis cordis constipatio tãtę energiæ , vt ne dum euomat totum succum sanguineum in eo contentum , sed etiam eum impellat vsque ad extremos articulos animalis : ergo sanguis expressus , & in arterias coronarias immissus non habebit maiorem vim , quàm causa proijciens , nempè quã constipatio Cordis habebat ; & ideo minor vis motiua , quæ est effectus , non poterit vrgendo superare maiorem energiam causæ impellentis : Quare non poterit dilatare cauitates vasorum , & poros tam arctè constipatos . Et ideo in actu pulsationis Cordis sanguis è coronarijs arterijs non poterit effundi , nec insinuari intra Cor ; Sed quando sanguis abest , non potest inflare , nec implere . Igitur est impossibile , vt sanguis è coronarijs adueniens inflationem efficiat , qua cor induretur in actu pulsationis eius .

Cap. 2. Causæ non veræ motus musculorū reijciuntur.

Ex hac demonstratione colligitur diuersus operandi modus arteriarum coronalium à cæteris arterijs . Nam hæ sanguinem impellunt , & transmittunt eodem momento , & eadem actione , qua pulsant cor ; At coronariæ non item , transmittunt enim sanguinem intra cordis carneam molem tempore quietis eius , scilicet quando cor relaxatur , & ad instar spongiæ dilatat sua vasa , & porositates , vt excipiat sanguinem . Quia in actu pulsationis cordis portiones arteriarum coronalium , quæ antequam cor attingant , intra Pericardium natant , adeo sanguine replentur , vt ferè rumpantur ,

Cap. 2. Cau-  
sæ non veræ  
motus mu-  
sculorū reij-  
ciuntur .

eo quòd à valuulis proprijs impeditur regressus , & antèrius vasa stringuntur à cordis constipatione. Ergo à vi , qua transuersæ fibræ earumdem arteriarum se liberare conantur ab illa violenta tractione, nō secus , ac fides citharæ distractæ , sequitur vt cessante pulsu cordis , subitò à prædicta vi constrictiua sanguis ille interceptus promoueatur , & impellatur intra productiones eorūdem vasorum per cordis molem vniuersam disperforum . In subsequente verò cordis pulsu sanguis intra eius vasa contentus, cum nequeat regredi ob valuularum impedimentum , & ob vrgentiam noui sanguinis aduenientis, oportet , vt promoueatur per exitus patulos venarum coronalium ; & inde in dextrum cordis ventriculum labatur .

Cùm porrò musculosa cordis substantia repleatur , & infletur à sanguine coronalium , non quando pulsatur , sed potius quando quiescit , & relaxatur . Ergo non à sanguine, sed ab alia causa contrahitur , induraturque cor .

Quòd postea in reliquis musculis artuum eodem modo sanguis ab arterijs immissus, neque totaliter, neque ex parte adiuuando, efficere possit eorum contractionem , sic denuò ostendemus :

Quia eodem gradu virtutis motiuæ, qua pulsatur cor vi præli exprimit quoque sanguinem per vniuersum corpus ; & similiter ab eodem gradu energix sanguis expulsus, vt nuclei à digitis expressi, musculos inflat , qui suspēderent vasta pondera ab articulis subleuata . Verùm vires inter se æquales , & eadem energia , eodemque organo factæ non possunt immediatè, & absque machina superare resistentias valdè inæquales inter se .

Sup-

Supponamus modò , quòd ad sanguinis expressio-  
nem per totũ animalis corpus requiratur vis motiua ,  
quæ æquare posset resistantiam ponderis lib. 100.  
& posito etiam , quod eadem vis motiua ne-  
dum sanguinem exprimere debeat , sed insuper sub-  
leuare teneatur immediatè pondus libr. 1000. ne-  
mo sanæ mentis negabit , hanc actionem requirere ,  
vim motiuam decuplo validiorem illa .

Consideremus modò duplicem cordis actionem .  
Primò quando contrahentibus musculis artuum , cordis cõ-  
tractio sanguinem solummodo impellit per vniuersum  
animalis corpus . Secundò quando sanguinem impel-  
lit , & simul eum insinuat intra musculos insigniores  
animalis , tanta energia , vt suspendat pondus libr.  
mille , patet in prima illa actione decimam partem  
conatus , & virtutis motiue adhibere eius , quam in  
postrema actione exercet . At hoc euidenter falsum  
est ; nam eodem placido ictu , & æque laborioso , cor  
pulsat in primo , quam in secundo casu ; quod in ana-  
tome viuorum tactu percipitur , nam immixtus digitus  
intra cordis cicatricem , semper æquali vi constringi-  
tur , veluti à prælo siue musculi animalis agent , siue  
quiescant . Igitur est impossibile , vt musculi artuum  
inflentur , & contrahantur à sanguine immisso à vi  
pulsationis cordis .

Insuper confirmatur ; quia nunquam validiùs cor  
pulsat , & sanguinem vehementius impellit , quàm in  
febre ardenti : ergo tunc omnes musculi vsque ad tri-  
pudium vehementissimè agitari deberent , & tamen  
tunc ne dum fortius , & vehementiùs non agitantur ,  
immò prorsus quiescunt . Quare patet Propositum .

Cap. 2. Cau-  
sæ non veræ  
motus mu-  
sculorũ reij-  
ciuntur.



Cap. 2. Cau-  
sæ non veræ  
motus mu-  
sculorū reij-  
ciuntur .

## P R O P O S . X X .

Causam contractionis funis madidi  
inquirere .

Suspiciabitur fortè quispiam à sanguinis affluxu in musculis turgentiam , & duritiem , quæ validam eorum contractionem efficit, produci posse eodem , vel simili modo , & ab eadem causa , qua funes madefacti aquam celeri motu exugunt , & tanta vi ab insinuatis cuneis aqueis dilatantur ; & inflantur , vt ne dum contrahi possint , sed etiam vim habeant eleuandi maxima pondera ; vtque talis opinio accuratè examinari possit .

Videndum est , à qua causa funis madidus contrahatur .

a cap. 3.  
Prop. 183.

Et primò , quòd vis aeris compressiua non possit esse causa contractionis funis madidi colligitur ex demonstratis in libro de , Motionibus Naturalibus à grauitate pendentibus . Nam aquam in subtilissimis cavitatibus fistularum , spongiarum , vel interstitijs filamentorum funis immitti non posse à pondere , vel pressione ambientis aeris ibidem ostendimus .

b par. 1. cap.  
10.

Et licèt in siphunculis , & spongijs ascendat , & insinuetur aqua impulsà à vi ponderis eiusdem aque , tamen hæc causa non videtur sufficiens ad contrahendum funem cum vasto pondere appenso , vt facile demonstrari potest : Fibræ enim contortæ funis componunt fasciculum reticularem ex catenis , quorum anuli dilatantur à cuneis aqueis ; Et in ijs verificantur ea , quæ supra b demonstrata sunt .

Quod

Quòd nimirum in rhombo AEBD<sup>c</sup> appenso in A, & tracto à pondere Z alligato in B, vel in K, quælibet minima potentia dilatare potest funes AEB, & ADB; & suspendere immensum quodlibet pondus Z. d Vt si Z pendeat plusquam 10000. libras poterit suspendi à potentia vnus libræ, quæ dilatabit funiculos, quousque angulus EAD à funibus comprehensus, sit duorum minorum secundorum. Et tunc pondus Z verè suspendetur, & sursum ascendet per spatium minimum, quod minus est vna particula earum, qualium longitudo AEB funis in centum mille millenaria partium æqualium subdiuiditur.

Hęc contractio licèt multiplicetur pro multitudine rhomborū catenæ AK, tamen idēmet pondus Z æquè suspenditur: ab vno rhombo AB, quàm ab innumeris AB, BC, CK, &c. & æquè dilatantur. In vnoquoque enim eorum dilatatio ED ad decurtatam semialtitudinem AR eandem proportionem habet; & ideo potentiæ dilatantes multiplicantur, non vt maius pondus suspendant, sed vt id ipsum ad maiorem altitudinem transferant. Scilicet longitudo catenæ AGK ad eius decurtationem erit, vt 100000000. ad vnitatem; propterea quòd omnium rhomborum anguli à potentijs multiplicatis æquè dilatantur, nempè non vltra, quam duos minutos secundos:

Modò experientia constat, funem madidum ( cuius latitudo quarta pars crassitie digiti anularis fuit ) valdè decurtari vltra decimam sextam partem longitudinis eius, quæ amplissimum angulum dilatationis funium requirit, f nempè graduum 41. proximè.

Et tunc potentia funes dilatans maior, quàm sexquialte-

Cap. 2. Cat.  
sæ non verè  
motus mu-  
sculorū rei-  
ciuntur.  
c Tab. 15.  
Fig. 13.  
d Ibid. prop.  
99.

e Ibidem.

f par. 1. pr  
99.

Cap. 2. Cau.  
sæ non veræ  
motus mu-  
sculor i rej-  
ciuntur.

altera est resistentiæ Z, cuius pondus 16. libris mino-  
non fuit.

g Ibidem.

Quia verò in nostro experimento moles aquæ ma-  
defacientis laminam, seu cylindrum minimæ alti-  
tudinis mensuratæ à fibris minimis, funiculi rhombos  
componentibus, debuit esse tam exigua, vt non posset  
binas guttulas superare; Et tamen energia ponderis  
tantillæ aquæ suspendere valuit libras 16. quare, vt in  
tabula ibidem posita s videre est, binæ illæ guttulæ  
aquæ pendere debebant ferè vndecim libras, quod  
est falsum. Igitur est impossibile, vt à minimo pon-  
dere duarum guttularum aquæ dilatentur funes vs-  
que ad angulum graduum 41. & decurrantur vna  
sextadecima parte eius, atque suspendant pondus li-  
brarum sexdecim; ad hoc enim opus efficiendum re-  
quireretur pondus aquæ fere librarum 11. vt ex cal-  
culo deducitur.

Verùm aliundè patet, quòd causa motiua funem  
contrahens nulla alia excogitari potest, præter guttu-  
larum seriem, quæ ad instar cuneorum funem inflant,  
se insinuando intra spatiola comprehensa à filamentis  
spiraliter contortis, ex quibus ille funis componitur:  
Talis autem insinuatio fieri non potest, nisi viæ clau-  
sæ, aut restrictæ violenter aperiantur dilatando inter-  
stitia illa constipata, tum à vi consistentiæ, & duritiei  
funis, tum à vi ponderis prementis, à qua fibræ mu-  
tuò se tangere, & amplexari coguntur.

Quòdque præterea magna vis requiratur, vt cunei  
aquei intra poros funis insinuentur, suaderi potest ab  
ingenti resistentia, quam superant: nam pori ligni  
durissimi, vt buffi, iuglandis, & similium sunt stri-  
ctis-



atiffimi, rigidi, & ob duritiem difficilè dilatari possunt; & tamen videmus, quòd horum lignorum fibræ madefactæ ab aqua euidentissimè dilatantur, & ab invicem recedunt, se inslando, & spatium amplius intratum occupando. Nec hoc fieri potest absque eo, quòd minutissimæ aqueæ moleculæ intra buxi porositates violenter insinuentur. Ergo cogimur fateri, quòd aqueæ guttulæ vim habeant exercendi tam grandem violentiam; aliàs talis operatio non fieret.

Cap. 2. Cau.  
sæ non veræ  
motus mus-  
sculorū reij-  
ciuntur.

Erit igitur operæ pretium considerare modum, & necessitatem huius admirandæ operationis.

Et licèt euidentissimum sit, aquam vi suæ grauitatis insinuari in quaslibet porositates vacuas, aut aere rarissimo repletas iuxta axioma Archimedeum, quod exigit, vt fluida minus pressa à magis compressis expellantur<sup>h</sup>, vt locum cedant grauioribus, hoc sanè ex necessitate contingit ijs in locis, vbi pori tantæ amplitudinis, & capacitatis sint, vt excipere valeant moleculas aqueas: at difficile captu est, minimam vim grauitatis guttularum, terebrando strictas porositates ligni, aut funis, ampliores eas reddere posse, dissoluendo arctam, strictamque vnionem fibrarum, quæ ne dum à duritie ligni, & funis, sed etiam à tractione ponderis appensi producitur.

h De insi-  
den. fluido.

Hic nodus minimè dissolui posse mihi videtur, nisi ex doctrina à nobis tradita libro de vi Percussionis i.

i prop. 190.

Quia aqueæ guttulæ minutissimæ intra ligni, vel funis porositates ampliores, quàm sint guttulæ, insinuari quidem possunt, sed non absque motu locali; nec locale motum absque impetu exerceri possibile est. Igitur iam aqueæ moleculæ dum intra ampliores porositates

Cap. 2. Cau-  
se non veræ  
motus mu-  
sculorū reij-  
ciuntur .

K De vi per-  
cuss. pr. 190.

tates funis feruntur , agunt quidem non in quiete  
constitutæ grauitando , sed motu , & impetu affectæ  
contra resistantiam prorsus quiescentem, tenacitatis  
nempè fibrarum funis , & ponderis appensi . Verùm  
vis exigua guttularum aquæ , motu , & impetu affe-  
ctarum superare valet quamcunque vastam resisten-  
tiam motu priuatam , vt ostensum est <sup>K</sup> . Igitur pro-  
fluuium minimarum guttularum energia motus , &  
percussionis , insinuari potest , & terebrare vi cunei  
porositates , seu interstitia fibrarum funis, eas tanta  
violentiâ dilatando , vt possint superare resistantiam,  
vasti ponderis suspensi , & in quiete constituti.

### P R O P O S. XXI.

Musculos non inflari , & contrahi vitali motu à san-  
guine violenter immisso, aut ab aeris cōpressione,  
aut ab ipsomet pondere sanguinis eodem  
modo , ac funes madidi contra-  
huntur .

a De Mo-  
tion. natur.  
à grauitate  
pendentib.  
cap. 8.

Iisdem experimentis, & rationibus , quibus osten-  
dimus a aquam in fistulis subtilissimis , in spongijs, &  
filtris non insinuari à vi compressiua aeris, facillè euin-  
citur, sanguinem violenter in muscutorum spongiosita-  
tes immitti non posse à pressione eiusdem aeris am-  
bientis .

At hoc prætereà euidentius comprobari potest hac  
experientia facta à diligentissimo Boyle , & in nostra  
Academia experimentalis Medicea : in vacuo Torri-  
celliano multa animalia clausa diu mouentur , & agi-  
tantur , antequam pereant . At ibi magna ex parte  
spa-

spatium aere priuatur, aut saltem ad insignem raritatem redactus esset, & ideo non posset sua pressione ibidem non existente, sanguinem intra musculos insinuando, eos inflare, & contrahere, & propterea non deberent fieri motus illi consuulsiui tam violenti, vt experientia docet. Ergo fatendum est, non à vi compressiua aeris sanguinem intra musculos insinuari, & contractionem efficere.

Cap. 2. Cause non veræ motus musculorū reijciuntur.

Postea, quòd theorica in præcedenti propositione tradita, quæ tam exactè contractioni funis madidi adaptatur, minimè sufficiens sit ad musculorum contractionem saluandam, sic ostendemus.

Primò, quia funis tunc inflatur, & decurtatur, quando omnes eius internæ partes madidæ sunt: gracilescit verò, relaxatur, elongaturque, quando est omnino aridus, & humiditate aquea priuatus. E contra musculus, quâdo maximè sâguine irrigatur instar spōgia, tunc relaxatur, mollescit, elongaturque; At induratur, tenditur, contrahiturque, eiectò, & expulso sanguine, vel maiori ex parte diminuto, vt patet in corde, & in reliquis musculis, qui albicantes, & pallidi sunt, quando contrahuntur, & florido, rubicundoque colore donantur, quando relaxantur; immo si scalpello cutis musculi laxi secetur, copiosè sanguinem emittet, contra in statu turgido, & duro eiusdem musculi.

Hoc confirmatur exemplo penis, qui tenditur, erigiturque ab aduentu, & affluxu sanguinis, vt funis ab aqua, & valdè rubet in actu turgentia eius secus, ac musculi. Igitur musculi turgentia, & tensio non efficitur ab insinuatione violenta sanguinis intra eius



Cap. 2. Cau-  
sa non verè  
moris mu-  
sculorū reij-  
ciuntur .

substantiam , sed alia ratione longè diuersa ab infla-  
tione funis ab aqua .

Secundò, intra musculos immittitur sanguis incef-  
santer ab arterijs , quæ semper pulsant, siue velimus,  
siue nolumus : quare si ad instar funis madefacti mu-  
sculi inflarentur , & contraherentur à sanguine, vi pul-  
sus arteriarum insinuatò , aut semper contracti es-  
sent, vt in conuulsione contingit , aut pulsarent, vt cor.

b ex pr. 6.  
huius .

Sed dicere quispià posset, appositas esse in musculis  
valuulas quasdam, à quibus ingressus sanguinis intra  
poros musculorū semper impeditur, exceptis tēpori-  
bus, in quibus imperio volūtatis aperiūtur . At huius-  
modi subterfugium pluribus rationibus vanum esse  
apparet . Quia vis motiua, qua sanguis immitti debet  
ad instar cuneorum intra poros musculorum, est tam  
grandis , & valida, vt ingentia pondera suspendere  
possit , & hæc agit contra valuularum resistantiam,  
ante ingressum , nempe in toto decursu, quando mu-  
sculi non agunt , & deinceps contra resistantiam arti-  
culi , & ponderis appensi agunt . Igitur Natura inu-  
tili labore, assiduo , & continuato totius vitæ decursu  
fatigatur , vt tantummodo per breue tempus muscu-  
los inflando, articulos, & appensa pondera sustineant,  
quo nihil ineptius excogitari potest . Præterea vis, &  
energia valuulæ , quæ æqualis esse debet impulsioni  
sanguinis arteriosi, pariter exercenda esset totius tem-  
pore, quo muscoli quiescunt, & otiantur, actione fru-  
stranea , & stultissima .

Insuper si sanguis vi cunei inflat musculos, vt aqua  
funem, restat semper maxima difficultas , quomodo  
relaxantur, & detumescunt, debent enim tolli cunco-  
li illi sanguinei intra poros fibrarū musculorum exi-  
sten-

stentes; at hoc difficillimum est, nec fieri potest momento, nec sine vi æquali ei, à qua cunei illi insinuati fuerant.

Cap. 2. Causæ non veræ motus musculorū reijciuntur.

Tertiò, vulgari sententiæ, quæ ex rubore faciei hominis in ira, & pudore, & ex pallore in metu, deducit, quòd sanguis mouetur ab animi affectibus, & ideo immediatè subijciatur imperio voluntatis, acquiescere non possum, quia talis rubor, & diffusio sanguinis ad genas consequitur immediatè ex cordis vehementia, & frequenti agitatione in ira, & pudore, eo quòd maior copia sanguinis diffunditur per arterias, quàm excipi possit à venis faciei, & proinde repletis, & turgescitis venis capillaribus cutis rubescet. E contra timore languet cordis pulsus, & ideo minor copia sanguinis per arterias diffunditur, quàm redeat per venas, vnde capillares venæ exinanitæ pallidum colorem efficient, sed si consideretur simplex actio voluntatis, hæc per se, & immediatè, nec ruborem, nec pallorem creat. Hinc ergo non sequitur, quòd ab imperio voluntatis actione immediata sanguis ad determinatum muscolum immittatur, & ab alio retrahatur, sed mouetur iuxta naturæ exigentias ab organis naturalibus, quæ agunt, nobis non aduertentibus, & dormientibus, siue velimus, siue nolumus. Sed musculi inflatio, & contractio subijcitur immediatè imperio voluntatis nostræ, quæ sanguinem impellere non potest. Ergo non à sanguine immisso ad instar cuneorum musculi agunt.

Quartò, videmus, quòd funis non potest vndique humectari momento, sed tempore sensibili; quia particule fluidæ non possunt libero cursu per angustias pororum funis moueri, & penetrare vsque ad inci-

Cap. 2. Cau.  
 se non veræ  
 motus mu-  
 sculorū reij-  
 ciuntur.

mas funis partes, & ideò tardo motu ferri debent, vt docet experientia. E contra musculi contractio est velocissima instar fulminis: ergo talis inflatio non fiet motu locali à sanguinis penetratione intra porositates musculorum.

In contrarium adduci posset exemplum filtri, vel spongiæ, quæ si arida fuerint, non possunt, nisi prolixo tempore ab aqua inflari, & si madida fuerint, citissimè aquam exugunt vsque ad turgentiam. At valdè diuersa est structura, & operatio funis à spongiæ rarissima porositate: hæc enim post turgentiam, manu compressa, & expulsa aqua, rursus expanditur, eiusque porositates aere replentur, & sic exugere aquam contiguam facilè potest, & breui tempore, quia viæ pororum madidæ non retardant ingressum aquæ aduenientis. At ex fune duro non potest per compressionem aqua exprimi, nec deinceps eius pori aere repleri possunt, cum nec compressionē, nec dilatationem patiatur. Et ideò fieri non potest, vt funis sit madidus, & eius pori ampliati ab aere repleantur; & propterea nouam aquam exugere non potest, vt sponsia. Et licèt madefactio funis fieret tempore non prolixo, tamen exiccatio, & expulsio humoris aquei difficillimè, & diuturno tempore fieret, ita vt expectandum esset, quousque aqua illa in vapores dissolueretur, & exhalaret. Nec artificium adhuc excogitatum est, quod sciam, quo momento funis arescat; è contra musculus ictu oculi exinanitur, & detumescit. Igitur musculus non contrahitur ab insinuatione sanguinis eo modo, quo funis ab aqueo humore inflatur, & decurtatur.

Postremò in corde testudinis auulso, & in partes dif-




dissecto, & in musculis anguillarum, & serpentum aqua dilutis, videmus, quòd per multas horas per vi-  
ces motiones, & contorsiones fiunt, & in ijs, neque sanguinis effluuium intra poros musculorum fit, ne-  
que aliundè subministrari potest, cùm ibidem ne gut-  
ta sanguinis adsit. Neque à succo in ijsdem musculis  
contento inflari possunt ad instar funium, cùm æquè  
madidi sint dum contrahuntur, ac dum relaxantur.  
Igitur nullo modo possunt contrahi muscoli ab afflu-  
xu sanguinis ad instar funium madidorum.

Cap. 2. Cau-  
sa non veræ  
motus mu-  
sculorū reij-  
ciuntur.

## C A P V T I I I.

*De Causis probabilibus Vitalis contractionis  
Musculorum.*

**C**VM ex superius dictis fateri cogamur, actio-  
nem vitalem musculi, scilicet eius contractio-  
nem, & turgentiam pendere à causis longè diuersis à  
sanguinis effluuiio, immisso, siue à vi motiua ipsius  
sanguinis, siue à pressione aeris ambientis, siue à vi  
impulsiva cordis, vel à vi ponderis, & motus ipsius  
sanguinis, vt funes madidi contrahuntur; tentabi-  
mus veram causam huius admirandæ operationis pro  
viribus indagare, & quibus organis, & mechanicis  
operationibus peragatur.



Cap. 3. De  
causis pro-  
babilibus  
vitalis con-  
tractionis  
musculorū.

## P R O P O S. XXII.

Ad musculorum contractionem vitalem faciendam,  
duæ causæ requiruntur, quarum vna in ipsis  
musculis existat, altera forin-  
secus adueniat.

Quia omnes muscoli, paucis exceptis, non agunt  
vitali motu, nisi quando volumus: & imperio volunta-  
tis à cerebro, quæ est regia animæ sensitiuæ, & loco  
motiuæ, non transmittitur per alias vias, quàm per  
neruos, vt omnes fatentur, & euidentissimæ experien-  
tiæ euincunt: cùmque præterea reiecta iā sit actio in-  
corporeæ facultatis, & spirituum aereorum; ergo ne-  
cesse est, vt aliqua substantia corporea per neruos ad  
musculos transmittatur, vel commotio ab ea commu-  
nicetur, quæ possit validissimam inflationem istu ocu-  
li efficere.

At quia inflatio, durities, & contractio non fit in vijs,  
per quas diffunditur, & vbi existit motiua facultas,  
nempe in neruis ipsis, sed extra ipsos, scilicet in mu-  
sculis. Igitur substantia, aut facultas, quam nerui  
transmittunt per se sumpta, sufficiens non est ad infla-  
tionem illam efficiendam; sed necesse est, vt aliquid  
aliud adiungatur, quod in ipsis musculis reperitur; aut  
ibidem abundè subministretur, ex quarum substantia-  
rum missione consurgat quid simile fermentationi,  
aut ebullitioni, quæ subitaneam illam musculorum,  
inflationem producat.

Quòd verò talis operatio sit possibilis, patet innu-  
meris experimentis, quæ passim in chemicis elabora-  
tio-

tionibus obseruantur, sic spiritus vitrioli effusus super oleum Tartari : sic omnes spiritus acidi salibus fixis commisti subito fermentatiuo motu ebulliunt. Igitur pariter in musculis non dissimilis mistura fieri potest, ex qua fermentatio, & ebullitio subitanea subsequatur, à cuius mole porositates musculorum repleantur, & ampliuntur, & consequantur turgentia, & inflatio.

Cap. 3. De  
causis proba-  
bilibus  
vitalis con-  
tractionis  
musculorū.

Præterea, quòd ne dum possibilis sit, sed etiam necessariò admittenda sit talis mechanica operatio, suademur ex eo, quod exactè phænomenis satisfacit; & quia nullus alius modus possibilis, & facilior occurrat, & quia natura nunquam consuetos, faciles, & obuios operandi modos relinquit. Et proindè probabiliter concludere possumus, non esse diuersam operationem, quam natura in musculis exercet.

### P R O P O S. XXIII.

Structuram fibrarum, neruorum, earumque vim,  
& operationem inquirere.

Restat modò inquirendum, quid nam per neruos immittatur, qua vi, & modo impellatur, & per quos canales?

Et primò, vt ordo doctrinæ exigit, quærenda est structura fibrarum neruorum. Et patet, neruum esse fasciculum, seu capillamentum ex pluribus filis fibrosis compositum, atque inuolucro quodam membranoso colligatum. Vnaquæque fibra caua esse posset, vt sunt arundines, & vasa sanguinea, nonobstante, quòd ob visus hebetudinem solidæ, & repletæ appareant.



Cap. 3. De  
causis pro-  
babilibus  
vitalis con-  
tractionis  
musculorū.

reant. Quis enim conspiciere potest poros, & canaliculos cutis nostræ; aut quis vidit vnquam cavitates, & foramina venarum, non dico Pulicis, sed animalculi intercutanei Acari? Cuius venæ, eorumque ductus, adeò exiles sunt, vt ægrè eos imaginatione concipere valeamus. Et tamen per eas succus sanguineus ad animalculi nutritionem transmittitur. Si igitur impossibile non est, fibras nerueas esse fistulas cauas, planè libentiùs concedere possumus, eas esse tubulos repletos substantia quadam spongiosa, & madida simili medullæ sambuci virentis, ferulæ, aut cannæ indicæ. Quòd confirmatur ex eo, quòd nerueæ fibræ, ne dum molles, flexibiles, lubricæ, & semper madidæ sunt, sed etiam quia nutrimentum humidum admittunt, & sorbent; atque ex eis succus extillat. Quæ omnes proprietates requirunt porositates spongiosas à succo aliquo irrigatas, quod perindè est, ac substantia spongiosa, & madida repleri.

Concipiantur modò cavitates spongiosæ earumdem fibrarum neruearum semper madidæ esse, & repletæ vsque ad turgentiam succo, seu spiritu è cerebro communicato. Et sicuti videmus in intestino aqua repleto, & vtrimque clauso, quòd vno eius extremo impulso, compresso, & leuiter percusso, subito commotio, & concussio ad oppositum terminum intestini turgidi communicatur, quatenùs fluidæ partes inter se contiguæ, longo ordine se consequentes, vna alteram impellendo, & concutiendo, motionem diffundunt vsque ad extremam intestini partem; sic paritèr à quacunque leui compressione, ictu, aut irritatione facta in principijs caniculorum fibrarum neruearum in ipso cerebro existentibus, necesse est, vt ipsæ  
fibræ

fibræ concussæ, & agitatæ instillent guttas aliquas illius succi, quo turgent internæ earum spongiosæ substantiæ intra musculorum carneam molem.

Cap. 3. De  
causis proba-  
bilibus  
vitalis con-  
tractionis  
musculorû.

## P R O P O S. XXIV.

Succus nerveus à voluntate instillari potest  
intra musculos.

Spiritum animale esse substantiam fluidam, subtilissimam, purissimam, & se mouentem, videtur negari non posse. Præterea percipere non possumus, actum volitionis, & appetitionis facultatis sensitivæ fieri in omnimoda quiete, & sopore eorundem spirituum animalium; sed videtur necessarium, ut in cerebro motione aliqua locali spiritus agitentur, ut exigit eorum indoles virtutis se mouentis.

Hinc fieri posse percipimus, ut iidem cerebri succi, seu spiritus agitati commoveant, vel conuellant, aut concussivo motu, aut acredine pungitiua (qua fortè pollent) principia fibrarum alicuius nervi; & sic eum irritent, & titillent. Cumque nervorum structura, & temperies valde delicata, & sensitiva sit, ut experientia constat; tactis enim levi festuca internis naribus, aut auribus, tanta vehementia nervi concutiuntur per uniuersam eorum longitudinem, ut convulsivos motus sternutationis, & tussis excitent. Igitur mirum non est, ut à leui commotione, aut irritatione nervorum facta in cerebro producatu concussio quædã convulsiva per totam eorum longitudinem; ex qua deinceps expressio, & effluuium aliquarum guttula-

Cap. 3. De rum illius succi, quo ductus fibrarum neruearum tur-  
 causis pro- gent, subsequatur . . .

babilibus Et quia extrema orificia earundem fibrarum ner-  
 vitalis con- uosarum , vbique per muscoli molem dispersarum ,  
 tractionis licèt aperta sint, tamen ipsa textura spongiosa , qua  
 musculorū . fibræ præditæ sunt , valuularum officium supplet: vi-  
 demus enim à spongia madida guttulas pendulas nō  
 effluere. Hinc fit, vt vis concussiuæ requiratur ad ex-  
 pressionem faciendam .

Hæc forsan esse causā potest, cur ad imperium vo-  
 luntatis succus nerueus per totam muscoli molem  
 euomitur , & instillatur .

#### P R O P O S . XXV.

Peritiam habitualem , qua spiritus animales deter-  
 minatos neruos in cerebro agitant , non  
 natura, sed exercitio, & experien-  
 tia acquiri , credibile est.

Fateor, me non percipere mechanicam operationē,  
 qua motus spirituum in cerebro imperio voluntatis agi-  
 tati eos dirigant ad titillandos certos , & determina-  
 tos musculos , Vt si velim manum extendere, spiritus  
 dirigantur non ad neruos pedum , aut thoracis , sed  
 ferantur ad eos , qui ad manus pertingunt, vt eos ti-  
 tillent.

At si balbutiendo, aliquid loqui velimus, puto, quod  
 non omnes actus volitionis fiant iisdem spirituum  
 motionibus , scilicet in quolibet appetitionis actu  
 spiritus non eodem modo , rhythmo, celeritate, & ad  
 easdem partes vergentes moueantur, sed diuersissi-  
 mis



mis modis ; ita vt tot numero sint motus spirituum in cerebro , quot sunt actus volitionis . Et proindè in vnoquolibet appetitionis actu spiritus dirigantur , & deferantur ad determinatam cerebri regionem ; vbi nimirum situati sunt nerui , qui executioni eiusdem volitionis destinati fuerant.

Cap. 3. De  
causis pro-  
babilibus  
vitalis con-  
tractionis  
musculorū.

Quòd verò tales motus interni , non naturali , & cæca necessitate fiant , vt grauium descensus , sed habitu quodam à frequentibus actibus acquisito fieri possint , nobis non aduertentibus , patet innumeris experimentis . Citharistarum digiti diuersas fides non ratiocinando , sed habitu quodam tangunt , & pulsant incredibili velocitate , & artificio . Et adeò verum est , aduertentiam , reflexionemque non esse necessariam in tali actione , quòd si Citharistæ velint reflectere , & curare , vt digitorum motiones ritè , & secundum artem fiant , potius errent , & confundantur , quàm exactiùs harmonicos sonos edant .

Sic paritè possibile est , vt experientia , & monitione sapitiùs tentando , & errando edocti in infantia habitum acquisiuerimus immittendi spiritus ad neruos pedum , cum ambulare decreuimus , & sic in alijs motionibus . Hanc sententiam non esse omninò absurdā non pauca experientiæ suaserunt . Obseruaui enim multoties titubationes Puerorum , & labores , quibus formicæ grana hordei per salebrosas vias accliuēs impellere conabantur ; hæ quidem postquam in casum plures motiones tentassent , & vt inutiles reiecissent , tandem eam auidè retinebant , quæ ad finem optatum conducebat . Sic mihi suadeo , ab initio spiritus animales , cum volunt manum , verbi gratia , mouere , ob imperitiā innumeras agitationes tentare ,

& ex-

Cap. 3. De  
causis pro-  
babilibus  
vitalis con-  
tractionis  
musculorū

& experiri, immittendo spiritus ad pedes, aut linguā, aut aliò, & postquam in cassum fatigati fuerint, reiectis vanis, & inutilibus conaminibus, tandem eum motum retinere, qui ab experientia comprobatur. Cumque talis habitus acquiratur ætate infantili, stolidi, immemori, & vtilitatis non sapientiæ studiosa, sit vt nobis inscijs, retineamus postea altius impressam artem, & habitum, quo spiritus in cerebro moueri debent, vt certas artuum motiones exequi valeant.

P R O P O S. XXVI.

Sanguinem esse alterum elementum concurrens ad inflationem musculorum efficiendam.

Quia, vt dictum est, succus nerueus per se sumptus feruorem, & inflationem in musculis producere non potest, eo quòd si per se, & sine alterius auxilio, & mistione rarefieret, & tumorem produceret, planè in ipsis neruis, vbi causa motiua, nempe imperium voluntatis existit, viget, & agit, & vbi materia rarefactibilis, scilicet succus nerueus abundat, turgentiam, & feruorem conciperet; non verò in musculis, vbi parè, & guttatim instillatur, & vbi à mistura heterogeneorum succorum potius debilitaretur vis illa succi neruei. Nec in musculis impedimenta videntur tolli posse, nam loci angustia in neruis maior, quàm in musculis potius vim percussiuam rarefactionis augeret, vt patet in sclopetis, & in cuniculis aere condensato repletis. Nec angustia neruorum impedire potest feruorem; vt flamma in locis clausis non accenditur, quia muscoli æquè clausi vndique sunt,

vt

vt nervi, nec inflatio musculorum fit vera accensione, vt patet sensu. Necesse ergo est, vt in musculis aliquid aliud reperiatur, quod simul cum succo nerueo immisto ab imperio voluntatis rarefactionem, & inflationem momentaneam efficere valeat.

Cap. 3. De  
causis proba-  
bilibus  
vitalis con-  
tractionis  
musculorū.

Videndum modò est, quodnam aliud elementum in musculis reperiatur, quod esse possit subiectum, & materia fermentationis, & ebullitionis eorum.

Et quia sensu patet, nil aliud in musculis reperiri præter fibras, lympham, & sanguinem copiosè immisum ab arterijs, à quo impletur tota carneam moles musculosa; Ex ijs verò scimus, fibras, & carnes vi propria contractiva irritatas, imperio voluntatis ab acredine succi neruei, non posse inflationem tam validam efficere, vt hætenus insinuauimus <sup>a</sup>. Nec præter ea lymphã, aut sanguinẽ impulsam à spiritibus animalis, aut ab aere externo, aut à cordis compressione, vel vi ponderis, vt funis inflatur ab aqueis guttulis, veluti à cuneis. <sup>b</sup>

a huius c.1.

b huius c.2.

Restat solummodo, vt ex mistione succi neruei cū lymphâ, vel cum sanguine, fermentatio, & ebullitio oriatur similis eis, quæ passim in chemicis elaboratorijs obseruantur; aliter enim talis operatio non videtur saluari posse.

## P R O P O S. XXVII.

Necessitas, & modus mechanicus, quo ebullitio, & intumescencia in musculis fieri potest, declaratur.

Procul dubio inflatio, & detumescencia musculorum, quæ ab imperio voluntatis fit momento, nullo  
mo-



Cap: 3. De  
causis pro-  
babilibus  
vitalis con-  
tractionis  
musculorū.

modo percipi posset ; imò existimaremus, eā esse im-  
possibilē, nisi experimenta chimica suaderent, passim à  
natura fieri operationes similes illis . Sales enim flui-  
di, & liquores acetosi commisti liquoribus salinis al-  
terius generis, scilicet fixis , aut alcalisatis ebullitio-  
nem , & luctam excitant . Et quod præcipuè ad rem  
nostram facit, est experimentum à Vvillisio relatum ,  
quòd si sanguini, dum incalescit , infuderis spiritum  
vini, cornu Cerui, fuliginis, vitrioli, aliussuè liquoris  
in primis spirituosi, aut salini, mira ebullitio, & effe-  
uescentia exoritur .

Cùm porrò dubitare non possimus, succum in ner-  
uis à cerebro communicatum summè spirituosam, sa-  
linam , & volatilem naturam habere , tùm quia est  
instrumentum animæ sensitivæ , & loco motivæ, tùm  
etiam, quia sapor eius dulcis , & gratus salinam natu-  
ram eulentissimè declarat .

Et aliundè sanguinem salibus alchalisatis abunda-  
re tùm gustu, tùm ex contractu , & vnione vrinæ san-  
guinem irrigantis , tùm etiam experientia chimica,  
constat . Igitur ex affusione succi neruei intra san-  
guinem calentem necessariò subsequi debet feruor, &  
ebullitio .

Postea , quia fibræ, & carnes musculorum perpetuò  
à sanguine humectantur, & madescunt , vt spongiæ ;  
Igitur à canalibus nerueis succo spiritoso turgidis  
immiti possunt , & effundi intra sanguinem in mu-  
sculis contentum spiritus illi ab imperio voluntatis  
conuulsione quadam instillati ; Et sic feruorem , &  
ebullitionem excitare possunt ferè momentaneam in  
fibris, seu fistulis spongiosis musculorum, vel in eorum  
interstitijs , vnde inflatio, durities, & contractio mu-  
sculorum consequatur .

Mo-

Modus verò mechanicus, quo talis ebullitio, & efferuescentia perficitur, non est diuersus ab eis, qui per vulgarem fermentationem fiunt, in quibus omnibus non creantur de nouo vires motiuæ, sed illæ, quæ impediabantur, sui iuris factæ, exercere possunt suam naturalem indolem; nempe quia particulæ misti corporis, quæ sponte sua moueri potuissent, nisi impeditæ fuissent à textura, & colligatione partium crassiorum, & terrearum, postea vinculis solutis, & postliminiò sibi redditæ, suam indolem motiuam exercere valent.

Sic videmus, quòd in filice à simplici contusione, & percussione chalybis diffingitur textura faxi, & ideò igniculi, qui ibidem colligati erant, exilire possunt. Id ipsum in ligno confricato, eraso, aut compresso contingit.

Sic simplex aqua, dissoluendo faxi calcinati vnionem, liberum exitum permittit igniculis, qui in illius anfractibus latitabant, vnde ebullitio illa exoritur.

Sic sales in formam fluidam redacti, poros coralli, & metallorum penetrando, suis mucronibus, veluti limis, abradendo, & dissoluendo corpora illa dura, exitum parant igniculis, qui intra eorum poros latitabant.

Sic ijdem sales fusi, alios Tartari sales fixos dissoluendo, liberum exitum igniculis, & alijs particulis se mouentibus concedunt; vnde calida ebullitio creatur.

E contra, oleum vitrioli, dissoluendo contexturam salium ammoniacorum, exitum concedit particulis se mouentibus, non igneis, quibus ammoniacum caret, sed frigidis; vnde ebullitio gelida exoritur.

Non secus spiritus vini, cornu Cerui, & tandem,

Cap. 3. De  
causis pro-  
babilibus  
vitalis con-  
tractionis  
musculorū.

Cap. 3. De  
causis pro-  
babilibus  
vitalis con-  
tractionis  
musculorū.

succus nerueus summè spirituosus, & salinus dissol-  
uendo texturam salium alchalisatorum, quibus san-  
guis intra musculos contentus abundanter impregna-  
tur, sunt potissimæ causæ, vt particulæ se mouentes,  
salinæ carceribus diffractis, suam indolem motiuam  
liberè exercere valeant: & sic illam ebullitionem pro-  
ducere possint; quia porositates momento turgidæ,  
& inflatæ redduntur.

Colligitur ergo ex dictis causa, & actio mechani-  
ca, qua ab imperio voluntatis conuulsiua vi succus  
nerueus intra musculos instillatur, & momento infla-  
tionem eorum producit, quæ tandiū durabilis, &  
perseuerans erit, quandiū causa dispoſitionis adest, quæ  
est instillatio succi neruei. Qua cessante languet, &  
dissipatur musculi turgentia; non secus, ac splendor  
cessat, remota flamma, quæ lumen continenter re-  
nouat.

### P R O P O S. XXVIII.

Difficultatibus, quæ contra expositam theoriam  
adduci possunt, satisfit.

Magis commendabile semper mihi visum est insti-  
tutum illorum, qui potius se ignorare rerum natura-  
lium causas profitentur, quàm eorum, qui sibi pote-  
statem faciunt quodlibet audendi in Philosophia.  
Attamen in utroque peccatur; non enim hypothe-  
ses fictas admittere debemus, quæ instituto naturæ,  
& rationi conformes non sunt; nec à qualibet diffi-  
cultate terreri debemus, nisi prius eius momenta  
diligentissimè expenderit. Quapropter laudare  
non



non possum eos, qui negant, vitalem musculorum contractionem fieri posse ab efferuescentia spirituosissimi succi à nervis effusi, & commixti cum salino liquore sanguinis intra porositates musculorum, ob has difficultates.

Cap. 3. De causis probabilibus vitalis contractionis musculorum,

Primò, quia ebullitio talis imaginatione, non à sensibus comprobatur.

Secundò, quia muscoli dum contrahuntur, non augentur mole.

Tertiò, quia efferuescentia, quæ à fluoribus chemicis excitatur, diù perseverat, nec momento extinguitur; at musculi contractio fit citius ictu fulminis, & momento cessat, & toties restauratur, quoties volumus, & perseverat agendo, quamdiù volumus.

Quartò, quia abscisso capite à testudinibus, & ab insectis, & auulso corde è ranis, anguillis, & viperis, diù perseverat motus in musculis eorum. Ergo talis motus non fit ab effluxu spirituum à cerebro derivatorum. & sanguinis à corde impulsivi.

Quintò, quia sensu constat, fieri motum musculi immediatè à fibra motrice, actione mechanica nobis ignota, cum musculus cordis testudinis, & crurum ranæ per vnam, vel alteram horam pulset, & postea à punctura acus, aut tactu succi corrosivi reuiuiscat, de-nuò pulsando.

Hiscè omnibus difficultatibus fieri satis mihi posse videtur.

Ad primum. Respondeo nil referre, quòd non conspiciamus ebullitionem, quæ in poris fibrarum fit, dummodò ab effectu necessario id deduci possit. Tales effectus sunt molis musculi inflatio, & induratio, quæ necessariò ab incuneatione violenta

Cap. 3. De  
causis pro-  
babilibus  
vitalis con-  
tractionis  
musculorū.  
a Prop. 15.  
huius.  
b pr. 15. hu-  
ias.

alterius corporis fieri debent, vt ostensum est<sup>a</sup>. Si-  
cuti ex eo, quòd chimicorum vasa, oua, & castaneæ  
in igne copioso crepant, & dissiliunt, euincitur, quòd  
intra eorum ventres facta sit grandis ebullitio, licet  
oculis non appareat.

Ad secundum patet responsio ex dictis b; verè  
enim muscoli inflantur, & augentur mole ob duri-  
tiem, & euidens incrementum musculi cordis.

Ad tertium aio, quòd efferuescentia in musculis  
momentanea esse potest, secus quam in fluoribus fa-  
linis chimicorū. Pro cuius clara intelligentia aduerto,  
quòd ratio, ob quam ebullitio in musculo citò fit, &  
momento cessat, non est, quia succi illi fermentitij,  
completa inflatione, ab inuicem separantur, & ad di-  
uersa receptacula reconduntur (vt aliqui censuerunt)  
sed quia dissoluuntur, & consumuntur, aut ambo, aut  
vnum ipsorum, sicuti in puluere pyrio omnes partes  
componentes, carbones, sulphur, & nitrum simul flā-  
mam concipiunt, & consumuntur, & ideò momento  
accenduntur, & subito extinguuntur. At diù perse-  
uerare flamma accensa posset, si successiuè nouus  
pulis nitratus superadderetur, morulis adeò breui-  
bus, vt sensus distinguere interruptiones non posset;  
sicuti titio circumductus representat circularem  
ignitam lineam non interruptam.

Verum differt efferuescentia salium fluidorum ab  
accensione pulueris nitrati; quia fluores illi non su-  
bitò per minima vniuntur, sicut puluisculi nitri, sul-  
phuris, & carbonum exactè commixti sunt. Et ideò  
quamdiù nouæ vniones illorum fluidorum sunt, vna  
post alteram in diuersis locis, perseverat ebullitio, &  
lucta per aliquod tempus. At si artificio aliquo innu-

meræ

meræ particulæ spiritus salini ad instar roris caderent super alium salinum succum, fieri posset momentanea efferuescentia, citò nempe consumptis spiritibus illis : Et perseverare posset per aliquod tempus illa efferuescentia, si denuò noua pluuia rorifera succederet sæpiùs reiterata.

Cap. 3. De  
causis pro-  
babilibus  
vitalis con-  
tractionis  
musculorū,

Id ipsum in musculis verificari posse videtur, quia filamenta neruosa multiplicia ad instar radicum arboris, non à tendinibus, sed à trunco illius rami neruei, qui in prædictum musculum inseritur, sparguntur inter musculi fibras, & ab eorum orificijs simul tempore ob conuulsuam irritationem effundi possunt guttulæ minutissimæ spirituum, quæ omnes cum sanguine in musculis existente momentaneam efferuescentiam concipere possunt ad instar accensionis nitratu pulueris; talis autem ebullitio ex sui natura subito cessare potest, consumptis nimirum spirituosis illis guttulis; & eatenus perseverare potest, quatenus nouis, & assiduè repetitis conuulsuis irritationibus, nouæ effusiones rorifæræ spirituum, & inde cum sanguine nouæ efferuescentiæ, & hinc inflationes pororum musculi, & tandem valida eius contractio continuata produci potest.

Ad quartum respondeo, mirum non videri, quòd per breue tempus Testudines truncato capite, & auulso Corde, eorum musculi concuti, & agitari valeant, Rana saltare, & Viperæ inflecti possint. Quia succi spirituoosi hætenus à Cerebro intra neruos transmissi, & sanguinis reliquiæ in poris musculorum relictæ possunt efferuescentias posthumas efficere; irritatis nempe neruis à punctura, sicuti priùs nedum

in



Cap. 3. De  
causis pro-  
babilibus  
vitalis con-  
tractionis  
musculorū .

in Cerebro , sed etiam in ipsis filamentis irritati con-  
uellebantur .

Sed dices, quomodò paucae guttulæ succi spirituosī, quæ in illo truncato nervo remanserant, sufficient ad tot feruores efficiendos per horas integras? Eo, inquam, modo , quo à paucis Moschi , & Zibethi granis effluit substantia odorosa , scilicet particulæ corporeæ per aërem dispersæ , quæ fumos fragrantissimos per mille cubicula , atria , vias , & plateas spargunt , & hoc effluuium perseverat per plures menses absque sensibili molis , aut ponderis Moschi , & Zibethi diminutione . Ergò simili modò succi spirituosissimi in nervis resectis existentes, à novis irritationibus conuulsivis exprimi possunt subdivisi in exilissima stillicidia ( scilicet in particulas corporeas æquè minutas , ac sunt granula odorosa per aerem dispersa ) quæ immista cum reliquijs sanguinis intra fibrarum poros existentibus possunt effervescentias , & tumores musculorum excitare , à quibus contractiones efficiantur . Quæ postea reiterari possunt, quousque omninò succi illi absumantur, vel concresecant , aut musculorum fibræ arefiant . Huic coniecturæ præclare experientia suffragatur . Cor enim Testudinis avulsū, resectū, & dilutū diū pulsatur, quousque externa cutis arefacta , & corrugata sit , & tunc denuò ab aqua humectata reuiuiscit , & pulsatur, tandem post vnam , vel alteram horam , quando extinctū omninò videbatur, acu punctum , aut succo corrosivo irritatum, pulsare bis & ter obseruavi . Ex quo conijcio , quòd sensitiva facultas in illo Corde non prorsus extincta, à corrosiva punctura nervi molestata

lestata, grandi conatu neruum ipsum conuellendo, exprimere possit extremas illas guttulas succi neruei. Nec mireris, motiuam, & sensitiuam facultatem in Corde abscisso, & in eius neruis remanere posse; hoc enim communis Schola Peripatetica constanter pronunciat, dum in reptilibus animalibus Animam diuisibilem ponit, & ideò caudam serpentis abscissam moueri, quia animæ portionem retinet. Et profectò nisi sensum doloris pars illa perciperet, non conuelleretur, nec ageretur eodem modo, quo priùs in animali viuente annexa concutiebat; Quia lenis illa punctura acus non habet vim exiccandi, vt inde sequatur contorsio similis ei, quæ fit in tabulis ligneis madidis, quando vna eius facies igni exponitur, Nec acus vim habet torrefaciendi, vt pelles, & pili ab igne torrentur. Nec demum acies acus alterationem inducit similem ei, quam succi corrosui producunt; sed solummodò debilem motum in fibris cordis affert contactus ille pungitiuus, qui motus, cum sit tardus, & debilissimus, non poterit impetum, & concussionem se ipso maiorem producere in illo Corde. Præterea debilis impulsus acus non poterit commouere reliquas omnes partes Cordis, quas acus non tangit, & quæ tenaci, & dura vnione mutuò non connectuntur; & ideò dicendum est, quòd spontè neruus concutiat, irritatus nempè à punctura illa, eodem modo, ac in viuente animali contingit: quare percipiet quoque neruus abscissus sensum doloris.

Ad quintum patet responsio ex dictis. Vnde colligitur, quòd illi, qui tam confidenter energiam, qua musculi imperio Voluntatis ingentia pondera sustinent

Cap. 3. De  
causis probabili-  
bus  
vitalis contractionis  
musculorū.

Cap. 3. De  
causis pro-  
babilibus  
vitalis con-  
tractionis  
musculorū.  
c. part. 1.  
prop. 7.

nent, propriam esse aiunt ipsius fibræ motricis muscu-  
losæ à verborum obscuritate decipiuntur, & non  
aduertunt impossibilitatem propriæ assertionis. Quia  
vis contractiua propria ipsius machinæ materialis  
fibrarum debilissima est, vt demonstrauimus: & est  
impossibile, vt spontè contrahatur eleuando vasta  
pondera; sed hoc fieri debet ab externa facultate,  
diuersa à vi materiali machinæ, quæ violenter illam  
machinam contrahat. Ipsi verò has duas potentias  
confundunt, & negotium confecisse suadentur pro-  
ferendo vocabulum Fibræ Motricis, quæ sua vi me-  
chanica tantam vim exercet, nec curamus, inquiunt,  
quomodo hoc fiat.

At hoc perinde est, ac si quærenti causam pulsa-  
tionis horarum, quam efficit horologium, seu com-  
pages, & inuolucrum illud ex ferreis fragmentis,  
Responderetur negotium confici à ferramentis mo-  
toribus, nec curare modum, quo illud fiat. Laudo  
candoris plenam confessionem ignorantia rerum re-  
conditarum; non tamen videtur vituperabilis cona-  
tus eorum, qui causas saltem probabiles effectuum  
naturæ inquirere satagunt: *est enim aliquid prodire  
tenus, si non datur ultra*. Et hæc est ratio, quare ta-  
lis compendiaria philosophandi methodus non pla-  
cet: vlteriùs nitimur progredi, & venari, an ferra-  
menta illa sint causæ effectiuæ, vel instrumentales  
motus earum; scilicet, an sint verè causæ motrices, vel  
commotæ ab alia vi externa; & propterea si non da-  
tur visu, saltem coniectura nitimur nosse configura-  
tionem rotarum, earumque connexionem, disposi-  
tionemque; & an à machina chalybia, an à pondere  
appenso, vel à vi venti, aut aquæ fluentis Rotæ illæ  
agi-



agitentur , & qua necessitate tanta regula , & ordine suas motiones peragat . Consimilia circa musculos si reperire non potuimus, saltem pro viribus inuestigare nisi sumus . Et primò aduerto, non debuisse nomen fibræ motricis eis imponi , quia ipsæ fibræ non sunt machinæ se mouentes , cùm se habeant merè passiuè , & ex sui natura sint inertes , nec moueantur, nisi per nervos adueniat impulsus à voluntate immissus . Secundò, licet non videamus structuram organicam fibrarum , percipimus tamen à signo manifesto , quòd sint similes catenæ contrahibilis ex anulis compositæ , quæ à cuneis immissis contrahi possunt , nam operatio inflationis, tensionis , & contractionis saluari non potest ab alia structura , & alio modo diuerso ab eo , quem supra exposuimus , cum naturæ operationes sint faciles, simplices, & iuxta leges mechanicas , quæ sunt leges necessitatis .

Cap. 3. De  
causis proba-  
bilibus  
vitalis con-  
tractionis  
musculorū .

## P R O P O S . XXIX.

Necessitas, & ratio mechanica, quare debilis illa  
ebullitio in musculis facta immensam  
vim exercere valeat .

Grandem, & ineffabilem esse vim , & energiam musculorum patet ex demonstratis a . Si enim considerentur omnes machinæ , quibus muscoli agunt , erit vis , quam natura exercet, millies , & millies maior , quam sit resistentia . E contra debilis esse videtur ebullitio in musculis facta , quàm superius considerauimus . Afferri igitur debet necessitas , & ratio mechanica , quare potentia illa minima fer-

a par. prima  
cap. 17.

Cap. 3. De  
caulis pro-  
babilibus  
vitalis con-  
tractionis  
musculorū.

mentationis immensam vim exercere valeat.

Et primò, quòd talis actio ne dum sit possibilis, sed de facto detur, patet exemplo funis madefacti. Videmus enim, funem non ab alia causa inflari, contrahi, & eleuare vasta pondera, quàm ab exilissima vi ponderis granulorum aquæ, quæ non secus, ac cunei, inter fibras insinuata contractionem funis producant. Hoc autem pendet tum ex copiosa multiplicatione cuneorū simul operantium, tum etiā ex energia motus, & impetus percussiu, quo granula illa innumera excurrendo intra fibrarum porositates, & interstitia, superare possunt quamlibet resistentiam quiescentem, vt demonstratum est <sup>b</sup>.

b lib. De vi  
Perc. prop.  
190.

Cum porrò structura musculi, & eius actio contractiua non omnino differat à compositione, & operatione madefacti funis; Ambo enim ex innumeris fibris, frequentibus ligaturis discretis constant, & idè porositates oblongas non rotundas habent, quæ dilatantur vltra 40. gradus ab insinuatīs corpusculis, veluti à totidem cuneis, qui in immensum multiplicati simul operantur vi motus, & energiæ percussionis contra inertem, & quiescentem resistentiam.


Differunt solummodò inter se in celeritate operationum: in fune enim cunei aquei tardo motu insinuantur, & diuturniori tempore egrediuntur, & transpirant; contra in musculis cunei momento inflationē, aut inanitionem creant.

Ratio discriminis est, quia cunei aquei in fune, eādem solidam molem retinentes, locali motu extrinsecus adueniunt, & insinuantur intra funis poros. At in musculis cunei non adueniunt deforis, sed in ipsis interitijs fibrarum gignuntur, in actu inflationis musculo-

sculorum, & destruuntur, dissipanturque, quando derumescunt; quia nempe non eandem amplam solidamque molem retinent, sed eam per rarefactionem acquirunt, & deinceps amittunt se condensando, vt sensu constat in ebullitionibus, & displosionibus memoratis, in quibus particulæ mobilissimæ sphericè se dilatando ampullas bullularum efformant non omnino densas, & plenas, sed valdè raras, nempe vacuitatibus grandiusculis interceptis. Vnde fit, vt facilè concidant, & ad pristinum spatium angustum redigi momento possint. Et hinc necessitatem, & mechanicā operandi rationem musculorum deduci posse puto. Nā ab inflatione, & displosione innumerabilium vesicularum spumosarum per vniuersam molem musculi dispersarum non secus, ac à cuneis aqueis in fune, integra musculi substantia inflatur, quæ cum ex fibris robustissimis, & ideò non extendibilibus constet, fit, vt in dilatatione, & inflatione necessariò musculi lōgitudō contrahatur, & decurtetur. Et quia vesiculæ, seu cunei in immensum multiplicantur per totam amplitudinem, & altitudinem musculi, & insuper agunt vi percussionis, vt dictum est, Hinc fit, vt grandis illa potentia componatur, qua subleuari possint vasta pondera per notabile spatium, nempe per maiorem, quàm sextadecimam partem longitudinis musculi, vt demonstratum est <sup>c</sup>.

Cap. 3. De  
causis pro-  
babilibus  
vitalis con-  
tractionis  
musculorū.

<sup>c</sup> Prop. 20.  
huius.





Cap. 3. De  
causis pro-  
babilibus  
vitalis con-  
tractionis  
musculorū.

*De motionibus internis animalis, & primò de circu-  
lari motu sanguinis.*

# C A P V T I V.

**P**Ræter motus musculorum ab imperio voluntatis  
pendentes, dantur alij motus, qui omnino natu-  
rales esse videntur, vt est cordis motus indefessus.  
Cuius cognitio facilius ab effectu, nempe à circulari  
motu sanguinis, quem producit, indagari potest; ideo  
prius de tali circulari motu differemus.

## P R O P O S. XXX.

Circulationem sanguinis dari, euidenter recentiores  
demonstrarunt.

Triplicem motum in sanguine Animalis viuientis re-  
periri euidentissimū est. Primus est quidem, quo partes  
ex quibus componitur, agitantur iuxtà earum indolē,  
& naturæ exigentiam, qui propriè fermentatiuus mo-  
tus vocatur. Alter est motus localis oscillationis par-  
ticularum eius, quæ vi machinæ rarefiunt, & con-  
densantur, vt inferiùs patebit. Tertius est ille, quo à  
corde per Aortam, & reliquas arterias ad omnes cor-  
poris partes transfertur, diffunditurque intra car-  
nium, viscerum, & glandularum spongiosam sub-  
stantiam; & hinc à subtilissimis venarum canaliculis  
exugitur, congregaturque in venas maiores, non se-  
cus, ac flumina ex fontibus, & aquarum riuiulis, &  
torrentibus in decursu receptis, augentur; quæ omnes  
venæ

venæ in vnum grandē truncum Cauæ desinētes, tandem ad cordis dextrum ventriculum exonerantur, & hinc per pulmonarem arteriam moles vniuersa sanguinis in ipsis pulmonibus diffusa iterum recolligitur à vena pulmonaria, reduciturque ad cordis sinistrum ventriculum, vt iterum intra Aortam effundatur. Talis, inquam, sanguinis motus, CIRCVLATIO eius vocatur. Inuentum profecto admirabile partim à Celsalpino, sed postea exactissimè ab Haruēcio, nuper mortalibus tanta euidētia demonstratum, vt nemo superfit, qui de eius veritate adhuc dubitet.

De hoc motu sanguinis superuacaneum erit repetere ea, quæ ab alijs adinuenta, & mirabili perspicuitate declarata sunt, & ideo attingam solummodo ea, quæ ab alijs omīssa, aut non ritè exposita fuerunt, circa causas, modos mechanicos, & circumstantias huius motus.

### P R O P O S. XXXI.

Quomodo motus sanguinis sit continuus, licet in corde interruptus appareat.

Quia causa, & vis impulsiva sanguinis, quæ est cordis compressio, non semper agit, sed per vices, interpositis morulis ferè synchronis, Hinc fit, vt sanguis à corde effusus non exiliat cursu continuato, vt flumina, & virgulæ fontium, sed modò currat, modò quiescat, alternis vicibus, ordine tamen perseueranti. Quare hoc nomine, motus sanguinis continuus, cense-ri non debet, cum morulæ inter duas quaslibet proximas pulsationes sint quietes, & defectus motus; proindeque

Cap. 4. De internis motibus Animalis, & primò de sanguinis circulari motu.

Cap. 4. De  
internis mo-  
tibus Anima-  
lis, & primò  
de sanguinis  
circulari  
motu.

deque potiùs interruptus, & mistus, quàm verus continuus motus appellari possè videatur.

Hoc tamen non obstante, non vereor affirmare, verè continuo, & nunquam interrupto motu sanguinem per corpus animalis circumferri. Nam licèt cor tempore pausæ eius non effundat sanguinem intra arterias, non tamen verum est, sanguinem in iisdem arterijs, in visceribus, carnibus, & in venis contentum omnino quiescere, & stagnare, dum cor actu quiescit, sed semper sanguis mouetur, velocitate tamen inæquali. Et primò in arterijs hoc patet; nam impedito omninò affluxu sãguinis à corde, siue abscisso, & auulso corde, vt in Ranis siue motu pulmonum impedito in moribundis, aut restrictu violenter iugulo, vel diaphragmate, aut thorace vtrimque dissecto, & aperto, videmus, quòd sanguis, quo arteriæ repletæ erant, sensim exprimitur, itaut paulò post remaneant omninò exinanitæ. Hoc quidem contingit, quia arteriæ ipsæ stringuntur spontaneo motu, coangustatis fibris circularibus earum. Paritèrque comprimuntur à contractione, & inflatione, vel motu peristaltico musculorum totius corporis. Hinc antiquæ fabulæ locus datus est, quòd scilicet in arterijs non sanguis, sed spiritus vitales contineantur, ob quorum difflationem in cadaveribus arteriæ exinanitæ remaneant.

In venis postea sanguinem continenter decurrere, ne dum quando vrgentur ab arteriali sanguine à pulsatione cordis vibrato, sed etiam tempore, quo cor quiescit, suadetur ex eo, quòd tunc currit sanguis per caux truncum ad replendum sinum dextrum cordis. Similiter videmus, quòd à vulnere cuiuslibet venæ sectæ sanguis continuato cursu effluit ad instar virgularum.



larum fontium, ne dum quando cor pulsat, sed etiam quando quiescit.

## P R O P O S. XXXII.

Ratio mechanica continuati cursus sanguinis per venas exponitur.

Carl. 4. De  
internis mo-  
tibus Anima-  
lis, & primò  
de sanguinis  
circuari  
motu.

Licet effectus cursus sanguinis per venas sit certissimus, ab experientia comprobatus, causa tamen, & ratio mechanica talis motus non est æquè evidens, ac illa, quæ impulsus in arterijs efficit. Nam venæ capillares nō uniuntur cum extremis arteriis per anastomasm, & ideo sanguis immitti non potest immediate ab arterijs ad venas, cum hæc vasa sint separata ab inuicem. Et licet opinemur, adesse communicationem quandam inter extrema orificia arteriarum, & venarum capillarium per intermediam spongiosam substantiam carniū, viscerum, aut per cribrosam substantiam ossium, tanquam per pumicis porositates, attamen non percipimus, à qua vi motiua insinuari sanguis possit intra capillares venas. Primò, quia vis impulsiva, qua systole cordis sanguinē intra arterias immittit consentaneum est, vt sensim debilitetur, & tandem langueat in angustijs illis extremorum vasorum, & porositatum intermediarum. Secundò, quia orificia venularum non possunt semper dilatata, & aperta permanere, cum earum consistentia non sit dura, & ossea, sed membranosa, mollis, & lubrica; & ideò facilè conuiuendo claudantur, & ingressum noui sanguinis impedire possint. Tertiò neque ad compressionem viscerum, & carniū recurrere pos-

su-

Cap. 4. De  
internis mo-  
tibus Anima-  
lis, & primò  
de sanguinis  
circulari  
motu.

sumus; à qua per expressionem sanguis ibidem insinuetur; nam videmus, quòd sanguis exugitur à capillaribus venulis, ne dum quando instantur muscoli, & motum compressuum exercent, sed etiam quando quiescunt, & omnino relaxati sunt. Quare tunc temporis non à musculorum compressione, in natura non existente, sanguis exprimitur.

a De motion. natur.  
à gravitate  
cap. 6.

b Ibidem.  
pr. 185.

c De vi percuss. pr. 90.

Id ipsum confirmatur, quia in cerebro, in substantia medullari ossium, immò intra ipsam ossium substantiam durissimam, & ideò non compressibilem venæ capillares ibidem existentes sanguinem excipiunt. Cum porrò effectus negari non possit, quandoquidem videmus, sanguinem vniuersum ab arterijs effusum, postea excipi, & deferri per venas iterum ad cor; neque hoc contingit à vi attractionis, cum talis actio sit impossibilis, vt ostendimus, cogimur asserere, sanguinem à capillaribus venis excipi ob eandem causam, & eadem mechanica actione, qua syphunculi, spongiæ, filtra, funes, & omnia porosa penetrantur ab aqua contigua, à quâ externè madefiunt<sup>b</sup>; quæ alia non est, quàm ipsiusmet fluidi grauitas, quæ augmentum suscipit ab impetu motus proprii, & impulsu ei communicato à vi externa. Sic vis motiua grauitatis, qua sanguis carere non potest ad instar aquæ, cum offendit caniliculos patulos capillarium venarum, (eo quòd numquam à conniuentia membranosa, tam stricta, & tenaci clausura constringi possunt, vt aditus aliqui non remaneant, (vt in funium porulis patet) necesse est, vt energia motiua, qua pollent, inertem angustiarum resistantiam superet; & proindè actione simili filtrationi sanguis intra capillares venulas insinuetur.

Sufce-

Suscepto iam sanguine intra venulas exiguas ab eadem vi impetus, quo insinuatus fuerat (cùm sine motu talis ingressus fieri nequeat) vltteriùs aliquantulum promoueri potest impulsu à propria, & ab externa vi, nec non ab ea, qua vrgetur à sanguine, ponè sequenti, vt videmus aquam à filtro exuctam è suprema fimbria reclinata, & pendula percolari. Postea, quia, collectis pluribus venulis, latiore ductum conficiunt, in eoque sensim motus sanguinis retardatur, & languet vis pristina impulsiva, ideò deinceps auxiliaribus manibus indiget, vt promoueri vltteriùs possit. Et hæc quidem sunt primo loco vis, qua fibræ circulares venarum contrahuntur peristaltica vi eisdẽ fibris insita, à qua vasa constringuntur, adiuuante etiã ambientis, & interni aeris inspirati compressione, à pondere, & elastica vi eius; nec non ab inflatione muscutorum, & à motionibus varijs viscerum, & flutorum per corpus animalis discurrentium, vt inferiùs dicemus.

Cap. 4. Dè internis motibus animalis, & primo de sanguinis circulari motu.

## P R O P O S. XXXIII.

Exponitur modus, & causa promotionis sanguinis in venis. Tab. 16. Fig. 1.

Videmus in canalium venarum lateribus internis, vt est *HIKL* appositas esse valuulas membranofas, quæ nil aliud sunt, quàm semi sacculi, seu vesiculæ cauæ *AONMP*, & *BONQR* parietibus internis venarum adhærentes, vt plurimum binæ è regione positæ in eodem loco lateraliter se contingentes in *N<sup>o</sup>O*, quarum conuexa cacumina *MN*, *QN* respiciunt ini-

L

tia



Cap. 4. De  
internis mo-  
tibus Anima-  
lis, & primò  
de sanguinis  
circulari  
motu.

tia capillaria venosa vitra HL, à quibus sanguis aduenit; orificia verò cavitatum PO, RO aperta versùs cor ad partes IK respiciunt. Demonstrandum modò est, quòd ex dicta valuularum structura, & situatione sanguis versùs cor protrudi debet. Intelligatur eadem portio HMQL sanguine repleta, & quia à fibris circularibus eius, & ab ambientibus musculis, & visceribus stringitur vna pars post aliam, oportet, vt eius laterales parietes S, T, ad sese propius accedât versùs V; & tunc vena restricta cylindricam formam amittet, transformabiturque in duo infundibula HVL, MVQ, quæ minus capacia sunt ipso cylindro, & proinde sanguis, qui continebatur in spatijs VHS, & VLT expelletur extra orificium HL, reliqua verò moles sanguinis contenta in spatijs VSM, VQT eijcietur extra orificium MQ versùs IK. Patet igitur, quòd ex prædicta compressione parietû venæ exprimitur sanguis, pelliturque æquali copia ad partes oppositas; & hoc contingeret, si valuulæ non adessent: at quia in internis parietibus MP, QR venæ appositæ sunt valuulæ, seu sacculi membranosi superius expositi, necesse est, vt sanguis impulsus à compressione facta in ST, insinuetur per rimam NO; quia fluidum cedens in sacculis contentum ab adueniente sanguine contusum constringitur, euacuaturque, & ideò latera valuularum NO ab inuicem recedendo, patulam viâ relinquunt, per quam sanguineus fluor ab MSTQ adueniens insinuari potest, & pertransire ultra AB. Porro postquam sanguis confinia valuularum PO, RO transgressus est, necessariò subsequitur spontanea restrictio, & clausura rimulæ NO; nam ipse sanguis mole sua graui, & propensione fluida replere debet

fac-

facculos valuularum , & ideò latera mollia eorum dilatata, quousquè se mutuò exactè tangant, rimulam NO , arctè claudere debent .

Postea , quia vena non stringitur eodem tempore in omnibus eius partibus, sed successivè vna pars post aliam comprimitur, ergo postquam sanguis , vltra valuulas intra tubulum ABCD translatus est, subsequitur constrictio parietum AD, BC eodem tempore, quo ST non stringitur . Et quia ob rimæ NO arctam clausuram medietas sanguinis , qui continebatur in spatij EAG, FBG effluere non potest retrorsum, versum AB , dum offendit obstaculum AOB à sanguine repletum, & à valuulis retentum, cogitur reflexo motu, non secus , ac pila lusoria parieti illisa, promoueri versus DC ; cùmque ab eadem compressione sanguis qui continebatur in spatij EDG , FCG propellatur, vltra DC , igitur dupla moles sanguinis eodem tempore , quo fit compressio, expellitur per id ipsum ostium DC ; sed quando dupla fluidi moles eodem tempore per idem orificium emittitur, excurrere debet velocitate dupla . Igitur per machinam valuularum compressiones venarum duplo velociori motu sanguinem versum cor protrudunt non fluxu continuo , sed interpositis morulis, & velocitatibus inæqualibus.

Cap. 4. De internis motibus Animalis, & primo de sanguinis circulari motu.

#### P R O P O S. XXXIV.

A sanguinis motu circulari conseruatur ordinata eius Crasis .

Experientia constat, quòd sanguis vbicumque quiescit, siue intra corpus animalis, siue extra, citò pars ru-

Cap. 4. De  
internis mo-  
tibus Anima-  
lis, & primò  
de sanguinis  
circulari  
motu.

bra grumescit, & separatur à parte eius serosa, seu ab albumine, proindeque eius structura dissoluitur, & corrumpitur. E' contra, dum permanet sanguis intra vasa viuētis animalis in motu continuo cōstitutus, ordinata sanguinis mistura, & téperies conseruatur, ob causas mechanicat inferiùs exponendas.

Videtur ergo, quòd talis miscella partium integralium sanguinis aliter conseruari non possit, quàm per continuam agitationem, & concussionem factam in vasis, primò à corde, valido impetu per arterias sanguinem impellendo, postea in venis, deficiente impulsu cordis, promouetur per filtrationem, mox à vi constrictiua fibrarum circularium, & viscerum, à compressione facta ab aere inspirato, & à musculis; sed hæ compressiones non sufficerent, nisi in venis appositæ fuissent valuulæ, quibus sanguinis promotio, & quasi-fatio fieri potest.

Et obseruatione digna sunt anastomases venarum, capillarium, & distributio valvularum non frequens in vna, & eadem vena, cùm non pauci venarum tractus valvulis careant. Tales porrò anastomases, & valvularum defectus vsum quoque habere videntur. Quia venarum textura laxa, & mollis est, veruntamen à vi fibrarum circularium earundem stringi, & contrahi possunt: hinc fit, vt à tractibus venarum à valvulis non occupatis à regurgitante sanguine, magna copia, & impetu pars venæ infima dilatari plus iusto possit, & contra pars suprema constringatur; & vice-versa illa cōstricta hac relaxata, sanguis retrogado refluxu, licet in obseruabili, agitato, & conquassatus debitam mitionem, & conformationem reficere, & conseruare poterit. Arteriæ postea valvulis non in-

di-



digent, exceptis primis semilunaribus in corde existē-  
tibus, quia grandis impetus, quo sanguis per arterias  
eiaculatur, satis superque eum conquassare valet, &  
commiscere, incuneando scilicet fluidas particulas  
albugineas intra particulas glutinosas rubescentes, vt  
inferiùs ostendemus.

Cap. 4. De  
internis mo-  
tibus Anima-  
lis, & primo  
de sangui-  
nis circula-  
ri motu.

## P R O P O S. XXXV.

Enarrantur præclari effectus, qui à velocitate circu-  
lationis sanguinis producuntur.

Postquàm indicauimus vtilitates, quas affert motus  
circuitionis in ipsomet sanguine, videndum est, qua  
necessitate natura cogatur tanta celeritate sanguinis  
circuitum absolvere, vt per arterias eum momento  
ferè effundat, & ad vniuersas corporis partes perdu-  
cat, & integrum circuitum perficiat paulò maiori  
tempore, quàm vna vigesima parte horæ, vt ex Ar-  
nei obseruationibus colligitur. Hinc plures insignes  
effectus consequuntur.

Primus est, quòd in vnaquaque cordis pulsatione  
grandis copia sanguinis à subtilissimis arteriosis cana-  
liculis effunditur, & eiaculatur; quia eò maior copia  
fluoris ab eisdem canalibus effluit, quantò velociori  
motu per eos mouetur, vt B. Castellus demonstra-  
uit; & proinde sanguis ad instar pleni, & rapidissi-  
mi torrentis intra spongiosas carnum, & viscerum  
porositates immittitur.

a Lib. de a-  
quæ fluxu.

Secundus est energia ictus, quo sanguis à corde  
proiectus ad easdem extremas partes impingit; quæ  
energia, vt demonstraui<sup>b</sup>, componitur ex gradu

b De vi per-  
cuss. cor. pr-  
28.

Cap. 4. De  
internis mo-  
tibus Anima-  
lis, & primò  
de sanguinis  
circulari  
motu.

velocitatis, & ex mole sanguinis impulsì. Hinc fit, vt porositates carniùm, & viscerum exinanitæ, & conuenientes ab impetu sanguinis percussu aperiantur, & à copioso illo effluuiò repleantur, & saturentur: vnde partes torpidæ, inutiles, & excrementitiæ ibidè existentes vrgeantur, expellanturque per poros cutis, vel per vasa expulsionì, & transportationi destinata.

Præterea animalis partes reficiuntur, quatenus ob porulorum configurationem, proportionatæ sanguinis particulæ, poris illis congruentes non secus, ac cunei vehementer immisssi, conglutinantur, veluti lapilli variarum figurarum opus musium componunt. Et ne dum veloci illa sanguinis incuneatione partium refectionem Natura consequitur, sed etiam expurgationem eiusdemmet sanguinis à suis excrementis in visceribus animalis.

Tertiò eadem illa sanguinis rapida velocitate, & ictus vehementia abradere, secumque transferre valet innumeras alias particulas amouibiles, vt sunt succi spirituosì, salini, & fermentitij, qui ex cerebro, visceribus, & glandulis deponuntur, & labefactatam sanguinis crassam reficere, & perficere valent.

Magisque detegitur artificium Naturæ, obseruando quòd prædictæ abrasiones non fiunt in vasis amplis, sed post exitum sanguinis ab extremitatibus vasorum, capillarium, vbi desinunt totidem canaliculi exilissimi deferentes succos nerueos spirituosos, & fermentitios, qui in visceribus, & glandulis disseminati sunt ad instar radicum arborum. Hoc ideo factum esse videtur, vt moleculis quibusque sanguinis totidem particulæ spirituosæ, & fermentitiæ vniantur, & per  
mini-

minima misceantur, proindeque tota illa sanguinis substantia, quæ per vices transit, diuersam consistentiam, & naturam acquirat.

Hæc, inquam, omnia bona absque perenni, & rapidissimo sanguinis motu nequaquam consequi possent. Quare videtur verisimile, ob prædictos fines Naturam sanguinis velocissimum motum circuitus instituisse.

Cap. 4. De internis motibus animalis, & primo de sanguinis circulatione motu.

### P R O P O S. XXXVI.

Exponitur ratio, quare reiterari sæpius cursus sanguinis debuit per easdem vias.

Manifestum est, fluminis identitatem permanere, quia partes elapsæ à nouis aquis aduenientibus reparantur, & illarum vices supplentur; at ad hoc præstandum requiritur immensa aquarum copia, vel oportet, vt eadem aqua elapsa denuo ad fontem perducatur, & sic repetitis circuitionibus fluminis cursus conseruetur.

Consimili industria vititur natura, quæ instituerat velocissimo cursu sanguinem circumducere pervniuersum corpus animalis ob fines superius enarratos, & talem circuitum perpetuum esse voluit. Ergo prouideri debuerat tanta copia sanguinis, quæ ad conseruandum flumem sanguinis animalis sufficeret, cum 18. aut 20. libræ sanguinis, quæ in homine reperiri solent, citò transeant, scilicet tempore trium, vel quatuor minutorum primorum horæ. Ergo, ne fluxus deficeret, reiterari debuit circuitus eiusdem massæ sanguinæ.

Præ-



Cap. 4. De  
internis mo-  
ribus Anima-  
lis, & primò  
de sanguinis  
circulari  
motu.

Præter hanc necessitatem, ad sunt vsus admirabiles, & compendia, quæ natura assequitur, reiterando sæpius periodum circuitionis sanguinis per easdem vias. Si enim circuitus sanguinis non repeteretur frequenter, defæcari non posset in renibus ab excrementis vrinæ, nec chilus cum sanguine misceri in corde, nec in hepate sanguis depurari; nec alię operationes necessariae ad animalis oeconomiam perfici possent. Hæc autem omnia, ne ordo perturbetur, deinceps suis in locis fusè exponentur.

*De Corde, eiusque pulsatione.*

## C A P V T V.

**C**Ognito effectu à pulsatione Cordis producto possumus faciliori methodo causam eius indagare, quæ est motus cordis, eiusque vis motiua, & actio mechanica, qua operatur. Tab. 16. Fig. 2. 3. & 4.

## P R O P O S. XXXVII.

*Cordis structuram exponere.*

Cor non esse parenchyma, sed Musculum eiusdem omninò naturæ, ac sunt cæteri muscoli artuum, oculari inspectione constat, & multò clariùs, si eius fibræ carnosæ, turgidæ, & crassiores per elixationem reddantur, patebit, quòd cor componitur ex robustis fibris carneis eiusdem figuræ prismaticæ, eiusdem coloris, consistentiæ, & tenacitatis, ac fibræ musculorum artuum habent; simili enim modo inelongabiles sunt, & di-

& distractioni resistunt; & spontè contrahuntur, tenduntur, instantur, & duritiem acquirunt, quando agūt in cordis pulsatione. At differt fibrosa cōstitutio cordis à cæteris musculis, quòd illius caro est firma, dura, vniformis, colore rubicundo tincta, non verò est laxa, & mollis, nec columnæ prismaticæ separantur à membranulis, & innumeris fibris tendinosis, vt sunt fibræ cæterorum musculorum. Præterea dispositio, & configuratio fibrarum cordis diuersissima ab illis est; non enim fibræ sunt directæ, nec parallelæ inter se, sed curuæ, & spirales, quæ miris modis interse implicantur, non quidem textura simili ei, qua cistæ vimineæ constantur, vt credidit Vesallius, sed mirabiliori artificio dispositæ, immediatè enim sub externa, cordis membrana à basi cordis, & ab orificijs circularibus tendinosis, in quibus desinunt venæ cauæ, & pulmonaris auriculæ, nec non à principijs arteriarum Aortæ, & Pulmonaris, propagatur stratum fibrarum carnosarum, quæ ferè æquidistantes sunt inter se, & directè à basi versùs cordis mucronem tendentes, vbi variè inflexæ, & contextæ reflectuntur versùs internas cavitates ventriculorum. Huic strato succedunt alia fibrarum strata obliquè, & spiraliter descendentiæ, quorum fibræ semper magis, ac magis inclinatæ pariter versùs mucronem tendentes, antequàm apicem attingant, decussantur, & texuntur inter se, & cum alijs ordinibus fibrarum, & indè interiùs reflectuntur, & partim spiris obliquis, & transuersis veluti fasciis ad basim cordis reflectuntur, partim internas columnas componere videntur, quibus funiculi valvularum tricuspidum, & mitralium alligantur partim transuersè contextę sinum ventriculi dextri efformât.

Cap. 5. De  
corde eiusq;  
pulsatione.

Hanc mirabilem structuram primùm mihi videre contigit Pisis, adstante clarissimo Malpighio anno 1657. postea noui alios eadem adnotasse; tandem clariss. Louuer, & Laurentius Bellinus exactam cordis contexturam indagarunt, dissoluendo fibrarum perplexam colligationem ad instar glomi. Quod mihi videre non licuit, cùm post elixationem facillè fibre lacerentur, & disrumpantur, antequàm plicaturæ deussatæ dissoluantur.

Sparguntur postea innumere ramificationes neruorum ex pari vago inter fibras carnosas totius cordis; & præterea ab Aorta, antequàm pericardio excidat, duæ arteriæ coronariæ oriuntur, valvulis proprijs donatæ, à quibus prohibetur sanguinis regressus, vt Clariss. Bartolinus obseruauit; per has sanguis ad cordis carnem musculosam, non ad ventriculos deferitur; & hinc per venas coronarias, paritèr per cordis carnem vagantes, tandem confecto peculiari circuitu ad ventriculum dextrum exonerantur.

Adfunt præterea duo musculi subsidiarij caui, & rotundi cordi adhærentes, qui auriculæ vocantur, & inferuiunt, vt ministræ ostiariæ cordis. Hæ quidem post ingressum sanguinis è venis caua, & pulmonari intra cordis ventriculos arctè clauduntur, vt regressum sanguinis prohibeant, & constant ex fibris carnosis, quæ columnulas musculosas efformant, similes eis, quæ intra cordis ventriculos prominent.

Præter auriculas, etiam truncus venæ cauæ, cordi proximus, musculi naturam participat, constat enim ex circularibus fibris carnosis rubicundis, à quibus constrictio trunci venosi adiunatur, eodem modo, ac vtris, aut in testinum aqua repletum, manibus compressum



pressum, ab eo aqua exprimitur, & impeditur regressus eiusdem .

Cap. 5. De  
corde eiusq;  
pulsatione .

## P R O P O S . XXXVIII.

*Actionem musculi cordis enarrare .*

Sensu constat, quòd quando cor agit pulsando, non secùs, ac ceteri musculi, tota eius carnosa substantia inflatur, dirigitur, tenditur, & induratur maximo impetu, quod contingit ex ipsa cordis structura; nam fibræ columnarum eius, atque earundem fasciculi non alligantur terminis firmis ossibus, aut tendinosi, vt solemne est in musculis reliquis, sed in ipsomet corde pendulo innixæ, & in ipsomet initium, & finem habentes, fundamento instabili, sed tenaci firmitudine retinentur. Hinc fit, vt turgentia fibrarum cordis non ordinetur à natura ad tractionem, & approximationem terminorum extremorum; sed è contra decurtatio fibrarum fiat, vt fibræ ipsæ inflentur, & turgcant, vtque restringant cauum perimetrum, & ad instar præli sanguinem ibidem contentum exprimant; non secùs, ac nuclei à digitis compressi proijciuntur. Hoc euincitur ex eo, quod in qualibet cordis pulsatione, & tensione sanguis, qui in ventriculis eius continebatur, maxima violentia eiaculatur, veluti ab embolo syringæ intra arterias. Et multò euidentius hoc patet immisso digito intra cicatricem cordis viuentis perforati, vt Bellinus, & Louuerus obseruarunt, nam in qualibet cordis pulsatione digitus veluti forcipe, aut prælo stringitur, conditurque à carne cordis inflata, & indurata. Licèt igitur externa cordis super-

Cap. 5. De  
corde eiusq;  
pulsatione.

ficies, dum pulsat, non crescat, tamen tota eius substantia carnosa verè inflatur, & augetur.

His declaratis, præmitti debent leminata aliqua utilia ad intelligendam mechanicam actionem musculi cordis.

### P R O P O S. XXXIX.

In serie continua arithmetice proportionalium A, B, C, D, E, quorum minimus sit A: termini minimo propiores decreſcunt maiori proportionem, quàm remotiores, ſcilicet B ad A habet maiorem proportionem, quàm E ad D. Tab. 16. Fig. 5.

Quia in serie arithmetice proportionalium differentia binorum quorumlibet terminorum proximorum æquales sunt inter ſe; ergo B, minus A, æqualis est E, minus D: estque A, minor, quàm D. Igitur B, minus A ad A, <sup>a</sup> maiorem proportionem habebit, quàm E, minus D ad D; & componendo B ad A, maiorem rationem habebit, quàm E ad D. Et ſic de reliquis.

<sup>a</sup> Ex pr. 2  
lib. 3. Elem.  
Eucl. Aucto-  
ris.

### P R O P O S. XL.

b. Tab. 16. Fig. 6. Si in eodem circulo <sup>a</sup> AB fuerint designatæ duæ Zonæ concentricæ ABC, & DCF, quarum amplitudines AD, & DE æquales ſint; & in eis describantur duæ series æquè multorum circulorum eodem centro K, arithmetice proportionalium, quorum medij arithmetici ſint GL, & HM (diuifis nempe ſpatiis AD, & DE bifariam in G, H.) Dico, quòd peri-

peripheriæ omnes seriei ABC ad peripherias omnes seriei DCF eâdem proportionem habent, quâ periphæria GL ad periphæriam HM.

Cap. 5. De corde eiusq; pulsatione.

Quia in serie ABC duplum peripheriæ GL mediæ arithmeticæ multiplicatum in semissem multitudinis terminorum eiusdem seriei æquatur omnibus peripherijs Zonæ ABC simul sumptis ( vt passim arithmetici demonstrant ) paritèrque duplum peripheriæ HM, multiplicatum in semissem terminorum seriei DCF, æquatur omnibus peripherijs Zonæ DCF; suntque in vtraque serie pares multitudines circulorum; Ergo vt duplum GL toties sumptum, quot sunt paria terminorum seriei ABC, ad duplum HM æquè multiplicatum in eadem proportionem est periphæria GL ad periphæriam HM, & proindè, vt periphæria GL ad periphæriam HM, ita sunt omnes peripheriæ Zonæ ABC ad omnes peripherias Zonæ DCF.

## P R O P O S. XLI.

Duæ spirales AMD<sup>a</sup>, & DOE, immediatè se consequentes habent eandem proportionem, quam circulares peripheriæ GL, HP mediæ arithmeticæ inter circulos extremos cuiuslibet spiralis.

<sup>a</sup> Tab. 16.  
Fig. 7.

Quia<sup>b</sup> in spirali Archimedeâ duo motus per rectam AK, & circa centrum sunt æquabiles eodem tempore facti. Ergo velocitates deficientes in continua proportionem arithmetica, quibus punctum A fertur per

<sup>b</sup>De spir. defin. 2.  
In Archim. Auct.



Cap. 5. De  
corde eiusq;  
pulsatione.

per spiralem AMD, eadem sunt, ac velocitates, quibus omnia puncta rectæ AD, successivè circumferuntur circa centrum K; quæ velocitates mensurantur ab omnibus peripherijs arithmeticè proportionalibus ab eisdem punctis descriptis. Similiter velocitates omnes, quibus punctum D, fertur per spiralem DOE, eadem quoque sunt, ac velocitates, quibus puncta rectæ DE circumferuntur, quæ mensurantur à peripherijs arithmeticè proportionalibus ab eisdem punctis descriptis. Ergo velocitates, quibus punctum A transigit spiralem ABD, ad velocitates, quibus punctum D transigit spiralem DOE, eandem proportionem habent, quam omnes peripheriæ arithmeticè deficientes Zonæ ABD, ad omnes peripherias Zonæ DCE, seu quam periphæria media arithmetica GML ad peripheriam HOP<sup>c</sup>. Sed prædictæ peripheriæ transiguntur æqualibus temporibus (vt spiraliū genesis exigit) igitur spiralis AMD ad spiralem DOE eandem proportionem habet, quam omnes gradus velocitatum excursus puncti A per suam spiralem, ad omnes gradus velocitatum transitus puncti D per suam spiralem, & proindè spiralis AMD ad spiralem DOE, eandem proportionem habet, quam periphæria media arithmetica GL ad peripheriam HP.

c huius pr.  
40.

## P R O P O S. X L I I.

a Tab. 16.  
Fig. 7.

Si fuerint <sup>a</sup> quocumque lineæ spirales in eodem plano sese consequentes KNE, EOD, DMA, quarum minima sit KNE, Dico, quòd minimæ propinquiores in maiori proportionè decreſcunt, quã  
re-

remotiores à minima, scilicet DOE ad ENK maiorem proportionem habere, quàm AMD ad DOE.

Cap. 5. De corde eiusq; pulsatione .

Describantur circuli GM, HO, RN, medij arithmetici inter circulos extremos cuiuslibet spiralis . quia in spiralibus ordinatè sese consequentibus rectæ linæ AD, DE, EK æquales sunt inter se, & hæ bifariam diuiduntur in G, H, R; ergo differentiæ GH, HR æquales sunt inter se; Et ideo semidiametri GK, HK, RK, æqualibus excessibus se superant; suntque eorum circumferentiæ proportionales radijs <sup>b</sup>. Ergo circulorum peripheriæ GM, HO, RN arithmetice proportionales sunt. Quare in maiori proportionem decrescunt propiores minimo circulo, quàm remotiores, <sup>c</sup> nempè circulorum peripheriæ HO, ad peripheriam RN maiorem proportionem habet, quàm peripheriam GM ad peripheriam HO. Habent verò spirales eandem proportionem, quam eorum mediæ arithmeticæ circulares peripheriæ <sup>d</sup>. Ergo spiralis DOE ad minimam spiralem ENK maiorem proportionem habet, quàm spiralis AMD, ad spiralem DOE. Quod &c.

b Prop. 14 lib. 5. Eucl Rest. Auct.

c huius pr. 39.

d huius pr. 41.

### P R O P O S. XLIII.

Si glomus AB <sup>a</sup>, compositus ex filis AB, CD, EF, æquè crassis, & similis consistentiæ concentricè, siuè spiralitèr inuolutis circa vesicam inflatam, ut habeat cauitatem intermediam HK. Dico, quòd si per humectationem florum <sup>b</sup> LM, NO, &c. Cauitas glomi HK repleatur, spiræ internæ glomi

a Tab. 16. Fig. 8.

b Tab. 16. Fig. 9.

Cap. 5. De  
corde eiusq;  
pulsatione.

mi NO , PQ , necessariò corrugari debent , remanentibus externis LM tensis .

c huius pr  
41.

Intelligatur glomus per axim sectus, patet quòd in glo-  
mo arido consurget Zona AE , FB , circularis ex  
filis concentricis , siuè spiralibus contiguas compo-  
sita ; at in globo madido consurget circulus LM , re-  
pletus inflatis, nempè, & contractis filis NO , PQ eius-  
dem . Et quia fila supponuntur æquè crassa , & simi-  
lis consistentiæ , erunt simili modo porosa , & ideò  
æquè , & proportionalitèr inflari debent à guttulis  
aquæ , atque decurtationes eorum eandem propor-  
tionem habebunt, quam florum longitudines ha-  
bent , scilicet aridorum , qui Zonam componebant :  
verùm spiræ , quæ longiùs à centro recedebant AB ,  
CD , EF antè humectationem in minori proportionem  
decrefcebant c , quàm eadem spiræ in sito LM , NO ,  
PQ centro proximiori translatae ab humiditate in-  
flante . Ergo spiræ centro approximatae LM , NO ,  
PQ longiores sunt , quàm sit spatium spirale , in quo  
collocentur . Quare neceffe est , vt corrugetur , ad  
hoc, vt ibidem aptari possint . Quod &c.

#### P R O P O S . XLIV.

Exponitur mechanica operatio , qua cauitas glomi  
madefacti repletur . Tab. 16. Fig. 9.

Crusta glomi LM, ex filis externis contexta resistit  
distractioni , tùm quia fila elongari non possunt ob  
spiralem contorsionem eorum , tùm etiam quia inflan-  
tur à guttulis aqueis poros eius penetrantibus ; &  
ideò



& ideò tanta vi contrahuntur, vt ad instar circulo-  
rum ferreorum dolij, resistent violentiæ internarum  
partium inflatarum. Itaque licèt externa fila verè in-  
flentur, & increassentur, tamen ipsa consistentia, & du-  
rities tensa superficiei conuexæ filorum impedit tur-  
gentiam, & expansionem conuexitatis earundem.  
Quare necesse est, vt inflatio internorum filorum au-  
geat, aut superficiem externam, aut profunditatem  
eorundem; & aliundè externa amplitudo crescere  
non potest, quia alia fila decussatim cum illis contex-  
ta sua contractione impediunt illarum dilatationem.  
Igitur restat, vt in profundum versus centrum glomi  
exporrigantur; & ideò omnia strata NO, PQ filorum  
inclusorum sc tangentium necessariò paululum pro-  
moueri debent versùs centrum g cavitatis glomi, &  
proindè incipit repletio cavitatis illius. h k

Postea subsequens stratum NO filorum æquè ma-  
didorum inflatur quoque, & decurtatur; & (sicut  
priùs dictum est) superficies conuexa non æquè ten-  
sa remanebit, ac prima crusta rigida fuerat; at cavitatis  
illius multò magis in profundum versus centrum pro-  
mouebitur. Et quia eius fila decurtantur in eadem  
proportionem, quam habebant, antequam centro  
proximiores fierent, nempe in minori proportionem,  
quàm vicinitas centri exigit. Ergo longiora sunt,  
quàm illius loci angustia suscipere potest. Ex quo  
fit, vt caua superficies filorum NO corrugetur, &  
strata subsequencia PQ subintranlibus locum ceden-  
do, coguntur multò magis, quam priùs, versùs cen-  
trum g, excurrere, & proindè tantundem spatium il-  
lud canum replebitur. Idem dicendum est de tertio  
strato, de quarto, & de reliquis, quæ semper in-

Cap. 5. De maiori proportione inflantur; corrugantur, & ad in-  
corde eiusq; star cuneorum multò magis promouentur versùs cen-  
pulsatione. trum, quousque cauitas glomi h k, omnino repleatur.  
Vt propositum fuerat.

## P R O P O S. XLV.

Iisdem positis, Dico, quòd omnes internæ spiræ  
glomi corrugari debent inæqualiter, sem-  
per magis augendo plicas, quò  
magis centro glomi ap-  
proximantur.

Quia internæ spiræ glomi duplici nomine centro  
proximiores fiunt; primò, quia ab externis filis con-  
tractis, & inflatis vrgentur versùs centrum glomi; se-  
cundò, quia ipsamet inflatio earundem semper ma-  
gis eos centro proximiores readit: & ideò continen-  
ter in minori proportionē decurtantur, quàm exigit  
angustia subsequantium locorum. Ergo necessariò  
rugæ inflari, & augeri debent semper in maiori  
proportionē, quò magis ad centrum glomi approxi-  
mantur.

## P R O P O S. XLVI.

Iisdem positis, Dico, quòd externa figura glomi  
madefacti, nec ampliari, nec constringi  
debet. Tab. 16. Fig. 9.

Et primò, quòd dilatari non possit, patet, quia fla-  
LM glomi supponuntur inextendibilia, siue ob tena-  
cita-

citatem, siue quia spiritaliter contorta sunt, vt funes: sed hi madefacti non elongantur, sed potius grandi vi decurtantur, ergo fila externa glomi nequeunt elongari, & ideò superficies conuexa glomi non ampliabitur.

Cap. 5. De  
corde eiusq;  
pulsatione.

Secundò, eadem externa fila glomi contrahi non possunt, licèt ingenti vi conentur se decurtare, quia massa internorum filorum NO, PQ inflatur, induraturque. Et ideò impedit contractionem externorum filorum LM; quare retinebunt eandem longitudinem; quam priùs habebant. Ex quo fit, vt externa figura glomi non minuatur; sed neque augeri poterat; Igitur inuariata persistet retinendo eandem molem, & figuram, quam priùs habebat.

## P R O P O S. XLVII.

Si fuerit glomus ABR<sup>a</sup> excauatus compositus non ex vnico filo, sed ex pluribus, anulo, vel semidia-  
metro glomi AETR fixo, & superficiei cauitatis alligatis, & concentricè, siue spiritaliter inuolutis, si per inflationem filorum ab humectatione cauitas repleatur, fila interna M, O, Q corrugari debent inæqualitèr, semper magis augendo plicas, quò magis centro propius accedunt, & figura externa inalterata persistet.

a Tab. 16.  
Fig. 10. & 11

Quia funis ex cannabe cõtextus, siue vnico filo complicato spiritaliter compositus fuerit, siue ex eodem filo discisso in plures partes, quibus cõtextis spiritaliter, eodem ordine externæ spiræ strictè amplectantur spiras internas, nec dimoueri è suis locis possint, videmus,



Cap. 5. De  
corde eiusq;  
pulsatione.

quòd per humectationem æquè funes inflantur, con-  
trahuntur, & suspendunt æqualia pondera; igitur si-  
militer glom̃i ex vno, vel pluribus filis contexti ABR,  
eodem modò inflari, & repleri eorum cavitates de-  
bent M, O, Q. Nam æquè firmitèr retinentur princi-  
pia, & fines spirarum in eisdem locis, siue mutuo ne-  
ctantur per continuationem, vt in 8 figura, siue al-  
ligentur anulis, vel alijs locis firmis glomi, vt in Fig.  
10. in vtroque enim casu fila eadem sunt, eadem for-  
ma, dispositione, spissitudine, & tensione spiralter  
externa stringunt, & amplectuntur interna fila; eodem  
modo à guttulis aqueis inflari, & ideo eadem pro-  
portione corrugari debent, semper magis se corru-  
gando, quòd magis centro approximantur; Et earum  
figuræ externæ eiusdem molis, & magnitudinis re-  
manebunt.

### P R O P O S. XLVIII.

Quando per internam rarefactionem porositates fi-  
brarum musculi cordis inflantur, necessariò  
cavitas eius repleri debet à substantia  
eius carnea, non variata eius  
externa figura.

Quia cor est glomus excavatus compositus ex innu-  
meris fibris spongiosis, robustissimis, & non extendibi-  
libus in longum, quæ anulis tendinosi quatuor ori-  
ficiorum cordis annectuntur, atque eorum termini  
extremi superficiei cavæ cordis colligantur, & spira-  
liter inuoluuntur, & contexuntur; atque omnes præ-  
dictæ fibræ inflantur ob internam rarefactionem, non se-

fecus, ac fila funis, & glomi, à guttulis aqueis tur-  
gidi redduntur <sup>a</sup>. Ergo eadem necessitate, qua glomus  
ex filis contextus transformatur; oportet quoque, vt  
cauitas cordis repleatur, corrugatis, inflatis, & tensis  
fibris internis inæqualitèr, semper magis augendo  
plicas inflatas, quò magis centro cordis propius ac-  
cedunt; remanente figura externa non aucta, nec di-  
minuta.

Cap. 5. De  
corde eiusq;  
pulsatione.

<sup>a</sup> Prop. 47.  
huius.

### P R O P O S. XLIX.

Ventriculorum cordis restrictio fieri non potest à vi  
contractionis fibrarum eius.

Si ex communi sententia actio propria omnium  
musculorum est contractio fibrarum, etiam consen-  
taneum esse videtur, vt ipsius musculi cordis actio  
sit quoque contractio fibrarum eius: & quia cor non  
alligatur articulis illis, vt eos flectat se decurtando;  
sed tantum stringere debeat cauitates eius, Viden-  
dum est, an per simplicem contractionem fibrarum  
possint sinus cordis restringi. Et primò, si cor est si-  
mile glomo composito ex filis spiralitèr inuolutis, pa-  
tet ex dictis <sup>a</sup>, quòd fibræ quando agunt, vim exerce-  
re nequeunt, sua contractione, & sua tensione termi-  
nos extremos versùs medium trahendo; nam potius  
relaxantur ob corrugationem longitudinis earum.  
Ergo sicuti à fune laxo eleuari pondus appensum  
non potest, sic à fibris laxis, corrugatisque parietes  
caui oppositi cordis violenter trahi, & coniungi non  
possunt.

<sup>a</sup> huius pr.  
47.48.

Secundò, si verò supponamus spiras fibrosas cor-  
dis

Cap. 5. De dis non circumduci tortuose vsque ad sinus eius, sed  
 corde eiusq; extendi in directum intra ventriculos eiusdem, & ibi-  
 pulsatione. dem colligari in fasciculos illos, qui plures cylin-  
 drulos, seu funiculos componunt; tunc putabit fortè  
 quispiam, quod ex simplici contractione fibrarum  
 possent cylindruli illi totaliter decurtari, & sic parietes  
 oppositi ventriculorum cordis coniungi possent.

Verùm patet, hoc esse impossibile, in tali enim po-  
 sitione necessariò admitti deberet corrugatio totius  
 superficiei caux cordis interceptæ inter bases illarum  
 columnarum, seu funiculorum; & ideò innumerabi-  
 les fibræ ibidem contextæ stringi inter se, & paritèr  
 corrugari, scilicet relaxari deberent; & proindè non  
 agerent sua contractione tensa; quod repugnat hypo-  
 thesi.

Insuper in dextro cordis ventriculo non adsunt  
 cylindruli, nisi paucissimi, ergo tale subterfugium lo-  
 cum non habet.

Præterea totalis decurtatio illorum cylindrulorum,  
 seu funiculorū fieri non posset, nisi longitudines spirarum  
 desinentium in ipsas columnas excurrerent inter  
 alias fibras, veluti intra vaginas, aut circa trochleas;  
 quod autopsia refellitur: sunt enim fibræ cordis de-  
 cuffatis directionibus contextæ, adeò arctè inter se  
 colligatæ, vt nequeant varijs, & contrarijs motibus ex-  
 currere inter alias fibras eas complectentes.

Tādè, quòd tensio musculi cordis saluari non pos-  
 sit ob simplicem contractionem fibrarum eius, euincitur,  
 ex eo quòd moles musculorum artuum, qui ve-  
 rè contrahuntur, quoad sensum potius minuitur; at  
 cordis moles augetur, cùm cavitates eius à substan-  
 tia carnea repleantur, non imminuta figura eius ex-

ter-



terna ; quare cor non tenditur ob contractionem fibrarum eius.

Cap. 5. De  
corde eiusq;  
pulsatione .

# PROPOS. L.

Cordis cavitates stringuntur, non quia decurtantur ventriculorum longitudines, sed quia parietes laterales ad inuicem approximantur . Tab. 17. Fig. I.

Hoc patet ex ipsa positione, & configuratione ventriculorum cordis ABC, & ab eius operatione . Ventriculus enim sinister FG dissectus ab imo ad summum extenditur per totam cordis longitudinem à basi AB, vsque ad verticem eius C, qui desinit in parietem GC acuminatum, & gracilem ; cùmque figura externa cordis, dum pulsatur, non decurtetur, ergo nec cavitatis longitudo FG diminuetur, scilicet basis cavitatis ad apicem non approximatur .

Præterea basis AB, & vertex C cordis inflari, & in-crassari nō possūt omninò, quia basis caret fibris, estq; excarnis, cū tota occupetur à quatuor amplis aperturis D, E venarum, & arteriarum ; verticis verò GC paries valdè subtilis est . Ergo cavitas repleti non potest ab inflatione fibrarum basis, & verticis cordis, quibus fibris caret . Oportet igitur, vt repleatur ob inflationem parietum lateralium crassissimorum .

Postremò immisso digito intra cordis ventriculum perforatum animalis viuentis, percipitur constric-tio .

Cap. 5. De  
corde eiusq;  
pulsatione .

# PROPOS. LI.

Exponitur ratio mechanica eiusdem operationis .

Quòd porro necessitate mechanica cavitatis cordis decurtari non possit , sic ostendetur . Quia contractio cordis fieri non potest , nisi à fibrarum contractione, ergo partes illæ, quæ carent fibris retrahi non poterunt, sed ex immensa multitudine fibrarum à basi cordis descendantium , ne millesima quidem pars ad verticem cordis pertingit ( eo quòd si ibidem con-  
necterentur, vna fibra super alteram superposita, constituerent parietem acuminatum ingentis profunditatis; quod adeo falsum est , vt in tali situ paries sit valdè subtilis ) & reliquæ omnes fibræ spirales contextuntur , & reflectuntur intra cor transuersali circuitu antequam ad verticem pertingant . Ergo non poterunt trahere apicem cordis versùs basim , & ideo longitudo cavitatis cordis decurtari non poterit .

Causa verò , qua parietes laterales ventriculorum stringuntur , talis est . Quia omnes ferè innumerabiles fibræ cordis obliquè , & transuersè circumducuntur circa cordis latera , & ex eis componuntur plurima strata ad inuicem superposita ad instar membranarum . Quando verò inflantur fibræ cuiuslibet strati, sese lateralitèr tangentes , iacentesque in vna superficie, necessariò se mutuò vrgebunt lateraliter; & ideò mutuò è proprijs locis se expellent , & vltèriùs promovebunt , nempè versùs basim , & verticem . Quare potius augeri deberet interuallum à basi ad verticem . Verùm quia fibræ externæ aliæ obliquè transuersales

ambientes, decussatim eas interfecantes, impediunt elongationem, & protuberantiam, vt inferiùs ostendemus, fit vt necessario inflatio fibrarum interiùs versùs cauitates intumescere debeat, & sic latera parietum interna inflata ad inuicem approximari debent.

Præterea paries intermedius cordis, constans vt plurimum ex fibris transuersalibus inflatis decurtari non poterit, & crassities eius valdè augetur; pariterque externi parietes versùs internas cauitates inflari debent, ergo internæ facies appositorum parietum stringi, & deosculari debent, remanente base disiuncta à vertice.

## P R O P O S. LII.

**A**ctio propria musculi cordis est constrictio ventriculorum eius, & compressio, & expressio sanguinis in eis contenti ad instar præli facta, non à contorsione fibrarum cordis spiralium, sed ab inflatione, & tensione eorundem. Tab. 17. Fig. 2.

Proculdubio moles cordis in actu pulsationis eius insigniter augetur, nam figura eius externa a n c o b, eiusque dimensiones non augentur, nec minuuntur, estque substantia carnosâ cordis non tensi NAMO, scilicet quando caua est, & sanguine repletur ferè semissis totius molis ABC ab externa figura comprehensâ, eo quòd duo cordis ventriculi FG, HI, quando sanguine repleti sunt in hominibus æquant ferè spatium substantiæ carneæ non inflatæ eius NDMO; & in systole, expulso sanguine, ambo ventriculi fg, hi,



Cap. 5. De  
corde eiusq;  
pulsatione .

replentur à substantia carnosa n a m o eiusdem cordis inflata . Ergo eadem ampliata moles cordis comprehensa ab eadem figura externa non alterata , duplo ferè augetur in actu tensionis , quam fuerat ante pulsationem . Verùm tam grandis excreſcentia molis carnosæ fieri non posset absque insigni inflatione , & turgentia fibrarum eius . Igitur crassities fibrarum cordis augetur duplo in actu pulsationis . Hoc posito , considero , quòd fibræ externæ cordis maximam vim faciunt , non se decurtando , sed resistendo distractioni , vt circuli ferrei dolij , scilicet , vt perimenter cordis non ampliatur ; & interim eadem fibræ inflantur in parte caua earum , vt de glomo filorum dictum est <sup>a</sup> ; paritèrque fibræ internæ , dum inflantur , incrassanturque , maximam vim faciunt constituendo plicas , & rugas turgidas adeò tensas , & duras , vt officium cuneorum exercent , à quibus nedum cauitas cordis repleatur , sed prætereà vehementi cōpressionē sanguinem ibidem contentum exprimant motu consimili ei , quo nuclei à digitis posticè compressi expelluntur .

a huius pr.  
47.

Columnulæ verò graciles carneæ oppositos parietes cauos ventriculorum cordis colligantes incrassantur , tenduntur , & simul decurtantur , inflatis nempe , & corrugatis earum fibris , vt cauitatem repleant . At maximam vim exercent sua tensione , & inflatione , vt officium cuneorum exercent . Non verò vim vllam exercent sua contractione , vt oppositos parietes cauos ad inuicem coniungant , quia laxæ sunt ob corrugationem longitudinis fibrarum , & prætereà , nec exactè parietes oppositos coniungere possent , nam prædictæ columnæ musculosæ non possent totalitèr de-

decurtari, vt musculorum natura exigit, quæ contractionem non patitur maiorem triente longitudinis eius. Negari tamen non potest, inferuire columnas, vt funes ad retinendam, & conseruandam debitam dispositionem partium internarum cordis, & ad impediendam superfluam distractionem, quam efficere posset nimia copia irruentis sanguinis è venis.

Cap. 5. De  
corde eiusq;  
pulsatione.

Postremò papillæ, seu tubercula carnea intra ventriculos cordis protuberantia, quibus filamenta membranosa valuularum triangularium cordis alligantur, agunt, nedum se inflando, sed etiam se erigendo ad instar linguæ, & penis.

Hæc omnia in ventriculo sinistro, & in auriculis cordis verificantur, at in dextro ventriculo, vbi deest tanta copia columnarum, constrictio fit per incrassationem externi parietis *n*, nempè per inflationem, & decurtationem fibrarum eiusdem, itaut curuitas caua interiùs turgendo planitiem affectet, & fiat portio maioris sphaeræ minor, quàm similis priori. Confert quoque ad repletionem ventriculi dextri turgentia, & inflatio fibrarum septi cordis *m*, seu parietis intermedij satis crassi. Hinc enim fit, vt huius conuexa superficies magis promineat, & exporrigatur; vnde spatium illud lentis cauæ figuram referentis repleatur, & parietes se mutuò contingant, remanente eodem circuitu sinus lenticularis.

Vniuersa hæc operatio valdè conformis est instituto naturæ, quæ primariò replet, & amplificat poros fibrarum spongiosarum per rarefactionem superiùs expositam; ex qua duplicem effectum assequitur; in musculis enim artuum turgentia illa pororum fibrarum secundarium effectum producit, qui est decurta-

Cap. 5. De tione musculi, & tractio valida articuli; at in corde ex corde eiusq; ipsamet inflatione fibrarum, & incrassatione assequitur pulsatione. natura repletionem ventriculorum cordis. Machina verò eadem est, nempe vis cunei dilatantis poros fibrarum.

b Tab. 17. Quòd <sup>b</sup> verò talis expressio sanguinis in corde non fiat à spirali contorsione fibrarum eius eadem actione, & necessitate mechanica, qua spiralis contorsio linteorum madidorum exprimit aquam in eis contentā (vt aliqui recentiores putant) facile ostendemus. Verissimum esse dico, quòd expressio fluoris à corde non minùs, quàm à linteo madido contorto, fiat ob constrictionem cavitatum, & pororum, quæ à fluore replebantur; sed nego, talem constrictionem in corde, & expressionem sanguinis fieri ab eadem causa, iisdem organis, & eadem actione mechanica, qua fit in linteo madido contorto. Nam in hoc ante contorsionem fibræ AB, CD erant laxæ, & ideò admittebant plurima interstitia, quæ à guttulis aquæ repleri poterant, postea contorto linteo, eius fibræ coguntur plures circuitus a c, b d conficere circa fasciculum lineum eiusdem ferè altitudinis, & ideò fibræ illæ nedum valde elongari in prolixis giris, sed etiam extenuari, & tendi debent; proindeque latera fibrarum læuigata deterfis plicis se mutuò tangent, & consequenter euanescent interstitia, vnde aquæ guttulæ, quæ in eis extiterant necessariò expellentur. Verùm in corde repletio ventriculorum fit alio modo prorsus diuerso ab illo. Non enim moles corporea cordis decrescit extenuaturque, sed potius augetur in dupla proportionē. Fibræ cordis non elongantur, sed potius contrahuntur, vt musculorum natura exigit. Eadem fibræ

non



non se mutuò tangunt, nec earum interstitia replentur ob violentā tractionem, & extensionem, sed ob earum inflationem. Nec, quia plicæ deterguntur, & læuigantur à tractione, sed è contra, quia rugosæ fiunt ob porulorum turgentiam. Et denique, sicut verum est, quòd à spirali contorsione fibrarum linteï cauitates tolluntur, & idèd aqua exprimitur, sic falsum est, quòd à consimili contorsione spirali fibrarum cordis sinus repleantur; quia eius spiræ in actu tensionis tantum abest, vt torqueantur, & obliquiores, frequentioresque fiant, vt contrà minùs, oblique fiant; & proindè talis contorsio fibrarum, quæ in natura non existit, effectum repletionis ventriculorum cordis, & expressionis sanguinis producere non potest.

Cap. 5. De corde eiusq; pulsatione.

Non tamen putes, inutilem fore spiralem dispositionem fibrarum cordis, inseruiunt enim ad firmam colligationem parietum eius, vt permaneat eadem facies, & configuratio cordis; quod quidem præstitit natura fibris in orbem circumductis ab externis tendinosi orificijs vasorum ad internas columnas, & mirabili artificio decussatis, & contextis.

#### PROPOS. LIII.

Quare cordis humani mucro in systole partem sinistram pectoris pulsat, causam reddere.

Quia cor pendulum firmatur in medio pectoris à suis ligamentis, & in qualibet systole eius mucro fertur ad contactum pectoris, illudque percutit, ergo necesse est, vt hoc fiat à dilatatione cordis, aut à motu locali,

Cap. 5. De  
corde eiusq;  
pulsatione.

cali, & translatione eiusdem, vel ab erectione totius, aut à flexione, & incuruatione mucronis eius. Et sicuti duas priores operationes experientia respuit, sic postremam confirmat. Quare restat tantummodo inquirenda causa mechanica huius effectus, qui pendere videtur primò ex dispositione fibrarum cordis; Videmus enim intestinum curuum filo ligatum, & aqua non omninò repletum in directum extendi tractum à pondere eius; at si embolo aqua vrgeatur, tunc intestinum incuruatur, vt eius figura exigit, & altera extremitas pendula erigitur, & percutiet manum ei approximata. Hoc planè consequitur ex figura curua pelliculæ intestini, quæ longior est in parte eius conuexa, & breuior in parte concava. Sic paritèr in parte sinistra ventriculi cordis, paries sinister est breuior, minùs carnosus, & minùs incuruatus quàm sint duo parietes dextrum ventriculum ambientes. Vndè in systole erigi debet cordis mucro versùs sinistram partem pectoris, eamque percutere potest pro gradu violentiæ, qua erigitur. Hoc saluari quoque potest, vel adiuuari ab erectione cordis obliquè iacentis, vel à situatione, & dispositione fibrarum, quæ obliquè spirallirè circumducuntur à parte dextra basis cordis versùs sinistram partem verticis; vnde in inflatione fibrarum distorqueri, & erigi potest fasciculus fibrarum anteriùs versùs sinistram partem, & sic percussio fieri potest.



## P R O P O S. LIV.

Cap. 5. De  
corde eiusq;  
pulsatione.

Exponitur vsus, & actio auricularum cordis,  
& valvularum eius.

Extrema pars venæ cauæ in maioribus animalibus tota circumcirca musculosa est, vt constringatur ad instar sphincterum. At tali fulcimento caret extremitas venæ pulmonaris. Desinunt postea ambæ hæ venæ in duas auriculas musculosas, quæ sinuosæ sunt, vt sacci appositi ad latera cordis, nec sunt dissimiles diuerticulis illis tortuosis, quæ ad latera portarum, ergastularum apponi solent, ne facilè carceribus detenti effugere possint.

Structura postea auricularum similis est ei, qua sinister cordis ventriculus textitur in parte eius caua. Constant enim auriculæ ex fibris carneis decussatim contextis, quæ interiùs calligantur in plures columnulas, & scrobulos latera illorum saccorum connectentes. Ijs succedunt tres membranæ in dextro, & duæ in sinistro ventriculo, quæ sunt validissimæ, figura triangulares, quarum bases arcuè figuntur integro circuitu interno tendinis orificij cordis, areæ postea, earundem membranarum ramificantur intra cordis ventriculos in plures funiculos tendinosos, qui annectuntur summitatibus papillarum extuberantium, è regione positarum.

Vsus huius admirabilis structuræ indicandus est. Primò venæ cauæ pars carnosa non est ad robur, ne disrumpatur à profluio irruentis sanguinis, sed potiùs, vt sua restrictione sanguinem in obliquum sinum



Cap. 5. De auriculæ propellat, eamque turgidam reddat. Quod corde eiusq; etiam coadiuuatur à constrictione peristaltica totius pulsatione. venæ cauæ, & à compressione musculorum, & viscerum totius corporis: ex quo fit, vt sanguis per apertum ostium auriculæ pleno gurgite repleat eius cauitatem, & excurrat intra dextrum ventriculum, & pari necessitate è vena pulmonari fluit sanguis intra auriculam sinistram, & deinceps in cordis ventriculum sinistrum.

Postea simul tempore duæ auriculæ actione contractiua, & compressiua propria musculorum, & vi præli constringuntur hoc ordine, vt primò ostio clauso impediunt regressum sanguinis intra easdem venas, à quibus aduenerat; secundò valida vi præli sanguinem elutriando insinuant intra cordis ventriculos, quousque turgidi fiant. Huic actioni subsequitur compressio præli cordis, à qua sâguis ipse sua plenitudine valuulas tricuspides, & mitrales inflando exactè claudit ostia venarum, & proinde impedit sanguinis regressum. Vnde necesse est, vt exprimatur intra arterias pulmonarem, & Aortam. Hæc omnia pluribus experimentis ab Arueo, & ab alijs factis comprobata sunt.

## P R O P O S. LV.

Earundem operationum causas mechanicas inquirere.

Expositis phænomenis, restat modò ratio mechanica inuestiganda. Et primò, quia auriculæ cordis sunt musculi rotundi excauati, compositi ex fibris car-

carnosis spiralitèr inuolutis , & decussatim sese intersecantibus , & desinunt in fasciculos columnares , & in scrobiculos , eodem modo , ac cordis ventriculus conformatus est . Ergo eodem artificio , & necessitate mechanica , qua cor operatur , debent quoque eius auriculæ vi præli, per cuneos intra poros fibrarum insinuatos , inflari , tendi , & constringi , & ideò exprimere sanguinem in eis contentum .

Secundò, quòd auricularum constrictio præcedere debeat ventriculorum cordis contractionem, licèt videantur simul moueri , sic demonstrabitur . Si enim hoc verum non est, ergo aut simul , & eodem tempore auriculæ , & cordis ventriculi constringuntur , aut priùs cor , quàm eius auriculæ , stringitur . Si primum . Quia valuulæ triangulares vsum nō habent antequam cor constringatur , neque postquam completa est eius constrictio , nam clausura valuularum frustra fieret , quando sanguis retrocedere non potest ; at antequam cor stringatur , retrocedere non potest , quia tunc sanguis non adhuc existit in ventriculis , & ideo non potest impelli à cordis systole ; & post constrictiōem cordis , sanguis expulsus , in arterijs , & in corde non existens , multò minùs retrocedere potest , ergo necessariò illo tempore , quo ventriculi cordis stringuntur , exactè clausa esse debent orificia venosa à valuulis triangularibus , vt sanguis non retrorsum , sed antèriùs intra arterias impellatur . Verùm si illo eodem tempore auriculæ stringerentur , euomerent sanguinē in eis contentum intra cordis ventriculos , & proinde recluderent clausuram factam à valuulis triangularibus , eò quod earum dispositio talis est , vt ab aduentu ipso sanguinis aperiantur , & dilatentur . Quare

Cap. 5. De  
corde eiusq;  
pulsatione.

eodem tempore sanguis impelleretur intra cor ab auricula, & repelleretur à corde; proindeque conatus, & motus contrarij mutuò se destruerent, & ideò essent frustrà. Præterea, quando duo exitus in eodem cordis ventriculo patent, tota vis compressiva cordis diuiditur in duas partes æquales, quæ duas sanguinis medietates impellunt, vnam quidem retrorsum, alteram antrorsum intra arterias, quare stultè duplici molimine natura dimidiatum effectum assequeretur. Adde, quòd valuulæ triangulares, prorsus inutiles essent, cum vrgente necessitate, quando exactè occlusæ esse deberent, tunc aperirentur; quare videtur impossibile, vt auriculæ cordis, eiusque ventriculi simul, eodemque tempore constringantur.

Si verò supponamus ordine contrario priùs stringi ventriculos cordis, & postea auriculas comprimi, multò absurdus esset; retrocederet enim medietas sanguinis in ventriculo cordis contenti, & insinuaretur intra auriculam vtrimque apertam, & hinc intra venam.

Igitur fatendum est, quòd præcedere debet restrictio auriculæ, & deinceps immediatè cordis ventriculus stringi debet, & tunc optimè, & compendiosè operationes omnes procedunt, nam compressa auricula, priùs impeditur regressus sanguinis intra venam, secundò exprimitur sanguis ab auricula intra sinum cordis, & tertio clauditur orificium cordis ab auricula restricta, quartò ampliato sinu cordis à turgentia sanguinis expanduntur vela valuularum triangularium ad instar portarum, vt mox ostendemus. His peractis, quintò loco succedit congestio, & inflatio cordis, à qua tota sanguinis massa intra ventriculos.



culos contenta, quæ nequit retrocedere ob duplicem clausurâ, cogitur exire per ianuâ patentē arteriosam .

Cap. 5. De  
corde eiusq.  
pulsatione ;

Tertiò aduerto, quòd differt astio auriculæ dextræ à sinistra, quia sanguis è venâ pulmonari amplissima, & prominenti, velocissimo cursu ruere debet intra ventriculum sinistrum cordis ob gravitatem eius, & ob compressionem pulmonum, tanquam ab inflatis folliis. Hinc fit, vt exigua auricula sufficiat ad transmittendū sanguinem velocissimè currentem intra cordis sinistrum ventriculum ; & aliundè exactè ostium, cordis claudi potest à parua auricula simul cum valvulis mitralibus .

E contra in dextra auricula tarditas affluxu sanguinis compensari debet ab amplitudine canalis. Et insuper, quia debet auricula dextra non solum claudere orificium cordis, sed etiam sanguinem lento cursu fluentem rapidè insinuare intra dextrum ventriculum; hinc est, quòd musculus, & cavitates auriculæ dextræ maior, & validior esse debuit, quàm sit musculus sinistræ auriculæ .

Quartò, modus, quo valvulæ triangulares exactè orificia cordis claudunt, talis est. Quia membranosa illæ valvulæ triagulares implantantur suis basibus ad instar vexillorum in vna parte circularis anuli tendinosi orificij cordis ; & reliqua latera earundem membranarum triangularium pluribus filamentis tendinosis alligantur papillis, seu tuberculis carneis existentibus in opposita parte cavitatis ventriculi, non secus, ac lintea expansa cōtra solis radios pluribus funiculis tensi retinentur . Hinc fit, vt adueniente profluuiio sanguinis, dilatentur cavitates ventriculorum, & ideo lintea illa membranosa, quæ prius conniuebant, tra-

Cap. 5. De  
corde eiusq;  
pulsatione.

huntur, expandunturque transuersè per totam amplitudinem ventriculorum. Quare necesse est, vt vertices, & latera earundem valuularum triangularium, tracta à funiculis decussatis, coniungantur, & sic connexa componant vnā superficiem conicā, quæ maior erit plano foraminis, seu circuli basis eiusdem coni. Postea subsequitur cordis systoles, quando interni parietes ventriculorum vniuntur, & ideò illi funiculi relaxantur, & simul vniuntur; Et proinde facies membranarum triangularium vniri, & sinuosam figuram acquirere debent, non diminuta superficie earum, quia membranæ non contrahuntur. Ex quo fit, vt plenitudo sanguinis, lintea illa repellendo, & inflando, eos incuruet, non secus, ac vela nauium, à vento repleta sinuosè incuruantur. Cumque præterea sinuosa illa lintea transferātur versùs orificia cordis tendinosa, cuius aream rotundam longè superant, igitur necesse est, vt exactè foramina illa claudant, antequam systoles cordis compleatur. Quare necesse est, vt sanguis intra sinus ventriculorum comprehensus, à processu, & continuatione constrictionis cordis, vsque ad totalem vnionem parietum eius, omninò expellatur extra ventriculos per orificia arteriosa, vbi pater exitus, & via.

Quintò, si non præcederet clausura auricularum, valuulæ illæ membranosæ resistere non possent validissimæ violentiæ, qua sanguis à corde compressus membranas illas distrahendo disrumperet; ideò prouida natura apposuit fornicem, seu tabulatum carnosum auriculæ restrictæ, vt duplici porta clauderet ostium amplum cordis.

Hinc deducitur, quòd actio auriculæ diuturnior est, quàm

quàm sit cordis systoles, nam incipit illius constrictionio, dum cor non agit, & desinit eodem momento, quo systoles cordis completur.

Cap. 5. De  
corde eiusque  
pulsatione.

Sextò notandum est, quòd in orificijs anteriofis cordis pariter apertis, non opus est tanto apparatu, ut regressus sanguinis intra cor impediatur; nam post exitum sanguinis à corde, & postquam expulsa est maior eius pars extra arteriarum extremitates, non potest impelli retrorsum, tum quia non vrgetur à vi alterius muscoli æquè validi, ac est cor, tum etiam quia iam amandatus est extra arterias. Quapropter sufficient valvulæ exigui roboris, quanta est vis, quam plenitudo non omnimoda arteriarum facere potest, quæ minima est. Et ideò tres valvulæ semilunares, longè debiliores, quàm sint illæ triangulares absque auriculis satis sunt ad impediendam regurgitationem sanguinis expulsi à corde.

Deinde ad inquirendam vim facultatis motiue cordis, sequentia lemmata vtilia sunt.

### P R O P O S. LVI.

Si funis globo, & cylindro cõpressibili circumvolutus, vniformitèr per totam eius longitudinem contrahatur, erit potentia funem contrahens ad resistantiam globi, vel cylindri, ut semidiameter eius ad funis circumferentiam. Tab. 17.

Fig. 4.

Sit cylindrus, vel globus compressibilis, cuius circulus maximus, vel basis  $RSQ$ , stringatur à fune, cuius



Cap. 5. De  
corde eiusq;  
pulsatione.

cuius medius axis CEDH . Patet, quòd funis longitudo mensuratur ab axi, qui bifariam secat illius crassitiem . Contrahatur postea longitudo funis vniformitèr, itaut omnes eius particulae eadem proportionè decurrantur . Dico, quòd potentia funem contrahens, ad vim, qua globus, vel cylindrus RSO constrictioni resistit, eandem proportionem habet, quam circuli radius AC ad eius peripheriam CEH.

Intelligatur funis BE terminus B firmiter annexus in R, & funis HC terminus C contiguus ipsi C trahatur à potentia M, à C versus M, tunc necesse est, vt peripheria circularis CHDEB continenter diminuat, efficiendo circulos minores, & minores quousque, tracto integro fune, eius caua peripheria ROS ad contactum centri A perducatur . Et dum fit talis tractio, oportet, vt globi, vel cylindri comprehensi crassities successiuè stringatur, quousque omninò euanescat, & centrum basis eius perducatur ad contactum funis in R sub clauo in B. Et quia peripheria CEH ad semidiametrum CA eandem proportionem habet, quàm peripheria IN ad eius semidiametrum IA<sup>a</sup>, ergo homologorum differentiae in eadem ratione erunt, scilicet excessus peripheriae CEH supra peripheriam IN, nempe longitudo CM funis tracti ad CI, seu ad RA decurtationem radij; scilicet ad motum constrictionis globi, seu cylindri comprehensi eandem proportionem habet, quam tota peripheria CEH ad semidiametrum eius AC.

Ijs declaratis aduerto, quòd potentia, qua globus, seu cylindrus constrictioni resistit, multiplex est, constans ex tot particulis, quot sunt puncta physica in peripheria cylindri RSO, quae potentiae vim faciunt

per

a lib. 5. pr.  
14. Eucl.  
Rest. Aug.

per radios eiusdem circuli, impellendo à centro ad peripheriam, quando agunt se dilatando; & è contra retrocedendo versus centrum, quando vim patiuntur. Ex eo igitur, quòd singula puncta per æquales radios eodem tempore mouentur, sequitur, quòd æquè velocia sunt. Et ideò omnia simul, scilicet vniuersa potentia, qua globus, vel cylindrus restrictioni resistit, eadem est velocitate, qua vnicum punctum peripheriæ mouetur. Quare velocitas, qua tota potentia cylindri restrictioni resistit, mensuratur à motu per vnicum radium BA factò. Et aliundè velocitas, qua potentia M funem trahit, mensuratur à longitudine MC funis tracti, seu à peripheria BEDH. Igitur vbiunque fiat potentiarum æquilibrium, erunt potentiæ in reciproca proportionem velocitatum, quibus eodem tempore moueri possunt: quapropter erit potentia M ad vim, qua cylindrus restrictioni resistit, vt motus per CA ad motum per CM, seu, vt radius AB ad circuli integram peripheriam BEDH.

Postea, quia idem motus consequitur, si omnes funis particule minimæ contrahantur, ad inuicem se approximando, ac efficitur trahendo funem per longitudinem CM æqualem peripheriæ BEDH; Igitur potentia funem contrahens efficit motum æqualem peripheriæ BEDH; & resistentia, nempe cylindri compressi motus sit per radium BA; ideoque potentia funem contrahens ad resistentiam cylindri compressi eandem proportionem habet, quam circuli radius BA ad eius peripheriam BEDH.

Cap. 5. De  
corde eiusq;  
pulsatione.

Cap. 5. De  
corde eiusq;  
pulsatione.

## P R O P O S. L V I I.

a Tab. 17.  
Fig. 5.

In duabus libris <sup>a</sup> FB, & BH se tangentibus in B, quarum centra C, D, sint radij CB, BD æquales, & FC maior, quàm DH, atque suspensum pondus V ex terminis connexis B æquilibretur cum duobus cōtrapositis ponderibus R, & T; sintque data pondera V, & R, & datæ proportiones radiorum CB ad CF, & BD ad DH: reperiri debet pondus T. Et datis ponderibus R, T, reperiri potest pondus V.

Vt CB ad CF, ita fiat pondus R ad P portionem ipsius V. Ergo pondera P, & R quiescent æquilibrata; sed ex hypothesi, integrum pondus V æquilibratum persistebat cum duobus ponderibus R, & T. Igitur residuum pondus Q æquilibrium efficiet cum reliquo T; & ideo Q ad T, erit, vt distantia DH ad DB, & sic pondus T, innotescet. Secundò, vt R ad T, ita fiat distantia DH ad DG, & in eius termino G appendatur pondus S æquale ipsi R. Patet, momenta S, & T æqualia fore, & ideò S æquilabrabitur cum eodem pondere Q. Quare, vt S ad Q, ita erit BD ad DG, & P, Q ad S erit FC cum DG ad BD, seu ad CB, & fuit S ad T, vt DH ad DG. Ergo proportio PQ ad T, componitur ex ratione FC cum DG ad BD, & ex ratione DH ad DG, quæ duæ rationes componunt proportionem rectanguli ex FC cum DG in DH ad rectangulum ex DB in DG; & prius PQ ad R, seu ad S erat, vt FC cum DG ad BD, seu sumpta DH communi altitudine, vt rectangulum ex FC cum DG in DH ad rectangulum ex BD in DH. Ergo PQ, seu V ad R, &



R, & T, simul erit, vt rectangulum ex FC cum DG in DH ad rectangulum ex BD in DG cum DH, & inuertendo innotescet pondus V, quod quærebatur. Cap. 5. De corde eiusq. pulsatione ;

## P R O P O S. LVIII.

Vis vtrem aqua plenum stringens ad resistentiâ aquæ, per fistulam ei annexam expulsæ, eandem proportionem habet, quam amplitudo vtris ad amplitudinem fistulæ. Tab. 17.

Fig. 6.

Facilitatis gratia ponatur figura vtris ABCD cylindrica, cui annexa sit fistula paritèr cylindrica GH, & embolo LM impellatur aqua contenta ab AD vsq; ad BC, & aqua AC expulsæ ascendat à G vsque ad H; sitque P potentia embolum impellens, & R resistentia, qua aqua resistit expulsionì. Dico, potentiam P ad R se habere, vt amplitudo circuli AD ad amplitudinem circuli IG. Quia eadem moles aquæ eodem tempore motæ replet successiuè duos cylindros æquales AC, & IH. Ergo<sup>a</sup> altitudines, & bases sunt reciprocæ; & velocitas aquæ expulsæ, seu resistentiæ R mensuratur à motu eius, seu ab altitudine GH, & velocitas aquæ compressæ, seu motus emboli, seu potentia P mensuratur ab altitudine AB. Igitur potentia P ad resistentiam R se habet<sup>b</sup>, vt GH, velocitas ipsius R ad AB velocitatem ipsius P, seu vt amplitudo circularis AD ad amplitudinem circuli IG.

1 lib. 6. pr.  
32. Eucl.  
Rest. Auct.

b ex mechanis.

## S C H O L I V M

Patet ergo, quòd si longitudo GH fuerit nonupla ipsius AB, & vis, quam aqua IH exercet sit æqualis ponderi libræ vnius, erit potentia embolum impellens æqualis vi libr. nonem.

Q

Si

Cap. 5. De  
corde eiusq;  
pulsatione.

## P R O P O S. LIX.

Si intra fistulam aquam continentem è maiori tubo noua aqua embolo impellatur, vis embolum impellens ad resistantiam aqueæ molis præexistentis, & de nouo impulsæ intra fistulam, eandem proportionem habebit, quam amplitudo orificij tubi, ad amplitudinem orificij fistulæ. Tab. 17. Fig. 17.

Præexistat in fistula moles aquæ GH, & insinuato embolo vsque ad BC, aqua ascendat ab H ad O. Sitque P potentia impellens embolum, & R resistantia, quam exercet tota moles aquæ GO. Dico P ad R se habere, vt circulus AD ad circulum IG. Fiat moles aquæ GK æqualis AC. Quia moles aquæ GO æqualis est aquæ præexistenti, & infusæ, & erat GH moles præexistens; ergo aqua HO æqualis est moli expulsæ AC, seu GK, & addita communi KH, erit KO æqualis præexistenti GH. Quare aqua GH translata est eodem tempore ab H ad O per spatium æquale GK ei, quod pertransijt aqua de nouo expulsa (ob fistulæ vniuersalem crassitiem). Igitur æquè velocitèr vniuersa aqua mota est, ac expulsa GK ascendit. Quare potentia P impellens totam aquam GO, ad eius resistantiam R reciprocè erit, vt velocitas aquæ GO (quæ eadem est, ac velocitas ipsius GK) ad velocitatem, qua potentia P impellit embolum. Erat autem velocitas GK ad velocitatem AB, vt circulus AD ad circulum IG; ergo potentia P ad resistantiam totius aquæ eandem proportionem habet, quam orificium tubi AD ad orificium fistulæ IG.

a huius pr.  
48.

Vt

## S C H O L I V M.

Cap. 5. De  
corde eiusq;  
pulsatione.

Vt si aqua præexistens KO fuerit vnciarum 57. & aqua infusa trium vnciarum, erit tota aqua GO, librarum quinque, & mouetur velocitate IK, quæ in præcedenti propositione supposita fuit nonupla velocitatis AB. Ergo potentia embolum impellens, nonupla erit resistentiæ librarum quinque, & proinde exercebit vim æqualem ponderi librarum 45.

Notandum perinde esse, siue aqua in fistula immissa impulsui resistat suo pondere, vt in situ erecto, siue in situ plano resistat sua mole inerti, quatenus retardat impetum corporis impellentis pro gradu virtutis motuæ ei impressæ, vt ostendimus.<sup>b</sup>

b De vi per  
cuf. pr. 27.  
& cor. pr. 28

## P R O P O S. LX.

Si aqua intra tubum AC<sup>a</sup> contenta embolo LN impellatur intra fistulam mollem EH ei annexam, quæ à pondere incumbente S compressa omninò sit, erit potentia embolum impellens, quæ sit PQ ad vim R, qua aqua impulsioni resistit, vnà cum vi, qua pondus S fistulæ dilatationem impedit, vt rectangulum EFHG sub longitudine, & sub dilatatione fistulæ repletæ, ad quadratum ex AB motus emboli.

<sup>a</sup> Tab. 17.  
Fig. 8.

Quia impulsus emboli LN duplicem effectum eodem tempore producit, fluxum nempe directum aquæ per longitudinem fistulæ EF, & simul expansionem eiusdem fistulæ lateralem EG, eam aquæ plenitudine

Q. 2

ad



Cap. 5. De  
corde eiusq;  
pulsatione.  
b De vi per  
eius cap. 10.  
prop. 27.

ad instar cunei dilatando. Verùm directo impulsui resistit aqua sua mole inerti<sup>b</sup>, quatenus gradus impetus, qui ei imprimitur, subtrahitur à proijciente; & præterea impulsui laterali in orbem resistit potentia fasciarum, & pondera incumbencia S, dum impediunt dilatationem fistulæ; & tandem in fine dilatationis æquantur momenta contrapositarum potentiarum. Ergo pars potentia impellentis, quæ sit P ad resistentiam aquæ directè fluentis, quæ sit R, eandem proportionem habebit, quam huius velocitas motu per EF factò ad velocitatem per AB, qua potentia P impellendo embolum, eodem tempore mota est. Pari modo reliqua pars potentia, quæ sit Q ad resistentiam S, qua aqua, & pondus incumbens constringunt fistulam EH, & impediunt dilatationem eius, eandem proportionem habebit, quam velocitas, quæ per latitudinem EG exercetur à pondere incumbente, ut impediatur fistulæ inflatio ad velocitatem, qua potentia Q per AB embolum impellit. Verùm hæ duæ proportiones componunt proportionem rectanguli FEG ad quadratum AB. Igitur potentia PQ ad resistentiam RS eandem proportionem habet, quam rectangulum FEG ad quadratum AB.

Vt, exempli gratia, longitudo fistulæ EF fuerit centum partes, quarum AB fuerit decem, & latitudo ampliata fuerit duæ partes: fueritque aqua GEFH vnus libræ, & pondus incumbens librarum nouem: Erit rectangulum GEF 200. & quadratum AB 100. Quare potentia PQ embolum impellens, ad resistentiam RS, erit, ut 200. & 100. seu in ratione dupla.

## P R O P O S. LXI.

Cap. 5. De  
corde eiusq;  
pulsatione.

Iisdem positis, si fistula mollis EH<sup>a</sup> fuerit plena aquæ, sed non turgida, & à pondere incumbente, & à fascijs S circumplexa, resistatur dilatationi fistulæ: erit potentia PQ embolum impellens ad vim R, qua aqua præexistens, & de nouo infusa impulsioni resistit, vnà cum vi S, qua pondus, & fasciæ dilatationi fistulæ aduersantur, vt rectangulum GKZO sub motu directo aquæ de nouo immissæ, & sub dilatatione fistulæ ad quadratum ex AB motus emboli.

a Tab: 17.  
Fig. 9.

Vt insinuetur aqua ABCD intra fistulam EGHF, oportet, vt hæc fistula, quæ plena aquæ supponitur, dilatetur vsque ad KM, vt nouam aquam excipere possit: & tunc obseruari debet, quibus motionibus aqua insinuetur, & quo ordine, & modis aqua præexistens fistulam expandit. Et primò, quia aqua GEFH ob partium contiguitatem constituit columnam cylindricam, cuius basis circularis GE compri-  
mi, & impelli non potest versùs H, quin etiam impellatur tota longitudo columnæ GF, quatenùs posteriores particule anteriores in directum positas vrgent, non secùs, ac fibræ ligni in directum impelluntur; at quia talis columna est mollis, & parietes GH non sunt firmi, sed distrahi possunt, sequitur, vt fibræ GH, EF aqueæ directè impulsæ cogantur declinare ab itineris rectitudine, & ferri ad occupandum spatium MHGK.

Hiscæ ergo duobus motibus, directo nempe, & trans-

Cap. 5. De transuersali tota aqua præexistens, & infusa promoueri debet impulsa à vi emboli, vt scilicet aqua GEIO transferatur ad replendum spatium dilatatū ZOHM, & noua aqua ab embolo effusa repleat pristinum spatium GEIO, & dilatatum KGOZ. Notandū prætereà est, quòd velocitas, qua tota aqua directo motu excurrit per fistulæ longitudinem GH, mensuratur à motu nouæ aquæ EIZK per spatium EI, cum præexistens aqua promoueatur eadem velocitate, qua de nouo adueniens mouetur; vt dictum est<sup>b</sup>. At velocitas, qua tota eadem aqua eodem tempore transuersali motu fertur ad replendam latitudinem ampliatam, mensuratur a semi excessu diametri EK, supra diametrum EG; & eadem velocitate, qua aqua expanditur in latum, mouentur quoque cedendo pondus incumbens, & fasciæ ambientes fistulam. Igitur pars potentiae embolum impellentis, quæ sit P, agit velocitate AB cōtra vim totius aquæ resistentis velocitate EI, & reliqua pars Q impellens agit eadem velocitate AB contra vim ponderis, & fasciarum impredientium dilatationem velocitate GK. Ergo integra potentia PQ ad summam resistentiarum totius aquæ, & ponderis, & fasciarum eandem proportionem habet, quam rectangulum GKZO ad quadratum AB.

<sup>b</sup> huius pr.  
59.

Exempli gratia, sit AB partes 5. & earundem sit AD 6. EI 10, partes, latitudo EG 2. ampliatio fistulæ GK sit vna pars, & longitudo fistulæ EF sit 30. Ergo moles aquæ AG, siue EZ, aut GM erit 30. vnciarum, & aqua præexistens erit 60. & tota EKMF erit 90. vnciarum. Quare, vt quadratum ex AB 25. ad rectangulum GKZO 10. ita erit resistentia totius aquæ EM vnà cum vi ponderis incumbentis, & fasciæ



sciarum ad vim, qua embolus impellitur.

Itaque in hac hypothesi potentia embolum impel-  
lens ad vniuersam resistantiam erit, vt 2. ad 5.  
Deinceps ostendemus, quod

Cap. 5. De  
corde eiusq.  
pulsatione

## P R O P O S. LXII.

Si intra fistulam duram plenam aqua, embolo noua,  
aqua immittatur, exilit è foramine fistulæ mo-  
les aquæ æqualis ei, quæ adiuncta fuerat.

Quia fistula dura, & non dilatabilis excipere non  
potest maiorem aquæ molem, quàm sit illa cylindri  
aquei, à quo cavitatis illius exactè repleti supponitur;  
ergo, si nouam aquam intra fistulam impellere veli-  
mus, cum non detur penetratio corporum, hæc ad  
instar cunei lignei, expellet è foramine molem aquæ  
æqualem insinuatæ ab embolo.

## P R O P O S. LXIII.

Si fistula mollis, & dilatabilis, quæ vim se restrin-  
gendi non habeat, fuerit aquæ plena, sed non turgi-  
da, & intra eam tanta moles nouæ aquæ embolo  
immittatur, quanta sufficit ad replendam fistulæ  
dilatationem, non exhibit veloci effluxu è fistulæ fo-  
ramine angusto aqua adiuncta.

Quia vis emboli, impellendo aquam actione cunei,  
ex sui natura repletionem, & turgentiam fistulæ  
mollis producit, ideò spatium in fistula extendibili  
ampliatum replebitur ab aqua immissa. Quare fistula  
redu-

Cap. 5. De  
corde eiusq;  
pulsatione.

reducetur ad maximam extensionem, ad quam dilata-  
rari potest; & vltiori dilatationi æquè resistet, ac si  
dura esset, & in tali statu supponimus<sup>a</sup>, progressum  
emboli terminari. Igitur aqua è fistula non exhibit  
spontè veloci affluxu, quia ob grauitatem, aut prorsus  
non exiret à foramine in situ erecto fistulæ, aut  
in situ prono lento motu ob foraminis angustiam pro-  
diret. Neque violentè eijcietur, quia præcedens  
impulsio emboli nil aliud, quàm repletionem fistulæ  
mollis producere potuit, & completa repletionem sup-  
ponimus, embolum non ampliùs impellere, nec præ-  
tereà à vi constrictiua, ad instar arcus, qua fistula care-  
re supponitur, exprimi potest aqua. Ergo nullo pacto  
aqua veloci cursu exhibit è fistula, vt propositum  
fuerat.

#### P R O P O S. L X I V.

Si embolo intra fistulam maior aquæ copia immitta-  
tur, quàm sufficit ad replendam fistulæ dilata-  
tionem, expelletur aquæ infusæ excessus  
supra eam, quæ spatium dilata-  
bile replere potest.

<sup>a</sup> Tab. 17.  
Fig. 9.

Iisdem positis<sup>a</sup> sit spatium aquæ AC, maius spatio  
GM ampliabile fistulæ. Ergo quando repletum est  
spatium KH ab aquæ AC portione VC, fistula GM  
turgida ampliùs dilatari non posset, non secùs, ac si  
dura esset: ergo tunc ex Propos. 62. residuum aquæ  
AX, impulsus ab embolo eijci debet per foramen  
FM.

Iisdem

## P R O P O S. LXV.

Cap. 5. De  
corde eiusq;  
pulsatione.

Iisdem positis , si fistula repleta ab embolo vsque ad  
turgentiam , eiecerit tantam aquæ copiam , vt  
concidat , remaneatque æquè mollis, eiuf-  
demque magnitudinis, ac priùs fuerat;  
non euacuabitur fistula ab emboli  
vi impulsiva , sed ab alia  
causa externa .

Quia fistula è statu turgido non potest ad consisten-  
tiam mollem pertransire æquè laxam , & æquè am-  
plam , ac prius habuerat , nisi ab ea exeat tanta mo-  
les aquæ , quanta ab embolo introducta fuerat , &  
moles aquæ , quæ fistulæ turgentiam efficiebat, ab ea  
exire non potest spontè , vt ostensum est , neque ex-  
pelli potest à vi emboli , propterea quod dum em-  
bolus impellit, aquæ torrens fluit ad loca proximiora ,  
quæ minùs resistunt , & facilè distrahuntur , vt sunt  
latera mollia fistulæ; quare actio emboli producet re-  
pletionem , & dilatationem fistulæ ; non verò velo-  
cissimam expulsionem aquæ per angustiam foraminis  
fistulæ. Sicut videmus in intestino acu perforato, quod  
eo tempore, quo aqua in eo vi emboli immittitur, non  
exiliunt fonticuli ex foraminulis , sed tantùm pauca  
aliquæ guttulæ , dum tamen intestinum veloci pro-  
gressu repletur, inflaturque ; & postquam turgentia  
cõpleta est, tunc incipiunt fonticuli, quia nempe parie-  
tes intestini, non secùs, ac duri essent, amplius dilata-  
ri non possunt, & sic vi cunei aqua velocissimè efflue-  
re potest .



Cap. 5. De  
corde eiusque  
pulsatione.

Præterea nec immediatè post emboli impulsu aqua è foraminulo fistulæ exilire potest, quia tunc cessat impulsus emboli. Quare nullo modo ab impulsu emboli aqua è fistula eiicietur; & ideo necessè est, ut ab alia causa aqua, quæ illam turgentiam in fistula efficiebat, exprimatur, eiiciaturque; quæ esse potest compressio facta ab incumbente pondere, aut à vi machinæ, vel fasciæ, quæ fistulam circularitè ambiendo, eam stringat.

Hisce lemmatibus præmissis ad cordis vim declarandam deuenio: Et Primò

### P R O P O S. LXVI.

Methodum exhibere, qua vis motiua musculi cordis indagari possit.

Simplicissimus modus inquirèdi vim motiuā alicuius potentiaè habetur ex cognitione effectus eius notissimi, qui est pondus ab eo suspensum. Tunc enim vis potentiaè æquatur resistentiaè, quando immediatè, vel in libra radiorum æqualium vna alteri non præualet, sed in æquilibrio persistunt. Vel si adsit machina, quæ ad vectem réducitur, tunc potentiaè sunt reciprocaè proportionales suis distantijs, seu velocitatibus, quibus moueri possunt. Et hac methodo quæsiuimus vires musculorum artuum. Verùm hoc in corde aptari non potest, cum ordinatum sit à Natura, non ad tractionem articulorum grauium cum ponderibus annexis, sed ut sua constrictione ad instar præli exiguam sanguinis molem in ventriculis eius contenti exprimat. Potentiaè verò expulsiuæ non semper

con-

Contranitur vis ponderis; quia quando saxum deorsum impellimus, tunc saxum non resistit impulsui sua gravitate; & cum nauim natantem horizontaliter trahimus, illa ob æquilibrium non resistit exercendo gravitatem. Præterea potentia impellere potest machinam resilientem, vt est arcus, vel quid simile, cuius resistentia vt plurimum non potest cum pondere comparari. Et talis est operatio cordis: quare methodum mensurandi vim musculi à pondere appenso, qua hætenus vsi sumus, vsurpare non possumus in corde.

Cap. 5. De corde eiusque pulsatione.

Quando igitur in hoc negotio ab effectu peruenire non possumus ad cognitionem causæ, cogimur causam ipsam ab aliquo alio signo conijcere, vt inde magnitudinem effectus venemur. Tale autem signum erit similitudo, & analogia, quam musculus cordis habet cum cæteris musculis eiusdem animalis. Diximus enim, omnes fibras minimas, seu machinulas eiusdem, vel diuersorum musculorum in eodem animali æquè robustas esse, & æqualem vim motiuam exercere eodem tempore in statu sanitatis. Et quia moles æquales duorum musculorum continent æquales multitudines fibrarum minimarum, sequitur, quòd si vnus æqualium musculorum vim motiuam totalem præcognitam habuerimus, alterius quoque potentiam totalem conijcere poterimus. Igitur existente mole carnosæ cordis æquali ferè magnitudinibus vnus temporalium, & vnus masseteruu musculorū, cum iam vim motiuam totalem eorundem præsciuerimus, probabiliter affirmare possumus, vim motiuam cordis æqualem esse ei, quam duo prædicti musculi mandibulam stringentes exercent.

Cap. 5. De  
corde eiusq;  
pulsatione.

## P R O P O S. LXVII.

Vis motiua fibrarum musculi cordis per se considera-  
ta maius pondus suspendere posset, quàm  
3000. librarum.

Iam demonstrauius, illud pondus, quod sustentatur  
ab integro musculo, seu à fasciculo toto fibrarum,  
a huius par. 1. pr. 120. carnosarum, id ipsum suspendi quoq; posse<sup>a</sup> ( licet ad  
minorem altitudinē ) ab vnico strato totidē fibrarum  
minimarum, quot sunt fibræ fasciculum componen-  
tes. Igitur non sufficit nosse experientia, quod à qua-  
tuor musculis mandibulam stringentibus absque ve-  
ctis auxilio suspendatur maius pondus librarum 300.  
b & semissis à semisse, scilicet vnus musculus tempo-  
ralis cum vnico massetere sustinebunt pondus maius  
150. librarum. Is enim conatus efficitur à totidem  
extremis fibris minimis, seu à tot musculis, quot sunt  
fibræ integræ contentæ in duobus prædictis musculis.  
Et quia quælibet integra fibra eorundem musculorū  
non est minor longitudine illa, quam occupant cras-  
sities duorum digitorum (compensatis nempe excessi-  
bus longiorum fibrarum cum defectibus breuiorum )  
c par. 1. pr. 15. & in spatio digitali cuiuslibet fibræ continentur plus-  
quam viginti machinulæ<sup>c</sup>, seu poruli in directum  
dispositi instar catenæ, supponamus tamen non con-  
tineri plures, quàm decem fibras minimas, ergo in  
longitudine cuiuslibet fibræ earum, quæ duos prædi-  
ctos musculos componunt, plusquam viginti fibræ  
minimæ continentur. Cumque pondus 150. librarum  
suspendatur ab vnico strato machinularum eorundē  
muscu.



musculorum . Igitur, vt habeamus vim integram, quā natura exercet in eisdem musculis, vigesies multiplicari debet vis illius strati, nempe eam, quæ 150. libras suspendere valet . Quapropter vis integra, quam exercet natura, vt inflat omnes porulos eorundem duorum musculorum, maior est vi ponderis 3000. librarum . Licet eius momentum non sit maius 150. libris .

Cap. 5. De  
corde eiusq.  
pulsatione

Postea fibræ cordis agunt se inflando, non vt contrahantur, sed vt inflentur, & sua plenitudine repleant cordis cavitates, & vi cunei exprimant, & impellant sanguinem, qui in ventriculis cordis continebatur, veluti nuclei compressis digitis expelluntur . Vnde cortex cordis comparari potest tormento bellico minori, sclopeto nuncupato, & in illo fibræ internæ inflatæ vsum pulveris nitrati accensi, & rarefacti præstant; sanguis verò è ventriculis expulsus comparari potest glandulæ plumbeæ à sclopeto eiaculatæ .

Hæ operationes suadentur, quia cortex constat ex fibris spiraliter inuolutis, quæ resistunt distractioni, non secus, ac si essent fasciæ, & circuli ferrei dolij cordis . Differunt tamen parietes sclopeti à cordis cortice, quod illi sua tenacitate solummodo distractioni resistunt, at fibræ cordis primò distractioni resistunt tenacitate, & vi contractiua externæ faciei connexæ earum : secundò pars caua earundem fibrarum corrugata, inflatis plicis actionem cunei exercet, quatenus spumosis ampullis turgentibus vim analogā ei, quam pulvis nitratus rarefactus, efficit . Quare sicut quodlibet granulum pulveris nitrati sua rarefactione impellit sibi correspondentem particulam glandis, & omnia granula accensa simul operando impellunt totidem


Cap. 5. De  
corde eiusq;  
pulsatione.

tidem particulas glandis plumbeæ, quot sunt granula, sic paritèr singulæ fibræ minimæ, seu machinulæ cordis sua inflatione immediatè, & eodem tempore operantes agunt impellendo æquales particulas sanguinæ glandis, quam cor eiacularur. Et ideo huius totalis resistentia componitur ex tot particulis, quarum vna quælibet æquilibratur potentiaë vnus fibræ minimæ, quot sunt fibræ minimæ totius cordis. Et hinc fit, vt cordis potentia absoluta æquetur suo momento, nempè æquetur resistentiæ absolutæ sanguinis eiecti.

d par. 1. pr.  
120. & pr.  
127.

Si igitur quælibet fibra minima cordis æqualem vim efficit ei, quam vnaquælibet machinula musculi temporalis, aut masseteris exercet, vt supra insinuauimus d, & multitudo fibrarum minimarum contenta in his duobus musculis æqualis est multitudini minimarum fibrarum cordis; propterea, quòd moles carnea cordis æqualis est moli carnosæ duorum illorum musculorum. Igitur elicere possumus, quòd vis, quam exercent omnes minimæ fibræ cordis simul sumptæ, si impellerent radium externum libræ bifariam in centro sectæ, superare potest pondus 3000. librarum.

Debet postea demonstrari, quòd cor sua contractione superat maiorem resistentiam, quàm sit vis illa, quam ipse cordis musculus, eiusque fibræ minimæ, seu machinulæ exercent, seu quòd potentia absoluta musculi cordis minor est eius momento. Ad hoc autem præstandum, probandum est Primò, quòd



## P R O P O S. LXVIII.

Cap. 5. De  
corde eiusq;  
pulsatione.

Arteriæ omnes animalis, completa earum pulsatione, non possunt remanere sanguine exinanitæ.

Sensu constat, ampliores esse venas omnes simul sumptas, quàm sint arteriæ omnes, forsan in proportionem quadrupla: & per vtraque vasa fluit tota massa sanguinea, quæ in hominibus adultis 18. vel 20. libras excedere non solet; & licet venæ semper sanguine plenæ conspiciantur ob transparentiam vasorum, dubitare tamen quispiam posset, an arteriæ semper sanguine repletæ sint, an scilicet solummodò tempore pulsationis transitum sanguini concedant, & deinceps in quiete earum remaneant prorsus exinanitæ. Et si quidem prorsus exangues fierent, dum quiescunt, tunc denudatis arterijs, omninò restrictæ, & compressæ apparerent ad instar funiculi, aut laminulæ, quod autoplia refellitur, retinent enim figuram ampliatam rotundam, & fistulosam fluore plenam, quæ plenitudo cavitatis fistulosæ tactu ipso percipitur compressis digitis. Non secùs denudatis venis, si post cordis pulsationem arteriæ remanerent exangues, tunc fistulæ venosæ à mole quinque librarum sanguinis adiuncti excrescerent triente prioris crassitici, quod est falsum, nam nil prorsus crescunt.

Præterea in animalibus, quorum arteriæ transparentes sunt, ut in Ranis, patet ad oculum ex colore liquido eas plenas esse sanguine; ergo arteriæ post pulsationem non remanent exhaustæ, sed replentur saltem



Cap. 5. De tem à quadrante totius sanguinis, & ideo in homini-  
 corde eiusq; bus continent ferè quinque libras.  
 pulsatione.

Insuper dum pulsant, arteriæ turgidissimæ sunt, & à corde non subministrantur, nisi tres vnciæ sanguinis. Ergo, si ante pulsationem arteriæ prorsus vacuæ erant, à tribus vncijs à corde immixtis impleretur spatium vige sies maius, quàm sit moles illarum; et hoc est impossibile absque rarefactione, quæ certè non adest. Ergo ibidem libræ quinque sanguinis aliundè aduenirent, aut à corde, vel à venis retrocedendo; sed vtrumque est impossibile.

Adde, quòd tres vnciæ sanguinis à corde immixtæ replere non possent spatium maius semipede articularum cordi proximarum. Ergo si ante pulsationem exinanitæ erant, profectò reliquæ productiones articularum in sequenti pulsatione exangues quoque remanerent; & ideo non pulsarent simul cum corde, nam à sanguine inflatæ, vt vtris pulsatio efficitur.

Tandem experientia constat tempore pulsationis sanguinem effluere è qualibet arteria incisa, siue magna, siue minima fuerit, quæ instar fontium longius sanguinem ciaculantur: hoc autem fieri non possèt, nisi omnes arteriæ repletæ fuissent sanguine per totam longitudinem earum, tanta turgentia, vt ob loci angustiam prorumperet, & exiliret. At in sequenti pulsatione non reparatur, nec reponitur in arterijs, nisi minima portio sanguinis trium vnciarum, quæ sua mole nec mediam partem capacitatis articularum replere possèt. Ergo nisi remansissent ferè quinque libræ sanguinis, iterum arteriæ turgidæ reddi non possent.

Scio, non deesse, qui dicunt, sanguinis minimam  
 por-

portionem rarefactam ob cordis feruorem, posse re-  
plere cauitates cordis, & arteriarum: at talis imagi-  
natio ab ipsa experientia refellitur, vt alij etiam ad-  
notarunt.

Cap. 5. De  
corde eiusq.  
pulsatione ;

## C O R O L L A R I V M

Deducitur ex præcedenti, quod arteriæ post pul-  
sationem remanent repletæ à quarta parte ferè totius  
sanguinis animalis, nempè à quinque libris cruoris ;  
& moles sanguinis à corde in arterijs immissi, est vna  
pars vigesima sanguinis inter arterias contenti. Po-  
stremò tres vnciæ sanguinis à corde eiectæ intra arte-  
rias replent spatium arteriarum cordi proximum non  
maius semipede, scilicet triplum, vel quadruplum  
latitudinis ventriculorum cordis.

## P R O P O S. LXIX.

Motus, quo sanguis fluit in arterijs ter velocior est  
eo, quo cor mouetur, & eundem sangui-  
nem impellit.

Quia eodem tempore absoluuntur omnes hi motus,  
scilicet cordis inflatio, cauitatum eius restrictio ab  
interna mole carnea cordis aucta, expulsio sanguinis,  
qui ventriculos replebat, motus eiusdem intra arte-  
rias, & promotio illius massæ sanguineæ, quæ in arte-  
rijs præexistebat, facta ab vrgentia sanguinis è corde  
aduenientis.

Et patet, quòd tres priores operationes eadem  
velocitate in corde fiunt, quia eodem motu per idem

S


spa-

Cap. 5. De  
corde eiusq;  
pulsatione.

spatium amplitudinis ventriculorum mouentur fibræ cordis se inflando, per quod mouentur, restringendo eosdem ventriculos, & eijciendo sanguinem, qui ibidem continebatur. Duæ postremæ operationes paritèr eadem velocitate fiunt; quantum enim spatium conficit sanguis à corde impulsus intra arterias, tantum præcisè promoueri debet massa illa cruoris, quæ in arterijs præexistebat, quatenus pari passu vrgetur vna pars post aliam.

Verùm si conferatur motus restrictionis cordis cum motu progressiuo sanguinis in arterijs, proculdubio non erunt æquè veloces, quia ille efficitur per spatium æquale latitudini ventriculorum cordis, quod tres digitos in latum non excedit, & spatium, quod percurrit sanguis intra arterias æquale est longitudini semipedis. Ergo erit saltem triplum illius, & hi motus fiunt eodem tempore. Igitur motus sanguinis in arterijs triplo velocior est motu cordis:

Et noto, quòd motus sanguinis in arterijs idem semper est, siue tres vnciæ sanguinis à corde immixti exactè impleuerint spatium dilatatum in arterijs; siue aliqua eius portio post repletionem expellatur extra arterias. Vtroque enim casu tantum promouetur sanguis præexistens in arterijs, quantum spatium occupant tres vnciæ de nouo innuata, quæ longitudinem maiorem semipede percurrunt.





## P R O P O S. LXX.

Cap. 5. De  
corde eiusq;  
pulsatione.

Potentia cordis musculum constringens minor est resistentia, quam exercet sanguis in ventriculis eius contentus in proportionem subsexquialtera.

Comparando primo loco simplicem illam actionem cordis, qua sanguinem contentum in suis ventriculis comprimit cum resistentia, qua idem sanguis compressioni resistit. Patet, quod talis compressio efficitur ab externis fibris corticis se contrahendo, & ab internis fibris corrugatis, & inflatis actione cunei.

Quoad primas patet, quod fibræ externæ, & facies conuexæ sequentium fibrarum perinde agunt, ac funis circumuolutus circa globum, vel cylindrum; quare potentia fibras externas cordis contrahens ad resistentiam sanguinis compressi eandem proportionem habet, quam circuli semidiameter ad eius circumferentiam<sup>a</sup>, scilicet potentia erit minor una sexta parte resistentiæ. At fibræ cordis profundiores, & externarum partes cavæ agunt rugas, & plicas inflando, & ideo actione cunei, vel emboli impellunt directo motu à peripheria ad cordis centrum sanguinem ei inclusum. Quia verò in hac actione æqualibus momentis per eosdem semidiametros, eodemque tempore fit impulsus, & repulsus, Ergo potentia fibrarum internarum æqualis est resistentiæ sanguinis ab eis compressi. Et quia cordis fibræ externæ, quæ agunt se contrahendo, forsân decimam partem totius molis cordis non æquant, Ergo qualium partium vis fi-

a huius pr.  
56.

Cap. 5. De brarum interiorum cordis erit nouem partes , paritèr  
 corde eiusq; resistèntia sanguinis correspondèntis erit partes no-  
 pulsatione . uem , at qualium vis externarum fibrarum erat vna ,  
 fuit resistèntia sanguinis sex partes . Ergo qualium  
 integra potentia cordis est decem , erit resistèntia to-  
 tius sanguinis in ventriculis cordis compressi quindecim  
 partes, nempe vt duo ad tria .

P R O P O S . LXXI.

Vis, quam patitur sanguis in ventriculis cordis con-  
 tentus ab eiusdem compressione, æqualis est vi, qua  
 idem sanguis ad instar emboli impellit sanguinem  
 intra arterias , ad cuius resistèntiam eandem pro-  
 portionem habet, quam 1. ad 40. proximè. Tab. 17.  
 Fig. 9.

In eadem figura Prop. 61. intelligatur ABCD esse  
 cauitatem ventriculorum cordis à mole sanguinis  
 trium vnciarum repletam , cuius latitudo sit AB triū  
 digitorum æqualis altitudini eius . Postea arteriarum  
 ramificationes esse debent æquè crassæ, ac est truncus  
 principalis GZ , & compensatis excessibus cum  
 defectibus longitudinum eorundem ramorum possumus  
 suaderi, quod ab omnibus arterijs in vnum truncum  
 collectis componatur vnica fistula cylindrica ar-  
 teriosa GF : Talis autem fistula GF tempore quietis  
 cordis remanet mollis, & laxa, licèt repleta sit à libris  
 quinque , seu à 60. vncijs sanguinis , & deinde à cor-  
 dis pulsatione impulsis tribus alijs vncijs sanguinis ,  
 confurgit fistula EM dilatata, & repleta vsque ad tur-  
 gentiam à 63. vncijs sanguinis; & ideo cylindrus GF  
 ad æquè altum cylindrum EM , & proindè basis EG

ad EK, eritvt 60. ad 63. & eorum diametri EG ad EK erunt, vt radices quadratæ illarum, nempè vt 7. 7459. ad 7. 9373. ferè, & diuidendo linea EG ad GK erit proximè, vt 7. 7459. ad 0. 4086, seu vt 40. ad 1. proximè.

Cap. 5. De  
corde eiusq;  
pulsatione.

Modò, quia emboli operatio non differt ab operatione cordis quoad effectum, ambo enim eadem velocitate, & eodem tempore efficiunt eandem cauitatis cordis restrictionem, approximando parieti BC oppositum parietem AD, vel basim emboli; & eidem restrictioni resistit fluidum in ventriculis contentum, & ideo eadem energia vtrique compressioni idem fluidum resistit: sed vis, quam exercet embolus impellendo æqualis est vi, qua idipsum fluidum in tubo AC contentum restrictioni resistit. Ergo proculdubio fumere possumus vim emboli vice resistentiæ, qua sanguis cõpressioni cordis resistit. Igitur tam potètia, quæ embolum intra cor impelleret, quàm illa vis, quam exercet sanguis in ventriculis resistèdo compressioni, eandem proportionem habebit ad vim, qua sanguis in arterijs præexistens, & additus, vnà cum alijs impedimentis, impulsioni resistit; Ergo vis, qua sanguis in ventriculis cordis comprimitur, siue vis, qua idem sanguis, vi emboli pressus, impellit sanguinem intra arterias ad resistentiam totius sanguinis arteriarum, & fasciarum impredientium dilatationem arteriarum, eandem proportionem habebit, quam rectangulum<sup>a</sup> KGO sub altitudine GO æquali 9. digitis, & sub basi GK æquali quadragèsimæ parti vnius digiti, seu ipsius GE contentum ad quadratum ipsius AB æqualis 9. digitis, scilicet motus emboli, & restrictionis ventriculorum cordis; quæ proportio est sub quadragecupla proximè.

<sup>a</sup> huius præ  
61.

Et



Cap. 5. De  
corde eiusq;  
pulsatione.

Et noto, quòd si aliqua portio trium vnciarum sanguinis expulsa fuisset extra arterias à pulsatione cordis, proculdubio spatium GM dilatationis arteriæ repletum fuisset à minore mole, quàm trium vnciarum; & idè ampliatio basis GH esset multò minor, quàm quadragesima pars. Vndè rectangulum KGO ad quadratum AB minorem rationem haberet, quàm priùs habebat. Scilicet vis emboli cordis esset multò minor, quàm quadragesima pars resistentiæ sanguinis arteriarum, & fasciarum restringentium.

### P R O P O S. LXXII.

Vis motiua absoluta cordis musculum constringens ad totalem vim, qua sanguis in arterijs expulsi-  
pulsioni resistit, eandem proportionem habet, quam 1.  
ad 60.

Quia potentia absoluta musculorum cordis constringens ad totalem vim, qua sanguis in arterijs expulsi-  
pulsioni resistit compositam proportionem habet ex ratione potentiæ cordis musculum constringentis ad vim, qua sanguis in ventriculis cordis compressus vi emboli impellit sanguinem intra arterias, quæ fuit subsexquialtera <sup>a</sup>; & ex ratione, quam potentia eiusdem sanguinis in ventriculis pressis habet ad vim, qua sanguis in arterijs expulsi-  
pulsioni resistit, quæ fuit subquadragecupla <sup>b</sup>. Sed duæ rationes subsexquialtera  
2. ad 3. & subquadragecupla 3. ad 120. componunt proportionem subsexagecuplam 2. ad 120. seu 1. ad 60. ergo patet propositum.

<sup>a</sup> huius pr.  
70.

<sup>b</sup> huius pr.  
71.

Vis

## P R O P O S . LXXIII.

Cap. 5. De  
corde eiusq.  
pulsatione s

Vis motiua musculi cordis superat suo momento resistentiam totius sanguinis arteriarum, & fasciarũ earundem dilatationem impredientium, quæ maior est vi ponderis 180000. librarum.

Quia vis absoluta, quam exercet musculus cordis inflando vemiculas omnes porosas eius, tam grandis est, vt immediatè, & absque machina superare posset pondus maius, quàm 3000. librarum <sup>a</sup>; At eadem vis motiua ad eiusdem momentum, seu ad vim, qua sanguis motus in arterijs impeditur, eandem proportionem habet, quam 1. ad 60. <sup>b</sup> ergo vis absoluta, à qua sanguinis motus in arterijs impeditur, & quam cordis potètia superat, maior est vi ponderis 180000. librarum; quod ostendendum fuerat.


a huius pr.

67.

b huius pr.

72.

Vt euidentiùs ratio mechanica tanti miraculi pateat, inquirenda est causa tam enormis resistentiæ, quæ à corde superatur. Et primò refelli debet communis assertio, quòd nulla alia causa, quàm à vi impulsiva cordis expellatur sanguis per orificia arteriarum exiliendo ad instar fontium. Ostendemus modò, quòd



Cap. 5. De  
corde eiusq;  
pulsatione.

## P R O P O S. LXXIV.

In qualibet pulsatione cordis, aut integra moles triū  
vnciarum sanguinis à corde immissi, aut eius  
portio expellitur extra arterias à vi  
motiua diuersa ab embolo  
cordis.

a huius pr.  
68.

Quia arteriæ sunt fistulæ molles, & dilatabiles sanguine plenæ, sed non vsque ad turgentiam, vt dictum, est <sup>a</sup>; & tempore quo pulsant arteriæ intra eas alia noua portio sanguinis à constrictione cordis, tanquam ab embolo immittitur, cuius moles, vel tanta est, vt sufficiat ad replendam dilatationem earundem arteriarum, vel abundat, & in hoc casu residuum eijcitur extra arterias à pulsatione cordis. Postea completa pulsatione, arteriæ è statu turgido redeunt ad consistentiam aequè mollem, & aequè restrictam, ac priùs habebant. Ergo necesse est, vt ab ea exeat eadem, aut residuum molis sanguinis, quæ ab embolo cordis insinuata fuerat. At ex strictissimis arteriarum foraminulis sanguis intrusus spontè exire non potest, cum careat propria vi motiua; neque expelletur ab impulsu emboli cordis, nisi ex parte, quia arteriæ non sunt duræ, ferreæ, sed laxæ, & vis cordis actione directa arterias dilatat, quæ dilatatio potius retensionis, quam expulsiōis sanguinis causa est. Igitur ab alia diuersa causa expelletur totus sanguis, aut complementum eius:



## P R O P O S . LXXV.

Cap. 5. De  
corde eiusq;  
pulsatione .

*Causa expellens sanguinem extra arterias per earum  
orificia, est compressio, & restrictio arteriarum  
à vi machinæ, qua contrahuntur fibræ  
vasorum, & viscerum.*

Evidentissimum est, quòd si fistula mollis, & distrahibilis, qualis est arteria, repleta fuerit sanguine, vel alio fluore vsque ad turgentiam, non poterit ab ea fluor exire, nisi ipse spontè abeat, vel vi ei aculetur. Primum fieri non potest, nisi fluor innata vi motiva progrediatur: talis vis motiva, aut erit gravitas, quando exerceri potest, vel erit rarefactio eiusdem floris, quæ exigit locum ampliorem, quàm sint cavitates vasorum; & ideo cogitur ab angustijs illis exire.

Modò, quòd sanguis non exeat ex arterijs ob vim motivam gravitatis, patet, quia vbi non adest declivitas, fluor gravis non delabitur, cum non possit ascendere: sed arteriæ capitis, & brachiorum, & crurum, si eleuatę fuerint, non sunt declives, & tamen ab eorum orificijs maximo impetu profluit sanguis sursum ascendendo; Non igitur ab innata vi gravitatis sanguis ab arterijs effluit.

Secundò, nec ob rarefactionem, quia videmus æquè excalefactum, æquè fluidum, eiusdemque molis esse sanguinem arterialem, ac venosus est. Restat ergo, vt sanguis à vi aliqua externa eiiciatur extra arterias. Hæc autem vis, aut erit impulsio facta à corde viemboli; aut quia arteriæ latera comprimuntur ab

T

incum-

Cap. 5. De incumbente pondere ; vel quia omnia latera corde eiusq; stringuntur vi machinæ .  
pulsatione .

Et primò, quòd sanguinis intera moles à corde immissa extra arterias non expellatur ab impulsu cordis vi emboli , sed ad summum aliqua eius portio ,  
a huius pr. demonstratum iam est <sup>a</sup> .  
74.

Secundò, quòd sanguis non egrediatur ex arterijs ob compressionem factam à pondere incumbente, suaderi potest, quia arteriæ denudatæ non comprimuntur, & tamen sanguinem expellunt, & aliquæ ramificationes arteriarum per soliditatem ossium perforatam penetrant, & ibidem ob firmitudinem, & duritiem inflexibilem foraminum arteriæ turgentes comprimi non possunt à pondere ossium. Præterea illæ arteriæ suspensæ, quæ ossibus, vel tendinibus superne positis adhærent, comprimi nequeunt ab iisdem ossibus, aut tendinibus, cum nec moueri, nec dilatari possint. Nec vrgentur à carnibus subterpositis, quia sua gravitate potius recedere ab arterijs conantur, tantum abest, vt eas comprimant. Similiter omnibus arteriarum ramis propè cutem existentibus in situ supino minimam pondus pellis, & pinguedinis incumbit; & idè talis leuissima pressio exercere non posset validissimam illam vim, quæ requiritur ad efficiendam sanguinis velocissimam effusionem. Et licèt pondera carniū, & viscerum incumbentium arterijs aliquibus in locis comprimant, & idè adiuuent expressionem sanguinis, tamen hæc vis est debilis, præterquam in pulmonibus; & non exercetur vbique; quare non erit causa vniuersalis illius validissimæ sanguinis expressionis.

Postremus modus exprimendi sanguinem, qui fit  
à con-

à contractione fibrarum transuersalium, nedum est possibilis, sed etiam est valdè familiaris naturę in animalibus. Videmus enim, cibaria ab œsophagi fistula deglutiri non posse, nisi, contractis fibris circularibus, canalis gulę posticè restrictus fuerit (veluti digitis compressis nuclei eijciuntur) sic planè à pressione, & vrgentia repetita deglutiuntur boli. Et eodem modo fæces in intestinis exprimuntur. Sic paritèr alij fluores in animalis visceribus motu peristaltico eijciuntur.

Cap. 5. De  
corde eiusq.  
pulsatione,

Præterea, cum præter enarratos modos mechanicos faciles, & obuios eijciendi fuoris è fistulis molli-  
bus, & turgidis, alii non obseruentur in operibus naturę, & artis, & natura perenni lege compendia-  
sectetur, & ambages, & varietates abhorreat; Ergo aliquo ex enarratis modis natura sanguinem ab arte-  
riis expellit. Isti autem omnes, excepto postremo, impossibiles ostensi sunt; igitur is retinendus erit.

Sed procedamus ad firmiora, & conuincientia argumenta. Post pulsationem cordis duo effectus subsequuntur, repletio arteriarum à sanguine immisso, & exitus eiusdem sanguinis ab eisdem arteriis. Certè hæ duæ operationes simul tempore fieri non possunt, quia illa fit dilatando, hæc constringendo easdem arterias; qui motus contrarii simul fieri nequeunt; quare oportet, vt repletio arteriarum præcedat, & deinceps subsequatur restrictio, & euacuatio earumdem.

Talis autem repletio, & turgentia, quæ præcedit, in arteriis, fieri non potest absq; earumdem fibrarum transuersalium violenta distractione. Et aliundè sci-  
mus, quòd omnes fibræ vasorum, sicuti fibrę



Cap. 5. De  
corde eiusq;  
pulsatione.

musculorum, intestinorum, tendinum, membranarum, & corij cutis resistunt distractioni, & vim habent se contrahendi ad instar arcus distracti. Immò videmus, quòd fibræ omnes in suo naturali situ collocatæ patiuntur aliquam violentam tractionem; nam si scindantur, spontè sua contrahuntur, & breuiores fiunt. Quod non contingeret, si illæ fibræ extitissent æquilibratæ inter laxitatem, & contractionem, sicuti arcus soluta corda non patitur contractionem, & distractionem.

At si fibræ omnes in statu naturali vim aliquam distractionis patiuntur, ergo quando arteriæ replentur sanguine, tunc ampliata cauitate multò magis fibræ transuersales elongari debent, & multò maiorem distractionem violentam patientur. Et quia prædictæ dilatationi arteriarum succedit constrictio, quæ sine fibrarum circularium decurtatione fieri non potest, & talis contractio est propria, & connaturalis ipsis fibris, Ergo est impossibile, vt post violentam illam distractionem à turgentia factam, arteriæ non exerceant naturali necessitate vim illam machine, quam ipsæ possident, & idcò ad instar funis circularitèr ambientis arterias eas stringendo, sanguinem, extra orificia earum violenter expellat.

### P R O P O S. LXXVI.

Si potentia cordis, nedùm maximam arteriarum dilatationem produxit, sed insuper portionem aliquam immissi sanguinis extra arterias expulerit, maiorem resistantiam superabit, quàm pondus librarum 135000.

Posito, quòd dilatatio arteriarum non sit tanta, Cap. 5. De  
quæ excipere possit totam molem trium vnciarum san-  
guinis à corde emissi, tunc necesse est, vt eius residuū  
actione emboli ab ipsomet corde expellatur extra ar-  
terias, & tunc dico, quòd potentia cordis superare  
debet maiorem resistantiam, quàm librarum 135000.  
Quia ostensum est, quòd resistantia, quam superare  
debet vis cordis solummodò, vt arteriæ repleantur  
sanguine vsque ad turgentiam, non est minor ponde-  
re librarum 180000. Sed vt ab arterijs exeat idem  
sanguis à corde immissus, requiritur noua vis, quæ cõ-  
primendo, & restringendo arterias, exprimat sangui-  
nem, qui in eis turgentiam efficiebat; cùmque exire  
ex arterijs sanguis nequeat, nisi simul dilatet angus-  
tias viarum intra musculos, & parenchymata viscerũ,  
per quas pertransire debet, quæ constrictæ quoque  
erant à fascijs, & à vi machinæ earum. Ergo vis, quæ  
exprimit, & eiecit sanguinem ab arterijs, superare de-  
bet hanc nouam resistantiam. Et quando ampliatio  
arteriarum non est capax trium vnciarum sanguinis,  
tunc quod superest, expelli debet extra arterias ab eo-  
dem impulsu emboli cordis. Igitur in tali casu cor  
maiorem vim exercere debet, quàm priùs, scilicet,  
si solummodo arterias dilatare debuisset.

Et noto, quòd resistantia contra impulsu sanguini-  
nis, quæ exercetur, vt viæ aperiantur inter carnes, &  
intra viscera, est insignis, quia sanguis terebrare debet  
porositates partium corporis animalis solidarum grã-  
di impetu, quia nedum porositates illæ strictæ sunt,  
sed habent plures, & diuersas figuras ad instar cribri,  
vt per quodlibet foramen instar cunei violenter infi-  
nietur particula sanguinis similiter figurata, seu ho-  
mo-

Cap. 5. De  
corde eiusq;  
pulsatione.

mogenea, vt nimirum simile à simili nutriatur. Et in-  
super eadem particulæ ingressæ non secus, ac clauis,  
expellunt inutiles, & excrementias particulas extra  
poros earundem partium solidarum. Et hinc transpi-  
ratio illa, quæ insensilis vocatur, hanc ob causam, &  
propter alios fines nobis ignotos cogitur natura exer-  
cere tam grandem vim motiuam, vt perenni circula-  
tione sanguinem moueat.

At si in vnica solummodo pulsatione cor superat  
tam vastam resistantiam, maiorem librarum 135000.  
cùm in vna hora millies saltem cor pulset, ergo in  
vna hora cordis potentia superat resistantiam  
135000000. & spatio vnus diei superat resistantiam  
maiorem librarum 3140000000.

Stupenda profectò est tam vasta vis, & incredibilis  
omninò esset, nisi adesset energia percussione, quæ ex  
sui natura superare potest quamcumque finitam resi-  
stentiam quiescentem.

## C A P V T V I.

### *De causis motum cordis efficiantibus.*

Adeò inualuit apud veteres opinio, quòd muscoli  
à corde differrent, vt huius substantiam, structuram,  
& operationem omninò ab illis diuersam esse crede-  
rent. Paritèr à diuersis causis motiuis agitari censue-  
runt, nempe musculos à facultate animali sentiente, &  
iudicante, nempe ab imperio voluntatis, at cor mo-  
ueri cæca quadam facultate vitali. Nos verò excitati  
ab experimentis recentiorum, videmur aliquid certiùs  
indagare posse, & primò ostendemus, quòd

Im-



## P R O P O S. LXXVII.

Cap. 6. De  
causis motû  
cordis effici-  
entibus.

*Immediata causa motiua cordis non differt ab ea, quæ  
musculos artuum mouet.*

Quia cor est musculus eiusdem naturæ cum cæteris; ab eisdem enim partibus integralibus vtrique componuntur, nempe constant ex fasciculis fibrarum carnosarum eiusdem substantiæ tendinosæ, contrahibilis, eiusdem figuræ, eodem modo dispositæ, & alligatæ, simili modo à neruorum ramificationibus penetratæ, similiter à sanguine ab arterijs irrigatæ. Si postea consideremus actionem eorum, tam fibræ cordis, quàm musculorum artuum agunt sui inflatione, & directione. Et descendendo ad causam motiuam immediatam, & eius mechanicum operandi modum, patet ex dictis, quod æque impossibile est, cor inflari, & moueri ab incorporea facultate, vel à spiritibus, aut à sanguine violenter immisso, ac ostendimus musculos artuum ab iisdem moueri non posse. Restat igitur, quod sicut omnes muscoli contrahuntur, inflatis vexiculis eorum pororum, sic quoque immediata causa tensionis cordis, erit inflatio vexicularum pororum eius, facta à fermentatiua ebullitione tartarearum partium sanguinis à succo spirituosissimo ex orificijs neruorum instillato, tùm quia natura consimiles operationes eodem modo, & iisdem facultatibus, & organis efficere solet, nec varietatibus delectatur; tùm etiam, quia eadem argumenta in corde militant, quæ pro musculorum actione adducta sunt.

Cau-

Cap. 6. De  
causis motu  
cordis effi-  
cientibus.

## P R O P O S. LXXVIII.

*Causa prima, & mediata motionis cordis differre videtur ab ea, quæ musculos artuum agit.*

Quia euidentissimum est, ex musculis omnibus artuum animalis moueri, quos volumus, & quando volumus, & eos perseverare in actione quanto tempore iubemus, & subito cessare ab actione, quando id precipimus: At musculus cordis sui iuris esse videtur, non obsequitur voluntatis præcepto, sed non secus, ac moletrina semper mouetur, siue velimus, siue nolumus, etiam dormientibus nobis. Insuper non licet cordi perseverare in actione sua per aliquod tempus diuturnum, nec ab ea ad libitum cessare, sed cæca quadam necessitate efficit vehementissimos, ac ferè momentaneos ictus alternis vicibus interceptis pausis, & morulis æquè temporaneis, nec vnquam, donec animal viuit, & non ægrotat, talem obstinatum methodum operandi interrumpit.

Hinc consensus omnium hominum appellauit motum musculorum artuum voluntarium, cordis verò motum naturalem. Quia nimirum actus volitionis est electio, & motus, quo tendimus ad bonum apprehensum, & quo auersamur à malo præcognito, quod prorsus abesse videtur in motu cordis, nulla enim ibi datur sensatio, & apprehensio, nec electio boni, aut fuga doloris. Immo ab initio in ovo incubato fit talis motio cordis, naturali potius instinctu, & cæca necessitate, quando nullâ perceptionē, & apprehensionē boni, vel mali in vermiculo illo initiali  
oui

oui existerè poffe concipimus. Immò in corde auulfo ab animali adhuc calente, in catino aqua diluto, pulfatio per plures horas perfeuerat, quando ob neruorum abfciffionem, interrupto commercio cum cerebro, nulla fenfatio, aut electio præcipere cordis motionem poteft. Meritò igitur cenferi poteft, caufam primam, & mediatam motus cordis diuerfam effe ab ea, quæ artuum mufculos mouet.

Cap. 6. De  
caufis motû  
cordis effi-  
cientibus.

## P R O P O S. LXXIX.

Motus Cordis fieri poffe organica neceffitate, vt  
automa mouetur.

Conftat ex dictis, ~~a~~ immediatam caufam motiuam cordis effe ebullitionem fermentatiuam tartarei fucci fanguinei excitatam à commiftione fucci fpirituofi à neruis inftillati. Ergo dicendum eft, quòd nerui in cerebro conuellantur ab alia caufa, diuerfa ab imperio voluntatis, vel potiùs absque vlla vellicatione, spontè, & per fe fuccus nerueus in corde inftilletur, & ideo pulfationes efficiat. Et quia prima eft incognita, & imperceptibilis, ergo fi ex alijs naturæ operandi modis, analogia quadam velimus ad talem cordis operationem manuduci ( vt recta philofophandi methodus exigit ) oportet, vt recurramus ad vires motiuas, quæ naturali, & infita energia, neceffitate quadam, spontè, & femper per vices operentur, vt eft actio, & motus ignis, grauium defcenfus, & fluxus aquæ, aut fimilium. Hæc verò cum ex fui natura femper, & continenter operari valeant, nunquam ceffabit, nifi eorum actio impedita fuerit, aut virtus ipfa motiua per vices extingatur, aut debilitetur,

a Prop. 77.  
huius.



Cap. 6. De  
causis motū  
cordis effi-  
cientibus.

vel remoueat, & deinceps reuiuifcat, vel reponatur, interpositis synchronis morulis, veluti est flamma, candelæ, quæ modò adfit, modò abfit, aut subiectum combustibile per vices flammæ approximetur, vel tandè perseuerantibus agente, & patiente, operatio fiat mediante valvula, vel machina, quæ modò vetet, modò peragere finat operationē morulis superiùs expositis.

Non desunt exempla in Natura similium operationum; videmus enim à fluxu venti continuo agitari nubes, superficiem aquæ, & vexilla, non continuo cursu, sed tremulo, & vndelanti, non secus, ac si repetitis ictibus synchronis serie cōtinuata percuterentur; sic paritèr fieri videmus tremores, & oscillationes virgarum, & ponderum à filis pendentium. Et inter omnia, ad viuum repræsentare videtur operationem cordis horologium ex rotis dentatis compositum, in quo vis ponderis continuo operantis agitat lancem tempus distinguentē, seu pendulum oscillatorium repetitis ictibus ad instar vndarum, non secus, ac cor mouetur.

Hæc omnia exempla, si attentè considerentur, patet adaptari non posse casui nostro. Nam fingi non potest, modò tolli, modò reponi animalem facultatem motiuam spirituum: Nec orificia neruorum adesse, & abesse possunt, cum semper, viuente animali, in cerebro spiritus, & nervi ibidem adsint. Valvulas postea in principijs neruorum ponere, licèt non videatur impossibile, tamen, præterquam quòd non apparent, semper restat inquirenda causa, à qua claudantur, & aperiantur prædictæ valvulæ interpositis synchronis morulis; quod æquè difficile est, ac si spiritus per se immediatè exercerent motum, & quietem in neruis.

Eadem difficultas vetat, ne pendula, aut rotæ dentatæ, aut quid simile in orificijs neruorum cerebri fingatur, à quibus motus oscillationis fiat, cùm tales machinæ nedùm in cerebro non conspiciantur, sed videantur repugnare simplicitati, qua natura summo perè delectatur in suis operationibus.

Alia igitur organica structura inquiri debet, quæ nedùm possibilis, & facilis sit, sed præterea passim in naturalibus operationibus obseruetur, & sufficiens sit ad superiùs exposita phænomena pulsationum cordis saluanda.

Hæc, ni fallor, talis esse potest. Videmus, quòd spongiæ, filtra, aut subtilissimæ fistulæ vitreæ, licèt aqueo fluore repleta continenter fuerint, tamen ex eorum infimis limbis, aut orificijs non effluit aqua, continuato cursu ad instar fontium, sed guttatim interpositis morulis æquè temporaneis. Causa huius effectus esse videtur nimia angustia canaliculorum, quæ impedit liberum cursum liquoris, quatenus particulæ, seu moleculæ liquoris non sunt omnino leues, sed villosæ, viscosæque, & ideò coguntur lentè per cauas superficies pariter asperas promoueri, confricando illas asperitates, proindeque coguntur non directo cursu, sed vertiginoso, & interrupto effluere, nisi è nimia copia fluoris compressi guttulæ vrgeantur. Id ipsum euidentius experimur in fluoribus viscosis, & tenacioribus, quorum moleculæ vicissim sese impediunt, licèt in aere libero fluant, & à canalium asperitatibus non impediuntur; vt patet in effluuiò ab ore sputi catharralis.

His positis, & confirmatis ab experientia cogitandum est, in cerebro fluore spirituosum aliquatenus vi-

Cap. 6. De  
causis motū  
cordis effi-  
cientibus.

scidum semper tangere, & madefacere orificia neruo-  
rum ad cor pertingentium, quorum strictissimæ cau-  
tates substantia spongiosa plenæ, & eodem succo spi-  
rituoso viscido, sunt madefactæ, & ideò ob angustiam  
difficilè talis succus effluere potest, nisi à superflua  
turgentia, aut acrimonia vrgeatur, aut à puncturis sti-  
mulentur ipsæ fibræ, vt peristaltica corrugatione gut-  
tatim exprimatur succus ille, seu spiritus intra massam  
carnosam cordis, vnde ex mistura cum tartareo hu-  
more sanguineo, ebullitio, & displosio consequatur.  
Et quia eiectio priorum guttularum ferè momenta-  
nea est, & non perseverans, hinc fit, vt ictus cordis  
momento absoluator, & deinceps quiescat, quousque  
secunda vice fluor colligatur, & turgentiam neruo-  
rum efficiat, vt constrictione peristaltica secundam  
guttarum eiectionem producat, & sic ulterius. Cum-  
que in cerebro copia succi spirituosi nunquam defi-  
ciat, sed perseveret, sitque eiusdem temperiei, pa-  
riterque angustia spongiosæ nervulorum eodem mo-  
do effluxum impedian: ergo necesse est, vt morula  
quietis sint æquè temporaneæ, donec succus nervus  
eundem gradum fluxilitatis retineat, vel non impel-  
latur maiori violentia.

Quod si contingat, succum prædictum cerebri flu-  
xibiliorem reddi, aut acriori salsedine affici, vel ob  
insolitam fermentationem concitatiore motu agitari,  
vt in febribus forsan contingit, vel absque fermenta-  
tione à simplici motu accelerato, vt in irâ; tunc ef-  
fluxus guttatim quoque fiet, at morula inter guttarum  
eiectiones erunt breviores, & crebrius repetitæ, cum  
citiùs repletiones, & turgentia nervulorum, & eorum  
exonerationes fiant, vt suo loco dicemus.

Nec



Nec negotium faceffit, quòd truncatis nervis, & auulso corde, perseveret eius pulsatio per aliquod tempus, quia remanere possunt cavitates neruulorum cordi annexorum turgidæ succo spirituofo, & ideo per aliquod breue tempus instillari potest, & postea cor à punctura acus, aut à succo mordicante irritatum peristaltica constrictione poterit ex eiusdem fibræ nerveis exprimere guttulas aliquas, seu reliquias succi spirituofo ibidem existentis.

Cap. 6. De  
causis motu  
cordis effici-  
entibus.

Sed mirum alicui videbitur, quòd in omnibus musculis artuum non contingat pulsatio continenter repetita, sicut fit in corde, cùm similiter orificia nervorum ad artuum musculos pertingentium semper tangantur, & madefiant à succo spirituofo, sicut accidit nervis cordis.

Huic difficultati fieri satis potest, memorando id, quod alibi insinuauimus, scilicet, quod in cerebro nervorum ad artus pertingentium orificia, & canales taliter efformati esse possunt, vt nisi motu conuulsivo concutiantur à motione spirituum, qua actus imperij appetitus exercetur, exprimi succus spirituofo ab eis intra musculos non possit. Secùs autem in nervis cordis, nedùm orificia patula esse possunt, sed etiam ductus spongiosi adeò peruij, vt absque vellicatione, & absque motu conuulsivo, ipsamet plenitudo canaliculorum spōgiosorum effusionem guttularum producat. Et hinc fieri potest, vt continua madefactio orificiorum nerveorum ad musculos artuum pertingentium non producat pulsationem similem ei, quam in corde obseruamus.

Et hæc, ni fallor, satis suadent, motum cordis fieri posse naturali instinctu, seu necessitate organica, non secùs, ac automa mouetur.

Ni-

Cap. 6. De  
causis motū  
cordis effici-  
cientibus.

Nihilominus non erit superuacaneum videre, an  
adsint rationes dubitandi, vtrum cordis motus fieri  
possit non à mera naturali mechanica necessitate,  
sed ab eadem animæ facultate, à qua omnes alij mu-  
sculi mouentur.

### P R O P O S. LXXX.

Possibile est cordis motum fieri ab eadem facultate  
animali cognoscitiua, sed sine aduertenti-  
a, ob consuetudinem habitu  
acquisitam.

Et primò, quòd cordis pulsatio fiat ab eadem fa-  
cultate animali, quæ ob sensum doloris, & volupta-  
tis actum appetitionis elicit, & ideò spiritus ad cer-  
tas cerebri partes transmittit, vt radius determina-  
torum neruorum concutiat, qui ad hunc potiùs, quàm  
ad alium muscolum pertingunt, conijci potest hisce  
rationibus.

Quia animæ sensitiuæ facultas, quæ ob bonum, vel  
malum apprehensum, immittit spiritum, seu instru-  
menta ad mouendum hos, non verò illos musculos.  
Ipsa eadem est, quæ ob magnum bonum inexpectatū,  
vel ob terribile malum imminens, efficit vehementissi-  
mam, vel languidam pulsationem in corde. Vtraque  
enim pulsationis variatio fit ab apprehensione, & per-  
suasione, quæ sunt animæ cognoscentis facultates.  
Ergo talis motus cordis fit à facultate sentiente, &  
appetente, non verò ab ignota necessitate organica.  
Cumque sit incredibile, vt cor, modò ab vna, modò  
ab alia diuersa causa motiua agitetur, erit consenta-  
neum

nèum, vt etiam consuetæ cordis motiones fiant, non, Cap. 6. De  
causis motû  
cordis effi-  
cientibus . necessitate mechanica, vt in automate, sed ab eadem animastica potentia sensitiua, & appetitiua, quæ granded illam pulsationem in gaudio, & minimam motionem in timore efficiebat.

Nec obstat, quòd consuetæ cordis motiones absque assensu voluntatis, immò nobis nolentibus fiant; nam videmus, quòd plures aliæ motiones artium, quæ proculdubio sũt ab imperio voluntatis habitu acquisito, fiunt absque aduertentia, & aliquando etiam si nolimus, vt muscoli tibiam mouentes, certè ab imperio voluntatis agitantur, & tamen, vt corpus nostrum vnico pede innixum in situ erecto, & æquilibrato retineri queat, oportet, vt muscoli antagonistę artificiosa vicissitudine modò trahant, modò relaxentur ad instar funium mali nauis, tunc enim vacillatio cessat, quando centrum grauitatis in planta pedis perpendiculariter incidit; & hoc fieri videmus etiam ab ijs, qui ignorant, & non aduertunt, se trahere musculum contrapositum lateri inclinato, vt ruina prohibeatur; & aliquando accidit, vt talem tibię musculum læsum, & dolentem nolit mouere, & tamen ne decadat, se nolente trahat. Tam efficax est habitus acquisitus ab ipsa infantia.

Similiter muscoli palpebrarum, qui motum voluntarium exercent, nedum nobis ignorantibus, sed etiã nolentibus, habitu quodam oculos claudunt, appropinquante manu amici, quem lædere nos nolle scimus.

Non est igitur impossibile, vt dici possit actio voluntaria illa, quæ habitu fit, & nos non aduertimus eam voluisse; immò putamus eam nolle. Quia nempe  
talis



Cap. 6. De  
causis motû  
cordis effi-  
cientibus.

talis habitus non requiritur, nisi præcedant plurimi, & frequentes actus à voluntate imperati, à quibus tandem ob exercitium spiritus peritiam quandam acquirunt, & instrumenta organica quasi læuigantur, & promptiores redduntur ad operandum; & in hoc consistere videtur vis, & potentia consuetudinis.

Dicere ergo quis posset, quòd in vermiculo illo in ovo nuper à Malpighio directo adsint nedùm organa omnia mirabili artificio à natura elaborata, ad instar automatis, sed præterea humores, spiritus, & facultas animalis sopita, quæ à fomento caloris externi expèrgè facta percipiat, mediantibus nervis, grauedinem quandam dolorificam in corde à sanguineo succo ibidem turgente, & ob id conatur talem molestiam eliminare, quod assequitur, constringendo tenellum illum musculum cordis; & hac ratione primæ illæ pulsationes à præcepto appetitus sensitiui fiunt, laborioso tamen molimine, sicuti primæ illæ motiones, & complicationes digitorum, quando citharistæ incipiunt erudiri, fiunt ab expressis præceptis voluntatis, sed non sine difficultate, & dolore digitorum, ast in progressu, postquam innumeris actibus frequentatis peritia, & habitus acquisitus est, nedùm facîle, sed etiam absque vlla reflexione, & aduertentia actus illi exerceri possunt. Quare non videtur omninò ineptus, & risu excipiendus is, qui dubitaret pulsationem musculi cordis non à cæca necessitate mechanica, sed ab eadem facultate animali, habitu quodam fieri posse sine aduertentia, à qua omnes artuum musculi arbitrarijs præceptis mouentur.

Nec te moueat, quòd cor testudinis abscissum in catino per plures horas pulsât, nam musculi artuum

om-

omnium animalium, & multò magis musculi dorsi serpentum abscissi, proculdubio sunt instrumenta motus voluntarij, & tamen absque eo, quòd per nervos à cerebro abscisso adueniat imperium voluntatis, diu mouentur. Igitur eodem modo causa motiua cordis potest esse eadem facultas animalis, quæ omnes musculos in animali viuente mouet.

Cap. 7. De  
motu respi-  
rationis.

Ratio verò, quare in musculis motui voluntario inferuentibus post separationem ab animali diu motus perseverat, est, quia in eis remanent organa, & operationes, quas voluntas animalis præceperat, nempe fibræ, nervi, & succi in eis contenti, qui à stimulo irritati, dispositi sunt ad motum, quo succi neruei intra cor instillantur. Postea necessitate mechanica subsequitur fermentatiua displosio, & inflatio; cùmque tales motus musculorum abscissorum fieri ex se non possint; nec ab alia causa diuersa ab ea, quæ musculos in animali viuente mouebat; ergo ab eadem non aduertente fit.

Hinc concludere licet, quòd actus reflexus, quo anima sensitiva aduertat se velle, non videtur necessarius ad hoc, vt velit.

## C A P V T V I I.

### *De motu Respirationis.*

Postquam fusè egimus de motionibus musculorum artuum, quæ proculdubio voluntariæ sunt; & deinceps de motu cordis, qui spontaneus, & naturalis esse censetur, ordo requirit, vt de motibus mistis agamus, qui scilicet fiunt spontè, pariterque à volunta-

Cap. 7. De  
motu respi-  
rationis.

te imperantur ; inter quos respiratio numerari solet ; de hac primo tractabimus , cum præclaram connectionem cum motu cordis habeat . Huius cognitio valdè perplexa , & obscura est ; adhuc enim ambigitur , quænam sint veræ causæ motiæ , quibus instrumentis , & quibus modis absoluator : nec tandem usus eius primarius exactè perceptus est . Utque methodicè procedamus , primò à phænomenis inchoandum .

### P R O P O S . LXXXI.

Exponuntur phænomena , quæ in motu respirationis observantur .

Et primò videmus , quòd per vices aer per os , & nares intra pectus immittitur , & ibidem non remanet , vt cibus , & potus in stomacho , sed paulo post aeris ingressum , è pectore per os , & nares eijcitur , pausæ verò inter vnam , & alteram respirationem non sunt æquè frequentes , ac cordis pulsationes , nec simul cum corde fiunt , sed alijs temporibus absoluntur . Insuper vicissitudines respirationum possunt ab imperio voluntatis alterari , quoad frequentiam , tarditatem , & magnitudinem earum . Sed omninò eas prohibere , postquam ab vtero exclusi semel respirare cepimus , non est in nostra potestate ; cogimur enim necessitate quadam noctu , diuque aerem excipere , & iterum euomere continuata vicissitudine , & si interrumpatur , suffocatio , & mors sequitur .

Prætercà materia respirabilis in animalibus terrestribus ,



stribus, & volatilibus esse non potest alia, quàm aer, nam ab aqua, & à quolibet fluore intra pectus excepto subito suffocantur. Et aer ipse oportet, vt habeat mediocrem consistentiam; si enim condensatus valdè fuerit vi emboli, vel ab alia causa, vt in fodinis contingit, vel contrà, rarissimus extiterit, paritèr animal suffocatur.

Cap. 7. De  
motu respi-  
rationis.

Deinde inquirendo partes, quæ in respiratione mouentur, patet per tracheam aerè intra pulmones insinuari, quousque cum inflet ad instar vtris, vel foliis, & in expiratione detumescere. Hoc experimur secto musculo intercostali, tunc per apertum foramen, in qualibet inspiratione exporrigitur lobulus pulmonis, adeo inflatus, vt si digitis contrectetur, durus appareat. At expirato aere flaccescit, & mollis redditur.


Videmus insuper, excoriato animali viuo, quòd in qualibet inspiratione pectoris cavitatis ampliata, & magis orbicularem formam acquirit dilatatis costis, & eleuatis vna cum sterno versus clauiculas, & restrictis spatijs inter vnâ, & alteram costam, & septo transuerso deorsum depresso.

Quanta verò sit ampliatio thoracis facta ab aeris inspiratione, haberi potest hoc artificio; sumpsi fistulam vitream cylindricam, cuius longitudo 52. digitos æquabat, & basis, seu cavitatis diameter quadrante digiti vnus paulò maior erat. Quare capacitas eius repleti poterat à fluido 14. digitorum cubicorum; postea immerso orificio fistulæ intra scutellam saponis lotura repletam excepi exiguam aquæ viscidæ portiunculam, quæ replebat infimam basim fistulæ ad instar diaphragmatis. Naribus deinde constrictis, appli-

Cap. 7. De  
motu respi-  
rationis.

cato ore exuxi ex vitrea fistula tantam molem aeris ; quantā vnica leni inspiratione pulmones excipere solent , & tunc aquea illa gutta eleuata ad os non peruenit . Hinc deduxi , quòd moles aeris à me inspirati 14. digitos cubicos non æquabat ; sed supponamus fuisse 15. postea, quia mei thoracis amplitudo, seu diameter 15. digitos non æquat, erit proxima moles spheroidalis compressa mei thoracis æqualis 3375. digitis cubicis , quare post inspirationem additis 15. alijs digitis cubicis aeris , & moles aucta thoracis æqualis 3390. digitis cubicis , & huius radix cubica est proximè 15  $\frac{5}{6}$  ergo intrusio aeris inspirati auxit diametrum mei thoracis non amplius , quàm vna quinquagesima parte crassitie vnus digiti . Hinc percepi in leni respiratione motum thoracis obscurum esse debere , cum aduertere solummodo possimus paruam, quamdam eleuationem sterni versus iugulum : aperto verò abdomine, videmus in qualibet inspiratione diaphragma tendi , & moueri deorsum, explanando superficiem eius , quæ prius sinuosa fuerat versùs centrum thoracis . Et hoc quidem contingit in placida inspiratione : at in violenta multò magis pectus dilatatur , excipitque molem aeris magis , quàm duplam illius , quæ in naturali inspiratione insinuata fuerat .

Hiscæ phænomenis expositis videndum , à qua potentia respiratio fiat . Et primò .



## P R O P O S. LXXXII.

Cap. 7. De  
motu respi-  
rationis .

Aer , & Pulmones non sunt causæ effectivæ respira-  
tionis , sed merè passivè concurrunt in tali  
actione .

Manifestum est, respirationem fieri duplici motu, eo  
scilicet, quo pulmones replentur , & instantur aere, &  
eo, quo euacuantur . Horum quilibet duplici actione  
absoluitur ; nam in inspiratione aer insinuat, & pul-  
mones dilatantur , ut illum excipere possint . In expi-  
ratione adest actio, qua pulmones stringuntur, et qua  
aer ex eisdem pulmonibus egreditur .

Et primò patet , quòd aer non sit causa effectiva  
horum motuum, quia aer nullam vim motivam ha-  
bet , præter gravitatem , & vim elasticam eius . Hæ  
verò nullam actionem exercere possunt , dum fluor  
aereus in sua regione , veluti in oceano æquilibratur,  
& vniiformiter comprimitur . Quare est impossibile ,  
dum in quiete persistit, ut tanta violentia dilatet pul-  
mones, eosque repleat, & postea motu contrario eos-  
dem constingat, ut aufugiat . Præterea videmus, res-  
pirationem fieri à facultate animali iuxta naturæ exi-  
gentiam, & quando voluntas præcipit; ergo non effi-  
citur ab externa potentia aeris , quæ continuò , &  
etiam nobis nolentibus , respirationis actionem  
produceret .

Secundò , quòd pulmones non sint causæ effectivæ  
respirationis, patet , quia non sunt compositi ex fibris,  
ut muscoli, & ideo moveri à seipsis non possunt , sed  
tantummodo passivè impelli à causa externa . Quare,

DEC



Cap. 7. De  
motu respi-  
rationis .

nec se dilatare poterunt , vt aerem exugant , nec se  
constringere, vt eundem expellant . Omitto quòd vis  
attractiua non datur in natura . Ergo alia causa affi-  
gnari debet , quæ efficere respirationem valeat : cùm  
aer, & Pulmones merè passiuè concurrant ad actionem  
respirationis .

### P R O P O S. LXXXIII.

Causa efficiens inspirationis est vis musculorum , qua  
ampliatur cavitates pectoris , & pondus ,  
atque vis elastica aeris .

Certum est, per inspirationem immitti aerem intra  
pectoris cavitatem; cùmque fluor aereus insinuari non  
possit intra spatium ab alio corpore repletum , nisi di-  
latetur, & cavitates eius ampliatur . Ergo vt fiat inspi-  
ratio, cavitates pectoris dilatari priùs debet: verùm par-  
tes corporis animalis moueri non possunt , nisi per  
contractionem musculorum : igitur motus thoracis ,  
quo cavitates eius ampliatur, à musculis dilatationi pe-  
ctoris inferuentibus necessariò fieri debet .

At, postquam facta est dilatatio thoracis , restat in-  
quirendum, qua necessitate , & qua vi aer intra pectus  
immittitur . Et primò , quòd non exugatur , nec at-  
trahatur ab ipsis pulmonibus, constat ex alibi dictis ,  
cùm nulla vis attractiua detur in natura <sup>a</sup> . Secundò,  
quòd aer non occurrat ob vacui horrorem , paritèr  
ostensum est <sup>b</sup> . Restat ergo , vt aer vi ponderis, & vi  
elastica eius fluat intra cavitatem pectoris dilatatam  
non secùs, ac intra puteum excauatum aer spontè de-  
cidit, eumque replet impulsus à grauitate eius. Fitque

<sup>a</sup> De mo-  
tion. natur.  
à grau. pèd.  
cap. 6.  
<sup>b</sup> ibidem .

in summa tota hæc operatio eodem modo , ac follis , Cap. 7. De  
motu respi-  
rationis.  
qui vtre[m] inclusum habeat , communeque orificium ,  
si ille manibus distrahatur , dilateturque , oportet , vt  
pelles vtris tabellis follis adhærentes expandantur  
quoque , & tunc accurret aer ambiens vi grauitatis  
eius ad replendam cauitatem intra vtre[m] contentum  
à folle , proptereà quòd orificium follis ad vtre[m] per-  
tingit , nec diffluere potest inter tabellas , & vtre[m].  
Sic pariter thorax est veluti follis , includitque pulmo-  
nes molles parietibus cõcauis thoracis adhærentes ad  
instar vtris , & ostium thoracis ex fistula tracheæ , quæ  
intra pulmones ramificatur . Ergo dilatato folle tho-  
racis à vi musculorum , aer spontè ruit sua grauitate , &  
vi elastica ad replendos pulmones .

## P R O P O S . LXXXIV.

Motus inspirationis fit à musculis intercostalibus ,  
& à diaphragmate simul operantibus .

Tab. 18. Fig. 2.

Distingui solet respiratio in naturalem , placidam ,  
& spontaneam , & in violentam , & fortem , & in vio-  
lentissimam ; placidam , & spontaneam , quæ præci-  
puè fit in somno , & quiete à solo diaphragmate fieri  
censent ; vehementem , à diaphragmate , vnà cum  
musculis intercostalibus , vel saltem à medietate eo-  
rum : violentissimam , ab eisdem , & ab omnibus mu-  
sculis pectoralibus , & abdominis . Circa primam ,  
tactu , & visu patet , aperto abdomine viuientis anima-  
lis , quòd in qualibet inspiratione diaphragma è statu  
laxo , & sinuoso , sursum ex porrecto versus cor , mo-  
ue-

Cap. 7. De  
motu respi-  
rationis.

uetur deorsum, acquirendo figuram minus cauam, & ad planitiem circularem proximè accedendo; & ego vidi in cuniculo Indico ob dolorem tanta violentia diaphragma versus abdomen descendisse, vt ultra planitiem excurrendo sinuosam figuram deorsum exporrectam acquireret. Attamen nego spontaneam inspirationem fieri absque auxilio, & actione muscutorum intercostalium, nam in nobis ipsis, & in dormientibus oculis, & digitis obseruamus costas dilatari, & sternum eleuari versus iugulum. Talis autem motus thoracis à contractione fibrarum diaphragmatis fieri non potest, quia dum contrahuntur, perimenter eiusdem diaphragmatis minuitur, & trahitur versus centrum; & proinde costæ mendosæ appendices verarum, & sternum trahuntur à diaphragmate deorsum: ergo tantum abest, vt eleuationem costarum producant, quòd eam impedian, & stringant perimetrum thoracis; & idèò inspiratio fieri non posset. Igitur ad quamlibet inspirationem efficiendam, necessariò diaphragma, vnà cum intercostalibus communi actione concurrere debent.

Similiter impossibile mihi videtur, vt duæ series fibrarum, quæ in musculis intercostalibus decussantur, habeant vsus diuersos, scilicet, vt omnes fibræ inter se æquidistantes EF, GH, IK, quæ ad sinistram partem inclinatæ sunt, inseruiant dilatationi thoracis, & inspirationi, at reliquæ fibræ GM, NO, PQ ad dexteram inclinatæ constringant thoracem, & expirationem producant.

Quia fibrarum muscutorum propria, & naturalis actio est cōtractio sui ipsarum, omnes ergo fibræ duobus proximis costis DC, AB alligatæ, dum agunt necessa-



cessariò decurtari debent, sed quando fibræ tensæ decurtantur, approximari ad inuicem debent costæ AB, CD, quibus fibræ illæ alligatæ sunt; & ideo restrictionem thoracis producere debent, ergo est impossibile, ut fibræ GM, NO, PQ, dum agunt, ampliatiorem thoracis producant, quæ per disunctionem, & remotionem vnius ab altera fieri tantummodo potest, nec talis accretio interualli absque fibrarum costas colligantium elongatione contingeret, quare fibræ musculosæ GM, NO, PQ, agerent seipsas elongando, quod repugnat naturæ musculorum.

Cap. 7. De  
motu respi-  
rationis.

Insuper, si vnicus ordo intercostalium fibrarum obliquarum inter se æquidistantium thoracem dilatare deberent, deformiter distorquerentur costæ. Sint enim eadem duæ costæ proximæ AB, CD, inter se parallelæ, existentes in superficie cylindrica ACDB, manifestum est, quòd. quando fibra obliqua EF decurtatur, trahit terminum F versùs C, ut ipsa fibra, quàm maximè fieri potest, accedat ad situm æquidistantem ad spinam AC, estque pars costæ CF longior, quàm AE; ergo oportet, ut eadem costa CF incuruetur, & exporrigatur extra superficiem cylindricam, in qua sita est costa AE, idemque de reliquis fibris GH, IK &c. dicendum est. Quare tota superficies cylindrica pectoris sinuosa, & deformis efficeretur, quod est falsum.

Dicendum est igitur; quòd omnes fibræ decussatæ proximas costas colligantes, vnicum effectum producunt, constrictionem nempe, & mutuam approximationem earundem costarum: quod efficietur eadē necessitate, qua, obliquis filis inclinatis ad oppositas partes trahitur pondus appensum per directionem perpendi-

Cap. 7. De  
motu respi-  
rationis.

cularem ad horizontem, vt supra ostensum est.

Quòd postea ad violentam inspirationem requiratur auxilium pectoralium musculorum, vt sunt sex ferrati, non audeo affirmare, nam duo ferrati maiores alligantur basibus scapularum, & ideò non sine ratione putat Veslingius hos Musculos trahere potius scapulam deorsum, quàm costas fursum. Duo alij ferrati postici superiores nō est inuerisimile, quod erigāt tres vertebrae colli, cui alligantur. Tandē duos ferratos posticos inferiores, iam concedūt Anatomici, dilatare inferiorem partem thoracis, ergo non inferuiunt inspirationi. Remanet tantum triangularis, qui inter intercostales numerari potest.

Reliqui muscoli pectoris, & thoracis inspirationi non inferuiunt, ex communi Anatomicorum consensu. Similiter musculos abdominis constringere tantummodo posse inferiorem ventrem, omnes fatentur. A tali verò constrictione impelluntur viscera abdominis fursum, & ideò nedum diaphragmatis descensum, & consequenter dilatationem thoracis impediunt, sed præterea factò veluti cuneo, vnà cum diaphragmate fursum incuruato, intra pectoris regionem insinuantur, & proinde expirationem potius, quàm inspirationem producant. Et hoc tactus sensu in nobis ipsis experimur; in motu enim concussiuo tussis, abdomen à suis musculis stringitur, non quando copiosè aerem inspiramus, sed postea, quando grandi impetu expiratio, & eiectio aeris è pectore consequitur, vt nimium à rapido vento aeris expulsi muchi è parietibus tracheæ bronchiorum eius abradantur, & per os exuantur.

Exclusis igitur omnibus alijs musculis, restant solum,

solummodo intercostales cum diaphragmate, quibus actio inspirationis competat.

Cap. 7. De  
motu respi-  
rationis.

Nec me monet vulgaris opinio, quòd ad vehementissimam inspirationem efficiendam non sufficiant intercostales cum diaphragmate, sed concurrere debeant manus auxiliares musculorum pectoralium. Video enim ab eisdem musculis manus, qui exiguum pondus vnius vnciæ sustinent, superari quoque resistantiam vasti ponderis centum librarum; similiter ijdem muscoli mandibulam stringêres, exercent vim debilem, qua panem mollem dentibus masticant, & ingentem vim, qua durissima ossa conterunt, quæ diuersitas non dependet ex inæquali multitudine musculorum, sed solummodo ab inæquali facultate motiua, qua ijdem muscoli agitantur, sicut non sunt adhibendi plures mallei, vt silicem disrumpamus, sed sufficit solus ille, qui glebam fregit, dummodo grandi vehementia flex ab eo percutiatur.

Ex his omnibus concludere licet, quòd motus inspirationis, siue placidus, & naturalis, siue violentus, perficitur solummodo à musculis intercostalibus, & à diaphragmate simul operantibus.

Deinde vt mechanica operatio respirationis percipi possit, nonnulla lemmata præmitti debent.

# P R O P O S. LXXXV.

Si duo termini <sup>a</sup> A, & C arcus semielliptici ABC, parieti FH affixi fuerint, & planum ABC inclinatum fuerit ad planum parietis FH; si trahatur arcus sursum, versùs perpendicularum à B ad E; dico, quòd cavitatis eius in E magis recedet à pariete, quàm in B,

a Tab. 18.  
Fig. 3.

Y 2

& in



Cap. 7. De  
motu respi-  
rationis.

& in fine tractionis spontè arcus redibit ad pristinam inclinationem .

Ductis  $BO$  , &  $EN$  perpendicularibus ad planum parietis . Quia eiusdem arcus axes  $DB$  , &  $DE$  æquales sunt inter se , & angulus  $BDO$  minor est angulo  $EDN$  , atque anguli ad  $O$  , &  $N$  rectis æquales quoque sunt , ergo perpendicularis  $EN$  maior est , quàm  $BO$  , & ideo magis distabit arcus à pariete in sinu  $AEC$  , quàm in pristino situ inclinato  $ABC$  .

Secundò, quia arcus  $ABC$  termini  $A$  , &  $C$  non secus , ac clavi duri affixi sunt parieti  $FH$  , ergo post tractionem , si amplius arcus non retineatur violenter in situ  $AEC$  , necesse est , ut vi machinæ eius refiliat , redeatque ad pristinam inclinationem  $BDO$  . Quod erat &c.

### P R O P O S . LXXXVI.

<sup>a</sup> Tab. 18.  
Fig. 3.

Si eiusdem arcus<sup>a</sup> alter terminus  $A$  affixus fuerit parieti immobili  $IF$  ; & reliquus terminus affixus ligno amouibili  $GC$  ; & cavitatis arcus  $B$  trahatur per directionem  $BM$  efficientem angulum acutum  $MBD$  ; Dico, quòd terminus  $C$  recedet ab  $A$  , & quòd  $C$  eleuabitur versùs  $M$  .

Quia si arcus  $ABC$  summitas  $B$  comprimatur versùs  $D$  , vel funiculo trahatur  $B$  versùs  $D$  , necessariò cacumen eius deprimeretur , & minorem curuitatem acquireret , & si trahatur vertex  $B$  non præcisè versùs  $D$  , sed obliquè per directionem  $BM$  efficientem angulum acutum  $MBD$  , patet quòd pariter cacumen  $B$   
de-

deprimetur, & approximabitur ipsi D, at non potest B propius accedere ad D, nisi brachia BC, & BA magis, quàm prius incuruentur, & huic violentæ incurvationi resistunt brachia sua tensione, & vi machinæ, qua nituntur se dilatare. Ergo cogentur termini extremi arcus A, & C ab inuicem recedere, & est A terminus firmus in pariete, & C mobilis in ligno CG amouibili. Igitur terminus C recedet ab A signo fixo. Rursus, quia tractio obliqua fit per directionem BM, à B versus M, ergo terminus mobilis C approximabitur ipsi M; & proinde terminus C vnà cum integro arcu motu circulari circa centrum conuersionis A, ascendet versùs M. Quod &c.

Cap. 7. De  
motu respi-  
rationis.

## P R O P O S. LXXXVII.

Si plurium arcuum a semiellipticorum extremitates A, D, H, columnæ firmæ PS, & extremitates CEI ligno amouibili QR affigantur; & plana arcuum æquidistantia inter se efficiant angulos acutos cum plano PR per terminos arcuum ducto, trahanturque eorundem arcuum apices B, O, M per directionem MB, parallelam dicto plano PR ad partes obtusorum angulorum, scilicet ab M, versùs Z; Dico, quòd cauitas semicylindrica ABCIML amplior efficietur; & cessante tractione spontè redibit ad pristinam formam angustam.

<sup>a</sup> Tab. 18;  
Fig. 4.

Quia quilibet dictorum arcuum, vt ABC, obliquè affixus est parieti firmo PS, & ligno amouibili QR, trahiturque versùs L per directionem MB efficientem angulum LBX acutum. Ergo quò magis arcus tra-

hi-

Cap. 7. De  
motu respi-  
rationis.  
b huius pr.  
85.

hitur<sup>b</sup>, eò magis eius cacumen B recedit à plano PR;  
& omnes arcus conseruantur semper inter se paralle-  
li. Igitur omnium summitates B, O, M magis, quàm  
priùs recedunt à dicto plano PR, & proinde efformant  
semicylindricum spatium magis dilatatum, & ideo  
maioris capacitatis.

Postea, quia quilibet ex dictis arcubus cessante tra-  
e Ex citata. ctione, vi machinæ spontè redit c ad pristinum situm,  
magis inclinatum; ergo paritèr spontè resiliendo om-  
nes arcus motu sibi ipsis æquidistanti, ob consimilem  
vim machinæ coangustabunt illud ampliatum spa-  
tium, occupabuntque locum exiguum pristinum.


### P R O P O S. LXXXVIII.

a Tab. 18.  
Fig. 5.

Iisdem positis a, si insuper in aduersa parte eiusdem  
plani PR, affigantur eodem modo, & ordine alij  
arcus AFC, DNE, HGI. Dico, quòd caui-  
tas cylindrica ABMGFC ampliabitur,  
& cessante tractione redibit ad  
priorem angustam capaci-  
tatem.

b huius pr.  
85.

Quia quilibet ordo arcuum in vno latere existen-  
tium primò à violentia sursùm arcus trahente amplia-  
bitur; postea cessante tractione spontè vi machinæ  
constringetur<sup>b</sup>. Ergo ambo ordines arcuum idipsum  
præstabunt. Quod &c.





## P R O P O S. LXXXIX.

Cap. 7. De  
motu respi-  
rationis .

Iisdem positis, Dico, quòd in vtroq; latere perimetri  
 arcuū aliquando parū, aliquando nihil in-  
 ter se approximantur, & lignum IC  
 sensibili spatio ascendet ver-  
 sū Q. & recedent à co-  
 lumna firma PS.

a Tab. 18.  
Fig. 5: & 6.

Et primò, si arcus æquidistantes proximi ABC, &  
 DOE ad easdem partes constituti fuerint inter se  
 æquales, pariterque affixionum intervalla AD, CE,  
 sint æqualia, spatium à duobus illis arcubus interce-  
 ptum parallelogrammum erit, licet curvum, at in  
 parallelogrammo, siue rectangulo, siue non, semper  
 latera opposita inter se æqualia sunt. Ergo distantia  
 BO inter duos proximos arcus semper erit eiusdem  
 mensuræ, si arcus depressi, & inclinati fuerint, siue  
 fursū trahantur, in situ erecto ad planum PR.

Si postea arcus ABC minor fuerit, quàm subse-  
 quens arcus DOE, patet, quòd spatium ab eis com-  
 prehensum, erit trapezium, & ideo quò magis tra-  
 petiū a d o b à situ obliquo recedit versū perpendi-  
 culum, vt in situ a d o b, eo magis intervallū OB mi-  
 nuatur, eo quò ductis bz, & BZ parallelis eidem a d,  
 erunt quoque æquales inter se ob parallelogramma.  
 Ergo in triangulis BZO, & bzo, erunt duo latera bz,  
 & BZ æqualia, pariterque duo latera oz, & OZ inter  
 se æqualia, & angulus bzo obtusus maior est angu-  
 lo recto BZO. Ergo basis bo, maior erit base BO. Op-  
 positum contingeret, si arcus ABC maior fuisset arcu  
 BOE.

Se-

Cap. 7. De  
motu respi-  
rationis.

Secundò, quia omnes arcus fursùm trahuntur, & termini ADH parieti firmo affixi trahi non possunt, & è contra termini CEI ligno amonibili affixi sunt. Ergo termini arcuum CEI vnà cum ligno QR fursùm transferri possunt.

b huius pr.  
85:

Tertiò, quia omnes arcuum summitates B, O, M, F, N, G, trahuntur obliquè versùs internas partes eorum. Ergo eorum termini b oppositi à se inuicem recedunt, scilicet C magis distabit ab A, & sic E ab ipso D, nec non I ab H remotior fiet; & termini A, D, H ob firmitudinem parietis PS coguntur in eodem situ persistere. Igitur necesse est, vt termini CEI vnà cum ligno amonibili QR remotiores fiant à pariete firmo. Quod erat propositum.

His præmissis, facillè modum mechanicum, quo inspiratio absolvitur, exponemus; Et primò

### P R O P O S. XC.

Contractis musculis intercostalibus, vnà cum diaphragmate, necessariò pectoris cauitas ampliari, & aer inspirari debet.

a Tab: 18.  
Fig. 2:

Videmus, quòd ossa costarum a ABC, DOE, AFC &c. nedùm figuram incuruatam, sed etiam formam, & consistentiam balistæ habent, quia sunt dura, & si flectantur magna vi, resiliant, vt machinæ.

Similiter termini posteriores costarum A, D, H tenaciter affiguntur vertebris spinæ columnam PS efficientibus; anteriores verò termini cartilaginosi C, E, I, earundem, minùs tenaciter affiguntur sterno QR amo-

amouibili, & ideo facilè flecti possunt, suspendi, & dilatari vnà cum ipso sterno.

Cap. 7. De  
motu respi-  
rationis.

Insuper duodecim paria costarum disposita sunt in vtroque latere, constituendo duos ordines deorsum flexos, & æquè inclinatos ad planum DR per spinam, & per sternum ductum.

Tandem adfunt musculi intercostales decussati, qui dum agunt, se contrahendo, trahunt sursum costarum peripherias B, O, M, F, N, G, versùs iugulum, & trahuntur per directiones MB, GF, efficientes angulos acutos cum planis costarum. Igitur cauitas cylindrica pectoris amplior efficietur <sup>b</sup> aucta distantia BF inter vnum, & aliud latus. Præterea sternum CI vnà cum costis sensibili spatio ascendet versùs iugulum Qc: & tandem sternum CI vltèriùs eleuabitur, recedendo à stabili columna spinæ DS.

b huius pr.  
87.

c huius pr.  
89:

Hinc sequitur, quòd cauitas pectoris ampliatur duplici dimensione transuersali à latere dextro O ad sinistrum N; & directà à postica D versùs anteriorem faciem pectoris E. Restat tantummodo altitudo pectoris GI, quam pariter augeri ostendemus.

Quia diaphragmatis perimeter HMIG alligatur vertebris in H, extremis costis osseis, & cartilagineis inferiorum costarum per totum ambitum M, & G, & sterno in I, atque eiusdem diaphragmatis centrum suspenditur à mediastino, & à pericardio. Ergo quando agit musculus ille decurtando semidiametros; fibrosos, eius duo effectus consequuntur, primò tractis cartilagineis terminis flexibilibus costarum MIG versùs abdomen RS distenditur, elongaturque altitudo thoracis versùs infimum ventrem, & sic cum lucro compensatur ascensus ille exiguus thoracis versùs iugulum



Cap. 7. De  
motu respi-  
rationis.

gulum Q. Secundò idipsum septum è statu sinuoso  
fursum extuberante deprimitur, explanaturque. Qua-  
propter fouea, qua septum transuersum intra pectus  
excauabat, postea repletur depressio, complanatoque  
ipso septo. Et hinc resultat thoracis figura similis  
sphærodi, seu ouo dissecto, cuius vertex est iugu-  
lum, & ceruix, basis verò est planum septi transuer-  
si, à quo abscinditur. Talis autem septi depressio  
necessariò auget capacitatem thoracis. Et prius à mu-  
sculis intercostalibus ampliata fuerat latitudo, & cras-  
sities pectoris. Ergo necessariò à musculorum inter-  
costalium, & septi transuersi actione cavitates pectoris  
dilatari debet. Et intra pectus exinanitum aer vi  
ponderis, & elasticæ facultatis eius insinuari de-  
bet. Igitur motus inspirationis efficietur; Quod  
&c.

#### P R O P O S. XCI.

Non completur actio inspirationis à simplici rece-  
ptione aeris intra pectus amplificatū à musculis  
intercostalibus, & diaphragmatis; sed præ-  
tereà requiritur noua actio compressi-  
ua facta à resilitione costarum.

Quia post dilatationem pectoris aer ambiens spontè  
profluit ad replendam illam cavitatem, oportet, vt aer  
ille, qui pectus repleuit, eandem laxam, & raram  
consistentiam retineat, quam habet externus aer; pro-  
pterea quòd externus cum interno æquilibratus in  
eadem regione aerea quiescunt, & ideo nullam vnu-  
motiuam exercebunt. Verùm ad dilatandos subtilis-  
simos;

simos alios canaliculos pulmonum, qui clauduntur ab ipsa conniuentia parietum mollium, requiritur vis aliqua motiua, & inultò maior vis requiritur ad insufflandum aeré exceptum in brachijs, & amplis spatijs pulmonum grandi impetu intra eosdem canaliculos, vt officium cunei exerceant. Sicut cùm manibus follem, aut vtrem dilatamus, aer ambiens spontè succedit ad implendam illius cavitatem, at ibidem summa tranquillitate quiescit. Si postea velimus carbonem accendere, aut è fistulis folli annexis sonos musicos elicere, requiritur actio contraria, nempe constrictio ab alia causa, quæ follem comprimendo, aerem in eo contentum exprimat. Eodem modo potentia, quæ thoracem comprimit, & aerem in eo inclusum vehementer impellit, non potest esse vis musculorum intercostalium, & diaphragmatis; quia hi dilatare tantummodo thoracem possunt, non verò constringere. Nec præterea esse potest vis musculorum pectoraliũ, quia nil conferunt ad respirationem. Igitur impulsio illa vehemens aeris in pulmonibus existentis efficitur ab alia causa diuersa à vi musculorum pectoris; quæ, ni fallor, sic indagari poterit.

Cogita facies tabellarum folli coniunctas retineri à compressione machinæ chalybeæ, tanquam à prælo. Tunc si manibus dilatare follem velimus, oportet, vt machinæ resistantiam superemus, eamque distrahamus; & cessante manuum tractione, vis machinæ grandi impetu resiliet, vt ad pristinam eius relaxatam configurationem restituatur, & proindè vehementissimè aerem exufflabit.

Sic paritèr thorax est veluti folli, qui vndique compressus retinetur à tot machinis, quot sunt costæ;

Cap. 7. De  
motu respi-  
rationis.

hæ verò in actu inspirationis violenter distrahuntur, et dilatantur vnà cum folle thoracis à contractione musculorum intercostalium. Ergo subito postquam cessat eorum tractio, necessariò machinæ omnium costarum derelictæ, et sui iuris factæ exercèbunt naturalem suam indolem resiliendi, et ideò grandi impetu constringent thoracem. Et sicuti in folle, nisi valvula claudatur, illius compressio inutilis, vel saltem parùm proficua est, quia aer retrocederet, et non exprimeretur per fistulam violento cursu; sic pariter necesse est, vt rimula epiglottidis à suis musculis claudatur, et tunc constrictio spontanea costarum condensabit aerem intra bronchia pulmonum contentum, simulque eum impellet; quare à duplici vi, scilicet à prædicto impulsu, et à vi elastica, quæ machinulæ aeris compressæ se dilatare conantur, insinuabitur per omnes diuerticulos, et recessus pulmonum, inflabitque eius vexiculas, et sic sanguinem in vasis collateralibus contentum exprimet, elutriabitque.

### P R O P O S. XCII.

In expiratione placida, et naturali non eijcitur aer à vi motiua vllorum musculorum, sed consequitur ex quiete, et defectu actionis musculorum intercostalium, et ex relaxatione diaphragmatis, et ex rimæ epiglottidis dilatatione.

a prop. 92. Quia, vt dictum est <sup>a</sup> Naturæ indigentia non expletur à simplici aeris inspiratione, sed præterea requiritur compressio validissima, quæ fit à resilièntia costarum,



rum, cùmque talis actio compressiva fieri non possit, Cap. 7. De  
motu respi-  
rationis. nisi arctè clausa fuerit rimula epiglottidis: Igitur eo minimo tempore, quo talis compressio fit, exire aer ab ostio clauso tracheæ non potest. At poterit sanè exire subitò, postquam talis sollicita compressio completa est. Quia nempe immediatè aperire potest ostium tracheæ; & tunc aeris effugium è pectore subsequi debet, absque eo, quòd ab aliquo musculo expellatur; nam si musculi actio est eius contractio, planè diaphragma nil prorsus agit. Quando relaxatur spontè, scilicet quando reducitur ad pristinam suam situationem sinuosè incuruatam intra thoracis cavitatem; ex quo proindè fit, vt aer cogatur cedere locum subintranti diaphragmati, quod fit egrediendo per os, & nares.

Præterea ipsemet aer in pectore compressus, sua naturali vi elastica quærit locum, vbi expandi possit, & idè spontè per os egreditur absque eo, quòd ab aliqua vi, & actione musculorum eijciatur.

## P R O P O S. XCIII.

Expiratio violenta adiuuatur à compressione costarum, & à musculis abdominis.

Constat experientia in motu concussivo tussis, & in alijs similibus vehementissimis expirationibus, quòd in actu expressionis aeris vehementer thorax, & abdomen constringitur. Hic certè à suis musculis comprimitur. Et ideo viscera impelluntur sursùm tanta violentia, vt diaphragma turgefactum intra pectoris cavitatem propellatur, ob cuius aduentum aer hinc

ex-

Cap. 7. De  
motu respi-  
rationis .

expellitur per tracheam . Thorax postea constrin-  
gi ab alia causa non potest, quàm à resilitione co-  
starum.

His præmissis, confidero, quòd vrgente necessitate  
tussendi, primò copiosè aer inspiratur, postea aper-  
ta rimula epiglottidis, subitò musculi abdominis, &  
totalis vis resilitiois costarum adhibentur à Natura,  
vt aerem effundant rapidissimo vento, quo bronchia  
pulmonum abstergere, & currere possit eijsciendo mu-  
cuosos succos, sic enim periculum suffocationis eui-  
tatur, & tollitur molestia, qua nervi asperæ arteriæ ir-  
ritantur. Igitur in hoc casu, præter causas superiùs ex-  
positas, concurrunt musculi abdominis, & diuturnior  
resilitio costarum.

#### P R O P O S. XCIV.

In expiratione non euacuantur pulmones omninò,  
sed semper in eis remanet non exigua  
moles aeris .

Hoc suadetur, quia substantia pulmonis non est  
solida, & constipata, sed continet plures cavitates,  
quæ ab aere replentur; & facta expiratione remanent  
quoque dilatatae, quia trachæ, & bronchia pulmo-  
num constant ex frequentissimis anulis cartilagineis,  
qui stringi non possunt, & idèd constituunt fistulas  
apertas, & ampliatas: similiter reliqua substantia  
pulmonum constat ex innumeris vexiculis, in quibus  
desinunt bronchia, quæ non possunt constringi, aliàs  
exactè non replerent thoracis amplam cavitatem; &  
tales fistulæ, & vexiculæ post expirationem non re-  
plen-

plentur à sanguine, vel ab alio succo ; igitur coguntur expandi ab aere priùs ingresso .

Cap. 7. De  
motu respi-  
rationis. .

In cadaueribus hoc sensu patet ; remanent enim pulmones eorum adeò expansi, vt thoracis cauitatem exactè repleant, & bronchia, & vexiculæ ab aere occupatæ conspiciuntur .

In viuentibus animalibus quoque remanere copiâ aeris in pulmonibus. post expirationem consuetan- confirmatur, quia post placidam inspirationem mensurari potest eodem syphone superius exposito, moles aeris leuitè expirata, quæ in æstate 18. vel 20. digitos cubicos occupare solet, & completa tali expiratione possumus præterea exufflando emittere è pectore alterum tantum aeris in eodem syphone, nempe alios 20. digitos cubicos aeris: quod licèt fiat valida abdominis compressione, à qua septum transuersum sinuosè incuruatum ad instar cunei pulmones intra thoracem existentes comprimit, exprimitque aerem in eis contentum, tamen hoc est signum euidentissimum, quòd pulmones post lenem expirationem non erant prorsùs aere exinaniti. Hoc insuper confirmatur, quia post insufflationem cogimur efficere subitò grandem, & extensam inspirationem, vt nimirum compensari possit dispendium aeris, qui in pulmonibus stagnare, & persistere debet .

Dixi plus expirari, quàm inspiremus in placida respiratione, non quia copiosiore aeris substantiam eijciamus, vt aliqui censent, sed quia idem aer inspiratus à caliditate viscerum rarefit, ideo maiorem molem occupat ; mistura verò vaporum aqueorum substantiam aeris non alterat, scilicet congeriem machinularum spiraliū non auget, neque condensat, cum

fit.



Cap. 7. De  
motu respi-  
rationis.

fit quid extrinsecum respectu aeris . Hoc euidenter confirmatur ex eo , quòd differentia inter aeream inspiratum, & expiratum, multò maior est hyeme, quàm æstate , prout maiorem proportionem habet condensatus aer hyemalis, quàm æstius rarefactus ad caliditatem viscerum .

### P R O P O S . XCV.

Varia structura thoracis , & modi respirandi in diuersis animalibus considerantur . Tab. 18.

Fig. 7.

Omnia animalia , quæ in aere viuunt, per vices excipere intra pectus , & mox eijcere aere manifestum est : Sed piscium maxima pars , loco aeris per vices aquam suscipiunt, & emittunt, & proinde opus respirationis fluido aqueo videntur pisces exercere .

Structura quoque thoracis , & pulmonum diuersa est, animalia terrestria , exceptis testudinibus, & alijs eiusdem generis, osseas costas discretas habent , ferè eodem modo efformatas , quæ desinunt in processus cartilagineos, quibus sterno alligantur . Volatilia carent costis mendosis, sed tum costæ CB, FE, IH, tum earum appendices BA, ED, HG osseæ sunt , quæ angulos flexibiles constituunt in B, E, H , sursum versùs iugulum inclinatos ; similiter connectuntur eadem appendices cum sterno vasto osseo RS in A, D, G, angulis pariter flexilibus . Adsunt postea muscoli intercostales pariter decussati , quorum fibræ quando decurtantur, necessariò trahunt angulum B, versùs iugulum K, & angulum E , versùs B ; nec non H versùs E, ex

**E**, ex quo fit, vt dirigantur costæ, proindeque interuallum inter sternum ADG, & spinam CFI, augeatur, vt capacitas thoracis crescat; & consequenter aer ambiens succedat ad illud spatium replendum.

Præterea volatilia non habent diaphragma carnosum, sed membranofum, & multiplex per imum ventrem in varijs locis expansum; inseruiet igitur, vt parietes; nec inspirationem adiuuabit, vt in animalibus terrestribus contingit, cum careat fibris musculosis.

Insuper habent volatilia pulmones perforatos, & costis adhærentes. In ijs tamen æquè benè vasa pulmonum constringuntur, vt sanguis elutriari possit à resilitione costarum comprimente aerem in thorace exceptum, vt supra dictum est.

Genus testudineum costas discretas non habet, sed osseo thorace vnico, & continuato ad instar fornicis teguntur. Ob id flecti, & agitari non possunt, nec habent diaphragma, & officium pulmonum supplent duæ vesiculæ oblongæ continentes vasa sanguinea, quæ non implentur, & exinaniuntur aere per vices, sed semper inflatæ perseuerant, nec renouatur aer in eis, nisi ex parte. Ad receptionem noui aeris, quando deficit, conferunt muscoli externi pelli adhærentes, qui sinum internè excauatum constituunt quando non agunt: at quando eorum fibræ contrahuntur, tunc muscoli vnà cum pelle externa explanantur, & proindè cavitatis interna pectoris ampliatur, & aer succedit ad replendum illud spatium.

Postea per vices vesiculæ, & aer in eis contentus cōprimuntur ad instar præli à fibris rotundis, & sphin-

Cap. 7. De  
motu respi-  
rationis.

thericis vesiculas contextentibus, & ab internis musculis; ex quo fit, vt aer vi elastica, qua præditus est, contundat, & pinset vasa in vesiculis contenta, & ideò sanguis è canaliculis arteriosis ad venosa elutrietur.

In insectis postea fieri respirationem, eodem, aut analogo modo supradictis, coniicitur ex obseruationibus Malpighianis. Nescio tamen, an splendor cicindularum fiat ab aeris inspiratione, aut à systole cordis propè caudam existentis. Puto tamen, tunc splendorem apparere, cum pellis externa thoracis distenditur ob eius plenitudinem, quando scilicet corrugationes opacitatem inducentes distenduntur, explananturque.

In piscibus bronchiæ infra fauces apertæ sunt, in quibus plures pectines curui constantes ex innumeris filis rubicundis pendulis complectentibus vasa, quæ sanguinem è corde exceptum transmittunt. Hi pectines vices pulmonum supplent. Nam aqua copiosè excepta, & à bronchijs compressa ad instar præli vascula illa contundendo, & pinsendo sanguinem elutriatur.

Tandem animalia amphibia, vt sunt cetacea omnia, quæ pulmones habent simili modo efformatos, ac animalia terrestria, etiam aerem respirant excepto tempore illo, quo demersa degunt, tunc enim aer in bronchijs pulmonum conclusus per vices contusus à musculis pectoralibus sanguinis elutritionem efficit. Adnotaui in delphino epiglottidis efformationem diuersam ab animalibus terrestribus, elongatur valdè perpendiculariter versùs palatum, vt eius rima super aquam in ore existentem emineat, cæterum costis, &

a prop. 92.

mu-



musculis absque diaphragmate respirationis efficere videntur .

Cap. 7. De  
motu respi-  
rationis .

## C A P V T V I I I .

*De usu respirationis primario .*

**S**Olemne est Naturæ, vnica actione , & eodem instrumeto plura commoda acquirere . Hoc præcipuè in respiratione obseruatur. Et quia maxima vtilitas, quæ à respiratione affertur, est vitæ conseruatio , ideò meritò hæc primaria appellari potest. Videndum igitur est quomodo tam insignè bonum producat , & quibus actionibus mechanicis ad hoc opus consequendum vtatur . Et primò reijci debent falsæ opiniones, & deinde verisimiliores. substituendæ sunt .

## P R O P O S. XCVI.

Respirationem institutam non esse ad refrigerium , & ventilationem flammæ, & caloris cordis .

Antiquorum opinio , quòd respiratio conferat ad caloris vitalis conseruationem , originem habuit ex similitudine quadam nominis , & ex analogia operationis cordis , & ignis culinæ, & ideò flammam vitalem in corde residere censuerunt ; sicuti ligneæ flamma in lignis accensis ardet ; & quia ignis clausus subito extinguitur, & è contra ab aeris ventilatione viuificatur , & crescit ; eodemque modo absque respiratione vita animalis extinguitur , inualuit persuasio , quòd imaginata illa flamma vitalis in corde resi-

Cap. 8. De usu respirationis primario. dens aeris ventilatione indigeat; & ideò deficiente respiratione extinguatur, quod confirmari ipsis videbatur, ex eo, quòd illi, qui diutius in feruentissimis balneis morantur, pereunt, sicuti flamma in loco angusto ab aere non ventilata, nec refrigerata contabescit, extinguiturque. Et hinc est, quòd Pulmo cordis flabellum, & ventilabrum appellari solet.

Adeo inualuit hæc persuasio apud antiquos, vt confidenter pronunciarent in corde residere caliditatem feruentissimam, & comburentem, quæ indigeat continua refrigeratione ab aere inspirato.

Et omitto, quàm stultè tam grandis flamma in corde accenderetur, quæ continenter reprimi, et extinguui deberet, cùm magno compendio finis quæsitus temperiei vitalis caloris haberi posset excitando minorem flammam.

Et primò considero, quòd in corde ignis, et flamma actualis viuere non potest, eo quòd in loco restricto, et vndique clauso suffocatur, extinguiturque; et pectus continet mediastinum, et hoc ambit perichardium, et hoc comprehendit cor, et huius ventriculi vndique coercentur à parietibus carnosus, et à valvulis eiusdem; Ergo est impossibile, vt ignis accensus in prædictis cordis ventriculis viuat, etiamsi per vices aer ibidem insufflari possit. Sed expositus esse deberet in loco aperto, et tunc aer continuo affluxu eum agitando viuificare posset, vt alibi dictum est. Percepta hac impossibilitate, recentiores philosophi coacti sunt negare ignem, et flammam visibilem in corde, sed tantummodo admittunt feruentem, et intensam caliditatem igneam, quæ si tangi posset, manus combureret. Hoc autem falsissimum esse sensus ipse declarat; per-

forato enim pectore viui animalis , et immisso digito intra cordis cicatricem, nullam caliditatem adurentē ibidem reperimus , sed æquē moderatam , ac habent reliqua viscera eiusdem animalis . Utque exactè gradum caloris cordis agnoscerem, Pisis viui cerui pectus aperiri curavi, et subito iussi thermometer per cicatricem intra cordis sinistrum ventriculum insinuari . Et vidi maximum gradum caliditatis cordis non excessisse gradus 40. quantus esse solet apud nos gradus caliditatis solis æstivi. Et postquam similibus thermometris mensuraui gradum caloris iecoris, pulmonum , et intestinorum in eodem ceruo viuo, patuit eodem gradu caloris foueri cor , ac viscera reliqua . Quapropter cor non erit focus præcipuus animalis , qui ob excessuum ardorem refrigerari , et ventilari debeat .

Præterea aer ille, qui perpetuo residet in bronchijs pulmonum, æquē calidus est, vt cor, vt sensu constat; quare etiamsi talis feruens aer intra cor immitti posset, non rerigeraret . Ille verò aer, qui de nouo inspiratur non progreditur vltra medietatem fistulæ thracheæ, & rarò eam replet . Igitur refrigerare tantummodo poterit tracheam ipsam , quam tangit, non verò cor longius, tantò magis , quia inter aerem aduentitium , & cor mediat aer calidus , sanguis , & fluor perichardij, quæ omnes partes actu calent æquē , ac cor . Immo aer calidus compressus , & condensatus, in bronchijs contentus maiorem gradum caliditatis acquireret, quia caliditas distributa per aerem rarum, restringitur intra minus spatium, postquam idem aer est condensatus, & ideo ab aere inspirato potius calefieret , tantum abest, vt refrigerari possit .

Quan-



Cap. 8. De  
vfu respira-  
tionis pri-  
mario.

Quoad ventilationem pertinet, dico, quòd est im-  
possibile, vt focus cordis à respiratione viuificetur.  
Quia vt carbones accendantur, oportet, vt ventus im-  
mediatè tangat prunas, & eius flammam agitet, non  
verò possunt prunæ intra cubiculum clausæ accendi à  
vento per plateas spirante. Sic pariter focus intra  
cordis ventriculos coercitus nec tangi, nec agitari po-  
terit ab aere inspirato intra canales pulmonis, qui vs-  
que ad cor non perducuntur. Et licèt via pateret, vt  
intra cor insufflari posset aer inspiratus, non accende-  
ret, sed suffocaret ignem illum vitalem. Quia in pul-  
monibus aer valdè comprimitur, & condensatur à re-  
silitatione costarum, vt dictum est, & ab aere, nimis  
condensato ignis suffocatur, extinguiturque non  
secus, quàm à quolibet liquore fluido, vt experientia  
docet.

Nec quia aer expiratus validiùs exit, putandum  
est, à corde contraxisse talem teporem, postquam refri-  
gerium ei intulit. Nam talis reactio efficitur à cali-  
ditate propria pulmonum, quos immediatè aer tan-  
git, non à corde remoto: nec pariter quia diu in bal-  
neis calidis commorantes intereunt, dicendum est ob  
defectum refrigerij cordis extingui. Nam aer æstiuus  
aliquando calidior est aere balnei, & tamen ille deli-  
quium, suffocationemque non inducit. Ergo in bal-  
neis alia causa longè diuersa talem noxam affert,  
scilicet vapores, aut fumi abundantes, aut venenati,  
vt è carbonibus, & fodinis, & foueis tritici expirare  
solent.

Vtque paucis hæc omnia complectar, considero,  
quàm parum sibi constet hæc vulgaris doctrina. Com-  
paratur cordis focus cum igne culinæ, & aiunt, quòd  
desi-

deficiente respiratione calor vitalis extinguitur, quia ab aere non refrigeratur, nec ventilatur. Hoc probant, quia diu morantes in balneis calentibus suffocantur; Verum ignis culinæ non extinguitur ab aere calido aeolopylæ, nec ab ardente aere fornacis, immò augetur, & viuificatur. Ergo similiter cordis focus, quem feruentissimum supponunt, extingui non deberet ab aere valido balnei. Si dicant suffocari ob defectum ventilationis, scimus, flammam æquè ventilari ab aere calido, quàm à frigido. Rursus multoties ventus extinguit flammam.

Præterea cor non ventilatur à respiratione, quia focus in eius ventriculis existens non percutitur à vento respirationis absente, à quo non tangitur; sicuti ignis cubiculi à vento externo non accenditur.

Si dicent, quòd absque vento viuere potest ignis, dummodo non sit clausus in loco stricto. Dicam ego, cordi sfocum restrictissimum esse intra angustos parietes ventriculorum eius. Quare hoc nomine extingui potius deberet.

Si tandem dicant, has duas actiones simul coniunctas considerari debere, vt scilicet respiratio refrigeret, & simul ventilet focum cordis. Reponam ego, si ventilatio impedit extinctionem ignis, ergo impedit diminutionem eius, eo quòd extinctio absque diminutione ignis percipi non potest. Quare ventilatio augendo continenter ignem, eum conseruat, & fouet. E contra refrigeratio ex sui natura imminuit ardorem nimium ignis. Igitur eadem actio respirationis duos affectus contrarios eodem tempore producit, nempe euget, & imminuit feruorem flammæ vitalis cordis, quod

Cap: 8. De *quod est impossibile . Quapropter vsus respirationis*  
*vsu respira-* non erit refrigerium , & ventilatio ignis, & flammæ  
*tionis pri-* cordis .  
*mario.*

## P R O P O S. XCVII.

*Expiratio instituta non est ad expellendas fuligines*  
*genitas ab igne in corde existente .*

Sicuti in nostris caminis per eorum canales fumi exhalant deferentes tetras illas fuligines, quæ impinguntur in eorum parietibus, sic antiqui philosophi cum videret prodire ab ore animalium vapores calidos, qui hyeme sub fumi specie eructantur, cœsuerunt verè à foco cordis emitti fumos, & deferri fuligines foras . Verum talis ignis impurus non reperitur in corde, sed tantum temperata, & moderata caliditas . Ideo illa fabula in fumos abit .

Et talis caliditas temperata non residet in corde, vt in propria sede, sed potius est aduentitia, quia ibi gignitur à sanguinis commotione, sicuti resultat in cæteris visceribus, & carnibus : Nec præterea temperata hæc caliditas fumos tetros, & fuliginosos gignere potest, quia nullam actionem propriam caliditas, vt talis est, in corde efficit, nempe non liquefacit, non comburit, & non elixistat sanguinem .

Neque vllum opus fermentatiuum in corde fit, quia est musculus similis cæteris, atque in eius cauitatibus non adest, nec gignitur succus vllus fermentitiuus, sed tantummodo purus sanguis non permanens, sed in continuo rransitu . Igitur sicut in

mu-



musculis non fiunt, nisi pauca excrementa, ita videtur incredibile, vt tanta copia in corde excrementa, & fuligines gignantur, vt indigeant cloaca pulmonis, per quam expelli debeant.

Cap. 8. De  
vfu respira-  
tionis pri-  
mario.

Non nego, quòd ab ore non exeant aliqui vapores aquei vnà cum aere expirato; sed hi non exeunt à corde, sed extillantur à glandulis tracheæ faucium palati, & narium, vt earum superficies cauæ deliniantur, & sic à rapido vento, quo aer expiratur, abraduntur minimæ illæ guttulæ vaporem componentes.

Rationes, quæ me mouent ad credendum, quòd è glandulis tracheæ, & faucium potius, quàm ex arterijs, & venis pulmonum egrediantur aquei vapores expirati, sunt; Prima, quia Natura capacissimā officinam excretoriam in renibus præparauit, vt aqueam serositatem è sanguine excerneret, ergo frustra in pulmonibus idem labor efficeretur, vt paucae guttæ aquæ in vapores redactæ eijcerentur. Præterea aqua ex sui natura libentissimè sales in sanguine existentes combibit, & intra se excipit, & hinc est, quòd aqua, quæ in venis morata est, & per vrinam, aut sudores excernitur, acerrimo sale ammoniaco nitroso, & tartareo imprægnatur. Si igitur è venis pulmonum exeunt vapores aquei expirati, deferrēt secum eandem acerrimam salsedinem in sāguine existentē, et valdè læderent sua acredine, & mordacitate pulmonem absque vlla necessitate. Insuper experientia id ipsum suadet; nam vrina, & sudores, qui absque dubio ex sanguine vasorum egrediuntur, sunt acerrimi, & salsi, at vapores per expirationem eiekti insipidi, & dulces sunt, similimi succis glandularum.

Cap. 8. De  
viti respirati-  
onis pri-  
mario.

Vltimo loco malus odor, qui ab aliquibus expirat, non euincit, tales corruptos fumos è pulmonibus emitti: quia aliundè constat, stomachum malè affectum à crapula, ebrietate, & à cibis fætidis, eruere graues illos odores, eo quòd vna cum stomacho afficiuntur glandulæ oesophagi gulæ, & palati. Hinc est, quòd aer sincerus è pulmonibus exiens, in transitu per loca fætida contagium suscipit à tetrìs illis euaporationibus. Hoc confirmatur, quia emendata stomachi intemperie, malus ille odor euanescit. E' contra ex pulmonibus malè affectis, dummodo non sint putridi, & vlcerosi, & sphacelati, non exeunt flatus fætidi.

Ex quibus omnibus concludere licet, quòd per expirationem non eijciuntur fuligines, vt è lignis combustis exhalant, nec excrementa, & sordes cordis, & sanguinis, cùm vapores expirati nedum sint similes, sed puriores ijs, qui per transpirationem insensibilem emittuntur.

Vt vltèriùs procedere possimus, aliqua lemmata præmittenda sunt.

### P R O P O S. XCVIII.

Duo aggregata corpusculorum diuersorum exactè inter se commisceri non possunt, nisi contrarijs motibus agitentur, vt possint particulæ vnius intra alteriùs aggregati particulas insinuari.

Vt fieri solet in scientia mechanica, subiectũ cuiuslibet propositionis abstrahi debet à varietatibus, & circumstantijs materialibus; vel conditiones pares esse

esse debent. Et sic in casu nostro supponamus primò duas congeries granulorum milij, vnā quidem ex dealbatis, alteram ex nigris granulis compositā. Sic enim figuræ rotundæ eadem, & æquales sunt, & æquè graues. Iam si duæ dictæ congeries contiguæ ponantur in duobus lateribus eiusdem vasis, vel sacci, & neutra moueatur, patet, quod nunquam commiscentur, vt quodlibet granum album à singulis denigratis tangeretur. Si postea duo illa aggregata moueantur ad oppositas partes, à se inuicem disjungentur, vel si ad easdem partes circularitèr eadem velocitate nigra ab albis fugiant, constat pariter nunquam misceri posse; Verùm, si grana nigra quiescant, vel lento motu fugiant, & omnia alba celeritèr moueantur versùs nigra, necesse est, vt ad instar cuneorum illa insinuentur inter nigra, quæ excipere aduenientia alba non possent, nisi à se inuicem delectarentur. Ex quo fit, vt primò nigra granula lateraliter moueantur, postea reflexo circuitu retrocedant ad occupanda loca ab albis derelicta; Et rursus reiteratis occurribus, & repulsionibus, & mutuis insinuationibus, efficietur commotio similis ebullitioni. Vndè fieri potest, vt nullibi grana nigra absque consortio alborum remaneant.

## P R O P O S. XCIX.

Iisdem positis, ab iisdem motibus contrarijs missionem efficientibus, ipsamet mistio destrui potest, nisi adsit alia causa vnionem conseruans.


Quia in exemplo adducto grana milij sunt æquè



Cap. 8. De  
vfu respira-  
tionis pri-  
mario.

rotunda, & læuigata, hinc fit, vt contactus alborum, & nigrorum non sint firmi, tenaces, durabilesque, quia ob læuitatem superficierum, facile possunt vna super alteram excurrere, quæ lubricitas æquè separationem granulorum producere potest, ac priùs vnionem effecerat. Quare ab eisdem casualibus, & vertiginosis occurribus, à quibus alba grana misceri potuerunt, à se inuicem quoque separari poterunt, aut totalitèr, aut in paruas ageries, & inæquales interf.

Vt igitur perseveret semel inchoata vnio, & contactus singulorum granulorum candidorum cum singulis nigris, necesse est, vt glutine, aut vinculo, aut vncinulis, seu hamulis connectantur, ne vnum ab altero discedere valeat. Sic contingit in commistione aquæ, & farinæ, vbi aquea granula postquam attingunt aridas particulas farinæ, ab ijs auidè illa exuguntur, & intra earum poros, & anfractus excipiuntur, vt non possint ab harum consortio separari. Idipsum in cæmento contingit, & in alijs similibus misturis, quæ quantò magis agitantur, contunduntur, & pinsuntur, eò exactiùs particula aquæ subdiuiduntur, & insinuantur inter exiguas particulas aridas; ex quo fit, vt glebulæ aridæ, & consistentes subdiuidantur, & à mistura aquearum portiuncularum resultet vniformis mollities..



## S C H O L I V M.

Cap. 8. De  
vfu respira-  
tionis pri-  
mario.

Modo non diuerſo commiſcentur fumi è camino eructantes, aut guttulæ aquæ, vel minimæ particulæ pulueris terreſtris. cum aeris particulis quieſcentibus miſcentur, quæ conſiſtentiam ſimilem nebulæ conſtituunt.

Sic paritèr limoſa fragmenta, et fæces aquam, & vinum. conturbant, in quibus omnibus miſturis conſpiciuntur motus illi contrarij vertiginofi, & inſinuationes ad inſtar cuneorum, ſine quibus eſt impoſſibile, vt tales miſcellæ fiant.

## P R O P O S. C.

Si vna pars ſacci à granis albis occupetur, & non exactè repleatur à nigris, poterunt alba, & nigra granula commiſceri à varia, & multiplici ſacci compreſſione, & contuſione.

Tab. 18. Fig. 8.

Si in ſacco ABDE ſit pars ALFCB repleta à granis milij albis, & reliqua pars FEDC non omninò repleatur à granulis denigratis, vt laxa remaneat, & comprimi, ac dilatari poſſit. His poſitis, comprimatur extremitas ALFCB, vt occupet ſpatium reſtriſtum AGFCHB. Et quia priùs repletum erat ab albis granis. Ergo exprimentur grana illa, quæ in ſpatijs ALFG, & BMCH continebantur; & hæc ob ſacci laxitatem inſinuari debent intra ſinum FEDC, & proindè æquè dilatabitur ſaccus in I, & K, ac reſtriſtus fue-

Cap. 8. De  
vfu respira-  
tionis pri-  
marie .


fuerat in G, & H : sed non possunt lateralitèr moueri grana nigra , vsque ad I , K , nisi grana alba expulsa ex locis L , M insinuentur cuneatim inter grana nigra ; & ab interpositione alborum subsequitur mistio , quatenus alba , & nigra lateraliter se mutuò tangant . Igitur post multiplices , & repetitas compressiones vtriusque lateris , consequi potest vniuersalis miscella granulorum alborum , & nigrorum . Quæ erit duratura , si contactus semel facti dissolui non possint ob asperitates , aut gluten , sicut dictum est .

### P R O P O S . C I .

Tab. 18. Fi-  
gura 8.

Si pars extrema eiusdem sacci FEDC a fuerit tenax , & dura : Dico , quòd globi albi in ABCF contenti , quantumuis comprimantur , nunquam cum nigris misceri possunt .

Si enim hoc verum non est , misceantur , si est possibile in tali situ , quia commistio fieri non potest , nisi inter bina quæque grana nigra insinuentur totidem grana alba alternè disposita ; & alba simul cum nigris lateraliter se tangentia occupare debent latitudinem duplo maiorem , quàm sit FC , vel ED : ergo grana commista dilatabunt fistulam duram , & non dilatabilem FEDC , quod repugnat hypothesi . Igitur commistio fieri non poterit .






## P R O P O S. CII.

Cap. 8. De  
vfu respira-  
tionis pri-  
mario.

a Tab. 18.  
Fig. 8.

Iisdem positis a, si faccus in ED perforatus fuerit, & in directum continuatus. Dico, quòd albi globuli compressi in ABCF non commiscantur cum nigris existentibus in FCDE.

Quia globuli albi compressi in spatio ABCF directo motu impelluntur ab FC versùs ED, eo quòd retrocedere non possunt ob clausuram AB, ergo globuli nigri in FEDC contenti impellentur ab albis eadem directione versùs ED, & huic impulsui non resistunt, cum liberè exire possint per apertum orificium ED, & aliundè valdè resistunt laterali distractioni ob firmitudinem parietum FE, & DC; ergo necessàriò nigri globuli directo impulsui obtemperabunt, non verò laterali motui à se inuicem recedendo. Sed absque laterali motu, & absque mutata distractione nigrorum insinuari non possunt globuli albi inter illos. Proindeque, cum illis misceri non possunt. Pariterque quando anteriores globuli nigri æquali velocitate fugiunt, qua à subsequentibus albis impelluntur, est impossibile, vt actione cunei albi inter nigros insinuetur. Igitur etiam hoc nomine est impossibile, vt fiat miscella.



Cap: 8. De  
vfu respira-  
tionis pri-  
mario.

a Tab. 18.  
Fig. 9.

# P R O P O S . CIII.

Si in canali<sub>a</sub> AC stricto, & molli adfint duo liquores distincti, albus AG, & niger GD; & ex vna parte DC pateat exitus, ex altera claudatur in AB.

Dico, quòd à contusione, & compressione canalis non commiscentur liquores.

Quia fluores resoluuntur in particulas duras, & figuratas, vt ostendimus libro De Motionibus Naturalibus à gravitate pendentibus. Igitur ea omnia, quæ demonstrata sunt de granis milij albis, & nigris, aptari possunt particulis componentibus fluida, quoad miscellam eorum pertinet.

Et primò comprimatur simul tota longitudo fistulæ, & redigatur ad angustiam AEFD, patet quòd fluor albus ABGO maior est, quàm vt excipi possit in æquè longa fistula restricta AEIO, & ideo residuum antèriùs promouebitur vsque ad DF. eo quòd retrocedere non potest ob clausuram AB. At priùs locus replebatur à liquore nigro, quì in eodè spatio remanere non potest simul cù æquali mole albi floris; ergo necessariò alter eorum, vel partes amborum exire debent, & antèriùs promoueri versùs KL, qua datur via aperta: Sed albus exire non potest, remanente nigro, nam hic retrocedere deberet à D versùs O, quæ retrogradatio sequeretur ob viam non clausam, & produceretur ab impulsu contrario non impedito, factò à liquore albo ab O versùs D, quod est impossibile. Idipsum impossibile sequeretur, si portio floris nigri  
in

in spatio OF remaneret. Quare oportet, vt spatium integrum AEFD repleatur à solo fluore albo; & proinde niger excurret anteriùs ad replendum locum peruium, & patulum, & non impeditum DFLK, igitur à compressione fistulæ AC duo fluores albus AG, & niger GD non commiscuntur.

Cap. 8. De  
vsu respira-  
tionis pri-  
mario.

Secundò comprimatur solummodo pars fistulæ AG, patet, quòd cylindrus fluidus albus MPGO anteriùs directo motu promoueri debet, & ideò expellet è suo loco fluidum cylindrum nigrum, qui non resistit impulsui directo cum via DC aperta sit, & aliundè resistit eius distractioni laterali ob impedimentum parietum OD, GC; Ergo necessariò fluor niger GODC excurret ad partes KL, vbi nempè aperta est via, & effugium patet. Verùm, quando duo fluores contigui æquè velocitèr mouentur ad easdem partes, & non agitantur motibus contrarijs, & repetitis conuassationibus, est impossibile, vt particulæ vnius cuneatim insinuentur inter binas quaslibet particulas alterius. Igitur misceri inter se non possunt.

#### PROPOS. CIV.

In amplis canalibus exitum apertum habentibus, aliqua perturbatio, & mistio fluidarum partium fieri potest, nulla verò in strictis canaliculis. Tab. 18. Fig. 9.

Ab ipsa experientia confirmatur superiùs exposita theoria in fistulis strictissimis exitum apertum habentibus; verùm in amplis canalibus varietatem aliquam patitur. Vt in eadem figura, sit AC sifunculus vitreus



Cap. 8. De  
usu respira-  
tionis pri-  
mario.

angustissimus, & pars DCGO repleatur vino rubro  
& pars OMPG vino albo, & postrema pars ABPM  
repleatur ab aqua cæruleo colore tincta, tunc prædicti  
tres liquores, siue concutiantur, siue spiritu, aut em-  
bolo impellantur, videmus, quòd nunquam fluores  
inter se confunduntur, nec suas distinctas sedes dese-  
runt, & in motu eodem ordine progrediuntur inter  
se discreti, ac si essent cylindruli lignei indissolubi-  
les.

Si verò canalís AC fuerit valdè amplus, & fluores  
similiter colorati in eiusdem locis positi fuerint, non  
semper discreti permanent, sed perturbantur, mi-  
scenturque.

Causa huius discriminis est, quia partes interme-  
diæ, nempe proximæ axi cylindri fluidi excurrere  
possunt maiori velocitate, quàm collaterales, quæ  
ab asperitatibus vasis impediuntur; & ab hisce moti-  
bus inæqualibus partium, eiusdem fluidi vertigines, &  
variæ agitationes subsequuntur. Hinc fit, vt granula  
minima fluidorum diuersas posituras, & situationes  
acquirant; & proindè confundantur, & ex parte mi-  
sceantur; secus autem contingit in siphunculis stri-  
ctis, in quibus ob loci angustiam vertigines particu-  
larum componentium fluida fieri nequeunt; cùm inter  
se à mutuis asperitatibus æquè impediuntur, ac à sca-  
britie interna vasorum. Et ideò eadem particulæ  
fluidorum vniformi velocitate translata, semper sibi  
similem positionem seruant; proindeque confundi, &  
misceri prorsus non possunt.

## P R O P O S . C V.

Cap. 8. De  
vfu respira-  
tionis pri-  
mario.a Tab. 18,  
Fig. 10.

Si infundibulum<sup>a</sup> ABCD conicum, & molle, subdivi-  
datur in plura alia infundibula DE, FG, HM,  
& in alios ramos graciliores; & intra maius infun-  
dibulum, clausum in postrema eius basi AB, immit-  
tantur separatim fluores, vel grana alba, & nigra, &  
comprimantur, contundanturque; Dico, quòd inter  
se non commiscuntur.

Intelligantur primò, grana, vel fluores lateraliter se-  
se tangere, & disponi secundum longitudinem ma-  
ioris. Tunc patet, quòd facta compressione, solum-  
modo grana alba absque nigris insinuari debent intra  
ramum DE in directum positum; pariterque nigra,  
quæ tangunt orificium F infundibuli FG, illud im-  
plebunt, & alba grana ingredientur intra canaliculum  
HM, & in quolibet eorum ne vnum granulum con-  
trarij coloris admitti poterit. Igitur quantumvis præ-  
dicti canaliculi comprimantur, contundanturque,  
nunquam grana alba in DE, vel in HM existentia,  
& ab integris parietibus interclusa, commisceri pote-  
runt cum granis nigris existentibus in separato cana-  
liculo FG.

Secundò<sup>b</sup> ponantur granulorum strata alba super  
nigris, patet quòd stratum album contiguum orificijs  
canaliculorum D, F, H, dum comprimitur, ingre-  
dietur inter omnes fistulas DM, FN, & HO, quia  
retrocedere non potest, ob clausuram in AB, & ob  
urgentiam nigrorum granulorum: ergo antèriùs pro-  
moueri debent, vbi datur via aperta; nec posteriora

a Tab. 18;  
Fig. 11.

Cap: 8. De  
vfu respira-  
tionis pri-  
mario.

grana nigra commisceri cum albis anterioribus possunt, quia hæc impelluntur libero cursu versùs orificia aperta, & lateraliter disgregari non possunt, vt subingressuris cuneis nigris locum cedant ob parietum canaliculorum firmitudinem, & ob constrictionem eorumdem eodem tempore factam, quo primum infundibulum compressum fuerat.

Postea, expulso integro strato primo alborum granulorum, subsequens stratum nigrorum accedit ad contactum orificiorum, D, F, H; & ideò, facta compressione, alba granula, quæ priùs distributa fuerant in spatijs DM, FN, HO; expellentur anteriùs ab urgentia subintrantium nigrorum secundi strati, ob rationes superiùs dictas. Ergo alba replebunt spatia MQ, NR, OS; & nigra occupabunt loca MD, FN, HO, ab illis derelicta; & vlteriùs alternè se se consequentur. Nec fieri potest, vt in prædictis spatijs discretis, & angustis, grana nigra cum albis misceantur, vt dictum est. Igitur semper in locis separatis grana nigra existent remota à granis albis. Quare in tali progressu nunquam mistio efficietur.

## P R O P O S. C V I.


In eodem infundibulo ramificato, si ponantur grana alba commista nigris, Dico, quòd à repetitis contusionibus granicula alba à nigris separari possunt.

Quia grana confusa, & mista contenta in maximo infundibulo non possunt insinuari in primis ramificatione-



tionibus, nisi subdividuntur in plures aceruos, & distinctis locis positos. Postea, quia quilibet ramus excavatus subdividitur in plures ramulos, seu in fistulas minores; ergo quilibet aceruus granorum commistorum iterum subdividi debet in alios minores acervulos, & hi in alios minores, quousque ad omnes subtilissimas fistulas deveniatur, in quorum vnoquoque exiguus numerus granulorum contineri potest, qui alternè alba nigris serie directa subsequantur. Tandem, quia extremæ subtilissimæ fistulæ comprimuntur quoque, ex hypothese, ergo necessario disgregantur granula in eis contenta, eo quod parietes molles compressi coniunctis oppositis faciebus internis segregant granula contigua. Et hinc fit, ut omnino separentur grana cuiuslibet seriei directa. Et uniuersa mistio dissoluta erit cum nullum granum nigrum tangat aliquem album, primò, quia in fistulis distinctis seponuntur, secundò, quia in eadem fistula grana ab inuicem secerantur.

His positis facilè percipimus, quòd ab orificijs extremis subtilissimarum fistularum euomi possunt grana nigra distinctis temporibus ab eis, quibus alba expelluntur: Et proinde dissoluti erunt omnes contactus, scilicet nulla mistio remanebit.



Cap: 8. De  
usu respira-  
tionis pri-  
mario.

# PROPOS. CVII.

In eodem infundibulo duo diuersi fluores misti , ope  
contusionis , possunt quidem subdiuidi in  
minimas particulas , & aliquando  
etiam mistio dissolui  
potest .

Quia , vt dictum est , fluida componuntur ex mini-  
mis granulis duris , & figuratis ; ergo eorum conge-  
ries composita ex albis , & nigris moleculis se se mu-  
tuò tangentibus , non differunt ab aggregato globu-  
lorum milij superius exposito , nisi in inæquali ma-  
gnitudine . Igitur , si fistulæ extremæ prædicti infun-  
dibuli eadem proportionem exiles , & angustæ fieri pos-  
sent , qua granula fluidum componentia differunt à  
granis milij , patet , quòd eadem necessitate mechani-  
ca dissolueretur mistio granulorum fluidi , qua disso-  
luta fuit mistio granulorum milij . Verùm , quòd talis ,  
& tanta angustia , & subtilitas fistularum in Natura  
dari possit , patet innumeris exemplis , pori enim cu-  
tis strictiores sunt , quàm minimæ sanguinis particu-  
læ , & idèd per eos sanguis exire non potest , cum  
aqueum sudorè effluere sinant . Et sic in alijs partibus  
animalis , & plantarum , & metallorum . Igitur in  
consimilibus infundibulis mistio fluidorum dissolui  
poterit .

His præmissis , quia præclari Anatomici crediderunt  
respirationem institutam fuisse , vt sanguinis partes  
præcipuæ ( ferosa nempe , & purpurea , atque chilo-  
sa materia cum lympa ) exactè in pulmonibus misce-  
ren-

rentur, vt scilicet minimum vnus tangatur, intercipiaturque à minimis reliquorum. Et hoc effici censerunt continuata per suas vices pressione à vesiculis aere inflatis. Ergo meo more, nominibus parcendo, amore veritatis proponam ea, quæ talem sententiam dubiam reddunt.

Cap. 8. De  
vsu respira-  
tionis pri-  
mario.

### P R O P O S. CVIII.

Est impossibile, vt in pulmonibus partes sanguinis, etherogeneæ, quantumuis contusæ misceantur exactè inter se.

Quia supponitur, quòd sanguis in circulari peregrinatione per vniuersum corpus animalis patitur insignem alterationem, tùm quia priuatur præcipuis partibus optimæ substantiæ, quarum aliquæ nutritioni partium animalis inseruiunt, aliæ verò dissipantur pro motu muscutorum conficiendo; tùm etiam, quia in itinere excipit, & secum defert plures alias particulas, partim excrementitias, partim proficuas inter se confusas, & non debito ordine dispositas. Et tandem, quia in cordis dextro ventriculo noua vegetigalia chili è vasis thoracis, & lymphaticis suppeditantur, hæ omnes partes non adipiscuntur debitam commissionem in dextro cordis ventriculo, vt ratio suadet, & ad oculum patet, cùm in canibus, aliquibus horis post pastum exenteratis, soleat cordis ventriculus reperiri repletus fluore prorsus candido, & dealbato à chilo, eructato à thoracicis canalibus. Vnde concludunt exactam miscellam sanguinis in pulmonibus fieri debere. Verùm quia exacta mistio fieri non



Cap. 8. De  
usu respira-  
tionis pri-  
mario.

non potest, nisi quælibet particula minima vnus naturæ tangatur à minimis particulis diuersæ constitutionis; igitur in pulmonibus talis mistio per minima fieri deberet.

a huius pr.  
100.

Sed absque motionibus contrarijs, & vertiginosis, & absque repetitis conquassationibus insinuari non possunt ad instar cuneorum particulæ vnus naturæ inter particulas alias. Igitur in pulmonibus tales motus contrarij, & conquassationes sanguinis fieri deberent. Hoc autem fieri non potest, nisi in locis amplis ad instar sacci, seu vtris vndique clausi, vt dictum est; a Ergo cavitās pulmonum talis esse deberet; quod falsum est. Componuntur enim ex innumeris canalibus ramificatis, & strictissimis ad instar radicū arboris. Quapropter est impossibile, vt in pulmonibus exactè misceantur particulæ sanguinis etherogeneæ.

b huius pr.  
103.

Insuper, quia in canalibus strictis, & mollibus, clausis ex vna parte, & apertis ex altera, diuersi fluores, quantumvis contusi, & pinsi misceri non possunt, vt dictum est b, & vt sensata experientia docet in fistulis vitreis subtilissimis. Ergo in pulmonibus, qui componuntur ex immensa multitudine canaliculorum fieri nō poterit mistio fluorum etherogeneorū, sanguinem componentium.

c huius pr.  
105.

Tandem, quia pulmonum vasa simillima sunt infundibulis ramificatis superius expositis, & in eis ope contusionis mistio fieri non potest, vt dictum est c: Ergo neque in pulmonibus mistio perfici poterit. Quare licet ex motu respirationis contundantur, & pinsantur vasa sanguinea pulmonum, non indè sequitur, quod partes etherogeneæ sanguinis misceri debeant. Nec pul-

Pulmonum structura talis est, vt in eis exactè mistio  
partium sanguinem componentium fieri possit.

Cap. 8. De  
vsu respira-  
tionis pri-  
mario.

### PROPOS. CIX.

Respiratio, & motus pulmonum sanguinis prauam, &  
confusam misturam dissoluunt, in partes  
minimas eum diuidendo.

Quia, vt dictum est, sanguis completo itinere per  
corporis animalis ambitum reducitur è venis ad cor-  
dis dextrum ventriculum valdè alteratus, & ibidem  
noua confusio suboritur ex additione chili. Ergo è  
corde in arteriam pulmonarem insinuatur non purus  
sanguis, sed potius congeries perturbata diuersorum  
humorum, qui nedum alterati sunt quoad qualitates,  
& consistentias, itaut aliqui valdè fluxiles, alij verò  
compacti, & coagulati esse possint, sed etiam in  
debitis locis distributi non sint. At talis confusio, &  
praua dispositio reduci non potest ad perfectam cra-  
ssim, & vnionem, nisi prius fabrica malè compacta, &  
pessimè composita dissoluatur, & destruatur. Igitur  
Natura cogitur discindere, & subdiuidere vsque ad  
minima partes sanguinis malè coaceruatas, vt deindè  
debito ordine, & optima dispositione vtilem mistio-  
nem componat.

Quod verò tale fuerit sapientissimæ Naturæ consi-  
lium, conijcitur ex ipsa pulmonum structura, & ex  
eorum motu in respiratione, qui ineptissimi sunt ad  
misionem sanguinis conficiendam, & nil aliud effi-  
cere possunt, quàm dissolutionem, & diuisionem  
partium eius, vsque ad minima, vt ostensum

D d

est,

Cap. 8. De  
viti respirati-  
onis pri-  
mario.  
b. huius pr:  
107.

est, b quia Pulmo continet plura infundibula rami-  
ficata, desinentia in capillares fistulas molles, & in-  
ijs plures fluores contenti per contusionem, & pres-  
sionem in minimas particulas separari, & subdiuidi  
necessario ab inuicem debent, vt dictum est, ex qua  
diuisione partes glutinosæ grumefactæ fluxibiles de-  
nuò fieri possunt, & misceri cum reliquis. Igitur tan-  
tum abest, vt pulmonum contusio, & pressio inferuiat  
ad sanguinis miscellam, quòd è contra immediata  
eorum actio est dissolutio prioris mixtionis, diuidendo  
nempe sanguinem in minimas particulas.

### P R O P O S. CX.

Vita animalis non pendet totaliter, & absolutè à res-  
piratione, quatenus sanguinis circuitum  
adiuuat.

Inualuit persuasio, quòd respiratio sit prorsus ne-  
cessaria ad vitæ conseruationem, quia videmus, quòd  
perfecta animalia, postquam semel respirare cape-  
runt, interrompere respirationem nequeunt per no-  
tabile temporis spatium, aliàs suffocantur, & inter-  
eunt.

Et quia respiratio transmittit sanguinem à dextro  
ad sinistrum cordis ventriculum, sine quo transitu  
sanguis circularem motum efficere non potest, & vi-  
demus, quòd quamdiu perseuerat motus circuitus  
sanguinis, tamdiu vita conseruatur, hinc eliciunt,  
vsum præcipuum respirationis esse motum sanguinis,  
& proindè vitæ conseruationem.

Contra hanc assertionem absolutè sumptam aliquæ  
dif-



difficultates adduci possunt. Primò non videtur animalis vita, & actiones eius consistere omninò, & solummodo in motu cordis, & circuitu sanguinis; nam in passionibus vteri, & in aliquibus acutis, vt ego vidi, pulsus cordis, & arteriarum per plures horas cessare solet, illæsa respiratione, & non impeditis motionibus articulorum. Nec dicas, remanere motum quendam vermicularem cordis, à quo vita seruari potest. Nam in ranis auulso corde è pectore, remanet vita, & motus, saltant enim, & aufugiunt absque corde, & proinde tunc temporis sanguinis circuitus effici nò poterit. Idem in serpentibus obseruatur. Quare euincitur, quòd in motu circulari sanguinis vita animalis non consistit. Sed per accidens contingere potest, vt, quando deficit illa, quæ est vera, & propria causa vitæ animalis, deficiat quoque circuitus sanguinis, & si fallacia committatur, adducendo non causam, vt causam.

Cap. 8. De  
vfu respira-  
tionis pri-  
mario.

Si igitur interruptio motus circularis sanguinis per se non affert interitum, igitur nec interruptio respirationis, quæ ad motum sanguinis confert, scilicet, quæ interrumpit circuitum illum, per se suffocationem, & mortem afferet.

Præterea videmus in moribundis prius cessare respirationem, quam motum cordis. Ergo motus respirationis non est causa motus cordis, vt aliqui aiunt. Quapropter, si vita animalis absque motionibus vitalibus intelligi non potest, dicendum est, quòd talis motus non sit ille solus, qui fit à sanguine, & ab organis sanguinem mouentibus, primariò à corde, & secundariò à respiratione pulmonum, sed diuersus alius

Cap. 8. De  
vfu respira-  
tionis pri-  
mario.

motus alicuius alterius rei erit ille primarius, à quo vita dependet.

# PROPOS. CXI.

Præcipuus vſus respirationis non est transfusio sanguinis à dextro ad sinistrum cordis ventriculum.

Si respiratio instituta fuisset solummodo, ut sanguinem à dextro ad sinistrum ventriculum transfunderet, profectò Natura peccatum commisisset contra suam legem, qua ubique compèdia sectatur, nam absque tanto apparatu, & tot periculis obnoxio, poterat per simplicem canalem, ut in embrionibus, sanguinem percolare, aut vnico cordis ventriculo, ut in piscibus, rem conficere.

Nec dicas, per angustos siphonis pulmones transire, & percolari debuiffe sanguinem, & ideo indiguiffe valida compressione torcularis pulmonis: frustra enim actio tam laboriosa per respirationem fieret. Primò, quia in pulmonibus compressio fieri poterat absque vesiculis ab aere inflatis, sed faciliùs, & tutiùs à compressione alicuius musculi, ut in reliquis visceribus, & glandulis fieri solet. Secundò videmus, quòd absque torculari comprimente succi nutritij introducuntur per canales subtilissimos radicum arborum; & sic pariter sanguis, qui in capillaribus venis comprehensus à cerebro, & ossibus continetur, benè exugitur, & percolatur non secùs, ac in spongijs, filtris, & siphunculis vitreis humores penetrant absque externa compressione. Igitur superflua est illa compressio tor-

corcularis pulmonis , tam laboriosa , & periculis obnoxia: Cùmque talis stultitia Naturæ tribui non possit, dicendum est , quòd præcipuus vsus respirationis non sit transfusio , & percolatio sanguinis à dextro ad sinistrum cordis ventriculum .

Cap. 8. De  
vsu respira-  
tionis pri-  
mario .

## P R O P O S. CXII.

Aer per respirationem receptus est causa potissima vitæ animalium .

Omnes sciunt , quòd animalium vita pendet à pluribus causis, nempe à totius corporis, & partium eius præcipuarum integritate, vt capitis , cordis , arteriarum, venarum, stomachi, intestinorum, & viscerum , necnon ab humoribus, vt est massa sanguinea , & alij, & à motionibus eorundem, vt à circulatione sanguinis , succi spirituosij, & chili . Et quia tam partes solidæ , quàm fluidæ continenter dissipantur , ideò necessarii sunt cibi , & potus, quibus illæ reparantur, & reficiuntur ; tales autem refectioes fieri non possent, nisi adessent instrumenta , & officinæ , in quibus præpararentur, & nisi adessent causæ externæ adiuuantes, vt sunt calor, frigus, humiditas, & alia huius generis; quæ omnia symbola conferunt ad vitam exigendam . At nulla ex ijs videtur potissima , & primaria operationis vitæ , eo quòd , licèt deficiant , non proinde vita totaliter, & eodem momento extinguitur, sed per aliquod breue tempus, & imperfectè producitur . Sic insecta animalia , & reptilia , discisso in duas partes corpore non subito pereunt, sed per horas aliquas mouentur, & agitantur. Similiter muscæ truncato ca-  
pite



Cap. 8. De  
vfu respira-  
tionis pri-  
mario.

pite volant. Ranae auulso ab eis corde saltant, & effugiunt; pariterque dissectis arterijs, absque sanguine, absque stomacho, omnino exenteratae anguillae, & serpentes per diem integrum mouentur, nempe motum vitalem exercent. Pari modo deficiente sanguinis circulatione, & pulsu cordis, nedum homines aegrotantes aliquando per vnam, vel alteram horam viuunt, sed ranae, & insecta auulso corde, & proinde absque sanguinis circuitu superuiuere videmus. Sic quoque deficiente cibo, potu, somno, calore externo &c. licet aegre, viuunt tamen animalia aliquibus diebus. Vnde euincitur, quod nulla ex memoratis est causa potissima, & prima vitae animalium.

Exclusis hisce omnibus, restat solummodo examinanda vis aeris per respirationem, aut alio modo excepti ab animali, cui competere principem locum in vitae productione facile ostendemus. Quia semper, dum respirant animalia viuunt, & impedito ingressu aeris intra pulmones subito suffocantur, & pereunt, ut occluso ore, & naribus, strictis laqueo faucibus, aut obturatis ab aqua, vel à catharro, sequitur animalis interitus.

Sed experimentum, quo euidentissimè comprobatur hæc assertio, est momentanea remotio aeris in machina pneumatica Boyliana, & melius in vacuo Torricelliano ope hydrargiri. Ibi enim omnia animalia inclusa momento moribunda concidunt, & si denuo sollicitè aer restituatur, eadem animalia reuiuiscunt.

Et aduerte, quod muscæ, & reliqua insecta animalia, ranae, lacertæ, & reptilia, quæ truncatis corporibus, et absque capite, sine corde, et absque sanguine  
per

per aliquod tempus viuebant, & agitabantur in medio aereo, postea in tali vacuo posita, nempè aere, subito cadant agonizando.

Cap. 8. De  
vsu respira-  
tionis pri-  
mario.

Et quod magis mirere, Pisces, qui non respirant, & in aqua demersi semper degunt, viuere non possunt, si omninò aere priuantur. Experientia enim constare, ait Gassendus, quòd in stagnis glaciatis pisces pereunt, nisi perforetur glacies; et tunc tanta auiditate ad sorbendum aerem accurrunt, vt turmatim buccis apertis ad aeris confinium accedant. Itemque pisciculi, qui in amphoris vitreis inclusi natant ibidem aperto supremo orificio diu viuunt, quo clauso citò pereunt.

Et aduerte, quòd tanta auiditas aeris in piscibus non pendet ex inanitione illius vesiculæ inflatæ, quæ æquilibrantur in ipsa aqua; nam in piscibus mortuis sub glacie vesicæ reperiuntur inflatæ æquè, ac in alijs viuentibus. Prætereà vidimus in Academia experimentalis Mediceæ, quòd piscis, cuius talis vesica disrupta fuerat, & exinanita in vacuo Torricelliano, extractus celeriter ante interitum, & repositus in piscina, diu ibidem vixit, ferè per mensem serpendo per fundum piscinæ ad instar reptilium, nec vnquam potuit subleuari, aut erigi, quia nempè, ob defectum aeris, grauior erat ipsa aqua in specie. Cum igitur vixerit absque vesica inflata, colligitur, quòd aer expetitur à piscibus ob aliquam aliam insignem necessitatem; quæ alia non videtur esse possè, quàm desiderium conseruationis vitæ, cùm à clausura, & totali aeris priuatione mors piscium subsequatur.

Alijs quoque experimentis idipsum confirmatur. Aegros ferè moribundos ptarmicis sternutatorijs in vitam.

Cap: 8. De  
vfu respira-  
tionis pri-  
mario.

tam rediſſe referunt Authores, quia talis motus non fit, niſi vehementer aer in pulmonibus inſinuetur.

Præterea refert claris. Truſton in ſocietate Regia Londini pullum gallinaceum manibus ſuffocatū fuiſſe à D. Croon, vt extinctus videretur, & per tracheæ rimulam inſufflato aere, pullum reuixiſſe.

Similiter canem laqueo iutocauit claris. Needam, donec cor penitus à motu ceſſaret, mox celeriter aperto abdomine tubum ductui Pequetiano adaptauit, aeremque fortiter inſufflauit, vnde factum, vt ſanguis, & cor motum redintegrarent, & animal reuiuiceret.

Ex ijs omnibus ſatis apertè ſuadetur, quòd potiſſima, & principalis cauſa vitalis motus animalium fit aer per reſpirationem exceptus.

### P R O P O S. CXIII.

Per reſpirationem aeris particulas ſanguini commiſceri poſſe.

Cùm ex dictis conſtet, vſum reſpirationis non eſſe refrigerium ſuperflui caloris cordis, nec ventilationē flammæ vitalis, nec miſcellam partium etherogenearum ſanguinis factam à contuſione veſicularum inflatarum pulmonis; nec ſolummodo tranſmiſſionem ſanguinis à dextro in ſiniſtrum cordis ventriculum, vt circulatio peragi poſſit; & aliundè percipimus tam grandē apparatus vaſorum, & organorum pulmonis ob grande aliquod bonum inſtitutum fuiſſe, conabimur illud, ſi fieri poterit, balbutiendo exponere.

Et primò, non obſtante experientia, qua aer per ſi-  
pho-



phonem in bronchijs pulmonum insufflatus non videtur penetrare intra venam pulmonarem, præclari tamen authores confidenter affirmant, aerem inspiratum cum sanguine in pulmonibus misceri; sed, ni fallor, non videntur firmis rationibus suam sententiam confirmasse, aiunt enim, perforatas esse tunicas vasorum pulmonis angustis, & inconspicuis foraminulis, ut sunt pori cutis, per quos aer inspiratus insinuari poterit intra venas; at hoc ipsum est, de quo ambigitur; licet enim demus, extare tales poros, non inde euincitur, per eos aerem pertransire posse, quia videmus per poros vesicæ suillæ penetrare spiritum vini, non aquam, neque aerem, & per poros intestinorum, & pellis penetrare oleum, & aquam, non verò aerem; ex qua experientia deduximus alibi, quod particule aerem componentes sunt ramosæ, & ampliores, quàm sint particule aquæ. Sicuti ergo aer per prædictas membranas porosas non penetrat, sic per poros venarum non transibit, ut patet ad oculum; insufflato enim aere per fistulam intra venam aliquam, ab ea aer non exit.

Quando postea aiunt, ex cibis aere grauidis extrahi chilum, qui in sanguine aeris particulas transfert, credibile est, at ex hoc ipso suadetur, quod è pulmonibus aer non immittitur intra vasa sanguinea, nam ex eo, quod datur via regia commiscendi aerem cum sanguine per chili accessum, infertur, quod aer non insinuatur per vias impenetrabiles vasorum pulmonis. Ex his patet, præclaros Authores non probare ingressum, & initionem inspirati aeris cum sanguine in pulmonibus.

Modò, ut meam sententiam exponam, confide-

Cap. 8. De  
vfu respira-  
tionis pri-  
mario.

ro, quòd in quolibet fluore admiftæ funt innumerae aeris particulæ, vt patet in experimento Torricelliano, fi fupra hydrargirum innatet aqua, ex ea, dum fuprema tubi pars vacua redditur, afcendunt frequentiffimæ bullæ aeræ, quæ priùs ob exiguitatem inconfpicuæ erant, & deinceps in bullas vaffiffimas ampliatur ob remotionem incumbentis pòderis atmofphæræ: Idemque comprobatur in glacie, in qua exurgunt plures bullæ aeræ, quæ priùs in aqua fluida latebant, vt alibi dictum eft. Et fummopere aduertendum, quòd minor copia aeris reperitur intra aquam glaciata in vafe claufo, quàm includatur in aqua ftagni, quæ acri contigua eft, dum gelat; in illa enim pauciffimæ bullæ aeræ reperiuntur, in hac copiofiffimæ, & grandiores. Ratio huius discriminis eft, quia aer ficut facilè abradit aqueas particulas. ab eius fuperficie, fic aeræ fpirulæ infinuantur intra aquam. Hoc fuadetur, quia videmus linteum madidum in loco vmbrofo expanfum, etiam hyeme exiccari, & fpirante vento, citiffimè areferi. Hoc certè contingit, quia aeris particulæ à vento agitatae abradunt aquea granula, & eadem violentia plurimæ aeris particulæ infinuari debent intra aquam, à qua vinciuntur, vt inde effugere non poffint.

Hinc fit, vt aqua conquaffata in confinio aeris fpu-mofa reddatur, & ficuti comprehenduntur ab aqua bullæ aeræ grandiores, fic aliæ minores, & aliæ inconfpicuæ ob exilitatem ibidem remanebunt, cum ab ea extricari non poffint, vt patet experientia.

His pofitis, quia in anfractibus, & veficulis pulmonum femper adefl aliquis fuccus aqueus, & ferosus ibidem inftillatus, vt lubrici, & flexi-  
biles

biles reddantur ; Atque talis aquea serofitas con-  
 quassata à vento aeris inspirati in spumas pro-  
 culdubio faceffet ; & hinc aqua illa imprægnatur à  
 particulis aeris . Cumque eadem aqua per poros ve-  
 narum facîle exudare , & penetrare valeat, fieri non  
 potest,quin secum deferat ei inclusas aeris particulas,  
 easque sanguini immisceat . De hoc effectu dubitari  
 non posse mihi videtur ; nam licet aer solitarius per  
 poros corij, aut venæ pertransire non possit, benè com-  
 meabit cum aqua commistus, subdiuisus nempè in mi-  
 nimas particulas , vt videmus per poros ligni, & cutis  
 transpirare aeris minimas particulas cum fumis, & su-  
 doribus , at grandiores æcerui aeris embolo insufflati  
 per eosdem poros exire non possunt , quia nimirum  
 ipsamet ramositates particularum aeris inter se con-  
 catenatæ , & contextæ impediunt transitum per po-  
 rorum angustias, vt alibi ostendimus .

Hæc est, ni fallor, via expedita transmittendi aerem  
 intra venas pulmonis , & modus facilis commiscendi  
 aeris minimas particulas cum alijs minimis sanguinis  
 partibus .

#### P R O P O S . CXIV.

Aeris particulas sanguini immistas non augere eius  
 fluxilitatem , nec producere efferuescentiam  
 in corde ob vim eius elasticam , aut  
 nitrosam eius naturam .

Præclari iidem Authores , qui affirmant, aerem in-  
 spiratum sanguini commisceri, non parum laborant ,  
 vt vsum , & mechanicum operandi modum eiusdem



Cap: 8. De  
vfu respira-  
tionis pri-  
mario.

aeris sanguini adiuncti declarent. Aiunt enim primò, quòd particulae aeris immixtae sanguini fluxilitatem eius augent. Huic sententiae assentiri non possum. Quia si aer ob sui maximam raritatem, & fluxilitatem auget aquae liquiditatem, & fluorem, profectò, quò maior copia aeris misceretur aquae, eò magis fluxilitas cresceret, igitur spuma magis fluida esset, & facilius disfluere, quam aqua pura; quod est falsum.

Præterea fluxilitas pendet ex subdiviisione corporum diuisorum in minutissimas particulas, quarum facies sint leues, & figurae sint minùs asperae, & angulosae, & aequè graues inter se, vt alibi ostendimus. Modò aer non videtur esse magis fluidus, quàm aqua, aut mercurius, quia aer componitur ex particulis ramosis, & spiralibus, & amplioris figurae, & perimetri, quàm sint particulae aquae, eo quòd per angustos poros corij aqua, & mercurius affluere possunt, non verò aer, ergo aer immixtus aquae, potius minuet eius fluxilitatem. Nec quia aer rarior, & leuior est, quàm aqua, ideò maiorem fluxilitatem habebit, nam oleum minùs fluidum, quàm aqua, leuius, & rarius est illa.

Insuper congeries vesicarum inflatarum minùs fluida est, quàm congeries globulorum ligneorum, si cætera sint paria, scilicet sint aequè laeuigata, & aequè lubrica, quia vesicarum facies ob mollitiem pellicularum, & compressibilitatem aeris contenti faciliè coaptantur, & grandioribus contactibus se mutuò deofculantur, at lignei globuli ob duritiem ferè in punctis se tangunt, & ideò vnus faciliè excurrere potest super alterum globulum, non sic vesicae, quae ab amplis contactibus, veluti connectuntur ad instar

ope-

operis mufiui , & ideò difficilè vna super aliam excurrere potest . Eodem modo particulæ aeræ spirales , & cedentes , nedùm amplioribus contactibus vniuntur , sed etiam mutuò colligantur , & ideò difficilè vna spira super alteram excurrere , & diffluere potest , secùs autem in aqua , & in fluoribus reliquis , qui constant ex particulis inflexibilibus , & duris ; & ideò contactus sunt minutissimi , proindeque fluiditas eorum maior est .

Cap. 8. De  
vfu respira-  
tionis pri-  
mario.

Hinc concludo , quòd aer , si consideretur eius consistentia , sanguini admistus , potiùs minuit fluxilitatem sanguinis .

Secundo loco aiunt , quod aer sua vi elastica rarefactionem sanguini inducit , ex qua suboritur effervescencia , & fermentatio quædam , quæ perfectionem sanguini confert , & cordis motum irritat . Alij postea proferre non verentur , aerem habere nitrosam naturam , quæ à caliditate agitata sanguinis motum promouet . Hæc omnia , ni fallor , videntur maiori securitate pronunciata , quam firmis rationibus comprobata , nam si aer sua vi elastica aquæ commistus rarefactionem ei inducit , hoc continget , aut quia ipsam aquæ substantiam transmutat , eiq; confert consistentiam rariorem ; vel quia bullæ aeris inclusæ maiores , amplioresque fiunt ; at neutrum effici potest , vt patet ad oculum in siphone vitreo angusto , in quo aquæ moles idem spatium occupat , siue ibidem adsit aer , siue non . Denique aeris particulæ intra aquam inclusæ potiùs comprimuntur , & condensantur à pondere incumbentis aquæ .

Vtque ratio huius operationis clariùs percipiatur , cogita , intra aceruum arenæ misceri plures vesicas infla-

Cap: 8. De  
vfu respira-  
tionis pri-  
marior.

flatas, proculdubio arenæ granula inter se eodem modo se mutuò tangent, ac priùs, & ideo vis elastica vesicarum non rarefaciet arenam, & vesicæ à pondere incumbentis arenæ potiùs comprimuntur, & densiores fient. Quare compositum ex arena, & ex vesicis non acquireret maiorem raritatem. Simili modo aer sua vi elastica rarefaciet aquam continentem aerem.

Si verò velint, quòd aer sua vi motiva elastica disiungat, separetque eas sanguinis particulas, quæ conglutinationem aliquam, aut concretionem in venis, & visceribus contraxerat, & tali turbatio motu aer in pulmonibus fluxilitatem sanguini conferat, patet quàm futile sit hoc adiumentum, quando adest causa potentissima, quæ discissionem conglutinatarum partium vsque ad minima efficere potest, & ideo fluidissimum sanguinem reddere. Hæc causa est expressio per capillares fistulas vasorum facta à torculari pulmonis inflati, & compressi à resilitione costarum.

Non videtur magis vera assertio de aeris nitrosa natura, siue illa dependeat ab immistione partium terrestrium, quæ aerem inficiunt, siue ex propria, & intrinseca aeris natura. Nam in primo casu aer in se continebit, ne dum atomos nitrosos accensibiles, sed etiam particulas gelidas, & condensationem inducentes, & ideo motum rarefactiuum sanguini non inducet. In secundo casu nitrosa natura aeris, & eius vis rarefactiua erit mera conditio materialis machinarum eius, quibus tam propitia, quam noxia caliditas esse potest, nempe machinæ aliquando condensari, & aliquando à calore rarefieri possunt. Videmus enim vim, & rigiditatem arcus ferrei ab igne debilita-



ri, & mollescere, atab eodem igne ligna, & pili tenduntur, induranturque.

Præterea, si particulæ aeris verè essent nitrosæ, accenderentur à contactu flammæ candelæ, & crepitus efficerent, quod est falsum.

Insuper noto, quòd substantia propria aeris non rarefit ab actione caliditatis, sed potius ab admistione exhalationum, seu particularum ignearum, veluti à cuneis agitatæ, à quibus interceptæ spirulæ aeræ potius comprimuntur, & condensantur; vt alibi insinuauimus.

Tandem in sinistro cordis ventriculo non adest feruor, vel ebullitio vlla, immo eius caliditas non est maior, quàm sit illa, quæ in dextro ventriculo reperitur. Quod tactu ipso experimur, immixtis digitis per cicatrices in corde animalis viuentis. Ergo illa aeris nitrosa natura à recentioribus introducta vana omnino est. Et proinde operationes, quas producit aer per respirationem sanguini commixtus, valdè diuersæ sunt ab illis, quæ hætenus excogitatæ sunt.

## P R O P O S. CXV.

Exponitur ratio mechanica continuæ motionis tremulæ, quam aer sanguini immixtus producere potest.

Duas proprietates insignes habent machinæ compressibiles, & resilientes, Prima est, quòd quiescere in eodem statu dilatato non possunt, nisi vis illa, quæ machinam comprimit, ac stringit, sit æqualis ei, quæ ipsamet machina naturali instinctu se dilatare conatur;

Cap. 8. De  
vsu respira-  
tionis pri-  
mario.

Cap. 8. De  
vfu respira-  
tionis pri-  
mario.

tur; & quia æqualitas consistit in indiuisibili, patet, quòd si altera virium reliquam superat, aut ab ea deficit, quies perturbatur, & minor vis à maiori superatur, vt in balance contingit. Secunda proprietas est valde diuersa à balance, in qua, semel alterato æquilibrium, lanx leuior post ascensum, in eodem situ eleuato quiescit, nec iterum descendit: secus autem in machina contingit, nam si compressa fuerit magis, quàm æquilibrium exigit, non quiescit in restricta positura, sed spontè ab eius vi resiliente dilatatur. Et quia in exercitio cuiuslibet motus acquirit mobile nouum impetum, & hic ex sui natura suum effectum producere debet, nempè vltiorem translationem eiusdem mobilis, vt demonstrauius; & veluti patet in fune pendulo, qui dum descendit versùs perpendiculum, acquirit vires eundo, à quibus è situ infimo iterum sursum eleuatur ferè ad æqualem altitudinem eì, à qua descenderat: idemque patet in virga flexibili, idemque in vndis marinis, & in alijs innumeris. Igitur dubitari non potest, quòd dum exercetur motus resiliionis, & dilatationis machinæ, ipsamet acquirat novos gradus impetus; à quibus transferatur vltra confinia, quæ exiguntur à naturali machinæ eiusdem expansione. Quare necesse est, vt denuò redeat ad eius naturalem compressam figurationem; at in motu, quem efficit, se restringendo, acquirit quoque alium gradum impetus, qui otiosus esse nequit; ideò necesse est, vt plus iusto stringatur; & sic semper. Hinc fit, vt machina cogatur continuare motum oscillatorium ad instar vndarum, & pendulorum.

Postea, quia prædicti itus, & reditus sensim debilitan-

tantur ab externis impedimentis, hinc fit, vt tales oscillationes continenter imminuantur, & tandem ad quietem reducantur. Quare, si velimus producere tales vndulationes absque interruptione, oportet, vt nouis impulsibus externis reficiamus languores oscillationum, vt viribus auctis diu conseruetur talis motus.

Cap. 8. De  
vsu respira-  
tionis pri-  
mario.

His declaratis, considero, quòd aeris minimæ particulæ sunt machinæ spirales, quæ comprimi à vi externa possunt, & deinceps spontè resilire ad instar arcus, vt in sclopeto pneumatico patet. Tales autem aeræ machinulæ sanguini commistæ necessariò compressionem patiuntur, cum à pondere, tum à compressione ambientium viscerum, vasorum, carnum, membranarum, & cutis animal inuestientium. Et si quidem talis compressio esset vniformis, & semper eiusdem tenoris, aeræ quoque machinulæ persisterent in eodem statu cõpresso inuariato, vt exigit natura æquilibrium. At quia partes fluidæ, & solidæ animalis mille modis agitantur, mouenturque, tum ab internis, tum ab externis causis, fit, vt machinulæ aeræ, quæ sanguini admistæ sunt, non quiescant æquilibratæ in vno, eodemque statu compresso, sed necesse est, vt ab aduentitijs concussionibus motum oscillatorium superius expositum concipiant, qui nunquam ad quietem reduci potest, quamdiu animal viuit, eo quòd nunquam deficiunt nouæ percussiones à respiratione, à pulsu cordis, & arteriarum, à motu musculorum, & à mille alijs causis internis, & externis, à quibus restaurari poterit tremulus ille motus machinularum aeris. Quare necesse est, vt sanguinis particulæ peculiari motu semper concutiantur, agitenturque ab



Cap. 8. De illo oscillatorio motu machinularum aeris ab eodem  
 usu respirationis. pri- sanguine comprehensarum.  
 mario.

# P R O P O S. CXVI.

Commistio aeris per respirationem intra sanguinem  
 immissi, vitam animalium producit, &  
 conseruat.

Videtur automa umbratilem quandam similitudinem cum animalibus habere, quatenus ambo sunt corpora organica se mouentia, quæ legibus mechanicis vtuntur, & ambo à facultatibus naturalibus mouentur. Videamus modo, an ex artificialium cognitione rerum naturalium proprietates indagare aliquo pacto possimus.

Constat horologium ex pluribus rotis dentatis artificiosè inter se connexis, quæ à vi motiua ponderis appensi certa lege agitantur, vt cursum Solis, & Lunæ designare, & alios motus efficere valeat. At quia talis vis motiua ponderis appensi si liberè ageret, momento rotas omnes conuertendo, ad instar turbinis, cursum horologii compleret, & proindè non esset conformis, & æqualis motui Solis, & Lunæ; Vtquè huic malo occurratur, apponi solet libra, vel pendulū oscillatoriū; quod legibus mechanicis itus, & reditus æquitemporaneos efficiendo, violentiam causæ motiue, & motus omnium rotarum dirigit, regulat, & contemperat, vt operationes conformes cursui Solis, & Lunæ resultent.

Obseruo postea, quòd animalium vita, seu operationes vitales in perenni, & non interrupto motu  
 conf-

consistit; agitantur enim artus, & partes omnes solidæ, fluidæ, & spirituosæ, dum corpus mouetur, & transportatur in varijs locis, dum cibaria ingerit, concoquit, chilificat, & in sanguinem vertit, dum nutrit, & reficit partes deperditas, dum motus sensitivos edit; & in summa nihil stabile in animali, dum viuit, permanet.

Cap. 8. De  
vfu respira-  
tionis pri-  
mario.

Præterea omnes prædicti motus vitales fiunt certis, ac determinatis velocitatibus, rithmis, ac periodis, quæ si præcipiti cursu efficerentur, non essent amplius vitales, & ideo vita non conseruaretur.

Nemo insuper dubitat, quod, præter organa summa arte in animali præparata, datur quoque causa motiua impetum faciens, & hic est spiritus, qui intus alit, & infusus per omnes artus molem corporis animalis agitat.

Verum talis spiritus ob mobilissimam eius naturam furibundo, & phanatico motu organa animalis impelleret, & sic animal non efficeret vitales operationes, pro vt exigit finis naturæ. Quare vt in horologio, sic in animali, seu automate naturæ adiungi debet machina regulatrix, quæ necessitate mechanica refrenet vim motiuam, vt non transgrediatur leges à Diuino Architecto institutas. Talis porro machina similis esse videtur regulatori pendulo horologij, nam illa quoque sua vi oscillatoria motum sanguinis, & spirituum regulare debet, ne temerario, & furibundo cursu eos diffuere permittat.

Et vt in horologio amoto, vel interrupto motu penduli actio eius cessat, & veluti suffocatur, sic amoto, vel impedito motu oscillatorio, animalis vita extinguitur. Hinc detegimus grande illud mysterium

Cap. 8. De  
vfu respira-  
tionis pri-  
mario.

necessitatis aeris in animalibus ; scilicet quare aeris particulæ, quamdiu animal viuit, continenter insinuari debeant intra sanguinem. Quia nempe necesse est, vt aeris machinulæ immissæ intra sanguinem, efficiant illum motum oscillatorium ad instar penduli, vt dictum est. Ab ipsis verò machinis aereis concussis, partes sanguinis eis contiguæ eodem motu oscillatorio agitari necessariò debent ; & ab hoc primario motu partes omnes animalis rithmo regulari commouentur, non secus, ac rotæ horologij ab oscillatione penduli impelluntur, moderanturque. Hinc forsan spirituum, seu succi neruei, & muscutorum agitatio saltem ex parte dependet. Cùmque sanguis perenni fluxu ad instar fluminis deferatur per omnes partes corporis animalis, vndique secum asportabit causam, & stimulum motus, nempe originem vitæ.

Eadem aeris præsentia, & commistio in piscibus, & in plantis quoque reperitur, quæ umbram quamdam respirationis participant. Verùm in animalibus perfectioribus, quantò excellentiores, & diuiniore motiones peraguntur, quàm in plantis, & quàm in animalibus imperfectis, tantò viuaciores, & vehementiores motiones in eis fieri consentaneum est ; & ideo multiplici, & nobiliori apparatu organorum animalia perfecta prouideri debuerant, vt vita tam præclara exerceri posset. Hinc est, quòd tam præsentancis, & assiduis additamentis aer per respirationem in animalibus perfectis reparari debet ; aliàs vitæ periculum imminet, cùm vita in talibus motionibus consistat, quæ sine tali aeris subministracione conseruari non possit.



## P R O P O S . CXVII.

Cap. 8. De  
vsu respira-  
tionis pri-  
mario.

Quare fœtus post exortum respirationem inchoat ,  
camque perpetuò exerceat.

Notum est in embrione existente in vtero materno, sanguinis circulationem fieri transmissio sanguine à dextro ad sinistrum cordis vëtriculum per foramen ouale, & per ductum arteriosum, in quo transitu aer sanguini admisceri non potest, deficiente respiratione, nihilominus motus vitalis in fœtu conseruari potest, quia à pulmonibus maternis suppletur officium continuæ intromissionis, & commistionis aeris cum sanguine, illi enim sanguinem particulis aereis continenter ditatum transmittunt in placentam vterinam, & hinc excipitur à venis vmbilicalibus, & defertur ad cor embrionis, vt circulationem efficiat, hoc Naturæ artificio vita illius animalculi in vtero materno conseruatur absque eius respiratione.

At in partu membranis exuto aerem necessitate quandam ebibere ostendemus ijs rationibus, quibus vsus est Cl. Triston. Quia ob dolores, quos patitur embrio in egressu vteri materni, stimulatur ad mouēdos omnes eius musculos nullo alio ordine seruato, præter eum, ad quem doloris stimulus, & imperitia spiritus motiuos dirigit; fieri ergo non potest, vt in illa phanatica vniuersali commotione musculi quoque diaphragmatis, & intercostales non moueantur, se nimirum contrahendo: hi verò contrahi non possunt, quin subsequatur cavitatis pectoris ampliatio; quo

Cap. 8. De  
vfu respira-  
tionis pri-  
mario.

quo facto, necessariò aer ambiens profluere, & replere debet bronchia, & vesiculas pulmonis Malpighianos; postea concidentibus, & resilientibus costis, sanguis ille, qui in vasis pulmonum continetur, instar torrentis intra sinistrum cordis ventriculum exprimetur; hinc fit, vt noua, & amplissima via sanguini per pulmones aperiat, & ideò cessat vsus foraminis oualis stricti, & transuersalis, cuius operculum membranofum clauditur ab ipsomet profluio sanguinis. Postea semel euacuatis vasis pulmonis, patet via amplissima, & directa arteriæ pulmonaris, per quam faciliùs sanguis à dextro cordis ventriculo eructari potest, nec retrorsum redire potest ob valuulas semilunares, ideò, nec indiget, nec vti potest diuerticulis obliquis, angustis, & difficilioribus, quare ambo neglecti sensim coalescunt, & clauduntur. His positis, cogitur sanguis eandem semitam reperere, & prosequi ob easdem necessitates, & præcipuè ob insignes vtilitates, quas in pulmonibus animal acquirit, & ad eas procurandas stimulat, & allicitur, nedum enim motus musculorum, & præcipuè abdominis exercere valet opem respirationis, vnde fœces excernuntur, viscera, & vasa eliduntur, & proindè sanguis citato cursu circuire potest; sed insuper particulæ aeræ in pulmonibus sanguini insinuatæ motum oscillatorium, quo vita cōseruatur, ei conferunt, à quibus viuacitatem, & alacritatem animal acquirit. Quare pusillum illud animal necessitate naturali stimulat, & à commodis allicitur ad prosequendum motum respirationis toto vitæ decursu.

## P R O P O S. CXVIII.

Problematis Harueiani solutio affertur .

Cap. 8. De  
vfu respira-  
tionis pri-  
mario.

Proposuit præclarus Harueius quæsitum, quòd adhuc feliciter solutum non fuisse, viri insignes fatentur; Nimirum, quò fiat, vt foetus secundinis exutus, si semel aerem hauserit, postea ne momentum quidem temporis absque eo durare possit, sed confestim moriatur .

Mihi verò, ni fallor, ex superiùs dictis solutio haberi posse videtur . Nam in vtero absque respiratione vita seruari potest, quia talis defectus suppletur à respiratione matris, quatenus continenter in eius sanguine copiosè admiscetur aeris particulae, à quibus maternus sanguis mobilitatem viuificam acquirit, vt dictum est . Hic porrò sanguis viuificatus per vmbilicalia vasa, ad cor embrionis perductus, id ipsum præstat, quòd efficeretur, si foetus ipse respiraret; nempè corculum excipit sanguinem particulis aereis inprægnatum, à quibus vitæ motus primarius oscillatorius exerceri potest . Postea circulari motus totius massæ sanguineæ perindè fieri potest per duos canales à dextro ad cordis sinistram ventriculum, ac si per pulmones ope respirationis transmitteretur; Causa, verò impulsiva, quæ est constrictio musculi cordis, æquè benè in foetu peragitur . Quare præclare vita, embrionis in vtero seruari poterit .

Verùm post exortum, animal non amplius nutritur à sanguine priùs preparato in pulmonibus maternis, sed necesse est, vt totalis elaboratio, & compositio  
fan-



Cap: 8. De  
usu respira-  
tionis pri-  
mario.

sanguinis in proprijs officinis perficiatur ; & ideo oportet, vt maximè necessarium aeris additamentum in se ipso animal absoluat, quòd cum alio modo fieri non possit, quàm eo, quo in pulmonibus maternis efficiebatur, ideo à proprijs pulmonibus iam completis, & dispositis ad operandum vti potest. Et quia est impossibile, vt vita perseueraret absque aeris vegetigali, qui vitæ sal nuncupari potest, & absque circuitu sanguinis à respiratione promotò, Hinc est, quòd vita exclusi ab vtero animalis tamdiu durat, quamdiu respirat. Et hæc esse videtur causa, quare animal ne momentum quidem viuere potest absque respiratione.

Vtque magis tradita doctrina confirmetur.

#### P R O P O S. CXIX.

Ratio affertur, cur aer diu cohibitus in pulmonibus, æqualem angorem, & molestiam suffocantiam, & tandem mortem inducat, ac impedita respiratio.

Quòd defectus inspirationis noxius sit, facile percipitur, quia nempe non extenduntur, nec explicantur vasa corrugata pulmonum; nec replentur vesiculæ Malpighianæ, & ideo vi cunei elidere vasa non possunt, neque sanguinem à dextro ad sinistrum cordis ventriculum transmittere. Si, inquam, hoc molestum est, & tandem mortiferum, videtur consentaneum, vt repletio bronchiorum, & earundem vesicularum inflatio ab acre diu retento illa molestia tollatur, cum vasa explicentur, & aer incuneatus transitum sanguinis

nis promoueat. Attamen experientia docet, non minus suffocari animal à diuturna, & continuata præsentia, quàm ab absentia aeris in pulmonibus.

Cap. 8. De  
vsu respira-  
tionis pri-  
mario.

Præterea defectus motus respirationis est mera priuatio, ad quam subsequitur defectus motus sanguinis, & deficientia motus vitalis, quæ pariter priuationes sunt; at sensus ille molestus angoris suffocatiui videtur produci non posse à nihilo, sed potius à causa positiua diuisionem continui dolorificam inducente. Ergo prædictæ deficientiæ talem anxietatem molestam afferre non deberent. Quare erit operæ pretium huius effectus rationem indicare.

Et primò considero, quòd molestia pruritus videtur oriri ex titillatione, & leui fricatione neruulorum, non verò ex laceratione, aut scissione continuitatis eorum. Patet hoc ex leuissima fricatione festucæ, aut pilorum pennæ gallinæ, quæ in naribus, & in cute ciliorum pruritum molestissimum affert; id ipsum efficit aqua frequenter iniecta in faciem, & os. Hæ autem fricationes, aut titillationes non afferunt continui diuisionem; quod adeo verum est, vt medicina talis molestiæ sit corrosio eiusdem cutis vnguibus facta.

Sic videmus, quòd mica panis, aut gutta potus ob incuriam intra guttur ingressa, pruritum adeò molestum affert, vt sine fine tussiendo animal conetur illam eijcere, expuereque. Idem accidit in catarrhalibus fluxionibus, quæ internam tunicam trachææ titillando, motum illum conuulsium tussis excitant, quo medio à tali molestia animal liberari nititur.

Non dissimilem molestiam afferre potest tam perseverans, & continuata repletio aeris in pulmonibus, quàm eiusdem defectus; nam in respiratione cohibi-

Cap. 8. De  
usu respira-  
tionis pri-  
mario.

ta aeris copia diu retenta, sua repletionem, ad instar humorum catarrhalium, distrahere, vellicare, & mordicare potest internam tunicam tracheæ, & vesicularum eius.

Similiter à defectu aeris idem sensus dolorificus afferri potest, quatenus arteriæ pulmonares, earumque ramificationes sanguine repletæ, usque ad turgentiam comprimendo membranas, & vesiculas tracheæ, eandem titillationem, & mordicationem afferre valent: Et hinc pruritus ille molestus, & anxietas oriri potest, una cum sensu angoris, quem producit quies, & defectus circulationis sanguinis, eo quod abundantia aeris perseverans impedit ingressum cruoris in vasa pulmonis, utpotè compressæ ab eadem turgentia vesicularum; & defectus aeris impedit elisionem vaporum, & expressionem sanguinis. Ijs additur tertia molestia, quam affert interruptio, & carentia mistionis particularum aeris intra sanguinem; nam durante quiete, & interrupto motu thoracis, & respirationis; siue exinanitis, siue repletis aere pulmonibus, non eliduntur, nec pinsuntur vesiculæ à resilitione costarum; & proindè particulae aereæ non exprimuntur, nec insinuantur intra venas. Superadditur tandè quarta molestia, quæ est conatus irritus musculorum, qui naturali instinctu, & consuetudine à stimulo necessitatis irritati, vim faciunt, ut motum respirationis restituerent. Hæ omnes causæ sensum molestum angoris, & doloris suffocativi producant.

At extinctio, & mors producitur ab interruptione, & extinctione motuum vitalium, nempe à defectu illius tremuli, & oscillatorii motus sanguinis, & spirituum,



tuum, atque à defectu circulationis eiusdem, à quibus vita dependet.

Cap. 8. De  
vfu respira-  
tionis pri-  
mario.

Talis autem mors fit per gradus; consentaneum enim est, vt sensus doloris destructiui, in nervis, & cerebro, sede spirituum, inducat magnam motuum perturbationem; & ideò motus sensitiui confunduntur, & perturbantur, & mox sensim obscurantur; simulque motiones locales, velut phanaticas conuulsiones produciunt; quæ tandem ad mortem desinunt, extinctis omninò vitalibus motionibus.

## P R O P O S. C X X.

Ratio exponitur, quare, & quomodo in aere rarissimo, aut vacuo, subitaneus animalium decubitus, & interitus contingit.

Quòd in rarissimo aere machinæ pneumaticæ Boyleanæ, & in vacuo Torricelliano animalia inclusa, angores suffocatiuos patiantur, & momento concidant moribunda, superius dictum est. Restat modo, vt ratio mechanica, qua tales passiones contingunt, inquiramus.

Et primò considerandæ sunt aliorum sententiæ. Aiunt, prædicta symptomata contingere, quia in tali casu cessat sanguinis circulatio ob nimiam aeris, aut subtilissimæ æthereæ substantiæ raritatem, & etiam quia ob aeris carentiam non promouetur fluxilitas sanguinis. Sed hæc omnia ex dictis satis, superque rejiciuntur, nam absque respiratione, & absque pulsu in passionibus hysteriis, & in alijs ægritudinibus non extinguatur vita, vel saltem non subitò pereunt,

Cap. 8. De  
vitiis respira-  
tionis pri-  
mario.

vt in prædicto vacuo accidit. Prætereà Ranæ, & insecta, quæ absque corde, & discissa in partes viuunt, & saltant per aliquod tempus, illa ipsa integra in prædicto vacuo, momento, tanquam fulmine iacta, concidunt moribunda.

Ergo non ob defectum circulationis sanguinis, nec ob minorem fluxilitatem eiusdem sanguinis pereunt, cum in animalibus enectis in illo vacuo reperiatur sanguis æquè fluidus, ac in reliquis in aere aperto extinctis.

Videamus modò, an aliquid verisimilius afferre possimus. Et aduerto, quòd pruritus molestus, & sensus dolorificus, & angor suffocatiuus, qui in illo spatio vacuo contingunt, multò maiores esse debent, quàm illi, quos in superiori capite enarrauimus, vt mox dicemus. Sed quantumuis sint molesti, & acerbissimi, non tamen ad instar fulminis animal prostrernere debent, obtundendo sensus, & conuulsuos motus inducendo, & mox illud necando. Immodò videmus, quòd diu inter cruciatus vita producit, nec sensus hebetantur, nec conuulsiones contingunt. Quare ab alia potentissima causa producuntur tam enormes læsiones; quam vt venari possim, obseruo, quòd aeris particulæ in aqua, & in vesiculis piscium relictæ, amplissimam expansionem, & turgentiam in illo spatio vacuo efficiunt, quia nimirum ibidem amouetur compressio totius atmosphæræ; & ideò naturalis vis elastica aeris libertatem nacta, resiliendo expandi potest iuxta eius indolem.

Hoc posito, necesse est, vt aeræ particulæ contentæ in humoribus, membranis, & parenchymatis viscerum animalis, vim propriam elasticam in illo

vacuo exerceant, & se dilatent ( quod ad oculum patet, Ranae enim in illo vacuo deformiter inflantur, & earum oculi turgidi prominent, at readmisso aere externo, subito concidunt, & reducuntur ad pristinam angustiam ) modò in predicto vacuo turgēfactis omnibus poris carniū, vasorū, neruorū, et viscerū ab aeris particulis in eis inclusis, inflabitur, turgebitque tota substantia mollis animalis, vtpotè repleta ab innumeris vesiculis aere rarissimo inflatis; à quibus necesse est, vt veluti à torculari violenter comprimantur vasa omnia, et canaliculi neruorum. Quapropter, obstructis vijs vasorum, necesse est, vt interrumpantur motiones omnes humorum, et spirituum, et proindè in animali motiones sensitiuæ, et motus locales insignes perturbationes, et interruptiones fiant, obtenebrando sensus, et efficiendo phanaticos illos motus conuulsiuos; et tandem præclusis omninò vijs, et extinctis motionibus animalibus, mors subsequi debet.

Cap. 8. De  
vfu respira-  
tionis pri-  
mario.

Attamen notandum est, quòd talis lucta, contusiones, et incuneationes aerearum vesicularum turgidarum, oportet, vt ab initio dolores, et anxietates molestissimas producant. Præterea talis pruriens sensus angoris dolorificus, necesse est, vt stimulet neruos in pectore desinentes, quare naturali instinctu, et habitu acquisito, animal nitetur contrahere musculos diaphragmatis, et intercostales, cumque tales musculi difficillimè, et ingenti labore agitentur, tum ob vim motiuam diminutam, tum ob defectum auxiliij aeris, vt mox ostendemus, fit vt animal irritò conatu fatigetur, et proindè augeat suum angorem, et deliquium. Quòd autem talem irritum conatum exer-  
ceant.



Cap. 8. De  
vfu respira-  
tionis pri-  
mario.

ceant animalia in prædicto aere raro, patet in aui-  
bus, nam frequentiffimè ore aperto anhelant, et nituntur  
aerem fufcipere.

Et hæ sunt duæ cauſæ inſignes, quæ moleſtiſſimum  
ſenſum angoris primo loco produciunt.

Deinceps ijdem angores dolorifici vnà cum per-  
turbatione, et diminutione motuum vitalium ſangu-  
nis, et ſpirituum inducunt paſſionem illam ſuffocati-  
uam cum ſenſuum ſtupiditate, et motibus conuulſi-  
uis. Mox totalis interruptio, et extinctio motuum  
vitalium necem inducit. Et contingunt ſubitò tales  
paſſiones; quia ſicuti momento tollitur aer in illa  
machina, ſic eodem inſtanti comprimuntur vaſa,  
et vię fluorum, et ſpiritus, à quibus ſenſationes, et mo-  
tus, ſcilicet vita, exercebantur.

#### P R O P O S. CXXI.

Ratio affertur, quare in motu concitato, et laborioſo  
muſculorum anhelitus contingat, et con-  
citetur.

Obſeruarunt inſignes Anatomici, quòd nerui dia-  
phragmatis originem ſortiuntur à neruis brachiali-  
bus. Hinc fieri putarunt, vt in motu laborioſo bra-  
chiorum diaphragma quoque concutiat, et anhelos  
respirationes efficere cogatur. At facilè euincitur  
ex eo, quòd quādo ligatis manibus loca accliuia quis  
aſcendit, paritèr anhelat.

Superius inſinuauimus, quòd actus volitionis, ſicut  
quælibet animi operatio ſenſitiua, ſine ſucci ſpirituofi  
motu exerceri non poteſt: Et quòd muſculi excitari  
ad

ad motum non possunt, nisi neruorum radices ad eosdem musculos pertingentes in cerebro, conuulsione quadam concutiantur à spirituum motione, quæ actus imperij voluntatis exercentur. Ergo, vt plures muscoli concitatis, et vehementibus tractionibus agitentur, sicut in cursu, saltu, et tripudio contingit, oportet quoque, vt spiritus in cerebro pari vehementia, et furore concutiantur, et veluti ebulliant, modò hos, modò illos musculos instigando. Verùm iisdem spiritus in cerebro phanatico impetu concitati, et luctantes, contingunt quoque orificia neruorum ad cor pertingentium. Igitur non secùs, quàm in ira cor etiam motu valido, et concitato pulsare debet, cùm orificia neruorù eius in cerebro sèper aperta à qualibet extraordinaria spirituum commotione excipere instillationem possint. Igitur quotiescumque muscoli artuum motu concitato mouentur, necesse est, vt cor quoque celerius, et fortius pulset.

Postea, quia validiori, et celeriori motu concitato corde, pari modo sanguis celerius per vasa perfluere debet, ob cordis impulsu, et ob cordis compressionem dum mouentur, fit, vt cordis sinister ventriculus vacuus remaneat, et dexter vnà cum arteria, pulmonari sanguine superfluè repleantur, et ob turgentiam cordis fibræ nimis distraherentur, et ferè rumpantur. Vndè sequitur passio dolorifica angoris; cui aliter succurri non potest, præterquam per respirationem, promouendo nempe transitum sanguinis per canaliculos pulmonis.

Quia verò transitus, et elutriatio sanguinis per subtilissimas fistulas pulmonis effici non potest à sola inspiratione, nec à sola expiratione aeris, sed à vicissitudi-

Cap. 8. De  
vfu respira-  
tionis pri-  
marie.

Cap. 8. De  
vfu respira-  
tionis pri-  
mario.

tudine ambarum, nempè à costarum momentanea re-  
filitione, quæ inspirationi subsequitur, et præcedit  
expirationem, hinc fit, vt quoties pulmones assiduis,  
et frequentibus effusionibus valdè grauantur sangui-  
ne, indigeant quoque frequentibus exonerationibus,  
et ideò requirantur frequentes vicissitudines inspira-  
tionis, et expirationis, et proindè anhelosa respiratio  
efficietur.

Præterea alia de causa frequens pulsus cordis exi-  
git frequentem respirationem, quia accelerato pulsu,  
sanguis ad instar fluminis velocitèr per cor effluit, et  
nisi frequenter aeris particulæ subministrentur per  
respirationem, crasis sanguinis non erit vniformis,  
quia non immisceretur aer omnibus eius partibus, et  
ob id forsan ineptus esset ad feruètem rarefactionem  
efficiendam in musculis, præcipuè in tanta motuum  
concitatione, et frequentia.

Ex quibus omnibus concludere licet, quòd, dum  
musculi laborioso motu agitantur, frequēs respiratio,  
seu anhelitus fieri debeat.

Quòd postea completo motu, et quiescentibus mu-  
sculis, per aliquod tempus prorogetur anhelitus, vi-  
detur pendere ab impetu impresso in fluoribus spiri-  
tuosis cum sanguine, et in organis à concitato mo-  
tu præcedenti, non secùs in vndis marinis sopita tē-  
pestate agitationes perseuerant.

Id ipsum in nobis ipsis experimur; quoties enim  
corpus nostrum vertiginoso motu circa plantas pe-  
dis rotamus, aut in navi à mari tempestoso concuti-  
mur, etiam completa agitatione, quiescentibus no-  
bis, parietes videntur reuolui, et nos vacillamus, adeò  
vt non possimus erecti consistere. Hæc omnia pati-  
mur



mur inuiti, igitur neceſſe eſt, vt dependeant ab internis motionibus ſpirituum, qui adhuc retinent impreſſum impetum præcedentis motus.

Cap. 8. De  
vſu respira-  
tionis pri-  
mario.

Patet ergo cauſa, quare in laborioſis motionibus muſculorum contingant, & ſubſequantur anhelitus.

### P R O P O S. CXXII.

Ratio aſſertur, quare in laborioſo, & difficili conatu muſculorum ſpiritus cohibetur.

Experimur, quòd quando grandia pondera ſuſpendimus, aut vim ingentem exercemus, tunc, natura dictãte, cogimur aerem inſpiratum intra pectus cohibere; ex quo deducitur, quòd ob aliquod bonum ſpirituum retinemus, & quòd inſignem aliquam vtilitatem aſſerat. Quam vt inquiramus, obſeruo, quòd ad efficiendum excedentem motum validum, & continuatum muſculorum, requiritur apparatus ſucci ſpirituofi, & ſanguinis, ne dum abundans, ſed etiam continuato effluxu tranſmiſſus. Hoc autem facillimè præſtari poſſe videtur, ſi trunci maiores arteriarum, & neruorum comprimentur à vi externa, veluti à torculari, à qua continuata, & valida compreſſione exprimantur ſucci ſpirituofi, & ſanguinei intra muſculos, qui tam grandem vim exercere debent.

Talis verò compreſſio præclarè ab aere inſpirato fieri poteſt, nam per totam internam pectoris cauitatem, & per longitudinem infimi ventris extenduntur maximus truncus aortæ, & neruorum inſignes propaggines. Ergo aer compreſſus à thorace, dum ſpiritus cohibetur, veluti prælum ſtringit eadem vaſa; & vi-

Cap: 8. De  
vfu respira-  
tionis pri-  
mario.

scera omnia depressa à diaphragmate, deorsum impulso ab eadem spiritus plenitudine, concurrente constrictione musculorum abdominis, qui simul operantes, comprimunt residuum arteriæ aortæ, & neruorum productiones. Et proindè spiritum, & sanguinem vehementi effluxu ad instar fontium immittunt intra illos musculos agitados, vt efferuescentiæ materiam afferant, à qua grandis, & continuatus conatus perfici possit. Et hæc mihi videtur necessitas retentionis spiritus in laboriosis musculorum motionibus.

### P R O P O S. CXXIII.

Quare in aere rarissimo laboriosa motio musculorum anhelitum efficiat, ostendere.

Inter admiranda, quæ in vertice Montis Aetnæi anno 1671. obseruavi, fuit effectus inopinatus, productus ab excedente raritate illius aeris: ibi enim quilibet mediocris motus, ascendendo per salebrosas illas rupes, tam grandem lassitudinem producebat, vt etiam iuuenes robusti, atque rustici sæpè cogerentur sedendo quiescere, & frequenti anhelitu vires reficere. Notavi postea, quòd talis passio non producebatur à nimia subtilitate illius aeris, nec ab aliqua praua eius qualitate, nam sedendo, aut equitando, eundem aerem excipiebamus, & tamen benè respirationem exercebamus absque anhelitu, ac in infimis locis marinis respirari solet. Huius problematis solutionem adduxi in supplemento meæ incendiorum Aetnæ Meteorologiæ; at re melius perpensa, in illa solutione acquiescere non potui, & ideo hanc aliam verisimiliorem excogitavi.

Mo-

Motu laborioso , & concitato produci anhelitum experientia docet , & talis effectus causam , & necessitatem exposuimus . Igitur si ostenderimus , quòd motiones moderatæ, ascendendo per loca acclivia, in aere rarissimo fieri non possunt absque ingenti labore , & lassitudine , planè confecta res erit , nam anhelitus à motu laborioso producitur .

Cap. 8. De  
vsi respira-  
tionis pri-  
mario.

Itaque ostendendum solummodo restat, quòd idem motus musculorum, qui in communi aere crasso tolerabili difficultate, & non molesta lassitudine absoluitur, postea in aere rarissimo non sine ingenti labore, & lassitudine perfici potest . Hoc autem verum esse , sic ostendemus .

Duplici modo operatio magis laboriosa esse potest: primò, si resistentia augeatur, non alterata , nec aucta motiua potentia; secundò, si potentia motiua diminuat, non diminuta resistentia . Vt potentia vnius manus maiori labore suspendet pondus duarum librarum , quàm vnius libræ : at postea duæ libræ maiori labore suspendentur vna manu sola , quàm duabus . Ex quo sequitur , quòd æquali conatu minùs laborioso pondus bilibre sustinebitur duabus manibus , quàm vnius libræ ab vna sola manu .

Modò, quia aer in pectore cohibitus, sua vi elastica comprimendo vasa spirituosa, & sanguinea, adiuuat conatum musculorum , vt dictum est . Ergo quando aer est rarissimus ( licèt æquè à thorace comprimatur, ac aer densus ) minùs validè elidet vasa , & ideò minùs adiuuabit conatum musculorum . Quare in aere rarissimo vis motiua musculorum imminuta erit ob defectum adiumenti , quod afferretur à vi elastica aeris condensati . Igitur in aere rarissimo eadem re-



**Cap. 8. De** *sistentia à vi motiua diminuta, maiori labore, ac*  
*usu respira-* *lassitudine sustinebitur. Quapropter patet proposi-*  
*tionis, pri-* *tum.*  
*mario.*

Sicuti aeris superflua raritas subito decubitus mortiferum inducit, sic quoque condensatio, & crassities excessiua eiusdem animalia suffocat, & extinguit. Quare de hoc quoque agendum, & primò videndum.

#### P R O P O S. CXXIV.

Quare, & quomodo aqua in pulmonibus immissa animalia suffocat.

Videtur, quòd clausis ore, & naribus, & constricto iugulo, interrumpi debet reciprocus motus ingressus, & exitus aeris, & cessabunt effectus transmissionis sanguinis, & ideò eius circuitus impiedietur, à quò vita dependet.

At in animalibus demersis sub aqua non videtur impediri posse talis motus reciprocus, nam à motu thoracis potest immitti, & exprimi aqua à bronchijs, & ab eius fluiditate fieri potest expressio sanguinis; & ideò circulatio continuari poterit eodem modo, ac in piscibus contingit. Et quia nihilominus suffocatio sequitur, operæ pretium erit huius effectus rationem inquirere.

Et primò, si gutta aquæ intra tracheam immissa, aut mucus catharralis tam molestum motum conuulsium tussis excitat, mirum non est, si repleta trachea ab aqua multò maiorem molestiam suffocatiuam inducat.

Et

Et licèt dici poffet, quòd fensus ille moleftiffimus fiat in trunco maximo afperæ arteriæ, non in minori-  
bus ramis eius, cùm mucus ille, dum in intima ca-  
uitate pulmonis exiftit, tuffim non excicet, fed tan-  
tùm, quando ad amplum canalem reducitur, ibidem  
titillatio molefta effici videtur. Ergo fimiliter aqua, fi  
ftagnaret in bronchijs pulmonis, neque tuffim excita-  
ret, neque fuffocationem induceret.

Sed patet nullitas huius effugij, nam in demerfis  
fub aqua, ne dum rami subtiles bronchiorum, fed etiã  
ampliffimus canalis tracheæ repleti debet, ergo ne-  
ceffariò irritatio ingens, & moleftiffimæ conuulfio-  
nes fequentur. Quæ eò magis dolorificæ erunt, quò  
magis prohibetur conatus Naturæ, quo tuffiando fub-  
leuari, & liberari à tanto malo nititur: prohibetur,  
inquam, quia aqua multò grauior, & denfior aere,  
non poteft elidi, & exprimi per os à compreffione  
debili thoracis, impedita à diaphragmatis redu-  
ctione, & incuneatione furfum à pondere, & den-  
fitate aquæ perpetuò in cauitatibus pulmonis rema-  
nente.

Præterea refidentia, & refagnatio aquæ in fiftilis  
fubtiliffimis bronchiorum, fuo pondere, & denfitate  
perpetuò comprimit fibi adhærentia vafa fanguinea,  
grauiffima, & ideò impedit transfufionem fanguinis,  
proindèque circulatio fanguinis interrumpitur, fine  
qua vita continuari non poteft.

Insuper deficit frequenter repetita infinuatio par-  
ticularum aeris intra fanguinem, & ideò motus oscil-  
latorius vitalis fuperiùs expositus pariter ceffabit.

Verùm tamen eft, quòd demerfis fub aqua non fu-  
bitò extinguitur vita, ficut contingit in vacuo Torri-  
cellia-

Cap. 8. De  
vfu respira-  
tionis pri-  
mario.

celliano . Nam aqua ægrè, & tardè insinuari potest in fistulas subtilissimas , & in vesiculas pulmonum, vt in fistulis vitreis experimur , & idè aer diu permanens in illis spatiolis potest vicissim ampliari , & restringi à motu thoracis , & sic permittet transitum , & elutriationem sanguinis, parco , & difficili cursu , quasi exudando . Idipsum in suffocatis , & strangulatis contingit .

Cuius periodus talis est; restricto iugulo, obturato, vel repleto, immediatè molestissimus angor dolorificus exoritur ; à quo miris modis agitantur, & concutuntur spiritus , & proindè motibus conuulsivis musculi agitantur ; & hinc motus sensitiui conturbantur, & deinceps torpidi redduntur, nec amplius dolores sentiunt , licèt perseuerent motus conuulsivi , vt testantur non pauci viri, qui à suffocatione, bona fortuna liberati fuerunt . Tandem post pauca minuta horaria prorsus extinguuntur .

### P R O P O S. CXXV.

Afferuntur verisimiles causæ suffocationis , quæ varijs modis ab aere crasso, & nimis condensato produci solent .

Quòd aer purus , & sincerus valdè rarefiat, & condensetur , eidentissimum est : talis autem condensatio fit per compressionem, & constipationem , vt in sclopetis pneumaticis, aut à pondere vastæ molis alicuius aeris incumbens, vt dictum est . Aliquando aer condensari potest ab admistione particularum, ætherogearum, terrestrium, aquearum, oleosarum, ignea-



igneorum, & salinarum, et ab alijs innumeris.

Et quia videmus, quòd subito suffocantur animalia in aere clausi cubiculi repleto à fumis carbonum; ab effluuijs vaporis fodinarum metallorum, atque ab aere crasso fouearum, in quibus cadauera, aut triticum recondita fuerant, necnon ab infimo aere antri lacus Agnani Puteolis; pariterque ab eo, qui in puteis profundis reperiri solet, ideò conualuit persuasio, quòd aer quò nimiam densitatem suffocationem inducat non minùs, quàm aqua.

Hoc quidem verum esse non eo inficias, sed dubito, quòd sæpè peccetur, tribuendo effectum suffocationis causæ non veræ. Est enim aer antri Agnani, fodinarum, & fouearum enarratarum adeò densus, & repletus ab effluuijs ætherogeneis, vt candelas accensas extinguat, non secùs, ac facit aqua; & ideò primò intuitu videtur, quòd ibidem animalia extinguantur eodem modo, quo ab aqua suffocantur: at si hoc verum esset, reuiuiscere non possent diuerso modo, quàm homines in aqua demersi, & semisuffocati medicantur, quibus per pedes suspensis aqua ab ore prono eijcitur cadendo, & effluendo vi pòderis eius. Non sic canes semisuffocati in antro lacus Agnani reficiuntur, sed è contra intra aquam eiusdem lacus proiecti subito viuificantur, vel extracti ab antro in terra iacentes paulatim reficiuntur.

Patet, quòd tali operatione aer densissimus, et ponderosus non secus, ac aqua, è pulmonibus eijci non posset sursum effluendo ore non prono, & ideò in vitam non reuocarentur. Quare fatendum est, quòd aliqua aura venenata per neruos ad nares, & fauces pertingens ad cerebrum deferatur, & ibidem

Cap. 8. De  
vfu respira-  
tionis pri-  
mario.

Cap. 8. De  
vfu respira-  
tionis pri-  
marie.

dem maligno contagio spirituū crasim cōturbet, vnde momento illi canes concidant moribundi. Et oportet, vt tales particule venenatæ sint valdè ponderosæ, adeò vt eleuari ad inficiendum aerem existentem in suprema parte antri non possint.

Similiter fumi carbonum ardentium non condensant aerem cubiculi, adeò vt sua crassitie ad instar aquæ suffocationem afferat, quia ignem accensum non exstinguit, vt facit aqua, & aer antri Agnani. Ergo potius dicendum, quòd sulphuræ carbonum fuligines, & fumi per nares cerebrum mordicando, & inficiendo, stupiditatem inducunt, & deindè mortem. Et adeò verum est, quòd aer prædicti cubiculi à carbonibus accensis non interficit ob crassitiem, & densitatem aeris, vt è contra ob nimiam caliditatem rarefactus vulgo censeatur. Immodò absque fumis carbonum ipsæmet copiosissimæ particule igneæ in aere hypocausti angores, & deliquia inducunt.

Neque aer valdè à vaporibus aqueis humectatus animalia interficit; nam aer, qui moratur in bronchijs, & vesiculis pulmonum, nunquam aridus est, sed semper humectatur, & madefit à sero ibidem exudato, & in vapores resoluto ab interna animalis caliditate; quod euincitur ex vaporibus aqueis, qui semper emittuntur in expiratione.

At quando venti Australes, & pluuiosi grauedinem capitis, & torporem inducunt, hoc, vt puto, contingit ob prauas exhalationes à ventis illis allatas, quæ cerebrum conturbant, & obnubilant, aut quia cutis poros obstruendo, insensibilem transpirationem impediunt.

Non tamen negabo, quòd si aer purus ad summum  
grat.

gradum compressionis reduceretur, vt in folle luforio fit, ineptus fanè effer ad respirandum, & fistulæ subtiliffimæ bronchiales, & graciles vesiculæ Malpighianæ à vi grandi elastica illius aeris compressi, valdè distraherentur, & lacerarentur, & idè angores molestiffimos inducerent; pariterque transitus, & circulatio sanguinis impediretur, quia exspiratio difficillimè exerceri posset ob nimiam resistentiam ambientis aeris.

Cap. 8. De  
vfu respira-  
tionis pri-  
mario.

Postquàm exposuimus vsum præsentaneum respirationis, qui est immissio, & commissio aeris cum sanguine, à quo vitalis motus conseruatur, restat, vt aliam præcipuam vtilitatem eius declaremus, quæ ad perfectam animalis conseruationem conducit. Estque structura, & efformatio sanguinis, nempe proximi, & immediati subiecti, ex quo spiritus animalis procreantur, partes solidæ nutriuntur, & reliquæ operationes, & motiones fiunt.

## P R O P O S. CXXVI.

Memorantur ab alijs tradita De origine  
qualitatum.

Euidentiſſimum est, concreta corpora ſublunaria, ab vno ad alium ſtatum tranſmutari, deperdita illa efformatione, & illis facultatibus, quas prius habebant, & acquiſitis alijs diuerſis ab illis: talis autem efformatio acquiſita de nouo, cum ignoretur, in quo præciſè conſiſtat, exprimi ſolet vocabulis generaliffimis, ſuperficiem potiùs, quàm intimam rei naturam declarantibus, vt ſunt nomina ætus, et elechiæ, ſeu



Cap: 8. De  
vfu respira-  
tionis pri-  
mario.

perfectionis . Nemo tamen negat, talem efformationem, siue perfectionem acquiri per miftionem plurium corporum simplicium, vel minùs compositorum; pariterque concedunt cum Aristotele, vt exacta miscella fieri possit, oportere, vt miscibilia in particulas minutissimas diuidantur, vt mutuis contactibus diuersæ particulæ vniantur; & hæc generalis doctrina controuerti non solet. Ambigitur solummodo de origine qualitatum, & facultatum actiuarum, quæ de nouo in mistis efformatis apparent, cum aliqui putent, eos de nouo effici, transeundo de non esse ad esse. Alij postea nihil de nouo viribus naturæ effici credunt, sed tantummodo apparere ea, quæ latebant coarctata, & restricta, veluti vinculis, quibus dissolutis, & diffractis, agere, & operari posse varijs modis pro diuersa indole, & modificatione, quam situs, positura, ordo, & figura particularum permittit, & exigit.

Hoc fanè confirmari videtur, nedum à recta ratione, sed etiam innumeris experimentis, quibus patet varias laruas colorum induci ex mera superficie alteratione, & vires motiuas in ipsis corporibus latitantes, dissolutis vinculis, quibus coercebantur, exilire, & agere, quæ postea cum alijs diuersæ indolis commistæ, & modificatæ à varia misti textura, possunt facultates miræ varietatis exercere.

Sic Chimici ex mistura, fermentatione, separatione, & sublimatione aliquorum liquorum, & particularum solidarum, nedum colores diuersos, sed sapores acres, dulces, & alios plures educunt; & vires actiuas aliquando inertes reddunt, aliquando mirificè eas viuificant, vt validissimè agere valeant.

Ex-

## P R O P O S. CXXVII.

Cap. 8. De  
vsu respira-  
tionis pri-  
mario.

Exponuntur organa, & operationes mechanicæ,  
quibus mistiones efformari possunt in plan-  
tis, & animali.

Vt effici possit perfecta mistio, quæ in determinato genere corpus concretum reducat, nempe, vt talem formam, talesque operandi facultates habeat, oportet vt prius corpora componentia vsque ad minima diuidantur. Quod in duris corporibus fit, contundendo, & terendo; in mollibus, aut fluxibilibus, suscipiendo ea, & insinuando in canalibus discretis, & subtilissimis; sic enim, nedum fiet subdiuisio vsque ad minima, sed si fortè aliquæ partes conglutinatæ, & grumefactæ fuerint, ab incuneatione violenta intra canaliculos exiles, & discretos, dissoluetur agglutinatio. Et si præterea corpora eadem lubrica non fuerint homogenea, tunc quidem possunt particulis vnius generis segregari ab alterius naturæ particulis iisdem organis, quibus Ars, & Natura passim vtī solent, quorum vnum est cribrum, quo segregantur grana milij ab hordeo; pariterq; Natura per cribrū cutis animalis aqueos sudores emittit, relicto sanguine, cui commisti fuerant; similiter plantarum radices, & vasa diuersis figuris perforata excipiunt ex eadem gleba succum amarum in coloquintida, dulcem in arundine sacchari, acidam in malis Massilicis, pinguem in oliui, & alios diuersos in alijs plantis seliguntur. Igitur eodem modo, si orificia cribri, aut fistularum, accommodatam figuram habuerint ad excipiendas particulas

Cap. 8. De  
usu respira-  
tionis pri-  
mario.

diuerſarum figurarum, planè diuerſi fluores in diſtinctis fiſtulis recipientur, quibus figuræ conformes ſunt.

A tali, inquam, organica diſpoſitione, nedum effici poſſet diſſolutio concretionis præcedentis in partes minutiffimas, & ſegregari ea, quæ vnius, eiufdemque naturæ ſunt ab ætherogeneis, ſed præterea ad inſtar chemicarum diſſolutionum poſſent ſeparari particulæ actuoſæ, ſeu ſpiritus, qui ex ſui natura mobiles ſunt, diſſolutis nempe vinculis, quibus coercebantur, & ſic libertatem natæ poſſent ſuam indolem motiuam exercere. Præterea in tali terebratione per oriſicia fiſtularum poſſunt particulæ molles, fluidæque acquirere configurationem conſimilem prototypis, quibus fiſtulæ excauatæ ſunt, vt plumbo, ceræ, & cretæ; ſimili artificio ſolemus figuras rotundas, ſtriatas, & excauatas aptare, qualis nempe fuerat figura foraminis, per quod talis maſſa expreſſa fuerat.

Facta hac præparatoria diſpoſitione, inquirendum reſtat, quibus organis, quo artificio, & motu mechanico illæ particulæ debito ordine iterum componuntur, vt nouam conformationem, & indolem acquirant.

Et primò inter artificialia conſidero opificium operis texellati, aut muſui, in quo lapilli diuerſarum figurarum, & colorum artificioſè, & ordinatè aptantur, conglutinanturque debitis locis, poſituris, & configurationibus, vt reſultet figura humana, plantæ, aut alterius rei. Si poſtea ijdem lapilli fuiſſent minutiffimi, & vehiculo fluido permiſſi, vt ſunt pigmenta pictorum, abſque artificis laborioſa manuun-  
diſpoſitione poſſet quidem organum elaborari, quod  
per



per se artificis industriosam operationem suppleret . Cogita fistulas illas repletas à pigmentis diuersi modè coloratis , tali modo inflexas, & contextas esse ad instar reticulati capillitij, vt extrema earum orificia definant in debitis locis tabulæ depingendæ : tunc sanè à simplici expressione, & eruptione pigmentorum effingerentur figuræ illæ hominis, & plantæ tam bellè, ac si manibus artificis suis debitis locis collocarentur.

Hoc artificium solemne esse, ac familiarissimum naturæ affirmare non dubito.

Quotiescunque perpendo, naturam nescire, nec vel-  
le producere, & nutrire plantas, earumque folia, & fructus efformare, nisi particulas aqueas, aereas, & salinas, insinuando per cribrum compositum ex innumeris foraminulis, quibus capillitium radicum peruium est, mirari subit, qua necessitate, & quo insigni bono semper radicibus, & fistulis vtatur; & diu meditati, nil aliud se offert, præter expositam ordinatam situationem, posituram, & configurationem particularum, quæ partim acquiritur in transitu per accomodata orificia radicum diuersis modis configurata; & partim resultat ex debita particularum distributione, quam textura radicum conglutinat ad instar operis musui. Vnde necessitate quadam ordinata ab architectonica diuina sapientia fluores illi percolati, & transpositi in planta inducunt configurationem, & indolem illius plantæ propriam, vt suo loco ostendemus.

Et hoc præclarè suadetur ex eo, quòd ex eadem gleba ab eadem aqua irrigata, variæ, & innumere radices pro varia earum configuratione, & textura in  
plan-

Cap. 8. De  
vsu respira-  
tionis pri-  
mario.

Cap. 8. De plantis diuersarum magnitudinum, figurarum, colorum, saporum, odorum, cum innumeris proprietatibus oriuntur.

vsu respirationis primario.

Immò, quod magis mirere, idem fluor è radicibus vnus, & eiusdem plantæ exustus, in ipso itinere per truncum eius, si fortè incidat in radices musci, aut alterius herbæ, vel in ramusculum alterius plantæ illi insitæ, in eius cortice impastæ, aliam omnino indolem fortitur diuersam ab ea, quam prius habebat.

His declaratis, redeo ad institutum.

### P R O P O S. CXXVIII.

Sanguis, confecto itinere circuitus per vniuersum corpus animalis, reducitur ad cordis dextrum ventriculum valdè deformatus, & ineptus nutritioni.

Nemo sanè negabit, quòd in exercitio motus musculorum, dum violenter sanguis ab arterijs insinuatur per anfractus, & porositates carniū particulæ spirituosæ, & aeræ, magna ex parte dissipantur, & consumuntur, quòd suadetur ex subsequenti lassitudine, & viriū diminutione, & languore. Adhuc partes impetum facientes vnà cum innumeris particulis fluidis sanguinis amittuntur in nutritione partium solidarum animalis, nempe ossium, tendinum, carniū, neruorum, & spirituum; ex quo fit, vt sanguis remaneat minus fluxibilis, torpidus, & quasi cadauerosus, partim ob dictam deperditionem, partim ob alterationem, quam patitur eius structura, ablati, & transpositis partibus à congruis locis, & posituris, fierique etiam

etiam potest, vt grumefiant aliquæ eius partes, quæ proclives sunt ad vnionem, & coagulationem, solet enim pars rubra sanguinis coalescere ob frigus, & eius pars fluida, serosaque à calore condensatur; quapropter miris modis crasis, & recta sanguinis conformatio deformari, & alterari potest, antequam denuò ad cor reducatur.

Cap. 8. De  
vfu respira-  
tionis pri-  
mario.

Posteà additamentum chili, & lymphæ in corde, & in arteria pulmonari confuso modo sanguinem multò magis perturbant. Quapropter sanguis tot modis deformatus, ineptus erit nutritioni animalis.

## P R O P O S. CXXIX.

Exponitur mechanica operatio, qua completur constructio sanguinis in vena pulmonari.

Deuenio tandem ad postremum vsum præclarum pulmonum, & respirationis; et primò, quòd sanguinis confectio in pulmonibus non fiat à vi alicuius fermenti ibidem operantis, euincitur ex eo, quòd in pulmonibus nulli succi fermentitij repositi sunt, cum vesiculæ Malpighianæ solo aere repleantur, et reliqua vasa semper abstergantur à perenni fluxu sanguinis. Ergo sicuti sanguinis subdiuisio in partes minutissimas fieri potest in pulmonibus absque fermentatiuo opere, sic mixtio, et compositio eiusdem absque fermento fiet. Postea, vt dictum est, sanguis reducitur ad dextrum cordis ventriculum valdè alteratus, et deformatus, et hinc vnà cum nouo chilo truncum arteriæ pulmonaris ingreditur: talis autem confusa aggeries à

tor-



Cap: 8. De  
vfu respira-  
tionis pri-  
mario.

torculari pulmonum violenter insinuatur per innume-  
rabiles canaliculos arteriosos, à quibus subdiuiduntur  
omnes illi fluores in minutissimas particulas, discissis  
eis, quæ conglutinatæ, et grumosæ erant. Præterea  
in percolatione suscipiunt particulas aereas è vesicu-  
lis Malpighianis transmissas; pariterque in transitu  
coguntur conformari prototypis, nempe suscipere  
conformationes similes eis, quibus fistulæ illæ per-  
foratæ sunt. Facta hac præparatione, de qua supra-  
egimus, succedunt alię subtiliores ramificationes fistu-  
larum, capillitium copiosissimum componentes, ad in-  
star extremitatum radicum arborum; ab hisce villosis  
fistulis suscipiuntur determinati liquores, nempe in  
vnaquaq; illi, qui figuræ orificij vasculi aptari, et ingre-  
di possunt. Mox prædicta vascula, quæ sunt variè in-  
flexa, et contexta ad instar retis, vt Villis obserua-  
uit, feruntur ad maiores canales venosos, et desinunt  
in locis appropriatis, vt structuram analogam musi-  
uo operi componant, et ibidem eructando guttulas  
in eis contentas, conficere poterunt exactam, perfe-  
ctamque misturam, et compositionem sanguini con-  
uenientem.

Hinc postea collectæ portiones sanguinis repubef-  
centes, viuificatę à spiritibus per nervos transmissis, et  
agitatæ à machinis aereis, deferuntur in truncum ma-  
ximum venæ pulmonaris, à quo efluuntur in fini-  
strum cordis ventriculum, atque valida vi eiacularur,  
et spargitur sanguis per corpus vniuersum animalis.

Et hæc in re tam difficili, et recondita, qualis est  
vsus respirationis, coniiciendo dici posse mihi vi-  
sum est.

Transcamus modò ad indaginem coniecturalem,  
com-

componentium partium sanguinis, et structurę eius. Et primò, vt ex notioribus analogia quadam ad minùs nota manuducamur.

Cap. 8. De  
vfu respira-  
tionis pri-  
mario.

## P R O P O S. CXXX.

Lactis structura examinatur ex analysi eius.

Patet, quòd lac componitur ex duobus diuersis fluidis. nempè ex glutinoso-pingui, seu caseoso, & ex aqueo-seroso. Quæ misceri possunt per dispersionem particularum vnus intra aliud fluidum, vt vini minutissimæ guttulę intra particulas aquę dispersę mistum componunt, non secus, ac grana milij cum hordeaceis confunduntur.

Debemus modò accuratè inquirere, quomodo dispositę sint partes caseosę, & aqueę, vt lactis fluidam consistentiam componere possint. Et qua arte mechanica succus fermentitijs coaguli misionem illam dissoluat, vt caseosę partes à sero separentur, vniantur, & concrecant.

Et sanè, qua arte fluxilis compositio eiusdem cãdidi coloris fieri possit, docemur à familiaribus experimentis; sicut enim minutissima farina marmoris, gypsi, aut triticiper aquam dispersa colorem vniformem candicantem creat, sic possunt moleculę albę caseosę aquę commisceri, & lacteum candorem representare. Postea videmus, secretionem illius farinę fieri à vi maioris grauitatis specificę, qua in fundum vasis præcipitatur. At quia hoc in lacte non verificatur, cum videamus, caseosas partes non præcipitari, sed innatare, & transversali motu ad inuicem com-

Cap. 8. De  
vfu respira-  
tionis pri-  
mario.

plecti, & in grumos natantes concrefcere, fatendum  
eft, partes integrales lactis æquè graues effe, ac  
aquæ.

Et in hoc cafu non percipio, quomodo fieri poffit  
vnio, & concretio partium glutinofarum lactis, exiftē-  
tium in locis aquæ ab inuicem feparatis, nifi fingamus  
magnetica virtute fe mutuò complecti, quod nemo  
fanæ mentis affirmabit.

Nec fufficit vifcofitas particularum lactis, quia hæ-  
dum natant in aqua ab inuicem feparatæ, vniri non  
poffunt, nifi motibus contrarijs ad fe accedant, &  
moleculas grandiores componant, & poft vnionem  
illam maiori intercapedine à fe inuicem diftabunt, &  
proindè difficiliùs vniri poterunt.

Similiter dici non poteft, quòd à grandi ebullitio-  
ne fermentatiua vniri poffint granula lactis cafeofa,  
nam tot, & tam varij motus contrarij in lactis coagu-  
latione non confpiciuntur; immò fubitò absque vlla  
perturbatione lac concrefcere videmus. Omitto, quòd  
à grandi efferuefcencia potiùs diffipantur, & fubdiui-  
duntur particulæ illæ, ficut in quolibet motu fluidi  
intra aliud fluidum contingere videmus, vt in pluuiæ,  
& in vini rubri infufione intra aquam obferuamus:  
Cuius particulæ adeò diffipantur, vt fumi, aut nebulæ  
expañionem repræfentent.

Si poftèa concipiamus lactis glutinofas particulas  
non effe moleculas contornatas, & leues, fed effe ra-  
mofas ad inftar flocculorum Goffipij, tūc intra aquam  
difperfæ, & à fe inuicem feparatæ, aut contiguæ, non  
poffent vniri, & concretionem efficere absque vi ma-  
gnetica. Si verò villofæ extremitates flocculorum  
implicitæ fupponantur, oportet, vt ex fui natura ca-  
rerent



rerent vi contractiua ; alioquin in antecedenti statu fluido non perstitissent , sed semper grumi caseosi intra serum notarent . Cùm igitur talis concretio non fiat , nisi post additionem fermentitij coaguli , necesse est , vt talis succus acidus , & acris vim glutinosam contractiuam conferat villis caseosis ; quod falsum esse videtur , quia caseosæ lactis particulæ ex sui natura satis , superque glutinosæ sunt , cum spontè sua concrecant , licèt tardè .

Præterea sales acidi , & acres , non vi glutinosa , sed potius incisiva , & penetranti facultate pollent , quandoquidem succos aliquos viscidos dissoluere , & colligare videmus , vt patet in sputo , oui albumine , & in sero sanguinis ; hi enim ab acidis friabiles redduntur .

Et licèt acetum concretionem iusculorum adiuvare videatur , hæc erit alia operatio similis coagulationi lactis , & nescimus , an hoc contingat per accidens , quatenus separat , & exprimit aqueam humiditatem à glutinosis corporibus , vt coria , & tendines elixati , & dissoluti in gelatinam concrecant , separata nempè , & euaporata aqua . Ex quo colligitur , acida , & acria concretionem gelatinæ , & lactis adiuvare , non actione propria contractiua , sed auferendo impedimenta , quæ vim glutinis contractiuam agere non permittunt . Nam aliundè scimus , corium , & tendines per se valde glutinosos esse : immò vt gelatina consistentior reddatur , addi solent ouorum albumina , quæ tenacissima viscositate donantur .

Lactis igitur structura talis esse debet , vt prædictis phænomenis satisfacere queat : Pro cuius inquisitione obseruo , quòd vt duo fluida ætherogenea exactè

Cap. 8. De  
vitiis respira-  
tionis pri-  
mario.

misceri possint, oportet, ut ambo in minutissimas particulas subdiuidantur, & quælibet particula vnius speciei alterius naturæ particulam tangat, non secus, ac in aceruo milij, & hordei granula confunduntur. At si alterum fluidorum fuerit glutinosum, non poterit discindi, & partiri in globulos discretos, cum ipsa tenacitas vetet totalem partium disunctionem, quare potius expandi possunt in subtilissimas laminulas, seu membranas, inter quas guttulæ alterius succi fluidissimæ, insinuatæ impetu conuassationis, & in illius poros coercitæ, efformare possunt texturam similem spumæ, quæ est mistio aquæ viscidæ, & aeris in eius vesiculis contenti. Eodemque modo aqua fluidissima succo viscosiori, ut est oui albumen, admista, & intra eius poros dispersa, vehementi conuassatione potest nouum genus spumæ aqua grauidæ componere; eadem enim necessitate gluten albuminis permittit distractionem eius in ampullas membranosas, & vetat rupturam earundem, & proinde interclusas aquæ guttulas coercere possunt.

Cum igitur talis spumæ compositio non sit ficta, gratis, sed firmis rationibus confirmata, conijcere possumus eodem modo, quod in lacte, ex mistura succi glutinosi eius cum sero aqueo, spumosa structura confici possit. Quia nimirum guttulæ aquæ intra tenaces poros caseosi succi disseminatæ, & inclusæ, necessariò orbicularem formam acquirunt ob compressionem vndique factam; & è contra parietes porulorum ob molliem glutinis distrahi, & expandi in subtilissimas membranas possunt, quæ nequeunt lacerari, & facile disrumpi, obstante eorum tenacitate viscosa. Quapropter videtur possibile, ut in lacte re-

ful-

sultet compositio similis spumæ .

Quod verò talis structura verisimilis sit, elicitur ex eo , quod faciliè phænomenis facere satis potest. Percipimus enim , quod momento à succo acido , & acri coaguli immisti possunt subtilissimi parietes vesicularum spumam lactis componentium corrodi, lacerari , & disrumpi, vnde aquæ guttulæ è poris effluentes, & simul collectæ, hinc inde innatabunt , eodemque tempore glutinosæ pelliculæ, vi propriæ viscositatis spontè contrahentur , & simul unitæ concrebrescent , quia nempe non distrahuntur , vt antea ab aqua poros replente.

Eadem concretio in lacte absque coagulo fieri potest , sed tardè eodem modo, quo spuma aere grauida sensim dissoluitur . Et hæc de lactis structura conijci posse mihi videntur .

Cap. 8. De  
vsi respirationis  
primario.

### P R O P O S. CXXXI.

Sanguinis. Anatomia per distillationem facta.  
infida esse videtur .

Receptum est , sanguinis anotomiam, non nisi Chemicis distillationibus fieri posse : quibus primò è sanguine per alembicum extrahitur aqua simplex, postea aliqui spiritus, sales , & sulphur, & adhibito valido igne educuntur spiritus ardentes, & in facibus plures sales fixi remanent .

At hæc anatomia pluribus nominibus suspecta esse videtur . Nam ignis actio non est, nisi violenta, & vellocissima motio , & effluuium atomorum igneorum, ad instar rapidissimi , & validissimi venti , & ideò cæ-



Cap. 8. De  
vfu respira-  
tionis pri-  
maria.

co impetu nititur remouere quæcunque obſtacula , quæ ſuum iter impediunt ; nec tales igniculi ſolliciti ſunt , aut ſtudioſè curant , vt corpora obſtantia diuidantur in ſuas partes ætherogeneas , quia videmus , quòd miſta compoſita ex diuerſiſſimis ſubſtantijs , ſi impulſui ignis reſiſtere non poſſunt , libenter ſe ſinunt ſimul eleuari , & expelli ſuſum , vt è camino paleæ , fragmenta , cineres , cum innumeris alijs ſubſtantijs ætherogeneis coaceruata cum fumo eiſciuntur . Immo ab ipſis bombardis ardentiffima flamma ob celeritatem emittit non pauca grana pulueris nitrati integra , & incombuſta . Quapropter corpora omnia cuiuſcunque naturæ ſint , ſiue miſta , ſiue diſiuncta ; æquè facile ab igne impelluntur , & ſublimentur , ſi eiſdem grauitatis ſpecificæ fuerint , vel æquè diſiunctæ à terreis , & concretis partibus , aut vno verbo omnia illa , quæ æquè amouibilia ſunt . At ſi miſti moleculæ ætherogeneæ ponderoſiſſimæ , & inſuperabiles fuerint ab ignis actione , vt ſunt metalla , & vitrum , tunc ignis cunei intra illius particulas inſinuati parumper eas agitare valent , non verò diſtrahere , aut impellere in diſtans . Contingit ergo per accidens , vt ab igne fiat aliqua ſeparatio , quatenus particulæ minùs graues laxioribus vinculis connexæ , minoris molis , & figuræ amplioris , poſſunt vnà cum fumis ab igne expelli , relinquendo partes contumaces craſſiores vnà cum facibus .

Nec ex eo , quòd illæ ſeparantur in pileo , & hæ in alembici fundo remanent , licet inferre diuerſam naturam habere , nam videmus , quòd eiſdem ſalis ſolummodo illæ particulæ à vi ignis ſublimentur , quæ exiles ſunt , aut figuram exparſam , aut ſituationem faci-

facilè amouibilem habent; & hæ volatiles sales dicuntur; illæ verò, quæ sunt crassiores, implicatæ inter se, & cum terreis partibus remanent in fundo alembici, & propterea fixi sales nuncupantur.

Cap. 8. De  
vfu respira-  
tionis pri-  
mario.

Et quòd magis mirere, ipsamet particulæ sulphureæ, & igneæ, quæ in summo gradu accensibiles, & volatiles sunt, non possunt omninò separari à terreis partibus, sed remanent coercitæ in illarum anfractibus.

Præterea ab ignis actione, valdè alterantur materiæ euaporatæ, combustæ, calcinatæ, & distillatæ, quatenus plures igniculi immiscentur, remanentque in poris eorundem corporum, vt Cl. Boyle, & alij animaduerterunt.

Quapropter infida erit chimica anatomia sanguinis. Primò, quia per eam substantiæ sanguinem integrantes, nedum sinceræ haberi non possunt, sed etiam ab expulsiōe aquearum partium, & ab additione ignearum valdè diuersificantur. Secundò, quia structura, dispositio, & compositio propria earundem integrantium partium, nempe ea mista compositio, quam priùs habebant, neque remanet eadem, neque ampliùs dignosci potest, eo quòd ab actione ignis dissoluitur, & destruitur configuratio, & structura earum.

Et noto, quòd elementa illa chimica, nempe sal, sulphur, & mercurius, sunt principia generalissima, ex quibus nedum sanguis, sed etiam omnia mista componuntur, ergo ex chimico illo labore non deducitur peculiaris compositio sanguinis, scilicet, quæ sint sanguinis partes integrales mistæ, cuius naturæ, & quas proprietates, facultates, & structuras habeant.

Non

Cap. 8. De  
respirationis  
primario.

co impetu nititur remouere quæcunque obstacula, quæ suum iter impediunt; nec tales igniculi solliciti sunt, aut studiosè curant, vt corpora obstantia diuidantur in suas partes ætherogeneas, quia videmus, quòd mista composita ex diuersissimis substantijs, si impulsui ignis resistere non possunt, libenter se sinunt simul eleuari, & expelli sursum, vt è camino paleæ, fragmenta, cineres, cum innumeris alijs substantijs ætherogeneis coaceruata cum fumo eijciuntur. Immò ab ipsis bombardis ardentissima flamma ob celeritatem emittit non paucula grana pulueris nitrati integra, & incombusta. Quapropter corpora omnia cuiuscunque naturæ sint, siue mista, siue disuncta; æquè facillè ab igne impelluntur, & sublimantur, si eiusdem grauitatis specificæ fuerint, vel æquè disuncta à terreis, & concretis partibus, aut vno verbo omnia illa, quæ æquè amouibilia sunt. At si misti moleculæ ætherogenæ ponderosissimæ, & insuperabiles fuerint ab ignis actione, vt sunt metalla, & vitrum, tunc ignis cunei intra illius particulas insinuati parumper eas agitare valent, non verò distrahere, aut impellere indistans. Contingit ergo per accidens, vt ab igne fiat aliqua separatio, quatenus particulæ minis graues laxioribus vinculis connexæ, minoris molis, & figuræ amplioris, possunt vnà cum fumis ab igne expelli, relinquendo partes contumaces crassiores vnà cum fœcibus.

Nec ex eo, quòd illæ separantur in pileo, & hæc in alembici fundo remanent, licet inferre diuersam naturam habere, nam videmus, quòd eiusdem salis solummodo illæ particulæ à vi ignis sublimantur, quæ exiles sunt, aut figuram expansam, aut situationem

faci-



facilè amouibilem habent; & hæ volatiles sales dicuntur; illæ vcrò, quæ sunt crassiores, implicatæ inter se, & cum terreis partibus remanent in fundo alembici, & propterea fixi sales nuncupantur.

Cap. 8. De  
vsu respira-  
tionis pri-  
mario.

Et quòd magis mirere, ipsamet particulæ sulphuræ, & igneæ, quæ in summo gradu accensibiles, & volatiles sunt, non possunt omninò separari à terreis partibus, sed remanent coercitæ in illarum anfractibus.

Præterea ab ignis actione, valdè alterantur materię euaporatæ, combustæ, calcinatæ, & distillatæ, quatenus plures igniculi immiscentur, remanentque in poris eorundem corporum, vt Cl. Boyle, & alij animaduerterunt.

Quapropter infida erit chimica anatomia sanguinis. Primò, quia per eam substantiæ sanguinem integrantes, nedum sinceræ haberi non possunt, sed etiam ab expulsiōe aquearum partium, & ab additione ignearum valdè diuersificantur. Secundò, quia structura, dispositio, & compositio propria earundem integrantium partium, nempe ea mista compositio, quam priùs habebant, neque remanet eadem, neque ampliùs dignosci potest, eo quòd ab actione ignis dissoluitur, & destruitur configuratio, & structura earum.

Et noto, quòd elementa illa chimica, nempe sal, sulphur, & mercurius, sunt principia generalissima, ex quibus nedum sanguis, sed etiam omnia mista componuntur, ergo ex chimico illo labore non deducitur peculiaris compositio sanguinis, scilicet, quæ sint sanguinis partes integrales mistæ, cuius naturæ, & quas proprietates, facultates, & structuras habeant.

Non

Cap. 8. De  
usu respira-  
tionis pri-  
mario.

in fibras, vel membranas reticulares; quòdque tales fibræ sic condensatæ non præextiterint intra vasa animalis viuentis, facile suadetur ex eo, quòd tales fibræ, & membranæ albæ sanguineæ microscopio inspectæ, crassiores sunt vasis sanguineis capillaribus, & ideo neque excipi, neque effluere in ijs possent, cum saltem longitudine filamentorum, & latitudine membranarum vias illas angustissimas obstruerent. Ideò fatendum est, gluten album sanguineum lubricam, & fluidam consistentiam retinere, dum in animali viuentem mouetur.

Posteà sicuti ex mistura glutinis, & aquæ in lacte spumosa conformatio resultat, sic in sanguine animalis viuentis, ex continua contusione, & conquassatione, quæ fit in eius circulatorio motu, consentaneum est, vt fluidissimum albumen serosum scindatur in minutissimos globulos, & dispergantur per omnes partes fluoris glutinosi, qui ob viscositatem tenacem distrahi quidem potest in tenues membranas, non verò discindi in globulos separatos. Ex quo fit, vt vesiculæ instar spumæ conformentur repletæ affuidissimo succo albugineo abundanter diluto ab aqueis numerosissimis particulis ei immistis.


Tandem sicuti in lacte ex verisimili ruptura vesicularum caseosarum consequitur concretio earundem, & diffusio aquearum particularum, sic quoque in sanguine extrauasato, eius vesiculæ membranosæ spontè contrahi possunt, & disrumpi ob subtilitatem parietum, quarum substantia glutinosa citò consistentiam acquirit, & ideo spumosa sanguinis structura dissoluitur, vt in vulgari spuma aerea contingit: ex quo fit, vt granula serosa effluant,

& si-

& simul colligantur. Mox vesiculæ viscosæ, ablatis cuneis serosis, à quibus distrahebantur, constipari inter se liberè, & concrefcere possunt, vt glutinis natura exigit, & sic grumosa pars sanguinis rubicunda innatabit intra albumen serosum eius. Quapropter sicut talis concretio lactis, & separatio ab eius sero aqueo saluari non posse videtur, nisi lactis structura fuerit spumosa, sic quoque est verisimile, vt sanguinis conformatio sit spumosa, vt dictum est, ex qua hypothesi exactè eius phænomena saluantur.

Cap. 8. De  
vfu respira-  
tionis pri-  
mario.

Ordo exigeret, vt de vsibus secundarijs respirationis, sermo institueretur. At quia omnes norunt sonoras voces, & loquelam effici ab aere expirato à pulmonibus, pariterque quòd retento spiritu, & compresso abdomine fœces excernuntur. Insuper, quòd aer inspiratus inserviat sternutationi, tussi, oscitationi, excreationi, & expuitioni. At quia de hisce omnibus præclari Authores copiosissimè scripserunt, æquum non est alienarepetere. Pauca solummodo addi possunt, quæ, aut ab alijs adhuc declarata non fuerunt, aut in quibus cum illis non conuenio. Et hæc partim incidenter iam dicta sunt, partim in progressu exponuntur; ideò ad alia transeo.





Cap. 9. De  
sanguinis  
expurgatio.  
ne in reni-  
bus.

## C A P V T I X.

*De sanguinis expurgatione in renibus.*

**P**ostquam de compositione sanguinis in pulmonibus abundè egimus, consequenter de modis, quibus sanguis purificatur in reliquis visceribus tractabimus. Et primò vsum Renum exponemus.

## P R O P O S. CXXXIII.

*Renes non conferre immediatè ad vitam animalis.*

Omnes sciunt, in Renibus sanguinem deputari, quatenus ab eo secernitur nimia aquea serositas, vnà cum salinis, & tartareis excrementosis partibus. Vndè patet, quòd Renes non sint organa, quæ immediatè ad vitæ conseruationem conferant, vt sunt cor, & pulmones, qui sanguinis vitalem motum producant, & conseruant.

Et profectò talis sanguinis à sero aquoso depuratio non videtur ad eò necessaria, vt ea per aliquod breue tempus neglecta, sanguis inutilis omninò sit. Nam videmus, quòd maxima pars massæ sanguinæ, nempe nouem decimæ partes eius per renes non transeunt, dum semel tota sanguinis massa corporis circuitum absoluit, & ideo prædictæ  $\frac{9}{10}$  sanguinis secum deferunt vrinofum excrementum ad caput, brachia, thoracem, & ad Epar, & lienem. Et si quidem talis sanguis inquinatus noxius esset, & nutritioni ineptus, profectò stultè ageret natura, adducendo eum ad prin-

principem, nobilissimamque sedem spirituum, nempe ad cerebrum, vt ibidem spiritus impuro, fæculento-que succo aleret, & partes alias principes thoracem, & viscera excrementitia vrina coinquinaret. Cùmque talis stultitia sit incredibilis, dicendum est, vtilem esse humorem aqueum vrinofum in sanguine, si modum non excesserit; nempe, si nimia copia, & mora diuturna superfluum fluxilitatem, aut acrem fermentationem sanguini conferat. Cæterum cerebro, & ventri superiori utilis, & necessaria forsan est paulò abundantior sanguinis serositas; noxia verò musculis, & reliquis partibus corporis; tum quia sanguis dilutus, & aquosior facilius per vasorum angustias permeare, & fluere potest, pariterque obradere, secumque deferre salia alchaliffata valet, quibus illæ partes abundant, tum etiam quia in cerebro, visceribus, & pectore copiosissima vasa excretoria, salialia, & lymphæ ductus apposuit natura, vt excipiant talem feri abundantiam, illudque post vsus præstantes excernant.

Cap. 9. De  
sanguinis  
expurgatio-  
ne in reni-  
bus.

## P R O P O S. CXXXIV.

Necessitas copiosæ potionis exponitur.

Nemo est, qui fontem adeò amplum in propriam domum deriuat, qui sit vsibus domesticis, nedum superfluis, sed insuper cogatur ingenti labore, & sumptibus ædes, & atrium continuò exiccare. Fuerat enim operæ pretium fontem, modum nō excedentem, domi immisisse. Sic errare videtur natura nimio potu animalia replendo, quem continenter eicere,

tc-

Cap. 9. De teneatur, non sine graui animalis incommodo, & pe-  
 sanguinis riculo.  
 expurgatio.  
 ne in reni-  
 bus.

Quia verò nefas est naturæ inscitiam nostram tri-  
 buere, conabimur pro viribus indagare vsus, & cōpē-  
 dia, quæ natura consequitur ex humoris aqueo-serosi  
 receptione, retentione, & expressione per renes. Et  
 primò aduerto, quòd admittitur aqueosus humor co-  
 piosè, vt mistus cibarijs aridis in stomacho receptis,  
 macerationem, & fermentationem eorum adiuet.,  
 mox vt succum chilosum componat, extrahendo par-  
 ticulas ciborum, & fluiditatem eis conferendo, vt sit  
 vehiculum chili, & succi nutritij, pariterque san-  
 guinis, & succi spirituosus, necnon fæcum excremen-  
 titiarum; sicuti enim arenæ acruus aridus insinuari,  
 fluereque non potest per canales angustos, nisi à co-  
 piofa aqua admista, lubricam consistentiam acquirat,  
 sic moleculæ solidæ cibi, chili, sanguinis, et reliquo-  
 rum succorum animalis, ob eam scabritiem, et irre-  
 gularem, angularemque figurarum varietatem nullo  
 pacto moueri, et diffuere possent per angustias ca-  
 nalium corporis animalis. Et ideò oportuit, vt fluoris  
 aquei admistione lubricitatem, fluiditatemq; acquire-  
 rent. Hoc porrò bonum fluxilitatis consequitur natu-  
 ra ex permanentia feri aquosi in ventriculo, inte-  
 stinis, in chilo, et sanguine. Nam si immediate  
 post aduentum eius subitò à corpore discederet, cli-  
 minareturque, cessaret, aut interrumperetur ille mo-  
 tus circularis perpetuus, à quo vita animalis conser-  
 uatur.

Præterea eadem mora, et permanentia aquei feri  
 intra sanguinem, carnes, et viscera, aliud præclarum  
 compendium natura assequitur; absorbentur nempe  
 sales



sales alchalyfati, & tartarei à prædicto fero; nullo enim alio artificio educi possunt sales fixi, qui tenacissimè agglutinati, et veluti ferruminati sunt intra fibras, & porositates carnum, et viscerum, nisi ab aquæ ablutione, et madefactione. Hoc experimur in carnibus, et piscibus sale conditi s, cum sit structura, et dispositio particularum aquæ accommodata ad exceptionem, et tenacissimam retentionem salinarum molecularum intra eius poros; itaut necessitate mechanica aqua auidè sales amplectatur, retineatque, vt iam ostendimus. Vt verò facilius, et commodius aqua epota impregnari queat, instituit natura aquæ moram non gelidæ, et in quiete constitutæ, sed excalefactæ in visceribus, et agitatae ope circulationis sanguinis, vt ictibus, et quassationibus varijs, diuerticula omnia solidarum, et fluidarum partium penetrando, sales vbique reconditos exugere, et inhibere possit.

Cap. 9. De  
sanguinis  
expurgatio-  
ne in reni-  
bus.

Tandem postquam aquea serositas salibus grauida reddita est, valdè noxia esset, tum quia sua temperie acerrima pungeret, et mordicaret membranas, et nervos exquisitissimè sensu donatos, tum etiam, quia diutius fermentata perniciosam corruptelam, naturæ inimicam acquireret. Necessarium ergo fuit, vt tale noxium excrementum extra corpus animalis eijceretur. Quæ mechanica operatio separatoria in renibus celebratur; cuius artificium deinceps declarabitur.

Et quia iam ostendimus necessitatem, vtilitatemque huius excretionis abundè declarauimus; Restat modo inquirendum, quo artificio, ex quibus organis mechanicis aquea serositas à sanguine separetur  
in:

Cap. 9. De  
sanguinis  
expurgatio-  
ne in reni-  
bus.

in renibus. Utque hoc exactiùs fiat, considerari debent artificia, quibus natura vitur ad separanda dno fluida ætherogenea, quæ priùs confusa, et mista inter se fuerant. Et primò.

### P R O P O S. CXXXV.

Opificium fermentationis separatorium  
exponitur.

Nomine fermentationis intelligitur motus intestinus partium corporis misti, quæ propria vi motiva, vel alterius corporis aduenientis agitantur. Ex qua intestina conturbatione consequuntur plures, et diuersi effectus, ex quibus in præsentì solummodo considerabimus dissolutionem texturæ corporis misti, quæ partes ætherogenæ possint ab inuicem disiungi, et deinceps in diuersis locis separatis reponi.

Et primò obseruo, quòd mistio duplici modo fieri potest, aut quando particulæ ætherogenæ simplici contactu vniuntur, aut cùm arcta connexionem mutuam vinciuntur. In primo casu separatio vnica tantum operatione loco motiva absoluitur. Vt in aceruo confuso milij, et tritici non est necesse, vt granorum connectio scindatur, nam simplex contactus nullam vim vnitivam habet. Ergo restat solummodo, vt granum milij, siue propria vi motiva, siue ab externa facultate impulsiva colligantur in locum vnum separatū ab eo, in quo triticum coadunatum est.

Sic è nebula particulæ minimæ aquæ per aerem innatantes sensim collectæ in guttulas maiores, vi propriæ gravitatis decidunt, et sic ab aere separantur.

Pa-

Pariterque vesiculæ minutissimæ aeræ , aut oleosæ particulæ per aquam dispersæ paulatim collectæ sursum exprimuntur ad aquæ confinium .

Attamen è vi externa aqua separatur à salibus , et à concretis vegetabilibus in alembico , ab igne nempe resolvente aquam in vapores , et à frigore in pileo , fumos condensando in aquam .

Postremò separatio alio modo fieri potest , à vi nimirum intrinseca , et ab aliena , et hoc , aut agendo , aut remouendo impedimenta absoluitur . Hoc patet ferè in omnibus præcipitationibus , et sublimationibus chymicis , quatenus à vi motiua ignis , aut fermenti adiuncti dissoluuntur vincula terrestria , et viscosa , pororum , et anfractuum vegetabilium , aut mineralium ; ex quo fit , vt dissolutis , et ruptis carceribus , interclusi igniculi , aut spiritus , et aliæ partes se mouentes , possint liberè suam indolem motiuam exercere , et discedere .

Similiter liquores sulphurei , oleosi , aut sales diuisi in minutissimas particulas possunt intra aquam quiescere , innatando duplici modo , aut quia ob molis paruitatem vis excessus specificæ grauitatis vnus fluidi minor est resistentia , qua villi fluorum se mutuò vinciuntur , vt declaratum est , aut quia olei particulæ salibus grauioribus coniunctæ componunt moleculas æquè graues in specie , ac est aqua , veluti ex cera , et arena , ex oleo , et salibus lixiuij in sapone componi possunt massæ , quæ vbique infra aquam innatent . Iam vt prædictum oleum , aut sales separentur ab aqua , oportet , vt æqualitas grauitatis specificæ alteretur , vel augendo , aut diminuendo grauitatem medij fluidi , vel corporum innatantium ,

Cap: 9: De  
sanguinis  
expurgatio.  
ne in reni-  
bus.



Cap. 9. De  
sanguinis  
expurgatio-  
ne in reni-  
bus.

quod multis modis fieri potest, addendo, aut subtra-  
hendo particulas igneas, aut salinas rarefaciendo,  
vel condensando medium fluidum, vel corpora ipsa  
innatantia, aut dissoluendo connexionem partium  
innatantium, quæ actiones motu quodam intestino,  
seu fermentitio fient, & deindè spontè partes commi-  
stæ vi propriæ grauitatis sua loca repetendo, à fluido  
separantur.

A causa non dissimili metalli minimæ particulæ à  
salibus aquæ fortis, veluti à limis corrosæ intra ean-  
dem aquam innatant, ob insignem minutiem, vt di-  
ctum est, & postea effuso alio liquore minus graui,  
quàm est aqua fortis, potest huius fluxilitas augeri,  
aut eius grauitas imminui, & proindè puluis metal-  
licus ob excessum ponderis in fundū aquæ præcipita-  
bitur. Vel contra, si menstruum magis salinum fue-  
rit, vt est oleum Tartari, huius particulæ suis impul-  
sibus secū in descensu transferre possunt natantes, &  
æquilibratas metalli particulas.

Aliquantum diuersa videtur actio separatoria feri è  
lacte, nam fermentum acidum corrodendo, & lace-  
rando pelliculas glutinosas vesicularum lactis spumo-  
sarum, exitum concedit serosis granulis aqueis, quæ in  
vesiculis coerccebantur, & sic aqua coaceruatur circa  
grumos caseosos, vt dictum est.

Ex ijs omnibus deducitur, quòd simplex actio fer-  
menti per se sumpta, motu illo intestino, potest qui-  
dem dissoluere ætheroginearum partium arctam, &  
firmam colligationem, itaut nullo alio vinculo vnian-  
tur, quàm à simplici contactu: Attamen postea, vt  
omnes particulæ, quæ vnus generis sunt, deserant  
contactus particularum alterius generis, & congre-  
gen-

gentur, tam hæ, quàm illæ in locis separatis à se in-  
uicem, requiritur noua causa motiua diuersa à succo  
fermentitio, quæ vt plurimum est grauitas diuersa,  
fluidorum ætherogeneorum, qui naturalibus motioni-  
bus ab inuicem separari possunt.

Cap. 9. De  
sanguinis  
expurgatio-  
ne in reni-  
bus.

## P R O P O S. CXXXVI.

Fermentatiua separatio non in fistulis strictissimis, sed  
in vasis amplis fieri potest.

Quia motus fermentationis in fluidis fit turbulenta  
quadam ebullitione, & rarefactione partium misti, vt  
experientia constat, & talis feruescentia fieri non  
potest absque eo, quòd aliquæ partes fluidæ intra  
alias pariter fluidas moueantur, cùmque talis motus  
fieri non possit, nisi illæ loca cedant aduenientibus;  
ideò illæ coguntur vertiginoso motu accurrere ad re-  
plenda loca relicta ab aduenientibus: ergo in progres-  
su motus fermentatiui sæpiùs reiterari debent prædi-  
ctæ circumuolutiones.

Verùm in fistulis strictissimis tales motus contrarij,  
& vertiginosi à fluidis ætherogeneis fieri non possunt,  
vt ostensum est, vtque experimur in fistulis vitreis  
subtilibus, in quibus guttæ aquæ vini rubri hydargi-  
ri; & aeris, quantumuis concutiantur, & insufflentur,  
numquam motibus contrarijs, & vertiginosis con-  
fundi, & misceri inter se possunt, sed es pristinas com-  
mutando, & hoc necessariò contingit, nam fluida  
non componuntur ex indiuisibilibus, sed ex molecu-  
lis quantis, figuratis, duris, & angulosis, quæ simplici  
contactu vniuntur; ergo in strictissimis canaliculis non

Cap. 9. De  
sanguinis  
expurgatio-  
ne in reni-  
bus.

possunt contrarijs , & vertiginosis motibus agitari, eo quòd figuræ illæ diuersæ contiguæ componunt aggeriem ferè similem operi texellato, & proindè vna molecula super aliam excurrere non potest in loco valdè restricto, in quo nequeunt dilatari, vt transitum verticibus angulosis concedant, & hoc impedimentum augetur ab asperitatibus internis fistularum. Quapropter, si fermentatio efficeretur simplici motu partium contrario, & vertiginoso, nullo modo in angustijs illis fistulosis effici posset.

Verum fermentatio requirit præterea partium conturbationem, & rarefactionem, quæ multò maius spatium exigit, vt videmus in feruore, & ebullitione, ergo, si priùs simplex motus localis vertiginosus in locis restrictis fieri non poterat, eò magis impossibilis erit motus fermentatiuus, qui vltra localem vertiginem, rarefactionem, inflationemque requirit,

Et licèt impossibilis non esset confectio fermentationis in angustijs fistularum, saltem stulta, & inepta esset talis elaboratio, & proindè incredibile est, vt efficiatur à natura sapientissima. Nedum enim difficilimè motus vertiginosi, & rarefactiui effici possent in angustijs restrictis, sed præterea talis angustia capax non esset totius succi, qui fermentari debet, nisi fistulæ multiplicarentur. At tunc aduerte, quàm difficilè sit, & laboriosum deferre succum fermentabilem, eumque distribuere, collocareque in tot loculos distinctos, & separatos; & hoc opus postea maiori, & reiterato labore destruere; nam completa fermentatione, è tot vasculis separatis ætherogenei succi colligi deberent, & quilibet eorum in proprium vas

am-



amplum reponi. Verùm hi prolixi labores inutiles ad finem fermentationis, & separationis consequendum omninò evitantur, si loco vasculorum subtilium exhiberetur vas amplum, & capax totius succi fermentabilis.

Cap. 9. De sanguinis expurgatio. ne in renibus.

## P R O P O S. CXXXVII.

Separatio fluidorum ætherogeneorum ope fermentationis non momentaneo, sed tardo motu, & diuturno tempore perfici potest :  
nisi fluida valdè exaltata,  
& spirituosà fuerint.

Quia, vt dictum est, plures contrarij, & vertiginosi motus à corpore fluido intra aliud fluidum effici debent, vt fermentari queant, scilicet, vt ebullire, rarefieri, subdividi, & separari possint. Primò enim succus fermentitius diffundi, & dispergi debet in vniuersas partes fluidi misti, vt eas immediatè tangat, vel mediatè, alterando scilicet partes intermedias, eo quòd sine contactu actio physica non datur.

Secundò post contactum oportet, vt partes misti impellantur à vi fermenti, ad hoc, vt separari, & disiungi ab inuicem possint, talis autem disunctio est impossibile, vt absque motionibus contrarijs, & vertiginosis ebulliendo, & hinc indè accurrendo, absoluat.

Tertiò post discissionem prædictarum partium ætherogenicarum, requiritur nouus motus, vt partes discretæ inter se homogeneæ in locum vnum colligantur.

Hi

Cap. 9. De  
sanguinis  
expurgatio-  
ne in reni-  
bus.

Hi verò omnes motus, est impossibile, vt momen-  
to instar fulminis fiant, sed tardè, & notabili tempo-  
re perfici possunt, vt experientia docet in maceratio-  
nibus, & fermentationibus musti, & vegetabilium,  
quæ perseverant, nedum per horas, sed per dies in-  
tegras. Et ratio est, quia fluidum intra aliud fluidum  
moueri non potest libero cursu, sed necesse est, vt  
mutuis ictibus, & repulsionibus se impendant, & re-  
tardent, tum ob asperitates figurarum, tum ob dif-  
ficilem incuruationem earum, & ob fluxilitatem ipsam  
particulæ disperguntur ad instar fumi, qui torpidissi-  
mo motu ferri, & agitari solet.

Hæc tamen tarditas locum non habet in fermentis,  
& mistis spirituosiss, & insigniter actiuiss, vt est pulvis  
nitratus à flamma accensus; De quibus in præsentī  
non agimus.

### P R O P O S. CXXXVIII.

Possibile est, vt operatio separationis humorum  
atherogeneorum simul mistorum absque vlla  
fermentatione, solummodo necessitate  
mechanica à vasorum exiguarum  
configuratione perficiatur.

Ostendimus iam, fluiditatem humorum concipi  
non posse absque actuali diuisione molis eius in  
minutissimas particulas duras, consistentes, & figu-  
ratas, quæ non tenaci nexu, sed simplici contactu  
vniuntur, ita vt vnaquælibet earum possit agitari,  
fluere, & circumuolui, quiescentibus, vel aliter  
motis collateralibus; alio enim modo saluari non  
posset

posset facilitas illa , qua fluidi partes effluunt , mifcentur , & confunduntur .

Præterea dubitandum non est, diuerfas fluidorum naturas, & proprietates pendere à diuerfa consisten- tia, structura, configuratione, & motu molecularum fluidum componentium ; ita vt molecule primò aqua componentēs sint, omnes homogeneæ , & similes inter se , atque diuersæ ab eis , quæ oleum , & alius naturæ fluidum componunt ; & proindè consentaneum est, structura , magnitudine , & configuratione differre particulas prædictorum fluidorum .

Et siquidem molecule duorum fluidorum ætheræ, geneorum fuerint æquè lubricæ , ita vt simplici contactu misceri possint, tunc mistum ex eis , vt aqua , & oleo subdiuiso in minutas particulas comparari potest confusæ miscellæ ex granis milij , & hordei . Et quia videmus , quòd hæc per cribrum separantur, pariterque per corij , & ligni poros aqua , & oleum, non verò aer transit ; & per auri poros hydrargirum penetrat, non verò aqua , oleum , aut aer . Igitur fluida prædicta separari possunt ( non minùs , quàm legumina ) ob cribri structuram à reliquis diuersis fluori- bus , quibus miscebantur absque vlla fermentatione ; eo quòd, sicut legumina per cribrum illibata transeunt, sic aqua, & oleum per ligni, aut corij poros sincera, & inalterata pertranseunt.

Quare fatendum est, necessitate mechanica contingere , vt hæc fluida penetrent , non verò illa , quia nimirum figuræ molecularum prædictorum fluidorum congruunt, adæquanturque figuris porulorum , per quos pertransire possunt, & excluduntur figuræ non congruentes alterius fluidi .

Cap: 9. De  
sanguinis  
expurgatio.  
ne in reni-  
bus.



Cap. 9. De  
sanguinis  
expurgatio-  
ne in reni-  
bus.

Modò, quia, vt plurimùm fluida inter se mista non æquè lubrica, nec eorum particulæ simplici contactu vniuntur, sed nexu adeò tenaci vinciuntur, vt ex am- babus tertia quædam moles ad instar fasciculi componatur, ex pluribus mistis fluidis tamquam ex fasciculis illud fluidum mistum resultabit diuersæ naturæ à componentibus. Et tunc negari non potest, quòd vnus cuiuslibet fasciculi mistio, & textura dissolui æquè facilè non potest, ac simplex contactus, & licèt per fermentationem talis connexio dissolui queat, tamen ostendimus, quòd simplex structura mechanica cribrosa infundibulorum ad instar radicū arborum per se sufficiens est ad opificium fermentatiuum supplendum, & ad separationem ætherogenezarū molecularum absoluendam.

Hoc autem vt clariùs percipiatur, obseruo, quòd actio fermentatiua, qua firma connexio ætherogenezarum molecularum dissoluitur, fieri non potest, nisi adsit fermentum, nempè causa motiua; modus verò operandi mechanicus est insinuatio particularum se mouentium inter connexas moleculas fasciculos componentes, quos actione cunei discindunt, & separant; & tunc oportet, vt fluidum dissoluendum in vase amplo consistat, vt dictum est.

E contra absque vlllo fermento si ipsæ moleculæ ætherogeneæ conglutinatae, scilicet ipsum fluidum mistum moueatur, impellaturque vehementer intra porositates strictas cribri, seu intra infundibula capillaria non dilatabilia, tunc planè cunei actio exercbitur inuerso ordine; solent enim cunei durissimi, & acutissimi lacerare, & dilatare poros molles, & fragiles; nunc verò ipsimet cunei fluidi, et molles patiuntur.

tur contusionem, corrosionemque in ingressu, & transitu per angustias consistentes cribri, vel infundibulorum: & idèd particulæ ætherogeneæ componentes fasciculos, seu cuneos fluidos, quantumvis connexæ, & colligatæ fuerint ab ipsismet angustijs, per quas transire coguntur, celeri impetu disiungi, & ab inuicem separari debent, eo quòd non possunt simul coniunctæ per strictissimos canales permeare.

Hæc, inquam, segregatio particularum ætherogearum fluoris misti, quæ ex necessitate transitus per angustias contingit, præclarè vices fermentationis supplet; & maiori compendio, nam fermentatio lento, & tardo motu fit, hæc verò disruptio, & separatio momento absolui potest, et eò faciliùs, quòd vehementiùs fluidum mistum per infundibula insinuat. Quare citiùs, minori apparatu, et minori labore idem bonum secretionis succorum ætherogearum acquiri potest simplici motu per angustias vasorum. Ut propositum fuerat.

Cap: 9: De  
sanguinis  
expurgatio.  
ne in reni-  
bus.

### P R O P O S. CXXXIX.

Serum à sanguine in renibus non separari per fermentationem.

Postquam copiosè egimus de compositione sanguinis, et de artificijs, quibus fluida ætherogenea ab inuicem separari possunt; iam minus dubia methodo exponere possumus, qua arte mechanica in renibus aquea serofitas à sanguine separetur.

Et primò superuacaneum duco refellere antiquatam illam facultatem attractiuam, qua renes virtute

N n

qua.

Cap. 9. De  
sanguinis  
expurgatio-  
ne in reni-  
bus.

quadam veluti magnetica allicere vrinofum humorē aliqui somniant, quia iam nullam ostendimus attractionem in natura dari, quæ iam ferè ab omnibus irridetur.

Verùm non æquali cursu actio fermentatiua transigi debet, nam insignes, et præclarissimi Viri mordicus sustinent, non posse serum vrinofum à sanguine separari, nisi à vi alicuius fermenti in glandulis renū operante. Afferam ergo rationes, ob quas huic sententiæ acquiescere non possum.

Et primò considero, quòd aqua vrinosa, licèt cum omnibus partibus integralibus sanguinis commista sit, tamen maxima eius pars in sanguinis albumine dispersa, continetur intra minimas vesiculas eius, quæ vesiculæ non videntur esse tenaces, dum sanguis per vasa animalis viuentis excurrit, quia sensu constat, substantiam albuminis esse adèò fluidam, vt non distinguatur ab aqua pura; & vt talis reputata fuit ab antiquitate. Hinc conijcitur, quòd aquæ particulæ nullo tenaci, & forti vinculo ab albuminis fluore sanguineo connectuntur, & vinciuntur, sed tantummodo simplici contactu se mutuò deosculantur, eodem modo ac particulæ aeris, vel olei per aquam dispersæ nullo forti vinculo, præter contactum cum ea miscentur. Quia verò actio fermenti est, dissoluere vincula tenacia, connectentia fluida ætherogenea: ergò vbi nulla connexio datur, frustra est actio fermenti; & proindè stultè adhiberetur fermentum in renibus, vt discinderet aquam vrinofam, ab albumine sanguineo omninò discissam, quia solo contactu neſtuntur. Sed quantumuis stricte, & tenaciter connecteretur aqua vrinosa cum sanguine, tamen absque vlla elaboratione



ne fermenti, præclare discissio, & separatio ab alia causa in renibus operante absolueretur. Quia, ut dictum est, necessitate mechanica in renibus vinculorū discissio absolui debet ob violentissimam incuneationem sanguinis fluidi intra strictissimas fistulas arteriarum, in glebas renales desinentium: ergo stultè egisset natura, si ibidem apposuisset fermentum, ut nil ageret, vel saltem ut prolixo, difficili, & infano labore sudaret, ut discissionem perficeret, quæ compendiosissimè effici poterat.

Cap. 9. De  
sanguinis  
expurgatio.  
ne in reni-  
bus.

Præterea dato, quòd fermentum in glandulis renalibus appositum fuisset (licet ibidem non appareat) & deficeret causa mechanica superius enarrata; nihilominus fermentatiuam discissionem feri vrinosi à sanguine efficere non posset. Primò, quia in angustissimis strictissimis pororum glandularum renalium esset impossibile, ut fierent commotiones, contorsiones, rarefactiones, & ebullitiones illæ, quibus carere motus fermentatiuus non potest.

Secundò demus quoque, glandulas renales amplā capacitatem habere, ut commodè motus fermentatiuus fieri possit; adhuc est impossibile, ut talis actio fermentatiua exerceatur. Quia sanguis celerrimo, & continuo motu, ad instar rapidi torrentis, ab arterijs circulatur intra glebas glandulosas renum: ergo sanguis non moratur in prædictis glandulis, sed per eas transit veloci cursu, qui si continuus non esset, absolueretur saltem tempore vnius pulsationis Cordis; At quia, quando cor post pulsationem quiescit, tunc arteriæ motu peristaltico sanguinem exprimunt, & promouent, ut dictum est: ergo fluxus sanguinis per renes est continuus, & velox; Quare nil prorsus ibi-

Cap. 9. De  
sanguinis  
expurgatio-  
ne in reni-  
bus.

dem moratur, at in tali momentaneo transitu motus fermentationis turbatius effici non potest, vt ostensum est: ergo est impossibile, vt in glandulis renalibus à vi fermenti fiat elaboratio separatoria feri vrinosi à massa sanguinea.

Id ipsum euincitur ex eo, quòd subitò post largam potationem vrina copiosè excernitur, & proindè tam citò grandis illa, & proluxa fermentatio non percipio quomodo fieri possit; quòd si hoc est impossibile in vasis amplis, vt dictum est, multò difficilius in poris glandularum renū tanta sollicitudine absolui poterit.

Imposuisse mihi videtur fermentatio, quæ in stomacho, & in abscessibus glandularum fieri solet. At non aduerterunt viri præclari, quòd ibidem fermentatio in locis capacibus, nedum longa mora succorum mistorum cum fermento, sed ipsis stagnantibus, absoluitur; At in renibus, & in reliquis glandulis non obstructis talis fermentatio est impossibilis, quia in momentaneo transitu sanguinis, ad instar fulminis, fermentatiuus motus confici non potest.

#### P R O P O S. CXL.


Serum vrinofum à sanguine in renibus separatur necessitate mechanica à vasorum angustia, & configuratione.

Declarari modò debet vniuersum opificium mechanicum, quo natura in renibus vtitur. Et primò datur causa efficiens separationis feri à sanguine, quæ est impulsio, & motus vehementissimus sanguinis per

arterias emulgentes, de cuius existentia nemo dubitat, cùm fermentum in opinione hominum solummodo existat.

Cap. 9. De sanguinis expurgatio. ne in renibus.

Secundò, ad oculum patent angustix arteriarum, capillarium, & pororum glebarum renalium: quæ angustix cum momentaneo transitu sanguinis per eas, sicut vetant, & destruunt actionem fermentatiuam, sic mirificè cõferunt ad discissionem sanguinis in suas partes; quantò enim celerius, & vehementius cunei sanguinei impelluntur, tantò facilius in particulas minutas diffinguntur; & proindè aquæ vrinosæ partes discissæ à sanguineis, quibus simplici contactu vnitæ erant, effunduntur intra poros, & interstitia glandularum renalium. At tunc quis capiet à virtute aliqua magnetica, aut fermenti tamquam à ministro oculato feligi, & separari partes sanguineas ab aqueis, & reponi in receptaculis separatis? Certè nisi insomnia, & præstigia captare velimus, fateri tenemur, quòd occurrunt duo ordines foraminum ad instar cribri, venosa scilicet, quæ excipiunt sanguinis particulas solummodo ob proportionatâ cõfigurationem, non aqueas; & vasa renum propria, quæ figuras accommodatas habent ad absorbendas aqueas, non sanguineas particulas. Et hæc operatio passim à natura exercetur in plantis, vt dictum est: Et iam aliqui assertores fermentitij succi in renibus, ab ipsa veritate coacti, hanc postremam partem admittunt.





Cap. 9. De  
sanguinis  
expurgatio-  
ne in reni-  
bus.

## P R O P O S. CXLI.

Contrariæ sententiæ afferuntur , & reiſciuntur .

Vt exactiùs theoria ſuperiùs à nobis expoſita confirmetur, erit opéra pretium obiectionibus ab alijs adductis ſatisfacere .

Et primò clariffimus Neotericus ait , ſanguinis præcipitationem fieri à vi alicuius coaguli, ſerum à ſanguine ſeparante , non ſecùs ac ſerum à lacte vi  
„ coaguli acidi ſecernitur. Ratio eius eſt: quia diure-  
„ tica ſunt eiufmodi , quæ & lacti coagulationem  
„ inducunt; ideòque, quia ſanguinem fundendo, plus  
„ præcipitant, largam vrinæ profuſionem inferunt .

Et quis non videt, obſcuritatem huius contextus oriri ex familiari philoſophandi methodo Chimi-  
corum , quibus ſatis eſt vocabula illa metaphorica fu-  
ſionis , & præcipitationis in medium afferre : Nec ſolliciti ſunt de modo ; & artificio mechanico , quo talis fuſio , & præcipitatio efficiatur ; vt inde dignoſcatur , an propoſito negotio adaptari poſſint .

Demonſtrandum ſibi propoſuerat Auctor, vrinam à ſanguine ſeparari in renibus actione fermentatiua ; ad hoc præſtandum aſſumit , quòd Diuretica actione fermentatiua vi coaguli in renibus longam vrinæ profuſionem inferunt : hoc autem quomodo probat ? Quia , inquit , eadem diuretica , quæ ſerum à lacte ſciungunt , paritèr vrinam à ſanguine ſeparant . Sed quid inde colligit ? Ait, in lacte diuretica coagulationem , ſcilicet concretionem inducendo ſerum ab eo ſeparant . Hoc planè verum eſt : At dicat quæſo, diu-  
reti-

retica nè sanguinem coagulando, scilicet condensando, separant ab eo vrinam? Non planè, immò ipsemet concedit, quòd fundendo sanguinem, seu liquidiorē reddendo, largam vrinæ profusionem inferunt. Quare ex eius confessione, diuretica non eadem actione fermentatiua, quam in lacte exercent, sed alia longè diuersa vrinam à sanguine separant: ac proindè inferre non licet, quòd separatio vrinæ fiat opere fermentatiuo.

Præterea, superflua, & frustranea, imo noxia esset ramificatio vasorum in renibus, ad instar radicum arborum; nam facillimè in vase amplo ope coaguli serum à lacte separatur; cum è contra in fistulis subtilissimis sit ferè impossibilis talis operatio absque mora, & momentaneo transitu; nam ob vasorum angustiam, succus fermentatiuus insinuari non potest ferè in instanti intra molem lactis, vt vesiculas spumosas eius laceret, nec ipsæ partes lactis in stricturis illis moveri possint recedentibus aque particulis à glutinosis, quare dissolui non potest structura spumosa lactis, & proinde nec coagulatio viscosarum, nec congregatio aquearum fieret.


Si postea nomine coaguli abuti velit, & sibi repugnando dicat, præcipationem sanguinis fieri non coagulando, vt lac concrescit, sed eodem modo, quo ex musto, & vrina fœces separantur ab iisdem fluoribus liquidis, & in fundo vasis congregantur, semper tamen remanet illa insuperabilis difficultas angustiarum canaliculorum renum, in quibus motus separationis, & congregationis fœcum fieri non potest, nisi forsan prolixo tempore, non in transitu velocissimo, quo sanguis per renes excurrit.

Cap: 9: De  
sanguinis  
expurgatio.  
ne in reni-  
bus.

Cap. 9. De  
sanguinis  
expurgatio-  
ne in reni-  
bus.

Postea, licet talis operatio esset possibilis, semper exigerentur alij canales capillares, quorum orificia, talis figuræ essent, quæ aqueam vrinam, non verò sanguinem exciperent; & contra alij, qui sanguinem, non aquam, absorberent. At si hoc necessario admitti debet, & aliundè talis structura vasorum capillarium absque vlla fermentatiua præcipitatione sufficiens est per se ad seligendas, & separandas partes aqueas vrinæ, relictis sanguineis, eadem facilitate, qua sudores per poros cutis effluunt, relictis sanguineis particulis, quibus commisti fuerant in venis, ad quid perditio tam laboriosi, & inutilis apparatus, & opificij fermentationis?

Porro, quando ait, quòd Diuretica sunt eiusmodi, quæ lacti coagulationem inducunt. Quia patet, sanguinem non condensari, vt lac concrefcit, fatendum est, incertam esse, & inexploratam vim, & operationem diureticam, quam varijs rebus Medici tribuunt. Et si vera est forsan alibi, quàm in renibus, & aliter operando, talem vrinæ copiam effundunt; & sic afferatur, vt causa ea, quæ causa non est talis effectus; scilicet fieri potest, vt illa, quæ vim diureticam habere dicuntur, dissoluant, & fundant concretiones pituitosas in poris carniū existentes, aut deobstruant vias, vt aquei succi percolari possint intra venas, & deinceps structura vasorum renum per se valeat vrinam exugere, & effundere.





## P R O P O S. CXLII.

Alia Obiectiones resoluuntur.

Cap: 9: De  
sanguinis  
expurgatio-  
ne in reni-  
bus.

Accedo modò ad alias obiectiones à Clarissimo  
Anathomico contra nostram sententiam conscriptas.

Is confidenter pronunciat, obscurissimum esse artifi-  
cium, quo vrina in renibus separatur; licet ( inquit )  
glandularum (renum nempè) ministerio totum hoc  
subsequi rationi sit consonum, quoniã tamen mini-  
ma (nempè indiuidualis) illa, simplexque meatuum  
in glandulis structura nos latet, ideò quædã tantum  
meditari possumus, vt huic quæsito probabiliter sa-  
tisfaciamus: Necesse est, hanc machinã interna con-  
figuratione separationis opus peragere; an verò ijs,  
quæ ad humanos vsus vsurpamus, quibus ferè cõfi-  
milis effingimus, consonet, dubiũ; licet enim occur-  
rant analogæ spongiæ, incerniculi, fistularum, & cri-  
brorũ structura, cui tamen ex his consimilis vnde-  
quaque sit renũ fabrica, difficillimum est assignare,  
& cum naturæ operandi industria facundissima sit,  
eiusdẽ ignotæ nobis reperientur machinæ, quas nec  
mente quidem assequi licet.

Vt verò videamus, an obscuritas sit in re ipsa, an  
in verbis, proponi debet status quæstionis. Quæritur,  
quo artificio, & quibus organis vrina à sanguine in  
renibus separatur, scilicet an per fermentationem, vel  
potiùs per excerniculum renum, an vtroque modo.  
Et patet, quòd author in hoc textu refellere conatur  
secundam sententiam, quam expressè videtur affirma-  
re, dum eam negat. Ait enim: necesse est hanc machi-

Cap. 9. De  
sanguinis  
expurgatio-  
ne in reni-  
bus.

» nam ( renum scilicet ) interna configuratione sepa-  
» rationis opus peragere. Dicat, quæso, interna renum  
co nfiguratio potest nè esse aliud, quàm meatuum figu-  
ra ? igitur ipsemet concedit id , quod refellere cona-  
batur, quandoquidem nouit necessitatem talis opera-  
tionis . Sed, inquit; exacta, & præcisa meatuum stru-  
ctura nos latet, scilicet an sint rotundi, vel angulares.  
Quid ad rem ? sufficit nosse , quòd vrinæ separatio  
fiat expressione per foramina renum , de hoc enim so-  
lummodo dubitabatur. Sicuti pannum, cutim, & car-  
nes ad instar cribri porosa esse , & per ea humores  
penetrare , licèt ad oculum non pateat, tamen suade-  
tur à signo certissimo , nempè, ex eo quòd videmus,  
aquam, & sudorem per cutim penetrare, & sanguinem  
per carnes transire, & à venis excipi. Hoc pendet ex  
præiudicio , quòd corpora se mutuò penetrare non  
possunt; ideò ex transitu aquæ vltra pannum , vel pel-  
lem, necessari è euincitur, crebris foraminibus peruiam  
esse, & per ea aquam effluxisse .

Quòd postea ob diuersitatem figurarum foramina,  
aliqua excipere possint hoc fluidum , non verò illud,  
suadet quoque à signo euidentissimo; Nam videmus  
per cutis poros sudorem aqueum , non verò sangui-  
nem, cui prius commistus fuerat , & aquam per ligni  
poros penetrare , non verò aerem, aut mercurium, &  
per vesicam pelleam aquam, & hydrargirum permea-  
re non verò aerem , & per aurì poros hydrargirum,  
non aquam insinuari , & in renibus per fistulas vri-  
nosas aquæ serositas absque sanguine penetrat , cum  
in venis purus sanguis excipiatur . Hinc concludere  
licet, necessitate mechanica ob structuram orificiorum  
vasorum ad instar cribri, fieri talium succorum æthe-

roge-

rogeneorum separationem : quod euincitur ex eo ,  
 quòd fluida non constant ex particulis indiuisibilibus,  
 fed ex corpusculis quantis, figuratis, & duris, quæ per  
 sibi proportionata foramina solummodò transire pos-  
 sunt, non per ea , quæ diuersa figura excauata sunt ;  
 quare licèt ob insignem minutiem, figuræ molecularū  
 fluidorum , & porositarum inuisibiles sint, nec conspi-  
 ciatur secretio fluidorum , necessariò tamen conce-  
 dendæ sunt, cùm à signo euidentissimo, scilicet ab effe-  
 ctu penetrationis iam dictæ, earum existentia satis , su-  
 perque euincatur .

„ Sed instat : Naturæ operâdi industria fecundissima  
 „ est, eiusdem ignotæ reperientur machinæ, quas nec  
 „ mente assequi licet .

Et profectò verissimum est, ignorare nos innumeras  
 Naturæ sapientissimæ operationes , quas reconditas  
 esse voluit : at eas, quas in propatulo posuit , tantum  
 abest , vt multiplicibus, & varijs machinamentis dele-  
 ctetur , quòd è contra simplicissimis, facillimis , & sin-  
 gularibus modis , & organis operetur . Vnico enim  
 modo plantas vegetare videmus , nempè succum nu-  
 tritium per radices è terra exugendo . Vnico modo  
 animalia nutrire, per os alimenta ingerendo , & per  
 ventriculum , & intestina digerendo . Nullum animal  
 sine corde vitam ducere videmus . Nullum motum  
 localem absque fibris, & musculis exerceri ; vt proin-  
 dè non varietate , & multiplicitate organorum , sed  
 vnico tantum artificio , & simplicissima machina , vt  
 materiæ necessitas exigit semper consimiles operatio-  
 nes exequatur . Si igitur consuetudo naturæ inuaria-  
 bilis est, operando semper simplicissimis , compendio-  
 sis, & necessarijs modis , & aliundè necessitate con-

Cap. 9. De  
 sanguinis  
 expurgatio-  
 ne in reni-  
 bus.



Cap. 9. De  
sanguinis  
expurgatio-  
ne in reni-  
bus.

figurationis per proportionata , & conformia foramina moleculę fluidorũ penetrare possunt , & excludũtur ab assimetris; cũ videamus serum aqueum in fistulis vrinosis excipi , & sanguinem ab eisdem excludi , fatendum est iuxta hanc vnicam legem necessitatis operari Naturam in renibus.

Nec dicas, multoties Naturę luxus in floribus , & in plantis oberuari, nam ipse potiũs es , qui falleris , aut ludis, eo quod natura semper seriò agit; numquam digreditur ab instituto operę , semper breuissimam , simplicissimamque operationem exequitur . Et si aliquando ludere videtur, consuetas actiones relinquendo , hæc ipsa variatio oritur ex superueniente noua necessitate materiali, cui ob diuersam exigentiam tenetur natura obtemperare . Quapropter naturam nunquam spontè ludere, nec varietatibus delectari fatendum est .

Ex his omnibus colligere licet , quod quotiescunque necessitas alicuius operationis percipitur , ita vt ob materialem , & mechanicam necessitatem non possit aliter se habere , tunc fatendum est, Naturam procul dubio iuxta eas leges necessitatis operari. Et è contra, eo ipso , quod natura aliquam operationem exequitur, tenemur affirmare, quod talis actio sit simplicissima iuxta leges necessitatis materiales , & mechanicas facta; quæ præterea est impossibile, vt aliter, aut melius fiat .

Cũ porrò videamus feri aquei particulas ( quæ duræ , & figuratæ sunt , vt iam ostendimus ) excipi, & percolari per fistulas vrinosas renum , sanguinis verò corpuscula excludi ab eisdem , tenemur affirmare, necessitate materiali , & mechanica vrinæ moleculas à

præ-

prædictis vasis excipi, & esse impossibile, vt sanguinis particulæ ab eisdem vasis admittantur.

Cap. 9. De  
sanguinis  
expurgatio-  
ne in reni-  
bus.

Hæc autem necessitas (postquam fermentatio reiecta est, vt difficilis, & impossibilis) quæ nam alia esse potest, quàm similitudo figurarum inter vasa, & moleculas priores, & assimetria posteriorum? Nulla certè, nisi spontè ambages, & tenebras nobis inducamus digrediendo à regia via philosophandi.

„ Subsequitur postea Author. Illud miror, tam co-  
„ piofa, diuersaq; corpora per has glandulas separari  
„ in Naturæ statu (sanitatis potius) exit enim substan-  
„ tia aquea cū salinis sulphureis, & consimilibus par-  
„ ticularibus; & ex morbo etiam abscessuū reliquæ, & to-  
„ tius aliquādo corporis inquinamenta, detentis san-  
„ guineis partibus; quæ & ipsæ plures sunt nec vnica  
„ fortasse forma constantes; & tamen minimā, & sim-  
„ plicissimam, vt putò harum glandularū structuram,  
„ Natura efformauit.

Et primò, quòd aqua auidissimè corpuscula salina excipiat, & arctè retineat intra eius porositates, vel interstitia, constat experientia; quòdque prætereà figuræ guttularum aquæ dulcis non alterentur à salibus intra eius poros receptis, suaderi potest ex eo, quòd per easdem porositates, per quas dulcis imbibitur, etiam aqua salibus grauida ingreditur: sic videmus per duri ligni, & carniū poros æquali facilitate aquam inspidam, & salsam insinuari, vt internæ partes trabis in mari natantes salibus impregnentur; non sic penetrant lignum aliæ tincturæ, & pigmenta aquæ admixta. Vnde mirum non est, vt nam salibus grauidam per fistulas vrinosas penetrare posse, non verò sanguinem; & ob angustiam

in-

Cap. 9. De infundibulorum atterialium sanguinis particulas dis-  
 sanguinis iungi à sero aqueo, non verò sales; eò quod illæ  
 expurgatio. valdè differunt ab aquæ structura, & configuratione:  
 ne in reni- hæ verò tam exactè in aquæ poros insinuantur, vt con-  
 bus. figurationem externam guttularum aquæ prorsus non  
 alterent.

Quòd postea in statu morbofo abscessuū reliquæ,  
 & alia inquinamenta corporis cum sero mixta, deten-  
 tis partibus sanguineis, mingantur, mirum non est,  
 nam tunc figuræ fistularum renalium, aut lacerari, aut  
 plus iusto dilatari possunt: ex quo fit, vt alia corpo-  
 ris inquinamenta, quæ constant ex moleculis minu-  
 tioribus, admitti possint ab ampliatis canalibus, qui  
 cum retineant eandem configurationem rotundam,  
 verbi gratia, incommensurabilem, & diuersam à ra-  
 mosis figuris molecularum sanguinis, non secus, ac  
 antea sanguinem non excipient. Sicuti videmus in  
 cribro, quòd ex foraminibus eius rotundis ampliatis, ne-  
 dum milij semina, cannabis, lini, auiciæ, sed arenam, &  
 ramenta angulosa minutiora, quàm est milium, exire  
 possunt, non tamen hordei grana maiora, & oblonga  
 ab eisdem foraminibus excipi possunt, licèt parumper  
 ampliatis.

Sed mirari satis non possum, quòd is, qui obscu-  
 rissimam reputat separationem feri in renibus, &  
 eiusdem transcolationem, quia foramina vasorum  
 conspici nequeunt, licèt ab effectu, & à signo eui-  
 denti confirmentur, postea tam confidenter pronun-  
 ,, ciet, se obseruasse interdù, plus iusto colliquato, &  
 ,, ebulliète sanguine vi prægressi motus, vel agitatio-  
 ,, nis vehementis, vrinam reddi sanguineā, subsidente,  
 ,, & grumescente sanguine. Et vndè nā, aut quomodo

ob-



obſervare potuit à motu vehementi plus iuſto colli-  
quari, & ebullire ſanguinem? cùm nunquam ſanguis  
per cicatrices, aut per ſclectotomiam educus, poſt cur-  
ſum, aut corporis concuſſionem ebulliat, ferueat, aut  
magis liqueſcat, ſolummodo à nimio potu dilutior eſſe  
ſolet. Credibile potiùs eſt, à vehementi corporis agi-  
tatione, & concuſſione diſrumpi venulas aliquas ca-  
pillares, & ſic intra peluim renum, aut intra canalem  
penis guttæ aliquæ ſanguinis effuſæ, vrinam tingere  
poſſunt, quod ab hiftoria eiufdem Authoris confir-  
matur, ait enim in his ſanguinis portiones ad teſtes,  
aliasque partes noua ſibi facta via, tumores excitaſſe;  
Hoc planè indicat rupturam vaſorum, non ebullitio-  
nem ſanguinis.

Cap: 9: De  
ſanguinis  
expurgatio-  
ne in reni-  
bus.

Obſeruat poſteà Clariffimus Author, quòd ſingulis  
excretis cum vrina conſimiles partes remanent in ſan-  
guine, & proindè eorundem ſalium, & excremento-  
rum aliquæ partes à fiſtulis vrinofis excipiuntur, aliæ  
verò ſanguini admixtæ excluduntur, ex quo innui poſ-  
ſe videtur, quòd hoc non cõtingeret, ſi ex configu-  
ratione vaſorum talis vrinæ ſeparatio in renibus fie-  
ret, eo quòd ijdem ſales, nec non fiſtulæ renum vni-  
ca, & eadem figura donantur, & propterea, aut omnes  
cum vrina excernerentur, aut omnes cum ſanguine  
remanerent.

Huic difficultati fieri ſatis poteſt ex mechanico ar-  
tifici, quo ſanguis in renibus expurgatur.

Cogita rotã Torrentis aquã inquinari à limo, & ad-  
latus eius a deſſe puteum, in quo aqua excepta depur-  
gari poſſit, percolando per glaream, tamquam per cri-  
brum: tunc non à tota aqua Torrentis ſeparabuntur  
limoſæ ſordes, ſed tantummodo ab illa portione,  
quæ

Cap. 9. De  
sanguinis  
expurgatio-  
ne in reni-  
bus.

Quæ in diuerticulum putei excepta fuit. Sic sanguis torrentis arteriæ aortæ, inquinatus à sero aquoso, & salibus; & illius minima pars à recto cursu deuiat subintrando intra euulgentes arterias, vt in renibus expurgetur à fordibus aqueis, & salinis. Quare in vnica sanguinis circulatione vna pars decima totius massæ sanguinæ expurgatur, vt ostensum est. Et licet multoties repetatur circulatio, remanebunt tamen aliquæ sanguinis partes, quæ per renes spatio vnus diei non transibunt, in quo tempore intermedio sales cum sanguine sua munia in diuersis partibus animalis exercere possunt. Itaque ratio, quare plurimi sales, & serosi succi remanent intra sanguinis substantiam, non est, quia ob defectum exaltationis non separantur, nec liberantur à nexibus sanguinis, & ideò excipi non possunt à fistulis renalibus, sed est potius, quia per renes non transeunt. Quo percepto cessat omnis admiratio.

Præterea in hoc negotio locum habet etiam varia compositio molecularum, possunt enim plures, & variæ particulæ cum alijs misceri, vt valdè difformes moleculas componât. Hoc experimur in vulgari aqua forti, quæ ingredi, & penetrare per Argenti poros potest, non verò per Auri porositates; At addito sale Ammoniaco, figuras molecularum aquæ illius corrosivæ tam variè commutat, vt è contra per Auri quidem poros, non amplius per argenteos caniculos penetrare queat. Immo absque vlllo additamento sufficit varia partium dispositio, & situatio, vt figuræ molecularum diuersissimæ resultent, quod plurimis experimentis patet. Sic fieri potest, vt salinæ, & tartaræ particulæ ne dum sero aqueo, sed etiam sanguineis

moleculis includi, & misceri possint. Hinc fieri potest, ut salinæ particulae, sanguinis moleculis inclusæ non alterent externam sanguinis configurationem, sicut aqueam non commutant, & sic excipi nequeant ab vrinosis fistulis, impeditæ à veste sanguinea, qua induuntur, & contra à venis recipi poterunt.

Cap. 9. De  
sanguinis  
expurgatio-  
ne in reni-  
bus.

„ Tandem Clarissimus Author concludit: quod in  
„ renibus ea tantum separantur, & veluti inutilia excer-  
„ nuntur, quæ liberiora, & plus iusto exaltata ab in-  
„ testina fermentatione à cæteris penè seiuncta effluunt  
„ necessariò. Vnde ad separandam urinam, præter re-  
„ nū structurā, perpetua concurrit sanguinis fermenta-  
„ tio, qua solutæ, & liberiores redditæ salinæ, & aqueæ  
„ particulae, facilius occurrente structura excipiuntur,  
„ & à residuo separantur.

Et hinc iam tenemus sententiam Clarissimi Authoris clare expressam, & confidentissimè prolatam, quod scilicet per fermentationem, & canalium aptam configurationem separatur, & excernitur urina in renibus. Et quia non est obscurissimum, id quod confidenter pronunciatur, saltem, ut probabile oportet, ut Author reputet, tale artificium ignotum, & obscurissimum esse alijs, non sibi ipsi.

Sed utcumque sit. Puto, me perspicuè probasse, quod requiratur nec perpetua, nec interpolata fermentatio, ut disiungatur, separeturque urina à sanguine. Non tamen nego illam motionem, quæ in omnibus concretis exercetur per intestinum motum partium eius se mouentium, per quam non alteratur species nec forma mixti.

Sed falsam reputo hanc peculiarem separatiuam fermentationem, quæ solummodo firmam connexionem



Cap. 10. De Hepatis usu nem, & conglutinationem vrinæ, & sanguinis dissolvere valeat.

Quia, ut ostensum est, nè dum difficilis, & inutilis, sed etiam impossibilis est agitatio fermentatiua in angustissimis fistulis, & in transitu momentaneo: & è contra talis separatio suppleri potest necessitate mechanica ab incuneatione sanguinis impetu velocissimo intra fistulas capillares arteriæ emulgentis.

## C A P V T X.

### *De Hepatis usu.*

**I**Nter Officinas internas animalis nullam magis famosam inuenies ipso Iecore: de ipso, eiusque usu tum antiqui, tum recentiores copiosissimè scripserunt. At ego, ut soleo breuiter commemorabo, quæ ab alijs tradita sunt, adnotando aliqua, quæ dubia mihi videntur, & adducendo aliqua ab alijs non animaduersa.

## P R O P O S. CXLIII.

Memorantur ea, quæ præclari Scriptores de structura, & usu Hepatis tradiderunt.

Summis laudibus extollendas esse censeo præclaras obseruationes, tum ab antiquis Anatomicis factas, tum exactissimè à Viris Clarissimis Glissonio, Vuartono, Vuillisio, & Malpighio, à quorum diligentia detecta est Iecoris structura; quòd scilicet in ipso dispergatur, & ramificetur vena Portæ, quæ ibidem  
mu-

munus arteriæ supplet exprimendo, & eructando sanguinem per innumerabiles capillares fistulas, non secus ac Aorta profundit sanguinem per arteriolas ramificatas per corpus vniuersum animalis . Pariterque sicut in renibus, sic in Hepate occurrunt duo ordines vasorum capillarium, venæ cauæ nempe, & pori biliarij . Addit etiam Clarissimus Malpighius glandulas, in quibus implicantur, & radicantur prædicta vasa capillaria triplicis generis . Clarissimus Vvillis addit quartum genus vasorum nerueorum, præter rami arteriæ hepaticæ . Insuper Cl. Bartolominus ibidem apponit vasa lymphatica .

Cap. 10. De  
Hepatis vsu

Vsum prædictæ officinæ esse sanguinis confectionē aliqui credunt; alij depurationem, vel quia ei additur bilis fermentum, vel quia ab eodem sanguine separatur bilis, vt excrementum inutile .

#### P R O P O S . CXLIV.

Glandularum structura, & mechanicus earum operandi modus exponitur .

Quòd glandulæ aliquæ sint officinæ, in quibus succi aliqui fermentatiui elaborentur, & componantur, negari non potest, qui postea mirabiliter inferuiunt æcomiæ animalis pro maceratione ciborum, pro confectione chili, sanguinis, & spirituum: At quòd omnes glandulæ sint penuaria, & officinæ succi fermentitij videtur incredibile. Quia lobuli glandularum videntur eundem vsum habere, quàm Glebæ, in quibus radices capillares plantarum sparguntur, easque strictè amplectuntur, & in interstitijs arenularum

Cap. 10. De  
Hepatis vfu

glebæ hiantia orificia insinuantur, ad instar hirudinum, vt succum ibidem existentem absorbeant. Differunt verò lobuli glandularum animalium à glebis, seu glandulis plantarum, quia hæ vnus generis vasa habent, scilicet ea tantum, quæ succum nutritium absolvere possunt; At glandulæ sunt fasciculi complectentes extremitates trium, vel quatuor diuersorum generum vasorum, scilicet arteriarum, quæ deferunt, & eructant sanguinem ad instar pluuiæ intra omnes loculos, & diuersiculos glandulæ; Secundò neruorum, qui succum spirituosum ibidem effundunt, & aliquando ab ipsa glandula aliquid excipiunt. Tertiò vasorum excretoriorum, quæ à sanguine eructato secernunt, & excipiunt succum aliquem excrementitium eliminandum; vt in renibus vrina separatur, vel fermentum vtile, quòd transportatur in alias officinas animalis; Quartò venarum, quæ sanguinem, aut expurgatum à sordibus, aut ditatum nouis prouentibus exugunt, reducuntque ad maximum flumen venæ cavae.

Et primò aduerto, quòd natura cogitur radices capillares plantarum spargere in diuersas partes glebarum, vt colligant succum nutritium, qui non in vnico loco existit, sed dispersus est in locis diuersis, reconditurque in interstitijs glebarum. Insuper hac ramificatione aliud compendium consequitur. Natura; fulciuntur enim flexibilissimæ, & molles illæ capillares radices, ne concidant, aut comprimantur, claudanturque, & ne à debitis locis recedant.

Sed maiori, & magis accurata solertia multiplicia vasa in glandulis distribui, & fulciri debuerant; nam vasa capillaria sanguinem, & alios succos afferentia,

& ad.



& ad instar pluuiæ omnes recessus glandularum irrigan-  
 tia, non poterant mutuis anastomasis cum venis, &  
 vasis excretorijs vniri, & deosculari. Si enim arterio-  
 læ cum venis continuarentur, neque admisceri, nec se-  
 parari quicquam à sanguine posset. Et ideò frustra  
 constructa fuisset officina glandulæ, frustra ibidem  
 arteriæ, & venæ propè nervos, & vasa excretoria  
 ramificata fuissent in fistulas capillares. Postea si arte-  
 riæ coniunctæ fuissent per anastomases cum vasis ex-  
 cretorijs, non posset sanguis excipi à venis. Itaque,  
 vt hæc incommoda vitentur, necesse est, vt arterialis  
 sanguis, & alij succi aduenientes, & glandulam irri-  
 gantes, euomantur, reponanturque in aliquo loco  
 tertio, veluti penuario separato à vasis deferentibus,  
 & excipientibus. In tali, inquam, tertio loco præclare  
 possunt succi aduenientes commisceri per minima,  
 quia vbique, scilicet in singulis poris glandulæ conue-  
 niunt exilissimi canaliculi afferentes succos ad instar  
 pluuiæ, & deinceps à tali miscella commodè possunt  
 vasa excretoria excipere succum sibi conuenientem, &  
 venæ suscipere purum sanguinem, prout necessitas si-  
 militudinis configurationum exigit.


Dubitatur modò, an supradicti loculi, seu pori glân-  
 dularum nil agant, & merè passiuè se habeant, non  
 secus, ac vrceoli solummodò excipiant succos prædi-  
 ctos; an potius sint penuaria fermentitia, quæ alte-  
 rent sanguinem in ipso transitu. Et sanè vtrumque  
 officium præstare aliquas glandulas credibile est, vt  
 sunt illæ, in quibus chylus, sanguis, & spiritus ela-  
 borantur, & perficiuntur. Harum tamen glandula-  
 rum substantiam spongiosam, non puto similem fore  
 massæ farinæ fermentitiæ, vel ligno dolj acetosi,  
 quæ

Cap. 10. De  
Hepatis usu

quæ aciditatem conferunt aliæ massæ, vel vino ibidem adiunctis: nam talis actio fermentatiua requirit moram aliquam, nec absolui potest in transitu momentaneo sanguinis per dictas glandulas. Addo, quod à continuo fluxu rapidissimo sanguinis ablueretur, asportareturque succus ille fermentatitius; & proinde virtus illa maceratiua semper magis, ac magis debilitaretur, & tandem omninò extirparetur, & euanesceret, vt videmus, quod dolium acetosum à continua aquæ fontis affusione absterfa acrimoniam prorsus amittit.

Potius ergo suspicor, quod in glandulis à nervis, & alijs vasis continenter subministrantur succi fermentitij, qui non secus, ac condimenta minimis particulis sanguinis miscentur, & simul cum illis asportantur, & hac ratione fermentationes in glandulis animalis fieri posse, verisimile mihi videtur.

An glandulæ illæ, quæ solummodò separare debent succos excremētitios à sanguine, non puto, quod indigeant vlllo fermento: possunt enim faciliùs fluores æthorogenei ab inuicem disungi necessitate mechanica ab incuneatione per angustissima foramina, & postea ab inuicem separari à duplici ordine vasorum, conformibus orificijs ipsis fluidis excuatorum, vt dictum est.



## P R O P O S . CXLV.

Cap. 10. De  
Hepatis vfu

Bilis ex sanguine in Iecore separari potest artificio  
mechanico absque auxilio alicuius  
fermenti .

Quòd verè succus biliosus in hepate ex sanguine  
per eius vasa transeunte separetur , dubitari am-  
plius non posse videtur ; cum hoc suadeant eiden-  
tissimæ experientiæ Neotericorum Anatomicorum .  
Solummodò dubitari posset , an talis separatio in  
hepate fiat opere fermentatiuo , an verò necessitate  
mechanica per incuneationem, & cribrationem in va-  
sis venæ portæ exilissimis , & in poris glebarum , seu  
glandularum Iecoris , sicuti in renibus vrina à sangui-  
ne disjungitur . Ratio , quæ fermentationem suadet,  
duplex est : primò enim particulæ biliosæ videntur  
arctissimè complexæ à sanguine venæ portæ , non verò  
vnitæ per simplicem contactum , quod conijcitur , ex  
eo quòd in Oximelle acetū melli commixtū contactu  
simplici pungit sua acrimonia gustus organum ; at in  
sanguine abdominis succus amarissimus , biliosus ,  
non percipitur à lingua , & ideò oportet , vt asperitas  
eius corrosiva amarissima contundatur, implicatis nè-  
pè eius aculeis inter glutinosas partes sanguinis , sicut  
acetum distillatum à plumbo, & corallium calce dul-  
cificatur .

Secundò sanguis in Iecore non velocissimo motu ,  
vt ab arterijs in renibus eiacularur , sed lentissimo  
cursu à vena portæ exprimitur, vt dictum est; si igitur  
fortis connexio diuturno tempore dissolui solet à vi  
ali-




Cap. 10. De Hepatis usu alicuius fermenti, non videtur improbable, quòd natura opificio fermentatio bilem à sanguine separaret in Hepate.

At melius consideranti difficillima, & inuerisimilis apparebit talis fermentatio, quia oporteret, ut in glandulis Iecoris resideret succus fermentitius eiusdem naturæ, scilicet æquè amarus, ac bilis est, vel aliundè deportaretur. Vtrumque ab experientia refellitur: nam substantia glandulosa Iecoris est dulcis, & suavis saporis. Et vasa aliundè bilem in Iecur deferentia nusquam apparent. Præterea in vasis venę portæ, & in poris strictissimis glandularum Hepatis, videtur difficilè, ut in motu transitorio sanguinis absque vlla quiete conturbatio, & ebullitio fermentatiua fieri possit.

E contra pro mechanica operatione omnia bellè militant; nam adest vis motiua, quæ est impulsio sanguinis facta à compressione abdominis, & ab aere inspirato. Adest motus continuus sanguinis: adsunt subtilissimi canales Portæ, & pori glandularum, non desunt duo ordines vasorum receptioni destinatorum. Ergo nemo negabit esse possibilem; & insuper faciliorem; & ideò potiùs mechanico opificio, quàm fermentatiuo opere secretionem bilis fieri credibile est.

Postea, ut conijcere possimus, an ab integra massa sanguinea per magnam arteriam diffusa, & à vena cava collecta separaretur succus biliosus in hepate, præmitti debent sequentia Lemmata.



## P R O P O S. CXLVI.

Cap. 10. De  
Hepatis vſu

Totius maſſæ ſanguineæ, in vnica eius circulatione, ſolummodo vna pars, quæ minor eſt vigefima quinta illius per Iecur tranſit.

Quia in venā portæ non alius ſanguis ingreditur, & exit tempore, quo vna circulatio ſanguinis per cor abſoluitur, præter eum, qui per arterias Meſentericam, & Cæliacam immittitur. Suntque diametri Meſentericarum arteriarum, non maiores vna quinta parte diametri trunci maximi Aortæ è corde prodeūtis; et orificia circularia duplicatam proportionem habent diametrorum. Ergo orificia Meſentericarum proximè vnā vigefimā quintā partem aperturæ maximi trunci Aortæ æquant. Cūque moles fluidæ effuſæ eadem velocitate, eodemque tempore, eandem proportionem habeant, quam orificia fiſtularum, per quæ tranſeunt, Igitur moles ſanguinis, quæ effunditur ab arterijs meſentericis, et excipitur à vena portæ vna pars vigefima quinta eſt eius, qui tempore vnus circulationis per maximum truncum Aortæ immittitur; propterea quòd per omnes arterias æquè velociter ſanguis currit. Verū tempore, quo vnica circulatio ſanguinis abſoluitur, tota maſſa ſanguinea per Aortam, & deinceps per cauam effunditur. Ergo eodem tempore moles ſanguinis, qui excipitur à vena portæ, & ab eadem exit, non eſt maior vna vigefima quinta parte totius maſſæ ſanguineæ, quæ per maximum truncum venæ cauæ tranſit.

Qq

Bilis,

## P R O P O S. CXLVII.

Bilis, quæ in Iecore colligitur à vasis biliarijs non videtur separari posse à massa sanguinea extra Abdomen existente.

Si tota massa sanguinea, quæ 20. libras superare non solet in homine, esset vniformiter infecta à succo bilioso, qui non est maior 2. libris: tunc illa pars, quæ per Iecur transit, in vna circulatione massæ sanguineæ solummodò à bile expurgari deberet; & ideò in prima circulatione vna pars vigesima quinta totius bilis in sanguinea massa existentis, scilicet vncia vna expurgaretur. At postea, quia particula sanguinis depurata miscetur, confunditurque cum reliquo sanguine impuro, adhuc à bile coninquinato, Ergo denudò in subsequenteribus circulationibus successiuè proportionata pars vigesima quinta ex relicta bile expurgari debet. Quare instituto calculo, vt in expurgatione yrinx factum est, patebit, quòd post sex horas in centesima totius sanguinis circulatione ab hepate expurgatur  $\frac{1}{250}$  pars totius bilis, scilicet minùs, quàm decima pars vnciæ vnus: Et post horas 12. in ducentesima circulatione non exprimitur, nisi vna pars millesima totius bilis, quæ in homine existit, scilicet octuagesima pars vnciæ.

Hoc posito, quia bilis excreta ex massa sanguinea, vt sordidum inquinamentum non reficitur, nisi à nouo cibo, Ergo post longam inedia m vnus diei parcißimè Iecur bilem excerneret, scilicet exiguam, & imperceptibilem guttulam biliosam eijceret, vt ostensum.



sum est ; talis autem bilis separata ab hepate non moratur , nec retineri potest in poro biliario , & in canali cistico, cum eorum orificia non sint impedita , & sint patula ; & ideò semper bilis à prædictis vasis exprimitur , cum continenter ab abdomine , & ab aere inspirato comprimatur , non secus, ac venæ. Igitur post inediam vnus diei prædicta vasa biliaria omnino exinanita remanerent . At hoc est falsum, cum post inediam plurium dierum, immo aliquorum mensum in serpentibus reperiantur vesica fellea, & porus biliarius æquè turgidi à copia prædicti succi, ac prius fuerant . Igitur talis bilis non separatur ex massa sanguinea , quæ per arterias , & venam cauam circumducitur .

Cap. 10. De  
Hepatis vsu

### P R O P O S. CXLVIII.

Bilis, quæ à Iecore exprimitur ieiuno ventre, spatio vnus diei, sedecies maior est ea , quæ in massa sanguinea existit.

Quia canales biliarij non sunt similes arterijs , aut venis meseraicis , scilicet non desinunt in capillares fistulas , sed potius sunt similes ramis venæ cauæ, quæ ad instar fluminum, è paruis riuulis collectis in itinere conficiunt ampliores canales . Sic pariter vasa, bilem deferentia, exonerantur amplis, & apertis orificijs intra intestinum duodenum, & semper repleta conspiciuntur succo bilioso ; insuper assimilantur venæ cauæ in cursu , & velocitate , qua fluores per vtraque vasa mouentur , quia nempe impelluntur ab eadem causa , scilicet à constrictione fibrarum circularium

Cap. 10. De  
Hepatis usu

earundem, & à communi compressione abdominis. Et quia moles fluidæ effusæ ab inæqualibus canalibus eadem velocitate, eodemque tempore eandem inter se proportionem habent, quam orificia vasorum; ergo copia bilis eiecta à canalibus biliarijs ad molem sanguinis per cauam effusam in vna die, eandem proportionem habet, quam orificia eorundem vasorum. Sed quia diameter capacitatis orificij biliarij pori non est maior trigesima parte diametri trunci maximi venæ cauæ, & eiusdem quoque mensuræ est diameter orificij canalis cistis felleæ, Ergo orificia circularia eorundem duorum pororum simul sumptorum superabunt ducentessimam vigesimam quintam partem orificij venæ cauæ; & in eadem proportionem erunt fluores effusi ex eisdem orificijs eodem tempore.

At quia in qualibet circulatione sanguinis transeunt per venam cauam 20. libræ sanguinis, vt dictum est: scilicet 240. vnciæ, Ergo eodem tempore, quo vnica circulatio totius massæ sanguineæ absolvitur, effluit è canalibus biliarijs  $\frac{1}{245}$  eius pars, scilicet paulò minùs, quam vncia bilis. Insuper, quia in vna hora fiunt 16. circulationes sanguinis, Ergo in 24. horis transeunt per venam cauam 7680. libræ sanguinis, & vna eius quadringentesima, scilicet 34. libræ biliosi fucci effundi debent per canales biliares intrà duodecimum. Verùm tota massa bilis, quæ in humano sanguine continetur, non videtur excedere duas libras: igitur copia bilis, quæ à Iecore humano ieiuno corpore eijcitur, decies, & septies maior est ea, quæ in massa sanguinea continetur.

Tanta copia 32. librarum bilis non generatur  
ieiuno humano ventre per fermenta-  
tionem .

Fingi non poffe puto , quòd abfque cibo bilis in  
Iecore reficiatur, & multiplicetur ex fanguine ibidem  
fermentato, & trasformato, vt vinum vertitur in  
acetum à dolio acetofo . Nam quæ maior ftultitia  
excogitari poffet, quàm corrumpere fanguinem, the-  
faurum vitæ, quem tanto ftudio, & labore eadem  
natura gignit, conferuat, & auget? Et quòd magis  
mirere, tam infigne bonum adeò corrumperet, & in  
excrementum noxium transformaret, vt cogeretur id  
feperare, & eijcere, nè fuo contagio refiduam maf-  
fam fanguineam inficeret, non fine vitæ animalis pe-  
riculo .

Si poftea à fermento extra Iecur existente talis  
rtransformatio fanguinis in bilem efficeretur, tunc ftultè  
quoque ageret natura, opponendo tantam fermenti  
copiam, quæ gigneret bilem, ne dum vltra indigen-  
tiam, fed quæ ob periculum noxæ continuo labore  
expelli deberet . Cùmque nefas fit tribuere tantam  
imperitiam, & inertiam Naturæ fapientiffimæ, fa-  
rendum eft, copiam prædictam bilis non generari  
in animali, neque per fermentationem, neque vlllo alio  
modo .



## P R O P O S. CL.

Eadem massa succi biliosi à Iecore expulsa, peracto circulari motu, sæpiùs reducitur ad locum, à quo discesserat .

Iisdem rationibus, quibus motus circularis sanguinis demonstratus est ab Harucio , suaderi quoque potest circulatio bilis in animali . Sicut enim ex eo , quòd cor incessanter sanguinem effundit in arterijs , & tota massa sanguinea ( quæ 20. libras in hominibus non excedit ) effunditur à corde tempore 3 vel 4. minutorum horæ, infertur necessariò, quod eadem massa sanguinea peracto itinere totius corporis, denuò ad cordis fontem reficiendum semper recurrit . Sic quoque, quia tota massa biliosa non multiplicatur, deficiente nouo cibo, & 2. libras non excedit, atque semper ex canalibus biliarijs exprimitur , instillaturque succus biliosus intra duodenum ; Pariterque , quia tempore, quo vna circulatio sanguinis absolvitur, effluit è canalibus biliarijs paulò minùs , quàm vnciæ bilis , scilicet 24. quadragesimæ vnciæ vnius . Ergo tempore , quo fiunt 40. sanguinis circulationes, nempe in horis 2. cum dimidia , tota massa bilis ( quæ 2. libras non excedit ) effunditur ab hepate in duodenũ. Quare, vr continuetur talis effectus ab hepate, necesse est , vt massa biliosa peracto suo itinere, denuò ad Iecoris fontem bilis reficiendum reiteratis vicibus circumducatur .

## P R O P O S . C L I .

Cap. 10. De  
Hepatis vsu.

Bilis circulatio non videtur fieri posse, translata bile  
per cor sanguini arterioso commixta, sed  
solummodò per abdomen,

Vt iter, quòd bilis percurrit in corpore animalis, noscere possimus, inspicere debemus fontem eius, Iecur nempè, & considerare, qua via, quo vehiculo adueniat bilis, & hinc digrediendo, quò tendat, & abeat. Et patet, à sanguine venæ portæ adduci bilem ad Iecur, & hinc effundi in duodenum, & deinceps admisceri succis nutritijs à stomacho maceratis, deferrique per longum iter intestinorum. Quia verò venæ portæ affert sanguinem effusum quidem ab arterijs Mesenterica, & Celiaca, & talis sanguis antè ingressum in venam portæ transijt per lienem, & per mesenterium, ubi inficitur à varijs succis ibidem collectis, dubitari potest, an bilis, quæ à Iecore separatur, recondita fuerit in prædictis arterijs, immixta sanguini arterioso, an potius sanguis purus abstergendo cloacas abdominis, colligat intra venas mesaraicas biliosas sordes, easque venæ portæ tradat.

Et profectò, si bilis cum sanguine arterioso commixta fuisset, nunquam compleri posset expulsio duarum librarum bilis in humano sanguine existentis à canalibus biliarijs, vel saltem post 12. horas inediæ paucissimè instillaretur, vt ostensum est. Quod tamen repugnat experientiæ: semper enim reperiuntur cistis, & porus biliaris turgidi, & abundanter effundunt bilem in duodenum.

Præ-

Cap. 10. De  
Hepatis usu

Præterea, si bilis expurgaretur à vasis lacteis, & per thoracicum ductum ad cor deferretur, & hinc per arterias ad abdomen, & hepar circumduceretur, sanguini arterioso commixta esset; & idè sequitur idem absurdum iam enarratum. Insuper considero, quòd aut bilis, est succus proficiuus perfectionem sanguini inducens: ergo sanguis absque bile imperfectus esset; & idè ineptè à natura bilis à sanguine separaretur, laboraret enim ob malum animalis. At si bilis est excrementum noxium, stultitia quoque esset exugere biliosas sordes ex cloaca intestinorum, vt sanguinem inficeret, & corrumperet. Quare non videtur probabile, naturam instituisse circulationem bilis per cor, & per arterias; restat igitur, vt solummodò per abdomen absoluator, cùm nulla alia via præter has duas, assignari possit.

### P R O P O S. CLII.

Quærentur ductus, & modi, quibus circulatio bilis per abdomen fit.

Certum est, perpetuò bilem in duodenum effundi necessitate compressionis abdominis, vt dictum est, siue in intestinis adsint cibaria hætenùs in stomacho macerata, siue non. Quando adsunt cibi, tunc completa noua fermentatione in intestinis, vna pars minima bilis excernitur cum fæcibus crassis, & pars maxima eiusdem cum chilo confusa vnà cum ea, quæ de nouo colligitur, ex cibis exugitur à porositatibus parietum, seu tunicarum intestinorum. At ieiuno ventre, necessitate quoque mechanica per filtrationem ab eis-



eisdem orificijs, seu poris tunicarum intestinorum bilis, aut quilibet alius succus ibidem existens exugere debet.

Cap. 10. De  
Hepatis usu

Dico modò, quòd vasa chilifera Afellana bilem exugere non possunt, sed, aut chilum purum, aut lympham ob proportionatam configurationem orificiorum excipere. Nam si bilem exciperent, eam ad cor deferre deberent per ductum thoracicum, & postea sanguini admiscerent. Quod falsum esse, ostendimus. Quare dicendum est, quòd ab alijs vasis exugatur bilis existens in intestinis. Hæc autem vasa alia à venis meseraicis esse non posse videntur. Primò, quia tertium genus vasorum præter chilifera, & sanguinea, in mesenterio non apparet. Secundò, quia videmus in omnibus musculis, in corde, & liene, quòd venarum amplitudo superat crassitiem sociarum arteriarum, nõ plus, quàm ter, vel quater, cùm diametri cavitatum fiat in minori proportionem, quàm dupla; at in placenta vterina ramificationes venæ vmbilicalis, tum multitudine, tum amplitudine in maiori proportionem superant socias arterias, quàm in musculis crassissimis, corde, & liene eiusdem animalis. Et ratio est, quia in musculis venæ excipere debent ferè eandem molem sanguinis, quam sociæ arteriæ effuderant; & ideo sufficit, vt amplitudines venarum superent capacitates arteriarum in eadem reciproca proportionem, qua sanguis velocius currit per arterias, quàm per venas.

At munus venæ vmbilicalis est, excipere nouum prouentum sanguinis à placenta subministratum, qui additur sanguini transmissio ab arterijs vmbilicalibus, qui inseruit veluti vehiculum illius; & ideo

R r

opor-

**Cap. 10. De Hepatis usu** oportet, ut proportio illa augeatur, v. g. si venæ umbilicales suscipere debent ex placenta molem succi æqualem medietati eius, quæ ab umbilicalibus arterijs transmittitur; & si velocitas sanguinis per arterias fuerit tripla illius, qua per venas umbilicales redit, non sufficit triplò capaciores venas effecisse, sed multò magis dilatari debent, scilicet quater cum dimidio; sic enim excipere possunt sanguinem arterialem cum additamento effuso à placenta. Hinc patet, quòd venæ reuehere possunt alium succum præter sanguinem à socia arteria immisum. Hoc pariter confirmatur ab experientia: videmus enim, quòd diù morantes in balneis copiosè meiunt. Quare oportet, ut aqua à venis exugatur, & in renibus ex sanguine separetur. Modò, sicut in placenta vterina, sic quoque in mesenterio videmus, quòd arteria mesenterica adeò exilis est, ut eius diamerer minor sit quarta, vel quinta parte diametri venæ portæ, in qua omnes mesaraicæ colliguntur. Quapropter arteriæ amplitudo, seu orificium non erit minùs  $\frac{1}{16}$ , vel  $\frac{1}{25}$  parte orificij venæ portæ. Et licèt tarditas motus sanguinis in prædictis venis exigat excessum aliquem amplitudinis: nihilominus tam grandis, & superfluus excessus videtur repugnare legibus regulatissimis naturæ, quæ proportionata vasa sanguini deferendo, & excipiendo efformare solet, iuxta exigentiam carnis, aut visceris, qui nutrirì debet.

Hinc conijcitur, quòd tam vasta copia, & amplitudo venarum mesaraicarum facta sit, ut excipere possint alium succum præter sanguinem à socia arteria immisum; & proindè probabile est, quòd ex intestinis excipiant non exiguam copiam succi chilosì, cui

tam-

ramquam vehiculo bilis admixta fit, vt deinceps de-  
monstrabimus. Hæc postea collecta in vena portæ, de-  
nuò in hepate à sanguine separatur, & in vasa bilio-  
sa immittitur, & hinc digressa, denuò nouum circui-  
tum per intestina, & per venas mesaraicas reiteratis  
vicibus absoluit.

Cap. 10. De  
Hepatis vsu

## P R O P O S. CLIII.

Necessitas, & vsus prædictæ circulationis bilis  
exponitur.

Animalia dum viuunt, semper indigent nouo ali-  
mento, & hoc præcipuam, & postremam præpara-  
tionem in intestinis acquirit, vbi ab actione fermenta-  
tiua succi biliosi, & pancreatici alimenta in chylum  
vertuntur. Et quia videmus, quòd bilis copiosè ef-  
funditur in duodenum, & cibus, qui priùs in stoma-  
cho macerati fuerant, commiscetur, Ergo talis copia  
necessaria est (cùm natura superfluitates abhorreat) &  
ideò ciborum fermentatio in intestinis fieri nō posset,  
nisi à copioso fluore bilioso immixto cum cibus, & si-  
mul cum eis translato per totam intestinorum longi-  
tudinem. Talis bilis postea non debuit tota expelli  
cum fecibus. Primò, quia expelleretur etiam chi-  
lus, cui bilis commixta erat; Secundò, quia bilis est  
succus utilis, qui sine notabili animalis detrimento  
profigari non potest; & copiosè regenerari à cibus, &  
tam citò nequit, nec insuper permanere in intestinis  
tanta copia bilis poterat; nam cibaria excurrendo à  
principio ad finem intestinorum, non secus, ac scopæ  
verrerent, & secum asportarent bilem vna cum chi-



Cap. 10. De  
Hepatis usu

10. Ergo tam necessaria copia bilis ad futuros usus remoueri debuit ex intestinis, postquam ibidem fermentatiuam operam compleuit, & transportari in aliquē locum commodū, ex quo denuò redire posset ad principium intestinorum, nempe in duodenum. Ad hunc verò circuitum efficiendum, noluit natura instituire præter morem, nouum, & insolitum artificium; sed eodem simplici, & familiari motu sanguinis uti voluit, nempe per venas mesaraicas iuxta earum indolem ad instar hirudinum exugendo succum biliosū, eumque asportando vnà cum sanguine, non quidem in locū remotū, & incōmodum cordis, sed propè initium intestinorum, ut ibidem separaretur à sanguine, & denuò in duodenum instillaretur; & ob hanc necessitatem natura ipsi venæ portæ officium, & priuilegium arteriæ largita est, & Iecori officium cribri dedit, ut vasis biliferis succum excretum traducerent, utque eum iterum ad duodenum effunderent.

Interea, quia solemne est naturæ, vnica, & eadem operatione plura bona acquirere, Primo loco per motū bilis in intestinis eiectionem fæcū crassarum à proritante acredine bilis procurauit, stimulando scilicet fibras circulares intestinorum ad se contrahendū, Secundò motu peristaltico intestinorum vrgēdo, expressionem succorum, & exuccionem in poris spongiosis peragit.

Tertiò, immiscendo particulas actiuas, & motiuas bilis chilo in intestinis, & sanguini in abdomine, quibus in locis commodè actio fermentatiua perfici potest ob amplitudinem vasorum, & ob tardissimi, & quasi stagnantis motus sanguinis.

Quartò, ut fermentatio sanguinis in mesaraicis, &

vena.

vena portæ commodè fieri posset, debuerat per minimam sanguis cum bile commisceri; quod præclare effici potest in illis vasis amplis motu conquassatiuo, à compressione abdominis, & aeris inspirati urgentia. Cap. 10. De Hepatis usu


Quintò tandem, ut fluxilitas sanguinis in abdomine existentis conseruaretur, idem motus conquassationis mirificè iuvat. Et hi sunt vsus, qui hætenùs mihi innotuerunt; cætera sagacioribus inquirenda relinquo.

## C A P V T X I.

*De fluxu substantiæ spirituosæ per nervos.*

Dari in animalibus, præter liquidos fluores, qualis sanguis est, aliam substantiam summè spirituosam, sed fluidam, quæ immediata, & proxima causa motiua corporis animalis sit, euincitur ab effectibus ipsis, quos producit. Quòdque præterea talis humor spirituosus non sit flatus, aut aer, sed habeat consistentiam liquidam, qualis est spiritus vini; & quòd generetur ex sanguine in cerebro, & per nervos diffundatur, concedunt omnes recentiores.

Horum exacta structura, & compositio, licèt ignota sit, possumus tamen aliqua meditari de eorum motionibus per nervos.



Cap. 11. De  
fluxu substā-  
tiæ spirituo-  
sæ per ner-  
uos.

## P R O P O S. CLIV.

**Ad opus nutritionis animalis concurrit succus ner-  
ueus vna cum sanguine.**

Pluribus experimentis , & rationibus Neoterici ostendunt, opus nutritionis non fieri , nisi à succo ex cerebro per nervos ad partes omnes communicato : Quæ rationes videri possunt apud Vvillis , & alios . Ego tamen moueor ab immensâ copia nervorum, qui ad abdomen , viscera , & glandulas immittuntur , & ramificantur ; in his enim locis neque sensationibus , neque motibus localibus inferuiunt. Ergo oportet, vt succum aliquem ibidem transmittant , nè sint frustra. Et quia in mesenterio chilis elaboratur pro nutritio-  
ne animalis , Ergo succus nerueus concurrit ad chili compositionem , confectionemque, & per consequens ad nutritionem partium . Præterea , quia ab extremis ramis reliquorum omnium nervorum semper intra musculos , & partes omnes instillantur succi aliqui etiam tempore somni , quando nec sensationes , nec locales motus exercentur , sed solummodò nutritioni vacatur , Ergo tunc temporis succus ille nerueus, vel complet , vel adiuuat nutritionem carniū , & reliquarum partium .

Verum est tamen , quòd absque sanguine videtur difficile, vt à solo succo nerueo exiguæ molis reparari, & nutriri possint partes vniuersæ animalis; et ideo veram esse puto Vvillisi sententiam , quòd materia nutritionis sit sanguis , sed forma viuifica , et plastica à succo nerueo subministretur .

Spi-



## P R O P O S. CLV.

Cap. 11. De  
fluxu substā-  
tiæ spirituo-  
sæ per ner-  
uos.

Spiritus per eosdem canales nerueos contrarijs  
motibus agitari.

Quia actio volitionis, qua motus locales in anima-  
li præcipiuntur, exercetur in cerebro; executio verò,  
& passio recipitur in musculis, qui validissimè instan-  
tur, contrahuntur, & suspendunt pondera ingentia: &  
viæ, per quas actio cōmunicatur, aliæ non sunt, quàm  
nerui, eo quòd ipsis resectis, aut strictè legatis cessat  
motus, & sensus, nec actio physica in distans absque  
motu localis corporis alicuius intelligi potest, Ergo  
necessariò aliquis motus trāslatiuus, vel impulsiuus à  
spirituosis succis per neruos à cerebro ad musculos  
deriuatur.

E contra, in actione sensitiva constat motiones ab  
extrinsecis obiectis aduenientes cōmunicari per ner-  
uos ad cerebrum, nempè ad regiam sensitivæ faculta-  
tis. Quare necesse est, vt per easdem vias neruorum  
succus spirituosus ferantur contrarijs motibus à principijs  
neruorum in cerebro existentibus ad eorum extremi-  
tates, quando artus mouentur; & ab extremis termi-  
nis ad eorum principia in actione sensitiva.

Præterea euidentissimis Neotericorum experimen-  
tis constat, per neruos effundi succum nutritium, à quo  
saltem vnà cum sanguine partes deperditæ reficiun-  
tur; & talis motus localis fit à cerebro ad partes ex-  
treimas: E contra ab vltimis confinijs neruorum com-  
municantur succi cardiaci, & venenati ad cerebrum.  
Igitur per easdem vias neruorū duos motus contrarios  
ad extra, & ad intra fieri necesse est.

Non

Cap. 11. De  
fluxu substân-  
tiæ spirituo-  
sæ per ner-  
uos .

## P R O P O S . CLVI.

Non fieri contrarias actiones ad intra , & ad extra  
per nervos à facultate incorporea , nec à  
concussione fibrarum tensarum .

Non immorabor in refellendis illis incorporeis facultatibus, quas omnes ferè irrident; sufficiat innuere, quòd vis incorporea non indiget vijs , aut canalibus nervorum, per quos transmitti debeat, & ideò fortiter ligato nervo impediri non posset transitus facultati incorporeæ sensitiuæ, aut locomotivæ .

Alij putant, actum sensationis, & imperij voluntatis communicari non per motum succi nervei intra tubulos fibrarum nervorum , sed per ipsasmet fibras , & membranas tensas , eo prorsùs modo , quo fides citharæ tractæ, & tensæ, si tangantur in vna extremitate, subito concussio , & tremor diffunditur , communicaturque vsque ad oppositam extremitatem.

Verùm , quòd talis imaginatio adaptari nervis animalis non possit , patet ex eo , quòd nervi in corpore animalis non directè tracti, nec tensi, nec sunt duri, & rigidi, vt virgæ ferreæ , sed sunt molles, inflexi , laxi, & circumvoluti circa carnes , circa vasa , & viscera mollia , & cedentia , nec sunt alligati terminis firmis ad instar clavorum , sed potiùs terminis mollibus, nèpè cerebro, & carnibus. Igitur est impossibile, vt concussio , tractio, ictus, aut tremor diffundatur , & communicetur, neque ad cerebrum ab obiectis sensibilibus externis , neque ad musculos ab imperio voluntatis : sicuti videmus in funiculo gossipij molli, laxo, & compli-

plicato, quòd percusso vno eius extremo, ictui cedendo motio non communicatur reliquis eius partibus. Eatenus enim mollia, & laxa corpora à duris, & tensis differunt, quatenus illorum vna pars moueri quidem potest, quiescentibus reliquis collateralibus; cum in duris, & tensis impossibile prorsus sit, vt vna pars eorum moueatur, quin integra moles, scilicet omnes partes simul eodem momento, eademque velocitate agitentur, concutianturque.

Cap. 11. De fluxu substantiæ spirituosæ per nervos.

## P R O P O S. CLVII.

Exponitur artificium mechanicum, quo succus spirituosus per eosdem ductus nerveos ad extra, et ad intra agitari potest.

Diximus, duplici motu contrario spiritus per nervos agitari. Primus est ille, quo motiones locales articulorum fiunt, & sensationes cerebro communicantur: de his primò agendum est. Pro quorum inquisitione repetendum est, quòd fibræ nerveæ, neque sunt omninò solidæ, plenæ, & impermeabiles, neque sunt tubuli caui, et inanes, similes arûdinibus, sed sunt canales repleti substantia quadam spongiosa simili medullæ sambuci. Talis autem fibrarum medulla, spongiosa facilè à succo spirituofo cerebri, cui annectitur continenter madefieri, et saturari vsque ad turgentiam potest; sicut videmus, spongiarum, & filtra ab aqua contigua saturari.

Postea obseruo, quòd intestinum ouillum perindè turgidum redderetur, si sola aqua repleretur, ac si eius cavitates contineret equè amplum funiculum spon-

S f

giosum,



Cap. 11. De  
fluxu substā-  
tiæ spirituo-  
sæ per ner-  
uos a

giosum, & hoc ab aqua impregnaretur: utroque enim modo turgesceret, & à qualibet leui compressione, aut ictu illato in vna intestini turgidi extremitate, momento concussio communicaretur vsque ad alterum extremum. Igitur eodem modo fibrarum neruearum tubuli, habētes medullam spongiosam, saturari possunt vsque ad turgentiam à succo spiritioso cerebri; & tunc si vna eius extremitas comprimatur, impellatur, percutiatur, aut vellicetur, subito commotio, & concussio, aut undulatio vsque ad alterum extremum communicari debet, eo quòd ob contiguitatem, ordinata serie partes subsequentes vrgendo anteriores, vsque ad vltimum ictum, et impulsus communicant.

Hinc sequitur, quòd ab illa leui motione spirituum, qua actus imperij voluntatis in cerebro exercentur, possint fibræ, seu ductus spongiosi succo spiritioso turgidi aliquorum neruorum concuti, aut vellicari, et proinde conuulsua irritatione concutiendo totam nerui longitudinem, possunt ab eorum extremis orificijs exprimi, & eructari guttulæ aliquæ spirituosæ intra correspondentem musculum, vnde ebullitio, et displosio, qua musculus contrahitur, et tenditur, subsequatur.

E contra, leuiter compressis, percussis, aut titillatis extremitatibus neruorum sensoriorum, qui ad cutem, linguam, nares, aures, aut oculos desinunt, necesse est, vt subito concussio, undulatio, et titillatio succi spiritiosi, intra tubulos contenti, diffundantur per totam longitudinem illius nerui, quousque pertingat ad cerebri determinatam partem, cui fibræ neruæ adnæctuntur; in qua facultas animæ sensitivæ ex loco cerebri pulsato, ex ictus vehementia, ritu, et modo motionis

tionis iudicium de obiecto motum inferente pronuntiare valeat.

Quòd autem talis irritatio facta in vno termino nervi, diffundi, communicarique possit eodem momento in locis diffitis absque eo, quòd termini extremi actu tangantur, pungantur, aut vellicentur, facillè suadetur, quia nervi eius naturæ sunt, vt mordicatio vno eius termino, sensus doloris in alio loco ab eo diffito percipiatur; quòd patet plurimis experimentis. Videmus enim, quòd leuiter titillatis naribus, aut auribus, concutiuntur, irritanturque nervi pectoris, diaphragmatis, et abdominis, adeò vt motus conuulsivi vehementes sternutationis, et tussis excitentur. Et passim obseruamus, quòd læsa spinali medulla ob cõtusionem, aliquando in genu, et crure dolor percipitur.

Patet igitur ex dictis, quòd illi, qui motus contrarij censebantur in eisdem nerueis canalibus, re vera non sunt motus progressiui, et transitus ab vno extremo termino ad alium, vt scilicet in actu motionis articuli succus spirituosus momento integrum iter conficiat à cerebro per totam nervi longitudinem vsque ad musculos; et è contra in actu sensationis progressiuo motu spiritus feratur ab externis animalis partibus vsque ad cerebrum; sed sufficit, vt fiat concussio, et undulatio quædam succi contenti intra fistulas turgidas; quã cõcussionẽ facillè fieri posse ostendimus exemplo intestini turgidi: Vnde deducitur nedum possibilitas; sed etiam verisimilitudo prædictæ operationis.

Restat solummodò scrupulus dissoluendus. Quam nimirum ratione eodem tempore per eundem ner-

Cap. 11. De fluxu substantia spirituosæ per nervos.

Capit. 11. De  
fluxu substā-  
tiæ spirituo-  
sæ per ner-  
uos.

uuum duo' motus concussiui contrarij simul fieri possint, vt in lingua simul motus localis, & sensitiuus exerceri possunt, quando scilicet frustum rabarbari ab ore expellitur, & simul amarities percipitur, & muscoli omnes percipiunt dolorem puncturæ gladij, dum validè contrahuntur.

Cui difficultati duplici modo fieri satis mihi posse videtur. Primò, quòd non per eosdem ductus fibrosos fiant prædictæ contrariæ concussiones, sed per distinctos, vt scilicet per quas fibras effunditur motus imperij voluntatis, non excipiat motus sensus dolorifici, sed per alios diuersos.

Sed veriùs secundò, quia vndulatio succi in fistulis contenti concipi non potest absque motu reciproco ante, & retro vrgendo alternis ictibus duas oppositas eiusdem nerui extremitates, non secus, ac in tremore contingit. Quare re vera concussiones illæ contrariæ non fient eodem, sed distinctis temporibus: qui ob frequentiam, & breuitatem distingui non possunt, & ideò obscurantur; vt passim in plurimis interruptis sensationibus, & motionibus decipimur.

Transeò ad alium motum contrarium, qui per neruos efficitur.

### P R O P O S. CLVIII.

Succum nerueum nutritiuum, diuersum esse à spiritibus, qui animales functiones locomotiuas, & sensitiuas exercent.

Quòd talis succus nerueus nutritiuus sit diuersus ab illo,



illo, qui sensationes, & motus voluntarios exercet, conijcitur ex eo, quòd operationes animales potiùs consumptionem, languorem, & diminutionem spirituum impetum facientium, & corporis totius animalis, quàm reparationem inducunt. Quare actiones, & motiones locomotivæ, & sensitivæ ne dum impediunt nutritionis actum, sed prætereà cooperantur ad deperditionem, & consumptionem partium animalis. E contra videmus, tunc solummodò animales spiritus, & solidas partes deperditas refici, repararique, & insuper animal augeri, & vegetari, quando scilicet, neque voluntarium motum localem, neque sensationem vllam exercet tempore somni, quando animal veluti mortuum quiescit. Hoc confirmatur ex somno perpetuo, & profundo Embrionis in vtero materno, & à somno frequentissimo, & graui Infantium, quando nimirum insigniter, & velociter nutriuntur, & crescunt; & è contra ex breui interrupto, & semiuigili senum somno, in quibus non omnes, sed aliquæ partes deperditæ ægrè, & lento progressu reparantur, eò quod aliquæ partes arefactæ, & marcore consumptæ incapaces sunt nutritionis.

Hinc conijci potest, diuersæ naturæ esse spiritus loco motiuos, & sensitiuos ab illo succo, qui nutritioni inservit. Si enim vnum, & idem esset tempore, quo maximè nutrimur, tunc succus nerveus motu progressivo à cerebro dissunderetur ad irrorandos omnes musculos; quare deberent eodem tempore simul contrahi, & producere vniuersalem quamdam conuulsionem; quod est falsissimum. Prætereà eodem tempore nutritionis non possent denuntiari ad cerebrum motiones sensibiles externorum obiectorum, quia rapiditas

ef-

Cap. 11. De  
fluxu substā-  
tiæ spirituo-  
sæ per ner-  
uos.

Capit. 11. De  
fluxu substā-  
tiæ spirituo-  
sæ per ner-  
uos.

effluuij succi nutritij à cerebro descendētis ne dum impediret, sed omninò repelleret impulsus, & vndulationes sensitiuas sursum tendentes.

Diuersus ergo videtur esse succus nerueus nutritius à spiritibus locomotiuis, & sensitiuis quoad temperiem, & energiam operandi, hi quidem nobilissimi, acres, sulphurei, salinique actiuissimi sunt, vt spiritus vini; illi verò dulcissimi, & soporiferi potius quietem suauem, quàm dissolutionem, & virium languorem inferentes.

### P R O P O S. CLIX.

Inquirūtur viæ in ipsismet nervis, per quas succus nerueus transmittitur è cerebro ad reficiendas partes animalis.

Ex eo, quòd succus nerueus nutritiuus diuersus est à spiritibus loco motiuis, & sensitiuis, planè deducitur, quòd ille simul cum istis ferri non possint per eosdem canales, eodemque tempore ad sua munia exercenda, tùm ob rationes superius indicatas, tùm etiam, quia naturæ, & temperies, adeò diuersæ confunderentur, debilitarentur, & alterarentur, & ideò se mutuò impedirent, & proindè operationes, quas efficere deberent, diminutæ, aut prauæ resultarent; quod quidem esset contra institutum naturæ. Quapropter concedendum est, vias, per quas succus nutritiuus à cerebro per nervos ad partes deperditas resarciendas transmittitur, diuersas esse ab illis tubulis fibrarum neruearum, per quos spiritus locomotiuus, & sensitiui communicantur.


Quòd

Quòd postea tales diuersæ viæ in eisdem nervis dari possint, non videtur omninò rationi aduersari. Aduertendo, quòd nervi sunt fasciculi fibrarum, seu canaliculorum intra sacculos, seu vaginas membranosas contentorum, & sicut in consimilibus fasciculis, ex subtilissimis filis vitreis constantibus, videmus, quòd spatia, & interstitia lateralia filorum id ipsum præstant, & suppleant officium tubulorum, seu siphunculorum vitreorum; eodem sanè modo interstitia illa filorum exugunt liquores, eosque eleuant ad instar spongiæ, ac tubuli siphunculorum absorbent.

Cap: II. De  
fluxu substantiæ spirituosæ per nervos.

Quare non videtur impossibile in fasciculis nerveis, ut interstitia fibrarum eius intra vaginas membranosas contenta vicem suppleant alterius generis canalium, & per eiusmodi interstitia percolari possit alius succus diuersus ab illo, quo tubuli spongiosi fibrarum replentur. Et hic forsan est succus nutritivus, qui à cerebro emanatur ad partes extremas animalis pro earum nutritione, vnà cum succo alibili in sanguine contento.

Restat modò inquirendum, quomodo succi diuersæ indolis in cerebro existentes, possint absque confusione in distinctis canalibus nervuorum insinuari; hoc autem deinceps suo loco exponetur.





Cap. II. De  
fluxu substā-  
tiæ spirituo-  
sæ per ner-  
uos.

## P R O P O S. CLX.

Exponitur motus contrarius succi neruci  
ad cerebrum.

Theoria superius expōita multò facilius aptari posse videtur in illis nervis, qui sensationibus ferè nihil inferuiunt, & qui ad motiones locales musculorum, artuum destinati non sunt, cuius generis sunt illi, qui ad glandulas, ad viscera, & abdomen desinunt, & sparguntur. Hi enim constant pariter ex fasciculis fibrarum, quæ vagina, seu sacco membranoso includuntur. In hisce porrò nervis fieri motiones contrarias, videtur certissimum; quia è cerebro transmittitur succus nutritius per nervos ad partes animalis: & vicissim è glandulis, ex visceribus, & à cute vniuersa trāsmittuntur ad cerebrum succi spirituosii depurati, vel deprauati, & infecti à contagio, mixtione, separatione, aut alteratione partium proficuarum, vel noxiarum, vt patet in cardiacis, & venenis, qui per alias vias, quàm per nervos, ad cerebrum traduci non possunt; quod euincitur ex celerrima, & momentanea eorum actione. Si enim per venas, aut per vasa lymphatica transferrètur ad cerebrum succi cardiaci, vel venenati, tunc primo loco ex mixtione cum massa sanguinea, & cum alijs humoribus valdè debilitaretur, & dissiparetur illorum energia. Secundò, guttula exigua veneni viperæ, aut olei Zabui misceri, & diffundi vniformiter non posset in omnibus partibus gurgitis sanguinis venæ cauæ amplitudinem occupantibus in illo sollicito cursu; & ideò casu, & rarò contingit-

tingere posset, ut pars sanguinis à guttula venenosa infecta insinuaretur in ramum Aortæ ascendentem, & non potius in duplo ampliorem ramum descendente, in quo expelli posset per renes, aut per alia vasa excretoria viscerum: & in tali casu nullam noxam venenum afferret; si verò ad cerebrum pertingeret, satis tardè in tam longa, & salebrosa via effectum stupiditatis afferret. At nos videmus, quòd momento à viperæ morfu vires animales prosternuntur; ergo non per longam, & perplexam viam venarum tardo motu à sanguine peragratam, sed per nervos ipsos venenata guttula illa cerebrum afficit. Quod aliundè confirmatur ex momentaneis deliquijs, quæ producuntur ex contusionibus, aut puncturis nervorum. Quare dubitandum non est, succos cardiacos, & venenatos per nervos ad cerebrum deferri.

Modò disquirendum restat. Primò, an prædicti succi transferantur motu locali *vnà cum succo nerueo* ab extremis confinijs nervorum vsque ad cerebrum: an verò solummodò virtus eorum, aut motio communicetur.

Et sanè hoc postremum mihi videtur impossibile, nam succi quantumvis spirituosì, & actiui, semper corporei sunt, & in distans agere non possunt, nec absque contactu physico augere, viuificare, aut prosternere animales spiritus possunt, scilicet, nisi sua corporali præsentia augeant corporeos quoq; spiritus animales, se miscendo cum illis; aut eos expellant, & transforment. Quare capi non posse videtur, quòd talis actio fiat absque motu locali succi neruei, excurrando totam longitudinem nerui vsque ad cerebrum.

Cap. 11. De  
fluxu substã-  
tiæ spirituo-  
sæ per ner-  
uos.

Capit. 11. De  
fluxu substā-  
tiæ spirituo-  
sæ per ner-  
uos.

Secundò, videndum, an talis motus retrogradus fiat per cauitates fistularum neruearum, an per interstitia earundem fibrarum.

Et quidem viæ, quibus succi cardiaci, & venenati ad cerebrum perducuntur, non videntur esse tubuli fibrarum, quia repleti sunt iam dicta spongiosa substantia, semper turgidi succo spirituofo; & proindè per has valdè impeditas, & salebrosas vias difficile penetrare, et excurrere succi cardiaci, & venenati vsque ad cerebrum possent.

Magis expeditæ videntur viæ, per quas succus nutritius diffunditur motu quoque locali, nempe per interstitia fibrarum neruearum, fasciculos componentium. Per has, inquam, vias motus succorum, vsque ad cerebrum peragi possunt, non eodem, sed diuerso tempore ab eo, quo succus nutritius effunditur à cerebro; nouum enim non est, vt per eosdem canales in animalibus motibus contrarijs excurrant duo distincti fluores, dummodò diuersis temporibus peragantur motus, qui proindè impedire se mutuò non possunt. Hoc passim contingit in ductibus salialibus, per quos directo motu serositas salialis eijcitur à glandulis in cauitatem oris, et è contra motu retrogrado vinum, et iuscula in ore conquassata absorbentur ab iisdem ductibus, ferunturque ad glandulas, et inde per neruos ad cerebrum momento transmissa vires animalis reficiunt.





## P R O P O S. CLXI.

Exponitur ratio mechanica celerrimi motus succi  
nervei à cerebro descendens, & ad  
ipsum recurrentis.

Cap: II. De  
fluxu substā-  
tiæ spirituo-  
sæ per ner-  
uos.

Ex superius relatis experimentis celerrimæ refe-  
ctionis, quam inducunt succi cardiaci, & noxæ, quam  
succu venenati cerebro inducunt, deducitur, quòd  
prædicti succi celerrimo motu, momento ferè, lon-  
gum iter totius nervi percurrunt; unde coniici potest,  
quòd effusio quoque succi nutritij à cerebro eadem  
solicitudine peragatur.

Modò exponi debent modi, & causæ mechanice  
talis celeritatis.

Quia fasciculi nervi constant ex filis, seu fibris  
æquè longis, ac sunt ipsi nervi, Ergo æquè longa  
sunt interstitia inter dicta fila extensa, nimirum per  
totam nervi longitudinem à cerebro vsque ad illius  
extremum. Hæc porrò interstitia vices suppleant ca-  
naliculorum strictissimorum; At quia videmus, quòd  
in siphunculis vitreis strictissimis, aut in interstitijs  
fasciculi ex eis collecti aqua impulsæ à vi gravitatis  
eius velocissimè exugitur, eleuaturque ad altitudines  
eò maiores, quòd cavitates eorum madidæ strictiores  
fuerint ad instar spongiarum; nec ab alia causa im-  
pellitur, quàm à vi gravitatis fluidi, vt ostendimus  
libro de Motionibus naturalibus à gravitate penden-  
tibus, Igitur succi nervi à strictissimis interstitijs fi-  
lorum nerveorum eadem necessitate celerrimo motu  
exugere debent, siue à cerebro versùs partes extremas,

Cap. XI. De  
fluxu substantiæ  
spirituosæ per ner-  
uos.

siue ab extremis eorum confinijs ad cerebrum, cùm canaliculi prædicti sint strictissimi, semper madidi, & adsit eadem causa impulsiva pressioni, nempe eorundem fluidorum grauitas.

## P R O P O S. CLXII.

Effusionem succi neruei à cerebro pro nutritione animalis fieri tempore somni, eiusque causam esse.

Cognitis vijs, quibus succus nerueus à cerebro effunditur pro nutritione animalis, restat inquirendū, an talis effusio fiat tempore somni, & qua necessitate talis motus dormiendo fiat.

Et primò, quòd re vera tempore somni, vt diximus, fiat opus nutritionis, aut omninò, aut maiori ex parte, nemo ambigit. Videmus enim, quòd à somno reficimur, & nutrimur, & à continua vigilia, cibo non deficiente, debilitamur, flaccescimus, & excarnes reddimur. Diceret fortè quispiam, quòd sicuti diuitie pendunt magna ex parte ex parca effusione bonorum, quæ possidentur, sic quoque in quiete, quia animalis substantia spiritiosa, & organica non dissipatur in exercitijs laboriosis, locomotiuis, & sensitiuis, idèò proficuam, & iucundā experimur quietē à labore, quatenus iucundo sensu afficimur, quotiescunque à malis laboriosis liberamur. Hoc tamen licet ex parte verum sit, non videtur tamen sufficiens. Nam sessio, & omnimoda corporis nostri quies, & inertia diù continuata ne dum vires non reficit, nec iucunda est, sed è contra languorem, & dolorificum torporem affert, cuius

ius medela est motus, & corporis agitatio, nempè non parsimonia, sed earundem virium dispendium, & diffusio refectionem inducit.

Cap: 11. De  
fluxu substā-  
tiæ spirituo-  
se per ner-  
uos.

Hinc conijcimus, motum, & exercitium moderatum muscutorum, & sensoriorum non deterere, sed potius reficere animalis vires, & substantiam. Quare si in somno animalis refeccio, & partium deperditarum reparatio fit, vt experientia docet, hoc continget ob aliam longè diuersam necessitatem. Quæ, ni fallor, pendet ex eo, quòd diffusio succi nutritij spirituosij fieri non potest, nisi in cerebro fiat quædam ebullitio eiusdem, ex cuius efferuescentia, rarefactione, & circumuolutione subsequitur obstructio orificiorum, ferè omnium tubulorum fibrarum, neruosarum in cerebro hiantium, quibus obstructis, mirum non est, neque transmitti stillicidia ab imperio volūtatis ad musculos mouendos, neque ad cerebrum admitti posse denūtiationes sensibilibus notionū ab extremis obiectis illatarum.

Quòd verò somnus pendeat à prædicta ebullitione, & efferuescentia facta in cerebro, suadetur ex eo, quòd à vino, crapula, & à succis soporiferis fiunt in capite miræ perturbationes, excandescentiæ, vertigines, dolores, & oculorum, faciei que inflationes, & rubores; quæ omnia symptomata ab ebullitione, & feruore in cerebro facto excitari solent. Cùmque ab eisdem soporiferis somni profundi producantur, credibile est, somnum consuetum non sine tali ebullitione in cerebro suborta fieri posse.

Et quia tubuli fibrarum neruearum sunt viæ, per quas vis locomotiua diffunditur ad artus, & per easdem motiones sensitiuæ denuntiantur ad cerebrū;



Cap. 11. De  
fluxu substantiæ  
spirituosæ per ner-  
uos.

et aliundè principia, seu orificia earumdem viarum, facile à succo in cerebro ebulliente obstrui possunt, Ergo verisimile est, succum nutritium, ebullientem in cerebro, somnum producere, quatenus obstruit, orificia tubulorum fibrarum neruearum; ex quo fit, vt sensus, & motus in animali cessent.

Hæc theoria confirmatur ex illo virium defectu, languore, & torpore, vnà cum oscitationibus, & pandiculationibus, quas patimur subitò post expergefactionem, quæ omnia contingunt, nolentibus nobis; non quidem ob veram debilitatem, cum à somno potius vires reficiantur, augeanturque. Quare facendum est, in statu torpido nuper expergefactorum, motiones voluntarias, licet liberè in cerebro excitatas, non posse transmittere per nervos succû spirituosum ad musculos mouendos, forsan quia nondum destructa omninò, & absterfa sunt orificia fibrarum neruearum.

Modò duæ difficultates restant dissoluendæ. Prima est, qua ratione inter dormiendum irrigatio ostiolorum fibrarum neruearum facta à succo nutritio, eiusque transitus per intestitia eorumdem canaliculorum non impellat, nec exprimat spiritum, seu succum locomotiuum, quo illi ductus turgent, à cuius expressione in somno omnes muscoli concuti, & tripudiare deberent.

Huic difficultati responderi potest, quòd ad motum localem efficiendum requiritur concussio quædam, conuulsua facta à motu imperij voluntatis. at illa irrigatio succi nutritij lenis, dulcis, & non mordicans inepta est ad conuulsuam illam irritationem faciendam; & ideò non exprimetur succus in spongiosis tubulis

bulis contentus . Præterea effluxus succi nutritij per interstitia lateralìa fibrarum, non est necesse, vt exprimat succum in tubulis spongiosis contentum . Primò, quia prædicta interstitia non sunt impedita; Secundò, quia succi per ea non impelluntur violenter, veluti ab embolo, & ideò effluxus succi nutritij liberè, & com-  
modè fieri potest .

Cap. 11. De  
fluxu substân-  
tiæ spirituo-  
sæ per ner-  
uos.

Altera difficultas est, quòd succus alibilis abundanter effusus intra musculos efficere deberet motionem, & inflationem validam, violentamque, similem displosioni, quæ à spiritu locomotiuo excitari solet .

Cui respondeo, quòd succus alibilis dulcis, ineptus est ad excitandum in musculis inflationem locomotiuam, cum careat temperie illa acri, & fermentatiua, quæ necessaria est ad displosionem illam excitandam; imò aquosus, & dulcis succus alibilis potius sedare potest, & stupefactionem inducere valet; & ideò retundet, & extinguet vim fermentatiuam, inferetque potius quietem, qua saturantur, sedanturque carnes musculosæ .

Hæc omnia probabiliter contingere non possent, nisi viæ fistularum neruearum obstructæ essent, aut potius ostiola tubulorum spongiosorum in ipsomet cerebro obturatæ essent ab ebullitione succi nutritij ibidem fluctuantis, & irrigantis prædicta orificia, ex qua irrigatione facilè impediri potest illa vellicatio conuulsiva, quæ necessaria esse videtur, vt succus locomotiuus ex tubulis fibrarum neruearum effundatur intra musculos .

Capit. 11. De  
fluxu substân-  
tiæ spirituo-  
sæ per ner-  
uos.

# PROPOS. CLXIII.

Ratio affertur, quare in somno non impediatur motus  
cordis.

Superiùs exposita theoria de motu succi nutritij per interstitia fibrarum neruearum, licet satisfaciat phænomenis motuum voluntariorum artuum, tamen applicari non potest motionibus cordis diaphragmatis, & muscutorum intercostalium, quia in somno æquè bene, ac in vigilia mouentur. Ergo succus in cerebro ebulliens non impedit effusionem spirituum ad hosce musculos. Et profectò dubitari non posse videtur, in cerebello, & medulla oblongata ebullire succum nutritium, & ideò ibidem nerui paris vagi ad cor, & thoracem pertingentes deberent obstrui, sicut contingit in reliquis musculis artuum, cùm illi non secus, ac isti muscoli, in somno reficiantur à nutritio succo. Quare suspicari licet, aut neruos paris vagi, qui ad thoracem sparguntur, non obstrui in cerebro, aut motum cordis alia lege perfici, non addita imperio voluntatis, ad instar authomatis tam in somno, quàm in vigilia.

At accuratiùs meditantì patebit, facilè saluari posse supradictam operationis varietatem, retenta eadem hypothefi duplici modo. Primò, supponendo, quòd nerui cordis suas radices adnexas habeant non in eodem loco cerebri, in quo succus nutritius ebullit, sed vltteriùs, prolongatis nempè eorum filamentis ad altiores cerebri summitates non madefactas à succo illo nutritio; proindèque in somno non possent orificia illo-



illorum canalium obstrui; & sic motus spiritus cordis pulsationem efficientis impediri non posset: & aliunde cordis nutritio perfici posset; quia succus nutritius ebulliens circa nerueum funiculum cordis longè ab eius origine facilè per laterales eius porositates penetrando (vt contingit in fune intra aquam demerso) effluere posset per interstitia fibrarum ad cor nutriendum; dum tamen per tubulos earundem fibrarum non obstructos instillari posset succus locomotiuus ad pulsationes cordis efficiendas.

Cap. 11. De  
fluxu substantiæ spirituosæ per nervos.

Secundò, saluari potest idem phænomenon supponendo, quòd orificia tubulorum fibrarum nervi cordis, seu pori spongiosæ substantiæ in eis contentæ, eius figuræ sint, vt nequeant admittere succum nutritium, sed solummodò permeabiles sint à succo spirituosissimo locomotiuo; & proindè obstrui non possent à succo nutritio commisto, & confuso cum spiritibus locomotiuis; sicuti in renibus orificia fistularum vri-næ non obstruuntur à succo sanguineo, & præclare aquosum serum seligunt, & sorbent, neglecto sanguine, cui miscebatur. Sic quoque canaliculi biliarij, & fellei excipiunt succum biliosum sanguini commistū, nec obstruuntur à sanguine. Idipsum in reliquis visceribus, glandulis, imò in nostris cribris, & excerniculis verificatur. Quapropter dicendum est, quòd nervi cordis differunt à reliquis nervis artuum, quatenus horum tubulorum orificia, adeò ampla sunt, ad instar infundibulorum, vt facilè obstrui possint à succo nutritio; secùs autem in nervis cordis, quorum tubulorum orificia ne dum stricta sunt, sed ea figura prædicta, & perforata, quæ impenetrabilis, & atherogeneis figuris succi nutritij, & exactè succum

Cap. II. De  
fluxu substantiæ  
spirituosæ per ner-  
uos.

locomotivum admittere queat.

Hinc duo succi diuerforum generum, spirituosus, & nutritius, in cerebro confusi, et misti tempore somni effundentes duos. canaliculorum ordines in eisdem, nervis cordis, nempe tubulos fibrarum spongiosarum, & eorumdem interstitia, quorum illi accommodatas figuras habent ad spiritum locomotivum solummodò excipiendum; hi verò aptas ad nutritium succum, admittendum, non autem illum; facile fieri potest, ut simul, eodemque tempore succus locomotivus ad cordis pulsationes efficiendas instilletur; Pariterque succus nutritius ad eiusdem cordis substantiæ refectionem deferatur absque eo, quòd vnus motus alterum impediat. Et hac ratione regula alioquin generalis, qua in somno motus voluntarij omnium musculorum cessant, orianturque, ut refectioni, & nutritioni vacent exceptionem patitur.

#### P R O P O S. CLXIV.

Ratio adducitur, quare non impeditur motus respirationis in somno.

Perturbari videtur theoria superius tradita à nervis thoracis, & diaphragmatis, qui respirationi inserviunt, suntque ramificationes paris vagi, & intercostalium, qui pariter ad cor pertingunt, quia motus respirationis, non voluntarius est, quando, dormientibus nobis, siue non aduertentibus in vigilia, naturæ instinctu fit; pariterque voluntarius est, quatenus cohibere, augere, & minuire, vel accelerare eandem respirationem possumus. At non proindè cogimur

mur superiùs expositam hypothesim immutare. Sufficit tantummodo aduertere, quòd ad thoracem, & diaphragma sparguntur rami neruosi, nedùm à pari vago, & intercostali, sed etiam à spinali medulla deriuati. Hinc fieri potest, vt in vigilia iuxtà voluntatis arbitrium per neruos à spina prodeuntes fiat consuetus motus respirationis; & in somno hi nerui vertebrales, seu eorum radices in cerebro existentes possunt à succo nutritio ebulliente obstrui; & reliqui rami neruei paris vagis, & intercostalis ad thoracẽ, & diaphragma pertingentes, qui eandem formã, & structuram habent, quàm illi, qui ad cor deferuntur, illæ radices neruosæ possunt æquè bene somnum locomotiuum excipere, ac cor continenter tempore somni excipit. Et sic continuari respiratio in somno potest. Licèt in vigilia alterari possit eo modo, quòd volumus, non autem omninò impediri.

Cap. 11. De fluxu substantiæ spirituosæ per neruos.

## P R O P O S. CLXV.

Quare inter dormiendum aliquando motus Artuum fiant, inquirere.

Si in somno obstructis neruis, nec sensationes ab externis obiectis trasmittere ad cerebrum, nec motiones locales imperari possunt, cur dormientes circumuoluuntur, aliquando brachia mouent, & calcitrant; atque noctambuli perambulant, & alias motiones ordinatas edunt? Et licèt interna facultas non sit sopita; & vigcat agitando, & réuoluendo imaginationes hæcenus in animo impressas, tamen non facilè percipitur, quomodo obstructis vijs neruorum, locales mo-



Cap. II. De  
fluxu substā-  
tiæ spirituo-  
sæ per ner-  
uos.


tus exerceri valeant . Dici posse suspicor , quòd motus illi aliquando sint conuulsiui , quatenus nervi à succis in tubulis eorum contentis fermentatiuo quodam motu irritantur . Et hoc fieri vt plurimum posse somniando .

Verùm in noctambulis difficilior est solutio problematis : impeditæ enim omninò sunt denuntiationes sensitivæ externorum obiectorum, nihilominus liberè instillari possunt succi locomotiui ad musculos agitando : forsan, quia succi nutritiui ebullientes, in noctambulis nimis narcotici , & ideò stupefaciunt facultatem sensitivam , non verò vim motiuam refrænare possunt , quia motus imaginationis vices voluntatis exercendo, imperant motus locales , qui postea ex habitu acquisito ordinata methodo exercentur.

## C A P V T XII.

*De succo spirituofo seminali, eiusque genesis, motu,  
& natura .*

Postquàm egimus de spiritibus animalibus in cerebro genitis , atque de eorum motionibus , differere modò debemus de spiritibus alterius generis, nempe de succo seminali viuacissimo , & actuosissimo , qui in testibus conficitur . De cuius generatione, motibus, & natura aliqua attingemus, & primò .



## P R O P O S. CLXVI.

Cap. 12. De  
succo spiriti-  
tuofo, semi-  
nali eiusque  
genesi, mo-  
tu, & natura

**Testiculorum structura, nuper reperta, exponitur.**

Satis oscitanter antiqui Anatomici structuram, & vsum testiculorū inquisierunt. Alij moles carneas esse dixerunt, & nulla alia de causa à natura fabrefactas fuisse, nisi vt suo pōdere vasa dilatarēt. Qui verò seminis officinas esse crediderunt, aut à spōgiosa pororū structura eorundem exugi aquosam serositatem ex semine ( contra quos acriter Galenus insurgit ) aut à medullari, & glandulosa eorundem substantia transmutari sanguinem, vel lympham in semen censuerunt.


Has omnes imaginationes apertè reiecit accurata recentiorum anatomica obseruatio; quorum primus fuit Clar. Auberius, qui dum Pisis anatomiam profiteretur in meis ædibus anno 1657. mihi, & Clariss. Malpighio, & alijs ostendit in testiculo ouis elixato, totam eius molem constare ex innumeris candidis columnaribus filamentis, ad instar vermiculorum extensis ab ambiente tunica neruosa ad testis axim intermedium. Tales fibræ repletæ erant succo lacteo seminali, in quibus facta leui compressione guttatim succus ille effluebat. Sed multò clariùs hoc patuit in testiculis Apri, M. Ducis Aetruriæ Ferdinandi Secundi iussu mactati, eo tempore, quo solent hæc animalia coire, quando scilicet eorum testes valde turgidi sunt succo seminali, & tunc vasa illa, quæ pulli gallinacei pennas ferè æquant, distinctè, absque vlla præparatione conspiciuntur, ob tincturam sanguineam

Cap. 12. De  
succo spiri-  
tuofo semi-  
nali eiusque  
genesi, mo-  
tu, & natura

guineam inter alias candicantes fibras intercepta .  
Postea , idem Auberius meo suasu pulcherrimam  
hanc obseruationē typis excudit, addita elegāti aeneae  
figura Florentiae eodem anno .

Verum , quia nemo debita sibi gloria fraudari de-  
bet, Clar. R. de Graaf postea anno 1668. eandem  
structuram testium edidit, & quamplurima præclara  
adinuenit, non animaduersa ab Auberio . Obserua-  
uit enim, quod arteriæ spermaticæ partim ipsam te-  
stium substantiam penetrant, partim per epididyma,  
& per tunicam albugineam sparguntur : quod inie-  
ctione aquæ coloratæ per syringam, verum esse perce-  
pit . Explicuit quoque ductum epididymis in maio-  
rem longitudinem, quàm Auberius distenderat ; pa-  
riterque vidit foramen epididymis, eiusque turtuo-  
sam, & serpentinam cavitatis productionem, aqua per  
syringam infusa, visibilem reddidit, & alia præterea  
pulcherrima obseruauit .

Ex horum Clariss. virorum obseruationibus ha-  
bemus, quod arteriæ sanguinem ad testes deferunt,  
insuper neruea vasa propria candida testium compo-  
nunt substantiam eorum, quæ in ductu neruoso per  
axim extenso, & postea in singulari longissimo canali  
epididymis producta desinunt in vasa semen deferen-  
tia, quæ ad vesiculas seminarias exonerantur: & hinc  
vnâ cum succo è parastatis expresso in vretram semen  
euomunt .





## P R O P O S. CLXVII.

Inquiritur structura ductuum seminalium .

Cap. 12. De  
succo spiri-  
tuoso, semi-  
nali eiusque  
genesi, mo-  
tu, & natura

Licet oculorum acies non attingat compositionem, & intimam structuram columnularum vermicularium, ex quibus moles testis componitur, conijcitur tamen eas non esse simplices fistulas perforatas ad instar arundinum factas, vt succus seminalis per eas solummodò motu locali effluat, sicut sanguis per arterias, & venas excurrit. Sed videntur repletæ substantia quadam spongiosa; quod conijcitur ex eo, quòd è ductibus illis suspensis nō defluit spontè succus lacteus, qui in eis continetur, sed requiritur compressio aliqua, non secus, ac è linteo madidò manibus compresso aquam exprimimus.

Id ipsum confirmatur; quia licet testiculus dissectus fortiter comprimatur constringaturque, retinet nihilominus notabilem crassitiem: ergo non à solo fluore replebantur columnulæ illæ, sed à mole crassâ substantiæ spongiosæ, turgidæ reddebantur.

Et profectò, si earum interna cavitates fistulosa, & leuigata fuisset, vt sunt arteriæ, & venæ, sanguis transformari in succum spermaticum non posset. Potius verisimile videtur, loculos illos spongiosos esse similes fauibus mellis, repletis fermentitijs quibusdam fluoribus, à quibus diuturna actione sanguis transmutatur in actuosissimum, viuacissimumque succum seminalem. Et licet non conspiciatur origo, & continuata progressio earundem columnularum, tamen credibile est, in tunica albuginea radicari, ibidemque exuge-  
re

Cap. 12. De  
succo spiri-  
tuofo semi-  
nali eiusque  
generesi, mo-  
tu, & natura

re ex sanguine succum candidum glutinosum, vnà cū eius albugineo fluore, à capillaribus arterijs effusus; pariterque per laterales porositates eosdem sanguineos fluores imbibere, & hac de causa venulæ plurimæ per internam testis substantiam disseminantur, vt scilicet exugant sanguinis reliquias, quæ idoneæ non sunt ad semen conficiendum: desinunt postea prædictæ columnulæ in fasciculum neruosum in axi testis positum, quæ in ductum longissimum serpentinum epididymum euomunt seminalem fluorem, & tandem per canalem spermaticum ad vesiculas, & ad vreticam exonerantur.

#### P R O P O S. CLXVIII.

Elaboratio succi genitalis inquiritur.

Quia arteriæ spermaticæ paulò ante, & post ingressum in testes, non directo, & breuissimo cursu feruntur, vt solèmnè est in omnibus corporis partibus; sed tortuoso vermiculari ad latera hinc inde, ante, & retro digredièdo, ad instar labýrinthi progrediuntur, & postea ambiunt substantiam testis; Insuper omnia vasa simul cum extremitate epididymum à tunica vaginali inuestiuntur. Hinc suborta est opinio, quòd eadem arteriæ productiones candorem acquirerent; et in epididymas transformarentur; ità vt vasa seminalia non sint aliud, quàm productiones continuatæ earundem arteriarum.

At Clar. Graaf iniecta aqua colorata per syringam vidit, arterias intra testis substantiam ramificari, & infra epididymas, & per ambitum earum excurrere; &

in summa vasa arteriosa distincta, & diuersa esse ab epididymis.

Verum est tamen, quod materia, ex qua semen elaboratur, est substantia sanguinea, quæ excipitur à testibus; at non integra eius congeries, sed purior, & selecta eius pars glutinosa, & albuginea, candida, spirituosissima, & viuifica, quæ excipi potest à cribrosa consimili configuratione orificiorum, pororumque, quibus vasa feminalia perforata sunt, eodem mechanico artificio, quo natura separat bilem à sanguine in hepate, & urinam in renibus, ut dictum est. Quod porro talis flos sanguinis candidus, solummodò à testis substantia, seu ab eius columnulis spongiosis excipitur, ex eo conijcitur, quod plurimæ venulæ intra profundam testis molem dispersæ, exugunt crassiores sanguinis reliquias impuras rubicundas; & ductus lymphatici pariter excipiunt serositates aqueas cum alijs inquinamentis.

Postea fori illi sanguineo in testibus relicto, ne dum additur succus spirituosus nobilissimus à neruis, sed præterea diuturno labore chimico à fermento in columnulis spongiosis testium contento exaltatur, scilicet solutis vinculis partes spirituosæ, & se mouentes libertatem naturæ viuificam energiam summè actiuam exercere valeant.

Quod, inquam, talis fermentatio fieri in testibus possit, suaderi potest ex prolixa mora, & motus tarditate, qua succus seminalis detinetur in capacibus illis spongiosis columnulis, & in prolixo, & intricato canali epididymum, sicuti in intestinis prolixis, & tortuosis animalium per fermentationem chylus elaboratur.

Præterea in transitu, in cuneatione, & quasi te-

Cap. 12: De  
succo spiri-  
tuoso semi-  
nali, eiusque  
genesi, mo-  
tu, & natura



Cap: 12. De  
succo spiri-  
tuofo semi-  
nali eiusque  
genesi, mo-  
tu, & natura

rebratione per labyrinthicos ductus testium, consensaneum est, ut succi spirituoſi, eorumque partes acquirant insignes, & diuerſas ſituationes, poſituras, configurationes, & impetus motiuos animasticos, ſimiles, eiufdemq; indolis, quibus variæ partes animalis, quod generari debet, apti nati ſunt moueri. Porrò talis vis motiua à ſemine contacta tam valida, & efficaſeſt, ut ad inſtar facultatis magneticæ, vel ſeminum veneni, aut peſtis penetrare momento poſſit per vteri poros, & ſua ineffabili energia agitare, affingere, & animare authoma embryonis in ouo efformatum, eiufque partes organicas, ut motiones inchoare valeant ea methodo, & periodo, prout exigit vitalis, & animalis operatio.

#### P R O P O S. CLXIX.

Testiculorum ſubſtantiam, & organicam ſtructuram ſimilem cerebro quodammodo eſſe.

Naturæ lumine dignoſcere ſolemus viſcerum ſimilitudinem, vel diuerſitatem inter ſe, ex ijs, quæ ſenſibus apparent, nempe ex conſiſtentia, colore, ſapore, configuratione, ſtructurâ, & ex officijs, & operationibus eorum. Sic perſuademur, cerebrum diuerſum eſſe à corde, hepate, liene, renibus, & ſtomacho, quia cerebrum mollem conſiſtentiam, mediam inter glanduloſam, & medullarem ſubſtantiam habet, candidam, dulcem, lacteamque ex fiſtulis tortuoſis compoſitam; alia viſcera carnoſam conſiſtentiam, rubicundam, & diuerſam figuram, & ſtructuram à cerebro habent. Prætereà cerebrum eſt officina ſpirituum,  
reli-

reliqua viscera, aut chilum, aut sanguinem conficiunt, purificant, aut complent, perficiuntque.

E' contra, quia thimum, Pancreas, parotidæ, & aliæ glandulæ habent mollem, et albam substantiam, dulcis, et lactei saporis, componunturque ex lobulis, in quibus arteriæ, nervi, venæ, et vasa lymphatica ramificantur, duo prima vt immittant, postrema, vt exugant succos ad instar radicum arborum ex glebis, habentque prætereà vasa excretoria: vnde concludimus, omnes esse glandulas, et similem naturam, et vsu habere.

Eodem modo, quia videmus, quod testium substantia assimilatur, non quidem glandulis, aut visceribus, sed cerebro, est enim illorum substantia, mollis, candida eiusdem grati saporis, ac cerebrum; similem configurationem testes habent, cum consistant ex columnulis, seu fibris nerueis similibus spongiosis, lacteo succo dulci repletis sicut cerebrum, in eis effunditur sanguis ab arterijs ramificatis, & residuum exugitur à venis, & à vasis lymphaticis, vt in cerebro; in testibus ex sanguinis flore elaboratur succus spirituosus viuificus seminalis, sicuti in cerebro efficiuntur spiritus, seu succi vitales, & animales; & tandem è testibus egrediuntur productiones nervosæ epididymū, & vasorum semen deferentium, sicuti è cerebro propagantur neruorum ramificationes, quæ spiritum animale deferunt ad viuificandum, & mouendum corpus vniuersum.

Quid ergo verat, vt testes alterum cerebrum sui iuris reputemus? eorum quippè fabrica destinata, videtur à natura, non ob bonum individui, sed ad speciei conseruationem, vt nimirum vitales, & anima-

Cap. 12. De  
succo spiri-  
tuoso, semi-  
nali eiusque  
genesi, mo-  
tu, & natura

Cap. 12. De  
succo spiri-  
tuoso semi-  
nali, eiusque  
genesi, mo-  
tu, & natura

sticos spiritus, non vt sensationes, & locales motio-  
nes indiuidui administrent, sed vt aliud sibi simile  
indiuiduum procreent.

Hinc forsàn est, quòd in testibus tam pauci, & exi-  
lissimi neruiculi à cerebro propagentur, vt aliqui ana-  
tomici negauerint, neruos ibidem disseminari; quia,  
nempè testes proprijs neruis abundant, scilicet sui  
generis propagatis à cerebrali testium substantia, quæ  
sui iuris est, nec cerebro, seù regiæ animalis facultatis  
subijcitur.

Fit quoque, vt cerebri conformatio subitò ab ini-  
tio in embrione perficiatur, quando animalis vita,  
scilicet nutritio, & sensatio inchoat; at testium au-  
thoma, non subitò, sed in pubertate absoluitur, quan-  
do nempè animal emancipatum aliud sibi simile pro-  
creare potest.

### P R O P O S. CLXX.

In actu generationis, è cerebro spiritus animales ad  
testes transfundi grandi copia, & impetu.

Licèt cerebrum, & testiculi sint officinæ discretæ  
inter se, in quibus diuersa munia exercètur, & spiritus  
diuersæ indolis in eis elaborantur; quia tamen in eodè  
corpore animalis continentur, mirum non est, quòd se  
mutuò afficiant, & compatiantur: verū mirabilis con-  
sensus, qui intercedit inter testes, & cerebrū pendere  
videtur ob alia longe diuersa causa. Videmus enim,  
quòd in actu venereo valdè perturbantur animalia,  
afficiunturque conuulsiva quadam passione, & veluti  
epileptico suauis deliquio: hoc autem nullo pacto fie-  
ri




ri posset, absque vehementi agitatione spirituum animalium, & concussione cerebri, & totius nervosi generis.

Quòd postea talis motus rapidus spirituum animalium fiat à cerebro per nervos ad testes, & ad vasa spermatica, suaderi potest ex eo, quòd in embryonibus, ne dum multoties imprimuntur à paterno semine notæ, colores, & configurationes externæ faciei, oculorum, digitorum, contorsiones, & deformitates, sed etiam bonæ, aut prauæ internæ dispositiones animi, viscerum, & membrorum hæreditantur. Et quia nulla actio physica concipi potest absque contactu corporeo, ergo dicendum est, quòd ex vniuerso corpore paterno particulæ aliquæ cum semine communicantur, deferètes indoles, deformitates, morbos &c.

Quòdque in semine in testiculis existente non præextiterint, sed superueniant, et adiungantur particulæ omnium partium solidarum, et spirituosarum parentis tempore coitus, probatur, quia semen componitur ex sanguine; sanguis verò non ex particulis totius animalis, sed ex nouo chilo conficitur; ergo pariter in semine aderint particulæ, quæ in chilo extabant, & proindè carebit particulis ab vniuerso corpore abscissis.

Cap. 12. De succo spirituofo, feminali eiusque genesi, motu, & natura



Cap. 12. De  
succo spiri-  
tuofo semi-  
nali, eiusque  
genesi, mo-  
tu, & natura

## P R O P O S. CLXXI.

Succus spirituosus in testibus elaboratus, est potentis-  
simum elisir, seu balsamum ne dum pro-  
lificum, sed etiam animum, et  
corpus generantis augens,  
et perficiens.

Videmus, quòd pueri voce, robore, et moribus  
potius feminis, quàm viris perfectis assimilantur; mu-  
tantur postea in pubertate, repentè quidem dilatando  
tracheam, vocem augendo, barbam emittendo, et  
totius corporis robur, et firmitudinem acquirendo:  
cùmquè hæ omnes mutationes semper consequantur  
eodem tempore, quo seminalis elaboratio in testibus  
primò efficitur; et è contra quotiescunque ab ægri-  
tudine, vel ab externa causa impeditur, aut prohi-  
betur prædicti feminis confectio, deficiunt quoque  
signa virilitatis, nempe, nec fit vox sonora, nec barba  
enascitur, nec animus, et corpus roborantur; ergo  
semen de nouo elaboratum in testibus erit vera causa  
prædictorum effectuum, scilicet talis energix est, vt  
possit virilem perfectionem conferre; quandoqui-  
dem illa censetur vera causa alicuius effectus, qua  
posita sequitur, et ablata, tollitur prædictus effe-  
ctus.

Id ipsum confirmatur, quia videmus, quòd anima-  
lia, quæ statis temporibus, aut vere tantum genera-  
tioni vacant, scilicet, quando eorum testiculi semine  
turgidi sunt, tunc robustiora, generosiora, iracunda,  
impauida, & bellicosa sunt, alijs verò temporibus  
pa-

pacifica, frigidiora, & timida, quando nempe testes emuncti, & exinaniti semine sunt. Ergo semen in testibus elaboratum perficit, & roborat animum, & corpus animalis.

Cap. 12: De  
succo spiri-  
tuoso semi-  
nali, eiusque  
genesis, mo-  
tus, & natura

Tandem aperte hoc euincitur in animalibus castratis, quæ pristinum animi vigorem, generositatem, audaciam, solertiam, & corporis robur, & fortitudinem amittunt, fiuntque debila, frigida, timida, & effeminata, animo, & corpore, ut patet ne dum in hominibus, sed etiam in equis indomitis.

Et aduerte, quod ab animalibus coitum exercentibus subtrahitur substantia seminalis spiritiuosa, nobilissima; ergo potius debilitari deberent. E contra in castratis non dissipata tali spiritiuosa substantia, deberent eorum vires augeri. Hoc autem cum sit falsum, dicendum est, quod ipsamet seminis generatio sit causa potissima tanti roboris, & perfectionis animalis, quatenus in substantia cerebrali testiculorum ex flore sanguinis chimica fermentatione, & mechanica cribratione elaboratur nobilissimus succus, & vitale elisir, seu balsamum, quod ne dum speciei propagationi sufficiat, sed etiam remaneat in eodem generante animali, & diffundatur potentissima sua virtute, analoga venenis, aut seminibus pestiferis, per omnes artus animalis, augendo animi, & corporis vigorem.

Concedunt aliqui recentiores, ex semine eleuari auram quandam, dum generatur, à qua corpus, & carnes immutantur, ut patet in Arietibus, qui virus succi seminalis eorum referunt, & carnes Verrium, dum coquantur graueolentem odorem spargunt, cum è contra porcorum castratorum carnes bene oleant.

Pari



Cap: 12. De  
succo spiri-  
tuoso semi-  
nali eiusque  
genesis, mo-  
tu, & natura

Pari modo in fœmellis exceptio feminis masculinũ corpus illarũ immutat, vt experientia docet, & Clar. Graaf vidit canem, quæ lactabat felem, quando illa coiuit, felis lac illius abhorruit.

Talis profectò mutatio intelligi non potest absque contactu physico; quare necesse est, vt corpuscula spirituosæ succi seminalis è testibus diffundantur ad cerebrum, ad cor, & ad omnes partes animalis potentissima sua facultate motiua, & summè actiua; non secus, ac venena, & semina pestis agitant, & corrumpunt spiritus, & omnes partes corporis animalis.

### P R O P O S. CLXXII.

Succus spirituosus in testibus elaboratus, diffunditur ad vniuersas corporis partes solummodò per neruos.

Quia naturæ lumine capi non potest, quòd absque corporali contactu vlla actio physica absoluator, ergo nisi corpuscula spirituosæ in testiculis elaborata transferantur ad cerebrum, neruos, & musculos, non videntur posse augere, roborare, & viuificare partes animalis spirituosas, & organicas: at quia talis elaboratio fit in testiculis remotis, & ferè disiunctis à corpore animalis, cum quo nullum commercium per vias manifestas habere videtur, præterquam per venas, per vasa lymphatica, aut per neruos, videntum per quænam ex ijs talis diffusio fiat. Et primò, quòd per vasa sanguinea spiritus seminalis non comunicetur ad cerebrum, & ad omnes partes eiusdem

ani-

animalis suaderi potest , quia per arterias sanguis rapido motu aduenit , & deponitur in testibus ; ergo est impossibile, vt contra fluxum torrentis sanguinis succus seminalis deferatur versùs cor repulsus à sanguine ab eo recedente. Neque per venas, quia primo loco debet secerni pars crassâ impura , & rubicunda sanguinis à nobiliore eius parte , & postea selectus flos sanguinis proluxa actione in longissimis ductibus proprijs testium elaborari , fermentari, & exaltari debet .

Cap. 12. De  
succo spiri-  
tuofo, semi-  
nali eiusque  
genesis, mo-  
tu, & natura

Hoc patet, quia subito post ingressum sanguinis arteriosi in testes, succus sanguineus dealbatur , non quia destruitur rubedo in toto sanguine illuc ingressu , nam si hoc esset, venulæ exurgerent reliquias sanguineas candidas, quod est falsum; conspiciuntur enim rubræ. Ergo dicendum est , quòd sanguis in ipso ingressu dealbatur, quia ex eo secernitur pars impura rubicunda , & hæc exugitur à venulis capillaribus .

Videtur igitur impossibile, quod nobilissimus succus seminalis à venulis exugatur , & transportetur ad cor ; primò, quia illæ venulæ excipiunt fæces sanguinis impuras : secundò, quia exugunt sanguinem subito post ingressum in testes , & ideò ex loco valdè remoto ab eo , in quo seminis elaboratio completa est ; non enim à vasis spermaticis , sed ab ipso corpore testiculi reliquias sanguinis ebibunt : tertio semen corrumperetur, & vapidum fieret ab admistione fæcum sanguinis, quæ separatæ priùs ab illo fuerant.

Eadem ratione à lymphaticis vasis succus seminalis transportari ad cor , & ad cerebrum non posse videtur, quia sunt vasa excretoria succi serosi, qui infi-

Cap. 12. De  
succo spiri-  
tuofo semi-  
nali eiusque  
genesis, mo-  
tu, & natura

ciebat nobilissimam feminis substantiam; & ideò cor-  
rumperet, & vapidum ipsum redderet, inani labore,  
nempè iterum corrumpendo opificium, quod priùs ip-  
sa natura effecerat.

Restat ergo, vt deferatur per nervos illos exiles  
sexti paris vagi, & per vertebrales, & per eos, qui ad  
vesiculas seminales ad vrethram, et penem communi-  
cantur, sicuti videmus, quòd succi maligniluis vene-  
reæ ab vtero infecto exuguntur per poros corporum,  
nervosorum penis spongiosorum, et momento uni-  
verso corpori communicantur. Nec obstat contra-  
rietas motuum in nervis, cùm fieri possint per easdem  
vias diuersis temporibus. Vt in prolixa intestina cæ-  
ca autem succi, et recrementa intrans, et exeunt;  
sic per nervos spiritus seminalis ingredi potest, et fer-  
ri motu contrario ei, quo succi animales, et nutritij  
è cerebro diffunduntur per easdem vias, sed diuersis  
temporibus.

Non negabo tamen, per venas ad vasa spermatica,  
et ad vesiculas seminales desinentes succum semina-  
lem diffundi posse cum refluxo sanguine ad cor, et de-  
inceps ad cerebrum, et hinc ad nervos roborandos:  
sed verisimile mihi videtur, vt præcipua illius pars  
per nervos immediatè traducatur ob brevitatem iti-  
neris, eiusque facilitatem. Quod confirmatur ex deli-  
quio illo convulsivo, quo spinalis medulla, cere-  
brum, et genus nervosum in actu venereo affici so-  
lent, quod non per venas, sed immediatè per nervos  
communicari consentaneum est. Si igitur talis via è  
vasis spermaticis per nervos ad cerebrum datur, et  
frequenter per eam spiritus seminalis movetur, quare  
dubitabimus, per eandem quoque diffundi spiritum  
femi-



feminalem ad roborandum cerebrum, & reliquas partes animalis ?

Cap. 12. De succo spirituofo, feminali eiusque genefi, motu, & natura

P R O P O S. CLXXIII.

Circulariter quodammodo fpiritus in animali moueri ad inftar fanguinis .

Oftenfum eſt, dari plures motus contrarios in neruis .

Primus eſt ille, quo fpiritus animales à cerebro ad mouendos extremos artus deferuntur, & quo ab extremitatibus ad cerebrum ſenſationes denunciantur .

Secundus eſt ille, qui verè motu locali fit, ſcilicet, quo ſucci cardiaci, & venenati per neruos ad cerebrum feruntur; & contrà ſucci nutritij à cerebro ad omnes partes diffunduntur .

Tertius eſt ille, quo animales fpiritus accurrunt ad viuificandum ſemen in teſtibus, & contrà ille, quo ſuccus feminalis cerebrum, & genus neruoſum afficit in actu coitus, & quo roborat fpiritus, & reliquas corporis partes .

Hi omnes motus, licèt diuerſis temporibus fiant per eaſdem vias neruorum, ſatis tamen ſuadent, admitteri debere circulationem ſpirituum . Sicuti enim ex eo, quòd eadem maſſa ſanguinea continuo fluxu à corde exit, & eodem redit, inferitur circulatio eius, ſic quoque conſentaneum eſt, ex continua affuſione ſpirituum, facta à cerebro, & eorūdem reſſu ad eandem regiam animæ, inferri poſſe circumductionem ſpirituum . Et ſicuti euincitur, quòd eadem moles

Cap: 12. De  
succo spiri-  
tuofo femi-  
nali eiusque  
genesi, mo-  
tu, & natura

totalis sanguinis, quæ à corde discesserat, ad id ipsum redit, propterea quòd in 4. minutis horarijs tota moles sanguinis à corde diffunditur, & quia eodem breui tempore non dissipatur, nec alia priori æqualis potest denuò regenerari, ergo fluxus sanguinis ex corde cessaret, nisi eadem massa sanguinis, circuitu facto, accederet ad replendum fontem cordis. Sic quoque spiritus animales, quia grandi copia diffundi debent ad viuificandum, & mouendum vniuersum corpus, & eius partes, & hi tam citò reparari, & refici non possunt, Ergo suspicari licet, quòd iidem spiritus (quos aliunde nouimus ad cerebrum communicari) circuitu facto, accurrant ad reficiendum, & replendum cerebrum, fontem spirituum.

Confirmatur talis suspicio ex eo, quòd fluxus succi spirituofo è cerebro tantò velocior esse debet, quàm sit fluxus sanguinis è corde, quantum spirituum mobilitas, & vehementia superat sanguinis inertis impulsionem, factam à musculo cordis.

Dices, non conspici vias manifestas. Fateor vltro; sed si sanguinis circuitus tandiù latuit, quis scit, an in posterum viæ circuitus spirituum detegantur?

Et profectò cùm vita in continuo motu consistat, & motus spirituum velocissimus esse debeat, si eadem velocitate dissiparentur, destruerenturque spiritus, planè regenerari non possent tam citò ex sanguine. Quare suspicari possumus, quòd circuitu facto ad cerebrum redeant.

Præterea, si hoc verum non esset, regenerari eadem celeritate deberent, nè dum spiritus, qui à cerebro discedunt, sed etiam illi, qui ad cerebrum accurrunt, ad deferendas noxas venenorum, virtutes car-

cardiacas, & robur ex feminali succo : quod auget difficultatem.

Sed ad quid quærimus coniecturas, cum cōstet, motum spirituum à partibus ad cerebrum fieri? quare non erit à ratione alienum, circuitionem quandam efficere succos spirituosos vitales, & animales durante vita.

Cap. 13. De generatione, & vegetatione plantarum.

## C A P V T XIII.

*De Generatione, & Vegetatione Plantarum.*

**I**Nnata nobis via est, ut à facilioribus, & notioribus ad minùs nota procedamus; cumque plantæ ab animalibus differant, quatenus planta structura faciliori, minori apparatu organorum, & minus artificiosis operandi modis, & facultatibus donantur, quàm animalia, & ijs, in quibus conueniunt; ijsdem legibus, & mechanicis artificijs natura operatur; Ergo valdè conducet cognitio generationis plantarum, ut animalium genesis percipi possit.

## P R O P O S. CLXXIV.

In femine cuiuslibet plantæ adest exigua eiusdem speciei plantula perfectissimè exarata.

Antiqui cognouerunt, in feminibus, seu ouis plantarum adesse nobiliorem particulam, quæ ad instar gemmæ esset rude quoddam inchoamentum futuræ plantæ. At postea patuit, gemmam illam esse veram, & integram plantam trunco, ramis, folijs, & radicibus do-



Cap. 13. De generatione, & vegetatione plantarum. donatam, comprehensamque à duobus crassis folijs, seu folliculis candidis, & pinguibus, à quibus plantula illa lactari ab initio potest.

Tandem Cl. Malpighius præclaro opere de anatomicæ plantarum, ope microscopij exactissimè hanc cognitionem auxit, & perfecit. Ego tantùm proferam theoricam, quam ex B. Castello præceptore didici, & quæ deinceps meditatus sum.

### P R O P O S. CLXXV.

Thermometri Sanctorii constructio, & operatio ad plantæ vegetationem conducens declaratur.

Tab. 18. Fig. 13.

Omnium primus Sanctorius excogitavit organum, quo mensurantur aeris gradus caliditatis, quod postea thermometer appellarunt, cuius structura talis est. Ampulla vitrea AB, habet collum, seu fistulam prælongam pariter vitream BC, eiusque orificium C apertum est. Postea excalefacta vesica AB panno calido, manibus, aut alio modo, quousque aer in ea contentus aere ambiente rarior reddatur, & demergatur fistulæ os C intra aquam in catino D E F contentam: tùm à refrigerio aeris ambientis denuò aer inclusus ad pristinum statum suæ condensationis reducetur; & ideò occupabit spatium minus capacitatis fistulæ, ad quod replendum ascendat aqua subiecta, usque ad H. Talis machina sic preparata quamlibet novam aeris mutationem ostendet; nam quando plus solito excalefactus aer ABH rarefit, tunc aquæ libella H deprimeretur; & è contra eodem aere refrigerato, et ideò condensato, aqua eleuabitur supra terminum H, usque ad I.

Hæc

Hæc ex Sanctorio. Vt verò talis machina proposito nostro accommodetur, supponamus, phialam ABC esse mollem, & distrahibilem, vt cera calefacta, aut quid simile; & præterea supponamus, totam cavitatem eius, & præcipuè canalem BC esse spongiosum; tunc quidem à radijs solis diurnis rarefacto aere in poris spongiosis ABI contento, aqua quæ vsque ad I, excepta fuerat, retrocedere non posset, quia internæ spongiositates vsum valvularum præstarent; & ideò descensus aquæ semel exceptæ impediretur. Insuper, quia aliundè aer in AB excalefactus, ampliorē locum exigit, ergo inflādo vesiculas porosas molles, tota moles AB augebitur: postea, superueniente refrigeratione nocturna, aut à vëto facta, aer in spongioso spatio AB contentus denuò condensabitur, & proindè aqua CI, vltiùs promouebitur vsque ad B; & sic vltiùs nouis vicissitudinibus priori similibus, nouam aquam exugendo tota moles vasis ABC inflabitur, & augebitur.

Cap. 13. De  
generatio-  
ne, & vege-  
tatione  
plantarum.

## P R O P O S . CLXXVI.

Caudex plantæ abscissus, & aquæ immerfus videtur nutriri, & augeri eadem mechanica necessitate, qua supradictum Thermometrum aquam exugit.

Tab. 18. Fig. 14.

Sit ABC ramusculus alicuius plantæ tenellæ, vel floris, cuius abscissus pediculus C, intra aquam vasis DEF immergatur. Patet, quòd furculus BC fibris spongiosis repletus est, & summitas frondosa, vel florida BA mollis, & spongiosa quoque est, cuius copiosissimæ porositates aere succis aquosis immisto replentur.

Hoc

Cap. 13. De  
generatio-  
ne, & vege-  
tatione  
plantarum.

Hoc supposito, adueniant radij solares, necesse est, vt aer in illis porositatibus inclusus rarefiat, & ideò amplius spatium sibi æquale quæret; quod cum haberi non possit expellendo succum aqueum per officium infirmum C virgæ BC, ob valvulas, quas spongiosa structura compressa efformat, & egressum aquæ prohibet; ergo oportet, vt parietes supremi molles, et distrahiles porulorum expandantur, & sic moles gemmæ foliorum, & floris augebitur, et crescet. Postea superueniente vmbra, & frigore nocturno, aut venti refrigerio condensabitur aer ille, qui expansus, et rarefactus fuerat in prædictis poris: et ideò denuò ex vase DEF noua aqua per fistulas spongiosas CB exurget, à qua repleri, et saturari debent spatiola exinanita in AB, & hac vicissitudine folia, et flores AB nutriri, et crescere possunt.

### P R O P O S. CLXXVII.

Exortus, et generatio plantæ ex suo semine, quo ordine fiat, exponere.

Exponi deindè debet, quo ordine pullulatio feminum plantarum fiat. Et primò à pyramide spongiosa radicum exugitur aqua sibi contigua, siue in vase contenta, siue in vapores subdiuisa inter glebas expirante, vel in aere aperto commista. Tunc eadem pyramis radicalis non secus, ac spongiosa, vel fistula Sancto-rij superius exposita, inflatur, producitur, elongaturque ob necessitatem porulorum in directum extendibilium, non in latum, ob angustiam fasciarum dilationi resistentium. Tale, inquam, incrementum radicum,



tum patet ad oculum, madefactis seminibus plantarum, quæ turgent primò in aculeo illo pyramidali gemmæ, seu plantulæ exugendo aquam ad instar spōgiæ, & sensim elongantur, & postea in plures ramulos plantula illa subdiuiditur. Itaq; motus incrementi illius radice fit ad extrà, diffundendo succum aqueum nutritium versus extremum apicem, quem tamen excipit per poros laterales eiusdem intestinuli radicalis.

Cap. 13. De  
generatio-  
ne, & vege-  
tatione  
plantarum.

Postquàm verò radix sufficienter prolongata est, vt nimirum demergi possit infra terram madidam, tunc motus contrarius instituitur; scilicet, spongiosæ extremitates radicum exugunt aqueum humorem, eumque deferunt versus globum, seu ouum seminis; dum interea incrementum radicum non cessat: qui motus contrarij forsàn fiunt non eodem, sed diuersis temporibus, & sic se mutuò non impediunt.

Facta hac præparatione seminis, duo folliculi duri, crassi, et turgidi AB, et CB suam actionem inchoant inseruiendo, vt duæ ampullæ thermometri Sanctorijs, rarefacto nempe aere contento intra porositates eorum à radijs solis diurnis, et superueniente refrigerio noctis, exugitur aqua à radicibus D, quæ ascendit per canaliculos spongiosos DB, atque sensim insinuat in poros foliorum AB, CB; hæc aqua cum à valvulis, seu à membranulis spongiosis conuiuentibus impediatur, ne retrocedere deorsum possit, fit, vt superueniente noua rarefactione, pori ipsi folliculorum inflentur, et ideò moles foliorum AB, CB, turgescat, & crescat. Tandem post aliquas vicissitudines rarefactionis, et condensationis, quando folia AB, CB, ne dum inflata, et turgida omninò sunt, sed etiam pelliculæ

Cap. 13. De  
generatio-  
ne, & vege-  
tatione  
plantarum.

externæ folliculorum concreſcunt ob tenacitatem, & ideò ampliùs diſtendi non poſſunt, tunc ceſſat incrementum folliculorum. At quia interim à nouo calore ſuperueniente copia illa aeris contenta in poris folliculorum ampliatis, et multiplicatis rareſcit, et ideò vim faciet, vt anguſta ſpatia pororum dilatet; cùmque talis extenſio impediatur à corticibus tenacibus folliculorum, cogitur ille aer dilatare poros gemmæ, ſeu plantulæ interceptæ IH; et poſtea ſubſequenti frigore noua aqua excepta non ampliùs inſinuatur intra poros folliculorum, ſed potiùs intra poros plantulæ mollis, et extendibilis, et ſic ſuccedit vegetatio, et incrementum eiùſdem plantulæ IH, dum laſtatur ab exuſtione facta à mamillis folliculorum AB, CB. Poſtquàm verò plantula IH adoleuerit, vt per ſe officium folliculorum ſupplere poſſit, tunc auxiliarij illi Thermometri, vt inutiles, ſenſim areſcunt; et ipſa planta per ſe proſequitur opus vegetationis, et incrementi ſui ipſius.

Et hæc eſt, ni fallor, poſſibilis, et non omninò improbabilis periodus germinationis, et nutritionis plantarum ex ſemine, quam, face præferente eximio B. Caſtello præceptore, adinueni.

## P R O P O S. CLXXVIII.

Aquam eſſe ſuccum nutritium plantarum.

Semina plantarum aſſimilantur quidem ouis animalium ouiparorum, quatenus in illis exiſtit plantula completa, in his verò, animalculum cum tegumentis, et organis, quibus adiunatur pullulatio, et exortus.

eorum; at differre præcipuè videntur, quo ad integritatem materiæ, ex qua ab initio nutriri, et augeri debent; nam oua continent succos nutritios, quibus lactari possunt, secùs autem semina plantarum, quia oua animalium nullo externo succo indigent, sed solummodò tepido calore fouente, exortum, et vegetationem perficiunt; at plantarum oua à solo calore externo potius exiccantur, et necantur; nec pullulare incipiunt, nisi illis addatur aquæ madefactio; hæc autem aqua certè non inseruit solummodò, vt vehiculum afferens ab extra aliam substantiam nutritiam diuersam ab aqua: nam semina, et plantæ irrigatæ à sola aqua distillata pullulant, et crescunt absque alteriùs substantiæ additamento. Nec aqua inseruit, vt substantiam ipsam farinaceam folliculorum, feminis diluat, et lubricam reddat ad instar pulmenti, ex quo plantula lactetur, et nutriatur; nam pusilla substantia eorundem folliculorum citò consumeretur; et ideò, neque ipsi folliculi ab initio, neque planta ad tantam vastitatem excrescere posset absque additamento alteriùs substantiæ corporeæ, ab extra aduenientis, quæ cum nil aliud sit, quam aqua, dicendum est, quòd ipsamet aqua, sine qua plantæ pullulare nequeunt, sit verum, & proprium nutrimentum earum.

Et in eodem plantarum exortu adnotari debèt dux præcipuæ circumstantiæ. Primò, quod eo tempore, quo radix in semine elongatur, adhuc duo folliculi, & reliqua tota feminis substantia alterata non videtur esse, quia tegitur à cortice, & pelliculis integris consistentibus, & aridis; & ideò incrementum radicis nō pendet ab vlllo succo interno feminis colloqua-

Cap. 13. De  
generatio-  
ne, & vege-  
tatione  
plantarum.



Cap. 13. De  
generatio-  
ne, & vege-  
tatione  
plantarum .

to, siue diluto ab humiditate externa ibidem intro-  
missa . Hoc euidenter obseruauī in baccis laurī, quæ  
super folia decidua in syluis reperiuntur : hæ quidem  
exporrigebāt per terram prælongas radices nigrican-  
tes, & ferè ligneas, similes funiculis, quarum aliqua  
semipedis longitudinem æquabant, & tunc bacca-  
rum cortices integri, & aridi erant, atque interna  
substantia seminis adhuc candida, dura, eiusdem sa-  
poris, eiusdemque figuræ, & magnitudinis erat, quam  
reliquæ baccæ radice carentes habebant . Secundò  
notaui, quòd illud grande incrementum funiculi, ra-  
dicalis aduenerat non ab effusione substantiæ seminis  
internæ, sed ab extrinseco additamento, nam moles,  
& pondus illius funiculi prolongati ferè æquabat mo-  
lem ipsius baccæ nil prorsus diminutæ . Hinc euinci-  
tur, quòd ab humiditate aquea externa imbibita per  
poros pyramidis gemmæ illius seminis, proculdubio  
substantia illius funiculi procreata fuit .

Id ipsum multò clariùs confirmatur ab experimen-  
tis Vvahelmontij, qui vidit, virgam salicis librarum  
quinque adeò excreuisse in quinque annis, vt 169.  
libr. penderet, & tale incrementum superaddidit so-  
la aqua irrigata, nil ferè diminuta terra vasis, in qua  
creuerat . Hoc pariter in plantis hortensibus Cl. Boij-  
lius, & alij obseruarunt: & ego vidi, Populū ad ingem-  
tem magnitudinem excreuisse, ex sola aqua enutritam  
per radices intra aqua ductum ad instar prolixi capil-  
litij fluctuantes . Scio quoque, quòd ostreae nil come-  
dunt, & solam aquam per os patulum excipiunt, ex  
quo aqueo nutrimento augetur, ne dum earum inter-  
na caro, sed etiam marmoreæ ipsarum conchæ testa-  
cæ .

Ex quibus omnibus deducitur, non videri incredibile, quòd plantæ ex sola aqua, tanquam à sanguine, nutriantur, & incrementum acquirant.

Cap. 13. De  
generatio-  
ne, & vege-  
tatione  
plantarum.

Negare nihilominus non audeo, quòd plantæ, præter aquam, ex terra suscipiant sales, & particulas sulphureas; sed hæc videntur condimenta principalis succi aquei nutritij, à quibus germinatio, & fructificatio plantæ valdè adiuuantur. Nam videmus, quòd ex sola aqua insipida, & distillata, semina, & plantæ nutriuntur, & crescunt, licèt non æquè benè, ac si salibus impinguata fuisset.

## PROPOS. CLXXIX.

Succus aqueus non videtur transformari posse in plantam à virtute succi fermentitij in ea, vel in eius semine existente.

Restat modò inquirendum, quomodo simplex succus aqueus transformetur in plantam, acquirendo consistentiam duram, sapores dulces, amaros &c. & facultates alias innumeras.

Et primò non levis difficultas se offert, quòd succus in duobus folliculis seminum plantarum contentus videtur esse optimæ substantiæ spirituosæ, valdè nutritivæ, cum abundet pinguedine oleosa, & salinis partibus, & similis sit albumini, & vitello oui animalium: ergo, sicuti oui liquores sunt veluti lac, quo animalculum ibidem enatum primò nutritur, & ante exclusionem augetur, sic videtur consentaneum, ut ex lacteo spirituofo, pingui, & salino fluore folliculorum seminis plantæ, ipsamet ab initio nutriatur, &  
in-

Cap. 13. De  
generatione, & vege-  
tatione  
plantarum.

incrementum acquirat. Et sicuti in ovo foecundo succi illi spirituosi agitati à calore externo necessitate organica nutritionem inchoant, & vmbilicalem radicem diffundunt, sic pariter succi spirituosii lactei folliculorum seminalium plantæ, agitati ab aqueis halitibus radices exporrigunt, & postea plantam ipsam lactant, & nutriunt.

Ex hac verisimilitudine nonnulli deducunt, quòd re vera aqueus succus, qui à radicibus platarum exugitur, per se crudus sit, & ineptus nutritioni, & ideo ab efficaci concoctione fermentari debet à succo illo potentissimo, qui in poris folliculorum, & in planta ipsa asseruatur.

Sed quia Philosophi munus est, sedulò cauere, ne speciosa vocabula illa metaphorica fermentationis, coctionis, maturationis, exaltationis, & virtutis plasticæ nobis imponant, sagacissimè inquirendum est, an proposito nostro aptari queant.

Animaduertendum igitur est, quòd in nutritione plantarum non requiruntur omnes illæ operationes, quæ necessariae sunt pro animalium nutritione; scilicet, non quia cibaria in stomacho animalium à succis fermentitijs concoquuntur, inferre licet, quòd in plantis consimili actione succus nutritius preparari debeat; quia animalia indigent pluribus organis, & officinis, quibus plantæ carent.

Primò enim animalia habent dentes, quibus scindunt, & molunt cibaria solida, & indistincta; at plantæ dentibus non indigent, quia non excipiunt crassos bolos, & solidos, carniū, & frugum, sed exugunt suis osculis radicum strictissimis succos, & particulas minutissimas, quæ non indigent vltiori subdiuisione.

Se-



Secundò, animalia habent ollam stomachi, & intestinorum, in quibus cibaria macerantur, coquuntur, & fermentantur, scilicet scinduntur, dissoluunturque partes ciborum conglutinatae, ob quod particulae salinae, & spirituosae, & aliae se mouentes, libertatem nactae, possunt suas indoles motiuas exercere; & salium mucronibus, aut facieculis planis detectis possunt acredinem, aut lenitatem inferre; & hac ratione tota massa agitata incalescere, & abullire potest; & talis actio vocatur fermentatio. Vnde elicitur, quòd fermentum est veluti lima naturae, qua dissoluitur aggregatum corpus in minimas particulas.

Cap. 13. De generatione, & vegetatione plantarum.

At quia in plantis diuisio alimenti vsque ad minima haberi potest per subtilissimas capillares radices, quae fluorem aqueum excipere possunt, & postea vna series vasorum recipere potest particulas pingues, alia salinas aqua dissolutas, alia aereas, & alia liquores alios pro diuersa configuratione orificiorum eorundem vasorum, igitur fermentatio inutilis est.

Tertiò, animalia habent vasa excretoria, quibus faeces solidae, & fluidae eijciuntur; at plantae ijs non indigent, quia radices non excipiunt sordes, sed tantummodò succos vtilis, & defaecatos.

Tandem animalia habent vasa lactea, vt suis multiplicibus fistulis exilissimis seligant chylum, relictis impuritatibus in intestinis, eumque colligant, & deferant in receptaculum mesenterij. Et hic tandem, post tot labores, animalia ijsdem radicibus multiplicatis, & capillaribus primò vtuntur, quibus plantae actionem nutritiuam inchoant, seligendo è terra, & exugendo succos nutritioni idoneos; qui proindè non indigent

Cap. 13. De  
generatio-  
ne, & vege-  
tatione  
plantarum.

gent vlla præparatione fermentatiua.

Quòd postea fermentum in planta frustra apponeretur, insinuari potest hoc modo. Simplex aqueus fluo-  
r ex sui natura insipidus, & iners est, nec vllam vim actiuam habere videtur. Ergo, quando aqua miscetur cum illo succo fermentitio, quem existere putant in poris plantæ, certè aqua ipsa ab illo contagio non transformatur, vt ex inerti fiat actiuosa, scilicet ex insipida fiat dulcis, aut amara, odorosa &c. sed diluet solummodò, & inseruiet, vt vehiculum deferens easdem particulas fermèti sibi admistas, sicut flumen per salis mineram transiens, excipiet aliquas particulas salinas.

Hoc supposito in Vvahelmontiano illo trùco salicis aqua stillata per quinque annos enutrito, necessariò consumptum fuisset totum fermentum, quod in virgulto præexistebat; quia ab effluxu continuo aquæ transeuntis, & transpirantis ablui debuerat totum illud fermentum, quod aliundè ab aqua pura reparari, & refici non poterat. Igitur citò planta illa periisset; quod est falsum: vixit enim, & creuit per quinque annos, et diutiùs perdurasset, & creuisset, nisi extracta fuisset; vt ego vidi, ingentem, et diuturnam Populum excreuisse sola aqua enutritam, vt superius enarraui. Non ergo aqueus ille succus erat adeò crudus, vt concoqui deberet à fermento citò dissipato, & consumpto, quod in salice, vel in Populo illa existebat ab initio.

Præterea notandum est, quòd aquæ molecule non sunt corpora prima simplicia, sed sunt congeries compositæ ex atomis primis elementaribus, et ideò con-  
nexio, et structura earundem molecularum dissolui

potest ab incisione facta à corporibus acutis durioribus, & violenter motis, & ictus inferentibus.

Et planè non negabo, quòd aliquando potentissima aliqua fermenta destruere possint, & dissolvere connexionem aquearum molecularum; sed tale fermentum in plantis non admitto, duplici ratione: primò, quia video, quòd ex incisione facta in summo ramusculo arboris extillat aqua fluida eiusdem naturæ, ac erat illa, qua radices irrigatæ fuerant, cui tamen admisti sunt alij succi salini, lactei, & pingues, qui sunt condimenta superaddita; non secus, ac iuscula aqueam naturam retinent à particulis carniū, frugum, & aromatum conturbatam, & tinctam.

Si igitur imaginata illa fermenta plantarum alterare non possunt suo contactu maiorem partem aquæ à radicibus exceptæ, nulla ratio suadet, vt dissoluant, & transmutent reliquam aquæ partem, quæ in nutritiū succum transformata est.

Secundò, quia dato, quòd fermenta illa vim habeant dissolvendi structuram molecularum aquæ, restat præterea alia insignis, & difficillima operatio, quæ videtur impossibile, vt ab eodem fermento compleatur; quia oporteret, vt particulæ illæ disjunctæ denuò noua, & artificiosissima compositione vnirentur, & conglutinentur, vt inde resultaret structura nutritij succi, indolis tam diuersæ ab aqua simplici. Talis autem noua compositio videtur impossibile, vt fiat à fermento, cuius proprium est, agere cæcā quadam, & casuali violentia, ad instar flammæ, & ideo destructionem potius, quàm compositionem inducere posset. Quare videtur impossibile, vt à vi fermenti ex aqua pura componatur succus nutritius plantarū.



Cap. 13. De  
generatio-  
ne, & vege-  
tatione  
plantarum

Si igitur à virtute fermentitij succi talis aquæ con-  
coctio in plantis fieri non potest, dicendum est, quòd  
tale fermentum non existit in plantis, cùm natura nil  
frustrà faciat; & ideò lac illud pingue, quod in fol-  
liculis seminum plantarum continetur, non erit fer-  
mentum, sed nutritius succus, prouidè preparatus à na-  
tura, vt lactare possit plantam illam tenellam.

### P R O P O S. CLXXX.

Confectionē succi nutritij Plantarum compleri debere  
à structura cribrosa vasorum earum,

Cum ex dictis constet, plantas nutriri ex sola aqua  
pura, aut alterata à condimentis salinis, & sulphu-  
reis; pariterque ostensum sit, quòd prædictus aqueus  
succus transmutari in alimentum plantæ non possit à  
vi, & actione fermenti in eius poris existentis, viden-  
dum modò est, quomodo, & qua actione mechanica  
simplex aqua acquirere possit facultates, & indoles  
tam multiplices, & diuersas, vt temperies, colores, sa-  
pores, & virtutes actiuas, quas in tot plantis obserua-  
mus, conficere valeat.

Talis porrò mistura, & compositio fieri non potest,  
nisi præcedens structura aquæ dissoluatur; & dein-  
ceps noua forma inducatur ab oculata, & industrio-  
sa virtute plastica; aliter enim non possent particule  
debitis locis collocari, disponi, situari, connecti, &  
conformari ea lege, vt inde resultarent perfectiones,  
& facultates à natura designatæ.

Hæc omnia proculdubio fieri debent immediatè,  
non à ministro aliquo prudenti, & intelligente, sed  
à na-

à naturali, & mechanica necessitate, ordinata à Diuino Architecto. Verum, vt dictum est supra, quando egimus de sanguinis compositione, talē necessariam, naturalem, & mechanicā compositionē fieri non posse percipimus, nisi actione cribri à subtilissimis fistulis vasorum plantæ suscipiantur diuersi, & determinati succi, nempe in vnaquaque fistula ille succus, qui figuræ orificij illius aptari, & ingredi potest. Postea oportet, vt prædicta vascula variè inflexa, & contexta ad instar retis desinant in locis appropriatis, & ibidem, instillando guttulas in eis contentas, perficere poterunt structuram analogam musuo operi; nempe efficiant exactam misturam, & compositionem succi nutritij, seu sanguinis plantarum.

Hiscæ mechanicis elaborationibus puto, quod plantæ ex aqua nutriri, & augeri possint. Nec mihi negotium facessit transformatio floris aquei in duritiem, & consistentiam ligneam plantarum: video enim in aquæ congelatione à frigore intenso, quod ipsa mer aqua vertitur in faxeam duritiem glaciei, situatione partium eius solummodò variata. Pariterque video, quod ostrearum cochleæ lapideæ ex sola aqua gignantur, cum nullum alium cibum, præter aquam, suscipiant.

## P R O P O S. CLXXXI.

Præcipuam causam vegetationis plantarum esse  
aerem.

Plantas continere innumeras aeris particulas intra  
suos poros, nemo ambigit. Hinc enim leuitatem,  
A a 3 2 quam

Cap. 13. De  
generatio-  
ne, & vege-  
tatione  
plantarum.

quam in aqua exercent, oriri vulgus suadetur, eam-  
que amittere ad fundum aquæ descendendo, quoties-  
cunque à diuturna madefactione, vel à manuum com-  
pressione vesiculæ aeræ exprimuntur ex festucis, et  
ex paleæ fragmētis, ex quibus per aquā aereos globu-  
los ascendere, ad oculum patet.

Quòd postea plantæ nutriri, & crescere non possent,  
si omninò aere carerent, probatur, quia succi aquei  
ob natiuam grauitatem per se sursùm ascendere non  
possunt è radicibus versùs truncum, & ramos. Ergo  
necesse est, vt à vi externa impellantur; quæ exter-  
na vis, aut erit excedens grauitas aeris ambientis,  
à qua aqua subiecta intra radices plantæ insinuat r,  
& per eius vasa impellitur vsque ad ramos extremos,  
quia minùs premitur ab aere intra poros plantæ exi-  
stente; eodem modo, quo in thermometro Sanctoriij  
exugitur, vt dictum est: vel potiùs eleuatur in plan-  
ta ab ipso pondere aquæ externæ, quæ insinuat r per  
subtilissimos poros, aut canaliculos, vt in spongijs,  
& siphunculis vitreis contingit, vt dictum est li-  
bro de Motionibus naturalibus à grauitate penden-  
tibus cap. 8.

Quòd verò actio spongiæ, vel filtri, non sit causa  
sufficiens, et totalis exuctionis aquæ vsque ad sum-  
mos ramos, et folia arboris, probatur hac experien-  
tia, inciso, & truncato ramusculo omnium supremo  
vitis, aut alterius arboris, ex ipsa cicatrice supina suc-  
cus aqueus per aliquod tempus guttatim distillat: at in  
siphunculo, aut filtro perpèdiculariter erectis supra aquā  
vasis, ex supremo apice truncato aqua non diffluit,  
sed oportet, vt siphunculus, aut filtri fimbria supre-  
ma inflectatur, vt scissura depressior sit ipsa superfi-  
cie



cic aquæ vasis, vt patet in figura. Tab. 18. Fig. 15.

Ergo ascensus aquæ in vite recisa non fit actione spongiæ, & proindè oportet, vt absoluaturs operatio-  
ne simili ei, qua à thermometro Sanctorijs aqua exugi-  
tur ob causas superius expositas.

Cap. 13. De  
generatio-  
ne, & vege-  
tatione  
plantarum.

Sed dubitari potest, quòd actio vitis truncatæ, & ea, quæ fit à Thermometro Sanctorijs, non sit eadè, nec fiat ab eadem causa; nam si scindatur, aut perforetur summitas fistulæ Sãctorij, cessat prorsus aquæ exuctio; oppositum contingit in vite rescissa; à qua ne dum continuatur exuctio ex radicibus, sed prætereà effunditur notabilis copia eiusdem succi.

Talis effectuum diuersitas pendere videtur à varia structura thermometri vulgaris vitrei ab ipsis plantis. Nam primò, in his valuulæ spongiosæ vasorum impediunt regressum aquæ deorsum; et ideò guttulæ aquæ productæ in quibuslibet poris ramusculorum officium scutellæ infimæ Sãctoriani instrumenti supplent. Secundò, in plantis non adest vnica ampulla aere plena, vt in illo organo vitreo, sed adsunt tot vesicæ, quot sunt pori aere pleni, qui ne dum in parte solida plantæ, sed etiam intrà succos illos plantæ disseminati sunt. Tertiò, hæ vesiculæ ne dum sunt distrahibiles ob mollitiem pellicularum, aut lubricitatem fluorum, sed insuper ex earum porulis halitus transpirare possunt, qui ex conniuentia subitò claudi possunt, vt sunt pori nostræ cutis, ex quibus halitus, & sudores exprimuntur, et subitò clauduntur ex conniuentia pellis mollis; sicuti quoque in cera, vel aqua feruenti, foraminula, ex quibus halitus transpirant, sponrè clauduntur.

Quartò, rari omnes plantarum vim habent se con-  
strin-

Cap. 13. De  
generatio-  
ne, & vege-  
tatione  
plantarum.

stringendi lateraliter ob tensionem, et vim contracti-  
uam fibrarum, et fasciarum, circulariter ramos am-  
bientium; quod patet, facta scissura corticis in longū,  
ob quam labra corticis plantæ dilatantur, non secus,  
ac in animalium cicatricibus contingit.

His positis, confidero, quòd succus aqueus à ther-  
mometris exiguis plantæ exugitur, et transfertur vbi-  
que vsque ad summitatem ramusculorum, ob necessi-  
tatem mechanicam superiùs expositam; et talis suctio  
non cessat, nec interrumpitur ab abscissione ramuscu-  
li, cùm remaneant plurimæ vesiculæ aeræ integræ,  
quæ operationem thermometri exercere valeant; et  
interim aqua eleuata retrocedere non potest, ob val-  
uularum spongiosarum clausuram. Ergo ex incisione  
ramusculi à vi constrictiua fasciarum exprimitur idem  
succus, & sic guttatim extillare potest.

Redeo iam ad modum operationis incrementi plan-  
tæ; in qua duæ actiones diuersæ considerari debent;  
vna est exuctio succi aquei ex radicibus plantæ; alte-  
ra est incrementum eiusdem.

Quoad primum, procul dubio in Thermometro  
Sanctorij, et in Thermometris plantæ, causa ascensus  
aquæ non est excessus grauitatis specificæ aeris am-  
bientis supra grauitatem aeris in vesiculis contenti,  
nam à radijs solis diurnis æquè rarefit aer internus, ac  
externus, et noctù æquè condensantur. Quia tamen  
esset impossibile, vt permanente æquilibrio aer ex-  
ternus sua pressione aquam eleuaret, oportet, vt ob  
aliquam circumstantiam aer inclusus in fistulis mi-  
nùs grauis reddatur in specie, quàm aer ambiens.

Talis circumstantia est hæc: in qualibet ampulla  
clausa, et vndique clausa aer contentus, licet à frigo-

re condensetur, retinet ampulla eandem specificam, et absolutam gravitatem, quam priùs habebat; eo quòd eius indiminta capacitas idem spatium occupat, nempe repletum, partim ab aere condensato, partim à vacuo. E contra, aer ambiens à nullo vase comprehensus, verè minus spatium occupat, dum condensatur à frigore, & proinde ponderosior redditur ipso aere in fistulis incluso; & sic sua pressione impellere sursum potest aquam, quæ vicem libræ supplet.

Incrementum postea plantæ fit, non à frigore condensante, sed à caliditate solis rarefaciente aerem intra vesiculas inclusum, à cuius rarefactione necessariò vesiculæ molles, & distrahibiles dilatari, & crescere debent inæquali tamen progressu, scilicet, magis crescet versùs summitatem plantæ, quia in parte trunci versùs radicem ampliatio valdè impeditur à duritie corticis; & ex parte lateraliter à fascijs transversalibus; at tenera, & mollis pars versus summitatem facillè cedit, & impelli, distrahi que se finit.

Notabilis hic est directio incrementi plantæ, quæ semper tēdit fursū per lineā perpēdicularem ad planū horizontis, quando à ramorum pondere nimio, aut ab alijs obstaculis progressus eius non impeditur, & contorquetur. Hoc patet in ramusculis; qui licet ab initio exortus ex infimis, aut lateralibus faciebus ramorum proni terram spectent, postea cursu reflexo supino situ se accōmodant, & iter prosequuntur perpēdicularem ad horizontē. Hoc planè fit legibus staticis Archimedeis; quia nifus, quo aer ambiens minùs gravis aereas ampullas plantarum exprimit, fieri non potest, nisi per directionē perpēdicularem ad horizontem.

Cap. 13. De  
generatio-  
ne, & vege-  
tatione  
plantarum.



Cap. 13. De  
generatio-  
ne, & vege-  
tatione  
plantarum.

Talis porro expressio fieri non posset, nisi aer exter-  
nus communicaret cum interno aere in vesiculis  
plantarum contento; itaut per radices, & porositates  
corticum liberè permeare posset. hac ratione in plan-  
tis efficitur motus nutritionis, & vegetationis.

## P R O P O S. CLXXXII.

In plantis quoque peragi aeris respirationem quan-  
dam imperfectam, à qua earum vita pendet,  
& conseruatur.

Ne quis respuat, vt paradoxum, quòd plantæ ru-  
di quodam modo respirēt, ad instar animalium, in me-  
dium producam rationes, quæ ad hoc pronuntiandum  
me mouent.

Certum est, plantas exugere continenter aerem, &  
aquæ commistum ex radicibus; & talis exceptio assi-  
milari non incongruè potest inspirationi animalium.  
Et licèt in plantis non adsint muscoli, quales sunt il-  
li, qui thoracem animalium dilatando, aerem intrà  
pulmones immittunt, adsunt tamen in plantis fibræ  
lignæ tensæ, & rigidæ, quæ ab incuneatione aquea-  
rum guttularum possunt ab inuicem dilatari, & ob  
aquæ discessum constringi, vt constat ex meis expe-  
rimentis in Academia experimentalis Mediceæ factis.  
Vasa enim, & anuli buxei, licèt sint durissimi, madefacti  
evidentissimè inflantur, non secùs, ac funes madefa-  
cti incrassantur. Insuper fibræ lignæ plantarum dum  
vegetant, à caliditate patiuntur quoque dilatationē,  
rarefacto nempè aere in vesiculis earum contento; &  
sanè paterentur constrictionem ob expressionem, &  
transpi-

transpirationem aquearum molecularum, nisi subse-  
queretur noua exustio aquæ ex radicibus, non eodem,  
sed subsequenti tempore, quando scilicet, cessante ca-  
lesfactione, aer, qui in vesiculis rarefactus fuerat, denuò  
condensatur.

Cap. 13. De  
generatio-  
ne, & vege-  
tatione  
plantarum.

Hinc fit, vt vicissitudine quadam, fibræ ligneæ plan-  
tarum cogantur se restringere, & relaxare, ne dum  
diuersis temporibus, sed etiam eodem tempore in  
diuersis partibus eiusdem plantæ, quatenus dum ve-  
siculæ ampliantur ob aeris rarefactionem, necessariò  
fibræ ligneæ collaterales comprimuntur, & stringun-  
tur; & ideò aqua intercepta exprimitur: è contra  
dum instantur, & ampliantur interstitia fibrarum li-  
gnearum ab aquæ aduentu, comprimuntur vesiculæ  
aeræ.

Talis, inquam, vicissitudo dilatationis, & constri-  
ctionis lateralis fibrarum plantæ præclarè æmulatur  
diastolem, & systolem thoracis animalium; qui motus  
sicut necessitate fiunt à suis musculis, sic quoque in  
plantis à fibris ligneis peraguntur, & tam in his, quàm  
in illis noui aeris ingressus subsequitur. Et proindè  
plantæ quoque suam respirationem, licèt minùs arti-  
ficiosam, habebunt, à qua aer aquæ commistus per ra-  
dices continenter insinuat, perduciturque ad omnes  
partes plantæ. Et ibidè vi motiua elastica machinularũ  
eius, & à vicissitudinaria constriptione, & dilatatione  
facta à causis externis, nempe à radijs solis, ab um-  
bra, & magna ex parte à ventis efficitur ille motus  
oscillatorius ad instar penduli, qui motus præcipua,  
& potissima causa est vitæ, & vegetationis plantarum,  
eadem necessitate, qua ab oscillatorio motu aeris in  
animalibus vitalis motio eorum conseruatur.

## C A P V T XIV.

*De Animalis Generatione .*

**M**Aximè elucet Diuina Archite&tonica sapientia, in opificio generationis animalis . De hac diligentissimè præclari authores Fabritius ab Aquapendente , Harueius , Malpighius , Graaf , & alij disse-ruere, & quàm plurima obseruarunt, à senioribus non animaduersa ; quare tenemur grato animo eorum labores excipere , & summis laudibus eos extollere . Hisce paucas aliquas speculationes superaddam , quæ nisi scopum veritatis attigerint, saltem perspicaciores excitabunt ad meliores inueniendas .

## P R O P O S . CLXXXIII.

Ad generationem concurrat semen virile , & ouum  
à muliere efformatum .

Requiri ad generationem virile semen, euidenter nouimus ab experientia : at dubitatum est vsque ad nostra tempora, an fœminæ suum semen quoque conficiant , & ex ambobus fœtus procreetur . Tandem recentiorum diligentia , & sagacitas detexit , tam viuipara , quàm ouipara animalia fœminea non succum genitalē , sed tantummodò oua conficere, scilicet integra authomata cum omnibus organis, & partibus conformationi animalis necessarijs elaborare . Obseruarunt quoque, in viuiparis sacculos illos membranofos, quos testes muliebres appellabant antiqui ,  
nil



nil aliud esse, quàm ouaria . Tandem receptum est, & sufficenter comprobatum à recentioribus, quòd totum opus generationis consistat in oui compositione à foemina , & in eiusdem foecundatione à semine masculino .

Cap. 14. De  
Animalis  
generatione

## P R O P O S. CLXXXIV.

Semen virile non foecundat ouum vi quadam incorporea, aut sua aura, vel afflatu; sed contactu, & mistione corpusculorum eius.

Præclarus Harueius, cùm nullum succum seminis virilis in Damarum vteris post coitum reperisset, fluidam eius molem excerni ab vtero censuit, & tantummodò afflatu incorporeo, seu spiritali quadam irradiatione foecundari internam vteri cavitatem censuit. Postea R. Graaf non incorporea irradiatione, sed aura, vel flatu quodam per tubos immisso oua in sacculis ouarij contenta foecundari credidit. Alij postea totum semen, siue subtiliorem eius partem sanguini per venas communicari aiunt, à quo postea oua foecundantur.

Et primò, Haruei opinio, vt incredibilis, ab omnibus reiecta est. Quis enim capiet, quòd virile semen vi incorporea, nempè indiuisibili, tactui inepta, ad instar intelligentiæ mentalis, agitare succos vteri possit, & elaborare organicum, & vitale authoma embryonis? & quomodo tam prolixa, & artificiosa elaboratio succi seminalis, in organis testiculorum facta, incorpoream actionem edere valeat?

Cap. 14. De  
Animalis  
generatione

Etl icèt nihil reperiatur in vtero post coitum, hinc inferre non licet, quòd totus, vel pars præcipua succi seminalis non recepta fuerit ab ipso vtero. Nec obstat, quòd non appareant viæ, & canales manifesti, per quos transferatur. Nam per cæcos ductus exugì potest; sicut in vase figulino per eius poros inconspicuos aqua transfudat, pariterque per poros cutis, & carnum penetrat aqua, oleum, & multò citius vini spiritus. Qui succi corporei quidem sunt, nec mutant naturam, sed illibati penetrant. Quare non est necesse recurrere ad irradiationem, aut ad auram vaporosam, cùm facillimè substantia succi seminalis exugì possit ab vtero spongioso per suos poros, & differri ad ova fœcundanda.

Non minùs absurda videtur communicatio succi seminalis per venas intra sanguinem. Primò, quia orificia venarum ore aperto non hiant intra vteri cavitatem ad instar hirudinum, vt excipere possint succos in vtero contentos, sed potiùs in parenchymate interno vteri dispersi exugere possunt sanguinem ab arterijs effusum.

Secundò, venæ vteri, hypogastricæ dictæ, non deferuntur ad ovarium, sed ad duos ramos crurales venæ cavæ, & quia paucæ guttæ succi seminalis occipare non possunt, nisi exiguam partem venæ cavæ descendentes, ergo eam particulam sanguinis inficiunt, quam tangunt, & cui admiscuntur: cùmque tangere etiam non possint sanguinem, qui ab alijs venis separatis, & à caua ascendente profluit ad cor, igitur particula sanguinis à succo seminali infecta, minima pars est eius, quæ in transitu occupat amplitudinem cordis, & ideo facilè continget, vt illa particula

ricula sanguinis infecta, potius in arteriam ascendentem, quàm in descendantem insinuetur, aut si casu in hanc ingreditur, à diuerticulo arteriarũ spermaticarum ab errabit, cum potius per amplissimas arterias ad caput, ad renes; & per vniuersum corpus cum sanguine circumferri possint. Quare contingere potest, vt nunquam semen cum sanguine ad ouarium perducatur, & sic oua effæta, vt plurimùm remanerent, frustrato naturæ desiderio, ob defectum viæ directæ, & breuioris, per quam semen transferri ad ouarium deberet. Et quis suadebitur naturam tam ineptè vias generationis sibi comparasse?

At si dicant, quòd vniuersa massa sanguinea inficiatur à paucis guttulis illis seminalibus, alterante successiuo quodam contagio vna parte aliam sibi contiguam, quousque nulla sanguinis particula syncera remaneat, procliuè est enumerare absurditates, quæ inde sequuntur.

Primò, vis, et spirituosa energia seminis effœta, & vapida redderetur, dispersa absque necessitate in tam copiosam massam sanguinis; non secùs, ac paucae guttæ vini intrà aquæ amphoram dispersæ virtutem amittunt. Secundò, tota massa sanguinea effœta à potentissimo fermento seminis, spirituosissimo suo feruore excitaret febres, capitis vertigines, & alia symptomata. Tertiò, ineptè natura procuraret tantæ prolixitate, difficultate, et periculo id, quod compendiosè assequi posset itinere breuissimo, nempe immitendo succum seminalem per poros vteri vsque ad ouarium.

Immò breuiori itinere fieri potest, vt semen virile foecundet oua iam discissa ab ouario, et existentia in

con-



Cap. 14. De  
Animalis  
generatione

confinio ipsius vteri . Videmus enim , quòd oua gal-  
linæ non expectant aduentum seminis galli in ipso  
ouario , sed licèt subuentanea sint,feruntur ad vterũ,  
et in via crescunt . Quare sicut galli semen fœcunda-  
re potest oua adaucta propè vterum existentia , sic  
oua muliebria disiuncta ab ouario,vtero proxima. à vi-  
rili semine fœcundari possunt à contactu eiusdem suc-  
ci seminalis exucti à spongiosa vteri substantia,quam  
mirificè semē inflat,et viuificat sua facultate fermenta-  
tiua, vt Harueius obseruauit .

Hinc patet, deceptos fuisse præclaros authores à  
valuulis , & impedimentis , quæ in tubulis , et cor-  
nibus vteri reperiuntur : tales valuulæ descensum oui  
ad vterum facilè permittunt , non verò regressum . At  
ex hoc sequitur , quòd compages tota seminis, fluida  
ad instar fluentis,ad ouarium perducì non possit ; nil  
tamen vetat,quin per cæcos ductus, vel per porosita-  
tes spongiosas vteri , tuborum, & subtilium valuula-  
rum eiusdem penetrare queat; sicuti ab aggere are-  
noso transuersali cursus integri fluminis sisti videtur ,  
at percolatio per arenæ interstitia nō impeditur . Hoc  
sanè facilius in vtero contingere posse suadent experi-  
menta ipsa , quæ adducuntur pro contrariæ senten-  
tiæ confirmatione . Si enim succi medicamentorum  
exteriùs illiniti, solidam cutim, et carnes penetrant, et  
ipsi aduersarij concedunt, quòd succus spirituosus se-  
minalis per poros, seu cœcos ductus spongiosos vteri  
ad venas internas perducitur, cur negabunt paulò vl-  
teriùs ad propinquum ouarium penetrare posse ?

Postea ex eo , quòd in insectis oua fœcundantur à  
contactu , et aspersione seminis virilis , vt obseruauit  
Cl. Malpighius, euincitur, quòd id ipsum in reliquis  
ani-

animalibus verificatur; propterea quòd natura semper  
 compendiosè operatur, & summopere ambages, &  
 multiplicitates abhorret. Sed hoc magis patebit ex  
 sequentibus.

Cap. 14: De  
 Animalis  
 generatione

## P R O P O S. CLXXXV.

Totalem organicam animalis constructionem in ovo  
 non à sola matre gigni, sed à paterno semi-  
 mine præcipuè efformari.

Si vulgari sensuum apparentiæ acquiescere debere-  
 mus, oua foecunda nil prorsus à subuentaneis differre  
 diceremus; eosdem enim succos numero, & magni-  
 tudine æquales, easdemque membranas vtraque oua  
 continere videtur. Hinc persuasio inualuit, oui foecun-  
 dationem solummodò ad marem pertinere, materiam  
 verò ritè dispositam, eiusque organicam conformatio-  
 nem à sola foemina confici, & præparari. Itaque, sicut  
 in plantis oua seminalia continent gemmam, siue plā-  
 tulam ritè efformatam cum membranis, vasis, & suc-  
 cis, quæ requiruntur ad eius incrementum, sic quo-  
 que in ouis ad esse membranas, vasa, humores vnà  
 cum authomate organico. Differre solummodò oua  
 plantarum ab ouis animalium, quòd illa omnia fæ-  
 cunda sunt; horum verò, quæ vim motiuam à virili  
 semine exceperunt, sunt foecunda, scilicet virali virtu-  
 te afflata, reliqua verò organa demortua, & cada-  
 uera. Et foecunda comparari possunt horologio ex ro-  
 tis dentatis cum machina motrice, seu cū pondere ap-  
 penso; subuentanea verò similia sunt eidem horolo-  
 gio absque motiua machina.

Non

Cap. 14. De  
Animalis  
generatione

Non negabo, hanc sententiam ex parte veram esse, sed admittere non possum, quòd virile semen, præter vim motiuā, nil aliud ouo cōferat, nec quòd tota, & integra organizatio à foemina dependeat. Videtur enim mihi, quòd organica foetus constructio à semine virili compleatur, efformeturque.

Quia non videtur credibile, quod in substātia cerebrali testium nil aliud fiat, quàm seligi ex flore sanguinis particulas se mouentes, easque à vinculis crassarū partiū omninò liberari ad instar spiritus vini; sed consentaneum esse puto, vt in tam prolixa chimica elaboratione, & percolatione per canales labyrintheos testiculorū, multis, & miris modis situentur, disponantur, moueanturque partes seminis, & proindè resultet quædam vniuersalis forma, composita ex pluribus partibus vitalibus diuersimodè configuratis: vno verbo, fiet vitale authoma; & hoc addito materiæ ritè dispositæ in ouo, cui insunt organica inchoamēta vnà cum omnibus instrumentis, succis, & officinis, quæ ad nutritionem, & incrementum animalis requiruntur, resultat tandem ouum perfectum, & foecundum.

Hæc mea coniectura comprobatur ab obseruatione Clar. Malpighij, qui in omnibus ouis à semine galli irroratis reperit carinam, seu authoma pulli, simile gemmæ ouorum plantarum: at in ouis subuentaneis nullum vestigium authomatis animalculi reperit in medio cicatriculæ, sed succus ibidem existens erat informis, & similis molæ. Quare carina, quæ in foecundis ouis reperitur, est opus superadditum à substantia seminis virilis ibidem admista, & conglutinata. Cumque talis carina sit organicum authoma animalis, Igitur semen virile, quid compositum, & configuratum fuerat.

Nec



Nec dici potest, quòd virile semen simplex, & simile sua virtute plastica potest succum molæ illius transformare in carinam organicam; quia videmus, quòd à corpore homogeneo vnica, & simplici vi motiua prædito, vt est aqua fluens, possunt quidem diuersæ operationes fieri in diuersis organis, vt frumenti tritulatio in moletrina, horarum designatio in horologio. At videtur impossibile, vt idem fluxus aquæ fabricet ex lignis moletrinam, aut ex ferro horologium. Sic pariter, si succus seminalis esset corpus homogeneum, vnica, & simplici vi motiua affectum, non posset organicum authoma in oui cicatricula ex simplici succo molæ illius efformare. Itaque perinde est, semen habere vim plasticam, ac esse corpus organicum: quomodo enim absque partibus diuersæ indolis, absque instrumentis, & motibus diuersis se applicare poterit ad elaborandas diuersas partes succi cicatriculæ oui, easque diuersis modis agitando efformare organa omnia, quæ carinam animalis in eadem cicatricula constituat?


Præterea videmus, quòd in actu effusionis seminis virilis concutiuntur omnes partes corporis animalis, non sine quodam conuulsu, & quasi epileptico leui deliquio. Talis autem passio indicat, quòd à cerebro, & ab omnibus partibus animalis, succi spirituosissimi rapido motu ad semen viuificandum accurrunt, eique immiscentur, atque in vtero muliebri insinuantur. Tunc naturæ lumine suademur, quòd ille succus seminalis à dictis spiritibus impregnatus, non sit substantia prorsus homogenea vnica, simplici que vi motiua affecta; sed structuram quandam compositam, & quasi organizatam habeat; quia tùm partes ipsæ seminis,

Cap. 14. De  
Animalis  
generatione

tum spiritus aduenientes diuersam temperiem , formam , & indolem motiuam multiplicem , & variam habere debent , & proindè conſtruent vniuerſalem ſtructuram, non quidem ſimplicem, homogeneamque , ſed valdè compoſitam, & quaſi organizatam .

Talis autem organica ſubſtantia ſeminalis effuſa in ouū muliebrem, materialem ſuccum in gemma cicatriculæ contentum , optimè diſpoſitum , mouere, conuoluere, & figurare poterit, quouſque carinæ formam acquirat, quam poſtea vitalibus ſpiritibus animando, perfectum, atque foecundum ouum reddit .

Quòd poſtea re vera ſpiritus in actu coitus accurrentes ad ſemen viuificandum, deferant, eique admixceant naturas , & indoles diuerſas, ſuaderi poteſt ex neruis , & ſignis, in foetu vt plurimum impreſſis, ex conformationibus membrorum patri ſimilibus, à temperatura , vel ex morboſis affectionibus podagricis , nephriticis &c. eorundem viſcerum, & articulorum, in quibus pater afficiebatur . Hoc planè contingere non poſſet, ſi totalis authomatis in ouo organizatio perfectè exarata , & completa fuiſſet à matre , ita vt à ſemine virili nil aliud, quàm ſimplex vis motiua ſubminiſtraretur . Videtur ergo veriſimile, quòd ſpiritus paterni in rapido illo effluuio in actu coitus abradant particulas aliquas ex eius organis , & ſic forſan læſiones hæreditarias earundem partium ad foetum deferant .



## P R O P O S. CLXXXVI.

Cap. 14. De  
Animalis  
generatione

Coniectatio modi mechanici fœcundationis oui, &  
quare id non expergiscitur, nisi excitetur  
à fœtu, vel impulsu externo.

Inter opera artis nullum magis animalibus, & plantis assimilari videmus, quàm authoma, vel horologium ex rotis dentatis compositum. In hoc tria potissimum adnotare debemus. Primò, conformationem rotarum, quæ pluribus modis moueri possunt. Secundò, vim motiuā superadditā, qualis est pondus appensum, vis venti, aut fluxus aquæ. Tertiò, exercitiū, & operationem ipsius authomatis.

Et quia in præcedenti balbutiendo innuimus modum, quo à virili semine imprimitur configuratio, & forma authomatis in succo molæ, in oui cicatricula contento, modò insinuari debet modus, quo vis motiua animastica in eodem authomate imprimitur. Quia virile semen est potentissimum fermentum, vt dictum est, proprijs, & aduentitijs spiritibus parentis viuificatum, & ideò insigni actiuitate, & mobilitate præditum, conijcimus, quòd virtus eius motiua vnà cum eius succo infusa per omnes artus authomatis in ouo iam impressi, & efformati ab eodem virili semine vitalem facultatem motiuam ei imprimit, modo forsan non diuerso ab eo, quo spiritus, seu particule magnetis se mouentes agitando totam ferri molem, & debitè situando partes eius imprimūt ferro vim motiuam iuxta leges magneticas.

Quapropter ouum, à virili semine fœcundatum, as-



Cap. 14. De  
Animalis  
generatione

similare possumus horologio ex rotis dentatis composito ne dum optimè organizato, sed etiam facultate motiua prædito, nimirum cum machina, vel pondere appenso.

Verum si in ovo foecundo adest authoma, seu animalculum à vi motiua animalistica viuificatum, quare in ouis exclusis auium, & reptilium talis vis vitalis torpet immota, ad instar cadaueris, nec vnquam vitales motus inchoant, nisi à calore externo blando excitentur?

Et licet præcisum mechanicum artificium, quo vtitur natura in tali opificio, ignoremus, percipimus tamen eius possibilitatem analogia quadam ex consimilibus naturæ, & artis operationibus. Videmus enim in fræno exiccato non excitari motum maceratiuum, calentem, & feruentem, nisi à vaporibus aqueis, vel ab aspersione eiusdem aquæ humectetur: Certum est, quòd aqua ex sui natura non habet vim motiuam, & calefactiuam, sed tantum sua mistione mollicicare partes aridas illius potest; vnde postea spiritus actiui in anfractibus illarum detenti, ne dum exercere possunt suam indolem motiuam, sed etiam à motu facto ab aqua, dum exugebatur, iisdem spiritus impelluntur, & concutiuntur.

Id ipsum in feminibus plantarum obseruamus, quæ non germinant, nisi excitentur ab admistione aqueæ humiditatis.

In alijs postea vegetabilibus, & concretis, sufficienter humectatis, non incipit motus fermentatiuus, nisi à tepida caliditate leniter agitentur; excedens enim feruor exiccationem inducit, & deficiens, ineptus est ad fermentationem inducendam.

Con-

Conſimili modo oua excluſa auium indigent calore externo, non nimis feruido, nam ſucci albuginoſi euaneſcerent, ſed tepido, & vapoſo, à quo leni motu agitentur ſpiritus ſopiti in authomate cicatriculæ; & ſic poſteà motum fermentitium vitalem proſequi valent.

Sed ſemper difficultas viget, quare ab initio, abſque externo impulſore, ſpiritus ſeminales in ouo exiſtentes, non poſſunt vitales motus inchoare.

Dici poſſet, quòd in ouo ſpiritus illi impediti ſunt, & à fermento caloris impedimenta tollūtur. Sed quia hoc non ſatisfacit, tentabimus aliquid ſpecialiùs inquirere ex authomate ab arte conſeruato, nempè ex horologio ex rotis dentatis compoſito, cum pendulo oſcillatorio: in hoc licèt adſit vis motiua ponderis appenſi actū prementis, tamen, niſi primæ oſcillationes ab externo impellente inferantur, authoma quieſcit, & torpet.

Huius effectus ratio mechanica pendet ex vectis penduli natura, qui à ſitu perpendiculari ad horizontē remouetur, quouſque fiat æquilibrium potentiarum, & ibidem fixè retinetur; quia ſemper pondus appenſum eandem vim exercet; at quando pendulum à manu altiùs ſuſpeditur, eleuaturque, quàm exigit illud æquilibrium, tunc ſpontè cadendo exercere valet ſuā vim oſcillatoriam, quæ cū ſemper viuificetur, renoueturque ab impulſibus rotæ horizontalis, ſit, vt oſcillationes continuētur vnà cum motu omnium rotarum authomatis.


Quòd poſteà in authomate animalis adſint pendula oſcillatoria, patet ex ſuperiùs dictis, innumerę enim particulæ aeræ incluſæ ſunt in ſanguine, & in fluoribus

Cap. 14. De  
Animalis  
generatione

bus animalis, quæ sunt machinæ oscillatoriæ, quæ potissimæ, & principales causæ sunt vitalis motus animalium; quatenus vario modo compressæ, & resilientes continuam oscillationem in animali exercent, concutiendo, & agitando fluores, & spiritus animalis, eodem modo, ac rotæ horologij ab oscillatione penduli vitalem machinæ motum conferuant.

Et quia in vtraque organica machina animali, nempe, horologij idem motus, qui vitam conferuat, eandem vitam inchoat, ergo, quando primus motus oscillationis in ovo incipit, tunc motus vitalis initium sumit; ex quo conijcitur, quod blanda calefactio gallinæ primos impulsus infert machinulis oscillatoriis authomatis oui, à quibus agitantur motu continuo omnes eius organicæ partes iuxta authomatis animalis exigentias, scilicet particulæ aliquæ cursum, dirigunt ad conformanda vasorum rudimenta nutritioni, aliæ præparationi, aliæ expulsionis excrementorum destinatum; aliæ particulæ membranas, ouique integumenta distendunt; aliæ perficiunt focum, & vitæ necessarium, & perpetuum motum in corde sollicitant, eique affluxum transmittunt; aliæ alia officia præstant iuxta leges à Diuino Architecto præscriptas.

Quamplurima alia hic addere possem, quæ vltro omitto, ne diutius in hisce rebus hæream.





## CAPVT XV.

Cap. 15. De  
insensibili  
transpira-  
tione.

*De insensibili transpiratione .*

**E**Adem naturali lege, qua animal gignitur, crescit, & nutritur, paritèr dissipatur, & destruitur; sunt-que adeò connexi motus nutritiui, & destructiui in animali, vt vnus sine altero esse nequeat; immò se mutuò foueat, & adiuuant: sed doctrinæ gratia prius de partium deperditione, quàm de earum reparatione differendum est.

## PROPOS. CLXXXVII.

Innuitur præclara Doctrina Sanctorijs experimentis comprobata de insensibili transpiratione .

Præclarus Sanctorius in eius statica medicina obseruauit, quòd si cibus hominis vnus diei fuerit 8. librarum, per poros corporis, & per cutim, tanquam nasam perforatam, transpirant insensibiliter quinque libræ circiter; per os verò, non nisi se libra proximè. Talis autem perspiratio copiosissima fit tempore somni duplo, quàm in vigilia. Nempè tunc copiosissimè perspiramus quando maximè nutrimur.

Prætereà, quotiescunque motus vitales prauè, & perturbatè sunt in morbo, aut ob aliquam causam, tunc eadem proportionè perspiratio insensibilis impeditur: itaque si perspiratio non est absoluta causa sanitatis, saltem ei arctissimè coniuncta est, ita vt motus vitales boni, aut prauis, connexi perpetuò sint cum ordina-

Cap. 15. De  
insensibili  
transpira-  
tione.

dinata, vel difformi transpiratione partium substantię corporeę ipsius animalis.

P R O P O S. CLXXXVIII.

Necessaria est insensibilis transpiratio, vt vita Animalis conseruetur.

Adeò verū est, quòd vita Animalis in motu continuo particularum eius consistit, sic vt insinuatū est, vt nullo alio signo distinguantur gradus vitę, & perfectionum animalium, quàm pluralitate, & celeritate motuum, quos edunt. Sic videmus, quòd perfectiora animalia, vt sunt canes, equi &c. pluribus, & vehementioribus motibus agitantur, quàm imperfecta, vt ostreę, & similia; & hæc, quàm plantę, quia nempe plures, & nobiliores actus vitales, sensitiuos, & locomotiuos edunt prima, quàm secunda, & hæc, quàm postremę plantę. Tales autem motiones fiunt à particulis animalis fluidis, & consistentibus, aut intra eius capacitatem motu fermentitio, vel locali circulando; aut potius fiunt motu diffusiuo, transferendo nutrimentum ad singulas partes, & expellendo excrementa noxia, & inutilia. Quorum illa, quę per cutis poros expelluntur, extra corpus animalis transpirari dicuntur; proindèque transpiratio nil aliud est, quàm expulsio dictarum particularum per poros.

Porrò, quòd talis motus transpirationis prorsùs necessarius sit ad vitam conseruandam, patet, quia animalis compositio non est similis ædificio inertis, & mortuo, aut operi musiuo, in quo lapides dolati, et vario modo configurati debitis locis appositi, & glutinati  
fixè

fixè retineantur . Sed potiùs assimilantur flumini , vel flammæ , vel militum legioni ambulanti , cuius partes componentes, debito , & præclaro ordine dispositæ sunt ; non tamen in quiete constitutæ , sed continenter fluendo . Cùmque talis fluxus fieri in animali non possit, nisi partes successivè egrediendo discedant , scilicet transpirent ; & aliæ aduenientes vicem illarum suppleant , loca exinanita replendo , fit, vt necessaria sit transpiratio duplici nomine, vt scilicet inutilia eliminentur, nè sua prauitate organicam structuram corrumpant, & vt aduentus nutritij succi subsequi possit , à quo partes deperditæ reficiantur .

Cap. 15. De  
insensibili  
transpira-  
tione.

Præterea, quia talis aduentus non succederet , nisi sanguis violentissimo cursu à corde impelleretur , nec talis impulsus fieri posset , nisi circulari fluxu sanguis moueretur , & hic non fieret, nisi impulsus spirituum à cerebro pulsationem cordis produceret , proinde transpiratio necessaria esse videtur , vt vita animalis persistat, & prolongetur .

Hoc insuper confirmatur ex eo, quòd impedita transpiratione, siue alterata eius periodo, ægritudines subsequuntur , vt omnes norunt . Verùm impediri transpiratio potest, ne dum à restrictione pororum , vt antiqui censebant, sed à pluribus alijs causis produci potest, de quibus alij præclarè scripserunt .





## C A P V T X V I.

*De nutritione Animalium .*

**Q**uia exstant pulcherrimæ obseruationes, & speculationes de nutritione animalium, pauca sunt, quæ afferre possum præter ea, quæ alij tradiderunt .

## P R O P O S. CLXXXIX.

Enumerantur operationes præparatoriæ, quibus cibaria à natura in chilum transformantur .

Corpora concreta nouam formam induere non possunt, vt insinuauimus, nisi eorum particulæ componentes, nouo ordine, situ, positura, & configuratione disponantur, diuersimodè, ac prius composita fuerunt. Hoc autem fieri non potest, nisi vniuersum corpus concretum scindatur, subdiuidaturque in minutissimas particulas; quæ partitio, si concretum durum fuerit, absolui non potest, nisi adhibeantur instrumenta duriora, vt sunt mallei, cultri, limæ, aut rotæ molares. Quapropter, vt cibaria dura, & consistentia transformari in chilum possint, necesse est, vt primò scindantur, conteranturque, & hoc natura in animalibus quamplurimis consequitur cuneis incisorijs dentium, & planis dentibus molaribus cibaria masticando: At in auiibus (paucis exceptis) confusio, erosio, & trituratio ciborum ab ipsomet ventriculo musculofo efficitur, comprimendo internas facies callosas ventriculi vnā versus aliam; & mediantibus lapillis

pillis duris, & acuminatis in eo contentis, vices dentium suppleantibus, incidendo, contundendoque intercepta cibaria; & fricando hinc inde easdem facies ad instar lapidum molarium, eroduntur, conterunturque partes eorundem ciborum, quousque in minutissimam farinam redigantur. Hoc verissimum esse expertus sum Pisis iussu Sereniss. M. D. Ferdinandi Secundi; globulos enim vitreos, seu vesiculas vacuas, & cubulos plumbeos, pariter excavatos, & ligneas pyramidulas, & alia plurima intra gallorum Indicorum ingluviem per os immisi, & die sequenti plumbeas massas contusas, & erosas, vitra pulverizata, & sic reliqua ingesta reperi.

Diuerso autem modo dura cibaria trituantur ab Accipitribus, & piscibus, qui dentibus destituuntur, & ventriculum non carnosum, sed membranofum habent similem quadrupedum.

Hæc animalia fermento quodam validissimo carnes, & ossa consumunt, non secus, ac aquæ corrosivæ metalla corrodunt, & dissoluunt. Talis porro succus corrosivus instillatur à glandulis, quibus membranosa ventriculi substantia infarcta est, ut euidentissimè obseruavi in vetriculo Delphini, cuius glandulæ admodum crassæ, & prominentes sunt.

## P R O P O S. CXC.

Ventriculi carnosii auium structura, & operatio  
exponitur.

Musculi ventriculi auium assimilantur quodammodo cordi, quia amborum fibræ in orbem circumducuntur

Cap. 16. De  
nutritione  
animalium.

tur, & sua contractione cavitatem propriam constringunt, & coarctant; at differunt inter se, quatenus non omnes fibræ ventriculi simul agunt, sed per vices, & hoc nomine ex pluribus musculis constare videntur: quorum præcipuè quatuor sunt, bini in qualibet facie, tendine validissimo colligati, & quilibet eorum spargit fibras carnosas sphericè ad instar radiorum. Præter hos ad sunt alij musculi transversales, omnes tamen constare videntur ex stratis fibrarum, quæ ab expansis membranis intercipiuntur, & separantur, ut clarè observatur in vasto ventriculo cygni.

Ordo, & modus agendi talis esse videtur. Tab. 18. Fi. 15

In sectione ventriculi ABDE, facta per directiones tendinum oppositorum AF, & CD, intelligantur eodem tempore simul contrahi duo musculi AB, & DE, contrapositi, remanentibus alijs duobus FE, CB, relaxatis; tunc necesse est, ut connexio E immota permaneat: eo quod ad partes oppositas distrahitur, nempe ab E, versus D, à contractione musculi DE, & ab E versus A, à contractione musculi BA; eadem ratione connexio B in eodem situ persistet. At quia terminus A trahitur versus B ob decurtationem musculi AB, ergo facies musculosa EFA, distrahitur, elongaturque; & ideò raptatur transversali motu à fixo termino E per A versus B; quare ad instar laminæ supremæ molaris fricabit, erodetque internis asperis lapillis cibaria solida R. Eadem ratione opposita lamina molaris BCD transversè raptabitur à B per D versus E; quapropter contenta cibaria R à contrarijs motibus corrodentibus musculorum EA, & BD, & deinceps à musculis BF, & EC, veluti à limis, scalpuntur; & quia interim validissimè parietes ventriculi orbiculariter versus

cen-



centrum stringuntur, & coarctantur veluti à torculari, fiet quoque contusio, & trituratio ciborum contentorum.

Cap. 16. De  
nutritione  
animalium.

## P R O P O S. CXCI.

Coniectatio ingentis facultatis motiue ventriculi carnosii auium.

Præter enarratam differentiam ventriculi à corde auium, adhuc diuersificantur quoad formam, & extensionem fibrarum, quia filamenta cordis spiraliter circumducuntur; at in ventriculo radiosè expanduntur: præterea differunt quoad robur, & consistentiam carnosam, quia fibræ ventriculi sunt magis compactæ, & duræ, quàm fibræ cordis; pariterque quoad effectus, quos producant, nam cor exprimit fluorem sanguineum ex suis cavitatibus, ventriculus verò auium conterit, & molit cibaria dura in eius cavitare contenta.

Sed cum æquè arduum sit, mensuram virtutis motiue vtriusque visceris determinare; sicut vim cordis motiuam coniecimus ex comparatione cum potentia muscutorum masticationi inferuentium, sic pariter cogimur ventriculi musculi auium facultatem motiuam conijcere, ex comparatione cum iisdem musculis, humanis nempe; cum nulla alia certior indagandi methodus reperiri queat.

Ad hoc præstandum notaui, quòd aliquæ nuces avellane, adeò duro putamine teguntur, vt egrè dentibus molaribus frangi possint; has in ventriculis gallorum Indicorum per os immisi, & obseruaui die sequenti

Cap. 16. De  
nutritione  
animalium.

quenti eas diffractas, & contritas fuisse. Et quia dubitari poterat, quòd ab aliquo succo fermentitio macerari, & mollicari cortices illi lignei poterant, denuò insinuavi in aliorum gallorum vètriculos vesiculas vitreas, adeò solidas, vt aegrè dentibus disrumpi possent; has quidem die sequenti in puluerè redactas inter fæces illorum reperi.

a sch. pr. 88.  
prima par.

Porro, quia vtriusque organi, dentium nempe, & ventriculi carnosæ actio similis est; agunt enim comprimendo ad instar torcularis, & superant eandem resistantiam, scilicet duritiem earundem vesicularum vitrearum, Igitur conijcere possumus, vires motiuas eorum æquales esse. Verùm a ostensa fuit vis muscutorum, humanam mandibulam stringentium, maior potentia ponderis librarum 1350. Igitur vis ventriculi galli Indici non est minor potentia librarum 1350.

## P R O P O S. CXCII.

Animalia aliqua sola arenosa terra nutriri videntur.

Quòd aliqua animalia aquatilia, vt conchilia, musculi, mytuli, & alia minuta testacea sub arena maris degentia nutrantur sola arena, licet suspicari, cum nil aliud in eorum ventribus reperiatur, quàm simplex arena, à qua obruuntur: nec motu progressiuo pabula quæritare possunt, sed in eodem loco permanendo, solummodò os aperire valent, & excipere ambientem arenam madidam, quam forsan muria, seu succo fermentitio, quo abundant, dissolvere possunt in minutissimas particulas, vt aquæ corrosivæ durissimos silices, & metalla corrodunt, & in fluorem dissol-


uunt;

uunt; quæ particulæ arenosæ postea fieri potest, vt in conchæ, & aliarum partiũ eius nutrimentum habeât. Id ipsum dici posse videtur de illis Balanis pisciculis, seu lumbricis, qui intra durissimos scopulos generantur, & sua mole implent cellulas ad animalculi exactam mensuram excauatas; cumque tales cellulæ, & inclusa animalcula non sint eiusdem mensuræ, Ergo ibidem crescunt, & eodem progressu cellulæ ampliantur, eo quòd in nulla ampla cellula reperitur minutum animalculum, quod illâ non repleat: quare conijci potest, quod ob parietum internorum corrosionem cellulæ ampliantur, & à rasuris animalculum illud nutriatur.

Cap. 16. De  
nutritione  
animalium.

Nec dici posse puto, ex sola aqua marina Tellinarum conchas nutriri, ad quid enim tantam arenæ copiam vorarent, & intra viscera exciperent? & quare Balani parietes cellularum corroderent, si optimè nutriri ab aqua simplici possent?

Quòd postea talis metamorphosis non sit impossibilis, probatur à contraria actione: videmus enim à succo sanguinis generari, nutriri, & augeri ossa, & dentes, & lapillos in visceribus animalium; quæ omnia naturam, & consistentiam lapideam habent. Ergo è conuerso lapilli arenosi possunt denuò dissolui in fluorem sanguini analogum, à quo caro tendinosa, & testæ illorum animalium nutriri, & augeri possunt.





Cap. 16. De  
nutritione  
animalium.

## P R O P O S. CXCIIL.

Animalia aliqua, & plantas sola aqua forsan  
nutriri posse.

Ostreæ scopulis affixæ, vel super positæ, neque arenam, à qua distant, comedunt, neque herbas, à quibus multoties non circumdantur, nec pisciculos, quorum fragmenta nunquam in eorum ventriculis reperiuntur, vt ab ostrearijs didici: sed tantummodò ore aperto aquam ebibere posse videntur. Id ipsum obseruatur in conchilijs, seu ostreis scutatis, quas Patellas vocant; hæ quidem cum nutriantur, & crescant ore supino arctè scopulis semper adhærendo, vt cucurbitulæ chirurgicæ carni applicatæ; nec arenam, nec scopulum erodunt, nec herbas, aut pisciculos comedere possunt, cum semper saxis agglutinatæ, & quasi ferruminatæ permaneant; nil ergo, præter aquam, exugere possunt, & tamen nutriuntur. Et Plantæ postea ex sola aqua nutriri videntur, vt patet in herbis vegetantibus super aquam; at illæ, quæ in terra suas radices dispergunt, non videtur ex glebis nutriri, sed à sola aqua superaffusa, eo quòd ipsa terra subiecta non imminuitur mole, aut pondere, licet ab ea exugatur, auferaturque vasta moles solida arboris ibidem plantatæ, vt Vvanhelmontius, & alij obseruarunt a, qui aqua pura, nempè distillata salicem continenter irrigando eam excreuisse dicunt absque sensibili diminutione ponderis terræ prius exiccata, quæ in vas amplum immissa fuerat.

a prop. 175.  
huius.

Videmus etiam, sicus in fissuris ædificiorum, & mō-  
tium

tium marmoreorum radicas nutriri, & valdè crescere absque eò, quòd duri illi lapides eròdantur, sed potiùs inflatis radicibus moles illæ finduntur. Sic quoque vineæ, quòd in arena marmorea propè litus Catanæ crescunt; & fructificant, à sola aqua pluuiali nutriri possunt. Vidi quoque, ingentem Populum excreuisse, aquam sugendo per radices, intra aquæductũ ad instar vasti, et copiosi capillitij fluctuantes. Quare non immeritò suspicari licet, ex sola aqua has plantas, & superius enarrata animalia vegetasse, & excreuisse.

Cap. 16. De  
nutritione  
animalium.

## P R O P O S. CXCI V.

Susplicari licet, animalia pennata in sui nutrimento assumere lapillos, quos tam avidè vorant.

Cùm ex dictis colligatur, non videri omninò incredibile, animalia aliqua nutriri posse ex sola terra arenosa, aut ex sola aqua, videndum est, an volatilia, quæ ventriculum carnosum habent, et tanta fame lapillos comedunt, ex eisdem aliquod nutrimentum assumant.

Quòd verò talis coniectura non sit prorsus vana, insinuari potest ex reiterata inspectione ventriculorum Cygnorum, qui sunt vasti, & magis robusti, quàm in quolibet alio volatili vnquam vederim. Hi sanè, aut volitando, aut super aquas innatando, aut stagnorum ripis arenam vorando, vitam transigunt; eorum tamen ventriculi copiosissima arena stipati semper apparent, neque fragmenta, aut integra animalcula terrestria, vel aquatilia, aut gramina vnquam in eis reperiuntur; exceptis paucis subtilissimis filis herbosis, quæ simul cū

E e e

arena

Cap. 16. De arena implicata comeduntur; hoc assidua experientia 40  
 nutritione animalium. annorum verificari, affirmavit Ser. M. D. Ferdinandus  
 Secundus.

Certum est, tam vastam auem copioso, & continuo alimento indigere; quod cum continenter præparari debeat, reperirentur aliquando cibaria in eorum ventriculis, aut integra, aut confusa, & diffracta, sicut omnium volatilium ventriculi, & ingluviæ ante quietem nocturnam stipati sunt vermiculis, scarabeis, graminibus & leguminibus vnà cum lapillis. Cum igitur in Cygnorum vetriculis solummodò arenæ, adeò stricte stipatæ reperiantur, vt inter eas nulla alia cibaria intercipi possint, non videtur impossibile, vt ipsæmet arenæ confusæ, & dissolutæ in formam fluidam in eiusdem animalis nutrimentum abeant, sicut cochlearum genera marina ex arena nutriri videntur.

Postquam hæc scripseram, accessi ad Villam Burghesianam Urbis, in qua intra alias aues nutritur cygnus: tunc retulit mihi Auiarius, quòd quando ille cygnus cum socio mox extincto allati fuerunt, per aliquos dies nil comedebant, postea Auiarius poma concisa vnà cum furfure intra eorum gulam insinua-uit, et tandem assueuerunt vnà cum Anatibus communi cibo furfuris madefacti. Nescio, an hoc contigerit ex noua consuetudine, vt refert Gassendus, contigisse, agno, qui in naui, pane, piscibus, caseo, & carnibus vescabatur, et post descensum in terram gramina omnino abhorrebat.

Vtcunque sit, obseruo, quòd gallinæ, et columbi, qui domi ex solo pane madido, furfere, et farina eliquata toto vitæ decursu nutriuntur, non indigent lapillis, vt conterantur, et molantur cibaria iam minutissimè



tiffimè triturata, et ideò non laborarent frustrà contra naturæ indigentiam ferè toto die, ore pronò lapillos colligendo; Sicuti nos non vtimur dentibus, quando pulam comedimus. Quare verisimile est, assumi lapillos à pullis prædictis, vt inuicem triturentur, et dissoluantur, non vt inutili labore ventriculos proprios lædant, sed potiùs, vt aliquæ partes eorundem animalium ex succo lapideo nutriantur, quæ forsan sunt pennæ, quarum grandis copia in cygno ex eodem succo forsan nutritur.

Cap. 16. De  
nutritione  
animalium.

Hoc in summa non reputabitur impossibile, quando videmus, ex terra, & aqua omnia nutriri, et augeri, hac enim plâtæ, illa animalia vescuntur. Quare duplex elaboratio illa, qua terra, & aqua transformatur immediate in plantas, et deinceps in animalium substantiam, possibile est, vt simul in auibz perficiatur: quandoquidem concretorû efformatione non aliundè peti debere censeo, quàm à particularum terræ, & aquæ varia situatione, positura, et configuratione, vt alibi dictum est a.

a cap. 13.  
prop. 179.

## PROPOS. CXCIV.

Cur animalia perfecta herbis, frugibus, et animalium carnibus nutriuntur.

Nemo ambigit, faciliùs concreta similia, quàm diuersæ naturæ, vnum in aliud transformari posse, quia nempè pluribus præparationibus, et elaborationibus longo ordine se consequentibus, à rudiori ad nobiliorem formam transitur. Hinc est, quòd faciliùs ex frugibus, & carnibus, quæ similiores sunt ani-

Cap. 16. De malibus perfectis, chilus efficiatur, quàm ex dissimilibus, terra simplici, & aqua pura. Ratio verò, quare breuiori, & faciliori elaboratione perfectiora animalia nutriri debeant, videtur esse necessitas vltioris, & nobilioris elaborationis; debent enim efformari organa, & spiritus præclaræ indolis, & perfectionis, quæ sensitiuas operationes efficere valeant, & ideò minùs occupari facultas animalis debuit in seruilibus, & valde laboriosis opificijs.

Deindè pro exacta inquisitione itineris chili præmitti debet hoc lemma.

### P R O P O S. CXCVI.

E duabus fistulis mollibus inæqualiter amplis, æquè turgidis, & ab eadem potentia compressis, effluent eodem tempore duæ moles fluidæ inæquales inter se in eadem proportionè, quam habent orificia. Tab. 18. Fig. 16.

Sint duæ fistulæ molles æquè compressibiles AB, & DE, & prioris latitudo AE, maior sit capacitate orificij DF, sintque semper repletæ à similibus fluoribus, & ab eadem potentia comprimantur. Dico, quòd eodem, vel æqualibus temporibus effluent ex iisdem orificijs duæ moles fluidæ inæquales, quarum illa, quæ ex AB, ad eam, quæ exit ex DE, eandem proportionem habet, quam latitudo, vel orificium AC, ad orificium DF.

Quia duæ fistulæ humore plenæ ab eadem potentia, scilicet ab eadem vi impulsiva, eodemque tempo-

re comprimuntur , Ergo eodem impetu , & eadem  
 velocitate exprimuntur, & exiliunt fluores ex orificijs  
 AC, DF. Sed moles fluidæ effusæ eadem velocitate ,  
 eodemque tempore eandem proportionem habent ,  
 quam orificia ( vt patet ex demonstratis in nostro li-  
 bro de Motionibus naturalibus à gravitate pendentibus<sup>a</sup>) ergo moles fluidi egressa ex fistula AB ad eam ,  
 quæ profluit ex DE, se habet, vt orificium AC, ad DF.

Cap. 16. De  
 nutritione  
 animalium .

a cap. 11.  
 pr. 224s

### P R O P O S. CXCVII.

Ex vena splenica sanguinis moles egrediēs, ferè quarta  
 pars est floris è vena mesenterica , expulsi  
 eodem tempore, quo fit vna circulatio  
 sanguinis. Tab. 18. Fig. 17.

Sit AB vena , & GH arteria mesentericæ ; atque  
 DE vena, & LK arteria splenicæ, seu cæliacæ . Quia  
 venæ cæliacæ DE, & mesenterica , seu Porta AB sunt  
 duæ fistulæ æquè molles, & compressibiles, quæ con-  
 tinenter replentur à fluoribus sanguineis intra eas im-  
 missis à socijs arterijs , & comprimuntur eadem vi à  
 visceribus, contusis à musculis abdominis , diaphrag-  
 matis, & ab aere inspirato; estque venæ cæliacæ DE  
 amplitudo , & os apertum DF , quarta pars ferè am-  
 plitudinis AC, orificij pariter aperti , & non impedi-  
 ti, venæ mesentericæ AB (cum illius diameter DF se-  
 missis sit diametro huius AC) ergo eodem tempore,  
 quo vna sâguinis circulatio absoluitur, exit ex orificio  
 cæliacæ DE , moles sanguinis , quæ ferè quarta pars  
 est floris, qui ex vena mesenterica AB egreditur .

Per




Cap. 16. De  
nutritione  
animalium.

P R O P O S. CXCVIII.

Per venam mesentericam refluit copia humoris ter ,  
vel quater maior,quàm sit sanguis,qui ab arteria  
socia mesenterica eodem tempore  
immissus fuerat. Tab. 18. Fig. 17.

In eadem figura , quia arteriæ splenicæ LR crassities L æqualis ferè est amplitudini G arteriæ mesentericæ GH , & per eas æquè velociter sanguis movetur impulsus à corde , Ergo moles sanguinis eodem tempore ab eis effusi , aut æquales inter se sunt , vel saltem tres quartæ partes huius . Verùm vena splenica DE è liene reportat eandem molem sanguinis à socia arteria LK, ibidem transmissam ( excepta minima parte insumpta in lienis nutritione ) Igitur moles sanguinis exportati à vena splenica DE, si non æqualis, saltem tres quartæ partes erit sanguinis effusi eodem tempore ab arteria mesenterica GH,

Ostensum autem fuit , quòd moles sanguinis eiectioni à vena splenica DE , eodem tempore ferè quarta pars esse debet illius floris , qui à vena mesenterica AB eructatur . Ergo moles sanguinis , qui eodem tempore ab arteria splenica LK , seu ab ei æquali arteria mesenterica GH exportatur, ferè vna quarta pars erit illius floris, qui eodè tempore effunditur à vena mesenterica AB.



## P R O P O S . CXCIX.

Cap. 16. De  
nutritione  
animalium .

Chili portionem aliquam ad Iecur per venas mesentericas deferri posse .

Postquàm cibi contriti , & macerati fuerunt à succo fermentitio stomachi, & in intestinis à succo bilioso, & pancreatico fermentati, tanquam à condimentis, chili consistentiam, & temperiem acquisierunt, offendunt duplicem vasorum ordinem, qui perforat ad instar cribri tunicas intestinorum, scilicet vasa lactea, quæ habent orificia, eo modo cõfigurata, vt chilo puro excipiendò idonea sint, et venas mesaraicas, quæ paritèr accommodata orificia habent, vt sanguinem ab arterijs refluxum non syncerum excipiant, sed commistum cum illius chilosì succi portione, quæ à bile coinquinata est .

Quòd porrò aliqua chili portio saltem fæculenta, ob bilis misturam, vnà cum sanguine à mesaraicis exurgatur, suadent duæ rationes. Prima est, quòd per venas mesaraicas vastas, & ductum Portæ amplissimū reportari potest eodem tempore ab intestinis ad hepar fluor, quater, vel quater sanguinem ab arteria mesenterica adductum superat, & multò maiori excessu superabit residuum eius, ablata portione, quæ intestinis nutriendis insumpta fuerat . Ergo videtur plusquàm probabile, vt excedens illa mesaraicarum amplitudo, repleatur ab aliquo corpore, & per eas refluat ad Iecur aliquis alius copiosus succus, præter sanguinem: & quia tanta copia succi superadditi longè superat pusillam bilis quantitatem, quæ in mesaraicis

Cap. 16. De  
nutritione  
animalium.

existit ( eo quòd tota bilis moles lib. 2: distributa est in hepate, in cisti, & in tota intestinorum cauitate cibarijs commista ) Igitur per reliquam capacitatem mesaraicarum deferri debet aliquis alius succus diuersus à bile, & hic alius esse non posse videtur, quàm chilus.

Secunda ratio desumitur ex copiosissima multitudine mesaraicarum, quæ vndique circa ieiunum, & duodenum intestina radicanitur. Quia ineptè natura tantam copiam venarum ibidem non apposuisset, ut minimam sanguinis quantitatem ab arteria transmissam pro nutritione intestinulorum duodeni, & ieiuni exugeret. Alienum quoque à ratione videtur, ut multiplices illæ venæ ibidem appositæ sint, ut succum biliosum in duodenum, & ieiunum mox infusum subito post ingressum abducant; quæ enim fermentatio fieri potest absque vlla mora, quando nec misceri, nec contingi omninò cibaria transeuntia à bile potuissent? Quare consentaneum videtur, ut illæ amplæ, & copiosæ hirudines venosæ ex duodeno, & ieiuno exugant aliquem alium succum præter sanguinem, & bilem, qui diuersus esse non potest à chilo valdè diluto à potu.

Hæ rationes suadere videntur, aliquam chili portionem ad hepatis traduci, non quidem ut ibidem sanguificatio perficiatur, sed solummodò, ut mixtura ex chilo, & sanguine purificetur, & liberetur ab inquinamento bilis, & deinceps ad cor deferatur, cum interim alia via reliqua chili portio depurata per vasa pequetiana ad cauam, & ad cor, fontem sanguinis perducatur. Non enim insuetum, aut difficile videtur, per duas vias æquè commodas chylum ad cor transferri.

Nec.



Nec rubicundus calor meseraicarum mihi negotium faceffit; noui enim, facillimè colores immutari, & ideo chili succum alteratione structuræ eius, vel alterius rei mixtura, facillè tingi posse rubicundo colore puto.

Cap. 16. De  
nutritione  
animalium.

Postea in corde, pulmonibus, visceribus, & in ambitu corporis pluribus elaborationibus chylus sanguineam consistentiam, & formam acquirit. Ex quo tandem partes omnes nutriuntur.

## P R O P O S. CC.

Sanguinem vnà cum succo nerueo, esse materiam immediatam, qua animalia nutriuntur.

Quòd sanguinis substantia sit vera, & præcipua materia, ex qua omnes partes animalis nutriuntur, videtur, negari non posse, quia sanguis componitur ex succis simillimis eis, qui in ouis pusillum animalculum nutriunt, & citissimè augent, & perficiunt. Habet quippè sanguis suum albumen, quod consistentia, sapore, colore, concrescibilitate in igne, & nutritiua substantia respondet albumini oui. Habet insuper sanguis glutinosam substantiam similem cerebro, & nervis, quæ in rubicunda eius parte crebris ablu-  
rionibus detegitur concreta in fibras, & membranulas candidas. Cumque tales præclaræ substantiæ immutentur ad omnes partes animalis, eiusque recessus; et insuper videamus, quòd omnes illæ partes à sanguine irrigantur, & contrà omnes illæ, quæ are-  
sunt, & marcore conficiuntur, destituuntur à sangui-

Cap. 16. De  
nutritione  
animalium.

ne, Ergo aut sanguinis substantia reficit partes deperditas, aut ab eo, tamquã vehiculo, fertur nutrimentum. Cùmque sanguis in se ipso contineat partes optimæ substantiæ, nec aliæ in animali reperirentur, quæ sua copia reparare possent tam grandem consumptionem, Igitur à sanguine ipso animalis partes nutriuntur.

Contra hanc assertionem afferri possunt duæ difficultates. Primò, quòd in animalibus fame enectis integra moles massæ sanguinæ consumi deberet, cum mors ob defectum succi uutritij, nempè sanguinis, subsequatur, & tamen, ne dum eorundem animalium cadauera exanguia non redduntur, sed retinent ferè eandem molem sanguinis, quam priùs habebant parum diminutam. Secundò, in larga sanguinis effusione deberet animal debilitari eadem proportionem, quam sanguis, scilicet nutrimentum, imminuitur: quod tamen est falsum, non enim percipitur notabilis debilitas, nisi maior sanguinis pars subtrahatur.

Aliqui respondent, quòd in enectis fame sanguis relictus in cadauere caret partibus glutinosis, proindeque est vapidus fluor, nempè viduatus partibus nutritioni idoneis.

Sed ex hoc ipso deducitur, non quòd ex sanguine animal non nutriatur, sed quòd absque nerueo succo spirituofo opus nutritionis non perficiatur, vt recentiores adnotarunt. Et cùm exigua moles succi neruei non sufficiat ad reficiendas tot copiosas partes deperditas, dicendum est, quòd succus nerueus formam, & facultatem vitalem, & animasticam inducat partibus à sanguine reparatis. Et hinc est, quòd in larga sanguinis effusione animal parum debilitatur: propterea quòd

quòd in eo remanet succus neruens spirituosus, à quo vires dependent; et in fame enectis idem succus nerueus omninò absumitur.

Cap. 16. De  
nutritione  
animalium.

## P R O P O S. CCI.

Innuitur mechanica operatio nutritionis.

Restat modò, vt innuamus artificium mechanicum, quo animalia nutriuntur. Cùm continenter, ne dum ex fluoribus animalis, sed etiam ex carnibus, neruis, membranis, tendinibus, & ossibus particulæ aliquæ dissoluantur, transpirent, et in auras abeant, remanere debent cavitates exinanitæ in eisdem locis, è quibus illæ discesserunt. In his postea sanguis vehementer impulsus à corde, & à costrictione arteriarum eodem rapido impetu, quo impelluntur, incuneari possunt intra foraminula prædicta. Verùm non possunt quælibet sanguinis particulæ indiscriminatim intra quælibet foramina insinuari, sed coguntur aliquæ determinatæ excipi in correspondentibus, et similiter configuratis foraminibus, scilicet offeis similes in poris offeis; carneæ in carneis; & hoc quidem necessitate configurationis cibrosæ contingit. Hinc fit, vt assumente qualibet parte analogum, et sibi conforme nutrimentum, præclare refectio, et nutritio perfici possit.

Suum quoque symbolum nutritioni confert aer externus, qui exceptus per respirationem, et per cutis, & carnum poros penetrando, aut impellendo alias aeræas particulas in fluoribus, et carnibus animalis contentas (non secus, ac in plantis contingit) tum



Cap. 16. De  
nutritione  
animalium.

trāspirationem, tū incuneationem parricularū nutriti-  
uarum adiuuat, & promouet; pariterque vitalem mo-  
tum sua vi elastica, & impetu, quo impellitur, confer-  
uat, & auget.

Tandem opificium nutritionis fieri maiori ex parte  
tempore somni, superius dictum est. Quia tunc succus  
nerueus effundi è cerebro potest per omnes partes, &  
sua facultate plastica, & actiua vitalem formam, &  
animasticam confert particulis à sanguine reparatis,  
eas madidando, & irrorando, modo quidem analogo  
ei, quo virtus magnetica ferrum suo afflatu viuifi-  
cat.

## C A P V T X V I I.

### *De Fame, & Siti.*

**V**Idemus, præclarè prospexisse Parentem Naturam  
saluti animalium, adhibitis duobus potentissimis  
stimulis, doloris scilicet, & voluptatis, à quibus vio-  
lenter impelluntur ad mala destructiua fugienda, & ad  
bona salutifera, & vitæ conseruatiua prosequenda. Sic,  
quia cibo, & potu refici debuerant partes deperditæ  
ob continuam transpirationem, indidit natura dolori-  
ficos sensus famis, & sitis, vt quærent cibaria ad vi-  
tæ conseruationem. Nec solo hoc machinamento sa-  
tis tantæ necessitati prouidisse censuit, nisi etiam con-  
dimento iucunditatis cibaria dulcorando nos allice-  
ret. Vt verò tam mirabilem naturæ solertiam con-  
templari possimus, videndę primò sunt.

## P R O P O S . C C I I .

Cap. 17. De  
fame, & siti.

Causæ famis, &amp; sitis .

Notum est, quòd fames, & sitis oriuntur ex defectu cibariorum, qui defectus, vt talis est, nullam entitatem habet : quare videtur, quòd causa talis passionis sit ipsa inanitas, seu nihilum. Hoc autem absurdum esse patet; quia actus sensationis dolorificæ operatio quædam est : cùmque operatio non à nihilo, sed à causa reali operante effici debeat, hinc deducitur, quòd talis passio dolorifica, famis, & sitis necessariò produci debeat ab aliqua reali causa operante. Hæc autem vt indagari possit, obseruo, quòd passio famis non oritur ex mera debilitate, & defectu partium integralium animalis ; nam vt plurimùm ægroti carent stimulo famis, licèt spiritus, sanguis, & solidæ partes eorum valdè diminutæ sint ; & bene valentes post longam inediam languent quidem, at fame non molestantur, quam paulò antè sentiebant. Igitur vera causa famis est medicatio tunicarum, & neruulorum ventriculi, quæ excitari non solet, nisi quando stomachus exhaustus omninò fuerit: tunc enim succi quidam corrosiui à vasis excretorijs glandularum, quibus ventriculi substantia referta est, euomuntur intra eius cauitatem, & suis aculeis neruofas tunicas pungendo, & mordicando, ne dum eas corrugant, sed præterea molestant, & dolorificam passionem inducunt, quam famem vocamus. Hoc suadetur ex eo, quòd post quàm repleto stomacho fames exempta est, tunc succis acidis, aut acribus de nouo famem irritamus. Et  
fa-

Cap: 17. De fame, & siti. *fames canina nullis cibis sedari potest; quia nempe membranae, & nervi stomachi perpetuo à succo corrosivo mordicantur, siue ob insignem eius acrimoniam, siue à profluvio abundanter effuso ab illis vasis excretorijs glandularum.*

*Quando verò talis passio connexa est cum deliquio, & insigni virium prostratione, tunc quidem sedari, vel saltem moderari passio potest ab odoribus, & succis cardiacis, quatenus spiritus reficiuntur, aut motu, quo fibrae nervae lancinantur vi quadam narcotica, quietem nanciscuntur.*

### P R O P O S. CCIH.

*Causam sitis indicare.*

*Necessarium esse fluorem potus, tum, vt in stomacho cibaria solida ingesta dilui, effluere, & macerari possint, tum, vt inseruiat ad chilum fluidum, vt facilius per angustias vasorum lacteorum excipi, & excurrere possit; & tandem, vt fibrae, & tunicae ventriculi madescant; si enim nimis arcescerent, ineptae essent ad motus, & expressiones efficiendas.*

*Modò passio sitis, aut pendet ex ariditate faucium, gulæ, & stomachi, aut ex acredine salium, quibus tunicae praedictarum partium infarciuntur. Vtroque modo causa passionis sitis, est vellicatio nervorum, aut quia ab ariditate tunicarum comprimuntur, & in motu earumdem nervosae fibrae distrahuntur, vel quia punguntur à salinis aculeis.*



## P R O P O S. C C I V.

Cap. 17. De  
fame, & siti.

Modum, quo fames, & sitis eximūtur, & causam subsequēntis sensus iucundī exponere.

Summè expetibilem esse dolorum curationem, quam subsequatur suavis quidam sensus iucundus, natura ipsa docet. Cumque fames sit affectio molesta, ac morboſa, quæ oritur ex mordicatione, quam patiuntur membranæ, & nervosæ partes stomachi à succis corrosivis, Ergo amotio, & curatio talis dolorificæ molestiæ delectationem, & gaudium inducere debet.


Qua verò operatione, & modo talis medela absoluat, inquirendum est. Et primò aduerto, quòd famis exemptio non fit per remotionem, & expulsionem illius succi corrosivi ex stomacho, qui potius utilis est, & ideò eiectio eiusdem noxia esset; impediretur enim opus nutritionis; sed fit superaddendo novam materiam, scilicet cibaria, quæ ad instar spongiæ succum illum corrosivum exugat; & sic duplex bonum natura consequitur. Primò, membranæ ventriculi à molestia corrosiva liberantur: Secundò, utiliter acrimonia, & vis corrosiva exercetur, macerando, & fermentando cibaria ipsa ingesta; & hinc inchoatur chili confectio:

Verum, quia ex tunica interna ventriculi ab ingestis cibarijs omninò abstergi non posset succus ille corrosivus, à quo inficiebatur, proindèque non tolleretur mordicativa molestia famis, ideò natura nouo auxilio potus indiguit, quo plura compendia consequitur,

Cap. 17. De  
fame, & siti.

quitur, De quibus fusè egimus de Renib. Prop. 134. huius. Primò, diluendo internā ventriculi tunicam, abstergit illum succum salinū fermentitium, & sic molestiam famis tollit. Secundò, humectando fauces, Oesophagum, & ventriculi tunicas, eas molliores, & flexibiliores reddit. Tertiò, salinæ particulæ à potu dissolutæ per omnes anfractus ciborum penetrando, facilius macerationem eorum promouent. Quartò potus inseruit, vt vehiculum ciborum, à quo lubriciores reddit, per intestina facilè disfluere possunt, & præterea chylus fluxilis fit, & ideo per subtilissimos canales vasorum lacteorum, & meseraicarum ad cor deferri potest. Quintò tandem, postquam sanguificatio confecta est, aqueus fluor impregnatus salibus alchalisatis per renes expurgatur, & sanguinem purum, & syncerum relinquit.

Porrò sensus ille suavis, qui sedata siti subsequitur, vt plurimum in faucibus, lingua, & Oesophago percipitur, tum, quia tollitur ariditas, & molesta scabrities illarum partium, quæ motiones impedit, tum etiam, quia salinæ particulæ ibidem retentæ eò magis membranas pungunt, & corrodunt, quò magis arefcunt, & à defectu fluoris non abluuntur, & non asportantur. Quare ablata causa illius molestiæ, subsequi debet sensus iucundus iuxta naturæ leges,



## CAPVTVIII.

Cap. 17. De  
motibus do-  
lorificis*De Motibus dolorificis.*

**N**on esset completa dissertatio de motibus animalium, si tantummodò motuum causæ, & modi recenserentur, qui secundum ordinem naturæ, & in statu sanitatis fiunt; sed etiam oporteret, ut motus perturbati, molesti, & morbifici, examinarentur. Quia verò hoc vires meas superat, cogor pauca aliqua potius innuere, quàm exactè declarare. Et priùs de motibus dolorificis in genere agam.

## PROPOS. CCV.


Causa præcipua doloris, non est diuisio continui.

Si vera esset vulgaris definitio doloris, quòd scilicet sit diuisio continui, proculdubio nulla diuisio continui, viuente animali, fieri posset absque doloris sensu. Et è conuersò nunquam, dolor contingeret absque continui diuisione. Hoc autem multoties minimè verificari videtur. Quia ne dum ossa corrodi, & secari possunt, sed etiam cerebri, viscerum, & carnum portiones aliquando abscinduntur absq; vllò doloris sensu. Præterea si diuisio continui, ut diuisio est, produceret dolorem, planè passio dolorifica percipi deberet toto tempore; quo partes dissectæ sunt, scilicet quamdiù vulnera non agglutinantur, quod est falsum, nam solummodò tempore puncturæ, vel dissectionis, à tali sensu afficimur, & paulò post cessat dolor.



Cap. 17. De  
motibus do-  
lorificis

Et licèt verum sit, quòd solummodò nerui, membranæ, & tendones, sensitiuæ partes sint in animali, & reliquæ à neruis destitutæ sensu careant, & proinde dolorem non percipiant; videmus tamen, quòd acerbis, & intolerabiles dolores non contingunt, quando dissectæ sunt membranæ, aut nerui, sed potius, quando integri permanent. Verum tamen est, quòd si nerui acu pungantur, vel succo salino mordicentur, aut malleo contundantur, tunc molestissimi dolores sentiuntur; sed non inde colligitur, quòd à diuisione continuitatis fibrarum dolores excitentur. Quia subtilissimæ fibrillæ, ex quibus fasciculi neruosi, & membranæ componuntur, truncari non posse videntur ab aciebus acutissimis acus, vel salium; sicuti videmus, quòd à subtili mucrone clauì penetrantis non truncatur fibræ ligni, aut panni, sed solummodò parumper distrahuntur, & ab inuicem separantur, vt locum cedant subintranti illi cuneolo, nec scissura fibrarum fit, nisi ab acie lata scalpelli, aut cultri. Tandem licèt concedatur, fibrillas aliquas nerueas à punctura, acus abscindi, & truncari, et ob id tam grandem dolorificam passionem induci, planè discisso integro neruo, nempè fascillo ex millenis fibrillis composito, resuleret multò maior dolor; quòd est adeò falsum, vt post nerui totalem discissuram dolor cesset. Igitur à causa longè diuersa à continui diuisione dolor producitur.



## P R O P O S . CCVI.

Cap. 17. De  
motibus do-  
lorificis

*Causa præcipua doloris non est dissolutio compositio-  
nis , & texturæ fibrarum neruearum .*

In præcedenti ostensum est , quòd simplex discissio , & detruncatio fibrarum neruorum , & membranarum , non sit præcipua causa doloris . Modò videndum est , an dissolutio compositionis , & texturæ earumdem fibrarum sit potissima causa doloris . Et sanè , si solummodò à contusione neruorum , facta ab ictu alicuius corporis duri , veluti à malleo , dolor efficeretur , planè censerì posset , quòd à dissolutione texturæ fibrarum dolor penderet ; nam re. vera contusio talem dissolutionem producere posset : at frequentius dolores acerbì excitantur à simplici punctura acus , aut ab aculeis salium , quorum acies acutissimæ ineptę sunt ad texturam neruorum dissoluendam ; eo quòd parumper distractis , & ab inuicem separatis filamentis , vel particulis fibrarum , quantum nempè occupant acutissimi illi mucrones , non videtur dissolui posse textura earum . Propterea , quòd à glutinosa earum consistentia subito retrahuntur , agglutinantur , & priorem connexionem resarciunt ; sicut fides Citharæ post distractionem subito spontè contrahuntur .

Quòd postea talis minima distractio fibrarum , vt distractio est , dolorifica non sit , patet ex eo , quòd tactis articulis , & compressa carne musculorum , multò magis distrahi , & elongari neruorum fibræ deberent , quàm ab interpositione apicis acus , & tamen nullum dolorem inducunt .

Cap. 17. De  
motibus do-  
lorificis

Adde, quòd absque vlla punctura dolor excitatur, quando scilicet festuca tanguntur, & refricantur nervi, aut membranæ oculorum, & tunc, nec distrahuntur fibræ nerueæ, nec dissolvitur textura earum. Igitur præcipua, & potissima causa doloris longè diuersa est à dissolutione compositionis texturæ neruorum.

### P R O P O S. CCVII.

Præcipua, & immediata causa doloris videtur esse vellicatio facta in nervis, cuius mechanica operatio exponitur.

Exclusa continui diuisione, & dissolutione texturæ fibrarum neruearum, restat sola vellicatio, & corrosio earum, quæ sensum dolorificum inducere possit. Quia sensitiuissimæ fibræ nerueæ, & succi spirituosissimi in earum spōgiosa medulla existentes, facile irritari posse videntur, quatenus irregulari, & perturbato motu agitati, communicare possunt cerebro consimiles concussiones asimetras, quæ conuulsuam illam passionem, molestant, & cruciantem inducant, quam dolorem vocamus.

Quòd verò talis passio in animalis sede sensitiua induci possit, suadetur ex illo molesto cruciatu, quem producit sonitus ille acutus, qui fit, dum faber cultrū, seu laminam ferræam, lima corrodit; & planè sibilus ille dissonans, adeò moleste tympanum auditus vellicat, vt sint, qui libentiùs ictum validi pugnæ, aut calcis tolerant, quàm obstrepentem illum sibilum audire velint. Et quis capiet, quòd sonus ille, qui est acris tremor, scissuram vllam, aut rupturam, vel dissolutionem



nem membranæ tympani auditoris inducat? Nil enim Cap. 17. De moribus dolorificis  
 vltrà vellicationem irregularem, & dissonam inferre  
 posse videtur, à qua perturbetur harmonicus ille rhyth-  
 mus, quo animales spiritus naturali lege moueri apti  
 nati sunt.

Hoc confirmatur ex horrore illo conuulsivo visce-  
 rum, qui excitatur ex reminiscentia illius nausæ,  
 quam olim potio cathartica ventriculo induxerat. Pla-  
 nè concussio illa dolorifica viscerum ab vlla continui  
 diuisione, sed à motu spirituum inordinatè neruos vel-  
 licante, & concutiente produci potest.

Quòdque præterea passiones dolorificæ pendeant à  
 prædictis vellicationibus, confirmari potest ex modo,  
 quo multoties medicantur. Obseruaui multotiès mo-  
 lestiam illam dolorificam, quam affert lenis conta-  
 ctus, aut fricatio festuæ, aut muscæ in naribus, in  
 supercilijs, & in fronte, quæ passio tam molesta est, vt  
 ad eam tollendam aliqui colaphos sibi impingant, ca-  
 put parietibus incutiant, & vnguibus cutem lacerent  
 vsque ad sanguinis effusionem. Si igitur vellicatio il-  
 la indiget tam enormi medicina corrosionis, & discis-  
 sionis cutis ab vnguibus, quæ corrosio dolorifica est  
 ex sui natura, Ergo illa vellicatio facta à festuca, vel  
 à contactu muscæ multò magis dolorifica erit, quàm  
 sit nervorum in cute existentium corrosio, & laceratio;  
 Et proindè molestia dolorifica ex sui natura consistit  
 solummodò in illa nervorum vellicatione, & prurigi-  
 ne, qua irregulatiter spiritus animales in cerebro con-  
 cutiuntur contra eorum naturalem indolem.

Hinc est, quòd internæ vellicationes dolorificæ à  
 Narcoticis quietem inducentibus facilè sedentur.  
 Hinc etiam dolores dentium aliquando ab ineptissi-  
 mis

Cap-17. De motibus dolorificis  
 mis verbis, à circulatoribus susurratis, per breue tempus sedantur; quia nempe vehemens opinio, quæ egri medicari posse ab illis suadentur, animalibus spiritibus contrarium motum inducit, quo vellicatiua commotio interumpitur, & aliquando prorsus tollitur. Id ipsum præclarè confirmatur ex modo, quo medicatur conuulsiva illa cruris contractio, quam Italicè *Granchio* vocamus, nã à tali cruciatu ictu oculi liberamur si subitò cõcussio calce, crus affectũ validè agitur. Oportet ergo, vt à nouo motu alius vellicationis motus dolorificus perturbetur, & impediatur.

## C A P V T XVIII.

*De lassitudinis molestia.*

Debilitatis sensum à lassitudine valdè differre, manifestum est; quia illa oritur ex simplici defectu virtutis motiue, seu impetũ facientis; hæc verò est passio quædam angoris, quæ post laboriosos motus, ex antlatis percipitur. Sic Pueri, qui grandia pondera suspendere non possunt ob virium penuriam, læti absq; vilo sensu lassitudinis saltant vsque ad tripudium. At Viri robusti post violentas motiones corporis percipiunt passionem illam molestam, & dolorificam artuum, & spirituum cum anxietate, & deliquio, quam lassitudinem vocamus. Talis porrò passio à pluribus causis oritur. Et primò videndum est.

## P R O P O S . CCVIII.

Cap. 18. De  
lassitudinis  
molestia.

Quomodo passio lassitudinis à sola spirituum dissipatione producat .

Videmus aliquando, quòd Viri bene valentes post diuturnā inedia[m] ob quamlibet corporis agitationē , molestissimum sensum lassitudinis patiuntur ; et quia tunc organa motus detrita, et lacerata non sunt, inferitur quòd ex defectu virtutis impetum facientis talis lassitudo contingat : cū succi spirituoſi à neruis instillari debeant, vt vnà cum sanguine in musculis excitare valeant dispoſitionem illam, qua motus in animali fiunt . Dicendum est, quòd ex defectu talis succi spirituoſi passio lassitudinis in tali casu oriatur . Vt verò modū mechanicum, quo laboriosa talis lassitudo fit , indicare possimus, Considero, quòd quando plures homines suspendunt, et trahunt exiguum pondus, quod à singulari homine moueri potest, tunc parum, vel nihil defatigantur , quia vnus post alium succedere potest ad onus superandum per breue tempus , et deinde à quiete refici potest . At si ab vnico homine idem pondus assiduo labore trahatur , mirum non est, valdè eum defatigari , & tandem languore affici , Eodem modo succi spirituoſi , et sanguis abundanter subministrati concipi possunt , vt plures baiuli onus portantes ; et idèd facili negotio quando succi spirituoſi abundantes sunt, vna portio eorum succedere potest statim temporibus ad pondus sustinendum ; seculus autem contingit in pauperie spirituum , qui indefesso , et continuato labore absque vlla reque oneri succumbunt .

Hoc



Cap. 18. De  
lassitudinis  
molestia.

Hoc exemplū vt aptari possit nostro casui, considerandum est, quòd succi spirituoſi instillantur orificijs neruorum intra musculos, et ideò, quando tubuli spongiosi fibrarum neruearum abundanter repleti sunt tali succo spirituoſo, continenter ab illis subministrari potest absque vlla interruptione: At quando ob inediam præcedentem, vel ob diuturnam effusionem tubuli illi extenuati, et ferè exuſi sunt, vel saltem ob intemperiem, spiritus ferè inepti sunt ad dispersionem illam efficiendam; tunc grandi conatu ex cerebro transmitti debent; quòd in tanta spirituum penuria fieri non potest absque sensu lassitudinis, et languoris; et hinc dolorifica illa passio oriri posse videtur.

#### P R O P O S. CCIX.

Quomodo ex læsione organorum passio lassitudinis dolorifica oriatur.

Triplici modo ab organis læsis lassitudo induci potest. Primò, quia obstructis vijs, succi spirituoſi perducì non possunt ad musculos mouendos. Secundò, quia distractis, aut laceratis fibris musculorum, et tēdinum, non possunt sine doloris sensu moueri. Tertiò, quia à sordibus inter fibras infarctis motus impediuntur; sicuti rotæ horologii ob puluerem, vel rubiginem difficile agitari possunt.

Quoad primum patet, quòd succi spirituoſi loco motiui, quamuis in cerebro abūdent, non possunt mouere artus, nisi ex cerebro ad musculos per neruos perducantur. Ergo quando viæ, siue orificia neruorum sunt

sunt obstrueta perindè spiritus inflare non poterunt musculos, ac si animal careret spiritibus. Hinc oritur illa inertia, torpor, et lassitudo, quàm patimur subito post expergefactionem, quæ eandem passionem lassitudinis inducit, ac laboriosa corporis commotio: quando scilicet spiritus copiosè refecti sunt, et tamen, quia viæ neruorum adhuc in succis nutritijs obstrueta sunt, non possunt illi ab imperio voluntatis impelli ad musculos mouendos, vt superius dictum est.

Cap. 18. De  
lassitudinis  
molestia.

Id ipsum contingere videtur in aliquibus morbis acutis, in quibus vires momento prosternuntur, non quia spiritus deficiat, sed quia perducì non possunt ad musculos mouendos; quod conijcitur ex eo, quòd exacto paroxysmo vires redeunt absque eo, quod à nouo cibo reficiantur; imò validissimè musculos mouent superueniente phrenitide.

Secundò. Eadem passio lassitudinis producitur, lesis organis motuum localium, absque vllò spirituū defectu; Quia nempè muscoli valido impetu inflari non possunt, nisi eorum fibræ detrahantur à cuneis materiæ rarefactæ intrà earum poros, nec grandia pondera suspendere, & mouere valent, nisi fibræ, tum musculosæ, tum tendinosæ à nimia distractione aliquā lacerationem patiantur: pariterque fieri non potest, vt ligamenta, & cartilagine inter articulos interceptæ non conterantur ab incumbente pondere corporis eiusdem animalis; tales autem distractiones, lacerationes, & contusiones nunquam fient absque eo, quòd situs, ordo, & connexio particularum, fibrosam conformationem constituentium dissoluantur, perturbenturque, in qua præter naturalē transpositionē partium

Cap. 18. De  
lassitudinis  
molestia.

miræ vellicationes, & corrosiones contingent, quæ dolorificæ, et molestæ erunt. Vnde mirum non est, quod anxietatem afferant.

Tertiò, impeditur motus musculorum à puncturis aerium succorum, inter fibras disperforum, qui suis aculeis dolorificam passionem inducunt, quando muscoli agitantur; et propterea in hisce corporibus impuris molestiores lassitudines contingunt.

Quartò, eadem passio oritur ab infarctione excrementitiorum succorum viscidorum, replètium musculorum porositates, qui proindè impediunt inflationem, sine qua agere muscoli non possunt; eodem modo, ac rotæ horologij, rubigine contracta, circumuolui non sine difficultate possunt; ex tali, inquam, difficultate fit, vt maiori molestia lassitudinis animalia afficiantur.

Malo lassitudinis quies ipsa duplici nomine medetur. Primò, quia celsat læsio, et vellicatio illa fibrarum musculorum. Secundò, quia sensim reficiuntur particule læsæ, et deperditæ, atque reponuntur suis debitis locis illæ, quæ ablatae fuerant, & glutinantur partes discissæ à succo nutritio adueniente. Quæ omnia suaui quodam sensu refectionis continent.

#### P R O P O S. C C X.

Quare stando, magis defatigamur, quàm deambulando rationem reddere.

Quia stando, retinemus corporis machinam in situ erecto, & hoc non soli muscoli extendentes articulos  
crurum,



crurum, & spinæ præstant; cum maxima oneris pars à duritie ossium cruralium, & spinæ, tamquam à columnis sustineatur; e contra in deambulatione iidem musculi directores animalis præter retentionem in situ erecto debent insuper suspendere, & antè impellere integrum pondus totius corporis animalis, eo quòd sine flexione tibiarum deambulatio fieri non potest; et quando tibie flectuntur, tunc tota machina animalis incurvata non innititur columnis crurum, & ideò violenter eleuari debet ab illis musculis extensoribus. Ergo multò magis laboriosa actione fatigari deberemus deambulando, quàm stando: Quod tamen est falsum; Igitur aliundè petenda est causa lassitudinis, & deliquij, quo stando afficimur. Hæc, ni fallor, pendet ex eo, quòd actio continuata eiusdem musculi, quæ sit sustinendo idem pondus, licet exiguum, molestissima est, & maiorem lassitudinem inducit, quàm si actione non assidua, sed interrupta, interpositis frequentibus pausis, suspenderet pondus decies maius prolixiori tempore. Et ratio est, quia actio eiusdem musculi continuari absque vlla quiete non potest, nisi continuo tensus, & inflatus permaneât; & proinde oportet, vt stillicidia succi spirituosi è nervis continuo fluxu exprimantur; aliter absque quiete, novæ dispositiones in musculis non fierent. Verum à tali continuata spirituum effusione ductus nervorum euacuântur, & exucci redduntur, eo quòd plus exit ex eis, quàm ex cerebro introduci, & transmitti possit. Quare cessabit effluuium succi spirituosii intra musculum, vel saltem laborioso conatu è cerebro guttulæ aliquæ exprimi possunt, & hinc oritur sensus lassitudinis, & languoris, qui stando percipitur. At perambulando,

Cap. 13. De  
lassitudinis  
molestia.

Cap. 18. De  
lassitudinis  
molestia.

musculi per vices quiescunt, & ideò tubuli neruosi in eos desinentes refici, & repleti successiue spirituososucco possunt, & sic interruptis actionibus, facile possunt machinam animalis sustinere, & mouere absque notabili lassitudinis sensu.

Præter spirituum defectum, confidero, quòd inmoderata, & vicissitudinaria actione musculorum, quæ deambulando fit, oportet, vt fibræ musculorum, & tendinum moderatè per vices distrahantur, & ab interpositis quietibus reficiantur. At stando, quia iidem musculi extensores articulorum, nedùm absque vlla intermissione agunt, sed valido conamine laborant; non quia grande pondus sustinent; sed quia valdè relaxati sunt vltra exigentiam naturalem eorù, ob directionem articulorum, genuum, & coxendicum, & proindè decurtatio fibrarum consueta irrita redditur, vt chorda arcus relaxata, licèt contrahatur, tamen vim non habet arcum constringendi, necesse est, vt plùs iusto eorum fibræ distrahantur, cum priuentur illis refectionibus vicissitudinarijs, & proindè fibræ aliquo pacto lacerantur: quæ laceratio cum ex sui natura sit dolorifica, fit, vt stando facultas sensitua in cerebro percipiat talem passionem lassitudinis. Contrà verò in deambulatione, crebræ fibrarum musculorum distractiones citò medicantur, & ideò dolorificæ non sunt, nec tantam lassitudinem inducere possunt.

Insuper stando, plantarum pedum pelles, membranae, cartilagines, & ligamenta tendinosa, quæ ad instar puluinarium inter articulos ossium tibiæ, & spinæ interponuntur, continua pressione oneris totius corporis incumbentis valdè contunduntur, & talis con-

tusio

tusio lacerationem aliquarum partium dolorificam inducit; quæ non medicatur, dum stando, non datur locus refectioni, & quieti. At facultas sēsitiva animalis multò magis afficitur dolore cuiuslibet partis corporis, quàm à consuetis laboribus omnium musculorum artuum, & à contusionibus interruptis, & reparatis, qui fiunt absque læsionibus dolorificis in exercitio deambulationis.

Cap. 18. De  
lassitudinis  
molestia.

Hoc mirificè comprobatur ab experientia. Videmus enim, quod diuturna, & continuata sessio, etiam in loco commodo, producit notabilem sensum lassitudinis, & languoris, vt experiuntur qui naucula, vel lectica vehuntur. Et, quod magis mirere, medicina huius mali est laboriosa deambulatio, à qua in fine itineris diurni præclare, & summa cum iucunditate reficiuntur. Vnde patet, quòd nedùm ab illa continua sessione muscoli glutei, & omnes arcus comprimuntur, & idè eorum fibræ lacerantur, sed præterea impeditur circulatio sanguinis, & motus nutritionis partium compressarum. Hinc sequitur dolorifica illa passio lassitudinis, & languoris, quæ postea tollitur, & medicatur non à quiete, sed à laborioso motu musculorum, qui deambulando fieri debet.

Sic pariter diù stando, præter lacerationem dolorificam musculorum extensoriorum, tendinum, & cartilaginum, patimur quoque læsionem, qua impeditur circularis motus sanguinis per eosdem musculos à cōtinua eorum tensione, & turgentia. Quorum malorum appropriata medicina est non quies, sed motus deambulationis, à quo circulatio sanguinis restituitur, diffusio spirituum per nervos suppletur, & lacerationes à succis nutritijs resarciuntur.

Quare



Cap. 18. De  
lassitudinis  
molestia.

## P R O P O S . CCXL

Quare vehementes , & inusitati motus inducunt dolores articulorum , & musculorum, causa coniicitur .

Experientia constat , quòd vehementes , & inusitatae motiones , quæ desudandò fiunt in lusu Pilæ, aut in gladiatorio exercitio, dolores afferunt non subitò, sed die sequenti post quietem, & refectionem nocturnam, quando articuli, & muscoli brachiorum, & tiliarum, consuetos motus efficere non possunt, sine molesto, & graui dolore : & procul dubio talis dolor non producitur à laceratione , & ruptura fibrarum, musculorum , & tendinum . Primò, quia subitò talis noxa percipi deberet in actu exercitij violenti, quando nèpè laceratio , & ruptura fit ; non verò die sequenti, quando læsio potiùs resecta, & consolidata esse potuit . Secundo ; quia medicatur non à quiete , sed à nouo , & repetito consimili exercitio violento . Videtur ergo , quòd talis dolor produci possit à concursu abundantis serosi , & visceridi humoris , qui replendo porositates carniū, nimium dilatatas à præcedentibus dispoſitionibus ad instar spongiæ , & à tali tumore, & infarcimento fibræ absque puncturis dolorificis moueri non possunt . Porro talis tumor , & infarctio tolli non potest, nisi per transpirationem insensibilem per poros cutis, aut eliquatis glutinosis serositatibus, & transmissis per venas ; & hæ operationes iuuantur, & mirificè promouentur ab exercitio laborioso subsequente , quatenus attenuantur, elinquantur ,  
impel-

impellunturque humores illi stagnantes, qui speciem quamdam absfusus conficiebant. Et sic facilè eijci possunt; & perindè tollitur causa doloris.

Cap. 19. De  
Motibus cō  
uulsivis.

Insuper ex tali motu renouato acquiritur aliud bonum, estque dispositio, & aptitudo ad vehementes motiones in posterum efficiendas, cū dilatatis, & apertis nouis vijs in musculis sanguis facilius effluere possit, & melius nutrire fibras illas valeat: & ideo robustiores, & mobiliiores redditæ maiori alacritate, ac promptitudine deinceps moueri poterunt.

## C A P V T X I X.

*De Motibus Conuulsivis.*

**C**onuulsio, dicitur motus inuoluntarius distensionis, vel contractionis alicuius articuli factus à causa præternaturali. De tali motu aliqua breuiter notabimus.

## P R O P O S. CCXII.

Conuulsio non fit à neruorum contractione, aut relaxatione.

Vulgarum est, conuulsionem, seu spasmus esse neruorum prauam affectionem, qui à nimia ariditate, aut superflua humectatione decurtantur, & tunc musculos, in quibus ramificantur, violenter contrahendo inflectunt, vel dilatant articulos, quibus annectuntur. Hæc sententia meritò antiquata est, cū ab experientia, & ratione euidentissimè refutetur.

Quia

Cap. 19. De  
Motibus cō  
nulsivis.

Quia nunquam nervi arefacti, exiccatiq; visi sunt, & ob id contrahi non possunt, sicuti pili combusti, & torrefacti contrahi, & torqueri solent: Neque à madesactione, quæ naturaliter nervis convenit, unquam contrahuntur, nec pariter à nimia febrili caliditate, aut à gelu hoc producitur.

Postea licet reuera nervi contraherentur, tamen non possent articuli tam valida vi incurvari, aut distendi, eo quod nervi non affiguntur duobus terminis duris, & firmis, veluti clavis, sicuti musculi ossibus, aut fixis tendinibus alligantur; sed potius nervorum principia laxè uniuntur molli, & cedenti substantiæ medullari cerebri, aut spinalis medullæ, & eorum fines nectuntur molli quoque carni musculosæ, & intermediæ nervorum longitudines non directè, sed flexuosè, et laxè incurvantur. Quare est impossibile, ut nervi ad instar funis contracti, et clauo affixi articulum annexum flectant.

### P R O P O S. CCXIII.

Spasmus fit à contractione involuntaria musculorum, facta à mordicatione morbifica nervorum.

Sensu patet, in articulis inflexis, aut distractis ob convulsionem, quod idem musculus, qui voluntariæ alicui contractioni destinatus fuerat in statu sanitatis, postea in spasmo, inuito contractus,ensus, et induratus permanet. Itaque motus convulsivus non differt à motu voluntario in actione ipsa; sed in causa efficiente, quia fit ab imperio voluntatis, secus ac illa. Si igitur id ipsum, quod à motu voluntatis efficiebatur in statu



statū sanitatis, postea à causa morbifica ipsdem necessarijs operandi modis absolvitur : Ergo ambo motus ipsdem mechanicis operandi modis fiunt . Verum in motu voluntario spiritus animales, vellicando initia neruorum in cerebro, eosque conuellendo, exprimunt guttulas succi neruosi intrà sanguinem contentum in musculis , à quibus displasio inflatiua consurgit . Igitur oportet, vt in spasmo eadem irritatio in neruis, & effusio succi spirituosi fieret à causa morbifica . Videmus autem, quòd talis irritatio efficitur in neruis cruralibus Ranarum exenteratarum, quotiescunque acupunguntur, vel succo salino tanguntur . Et in nobis ipsis experimur, quòd irritatis neruis narium, aut Aspræ arteriæ, excitantur motus cōuulsivi sternutationis, aut tussis . Igitur simili modo puncturæ, & ut corrosiones factæ in neruis artuum ab aliquo succo acri, & salino, possunt motus conuulsivos producere. Qui motus erunt transitorij, & momentanei, si irritatio subito cesset; & diurni, & perseverantes, si irritatio illa continenter fiat . Hoc confirmatur ex eo, quòd in illis, qui conuulsi pereunt post mortem, cessat illa distortio, & diriguntur articuli, qui contracti fuerant : eo quòd, extincta prorsus facultate sensitiva in neruis, deficit quoque sensus molestiæ, à qua conuellebantur; & proinde non amplius succum spirituosum, nempe causam displasionis intrà musculos effundunt; ideòque contractio illa violenta musculi deficiet .

Restat solummodò difficultas, quomodò tanta copia succi spirituosii è neruis effundi possit, quæ sufficiat ad displasionem continuatam efficiendam per plures dies in musculis conuulsis . Cui difficultati pater responsio ex superius dictis, vbi ostensum est, quòd

Cap. 20 De  
tremore ani-  
malium

non exigitur abundans profluuium succi spirituosi è neruis ; sed sufficit minimarum guttularum dispensatio, quales sunt particulæ odorosæ Zabeti, vel Chatarticæ, quæ à vitro antimonij in vino diffunduntur.

## C A P V T X X.

### *De Tremore Animalium.*

a Cap. 30.

**E**Gimus in genere de tremore corporum libro De Vi Percussionis a; modò exponi debent causæ, & modi mechanici, quibus animalium tremores, tum spontanei, tum inuoluntarij, & conuulsiui fiunt.

## P R O P O S. CCXIV.

Quomodò voluntarij tremores fiant in animalibus. exponere.

Cùm tremor nil aliud sit, quàm successiua, & frequens agitatio ad partes oppositas, Videndum primò, à qua causa, & quibus organis voluntarij tremores fiant. Et patet, quòd cum manum concutere tremulo motu volumus, tunc muscoli antagonistæ successiui, vnus post alium à voluntatis imperio citissimè, & frequenter contra huntur, non secus ac in Balance æquilibrata duabus manibus, modò vnā, modò aliam lancem deprimimus. Sic paritèr in lingua cum litteram R proferre volumus contrahuntur fibræ musculosæ antagonistæ eius, à quibus flectitur ad partes oppositas frequentibus vibrationibus. Et in hisce motibus tremulis supponitur manus, aut lingua æquilibra-

ta

ta ab æqualibus contractionibus proprijs, & naturalibus machinularū cōponentiū musculos antagonistas; qui postea à voluntarijs tractionibus, factis per displosiones, superiùs enarratas, successiue, agitantur, & tremorem efficiunt.

Cap. 20. De tremore animalium

## P R O P O S. CCXV.

Quomodo inuoluntarius tremor fieri possit à relaxatione, & constrictione machinularum, quibus fibræ musculorum componuntur.

Tab. 18. Fig. 16.

Dictum est suprà, quòd sicut oscillatio fune-penduli fieri potest à naturali eius displosione, & vi grauitatis, sic quoque Arcus, aut consimilis machina flexibilis, & resiliens tremulo motu agitari potest ob solam structuram materialem machinæ. Cùmque fibræ musculosæ sint catenæ compositæ ex machinulis ad inuicem connexis, facillè percipimus, quòd oscillatoria quadam vicissitudine modò relaxari, modò contrahi possunt frequentibus, & æquitemporaneis agitationibus: Vtque modus, quo tremor effici potest aperiamus, Sit Columna, vel Os AB annexum offi subiecto CD, & conuertibile circa nodum B: sintque duo funes musculosi AC, & AD alligati in summitate A, & connexi in terminis C, D contraposis offis subiecti. Manifestum est, quòd si funes contrapositi summa vi tracti essent, vt nil prorsus relaxari possent, proculdubio columna AB à tonica tractione firmata, immota staret, neque vllam concussionem pateretur; at quia machinulæ, ex quibus catenæ musculosæ AC,



Cap. 20. De  
tremore ani-  
malium

AD componuntur, sunt compressibiles, & resilire possunt, Hinc fit, vt nunquam funes tanta vi tracti sint, vt nequeant aliquantulum relaxari. Et in tali statu si fortè impulsæ, & inflexa fuerit columna AB versùs D, necesse est, vt distrahatur funis AC, & tantumdem relaxetur contrapositus funis AD. Maiorem ergo vim faciet funis AC ob violentam distractionem machinularum eius, quàm funis AD ob relaxationem machinularum suarum. Quare postquàm extinctus est ille impulsus, necesse est, vt maior vis, quam exercet funis AC reducat columnam AB versus situm perpendicularem; & quia in motu regressus acquiritur nouus impetus contrarius priori, fit, vt columna vlteriùs impulsæ flectatur versùs C, distrahendo funem AD, & relaxando funem AC. Igitur ob eandem causam reducetur columna, & flectetur secunda vice versùs D. Et sic repetitis alternis reflexionibus frequentibus, tremorem efficiet; & perseuerabit, quamdiù impulsus externus renouatur. Sicut videmus, vexillum tremula vndulatione agitari, quamdiù ventus spirat, qui pariter duas oppositas vexilli facies alternatim impellendo, perindè agit, ac illi duo funes AC, & AD. Quod verificari debere certum est, licèt ventus sit continuus, & vniformis: quia ab initio si facies vexilli dextra parùm inclinata excipit ictum venti, dirigitur, & deinceps ad partem oppositam flectetur ob impetum acquisitum, & ideò exponetur eidem vento facies sinistra; & sic deinceps alternas flexiones repetendo vndulationes prosequetur.

Eodem modo in animalibus, articuli à causis externis mille modis impelli possunt, & ideò musculis antago-

tagonistis vicissim relaxatis, et contractis, tremulus motus creari potest.

Cap. 20. De  
tremore ani-  
malium

# PROPOS. CCXVI

Quomodò defectus virium tremorem inducat.

Experientia docet, quòd languidi, et extenuati ob inedia, ob infirmam valetudinem, ob senectutem, et ob præcedens laboriosum exercitium, manibus sustinere aliquod mediocre pondus non possunt absq; tremore. Quòd verò talis passio contingat ex defectu facultatis impetum facientis, scilicet ex defectu succi spirituosii, qui per nervos communicatur, suaderi potest ex momentanea refectione, quam efficit vini, aut cardiaci liquoris potio, quæ vires adeò restaurat, vt deinceps absque tremore pondus illud sustineatur.

Modus verò, quo fit talis tremor, est, quia ob penuriam succi spirituosii non possunt ex nervis continenter effundi guttulæ illæ, quæ requiruntur, vt in musculis explosiones, et turgentiam continuatam producere possint, sed oportet, vt frequentes morulæ intercipiantur, in quibus muscoli relaxantur, et flaccescunt; et ideò vicibus frequenter interruptis, suspensio ponderis negligitur, et renouatur. Et hinc oritur motus tremulus.

Hoc confirmatur ex eo, quòd viri alioquin robusti pondus proprii brachij extensi sustinere non possunt, continuata actione per horam integram absque tremore. Quia nempe ob continuatam effusionem ex iisdem nervis succi spirituosii dissipantur, et deficiunt, et proindè interruptis vicibus, et minutis stillicidijs exprimi possunt.

Quare

Cap. 20. De  
tremore ani  
malium

P R O P O S. CCXVII.

Quare timor, et frigiditas tremorem inducat,  
exponere.

Quia ad musculorum actionem continuandam requiritur perenne stillicidium succi spirituosius, qui cessare potest, tum ob inopiam, tum etiam, quia impeditur eius diffusio, et aduentus; talis autem accessus succi spirituosius ad musculos inflandos impediri potest triplici modo, Primò, inducta quiete in ipsis succis spirituosius. Secundò, agitatius motu contrario, nempe fugiendo versus cerebrum. Tertiò, obstructis vijs, et orificijs ductuum neruosorum. Quòd frigus ex sui natura torporè, et quietem afferat, omnes scimus. Quia frigus nil aliud esse videtur, quàm priuatio, et defectus caloris, et proindè frigus inducet defectum, et inopiam caliditatis, seu præcipuæ causæ motiuæ Animalium. Quapropter mirum non est, quòd adueniente improviso frigore sistatur, aut saltem retardetur motus spirituum intrà musculos; et ideò displosiones in eis fiant periodo interrupta, ex qua interruptione tremor suboriatur.

Posteà, quòd timor sit fuga quædam spirituum ad intrà, conijcitur ex pallore faciei, oculorum offuscatione, vocis exilitate, et interruptione, virium defectu, ex tremore artuum, et ex cordis valida, et frequenti palpitatione, quæ omnia symptomata contingunt in statu integro perfectæ sanitatis Animalis, dum spiritus abundant. Ergo subsequuntur ex retratione, et fuga spirituum, quàm inducit apprehensio periculi,



culi, et mali imminentis. Igitur mirum non est, quòd dum spiritus in tali perturbatione retrocedunt parcè instillari possint intrà musculos, & ideò vicibus interpolatis dispoſiones fiant, à quibus tremula vacillatio oritur.

Cap. 20. De  
tremore  
animalium.

## P R O P O S. CCXVIII.

Causam tremoris morbifici, qui in Paralyſi, febribus, & senio contingunt, exponere,

Præter tremores superiùs enarratos, qui à spirituum defectu, vel ab impedito eorū concursu oriuntur, dari alios tremores, qui à morbifica causa dependent, manifestum est. Videmus enim, quòd læsis nervosis, & tendinosiſ extremitatibus articulorum, paralytici quidam tremores producantur; insuper in passionibus epilepticis, & in poroxyſmis febrilibus vehementissimo tremore artus concutiuntur; minori tamen vehementia Iræ perturbatio tremores affert. Hæ omnes passionēs proculdubio ab aliqua causa morbifica irritante produci debent, cùm præter voluntatem contingant, nec à potenti vi motiva spirituum animalium impedi, & refrænari possint.

Tales igitur vehementes concuſſiones articulorum factæ invita facultate animali, convulſivæ vocari solent. Quæ producantur ab irritatione, & modificatione nervorum, & membranarum, ob quem molestum sensum dolorificum exprimuntur ab eis intra musculos succi spirituoſi, dispoſiones continuatas efficiētes, à quibus contracti retinentur; & ideò articuli flexi, vel dilatati persistunt.

As

Cap. 20. De  
tremore  
animalium.

At in tremore paralytico fiunt quoque convulsivæ illæ nervorum mordicationes, non quidem continuatæ, sed paulis interpositis, ut contingat quædam frequens oscillatio, ad instar fune penduli. Quod contingere potest ex eo, quod succi salini, & mordicantes, aut insinuantur intra nervos, non fluxu continuato ad instar fonticulorum, sed guttatim; vel potius, quia peristaltico quodam motu compressis nervis, aculei salini intra nervos insinuati pungere possunt per vices fibras, & membranas nerveas. Quod præterea confirmatur, quia tales irritationes excitantur, vel augentur à turbulentis spirituum agitationibus, ut contingit in Paralyticis, qui dum excandescunt, vel contristantur, vehementius tremunt. Et in sanis hominibus motus Iræ artuum tremorem inducit: quia nempe in turbulento spirituum motu puncturæ illæ vehementes excitari possunt.

Omnium tamen validissima est concussio tremoris, quæ in paroxysmis quartanæ febris contingunt, & quæ in spinali medulla molestissimam passionem inducunt, ubi nimirum succi salini à præcedenti fermentatione separati, mordicationes illas dolorificas creant, ut suo loco dicemus.

Tandem similis tremor licet consimilis sit affectioni Paralyticorum, adiuatur nihilominus valde à virium, & spirituum defectu.

Verum tamen est, quod in quolibet motu tremoris itus, & reditus, ferè æquitemporanei esse debent ex lege oscillatoria, ut dictum est, quatenus muscoli antagonista simili, & æquali frequentia alternatim contrahi debent ad instar fune penduli.

## P R O P O S. CCXIX.

Torpedinis vis stupefactiva, & Hystricis tremor  
exponitur.

Duæ fabulosæ narrationes passim circumferuntur :  
vna est de Torpedinis Piscis vi venenata, quæ manum  
Piscatoris, hasta mediante, è longiquo stupefacit.

Altera est Hystricis, quæ cutim tendendo, spinas il-  
las prælongas, quibus dorsū eius tegitur, longiùs eia-  
culatur. De utroque animali enarrabo ea, quæ pro-  
prijs oculis vidi.

Est Torpedo Piscis latus, similis Raia, molli tamen  
cute tectus : hæc digitis compressa, tremore adeò ve-  
hementi concutitur, ut manum contrectantis mole-  
sto torpore dolorifico afficiat, ferè simili spasmo illo,  
qui producitur à cubiti concussione super mensam.  
Talis energia stupefactiva non oritur à facultate, vel  
aura vlla venenosa. Nam primò si tangatur, contre-  
cteturque Torpedo eo tempore, quo quiescit, manum  
prorsus non lædit. Secundò, eodem ipso tempore, quo  
piscis concutitur, si extrema eius pars lateralis digi-  
tis contraposis stringatur, manus nil læditur. Ex quo  
enincitur, quòd piscis ille nullam auram venenatam  
emittit. Verum est tamen, quòd digitis compresso  
eius thorace propè spinam, ubi frequentissimi nervi,  
& muscoli adsunt, tunc concussio vehemens illius ani-  
malis manum contrectantem stupefacit, & spasmo  
quodam afficit. Hæc passionem adeò exaggeravit no-  
bilis Anathomicus Anglus, qui tremore paralytico  
vexabatur, ut affirmaverit coram Serenissimo Ferdi-




Cap. 20. De  
tremore ani-  
malium

nando Magno Duce Hetruriæ sibi molestum dolorem brachij per duos dies intulisse torpedinis illius contactum. Nescio. an opinio malum auxerit. Dicam ego bona fide, quæ expertus sum. Quotiescunque digitis non flexis, sed in directum extensis leui conatu thoracem Torpedinis stringebam, tunc absque vlla molestia illius piscis tremorem tolerabam: at quando articulis extremis incuruatis pollicis præcipuè, excipiebam perpendiculariter percussiones tremulas piscis, tunc spasnum patiebar. Vnde cognoui, quòd in tali casu tendines nostri, et ligamenta articulorum, neruosa, et sensu exquisito donata, validè contunduntur ab ictibus repetitis, factis à piscis concussionibus, qui proindè spasnum producere possunt similem ei, qui à cubiti percussione producitur.

Hystrix verò non eiaculatur spinas suas prælongas, sed tantummodò eas arrectas retinendo, tremula concussionem agitat, et vibrat. Hoc quidem efficitur à pelle musculosa, & à musculis semilunaribus, quibus interna cutis stipata est, qui radices spinarum erigunt, et concutunt.

Deberet modò subiungi Theoria aliarum innumrabilium motionum morbificarum, de quibus Medici copiosissimè disseruerunt. At quia me tanti non facio, vt meliora proferre valeam, ideò solummodò pauca subiungam.



## CAPVT XX I.

Cap. 21. De  
motu excā-  
descentiæ  
febrilis*De Motu Excandescentiæ Febrilis .*

**A** Gã de motionibus Excandescentiæ febrilis, quæ licet nostris sensibus exposita sit, & quàm frequenter nostro malo experiamur, nihilominus earum causæ, & modi mechanici, quibus efficiuntur, quamvis summo studio quæsitæ fuerint vsque ad nostra tempora, adhuc humanam sagacitatem fugiunt; cum non vereantur Doctissimi Medicorum ingenuè profiteri, adhuc febrium naturam se affecutos non fuisse. Si ergo in re tam ardua, & recondita nil profecero, non magis mihi, quàm cæteris vitio vertent Eruditi Lectores; Quibus aliundè ingratum non erit, noua methodo, à principijs longè diuersis ab ijs, quæ traduntur in communi schola, ea me deduxisse, & expressisse.

## P R O P O S. C C X X.

Vulgata febris definitio affertur, eiusque defectus insinuantur.

Nomen febris ab hominibus impositum fuisse, constat, passioni cuidam excandescentiæ motus cordis, & arteriarum (non quidem irritatæ ab ira, & vehementi corporis motu, sed spontaneæ, & permanentis) cui associari solet feruor, & caliditas totius corporis, eâque consequuntur alia symptomata, languoris, debilitatis, doloris, & alia plurima. Sed breuius definiti solet febris, quòd sit calor accensus in corde. Fe-

Cap: 21. De  
motu excā-  
descendētiæ  
febrilis

bres postea subdiuiduntur; aliæ enim intermittentes , aliæ continuæ sunt; aliæ periodicæ ; aliæ irregulares ; aliæ incipiunt cum rigore, & frigore; aliæ ab initio incallescunt; aliæ ardentissimæ sunt; aliæ minimum incallescunt, quæ aliquando perniciosæ valdè censerī solent .

Circà causas excandescentiæ febrilis, putant, efficientem, esse nativam cordis caliditatem; materialem esse sanguinem, copia, vel qualitate peccante, qui non secus ac ligna, pabulum incendio subministrat; & quia ut plurimum febres habent certas periodos durationis , & intermissionis , ut determinatis temporibus exactius , quàm horologium renouentur , oportet, ut in sanguine generetur , aut aliundè ei communicetur aliquid , quod ad singulas periodos febriles in statamensuram , & æquali proportionem , & tempore possit febrim denuò reaccendere . Hoc autem erit, iuxta eorum sententiam, humor aliquis excrementitius, & corruptus, in minera aliqua delitescens , & sensim augmentatus in stato tempore , ut indè sanguis afficiatur , & fermentescat . Talis minera , seu focus in vulgari sententia ponitur in venis meseraicis, vel alibi; materia verò sunt quatuor humores vulgares. Sed hæc profectò sententia meritò rejicitur , post sanguinis circulationem detectam, cum sanguis nec in meseraicis, nec alicubi stagnet , nec recessus , aut specus pro mineris usquā in corpore animalis excogitari possint absque tumore insigni, aut abscessu aliquo . Et proindè tota hæc fabula evanescit .



## P R O P O S. CCXXI.

Cap. 21. De  
motu excā  
descendē  
febrilis

Non à foco , vel fermento in corde existente, febris  
accenditur .

Alij recentiores cum Cartesio aiunt , sanguinem  
in febris ebullire , & feruescere ex calore contracto in  
corde, manifestè euinci ab experientia, scilicet ex pul-  
su grandi , & vehementi , & ex æstu intolerabili in  
præcordijs, & ex siti ardentissima. Ponunt postea præ-  
cipuum sanguinis fermentū in corde ipso, quod focus  
caliditatis est .

Sed contrà hanc Cartesianam imaginationem res  
ipsa clamat ; nam in viuorum anatome non obserua-  
tur in corde feruens illa caliditas , quam tantopere  
exaggerant ; immò irritato animali doloribus, & cru-  
ciatibus acerbis, dum secatur , proindèque in excessu  
rabioso iracundiæ eius (quæ ex sui natura caliditatem  
in corde auget) satis moderata caliditas in corde eius  
reperitur, nempe eiufdem gradus, ac habent viscera ,  
& reliquæ partes internæ animalis ; scilicet non supe-  
rat gradus 40. thermometri, scilicet est æqualis calidi-  
tatis solis æstiu .

Postea in corde non reperiuntur vasa, fermentum  
continentia : nil enim aliud ibidem conspicitur, quàm  
cavitates carneæ, consistentes, mundæ, & absterse, quæ  
continenter abluuntur à simplici transitu sanguinis ,  
nec saporem aliquem acrem, acidum, aut alterius na-  
turæ, quàm purissimo sanguini conuenit, quisquam re-  
periet .

Ex his ergo , & ex alijs rationibus , quæ contrà  
Car-

Cap: 21. De  
motu excā  
descēntiæ  
febrilis

Cartesium ab alijs adduci solent, satis euincitur, caliditatem, aut focum cordis, vel eius fermentum, non esse causam excandescentiæ febrilis.

### P R O P O S. CCXXII.

Non accenditur febris à sanguine alterato, fermentatoque, neque ob mordacitatem eius cor irritatum febrilem excandescētiā efficit.

Non desunt tamen Præclari Authores, qui adhuc antiquorum præiudicijs præoccupati, censent, sanguinem principem locum obtinere in hac scena. Aiunt enim, sanguinem, vel ob copiam eius, & rurgentiam, vel ob admisionem humoris alicuius fermentitij, alterari, fermentari, & corrumpi faciliè posse; Ex quo fit, vt motum, feruorem, caliditatemque contrahat sanguis ab ipsamet actione fermentatiua; sicuti videmus, herbas contusas, maceratasque, & vina noua, feruere, ebullire, motum, agitationemque vehementem maxima cum caliditate cōtrahere. Prætereà postquam sanguis ex fermentatione iam dicta, acrimoniā, & pungititiam quamdam naturam contraxit, necesse est (inquiunt) vt in transitu eius per cor mordicet, & pungat stamīna fibrosa cordis, non secūs, ac in corde auulso à contactu succi mordicantis, vt aquæ fortis, renouatur, augeturque extincta eius pulsatio; ex qua punctura cor vehementissimè commoueri, & pulsari debet cum ingenti ardore, ac caliditate producta ab ipso corde, vel potius à sanguine virtute propriæ calidi-

lilitatis natiuæ, vel excitatæ à fermento ipsi sanguini superaddito.

Cap. 21. De  
motu excā-  
descentiæ  
febrilis

Nituntur postea confirmare, ex sanguinis corruptela febrem oriri, propterea quod passim in febribus vrina alteratur, corrumpiturque, cumque vrina ex sanguine in renibus segregetur, secum deferre cogitur particulas impuritatum, quibus sanguis coinquinatur, & tandiù vrinæ alteratæ perseverant, quamdiù febres perdurant; quod est signum indubitatum corruptelæ sanguinis.

Contra hanc plausibilem, & à magnis viris receptam sententiam, nonnulla militare videntur, quæ examini doctiorum operæ pretium erit exponere.

Et primò, non quia vrina febricitantium alterata est quoad colorem, & consistentiam, sequitur, quod sanguis, cui vrina commista fuerat, sit quoque corruptus. Fieri enim potest, vt non à sanguine, sed ab alia causa, vrinæ alteratio, & perturbatio contrahatur. Sicut ab oleo purissimo, & insipido, à quo aqua commista separatur, possibile est, vt dulcorem, vel acredinem amaram, quam aqua secum defert, à contactu faceri, vel rabbarbari contraxerit, non ab oleo insipido. Quare, etsi vrina alterata in febribus à sanguine separatur, non licet concludere, sanguinem eadem corruptela affectum esse, & causam efficientem fuisse alterationis vrinæ, nisi certò constiterit, quod à nulla alia causa liquor vrinæ contaminari potuerit. Quis enim scit, an in stomacho, vel intestinis, aut in glandulis mesenterij reperiatur humor, sal, aut fermentum, à quo effici potuerit talis vrinæ conturbatio?

Et hoc aliundè euincitur, quia si vrina alterata, & corrupta indicat corruptelam actu existentem in massa



Cap. 21. De  
motu excā-  
descendē-  
febrilis

sa sanguinea, à qua febris gignitur, Ergo dum perseverat alteratio urinae, perseverabit quoque malitia sanguinis, & proindè effectus eius, nempè febris; sed urinae alteratio perseverat, nedum diebus, & horis paroxysmi febrilis, sed etiam toto tempore quietis, & intermittentiæ à febre in Tertianarijs, & quartanarijs. Igitur malitia sanguinis etiā diebus vacationis, & intermittentiæ perdurat; & tunc quoque sanguis per cor continenter transit, circulando; proindèque accensionem in corde excitaret, & sua acrimonia cor vehementer concitare deberet: ergo diebus intermittentiæ febris accendi deberet; Et proptercà febres tertianæ, & quartanæ omnes essent continuæ, absque vlla intermissione, quod est falsum: igitur hypothesis assumpta falsa quoque erit.

Secundò si nulla alia de causa ægritudo tam perniciofa, qualis febris est, accenditur, nisi quia sanguis alteratione, & putredine contracta, valdè recedit à statu eius naturali, proculdubio sanguis febricitantium, valdè differret à sanguine sanorum, sicut insigni differentia vegetabilia, & animalia putrida à non putridis diuerso colore, odore, sapore consistentia, & facultatibus actiuis distare videntur. At nos videmus, quòd sanguis per phlebotomiam ex sanis hominibus eductus nil ferè differt à sanguine febricitantium, etiā in acutis; in utroque enim separatur pars fluida candidans, albumini ovi similis, quæ in igne concrefcit, à parte consistenti rubicundi; eundem saporem, atque odorem in sanis, & ægris retinent: Colores verò licèt aliquantulum differant inter se in febricitantibus, eadem differentia pariter observantur in cruoribus hominum perfectè sanorum. Igitur dicendum est  
san-

sanguinem febricitantium non esse putrefactum, corruptumque, proindèque verum non erit, quòd à sanguine corrupto febris accenditur, & fouetur.

Cap. 21. De  
motu excā-  
descentiæ  
febrilis

Tertiò, videmus, quòd ex apostemate in extremo pedis, febris excitatur; idemque contingit in fluxionibus articularibus, in his tamen sanguis non peccat.

Quartò, in fluxionibus catarralibus, asmaticis, & epilepticis, febres excitantur non quidem à sanguine, sed à fluxionibus cerebri.

Quintò, si ponatur corruptio sanguinis, causa excandescentiæ febrilis, saluari non poterunt periodi febriles, quæ statis temporibus circuitu facto renouantur in intermittentibus de non esse ad esse, vt in quotidianis, tertianis, & quartanis contingit. Quod satis suadetur ex eo, quòd ipsi nequeunt saluare tales effectus assignando illos diuersos gradus alterationis, & corruptionis sanguinis, à quibus periodi febriles producantur; sed coguntur recurrere ad mysteria motus lunæ, ad numerorum facultates, & ad similes machinas. Præterea si sanguis putridus, dum transit per cor, ipsum irritando, aut venifica qualitate afficiendo, febrem excitat, quomodo cessare periodus febrilis potest? Quia, inquiunt, in paroxysmo humor peccans concoquitur, & à natura expellitur per poros, aut eicitur è locis principalibus ad intestina, vel aliò, tamquam ad cloacas. Sed si hoc verum est, quare post certum tempus intermissionis redit febris? Aiunt, remansisse fermentum, quo denuò sanguis corrumpi potest in determinato tempore, & sic denuò creare potest febrilem excandescentiā. Verum, quia con-

Cap. 12. De  
motu excā-  
descendētia  
febrilis

fecto paroxysmo fermentum febrile subito agit, inchoando nouam alterationem massæ sanguineæ, continenter augendo corruptionem per gradus, continuato, non verò interrupto motu, vt constat experientia in fermentationibus vegetabilium, & humorū; & cum tali inchoata corruptela sanguis per cor continenter circuit, proindèque cor afficiet suo gradu malitiæ; & putredinis acquisitæ: Ergo semper febris perseverabit, nec daretur perfecta quies, & intermissio totalis à febre, sed haberet periodum continuò crescentem vsque ad excessum: & hinc continuato progressu decresceret vsque ad infimum terminum, in quo non quiesceret, sed interrupto motu denuò augeretur: Vt contingit in oscillationibus fune-pendulæ, & in fluxu, & refluxu maris; eo quòd semper viget causa motus, aut augmenti eius crescenti causa, vel decrementi, dum causa motus diminuitur. Cum igitur hoc sit falsum, perseverat enim quies à febre per plures horas, & dies integros; non igitur corruptela in massa sanguinea generata, & augmentata morbosā motionem febrilem creare potest.

Si postea supponamus cum aliquibus Authoribus, fermentationem fieri, & asseruari in aliquo specu, & angulo corporis animalis, hoc quidem in anatomica experientia refellitur, nusquam enim in corporibus febricitantium tales specus, seu cloacæ repletæ humoribus putridis conspiciuntur, sed in omnibus visceribus, vasis, et carnibus, sanguis, et humores continuo, & non interrupto motu fluunt, & refluunt; & licet aliquando adsint abscessus, & apostemata interna, tamen hoc rarissimum est, & ferè semper febres accenduntur absque vllò abscessu; immò aliquā-



do à simplici intemperie calida, aut frigida, à vigilia, ira, aut tristitia excitantur febres periodicae quotidianae, & tertianae, in quibus nullum internum apostema reperitur. Vnde constat, quòd febres humorales non semper excitantur à sanguine malè affecto, & contaminato à commistione succi alicuius fermentitij, asseruati in aliquo specu corporis animalis.

Cap. 21. D  
motu ex  
descendit  
febrilis

## P R O P O S . CCXXXIII.

Non accenditur febris à chilo alienae naturae à sanguine, qui fermentationem, ebullitionemque eiusdem sanguinis inducat.

Sed antequàm ulterius procedamus, opere pretiùm erit expendere doctrinam doctissimi Neotherici de eodem argumento. Supponit ipse, quòd verè sanguis corruptus febrilem excandescentiam per se efficere potest, quotiescunque spiritus, & pars sulphurea sanguinis exaltata, & efferata cæteris sanguinis partibus supereminet, & cum ijs coniungi nequit, efficit luctam quandam, quæ ebullitionem, & efferuescentiam febrilem creat. Ait præterea, quòd fermentum, à quo sanguis alteratur, de foris aduenit, nempe est succus nutritius sanguini ætherogeneus, & proinde ei agrè assimilari potest, qui ad plenitudinem in vasis congestus, fermentationis motum, ebullitionemque inducere potest. Quia verò præuiderat maximè negotium, facessere intermittentium febrium, & periodorū renouationes, nititur difficultatem hac ratione declinare. Licet confecto paroxysmo, succus nutritius sanguini ætherogeneus subito paulatim eidem sanguini admi-

Cap. 21. De  
motu excā-  
descendētiæ  
febrilis.

sceatur, non proindè febris subito accendetur, sed expectandum est, quousque vasa repleantur, & turgeant, ut ebullitio vehemens febrilis fieri possit: non secus ac ceruisia, vel vinum nouum vtribus infusum, & stricte occlusum, ut euaporare nequeat, licet fermentescat, tamen sine feruore, & impetu ibidem continetur, sed multiplicatis vaporibus ibidè cohibitis tota massa turget, ebullit, & adeò insigniter fermentescit, ut vas vtris dissiliat, disrumpaturque; quæ operatio perficitur, completurque statò tempore, veluti in intermittētibz febribz.

Contra quam doctrinam aliqua dubia proponam. Primum est, quod ex eo, quod in febrī sanguis agitur, & caleſcat feruentissimè, non sequitur, talem feruorem produci tamquam à causa ab ipsa sanguinis fermentatione, & ebullitione, cum talis effectus agitationis sanguinis produci possit ab aliqua alia causa. Quod aliundè ex eorundem verbis colligitur: concedunt enim, ex mordicatione, & titillatione ipsius cordis produci posse vehementem commotionem cordis, & consequenter sanguinis commotionem, quæ ebullitionem emulatur. Igitur non est necesse, ut è contra solummodò sanguis ipse fermentatus sit primaria causa, excandescētiæ febrilem producens.

Secundò, videmus in actu feruentissimæ iracundiæ excandescētiā omninò similem febrī, quoad vehementem ferè conuulsivam cordis, & arteriarum pulsationem, quoad estum, ardoremque circa præcordia, quoad feruorem, excursionemque sanguinis per vniuersum corpus, quoad sitim, amaroremque oris, quoad commotionem viscerum, tremoremque extremarum partium, & tamen sanguis primèquam temperiem suam.

suam naturalem retinet, est dulcis; nullam acredinem, nec signum abundantiae salium, aut sulfuris exaltati ostendit: Constat ergo, produci posse excandescentiã febrilem ab alia causa, longè diuersa à sanguine fermentato.

Cap. 21. De  
motu excã  
descendit  
febrilis

Tertiò cùm asseritur, in motu febrili spiritus, & sulphur sanguinis exaltatum, & efferatum esse, ità vt cæteris sanguinis partibus superemineat, & cum ijs coniungi non possit, & ideò luctam illam ebullitionis inducat; sunt hæc ( si id, quod sentio, proferre licet ) verba metaphorica gratis, & confidenter prolata, quæ causam commotionis fermentatiuæ sanguinis nō declarant, neque eius existentiam probant.

Dicerem potiùs, in mistis reperiri ignis innumeras particulas, & prætereà alias, quæ aptæ natæ sunt spontè se mouere: hæ verò variè nectuntur, & vinculis constringuntur, vt in calce igniculi retinentur, quæ si contingat ab humido, vel à consueta motione interna, vel externa, vt vincula dissoluantur, partes illæ vi motiua perditæ, libertatem nactæ, suam indolem exercent se mouendi; & ideò reliquæ misti partes ab illis agitantur, & variè reuoluuntur, commiscenturque: hoc autem in vino, calce, & alijs similibus patet, fieri posse, tū ob facilitatē dissolutionis, tū ob abundantiam spirituum, seu igniculorum, aut hisce analogorum: in sanguine verò non videtur, tam grandis efferuescentia fieri posse, cū non adsit copia olei, siue spirituum, vt in vino: & illi spiritus acres, qui per distillationem à sanguine eliciuntur, dubium est, an opificio, & commixtione ignis ( vt in calce immiscentur ) geniti sint; quod in multis casibus doctissimus Boyle animaduertit.

Quar-



Cap. 21. De  
motu excā-  
descendē-  
febrilis

Quartò, circà modum, quo nititur idem Author saluare renouationem paroxyfmi in intermittētibz, obseruo, quòd exemplum musti conclusi intrà vtres, & ibidem bullientis, quod ob nimiam turgentiam vas diffilit, malè adaptatur fermentationi sanguinis intrà venas, à quà paroxyfinus febrilis renouatur in intermittētibz; quia mustum inclusum intra vtres, semper eodem tenore fermentatur, & bullit, scilicet æquè incalescit, & æqualibus temporibus gignit ampullas vaporosas eiusdem molis, æquè numerosas, & æquali frequentia, siue vtris turgeat, siue non. Et ratio, quare ob nimiam turgentiam vas diffilit, non est, quia tunc inclusum vinum maiori vehementia fermentatur, scilicet magis calet, & maiori proportionē, & celeritate ampullas vaporosas gignit. Sed tunc præcisè completur repletio vtris, & deinceps aucta superflue moles aeris euaporati à musto non potest in loco strictiori vtris, dicta moles tantopere dilatata contineri; & proindè vim facit, vt quærat amplum spatium æquale suæ moli, & hinc scissura vasis efficitur. At sanguis intra venas inclusus, si completo primò paroxyfmo, ad instar musti, fermentationum motum exercet, & ebullit absque turgentia, non secus ac mustum, non video, quomodo expectari debeat turgentia venarum, & arteriarum ad hoc, vt subsequens febris accendatur, quandoquidem diffilitio vasorum sanguineorum frustra timetur, cum vasa sanguinea in principio noui paroxyfmi, neque turgeant, neque sanguinem feruentem contineant; imò exinanita, & adeò pusilla, & frigida sint, vt pulsus contracti, & parui fiant; & vt plurimum rigorem, & tremorem concomitantem habeant; nec ebullitio, & caliditas sanguinis produ-  
citur.

citur à turgentia , sed ab ipso motu fermentatiuo sanguinis , qui motus fit ab initio ( ex concessione ipsiusmet Authoris ) aliàs comparari non posset cum musto fermentescente . Origo ergo fallaciæ in hoc consistit , quòd comparatur quies intermittentiæ febrilis , quæ est defectus , & priuatio motus fermentatiui sâguinis cum statu vtris musto oppleti ante eius turgentiam perseuerantis , absque dissilitione , & ruptura : in quo statu mustum fermentescit , & ebullit , secùs ac sanguis faciebat . Nam si verum est , quòd toto tempore intermittentiæ à febre sanguis contentus in vasis fermentesceret , & ebulliret , non secùs ac mustum in vtre non turgido , oporteret , vt in transitu per cor feruorem , & excandescentiam febrilem excitaret pro gradu feruoris ipsius sanguinis . Quapropter toto tempore intermittentiæ paroxysmus febrilis perseueraret , licèt minus intensus . Nulla igitur febris intermittens daretur , sed omnes essent continuæ , crescendo continenter , & de crescendo , vt antea dictum est : quòd cùm sit falsum , fatendum est , non à sanguine fermentato febrilem excandescentiam creari .

Cap. 21. De  
motu excā-  
descentiæ  
febrilis

## P R O P O S . CCXXIV.

Experimentis comprobatur , quòd sanguis alteratus à caliditate , putredine , vel ab admixtione salium , aut sulphuris , febrem non producit .

Quotiescunque dubitatur , an aliquid sit certa , & indubitata causa alicuius effectus , qui in aliquo subiecto

Cap: 21. De  
motu excā  
descendētiā  
febrilis

cto exoritur, hac regula, & cryterio, dictamine naturæ conformi, procedendum, esse vno ore omnes Philosophi fatentur. Si enim posita illa, de qua dubitatur, an causa sit, absque alterius consortio semper sequitur effectus, & pariter verificatur, quod remota, & non existente illa, semper cessat effectus, affirmabimus absque erroris formidine, illam verè causam esse productiuam prædicti effectus. Attamen, si inquirendum est, an aliquid non sit causa alicuius effectus, tunc regula infallibilis hæc erit; si nimirum remota, & non existente illa, quæ ambigitur, an sit causa, nihilominus aliquando, immò semel effectus producitur; tunc affirmare tenemur, illam nequaquam causam fuisse prædicti effectus: E contra, si illa posita, debitè subiecto applicata, & non impedito effectū, nihilominus non sequitur, concludere licet, illam non extitisse causam effectus non producti, & non existentis in natura. Modò, quia ambigimus primo loco, an caliditas actualis massæ sanguinæ febrem pariat; Quia videmus, quod caliditas sanguinis contracta à feruore aeris æstiuī, vel ab hypocausto, aut à potu abundantissimo aquarum lucentium calidissimarum, licet sit intimè applicata ipsi sanguini, scilicet diffusa sit per omnes sanguinis particulas, & proindè non impedita, nihilominus feruorem febrilem non producit; absque hæsitacione concludere possumus, quod alteratio sanguinis ab actuali caliditate, febrilis motus causa non est. Nec obstat, quod aliquando à radijs solis canicularis febres excitentur; nam hoc contingit, quia contrahitur lāsio in cerebro, & neruis, non à caliditate, vt calor est. Quod suadetur ex eo, quod prædictæ febres non accenduntur, dum actu viget, aut

exi-



existit talis caliditas sanguinis, scilicèt quando actu radij solis caput calefaciunt, sed post aliquod tempus, nempè cùm caliditas illa non amplius existit, nec operatur.

Cap. 21. De  
motu excā-  
descendētiæ  
febrilis

E contrà, posito defectu, & priuatione intemperiei calidæ actualis in sanguine; imò posita in sanguine actuali tepiditate tempore hyemali, & rigida frigiditate in quartanarijs, tamen subsequitur effectus accensionis febrilis. Igitur intemperies actualis caliditatis sanguinis non est causa productiua ardoris febrilis.

Secundo loco, quòd alteratio sanguinis contracta ab admistione spirituum, & sulphuris exaltati, vel salium, non sit causa productiua febrium, suadetur ex eo, quòd aquæ Thermæ sulphuræ, & salis copiosissimè ebibitæ intimè commiscuntur sanguini, et per vniuersum corpus sparguntur, et præcipuè cor ad instar torrentis irrigando, valdè id irritare, et mordicare deberent, proindèque insignes febriles excandescantias producere, quod tamen non contingit. Præterea ob vrinæ retentionem in calculosis, sales ammoniacales vrinæ accerrimi massam totam sanguinis inficere, et cor ipsum perpetuò mordicare deberent, proindèque febrem molestissimam, et continuam producere, quod tamen non accidit. Insuper, dum Pisis degerem, solertissimi, et docti Anathomici Carolus Fracassatus, et Siluester Bonfigliolus, me præsentem, infuderunt intrà canis viui iugularem venam olei sulphuris vnā, vel alteram dragmam, & post aliquos eiulatus ligata vena canis solutus, adeò vegetus, & immunis à febre remansit, vt auidissimè ossa corroderet, debitis temporibus ederet, & dormiret,

Cap: 21. De  
motu excā.  
descēntiæ  
febrilis

ret, vt nullum signum inualitudinis ostenderet, & sic permansit vsque ad diem octauum, quando aufugit à cubiculo, in quo detinebatur. Si igitur à tanta copia salium, & olei sulphuris acerrimi sanguis alteratus nequaquam febrem efficere potuit fatendum est alterationem sanguinis à salibus, & sulphureis succis, & spiritibus factam, non esse causam productiuam febris. Quod prætereà confirmatur ex aduerso, quia sanguis febricitantium mitissima temperie donatur sapore dulci, non mordicante, nec acri salino, & ideò intemperies acerrima salina, & sulphurea in sanguine non existens, non potest esse causa effectus febrilis. Et proindè sanguinis alteratio febris causa efficiens non est. Nec obstat, quòd in ebrijs pulsus concitetur, & corpus incalescat: nam præcipua læsio fit in cerebro, & neruis, ob dolores capitis, vertigines, sopores lethargicos, cōuulsiones phrenithides, & similes affectus: Quare potius censendum est, cordis concitationem, & caliditatem esse effectum dependentem à læsione cerebri, & neruorum; quod inferiùs confirmabitur.

Quod putredinem sanguinis pertinet, quid quæso magis coinquinatum, & putridum excogitari potest, quàm pus pleuritidis? Et hoc tamen, quando per vrinæ expurgatur per pulmones ad sinistrum cordis ventriculum perducì necesse est, & hinc intrà Aortam effundi, vt nimirum medietas ferè puris per ramum ascendentem ad caput, & brachia dispergatur, & per venas iugulares, & axillares denuò ad cor reducatur; reliqua verò parte puris per Aortæ descendentem truncum diffusa, non tota simul puris massa prima vice per renes expurgatur, exoneraturque, sed solummodo

dò tertia, vel quarta eiusdem puris portio pro men-  
 fura, & capacitate arteriæ renalis comparata ad totam  
 Aortæ descendētis amplitudinem, vt demonstraui-  
 mus, vnde puris residuum per totum corpus diffusum  
 recolligitur à venis, & denuò per venam cauam vnà  
 cum pure à capite, & brachijs descendente, ad cordis  
 dextrum ventriculum, & indè ad pulmones diffusum  
 secunda vice, vnà cum noua dose puris in pulmoni-  
 bus stagnante ad sinistrum cordis ventriculum redu-  
 citur. Et hinc denuò circulando deponitur in reni-  
 bus exigua alia eiusdem puris portio. Quia verò plu-  
 riès circulatio prædicta reiterari debet, antequam pus  
 vniuersum per vasa vrinaria excernatur: & inter ea-  
 ne dum necesse est, vt tota massa sanguinea infecta,  
 & coinquinata permaneat per horas, & dies, sed  
 etiam cor in singulis diastolis, & pulsationibus eius  
 affici, & mordicari à prædicto putrefacto pure debeat.  
 Igitur huiusmodi coinquinatio sanguinis à tali puris  
 putredine vehementissimas, & anxiosissimas febres  
 producere deberet. Quod cum multoties non con-  
 tingat, dicendum est, febres non à putredine san-  
 guinis, sed ab alia causa longè diuersa produci.

Cap. 21. De  
 motu excā-  
 descentiæ  
 febrilis

Sed antequàm vterius procedamus, non negabo,  
 sanguinem tam peruersa, & maligna alteratione af-  
 fici posse, vt insignes læsiones, & tandem necem ani-  
 mali afferre queat: hoc enim amici superius laudati  
 me præsentē experti sunt: infusa enim ope syringæ  
 aqua forti intrà iugularem venam canis viui, siquidem  
 aqua fortis non fuerit diluta, & copiosè infundatur  
 tunc sanguis grumescit, consistentiamque tetram,  
 & ferè lapideam acquirit, replendo totam venæ am-  
 plitudinem, ità vt impediatur transitus sequuturo



Cap. 21. De  
motu excen-  
descentie  
febrilis

sanguini, ut nequeat cum aqua forti admissa ad cor perducī: si verò sit diluta aqua fortis, vel quilibet succus, & sensim, paulatimque intrā venam instilletur, tunc quidem cordis sinus attingente, miras conuulsiones, & spasmos canis patitur, & vehementissimè se contorquendo, & eiulando citò moritur, & aperto thorace sanguis grumefactus in corde, & in vasis reperitur. Oleum verò Tartari per deliquium easdem conuulsiones, dolores, & necem efficit, & sanguis non grumescit, sed fluidus remanet. Obseruaui quoque, quòd quilibet succus acidus sero, seu albumini sanguinis commistus, & igni approximatus impedit eius concretionem. Vnde incidenter noto, quòd quando polypi in corde, & in venis reperiuntur, tunc sanguis nequaquam à succo acido infici potest.

Ex hisce tamen experimentis non deducitur, quòd alterationes sanguinis à spiritibus, & salibus acerrimis febres producant; & si fortè accadat, ut illis symptomatibus febris aliquando commisceatur, negabo semper, eam immediatè accensam fuisse ab illis sanguinis salinis inquinamentis. Quod euincitur ex eo, quòd omnes aliæ innumeræ febres non producuntur à sanguinis alteratione, fermentatione, & corruptela; ut ostensum est.

## P R O P O S. CCXXV.

Spiritus, seu succi neruei solito redditi acriores, neruos, & cor irritantes, sunt causæ productiue primæ, & immediatæ excandescentiæ febrilis.

Postquam febrium causas ab alijs traditas reieci-  
mus

mus, earumque incertitudinem indicauimus, operæ pretium erit tentare, an aliquid probabilius circa febrium naturam conijcere valeamus. Pro cuius inquisitione denuò obseruo, quod propriissima affectio, & character febris est pulsus, & commotio vehemens cordis, & arteriarum, ad quam consequitur incalescentia, & alia symptomata; et hoc ne dum verum esse constat ex vniuersali ferè hominum consensu, sed etiam euidenti ratione, & experientijs suadetur. Quia videmus, quòd posita vehementi cordis motione, et concussione, paulò post subsequitur in toto corpore animalis noua quædam caliditas, quæ prius non aderat, vt patet in Ira, et in agitatione vehementi corporis. Similiter, ablata tali motione cordis, scilicet diminuta, contracta, et tardiùs facta, subsequitur tepor, rigor, et frigiditas, quæ prius non existerat per corpus animalis, vt contingit in timore, et in rigoribus quartanæ. E contrà, posita nimia caliditate, et ardore corporis, et viscerum, non semper sequitur noua cordis vehemens commotio, vt experimur in ardore æstiuo, in hypocausto, et in potione copiosa aquarum thermalium feruentium. Igitur dicendum est, quòd vehemens cordis commotio sit causa effectiua caliditatis corporis; et non è contrà, scilicet caliditas corporis non erit causa productiua vehementis cordis motionis.

Videndum modò est, quæ nam sit causa efficiens præcipua, et immediata vehementis motionis cordis, quæ paritèr esse poterit principium productiuum febris.

Et proculdubio eadem illa causa, quæ in statu sanitatis, placido, et ordinato motu musculorum cor-

dis

Cap. 21. De  
motu excā-  
descendētiæ  
febrilis

dis agitat, eadem planè viribus aucta, id ipsum celerius, et vehementius mouebit. Sicuti idem ignis, qui exilem, tepidamque caliditatem producit, in tactu maiorem ardentio remque procreabit, si magis appropinquetur, aut flamma eius augeatur. Similiter ab eodem imperio voluntatis, mediante spiritu, vel succo nerueo, manus, pedes, et cæteri muscoli agitantur tardo, et leni motu, nec non magna vehementia, celeritateque operando. Et quia cor, ad instar authoritatis, per se moueri potest independenter ab imperio voluntatis successiuis pulsationibus, interpositis morulis, necesse est, vt ab eodem spiritu, vel succo à neruis intrà cor instillato ( vt alibi dictum est <sup>a</sup> ) pulsationes cordis producantur placido, et leni motu in statu sanitatis, et vehementer in statu febrili. Quare ad hoc, vt celerius, et vehementius cor moueatur, nil aliud requiritur, nisi vt ille succus spirituosus, acrior redditus, frequentius instilletur: Cumque febrilis constitutio non differat à statu sanitatis, nisi in celeritate, et vehementia motus cordis, Igitur in statu febrili spiritus, seu succus nerueus ob acredinem citius, et frequentius intrà cor instillatur.

a Cap. 6. pr.  
77. huius.

Et hæc satis ostendunt, nedum possibilitatem nostræ positionis de natura febris, sed præterea facilitatem simplicissimam effectiōis eius. Modò afferemus rationes, et experimenta, quibus confirmari potest prædicta Assertio.

Et primò obseruo, quod à simplici odore vini, vel à quolibet vapore spiritoso, et nutritiuo vires animalis languidæ, et labefactatæ mirificè resciantur, et cordis languida pulsatio momento viuificatur, et augeatur. Proculdubio fumi odorosi non communicantur.

tur.



tur per venas , aut per pulmonis bronchios ad cor , Cap. 21. De  
motu excā-  
descentiæ  
febrilis  
non dum quia transitus per pulmones non patent, sed  
etiam quia, si retento spiritu, fumi odorosi ascenden-  
tes per nares insinuentur , et facta expiratione, appli-  
cato ore foramini, in cubiculi pariete excavato, exci-  
piatur, inspireturque nouus aer externus, et hoc sem-  
per repetatur , certè fumi odorosi intrà cubiculum  
inclusi, ascendentes non ad cor per pulmones, sed per  
nares insinuati , neruos mamillares titillando, ad ce-  
rebrum pertingent : Et hinc per neruos celerrimè , et  
quasi momentaneo motu ad cor motio , et affectio  
odoris communicari potest ; vnde vi illius refectionis  
fortiùs cor moueri, et pulsare posse videtur, ne dum  
possibile, sed necessarium .

Secundò, id ipsum confirmatur ab opposita opera-  
tione tetri , et maligni fœtoris, qui per nares ad cere-  
brum perductus vires prostermit, et languidas pulsa-  
tiones in corde producit .

Tertiò non fecus retento , et agitato vino intra Os  
per vasa salinalia spiritus vini ad glandulas , et hinc  
per neruos ad cerebrum , et cor communicatus, citis-  
simè vires, et pulsationes cordis reficere, et viuificare  
videtur.

Quartò , sed euidentiùs hoc confirmatur ex Animi  
pathematis . Ex simplici enim apprehensione obiecti  
horribilis, subitò cor in suis pulsationibus retrahitur ,  
minuiturque ; è contrà, ex apprehensione obiecti sua-  
uis, et diù expetiti, cor pulsationes auget subsultando.  
Nemo certè sanæ mentis negabit, communicari talem  
affectum timoris , aut gaudij per neruos à cerebro,  
sede imaginationis, ad cor . Si igitur spiritus, seu suc-  
cus neruei tanta facilitate, et momentanea ferè cele-  
rita-

Cap: 21. De  
motu excā.  
descendia  
febrilis

ritate motus cordis alterant ; non erit difficilè , imò valdè credibile , vt idem spiritus, seu succus nerueus, contracta intemperie mordaci in febricitantibus, agitationes illas insignes cordis vehementes , et inordinatas pariat .

Quòd postea ex pulsatione vehementi, et concitata muscoli cordis , sanguis , quo continetur in qualibet pausa , et quiete eius repletur effusus à vena Cava impelli intrà arterias vsque ad extremas eius capillares extremitates debeat, eodem concitato motu, quo cor contrahitur, patet ex legibus circulationis sanguinis . Similiter euidentia sensus constat, à vehementi , et concitata cisculatione sanguinis per totum animalis corpus excitari feruorem, caliditatemque de nouo, quæ priùs non extiterat , vt mox insinuauimus; cuius originè haud quaquam ex motu, vt motus est, peti debere censeo; sed potiùs ex ipsa sanguinis natura; continet enim sanguis spiritum , seu oleum , seu potiùs igneas particulas sopitas , quæ, si contingat dissolui à vinculis , quibus neciebantur, vt indolem sui motus exercere valeant, tunc caliditatem sensui ostendent , quòd si non ex attritu partium sanguinis atherogearum contingit, saltem ex mistura cum salibus lixiualibus dispersis per viscera , et reliquas partes corporis reconditas, ad quas pertingere potest sanguis ob violentiam , qua à corde impellitur, contingere potest caliditas , et feruor, non secus , ac contingit in mistura acidi vitrioli , et salis tartari : Vel potiùs vt Vvillis experimento comprobauit , qui sanguini extrauafato calenti immiscuit spiritum vini, aut cornu cerui , vel fuliginis, aut vitrioli aliusuè liquoris spirituosi , aut salini , et vidit miram ebullitionem ,

nem, et efferuescentiam excitari in prædicto sanguine. Cap. 21. De motu excādescentiæ febrilis

## P R O P O S. CCXXVI.

Quomodò succus nerveus fermentatus, & acredine affectus cordi communicari queat ad febrem concitandam.

Non sufficit nosse, succum nerveum cordi instillatum sua acredine vehementem commotionem febrilem efficere posse; sed prætereà oportet, vt indicentur viæ, & modi, quibus talis succus è remotioribus corporis partibus ad cor perducatur, vt ibidem operationem suam febrilem complere possit. Sed priùs, ne videamur laborare in hypothesi imaginaria, & phantastica, erit operæ pretium ostendere, verè in animali exerceri talem operationem, nempè è locis longinquis, vt ab extremo pedis communicari posse noxium succum per nervos ad cerebrum, & inde ad cor, id vehementer agitando, & concutiendo. Hoc patet in succis venenosis, qui si solummodò cutim tangunt, non lædunt; sed si tetigerint cicatrices, aut vlcera, citissimè ad cerebrum ducuntur, vertigines, & torporem afferendo: & postea ad cor communicantur, eiusque rithmum alterant, & palpitationes inducunt. Et ne quis putet, non per nervos, sed per venas virus ad cor traduci, obseruet, quòd à morfu viperæ, aut ab oleo Tabaci priùs cerebrum afficitur, & conturbatur, quàm ad cor læsio producat. Postea consideret, quòd ostiola venosa in vlceribus glutine quodam satis tenaci obstructa sunt, cùm idem succus



Cap. 21. De  
motu excā-  
descendē-  
febrilis

fortiter obstruat arteriarum orificia, venulis paritèr incisīs contigua, vt sanguis per ea effluere nequeat; qui aliundè maximo impetu solet ex arterijs exilire. In vulneribus postea recentèr incisīs neque succus venenosus per venas communicari potest, quia motus contrarius, quo sanguis ipse è venulis foras egreditur, impedit introitum succi venefici: quod animaduertimus in Academia Experimentalī Medicea, dum experiremur vires potentissimè veneficas olei Tabaci, quod copiosè effusum intra vulnus recens, nullam noxam afferebat, & confricatum filo madido intra carnes post vnum, vel alterum minutum torpore animal afficiebat, & paulò post extinguebatur.

Neceffe est ergo, vt communicatio illa celerrima succi venenosi fiat per ostiola neruulorum in vlceribus, & vulneribus patentia; & subitò vsque ad cerebrum diffundatur, ibique plurima praua symptomata pariat; eademque celeritate è cerebro ad cor communicetur, illudque concutiat, motumque febrilem excitet.

Id ipsum comprobatur ex febrili motu, qui exoritur, dum pus conficitur in pustulis, & vlceribus, in quibus succi prauī pus efficiētes, & fermentantes, non per venas ad cor, sed per neruos ad cerebrum traducuntur. Quod suadetur eo, quòd cor nil ferè afficitur à contactu similium succorum fermentatorū, vt patet ex transitu puris pleuritici per cor. Quare prædictus succus fermentatus pustularum, qui valdè mordicare neruos ibidem desinentes potest, facilè veneficam suam qualitatem cerebro, & hinc cordi commotionem communicare potest, eiusque rithmum alterare, febremque efficere.

Non

Non secùs ex febre illa , quæ in artritide consurgit, id ipsum confirmari potest . Quia dolores illos articulares acerbissimos ex mordicatione mēbranarum , & tendinum neruoſorum oriri manifestum est ; talesque mordificationes fieri à succis salinis , & tartareis ibidem concurrentibus, fermentatis , agitatisque, dubitandum non est ; vnde colligitur , quòd succi illi mordicantes , vel irritant neruos vsque ad cerebrum, vel communicatur succus ille vsque ad cerebrum , & hinc ad cor , vnde febrilis illa continuata excandescencia oriri potest .

Cap. 21. De  
motu excā-  
descendētiæ  
febrilis

Idem dici debet de qualibet febre symptomatica , in quibus omnibus virificatur , quòd ex locis affectis per neruos communicatur cerebro, & indè cordi , vel irritatio, vel translatio mordacitatis, vnde motus cordis augetur, acceleraturque .

Ostensa iam symptomatis existentia , & veritate , quærenda modò restat causa , & necessitas , quare irritatio facta in nervis è cerebro communicari potius debeat musculo cordis , quàm cæteris musculis animalis , ad quos è cerebro nerui propagantur non secùs, quàm ad cor ; & tam hic , quàm illi sunt ductus deferentes vim, & facultatem motiuam: Quare necesse foret , vt è tali diffusionem à cerebro sicut cor vehementius agitatur , & concutitur, sic quoque omnes reliqui musculi concussi paralyſim quamdam , & tremorem contraherent .

Verùm cum hoc non contingat , nec veritas illius symptomatici negari possit ( nisi velimus recurrere ad vocabula sympathiæ, consensus , & conuenientiæ nil significantia, quæ ignorantix sunt velamina ) Dicendum est , quòd structura organica cordis valdè differt

Cap: 21. De  
motu excā-  
descētia  
febrilis

ab ea, qua cæteri muscoli conformati sunt. Nulla enim alia de causa eadem facultas motiua diuersas operationes efficit, nisi quia diuersis organis vtitur, vt idem fluxus aquæ fluminis modò triticum conterit, molitque, modò trabes fecat, modò malleis metalla contundit, modò symphonias tibijs, & organis pneumaticis cānit.

Videamus modò, quo nam pacto cordis organica structura differat ab ea, qua cæteri muscoli conformati sunt. Et hoc sanè licèt sensibus non pateat, conijci tamen poterit ex diuersitate operationum eorūdem. Videmus enim, quòd muscoli omnes artuum, licèt non careant vi motiua, nempè spiritibus, seu succis intra neruos existentibus, tamen torpent, nec motum inchoant, nisi adueniat voluntatis præceptum, & imperium. E contrà videmus, cor esse organum sui iuris, quòd, siue iubeat, siue renuat voluntas, semper eodem tenore, & rithmo suas pulsationes efficit. Vnde quæso hoc, si causa efficiens motus non est, nisi spiritus, vel succus è neruis intrà musculos effusus? Nempè quia in musculis artuum talis effusio fieri nequit, nisi initia neruulorum ab imperio voluntatis conuellantur, vt ad instar hirudinum succum spirituosum exugant, in corde verò nullius imperio addito semper talē effusionem guttatim fieri oportet, eo quòd subtilia illa neruorum orificia semper patentia, & aperta permanent. Et hinc facilè saluari potest (ni fallor) Problema nostrum. Quia nimirum, posita quacunque exili, & leni spirituum, seu succi intrà cerebrum agitatione, vel efferuescentia, non est necesse, imò est impossibile, vt muscoli artuum absque voluntatis præcepto moueantur: At cor non itē,  
quia



quia ob ostiolorum in nervis perseverantem aperturam, non potest impediri effluxus succi spirituosus intrà cor; & ideo omninò necesse est, vt cor concutiat, & vehementius suas consuetas pulsationes efficiendo, motum, quem febrilem vocare solemus, producat.

Cap. 21. De  
motu excā-  
descendē-  
febrilis

Et hoc contingere posse diximus, posita leui qualibet spirituum intra nervos commotione; at si talis agitatio succi intrà nervos, & cerebrum fuerit feruentior, & efferata ob nimis acres sales admistos, tunc ne dum cor vehementissimè concutitur, efficitque acriorem, feruentioremque febrem, sed præterea muscoli omnes, vel præcipui totius corporis adeò conuelluntur, vt conuulsivos motus patiantur, quia nempe acrimonia, & agitatio succi neruei tam vehemens, & efferata est, vt non obstante voluntatis renitentia, ostiola nervorum destruerè possit. Quod observatur in febribus valdè perniciosis.

## P R O P O S. CCXXVII.

De loco, & causis, quibus succi neruei alterantur, vt febres periodicas producere possint.

Vt exactè natura febris exponatur, non sufficit indicasse, quòd succus nerueus fermentatus, & acedine affectus, potest cordi communicari, & illud vehementer agitando, febrilem excandescētiā producere; sed præterea oportet, vt declarentur causæ proximæ, prædictum succum alterantes, & loca, vbi tales alterationes fiant. Quod vt commodius præstari possit, oportet, vt effectus à febre producti in cadaueribus observentur, in quibus patet, nullam mutationem

Cap: 21. De  
motu excā-  
descendit  
febrilis

notatu dignam in sanguine reperiri, sed frequentissimè pulmones inflammati, vlcerati, & aliquando crenati, aut exanthematis cōspersi apparent: aliquandolien, & hepar læsi reperiuntur; sed frequentius lien induratus, & scirrosum: semper tamen obseruatur glandulæ, aut duræ, & scirrosæ, aut flauæ, & liuidæ, præcipuè in mesenterio.

Et primò quoad rubedinem saturam pulmonum, illa profecto, neque febris causa extitit, neque inflammatio illius visceris, aut læsio vlla censeretur debet, cum in omnibus cadaueribus sanorum animalium quoque reperiatur: oriturque in moribundis ex eo, quòd prius cessat respiratio, quàm cordis pulsus; & sic copia illa sanguinis, quæ ad pulmones reducit, in illo vitæ confinio ibidem sistitur, turgidosque pulmones reddit, cum exonerari nequeant, extincta respiratione.

Secundò, læsio tabida, & pustulosa eorundem pulmonum rarò est causa febris, licet remota; sed frequentissimè est effectus eiusdem; cum non in omnibus cadaueribus febricitantium sic corrupti reperiuntur; & è contra in asmaticis pulmones sunt valdè læsi, & pure referti absque febre: quare, aut propè mortem, completur talis pulmonum corruptio, aut si præcedit, non erit causa immediata febris. Restant ergo solummodò considerandæ læsiones glandularum, quæ semper in febricitantium cadaueribus obseruantur.

Præterea constat ex obseruationibus eruditissimi, & solertissimi Vvartonis, & aliorum, quòd in qualibet ex innumerabilibus glandulis animalis ramificantur nerui, arteriæ, & venæ, & vasa lymphatica, emittendo innumeras radices ad instar arborum, & in aliquibus appa-

apparent manifesti ductus, & canales expurgatorii, vt sunt vasa salialia, & ductus pancreatis .

Cap. 21. De  
motu excā-  
descentiæ  
febrilis

Ex hac structura percipitur, glandulas esse totidem officinas, in quibus insigne aliquod opus perficitur, elaboraturque . Sed quòdnam illud erit? Forsan in glandulis sanguis arterialis expurgatur ab aliquibus impuritatibus, & humoribus serosis, qui excipiuntur à vasis expurgatorijs, vt sunt salialia: sed si hoc verum esset, ad quid adderetur neruus ibidem ramificatus cùm glandulæ, nec motum, nec sensum exerceant, aut possideant? Oportet ergo, vt radices neruosa in glandulis, aut excipiant aliquid ab arterijs, aut nerui eijciant, euomantque aliquid in vasa receptioni destinata, vt sunt venæ, aut in vasa expurgatoria, vt sunt salinales ductus . Quod nerui in glandulis ab arterijs sanguinem recipiant, videtur inuerisimile, cum arteriæ copiosissimè in cerebrum desinentes possint ibidem abundantissimè magno compendio sanguinem subministrare; Cùm è contra incommodissimè nerui cogerentur in glandulis sanguinem mendicare . Verosimilius igitur videtur, quòd è neruis aliquis succus in glandulis exoneretur, certæ, & determinatæ naturæ pro varia ostiolorum neruorum figura, & capacitate; qui postea commistus cum particulis ab arteriali sanguine emissis, aptus sit ad aliquod opus exequendum in diuersis partibus animalis, nimirum in ore, oesophago, stomacho, intestinis, & alibi ad fermentationem, & digestionem ciborum, et ad opera exequenda, nempe ad nutritionem, & viuificationem partium animalis .

His præmissis, animaduerto, quòd succi illi destinati, vt è neruis expellantur, deponanturque in  
gland-



Cap. 21. De  
motu excā-  
descendētie  
febrilis

glandulis, fieri potest, vt casu aliquo detineantur in  
eisdem neruis, obturatis nimirum meatibus, & ostio-  
lis neruulorum in glandulis desinentium, ob pleto-  
riam, vel ob gluten aliquod in eis contentum; hi vetò  
succī retenti in neruis degenerare facile possunt fer-  
mentatione quadam in alienam naturam animali no-  
xiam; Nouum enim non est, vt semen genitale in  
animali perfectissimæ temperiei, destinatum expulsio-  
ni pro fine generationis, diu retentum contrahat cor-  
ruptam, & veneficam naturam. Fieri etiam verisimi-  
lius potest, vt ab obstructione, et scyrro glandularum  
contracta, aut à prauis succis ibidem collectis, aut  
aliundè communicatis, & congelatis, fermentatisque,  
vt in lue venerea, nè dum prohibeatur effluxus è ner-  
uis, sed insuper communicentur particulæ irritantes,  
noxia, & maligna ipsi neruis. Ex his omnibus cau-  
sis manifestum est, irritatione, vel communicatione  
quadam affici cerebrum posse, & per neruos vsque ad  
cor commotionē illam efferatam spirituum, seu succi  
neruei propagari.

Loca igitur, in quibus succi neruei primò fer-  
mentantur, sunt glandulæ, et radices neruulorum  
earundem obstructæ, et malè affectæ, & irritatæ:  
Causa verò fermentationis, est retentio violenta par-  
tium, quæ excerni debuerant è neruis, vel coinquina-  
tio ibidem communicata, pariterque ob retentionem  
apta ad intemperiem spirituum procurandam.



## P R O P O S. CCXXVIII.

Cap. 21. De  
motu excā-  
descendē-  
febrilis

Ratio exortus paroxyfmi febrilis, aut ſemper calen-  
tis, aut primò gelidi, et poſteà feruentis  
exponitur.

Oſtendimùs in genere, fermentari poſſe ſuccum  
nerueum ob glandularum, et neruorum earundem  
obſtructionem, et læſionem, et quòd à tali fermenta-  
tione irritari poſſit cor, vt excandefcentiam febrilem  
producat. Modò hæc generalis Theoria adaptari de-  
bet caſibus particularibus, vt nimirum ex ea deducan-  
tur cauſæ, et modi, quibus omnia phænomena febrium  
produci poſſint.

Sed primò, ne quid ambiguum, et incertum recipia-  
mus, aduerto, quòd veriſimile videtur, obſtructionem  
totalem glandularum prædictam, et neruulorum ibi-  
dem deſinentium fieri debere ſenſim, non celerrimo,  
et quaſi iſtanteo motu; et proindè paroxyſmus  
febrilis deberet ab eius priuatione, et ſtatu quietis  
augeri, progreſſu temporis diuturni uſque ad gradum  
maximum, per omnes gradus intermedios ascenden-  
do; non verò per ſaltum à minimo ad notabilem  
gradum commotionis, et feruoris, vel rigoris algen-  
tis, quo ægri corripuntur, vt conſtat experientia. Et  
licèt ante aduentum paroxyfmi præcedant ſomni in-  
quieti, perturbationes, vertigines, oculorum coru-  
gationes, et oſcillationes, nihilominùs hæc leuia  
ſymptomata ſunt potiùs ſigna, quàm partes fe-  
bris.

Adductæ difficultati mihi fieri poſſe ſatis videtur

O o o

ex-

Cap: 21. De  
motu excā-  
descendē  
febrilis  
a prop. 226.  
huius.

expendendo experimentum superius adductum, a vbi diximus, quòd oleum Tabaci, et alij succi venenati orificijs venarum incisarum applicati nil lædunt, cum non communicentur cerebro, aut cordi, propterea quòd effluxus ipse sanguinis impedit, ne succi venenosi intra easdem venas intrudi possint. Cogitemus modò plures glandulas infectas esse succo aliquo prauo, et excrementitio, à quo obstruantur canales excretorij magna ex parte, vnde fermentatio in glandulis proficui possit: tunc planè fieri potest, vt canales nervosi, et sanguinei adhuc sint obstructi, et ideò à neruis, et arterijs continenter effluent succi neruei, et sanguis arterialis, & hinc ambo per venas asportari poterunt. Manifestum est, quòd toto illo tempore, quo succi è neruis effluunt, magna ex parte impeditur insinuatio, et introitus particularum acrium, glutinosarum, fermentatarumque è glandulis intra nerueos ductus; et ideò nec nerui, nec cerebrum, aut cor mordicari ab eis poterit: quare tunc temporis excandescētia febrilis non excitabitur. At postmodum, crescente plenitudine, et pletoria glandularum ob additionem, et fermētationem excrementorum glutinosorum, et viscidorum, tandem ne dum poruli neruorum obstruuntur, sed etiam coguntur admittere particulas aliquas acres, fermentatasque, è quibus copiosè glandulæ repletæ fuerant. Et hanc postremam operationē citò absque diuturna mora absolui posse facile percipimus, scilicet in extremo temporis spatio, quo completur pletoria glandularum à succis glutinosis, quam reliqui prædicti effectus consequuntur. Modò, quia paroxysmus febrilis nulla alia de causa fit, nisi quia nerui obstruuntur, et mordi-

can-



eantur, et ideò ad cerebrum, et ad cor communicatur; hinc est, quòd fiat illa celeris, & quasi subitanea mutatio à statu quietis ad feruorem febrilē: præcedētibus tamē leuibus illis symptomatibus inquietorum somniorum, perturbationum, vertiginum &c. quæ producuntur ab aliquibus irritatiunculis leuibus à succis glandularum fermentatis, factis in aliquibus paucis capillamentis neruosis iam obturatis. At postquam omninò completa fuerit pletoria glutinis in glandulis, subitò obstruuntur orificia neruorum, & succi neruei retenti, & inquinati fermentantur, & ideò cor irritatur, & febrilis excandescencia exoritur insigni, & vehementi feruore.

Cap. 21. De  
motu excā-  
descenciæ  
febrilis

Porro, nisi adsit peculiaris causa rigoris, & frigescentiæ, semper febrilis paroxysmus ab initio calidus erit ex sui natura; propterea, quòd à vehementi cordis pulsu irritato à spiritibus, vel succis nerueis fermentatis, sanguis vehementissimè per corpus circuit, contrahitque caliditatem, vt dictum est. <sup>b</sup>

b huius pr.  
225.

Exponi vltimo loco debet causa rigoris, & frigoris, cum quo aliqui paroxysmi febriles incipiunt. Quæ forsitan esse poterit, quia sanguis nunquam sero vrinæ omninò priuatur, cum post abstinentiam à potu duorum, vel trium dierum, meiant adhuc animalia. Ergo fieri potest, vt in glandulis obstructis arteriæ equomāt particulas nitrosas, & alia salia, quæ aqueum vrinæ humorem in sanguine existentem copiosè inficiebant, & ob peculiare fermentum in glandulis malè affectis genitum, calchantinam, frigoricamque naturam acquirant, & postea pletoria, & obstructione completa, è glandulis per neruos ad cerebrum, & spinalem medullam deferantur (patet enim via expedita, &

Cap. 21. De  
motu excā-  
descendētie  
febrilis

compendiosa è neruis plexi abdominis, qui cum lumbaribus communicantur in spinam dorsi) & quia nerueæ fibræ facillimè vellicantur, & irritantur, tremoris, frigorisque sensum ob peculiarem nitri naturam inducere possunt in principio paroxyismi, ex qua contractione, & tremore spiritus torpent, & hinc pulsus contracti, & parui fieri possunt: & hoc continget, dum commotio succi neruei debilis est.

Alio insuper modo passio frigoris in principio paroxyismi creari potest. Si è glandulis obstructis, fermento alteratis, communicetur per neruos succus non absimilis spiritui vitrioli, vt mox insinauimus, & supponamus, in medulla spinali sales vrinosos ab arterijs relinqui, qui cum ammoniacam naturam retineant (ex vrina enim confici ammoniaci sales solent) commisti cum spiritibus calchantinis, ibidem efferuescentiam gelidam producere possunt, vt experimur, apud nos ebullire talem miscellam cum ingenti frigiditate. Vtroque igitur modo effici potest passio rigoris, tremoris, & frigoris, præcipuè in regione spinalis medullæ vnà cum torpore spirituum, & pulsus paruitate, eo quòd languido motu cor pungitur, nec talis gelida ebullitio subito euanescit, sed poterit per vnâ, vel alteram horam produci, quia è locis distantibus per canales vasorum possunt sensim instillari, & misceri prædicti succi, & quia interim spiritus, seu succi neruei in motu constituti, rapido impulsu ob aperturam ostiolorum nerueorum ibidem desinentium, & sua acredine cor irritare possunt, necessariò pulsationes continenter augendo, duplici nomine ardentem feruorem creant: primò, quia sales nitrosos diffundunt, & partim expellunt intrâ venas: secundò, quia sanguis  
acuto

acuto pulsu cordis, vehementissima commotione, & circumductione per vniuersum corpus diffusus, creare potest caliditatem, & feruorem paroxysmi febrilis, vt ex dictis colligitur.

Cap. 21. De  
motu exca-  
descentiæ  
febrilis

## P R O P O S. CCXXIX.

De causis symptomatum febrilem paroxysmum  
concomitantium.

Ne dum initia paroxysmorū, sed progressus quoq;  
& accidentia omnia febrilem motum concomitantia animaduersione digna sunt, tum propter se ipsa, tum etiam, vt theoria à nobis tradita pluribus testimonijs, & argumentis fulciatur.

Et primò, superuacaneum non erit, rationes afferre signorum, seu passionum præcedentium paroxysmum, vt sunt somni inquieti, perturbationes, vertigines &c. Quia proximè ante paroxysmum licet glandulæ non turgeant, tamen abundant succis fermentatis, qui aliqua ex parte cerebrum, mediantibus neruis; infectare possunt, & sic somni turbari. Eadem ratione perturbationes contingunt, quia spiritus, seu succi neruosi infectati, neque motiones, neque sensationes consuetas debito ordine, & quiete perficere possunt. Hinc pariter vertigines, & oculorum corrugationes originem ducunt, nempe ex cerebri, & spirituum perturbatione inchoata. Oscitationes verò, quæ sunt lenissimæ conuulsiones, constat, à mordicatiunculis neruorum fieri posse. Patet igitur, quòd ab eadem vnica causa, nempe à procemiali læsione neruosi succi, & cerebri hæc accidentia produci possunt :  
quæ



Cap. 21. De  
motu excā-  
descendit  
febrilis.

quæ postea insigniter aucta excandescuntiam febri-  
lem creat.

Inchoato deinceps paroxysmo, sæpè vomitus bilio-  
si fiunt, quia in rigore, & tremore febrili, ab iisdem  
succis nerueis acredine coinquinatis membranæ to-  
tius corporis conuelluntur, præcipuè stomachus, pyro-  
lus, & colidocus, qui neruis abundant: & ideo spas-  
mo cōtractis, bilis è felleo meatu cōpresso expellitur  
in duodenum, & hinc in stomachum, & tandem per  
os eijcitur.

Præterea præcordiorum æstus ferè intolerabilis,  
licet immediatè à vehementissimo motu sanguinis  
pendeat, vt dictum est, mediata tamen causa est  
mordicatio facta à succis nerueis acribus intrà mu-  
sculum cordis, vnde pulsationes tam vehementes  
fiunt.

Sitis ardentissima, & inextinguibilis, ne dum à  
calore, sed præcipuè producitur ob particulas acres,  
& salinas, quibus glandulæ copiosissimæ linguæ, fau-  
cium, oesophagi, & oris ventriculi infarciuntur ob iam  
dictam obstructionem, & fermentationem, quæ neruos  
ibidem desinentes, & papillas neruosas linguæ cor-  
rodunt, lacerant, & pustulosas, nigras, scabrasque,  
in acutis præcipuè reddunt. Digna ramen animaduer-  
sione est diuersitas huius operationis ab illa, quam  
piper, & sales acres linguæ, & faucibus obuoluti  
producunt. Hi enim sitim quoque grandem excitant,  
sed sine oris ariditate, imò, sputum copiosissi-  
mè prouocant, contrà febris. Quæ diuersitas præ-  
clare confirmat veritatem nostræ Theoriæ; quia si va-  
sa excretoria, scilicet ductus salinales glandularum  
oris in febricitantibus non fuissent obstructi, necessa-  
riò,

riò sales mordicantes neruos ibidem desinentes, deberent profluuium saliualem prouocare, vt in sanis contingit; Igitur ariditas illa, & siccitas maxima oris febricitantium suadet, quòd verè ductus excretorij glandularum obstructi sunt, vt supposuimus in nostra theoria. Incidenter tamen noto, quòd vulgo à fuliginosis vaporibus è stomacho ascèdentibus nigrorè linguæ fieri censent; quo nihil insulsius dici, aut excogitari potest.

Cap. 21. De  
motu exçā-  
descentiæ  
febrilis

Quoad dolores, præcipuè capitis, in febribus facilimè saluantur in nostra sententia. Quia à salinis succis acribus, & pungitiuis, per neruos excurrentibus, possunt membranæ, & nerui mordicari, & præcipuè in cerebro, vbi sensu exquisitissimo donantur, & proinde dolores, & spasmos possunt afferre.

Quòd tantopere vires debilitentur, & lassitudines spontaneæ in febribus contingant, facilè ex nostra sententia deducitur. Quia læsio fit in neruis, & ideo dissipantur, lædunturque spiritus, seu succi neruei, qui sunt substantiæ exiguæ molis, sed impetum facientes in animalibus; non autem in sanguine existunt, eo quòd phlebotomia etià liberalis nil ferè debilitat, nisi maior pars sanguinis euacuetur.

Vigilia, & deliria, quæ paroxysmis associari solent, eadem facilitate in nostra sententia saluantur; ambæ enim hæ operationes fiunt in cerebro à succis acribus, & pungitiuis id irritantibus, & perturbantibus ordinatos motus spirituum.

Syncopes multis modis fiunt, licèt ab eadem causa immediatè, sed in febribus, de quibus in præsentia agimus, pendent à mordicatione oris ventriculi ob copiam neruorum trunci sexti paris ibidem desinentium

Cap: 21. De  
motu excā-  
descētia  
febrilis

tium, vnde cerebrum, & cor afficiuntur: talis mordicatio fieri potest à quolibet succo acerrimo, à venenis, à lumbricis, & alijs eiusdem generis, et ab eadem causa cardialgia producitur.

Motus conuulsiui in paroxysmis ægrè saluari possunt, nisi in hac nostra theoria; nam, vt certi aliqui muscoli tensissimè contrahantur, non consentiente voluntate, fieri non potest, nisi ob acredinem, & pungitiuam naturam, quam spiritus, & succi effundunt è neruis intrà eosdem musculos, & eos irritando, motus illos inuoluntarios producant.

Postremo loco in acutis, abscessus in glandulis maioribus, & exanthemata mirificè nostram sententiam comprobare videntur; quia succi neruei tanta malignitate, et venenositate affici possunt, vt excreti in glandulis maioribus, vel in papillis cutis, abscessus, et cancrenas efficere possint; quod contingere solet, non in principio febris, sed post quàm confecti sunt aliquot paroxysmi, scilicet postquàm ab effluuio sanguinis vehementer circulati deostruuntur orificia neruorum intra glandulas desinentium, vt mox ostendemus.

### P R O P O S. CCXXX.

Causa diminutionis, et terminationis febrilis afferatur, et alterationis vrinæ.

Producto paroxysmo ad excessum feruoris eius, debemus iam declarare, quare, et quomodo idem ipse minuitur ordinato decremento vsque ad totalem eius extinctionem. Quia ob turgentiam glandularum,  
vel



vel ob visciditatem in eis contentam , obstruuntur orificia neruulorum ibidem desinentium : ex quo fit , vt succi neruei retenti , et malè affecti fermententur , et neruulos pungant ; et idcò cerebrum , et postea cor irritando, febrilem motum producant . Igitur vigente , et perseverante febris, necesse est , vt sanguis vehementer ab arterijs intra glandulas impulsus, sua feruida fluiditate, et rapidissimo attritu abluat , abradat, tollatque obturamenta corrosiva , quibus ostiola neruulorum intra glandulas disseminatorum obstruebantur , et etiam aperiant aliqua vasa excretoria . Ex qua apertura sequitur , vt succi neruei acres, fermentatique, non ampliùs impediti, effluere , excernique è neruis intra glandulas possint , et hinc partim intra venas emitti in easdem glandulas desinentes . ( iuxta naturæ leges, quæ venas ad excipiendos succos destinavit ) partim verò excerni queant per vascula excretoria, nuper aliqua ex parte destructa . Dum igitur sensim è neruis expelluntur prædicti succi fermentati, et acres, qui irritando, causa febris fuerant , necesse est, vt continenter excandescencia febrilis mitescat, et minuatur : et tandem completa exoneratione neruorum , et expurgatis à farcina acrium succorum, cessabit necessariò irritatio , et commotio vehemens musculi cordis ; et proindè quies eius, et finis paroxysmi febrilis subsequetur .

Sed ne quis putet, neruos à succis fermentatis, acribusque expurgari omninò non posse per effusionem eorundem intrà glandulas , nisi spiritibus omnibus effusis, vt nerui exinaniti, et exucci fiant ; hoc enim sine animalis interitu fieri non potest ; Cogitandum potius est, non totam massam succorum nerueorum

Cap. 21. De  
motu exca-  
descentiæ  
febrilis

Cap. 21. De  
motu ex cā-  
descendē  
febrilis

æquæ, et vniformiter contaminatam esse debere, ad instar dolij aceto opplerti, è quo acredo tolli non potest, nisi totum acetum effundatur, eiiciaturque; sed potius sicuti fæces vini, & flegma à sulphureis, & oleosis partibus separata in fundo vasis subsidentia, commodè educi è vino, & ab oleo possunt per foramen in fundo dolij apertum; sic quoque succi acres fermentati subidere possunt in infimis partibus neruorum propè glandulas obstructas, & proindè ab apertis orificijs eorum effluere possunt, remanente reliqua massa spirituum nerueorum syncera, & à salibus non coinquinata.

Quòd verò aliundè cor irritari possit, licèt actu non tangatur à salibus acris in remotis partibus neruorum sepositis, facile suadetur. Quia nerui eius naturæ sunt, vt mordicato vno eius extremo termino, sensus dolorificus in loco distito percipiatur: sicut læsa spinali medulla ob contusionem, aliquando in genu, & crure dolor perceptus est; pariterque intima fouea auriculæ vellicata, excitatur læsio, & commotio in septo transuerso, & in musculis intercostalibus, à quibus vehemens tussis efficitur. Idemque innumeris alijs exemplis comprobari posset.

Quare manifestum est, quòd ex nostra theoria facile adæquata ratio reddi potest diminutionis, & extinctionis paroxysmi febrilis.

Pariterque resolui potest hoc aliud Problema: Quare initio morbi vrinx non sunt alteratæ, sed post primum, & secundum paroxysmum suam malitiam ostendunt? Ratio desumi posse videtur ex eo, quòd ante primum paroxysmum succi salini, qui sunt fermentum febrile, non in venis, sed intra glandulas ob-

obstructas , & deinceps intrà neruos detinebantur, & ideo mirum non est,urinam à sanguine separatam immunem esse ab impuritatibus in sanguine non adhuc existentibus , sed postquam confecto paroxysmo prædicti succi salini è neruis intrà venas magna ex parte exonerantur , necesse est , vt aquæ sangninis serositates à prædictis salibus inficiantur , imprægnenturque , vt aquæ natura exigit; proindeque urinæ ostendent malitiam, & corruptelam à dictis salibus dependentem .

Cap.21. De  
motu excā-  
descentiæ  
febrilis

## P R O P O S . CCXXXI.

Quomodo paroxysmus febrilis denuò renouari possit post certa, & determinata tempora .

In præcedenti iam diximus,quomodo paroxysmus febrilis diminui , & tandem , in intermittentibus, omninò remitti , & extinguì possit . Restat modò difficillimus nodus dissoluendus,quomodo , & quare post certa , & determinata tempora paroxysmus renouari possit , vt nimirum exactiùs , quàm horologium, statim temporibus redeat ; cuius phænomeni tam ardui latent adhuc intimæ, propriæ , & immediatæ causæ ; quare contenti erimus coniecturis illis generalibus , quæ subodorari possunt . Quia completò vno paroxysmo,subsequens renouari non poterit , nisi denuò reliquæ fermenti , & humor viscidus aucti , multiplicatique obsruant secunda vice excretoria vasa , & repleant , & pungant orificia neruulorum earum-



Cap: 21. De  
motu ex cā-  
descentiā  
febrilis

dem glandularum . Et completo primo paroxysmo, cessat effluxus vehemens sanguinis , à quo ostia glandularum patula , & aperta retinebantur . Et aliundè reliquæ fermenti in glandulas noua elaboratione succos viscidos , & acres aduenientes fermentant : ergo ab ijs vasa excretoria , & postea ostiola neruorum secunda vice infarciri , obstrui , & pungi poterunt . Modò certum est, vniuersam hanc operationem fermentatiuam , & obstructionem vasorum in glandulis fieri , & absolui debere certo , & determinato tempore , non in instanti ; siquidem succus fermentatiuus , & viscida materia esset in omnibus febribus eadem , eiusdem acredinis , & consistentiæ ; & vasa eodem modo disposita in eisdem glandulis proculdubio semper eodem tempore talē operationē complerent ; proindeque in omnibus febribus tempora intermitentiæ essent æqualia inter se . Porro cum videamus, inæquales valdè inter se esse durationes intercapedinum paroxysmorum , vt nimirum à principio vnus ad initium alterius subsequenti intercedant horæ viginti quatuor in quotidianis , & horæ quadraginta octo in tertianis, atque horæ septuaginta duæ in quartanis, fatendum omninò est , vim fermenti , & materiæ visciditatem in hisce diuersificari eadem proportionē temporum inæqualium , quibus operationes illæ febriles complentur . Et quidem ex vulgari opinione talis differentia in quatuor humoribus alteratis , & fermentatis ponitur , vt nimirum longa intercapedo inter antecedentem , & subsequentem paroxysmum in quartana dependeat ab inertia , & torpore humoris melancolici , frigidi, atque terrei ; è

con-

contrà brevius interstitium in tertiana pendeat à mobiliori qualitate flauæ bilis calidæ, et igneæ; & maior frequentia paroxysmorum in quotidianis à nobilissima sanguinis natura aerea, & viuiddiori producat. Sed quia tota hæc doctrina de quatuor humoribus, eorumque proprietatibus, & operationibus merito antiquata, & reiecta est, cum ne dum nullis firmis rationibus fulciatur, sed prætereà phænomenis febriliū nullo modo satisfacere queat, ideo alia hypothesi hoc problema resolvere tentabimus.

Cap. 21. De  
motu excā-  
descendæ  
febrilis

Aduerto igitur, quòd licet plurimis modis saluari possit inæqualitas intercapedinum paroxysmorum, ille tamen seligendus mihi videtur, qui ne dum omnibus phænomenis satisfaciat, sed etiam omni ex parte congruat, facilis quoque, & simplicissimus sit.

Is porrò, ni fallor, talis erit. Diximus, quòd nisi orificia neruorum obstruantur, punganturque, paroxysmus exacerbari non potest. Igitur si secunda obstructio, & vellicatio fieret non prius, quàm exactis horis 24. vel 48. aut 72. horis, deberet tot horis præcisè retardari excādescencia secundi paroxysmi. Quia verò causæ obstruentes, & irritantes orificia neruorum in glandulis desinentium, non sunt aliæ, quàm succi visceri, & lenti, & acres in glandulis collocati, Igitur si prædicti succi talem consistentiam haberent, vt obstructiones perficere possent temporibus inæqualibus superius expositis, deberent effectus febriles ijs inæqualibus temporibus fieri.

Videndum modò est, quomodò consistentiæ succorum viscerorum differre possint in quæsita proportionē. Hoc autem non videtur difficile: si enim in tribus

Cap: 21. De  
motu excā-  
descendētiæ  
febrilis

bus cyathis infundantur æquales partes aquæ v. g. in singulis libra vna ; et in primo misceantur sex vnciæ farinæ , aut alteriùs pulueris gluten efficientis : in secundo vase misceantur vnciæ tres farinæ ; in tertio vase duæ vnciæ tantùm . Manifestum est, athomos farinæ spatium eiusdem molis aquæ occupantes, non æquis interuallis à se inuicem distare posse ; eo quòd sex vnciæ farinæ continent duplo maiorem granulorum farinæ multitudinem , quàm eiusdem tres vnciæ habent : Et ideò athomi huius duplo interuallo ab inuicem recedunt, quàm athomi illius . Hinc fit, vt in descensu farinæ ad vasis fundum gluten eiusdem consistentiæ conficiatur temporibus inæqualibus, nempe duplo citiùs in eo cyatho , in quo farina duplo copiosa fuerit . Supponamus modò, quòd gluten primum contingat canalem aliquem , vinum lentissimo , & torpidissimo cursu effluentem , eumque obstruat spatio vnus horæ, ibidem nimirum eiectis , & coagmentatis particulis glutinosis . Patet , quòd gluten secundum semissem dosis materiæ obstructioni aptam habens , tardiùs eundem canalem obstruet , nempe duplo tempore ; tandem gluten tertij vasis, cuius materia glutinosa subtripla est primi , & subsexquialtera secundi glutinis, obstruet eundem canalem longiori tempore, scilicet triplo primi, et sexquialtero secundi . Hoc igitur cum lumine naturæ fieri posse constat, planè in casu nostro excandescentiæ febrilis, omninò illi exposito exemplo simili, idem fieri posse probabiliter conijcere possumus . Nam ab orificijs neruulorum in statu quietis effluunt succi neruei torpidissimo cursu intrà glandulas . Ergo materia viscida , et  
acris



acris, contingens prædicta ostiola, dum turgere ob fermentationem, facile insinuari potest, obstruere, et pun- gere illa ostiola, et hoc absolui deberet temporibus reciproce proportionalibus consistentiæ glutinis, scilicet eius, quam habent materiæ moles admixtæ, gluten efficientes. Quare in quotidiana illa materia V. g. vnius scrupuli admixta, si obstructionem complere poterit post horas 24. in tertiana subduplum molis eiusdem materiæ obstructionem complere poterit post horas 48. et in quartana subtripulum prioris materiæ obstructionem complebit post horas 72. et tantumdem dilatari intermittentiæ, seu distantie inter primum, et secundum paroxysmum. Et hæc generalia circa hoc problema mihi coniiciendo dici posse videntur.

Progrediendo postea ad febres continuas, hæc quidem non videntur differre ab intermittentibus, nisi in perseverantia continua excandescentiæ febrilis crescentis, aut decrecentis per easdem periodos quotidianas, aut tertianas. In hisce continuis febribus duæ actiones contrariæ supponi debent simul operantes, una est ipsius glutinis fermentati, quod ob eius copiam, et malitiam potest perpetuò obstructionem, irritationem, et puncturam neruulorum in glandulis moliri maiori, aut minori celeritate pro inæquali vi, et copia eius. Alia est ipsius sanguinis agitatiō à febrili cordis commotione, à qua abster- guntur, deostruunturque continenter orificia neruorum, et excretoriorum canalium in glandulis de- finientium.

Insuper prædictas duas contrarias operationes hæc  
lege

Cap. 21. De  
motu excā-  
descendē-  
febrilis

lege absolui posse censendum est. Vt, postquam insignis illa turgentia glandularum, et acrium succorum copia (quæ in continuis febribus semper supponi debet) redacta est ad minimum gradum repletionis, tunc febris ad maximam declinationem reducitur: crescente postea materia glutinosa, et acri, crescit pariter turgentia glandularum, et febris similiter augetur usque ad summum eius statum. Hinc vehemens illa energia, qua sanguis concitatur, et fluit, abstergere, vel magna ex parte obturamenta neruorum tollere poterit. Quare succus acris incipiet effluere, et excerni neruis, et prout maior eiusdem copia expellitur è neruis, eò magis febrilis paroxysmus minuitur.

Modò, quia dum minuitur paroxysmus ob fermenti acris eiectionem è neruis, non cessat concursus nouæ materiæ viscidæ glutinosæ, et acris in glandulas immissæ ab arterijs, et vasis lymphaticis, nec vis fermentatiua in glandulis existens otiatur, hinc fieri potest, vt antequam imminutus ille motus febrilis omninò extingatur, et ad statum naturalis moderationis reducatur, interim succi illi glutinosi, et maligni in glandulis collecti, et fermentati nouam obstructionem efficere possint, replendo vasa excretoria, et orificia neruulorum pungendo, et mordicando: propterea, quòd diminutus ille paroxysmus lento motu sanguinem impellendo, nedum ob sui debilitatem ineptus est ad deostruenda omninò neruorum ostiola, sed nec impedire potest aduentum nouæ materiæ, et nouam eorumdem vasorum obstructionem. Quare necesse est, vt antequam primus paroxysmus omninò extin-

extinguatur, incipiat secundus, ob easdem causas renouatus. Et hæc mihi verisimilis causa esse videtur continuationis febris, vt vno paroxysmo non adhuc completo, & extincto, alius subsequatur.

Cap. 21. De  
motu exca-  
descentiæ  
febrilis

Non dissimulabo tamen, quòd si certum esset, vt vulgò asseritur, in febribus continuis periodos paroxysmorum complicari, vt præcisè inter se corresponsdeant, veluti sunt duæ Tertianæ, vel duæ, aut tres Quartanæ, non æquè faciliè id saluari posset in nostra Theoria. Sed forsan allucinantur hi, qui putant, paroxysmos inæqualium periodorum complicari inter se, vt animaduertit Doctissimus Vvillis. Error enim oriri potest ex eo, quòd numerantur dies, non verò interualla horarū inter binos paroxysmos proximè se consequentia. Verbi gratia, si interuallum sit duodecim horarum, vnum proximè fiet nocte, alterum die, & hæc non erunt duæ quotidianæ, sed potius febris vna semidiaria. Idem dicendum, si interualla hos terminos supra, & infra non valdè transgrederentur. Similiter si interuallum fuerit 16. horarum, complentur tres periodi febriles spatio duorum dierum præcisè non erunt duæ Tertianæ, sed vna periodus subsexquialtera diei. Pari modo, si interuallum sit 18. horarum, fient 4. periodi febriles spatio trium dierum. Et si interuallum sit horarum 40. fient tres periodi diebus quinque. Nō secùs ratiocinari possumus de intermedijs interuallis. Quare falsum esse potest, quòd in continuis plures febres complicantur, vel potius id ipsum in nostra hypothefi saluari posse videtur. Si enim verum est id, quod aliqui Medici se obseruasse aiunt, distingui febres complicatas, ne dum quoad tempora accensionum, sed etiam quoad symptomatū



Cap. 21. De  
motu excā-  
descentiæ  
febrilis .

varietatem . Tunc confidero , quòd, sicut videmus, ab apostemate extremi pedis febrem excitari , sic etiā fieri potest , vt in duabus glandulis insignibus fiant duæ distinctæ obstructions, quæ diuersis temporibus extremum gradum turgentia, & fermentationis acquirant, & ideò diuersis temporibus neruos, & cor iritent . Et sic saluari posse videtur , quòd duo paroxysmi habeant duas mineras, seu focos , qui diuersis temporibus fermententur, & accendantur .

### P R O P O S . CCXXXII.

De aliarum excandescientiarum, & symptomaticarum febrium causis .

Præter periodicas febres dantur aliæ excandescentiæ , quas omnes ab eadem causa superiùs exposita, produci posse ostendemus . Et primò animaduersione digna est febris catharralis , quæ à frigore improuiso produci solet , & multoties, si ob exercitium, aut moram in loco calidiori sudor excitetur , vt superueniat aura frigidiuscula, tunc quoque aer communis insensibiliter refrigeratus catharrum excitat . Pro expositione causæ , & modi productionis eius, supponendum est, ne dum in externa nostra facie, collo, & buccis adesse insignes, & innumeras glandulas; sed etiam vniuersā cutē totius corporis abundare exiguis glandulis, cum suis propaginibus neruorum, & tubulis sudorificis, vt clar. Malpighius , & alij recentiores Anatomici obseruarunt. Ergo à frigore superueniente, vel ab aura frigidiuscula , aut à vento necesse est , vt im-

pe-

pediatur effluuium, quòd ex canalibus excretorijs glā-  
dularum sudorificis, & transpirationi insensibili de-  
stinatis continuò egreditur, non secùs ac fluxus aquæ  
ex virgulis fonticulorum impeditur à venti contraria  
percussione. Quare succi, & particulæ, quæ à fonticulis  
cutis exilire debuerant ibidem coercentur, aut  
sistuntur: & ideò cohiberi, & fixari coguntur,  
Ex qua mora, & fixatione obstructio pororum subse-  
quitur. Porrò facta tali obstructione, reliqui succi  
neruei, & sudorifici, seu vrinosi in motu ad egredien-  
dum positi cohibentur, impediturque vltior eorum  
egressus; & ideò in glandulis coaceruati, eas turgi-  
das reddent, vt patet in tonsillis inflatis; deinceps re-  
trocedendo intrà neruulos, eosque obstruendo, oportet,  
vt fermententur, & ideò mordicatis neruis com-  
municari irritatio cerebro deinceps; & cordi potest;  
vnde pulsus celer, & caliditas febrilis oriri potest, vt  
priùs dictum est. Veritas huius Theoriæ meliùs con-  
firmabitur ex curatione catarrhi, vt inferius dice-  
mus.

Adest præterea alia perniciosissima ægrotudo, quæ  
vulgo vocari solet febris latens, & proditoria, in qua  
licèt pulsus bonus sit, & vrina laudabilis, nihilominùs  
æger moritur. Hanc profectò ægrotudinem febrem  
esse negarem; sed potiùs passionem similem ei, quæ à  
venenis producitur, quæ absque febre necem affe-  
runt; propterea quòd spiritum, vel succum nerueum  
tanta celeritate conturbant, alterant, & fixant, vt  
priùs vires consternant, & interimant, quàm agitatio-  
nem febrilem excitare possint. Quòd verò in hisce  
malignis ægrotudinibus, & in venenatis, neruei succi

Cap. 21. De  
motu excā-  
descendētiæ  
febrilis

Cap: 21. De  
motu excā-  
descendētia  
febrilis

sint malè affecti, & sanguis non sit coagulatus (vt aliqui somniauerunt) patet experimentis à nobis factis in Academia experimentalì Medicea in animalibus necatis à morſu viperæ, vel ab oleo tabaci, in quibus sanguis semper fluidus, & non coinquinatus ad eò repertus est, vt animalia illa veneno necata ab aliquibus comesta nullam noxam eis attulerint. Similiter in cadaueribus necatorum à malignis morbis sanguis quoque fluidus, & similis communi sanguini passim reperitur. E contra insigni læsione affici succum nerueum patet ex torpore, lethargo, paralyſi, conuulsionibus, delirijs, & abscessibus in emunctorijs.

Sequitur febris illa, quæ ethica vocari solet, quæ non est periodica, sed lenta excandescētia perpetuò vigens; solet tamen post cibum, vigorem, & feruorem reassumere maiorem, quia nouus chylus in stomacho, pyloro, & intestinis, inficitur salibus acidis, & deinde immixtus salibus lixiuialibus, quibus eorum glandulæ mesenterij abundant, feruorem, & ebullitionem, quamdam excitare possunt (provt eorundem uatura exigit) à qua cor mediantibus neruis mordicatus commotionem, ardoremque febrilem excitare potest.

Connumerari hic quoque possunt excandescētiæ podagricæ, & aliæ symptomaticæ, de quibus superius egimus, ostendimusque, omnes ab eadem causa immediate produci, nempe ab irritatione cordis, facta à succis nerueis acerbis;



## P R O P O S. CCXXXIII.

Cap. 21. De  
motu excā-  
descendētie  
febrilis

Quomodò febris omninò extinguitur, curetur-  
que, vt animal ad naturalem statum  
restituatur.

Quia remissio paroxysmi in intermittētibz est  
curatio quædam ad tempus; et causa, quare renoua-  
tur, est noua fermentatio, orta ex reliquiis fermēti la-  
tentis in glandulis; manifestè deducitur, quòd inte-  
gra, & absoluta curatio febris non prius continget,  
quàm omninò fermentum febrile tollatur, elimine-  
turque. Quomodò autem hoc consequi possit, non  
erit superuacaneum indicare aliquo exemplo, quòd  
est illud, quo familiaris febris catharralis curatur.  
Quia in hac febre cor vehementer agitatū, magno  
impetu sanguinem per arterias impellit; ergo vi im-  
petus, quo sanguis excurret, poterit abstergere gluti-  
nosa obturamenta in neruulis, & vasis excretorijs  
glandularum totius corporis, & præcipuè propè cé-  
rebrum existentium, vbi læsio principaliter residet.  
Porrò ablatis obturamentis è sudorificis, & ab amplis  
salinalibus canalibus in regione faucium, narium, oris,  
& pectoris, expurgari possunt succi neruei alterati, &  
fermentati, eiectionis nimirum impuritatis, aut con-  
temperatis; sales enim intrà venas magna ex parte  
amandari, & hinc per vrinas excerni solent, & reli-  
qua salia per vasa sudorifica, & per salinationem  
emittuntur. Hoc igitur modo, vel etiam contempe-  
ratis succis nerueis, vt naturalem suam dulcedinem  
acqui-

Cap: 21. De  
motu excā  
descendiæ  
febrilis

acquirant similiem ei, quam habet cerebrum, & medulla spinalis, tunc cessat omninò febris, & intemperies morboſa catharralis.

Hoc præclarè confirmatur ab excretionibus, quæ in fine morbi eiſciuntur; ſunt enim dulcis, & grati ſaporis ſimilis ei, qua cerebri ſubſtantia, vel ſpinalis medulla donatur, cum initio morbi acres, ſalfæ, & corroſivæ excretionibus eſſent.

Eodem planè modo febres reliquæ omninò curantur, cum nimirum vaſa excretoria glandularum intrà viſcera, & in extrema cute exiſtentium deoſtruuntur, & fermentum, in glandulis exiſtens, partim eiſcitur per ſudorem, aut tranſpirationem inſenſibilem, partim contemperatur, partim effunditur per venas, & hinc paulatim cum vrinis expurgatur, aut contemperatur ab adueniente ſucco chileſo benè temperato.

Hinc deduci poſſe videtur, quòd febres nunquam, aut rarò curari queunt ob copioſas humorum purgationes, & eiſtiones, cum fermentum febrile exigux molis eſſe ſoleat; quòd euincitur ex curatione febrium cum rigore adueniētium à radice febrifuga, ab India nuper adueſta, quæ abſque vlla eiſtione, aut per alium, aut per ſudores, vel per vrinas febrem tollit. Et ideò ſufficit, vt puſillum illud fermentum aliquando extrà neruos aſportetur, eiſciaturque, aut cum alijs humoribus miſceatur, confundaturque, aut eius motus fermentatiuus, ſiſtatur, torpeat, aut commutetur. Quod euidenter ſuadet ex eo, quòd pertinaciſſimus morbus quartanæ aliquandò curatur à ſimplici opinione iræ, vehementis angoris, aut timoris: cuius ratio eſſe videtur, quia motus vehemens, &

con-

concitatissimus spirituum , seu succorum nerueorum perturbare, sistere , et commutare potest motum fermentatium eorundem succorum , & sic introducto nouo motu, febris omninò eliminari potest .

Cap. 21. De  
motu exca-  
desce ntia  
febrilis

Hæc quidem febrium curatio , quæ vt plurimum spontaneo naturæ motu perfici solet , tamen artificio periti Medici secundum artem operantis , adiuuari posse naturæ conatum omnes vno ore fatentur . Verum remedia , quæ ab arte adhiberi solent, valdè incerta , & ambigua sunt , vt peritiores , & doctiores Medici syncerè fatentur : & licèt euentus aliquandò vsum præcipuorum medicamentorum comprobare videatur , tamen casuale , & fallacissimum est , quia vt plurimum febres sunt salutare , in quibus, siue Medicus benè , & secundum artem , siue malè , & perversè , siue nil omninò operetur , nihilominus ægri perfectè conualescunt : Ergo in hoc casu, cum operationes , & medelæ diuersæ , & inter se contrariæ æquè iuuamen afferre videantur , quomodò fundamentis tantopere fallacibus , et vacillantibus inniti poterimus ?

E contrà aliquandò febres sunt adeò prauæ, vt quælibet medicamenta adhibita , aut non iuuent, aut noceant, ex quibus deducitur, tutius esse sine vrgenti necessitate ab omni medicamento artificiali abstinere .

Non is tamen sum, vt omninò Artem Medicam , vt inutilem , aut noxiam damnem, & proscribere velim . Scio in tanta ambiguitate ( dummodò præiudicia remoueantur ) bene posse diuturna , & sagaci observatione quàm plurima medicamenta certò comprobari, ita vt semper, aut frequentius iuuent. Et hoc experien-



Cap. 21. De  
motu excā-  
descendē-  
febrilis

perientia quotidiana patet; his planè prudenter, & debita cautione vti poterimus.

Verùm, vt ad propositum redeam, intentio principalis Medici in cura febrium (vt ex dictis colligitur) esse debet, vt obstructions vasorum excretoriorum tollantur, & sales fermentantes contemperentur adhibito cibo, & potu tenui, et aquoso; eo quòd salium separatio ab humoribus, et expulsio frustra speratur, cùm sales succis glandularum semel imbibiti, et incorporati ægrè possint ab illis secerni, & eijci. Videmus enim ab aqua marina non posse, nisi distillatione dissoluta aqua in vapores sales separari, et non omninò: potius igitur prædicti sales contemperari, et dulcorari possunt, vel admiscendo fluida menstrua appropriata, vel adhibendo salia contraria, vt experimur in aqua forti, quæ acredine salina vitrioli, et aluminis componitur, est adeò valida, vt possit argentum corrodere, et dissolvere in atomos minutissimos; huic verò aquæ forti si addantur sales ammoniaci multò magis acres, quàm sint vitriolum, et alumen, ne dum vim maiorem corrodendi non acquirit, sed è contrariam vim, quàm habebat, amittit, adeò enim retunditur, & debilitatur, vt nequeat amplius argentum corrodere. Similiter mistura salis nitri, et sulphuris accensibilis est, et addito sale ammoniaco accendi nequit. Alibi postea sal prunellæ ex eisdem nitro, et sulphure combustis compositum, inflammationes tollit, et fusionem succorum coagulatorum promouet. Sal quoque, & pulvis cornu cerui, et cancerorum acedinem acidissimam retundunt, et tollunt; et id ipsum acetum distillatum plumbo affusum, dulcedinem

fac.

faccaro similem acquirit. Ex his ergo, & ex alijs exemplis, quæ adduci possunt, constat, ac redinem salinam fermenti febrilis retundi; dulcificari, & destrui omninò posse ab alijs salibus admistis contrariæ naturæ.

Cap. 21. De  
motu excâ-  
descentiæ  
febrilis

Postremò loco aliquid de vsu phlebotomiæ dicendum videtur, quam aliqui summopere laudant, alij vt perniciosam vituperant. Hanc ego censeo parum iuuare, & parum nocere posse: si enim tam proficua, & laudabilis esset, proculdubio in maiori proportionē ægri conualescerent in Gallia, & Hispania, vbi ab omnibus febricitantibus sanguis educitur, quàm in Italia, & in alijs locis, vbi nunquam sanguis emittitur. E contrà, si tam noxia esset, in maiori proportionē ægri in Hispania, & Gallia interirent, quàm in Italia: Cum igitur neutrum verum sit, fatendum est, neque noxam, neque iuuamen notatu dignum asferre.

Præterea, quòd Phlebotomia vires non prosternat educendo spiritus, & balsamum vitale, constat experiētia in hæmorrhagijs, & liberalibus sanguinis effusionibus in sanis, & ægris, in quibus vires non prosternuntur, nisi exangue ferè corpus remaneat.

Experimenta postea, quibus vsus phlebotomiæ, vel non vsus comprobatur ab aliquibus, nil probare posse videntur; propterea quòd verificantur in febribus salutaribus, in quibus leuia errata nil nocent: sed eo ipso, quòdeductio, & noneductio sanguinis aduersantur sibi ipsis, & vtramque proficuam experiri, manifestè indicant, fallaces esse, & in eis locum habere paralogismum, quòd ex non causa, vt causa appellatur.

Cap. 21. De  
motu excā-  
descentiæ  
febrilis

Negari tamen non potest, aliquando phlebotomiam iuuare, aliquando verò noxam afferre: in aliis quibus verò Epidemijs omnes ægri, in quibus sanguis eductus est, intereunt: è contra in alijs constitutionibus phlebotomiæ proficiuæ, & salutare sunt. Quare dari possunt casus, in quibus noceant, & in quibus proficiuæ sint: si hoc enim verum non esset, non semper, vel non vt plurimum verificaretur.

Causa verò, quare aliquando phlebotomia iuuare potest, forsan est, quia in fine cuiuslibet paroxysmi succi acres, & maligni è neruulis glandularum intra venas effunduntur, à quibus malsa sanguinea contaminatur, nec omninò per renes expurgari potest; quare per phlebotomiam eijciuntur cum sanguine succi illi acres, & hi qui in sanguine remanent, contemperari possunt à chilo superueniente, à quo facilè, & citò sanguis reficitur, & renouatur.

Licèt igitur sanguis alteratus non sit causa prima, & immediata febris, non tamen puto nullam noxam afferre, potest enim multis modis animalis oeconomiam perturbare, & ideò reductio sanguinis ad bonam habitudinē, & temperiem, curationem valdè promouere potest.

Aliquandò phlebotomia utilis esse potest, quia alterato consueto sanguinis motu, contingit, vt in cerebrum, & neruos nouus motus introducatur; & ideò fermentatiua, & morbosa agitatio perturbari, & in melius commutari potest. Hoc quidem confirmari potest, ex eo quòd multoties hemorrhagia sistitur per educationem sanguinis è vena secta. Similiter tussis asmatica suffocatiua, vel Epilepsia per phlebotomiam medicatur.

Alte-



Alteratio verò motus , qui in sanguine ob phlebotomiam fieri potest , est acceleratio motus eius in arterijs , & retardatio eiusdem in venis . Quia dum sanguis egreditur è vena secta, non impeditur aduentus , & excursus sanguinis in arteria contigua , & ideò celerius excurrere poterit : eo quòd antea ipsamet copia per vias obstructas tardo motu migrando impedièbat , vetabatque exitum aduenienti sanguini . E contrà, toto tempore, quo sanguis effluit ab incisa vena à vulnere ad proximum truncum Cauæ non subministratur sanguis , et ideò ne dum ob copiam diminutam , sed etiam, quia non vrgetur , vt priùs, reliquus sanguis Cauæ tardiùs , & minori impetu ad cordis dextrum vètriculum perducetur. Ex hac , inquam, alteratione motus sanguinis consequi potest in ipso cerebro , & neruis aliqua perturbatio, cum à qualibet minima motiuncula, spiritus, seu succi neruei affici, et vellicari possint, et nouo rithmo commoueri queant .

Cap. 21. De  
motu excā-  
descendē-  
febrilis

Porrò prædicta perturbatio motus spirituum non est necesse , vt in motionem ordinatam naturali, salutiferoque statui conformem desinat , cum multoties possit in deterius commutari ; et sic aliquando sanguinis missio adeò noxia esse potest, vt necem afferat .

Non secùs medicamenta purgantia per aluum , & per vomitum possunt aliquando iuuare , aliquandò nocere ; attamen ex vi rationum vulgaris scholæ certè nunquam iuuabunt, quia humores copiosi , & prauis non sunt causæ febrium , sed potiùs exiguum fermentum in neruis è glandulis communicatum :

Cap. 21. De  
motu excā-  
descendē  
febrilis

hoc autem non video, quomodo catarthicis remedijs excerni possit, quia putare, quòd pharmacum vi quadam electiua, et attractiua, veluti magnetica, ex confusa massa humorum secernat, colligat, et asportet succos aliquos prauos, relictis alijs omnibus salutaribus, videtur somnio simile. Potius dicendum, quòd catarthica acredine, et venefica vi, qua pollent, agunt mordicando membranas stomachi, et intestinorum, quæ se contrahendo exprimunt succos in vasis excretorijs glandularum, atque in vasis sanguineis contentos, eosque intrà intestinorum cavitatem effundunt: eodem propemodum modo, quo Piper, et quælibet salia corrosiua, linguæ, et faucibus obuoluta copiosissimam saliuam excernunt. Hinc inferre licet, quòd in prædictis purgationibus expelluntur humores omnes in prædictis vasis existentes, siue boni, et vtilis, siue prauis sint; et hoc nomine vtilis, et noxia esse potest talis expurgatio.

Verum tamen est, quòd ex vehementissima commotione, quam afferunt catarthica, potest motus fermentatiuus febrilis adeò alterari, vt in melius, aut in deterius commutetur; et sic casu pharmacum aliquandò proficuum, aut noxium esse potest. Nihilominus in periculosissimis egritudinibus expedit potius aleam dubiam, et periculosam tentare, quàm certò interire.

Alio nomine Catarthica proficua esse possunt, quia venefica vis salina eius contundere, contemperare, et dulcificare potest salia fermenti febrilis, (vt ex superiùs dictis colligitur) non secùs venenositas Chantaridum in vesicantibus eadem ratione aliquando

quandò proficua esse potest : sed hæc omnia non carent incertitudine; imò multoties fieri potest, vt valdè noxia sint .

Cap: 21. De  
motu excā-  
descentiæ  
febrilis

Verùm si hæc , quam exposuimus, febrium Theoriam, falsa , et erronea non est , scilicèt, si non valdè à ianua aberrauimus , non diffitemur , quòd progressu temporis certiora aliqua febrium medicamenta reperiuntur ab eruditis , et sagacioribus Medicis .

Partis Secundæ Finis .

INDEX



# I N D E X

## C A P I T V M,

## ET PROPOSITIONVM,

Quæ in hac Secunda Parte.

De Internis Animalium motionibus, earumque immediatis causis continentur.

### C A P. I.

**D**E modis, & operationibus mechanicis contractionis musculorum. Pagina 1

Prop. 1. Si funis tracti clauo affixi à potentijs æqualibus trahatur, suprema pars corrugabitur. 2

2. Musculus non contrahitur, tractus sicut pondus per funem 3

3. Fibra, vel arcus contrahibilis clauo affixus, nō potest eleuare pondus, & decurrari altiùs, quàm absque pondere. 4

4. Id ipsum fieri non potest,

nisi à potentia externa, quæ quadrupla sit ponderis appensi. 5

5. Musculus, quando iubente voluntate ingentia pondera suspendit, non contrahitur à vi propria machinularum, ex quibus fibræ, ad instar arcus tensi, contrahuntur. 6

6. Vis ingens contractiua vitalis musculorum nō quiescit, nec cessat ab operatione, quia ab obstaculo impeditur, nec agit quando impedimentum à voluntate tollitur. 8

7. Musculi iussu voluntatis nō ten-

tenduntur, induranturque  
ob quietem partium eorū.

Pag. 12

8. Nec iisdem contrahuntur  
per arefactionem similem  
ei, quæ in pilis torrefactis  
contingit. 14

9. Funis clauo affixi, & à pon-  
dere appenso tenſi, ſi pars  
intermedia à duabus poten-  
tijs alternè torqueatur, per  
directiones parallelas, bifar-  
riam angulos funis ſecātes,  
Potentiæ ad pondus, erunt  
vt quadruplum ſinus ſecun-  
di ſemianguli flexionis fu-  
nis ad ſinum totum. 16

10. Iisdem poſitis. Si funis  
corrugatio compleatur, vt  
directiones ſint parallelæ,  
potentiæ oppoſitæ corru-  
gantes quadruplæ erunt  
ponderis ſuſpenſi. 18

11. Iisdem poſitis. Si in fune  
plures corrugationes ſiāt,  
omnes potētiae corrugan-  
tes ad pondus ſuſpenſum,  
erunt, vt multitudo corru-  
gationum quater ſumpta  
ad vnitatem. 18

12. Muſculi contractio vitalis,  
non fit per corrugationem

fibrarum, vt in Lumbricis  
apparet. 20

13. Artificium mechanicum,  
quo Lumbrici repunt, &  
eorum corrugatio eſt effe-  
ctus contractionis inter-  
norum muſculorum eorū-  
dem Lumbricorum. 22

Digreſſio. Quomodo lingua  
Pici prolixa exeratur, &  
retrahatur. 24

14. Muſculi non contrahuntur  
per condensationem &c.  
Et muſculi durities, & tē-  
ſio fit per inflationem. 26

15. Muſculi contrahuntur vi-  
tali motu ingenti vi, quia  
eorum fibræ à corpore ad-  
ueniente inflantur, tam-  
quam à cuneis. 29

## C A P. II.

De cauſis non veris contra-  
ctionis muſculorum, quæ  
ab alijs adductæ ſunt. 31

16. A facultate incorporea  
naturali muſculos imme-  
diatè non moueri. 32

17. Neque ſpiritus, ſeu aura  
corporea, vt aer eſt, mu-  
ſculos vitali actione mo-  
uere poteſt. 34

18. Nec à ſucco, aut ſanguine

- ne musculi porositates inflante, fieri potest eorum vitalis contractio. 36
19. Musculi contrahi motu vitali non possunt à sanguine impulsio à vi motiva cordis. 41
20. Causam contractionis funis madidi inquirere. 46
21. Musculos non inflari, & contrahi vitali motu à sanguine violenter immisso, eodē modo, ac funes madidi contrahuntur. 50

## C A P. III.

De causis probabilibus vitalis contractionis musculorū. pag. 55

22. Ad musculorum contractionem vitalem faciendā duæ causæ requiruntur, quarum vna in ipsis musculis existat, altera forinsecus adueniat. 56
23. Structurā fibrarum, nervorum, earumque vim, & operationem inquirere. 57
24. Succus nervus à voluntate instillari potest intra musculos. 59
25. Peritiam habitualement, qua spiritus animales determi-

- natos nervos in cerebro agitant, non natura, sed exercitio, & experientia acquiri credibile est. 60
26. Sanguinem esse alterum elementum ad inflationē musculorum efficiendam. pag. 62
27. Neccessitas, & modus mechanicus, quo ebullitio, & intumescencia in musculis fieri potest, declaratur. 63

28. Difficultatibus, quæ contra expositam theoriam adduci possunt, satisfit. pag. 66
29. Neccessitas, & ratio mechanica, quare debilis illa ebullitio in musculis facta immensam vim exercere valeat. 73

## C A P. IV.

- De motionibus internis animalis, & primò de circulari motu sanguinis. 76
30. Circulationem sanguinis dari alij ostenderunt. 76
31. Sanguis motus est continuus, licet in corde sit interruptus. 77
32. Ratio mechanica continuati



nuati cursus per venas, exponitur. 79

33. Exponitur causa promotionis sanguinis in venis. pag. 81

34. A sanguinis motu circulari conseruatur eius crassitas. 83

35. Enarrantur præclari effectus, qui à velocitate circulationis sanguinis producuntur. 85

36. Quare cursus sanguinis reiterari debet. 87

#### C A P. V.

De corde, eiusque pulsatione. 88

37. Cordis structuram exponere. 88

38. Actionem musculi cordis enarrare. 91

39. Arithmetice proportionalem termini, minores decrescunt in maiori proportionem, quàm termini minores. 92

40. In circulis arithmetice proportionalibus, series sunt inter se, vt circuli medij arithmetici. 92

41. Duæ spirales, immediate se consequentes, sunt vt

peripheriæ mediæ arithmeticæ inter circulos extremos cuiuslibet spiralis. 93

42. Spiralium se consequentium minimæ propinquo- res in maiori proportionem decrescunt, quàm remotiores. 94

43. Glomus circa vesicam reuolutus si humectatus repleat cauitatem, internæ spinæ corrugationem patientur, non externæ. 95

44. Mechanica operatio, qua cauitas glomi madefacti repletur. 96

45. Iisdem positis. Omnes internæ spiræ glomi corrugari debent inæqualiter, semper magis, quo magis centro approximantur. 98

46. Iisdem positis. Externa figura glomi madefacti, nec augeri, nec constringi debet. 98

47. Si glomus ex pluribus filis constet, sequitur idipsum, quod in prop. 45. & 46. 99

48. Musculus cordis inflatis fibris. Cauitas eius replebitur inuariata superficie.

- externa. 100
49. Restrictio ventriculorum cordis, non fit à contractione fibrarum eius. 101
50. Cordis cavitates stringuntur, non decurtantur. 103
51. Exponitur ratio mechanica eiusdem operationis. pag. 104
52. Actio propria musculi cordis, est compressio ad instar præli, facta à fibrarum inflatione, à qua exprimitur sanguis in ventriculis contentus. 105
53. Quare cordis humani mucro pectoris partem sinistram pulsatur. 109
54. Actio, & usus auricularum cordis, earumque valvularum. 111
55. Earumdem operationum causas mechanicas reddere. 112
56. Si funis cylindro compressibili circumductus contrahatur uniformiter per totam eius longitudinem, erit potentia funem contrahens ad resistantiam cylindri, ut semediameter eius ad funis circumferentiam. 117
57. In duabus libris (Tab. 17. Fig. 5.) FB, & BH se tangentibus in B, quarum centra C, D, sint radij CB, BD æquales, & FC maior, quàm DH &c. 120
58. Vis, utrem aqua plenum stringens ad resistantiam aquæ, per fistulam ei annexam expulsæ, est ut amplitudo tubi ad amplitudinem fistulæ. 121
59. Et vis Embolum impellens ad resistantiam aquæ præexistentis, et impulsæ, est ut amplitudo tubi ad amplitudinem fistulæ. 122
60. Et si fistula mollis sit. Potentia embolum impellens ad vim, qua aqua impulsioni resistit, unà cum vi, qua fistula dilatationi resistit, est, ut rectangulum sub longitudine, et latitudine fistulæ dilatatæ, ad quadratum motus emboli. pag. 123.
61. Idem, si fistula aliquā molem aquæ continere supponatur. 125
62. Si intra fistulam durā plenam

- nam aqua , embolo noua  
 aqua immittatur, exilit è  
 foramine fistulæ moles a-  
 quæ æqualis ei , quæ adiū-  
 cta fuerat . 127
63. Et si fuerit mollis non exi-  
 bit veloci fluxu . 127
64. Et maior copia aquæ in-  
 eadem fistula , excessus  
 exhibit. 128
65. Et si ex fistula turgescita ,  
 aqua exierit, si euacuatur,  
 ab alia causa fit. 129
66. Methodus indagandi vir-  
 tutem motiuam musculi  
 cordis . 130
67. Vis motiua fibrarum cor-  
 dis per se considerata,ma-  
 ius pondus suspendere  
 posset, quàm 3000. libr.  
 pag. 132
68. Arteriæ , completa pulsa-  
 tione , non remanent san-  
 guine exinanitæ . 135
69. Motus , quo sanguis fluit  
 in arterijs, ter velocior est  
 eo , quo cor mouetur, im-  
 pellendo eundem sangui-  
 nem. 137
70. Potentia constringens vē-  
 triculos cordis subsesqui-  
 altera est resistentiæ,quàm
- sanguis compressus exer-  
 cet . 139
71. Vis,quam patitur sanguis  
 in ventriculis cordis con-  
 tentus ab eiusdem com-  
 pressione, æqualis est vi ,  
 quo idem sanguis ad instar  
 emboli impellit sanguinē  
 intra arterias contentum,  
 ad cuius resistentiam est ,  
 vt 1. ad 49. proximè. 140
72. Vis motiua absoluta cor-  
 dis musculum constringēs  
 ad totalem vim,qua sāguis  
 in arterijs expulsionī resi-  
 stit, se habet , vt 1. ad 60.  
 pag. 142
73. Vis motiua musculi cordis  
 suo momento superat resi-  
 stentiam totius sanguinis  
 arteriarum , & fasciarum  
 earundem dilationem im-  
 pedientium , est maior vi  
 ponderis lib. 180000. 143
74. In qualibet pulsatione  
 cordis , aut integra moles  
 trium vnciarum sanguinis  
 à corde immissi , aut eius  
 portio expellitur extra ar-  
 terias à vi motiua,diuersa  
 ab embolo cordis. 143
75. Compressio , & restrictio



arteriarum , est causa expellen sanguinem extra arterias per earum orificia.  
pag. 145

76. Si potentia cordis, nedum maximam arteriarum dilatationem produxerit, sed insuper portionem aliquā immissi sanguinis extra arterias expulerit, maiorem resistantiam superabit, quā pondus lib. 135000. 148

#### C A P. VI.

De causis, motum cordis efficientibus. 150

77. Immediata causa motiua cordis non differt ab ea, quæ musculos artuum mouet. 151

78. Causa prima, & mediata motionis cordis differre videtur ab ea, quæ musculos artuum agitat. 152

79. Motus cordis fieri posse organica necessitate, vt automa mouetur. 153

80. Possibile est, cordis motum fieri ab eadem facultate animali cognoscitiua, sed sine aduertentia, ob consuetudinem habitu acquisitam. 158

#### C A P. VII.

De Motu Respirationis. 161

81. Exponuntur phænomena, quæ in motu respirationis obseruantur. 162

82. Aer, & Pulmones non sunt causæ effectiuae respirationis, sed merè passiuè cōcurrunt in tali actione. 165

83. Causa efficiens inspirationis, est vis musculorum, qua ampliatur cavitās pectoris, & pondus, atque vis elastica aeris. 166

84. Motus inspirationis fit à musculis intercostalibus, & à diaphragmate simul operantibus. 167

85. Si duo termini (Tab. 18. Fig. 3.) A, & C arcus semi elliptici ABC parieti FH affixi fuerint, & planum ABC inclinatum fuerit ad planum parietis FH; si trahatur arcus sursum, versùs perpendiculum à B ad E. Dico, quòd cavitās eius in E magis recedet à pariete, quàm in B. 171

86. Si eiusdem arcus (in ead. fig.)

- fig. ) alter terminus A affixus fuerit parieti immobili IF; & reliquus terminus affixo ligno amouibili GC; & cavitās arcus B trahatur per directionē BM efficientem angulum acutum MBD. Dico, quod terminus C recedet ab A, & quod C eleuabitur versū M. 172
87. Si plurium arcuum ( Tab. 18. Fig. 4. ) semiellipticorum extremitates A, D, H columnæ firmæ PS, & extremitates CEI ligno amouibili QR affigantur &c. Dico, quod cavitās semicylindrica ABC IML amplior efficietur; & cessante tractione spontē redibit ad pristinam formam angustam. 173
88. Iisdem positis ( Tab. 18. Fig. 5. ) si insuper in aduersa parte eiusdem plani PR, affigantur eodem modo, & ordine alij arcus AFC, DNE, HGI. Dico, quod cavitās cylindrica ABMGFC ampliabitur. pag. 174
89. Iisdem positis ( Tab. 18. Fig. 5. & 6. ) Dico, quod in utroque latere perimetri arcuum aliquando parum, aliquando nihil inter se approximantur, & lignū IC sensibili spatio ascendet versū Q, & recedet à columnā firmā PS. 175
90. Contractis musculis intercostalibus, vnā cum diaphragmate, necessariò pectoris cavitās ampliari, & aer inspirari debet. 176
91. Non completur actio inspirationis à simplici receptione aeris intra pectus amplificatur à musculis intercostalibus, & diaphragmatis; sed præterea requiritur noua actio compressiua, facta à resiliōne costarum. 178
92. In expiratione placida, & naturali non eijcitur aer à vi motiua vllorum muscutorum, sed consequitur ex quiete, & defectu actionis muscutorum intercostalium, & ex relaxatione diaphragmatis, & ex rimę epiglottidis dilatatione. pag.

pag. 180  
 93. Expiratio violenta adiu-  
 uatur à compressione co-  
 starum, & à musculis ab-  
 dominis. 181

94. In expiratione non eua-  
 cuantur pulmones omninò,  
 sed semper in eis remanet  
 non exigua moles aeris .  
 pag. 182

95. Varia structura thoracis ,  
 & modi respirandi in di-  
 uersis animalibus confide-  
 rantur . 184

### C A P. VIII.

De usu respirationis prima-  
 rio. 187

96. Respirationem institutam  
 non esse ad refrigerium, &  
 ventilationem flammæ, &  
 caloris cordis. 187

97. Expiratio instituta non  
 est ad expellendas fuligi-  
 nes genitas ab igne in cor-  
 de existente. 192

98. Duo aggregata corpuscu-  
 lorum diuersorum exactè  
 inter se commisceri non  
 possunt, nisi contrarijs mo-  
 tibus agitentur, vt possint  
 particulæ vnius intra alte-  
 rius aggregati particulas

insinuari. 194

99. Iisdem positis, ab iisdem  
 motibus contrarijs mistio-  
 nem efficientibus, ipsamet  
 mistio destrui potest, nisi  
 adsit alia causa vñionem  
 conseruans. 195

100. Si vna pars sacci à gra-  
 nis albis occupetur à ni-  
 gris, poterunt alba, &  
 nigra granula commisce-  
 ri à varia, & multiplici  
 sacci compressione, & cō-  
 tusione. 197

101. Si pars extrema eiusdem  
 sacci ( Tab. 18. Fig. 8. )  
 FEDC fuerit tenax, &  
 dura, Dico, quòd globi  
 albi in ABCF contenti,  
 quātumuis comprimantur,  
 numquam cum ni-  
 gris misceri possunt. 198

102. Iisdem positis (in eadem  
 Fig. ) si saccus in ED  
 perforatus fuerit, & in di-  
 rectum continuatus. Di-  
 co, quòd albi globuli  
 compressi in ABCF non  
 commisceantur cum ni-  
 gris existentibus in FC-  
 DE. 199

103. Si in canali ( Tab. 18.  
 Fig. 9.



- Fig. 9.) AC stricto, & molli adsint duo liquores distincti, albus AC, & niger GD, & ex vna parte DC pateat exitus, ex altera claudatur in AB. Dico, quod à contusione, & cōpressione canalis non cōmiscentur liquores. 200
104. In amplis canalibus exitum apertum habentibus aliqua perturbatio, & mistio fluidarum partiū fieri potest, nulla verò in strictis canaliculis. 201
105. Si infundibulum conicū, subdividatur in plura alia infundibula, & intra maius infundibulum clausū in postrema eius basi immittantur separatim fluores, vel grana alba, & nigra, & comprimantur. Dico, quod inter se non commiscentur. 203
106. In eodem infundibulo ramificato si ponātur grana alba commista nigris, Dico, quod à repetitis contusionibus granicula alba à nigris separari possunt. 204
107. In eodem infundibulo duo diuersi fluores misti, ope contusionis, possunt quidem subdividi in minimas particulas, & aliquando etiam mistio dissolui potest. 206
108. Est impossibile, vt in pulmonibus partes sanguinis etherogeneæ, quantumvis contusæ, misceantur exactè inter se. 207
109. Respiratio, et motus pulmonum sanguinis, prauā, & confusam misturam dissoluunt, in partes minimas eū diuidendo. 209
110. Vita animalis non pendet totaliter, & absolute à respiratione, quatenus sanguinis circuitum adiuuat. 210
111. Præcipuus vsus respirationis non est transfusio sanguinis à dextro ad sinistrum cordis ventriculū. 212
112. Aer per respirationem receptus est causa potissima vitæ animalium. 213
113. Per respirationem aeris particulas sanguini commisce-

- misceri posse . 216
114. Aeris particulas sanguini immistas non augere eius fluxilitatē, nec producere effervescentiam in corde ob vim eius elasticam, aut nitrosam eius naturam . 219
115. Exponitur ratio mechanica continuæ motionis tremulæ, quam aer sanguini immistus producere potest . 223
116. Commistio aeris per respirationem intra sanguinem immissi, vitam animalium producit, & conservat . 226
117. Quare foetus post exitum respirationē inchoet, eamque perpetuò exerceat . 229
118. Problematis Hauueiani solutio affertur . 231
119. Ratio affertur, cur aer diù cohibitus in pulmonibus, æqualem angorē, & molestiam suffocatiuā. & tandem mortem inducat, ac impedita respiratio . 232
120. Ratio exponitur, quare, & quomodo in aere rarissimo, aut vacuo, subitaneus animalium decubitus, & interitus contingit. 235
121. Ratio affertur, quare in motu concitato, & laborioso musculorum anhelitus contingat, & concitetur . 238
122. Ratio affertur, quare in laborioso, & difficili conatu musculorū spiritus cohibetur . 240
123. Quare in aere rarissimo laboriosa motio musculorum anhelitum efficiat, ostendere . 242
124. Quare, & quomodo aqua in pulmonibus immissa animalia suffocat. 244
125. Afferuntur verisimiles causæ suffocationis, quæ varijs modis ab aere crasso, & nimis condensato produci solent . 246
126. Memorantur ab alijs tradita. De origine qualitatum . 249
127. Exponuntur organa, & operationes mechanicæ, quibus mistiones efformari

mari possunt in plantis ,  
& animali . 251

128. Sanguis, confecto itinere circuitus per vniuersū corpus animalis, reduci-  
tur ad cordis dextrum  
vêtriculum valdè defor-  
matus , & ineptus nutri-  
tioni . 254

129. Exponitur mechanica  
operatio , qua comple-  
tur constructio sanguinis  
in vena pulmonari. 255

130. Lactis structura exami-  
naturex analysi eius. 257

131. Sanguinis Anatomia per  
distillationem facta infi-  
da esse videtur. 261

132. Analysis sanguinis in  
suas partes integrales, &  
forma cōpositionis eius  
inquiritur. 264

#### C A P. IX.

De sanguinis expurgatione in  
renibus. 268

133. Renes non conferre im-  
mediatè ad vitam ani-  
malis. 268

134. Necessitas copiosæ po-  
tionis exponitur. 269

135. Opificium fermentatio-  
nis separationum expo-

nitur . 272

136. Fermentatiua separatio  
nō in fistulis strictissimis ,  
sed in vasis amplis fieri  
potest . 275

137. Separatio fluidorū æthe-  
rogeorum ope fermē-  
tationis nō momentaneo,  
sed tardo motu , & diu-  
turno tēpore perfici po-  
test : nisi fluida valdè e-  
xaltata, & spirituosa fue-  
rit . 277

138. Possibile est, vt operatio  
separationis humorū æ-  
therogeneorū simul mi-  
storum absque vlla fer-  
mentatione, solummodo  
necessitate mechanica à  
vasorum exiguorum con-  
figuratione perficiatur .  
pag. 278

139. Serum à sanguine in re-  
nibus non separari per  
fermentationem . 281

140. Serum vrinosum à sāgui-  
guine in renibus separa-  
tur necessitate mechani-  
ca à vasorum angustia, &  
configuratione. 284

141. Contrariæ sentētiae affe-  
runtur, & reiiciūtur. 286



142. Aliæ obiectiones resol-  
uuntur . 289

C A P. X.

De Hepatis vfu. 298

143. Memorantur ea, quæ præ-  
clari Scriptores de stru-  
ctura, & vfu Hepatis tra-  
diderunt . 298

144. Glandularum structura,  
& mechanicus earum ope-  
randi modus exponitur.  
pag. 299

145. Bilis ex sanguine in Ie-  
core separari potest arti-  
ficio mechanico absque  
auxilio alicuius fermenti.  
pag. 303

146. Totius massæ sanguineæ,  
in vnica eius circulatio-  
ne, solummodo vna pars,  
quæ minor est vigesima  
quinta illius, per Iecur  
transit . 305

147. Bilis, quæ in Iecore col-  
ligitur à vasis biliarijs, nō  
videtur separari posse à  
massa sanguinea extra  
abdomen existente . 306

148. Bilis, quæ à Iecore ex-  
primitur ieiuno ventre,  
spatio vnus diei, sedecies  
maior est ea, quæ in

massa sanguinea existit.  
pag. 307

149. Tanta copia lib. 32. bi-  
lis non generatur ieiuno  
humano ventre per fer-  
mentationem . 309

150. Eadem massa succi bilio-  
si à Iecore expulsa, per  
actō circulari motu, sæ-  
pius reducitur ad locum,  
à quo discesserat . 310

151. Bilis circulatio non vi-  
detur fieri posse transla-  
ta bile per cor sanguini  
arterioso commixta, sed  
solummodò per abdomē.  
pag. 311

152. Quærentur ductus, &  
modi, quibus circulatio  
bilis per abdomē fit. 311

153. Necessitas, & vsus præ-  
dictæ circulationis bilis  
exponitur . 315

C A P. XI.

De Auxu substantiæ spirituosæ  
per neruos . 317

254. Ad opus nutritionis ani-  
malis concurrunt succus  
nerueus vnà cum sangui-  
ne . 318

155. Spiritus per eosdem ca-  
nales nerueos contrarijs

motibus agitari . 319

156. Non fieri contrarias actiones ad intra, & ad extra per nervos à facultate incorporea, nec à concussionibus fibrarum tenfarum . 320

157. Exponitur artificium mechanicum, quo succus spirituosus per eodem ductus nervos ad extra, & ad intra agitari potest. pag. 321

158. Succum nervorum nutritivum, diversum esse à spiritibus, qui animales functiones locomotivas, & sensitivas exercēt. 324

159. Inquiruntur viæ in ipsismet nervis, per quas succus nervus transmittitur à cerebro ad reficiendas partes animalis. 326

160. Exponitur motus contrarius succi nervi ad cerebrum. 328

161. Exponitur ratio mechanica celerissimi motus succi nervi à cerebro descendētis, & ad ipsum recurrentis. 331

162. Effusionem succi nervi

à cerebro pro nutritione animalis fieri tempore somni, eiusque causam esse . 332

163. Ratio affertur, quare in somno non impeditur motus cordis . 336

164. Ratio adducitur, quare non impeditur motus respirationis in somno. 338

165. Quare inter dormiendum, aliquando motus artuum sunt, inquirere. 339

## C A P. XII.

De succo spirituofo seminali, eiusque genesi, motu, & natura . 340

166. Testiculorum structura, nuper reperta, exponitur . 341

167. Inquiritur structura ductuum seminalium . 343

168. Elaboratio succi genitalis inquiritur . 344

169. Testiculorum substantia, & organicam structuram similem cerebro quodammodo esse. 346

170. In actu generationis, è cerebro spiritus animales ad testes transfudi grādi copia, & impetu. 348

171. Succus spirituosus in testibus elaboratus, est potentissimum elisir, seu balsamum, ne dum proficuum, sed etiam animū, & corpus generantis augens, & perficiens. 350
172. Succus spirituosus in testibus elaboratus, diffunditur ad vniuersas corporis partes solummodò per neruos. 352
173. Circulariter quodāmodo spiritus in animali moueri ad instar sanguinis. pag. 355

## C A P. XIII.

De Generatione, & Vegetatione Plantarum. 357

174. In semine cuiuslibet plantæ adest exigua eiusdem speciei plâcula perfectissimè exarata. 357
175. Thermometri Sanctiorij constructio, & operatio ad plantæ vegetationem cōducens, declaratur. 358
176. Caudex plantæ abscissus, & aquæ immersus videtur nutriri, & augeri eadem mechanica necessitate, qua supradictum

Thermometrum aquam exugit. 359

177. Exortus, & generatio plantæ ex suo semine, quo ordine fiat, exponere. 360
178. Aquam esse succum nutritium plantarum. 362
179. Succus aqueus non videtur transformari posse in plantam à virtute succi fermentitij in ea, vel in eius semine existente. pag. 365
180. Confectionem succi nutritij Plantarum compleri debere à structura cribrosa vasorum earū. 370
181. Præcipuam causam vegetationis plantarum esse aerem. 371
182. In plantis quoque peragi aeris respirationem quādam imperfectam, à qua earum vita pendet, & cōseruatur. 376

## C A P. XIV.

De Animalis generatione. 378

183. Ad generationem concurrunt semen virile, & ouum à muliere efformatum. 378



184. Semen virile non facū-  
dat ouum vi quadam in-  
corporea, aut sua aura,  
vel afflatu, sed contactu,  
& mitione corpusculorū  
eius. 379

185. Totalem organicam ani-  
malis constructionem in  
ouo non à sola matre gi-  
gni, sed à paterno femi-  
ne præcipuè efformari.  
pag. 383

186. Coniectio modi mecha-  
nici fœcundationis oui,  
& quare id non expergi-  
scitur, nisi excitetur à  
fœtu, vel impulsu exter-  
no. 387

#### C A P. XV.

De insensibili transpiratione.  
pag. 391

187. Innititur præclara Do-  
ctrina Sanctoriij experi-  
mentis comprobata de  
insensibili transpiratio-  
ne. 391

188. Necessaria est insensibi-  
lis transpiratio, vt vita  
animalis cōseruetur. 392

#### C A P. XVI.

De nutritione animalium. 394

189. Enumerantur operatio-

nes præparatoria, quibus  
cibaria à natura in chilū  
transformantur. 394

190. Ventriculi carnosī auium  
structura, & operatio ex-  
ponitur. 395

191. Coniectio ingentis fa-  
cultatis motiua ventri-  
culi carnosī auium. 397

192. Animalia aliqua sola are-  
nosa terra nutriri viden-  
tur. 398

193. Animalia aliqua, & plā-  
tas sola aqua forsan nu-  
triri posse. 400

194. Suspiciari licet, animalia  
pennata in sui nutrimen-  
tū assumere lapillos, quos  
tam auidè vorant. 401

195. Cur animalia perfecta,  
herbis, frugibus, & ani-  
malium carnibus nutriū-  
tur. 493

196. E duabus fistulis molli-  
bus, inæqualiter amplis,  
æquè turgidis, & ab ea-  
dem potentia compressis,  
effluent eodem tempore  
duæ moles fluidæ inæqua-  
les inter se in eadem pro-  
portione, quam habent  
orificia. 404

197. Ex vena splenica sanguinis moles egrediens, ferè quarta pars est fluoris è vena mesenterica, expulsi eodè tempore, quo fit vna circulatio sanguinis. 405
198. Per venam mesentericà refluit copia humoris ter, vel quater maior, quàm fit sanguis, qui ab arteria fœcia mesenterica eodè tẽpore missus fuerat. 406
199. Chili portionem aliquã de Iecur per venas mesenterica deferri posse. pag. 407
200. Sanguinem vnà cū succo nerueo, esse materiã immediatam, qua animalia nutriuntur. 409
201. Innuitur mechanica operatio nutritionis. 411
- C A P. XVII.
- De fame, & sitis. 412
202. Causæ famis, & sitis. 413
203. Causã sitis indicare. 414
204. Modum, quo fames, & sitis eximuntur, & causam subsequentiis sensus iucundi exponere. 415
- C A P. XVIII.
- De motibus dolorificis. 417
205. Causa præcipua doloris,

non est diuisio continui. pag. 417.

206. Causa præcipua doloris non est dissolutio compositionis, & texturæ fibrarum neruearum. 419
207. Præcipua, & immediata causa doloris, videtur esse vellicatio facta in neruis, cuius mechanica operatio exponitur. 420
- C A P. XVIII.
- De lassitudinis molestia. 422
208. Quomodo passio lassitudinis à sola spirituũ dissipatione producatur. 423
209. Quomodo ex læsione organorũ passio lassitudinis dolorifica oriatur. 424
210. Quare stando, magis defatigamur, quam deambulando, rationem reddere. 426
211. Quare vehementes, & inusitati motus inducunt dolores articulorum, & musculorum, causa conijcitur. 430
- C A P. XIX.
- De motibus conuulsivis. 431
212. Conuulsio non fit à neruorum contractione, aut relaxatione. 431

213. Spasmus fit à contractione inuoluntaria musculorum, facta à mordicatione morbifica neruorum. 432

## C A P. XX.

De tremore animalium. 434

214. Quomodò voluntarij tremores fiât in animalibus, exponere, 434

215. Quomodò inuoluntarius tremor fieri possit à relaxatione, & constrictione machinularum, quibus fibræ musculorum componuntur. 435

216. Quomodò defectus viriû tremorem inducat. 437

217. Quare tremor, & frigiditas tremorê inducat, exponere. 438

218. Causam tremoris morbi-  
fici, qui in Paralyfi, febri-  
bus, & senio contingunt,  
exponere. 439

219. Torpedinis vim stupefa-  
ctiuâ, & Hystricis tremo-  
rem exponere. 441

## C A P. XXI.

De motu excandescentiæ fe-  
brilis. 443

220. Vulgata febris definitio  
affertur, eiusque defe-

ctus insinuantur. 443

221. Non à foco, vel fermento in corde existente, febris accenditur. 445

222. Non accenditur febris à sanguine alterato, fermentatoque, neque ob mordacitatem eius cor irritatum febrilem excandescentiâ efficit. 446

223. Non accenditur febris à chilo alienæ naturæ à sanguine, qui fermentationem, ebullitionemque eiusdem sanguinis inducat. 451

224. Experimentis comprobatur, quòd sanguis alteratus à caliditate, putredine, vel ab admixtione salium, aut sulphuris, febrem nō producat. pag. 455

225. Spiritus, seu succi nervei solito redditu aciores, neruos, & cor irritantes, sunt causæ productiuæ primæ, & immediatæ excandescentiæ febrilis. pag. 460

226. Quomodò succus nerveus fermentatus, & acridine



dine affectus cordi communicari queat, ad febrem concitandam. 465

227. De loco, & causis, quibus succi nerui alterantur, ut febres periodicas producere possint. 469

228. Ratio exortus paroxysmi febrilis, aut semper calentis, aut primò gelidi, & postea feruentis exponitur. 473

229. De causis symptomatum febrilem paroxysmum concomitantium. 477

230. Causæ diminutionis, & terminationis febrilis affertur, & alterationis vrinæ. 480

231. Quomodo paroxysmus febrilis denuò renouari possit post certa, et determinata tempora. 483

232. De aliarum excandescendarum, & symptomaticarum febrium causis. 490

233. Quomodo febris omninò extinguatur, cureturque, ut animal ad naturalem restituatur. 493

## F I N I S.

MLKIGECA






Fig. 1.

R




R


TABVLA  
PRIMA.




R




R




R



R




R




R



R



10.




R




# TABVLA SECVNDA.

Fig. 1.






# TABVLA TERTIA.




# TABVLA QVARTA.


Fig: 1.




2.



3.



4.




5.




6.




7.




9.



8.




10.





# TABVLA QVINTA.

Fig. 1.





# TABVLA SEXTA.

Fig: 1.





Fig. 1.

## TABVLA SEPTIMA.






# TABVLA OCTAVA.


3.

Fig: 1.






# TABVLA NONA.




# TABVLA DECIMA.






TABVLA VNDECIMA.






TABVLA DECIMA OCTAVA.




# TABVLA DECIMAQVINTA.













# TABVLA DECIMASEXTA.

Fig. I.





# TABVLA DECIMASEPTIMA.



TABVLA DVODECIMA.

6

C

Fig: 1


2

D

P

A


—B



Franc. Donia. sculp:




# TABVLA DECIMATERTIA





# TABVLA DECIMAQVARTA.

Fig: 1.





WZ 250 B7315dm 1680





Med. Hist.  
WZ  
250  
B7315dm  
1680

★ ★ ARMY ★ ★  
MEDICAL LIBRARY  
Cleveland Branch

